


四庫禁燬書叢刊編纂委員會

北京出版社

四庫禁燬書叢刊



集部第四七冊目次

歐虞部集十五種七十二卷附四卷(一)

〔明〕歐大任撰
清刻本

.....

歐虞部集十五種七十二卷附四卷
(一)

〔明〕歐大任撰

清刻本

北京大學圖書館藏

歐虞部集

百粵先賢志四卷

文集廿二卷

旅燕集四卷

浮淮集七卷

輶中稿一卷 廣陵十先生傳一卷

游梁集七卷

南翥集一卷

北轅艸一卷

麗館集四卷

西署集八卷

秣陵集八卷

詔歸集一卷

蘧園集二卷

都下贈言一卷

附李英集四卷

百越先賢志序

自昔列國史失其守乃有州郡
傳記行世如海南陳留之比大
桓各以所產名賢為宗略疏行
能用獎風教然未有內起吳會
外及交南地廣萬餘里人閭二

千年遠稽隱索名立實從如南
海歐先生楨伯百越先賢志云
始余見廣以東人物志間有名
籍史漢多曠每嘆其該洽可為
二京十三藩國志首今乃知其
勞勩一出楨伯質以是書則然

爾時楨伯尚在諸生列治經少
休即配周秦二漢書記覽之動
心曰士生當世未得託足乘輅
論心傾蓋便可恬然玩晨暘夕
毋希目前里兒爭試經高下已
哉它不敢慕會稽以南文趾以

北固古百粵地也所產先猷皆
吾同里論世尚及把書而是何
必車極馬跡周游四極意乃快
乎因錄貯篋徵見厥志乃後上
公車授任揚州入為太學廷尉
官屬至南虞部即歸當是時太

上將相最下山樵澤漁粗有名
字者近則就見事則禱授締交
英儒將徧海內實有于百粵回
視白者初志之初得毋太饒楨
伯志哉或謂志中九江南昌似
此粵來曰澤來山越士之歛番

序

于九南何嫌楨伯顧以有請續
漢後為問多自以晉廣建大非
漢舊復悉取而目之粵澤文拘
儒不駭壞焉則駭星分寧獨九
南間人賴伯殆姑試多聊不則
四十年前錄貯充篋豈僅四卷

為覽竟奉命附從子虞卿行且
叙維初初志本拍或如此

始安教弟張鳴鳳頓首拜

序

序

四

百越先賢志序

粵越一也禹貢周職方揚州外境五嶺至于海盡越之南裔始禹周行天下還越會計諸侯少康封庶子無餘於會稽以奉禹祀文身斷髮披草萊而邑焉無餘後二十餘世至允常子句踐竟滅吳稱王徙都瑯琊雄方國矣句踐六世至王無疆伐楚楚熊商敗之無疆去瑯琊止東武越遂散諸子或爲王或爲君濱於江南海上臣服於楚謂之百

越蓋揚州分野會稽以南星紀鶉尾實負南海羸秦滅楚王翦略取揚越漸爲三隄曰南海曰桂林曰象尉陀子孫歸漢合浦蒼梧鬱林交趾九真兼儋耳珠厓羆而九矣今自南越北屆姑胥盡會稽之境故夫越也東自無諸都東治至漳泉故閩越也東海王搖都于永嘉故甌越也譯吁宋舊壤湘灘而南故西越也牂牁西下邕容綏建故駱越也漢人謂越近海多犀角玳瑁

珠璣銀銅果布之湊豈但然乎
陽德之盛鍾爲人文衣冠禮樂
不於唐虞聲教暨南交始邪余
聞太史公曰越雖蠻夷其先豈
嘗有大功德於民哉夫句踐在
春秋書於越入吳夷之也其時
越之人蓋有爲苦身戮力溪謀
秘計以報羈栖之恥號令中國
而尊周室者卽秦漢以來騶氏
之爲無諸爲搖趙氏之爲陀爲
光越人左右毗贊之者不少至
劉氏東西二京功業文章之臣

出于越之南北七八千里薄海
至交州益多矣於是綜史牒按
遺佚自周迄漢百二十人荒渺
遼邈大賢小賢故備錄焉章武
黃初下逮唐宋別爲紀載不揣
漏略此則志百越先賢云

明嘉靖三十三年十一月長至
日嶺南歐大任序

百越先賢志凡例

一兩漢輿地志吳越之境皆會稽郡別爲丹陽豫章故會稽之越夏禹苗裔也星散之後爲王爲君長濱於江南海上百越之所繇名因其君長所居地實遠至南海桂林漢以後州郡分隸名以代殊今志人物原本百越按其實也廬鳳淮揚在漢爲東海臨淮二郡雖漢志盡屬吳分不得強同

一會稽秦置郡也地最廣斥漢分爲吳郡然地

百越先賢志

凡例

一

卽太伯吳國南方精華之學蓋有孔門之教焉

今志所載漢之會稽漢之南海人士居多諸郡

什一廣陵固有邵平徐璆淮陰固有韓信枚乘

舒六固有英布文翁沛上固有蕭曹諸人非可

因吳分而並存卽子游季札亦不錄也

一志內人物如隱逸方外俱依世代並與功業

文章之士皆曰先賢孔門且謂賢者識大不賢

識小皆爲可師故稱先賢非故襲襄陽者舊荆

楚陳畱先賢而爲斯編也

一百越人物年歷久遠前代記載詳略不同今

小善必錄不泯其名大賢功行卽馬班紀載或

刪繁一二固所不免志專於詳載故不加論贊

百越先賢志

凡例

十一

家虞部公傳

族曾孫必元謨

公諱大任字楨伯廣州順德人以歲薦起家歷仕至南京工部虞衡司郎中故又稱虞部公宋右文殿學士公十五世孫也父曰贈奉政公世元配孔太宜人於正德丙子孟冬二十五日實生公就館之夕紅光滿室太宜人心竊異之奉政公行淳篤有長者風而又好讀書所著沙洲稿行于世舉丈夫子四虞部公居長次公衡仲大鈞叔子明叔大

歐虞部集

謨季子經季大章皆翩翩不類田家兒獨公少時朗秀異常五歲奉政公口授之書輒成誦見客客使屬對必工九齡從里塾師日咕嚕習經生業已悉肱奉政公僉得五經檀弓左氏莊列屈原李杜諸家言旁讀二十一史奉政公奇其意弗禁也遂能爲聲詩藉藉傳里中而更精春秋公羊穀梁胡康侯傳就試有司俱第一人弱冠以儒生入棘闈試卷爲大叅項公所得大嘉賞識首薦于部使者曰毋論麟經可稱白晳卽二三場淹通今古恐亦

非帖括家所易得宜亟收衡文者竟以一二字違式見擯甚非項公意也項爲黃文裕公高足闡後竟持公卷以呈文裕文裕賞識如項公公始執羔鴈同梁比部公公實黎秘書公惟敬潘光祿公少承朝夕師事焉文裕賞公見所作南粵賦覽畢嗟嘆良久以爲莫及謂在孔門必登游夏之堂卽應漢科亦入董賈之室其見重如此餽虞學宮十餘年每試必冠軍督學林端簡公雲同張萊溪公希舉嘗合十郡異等十三試之俱以公爲第一人是

歐虞部集

時邑令莆陽方公君敬尤爲折節邀同郡丞陳公士鵠與其子督學公子及讀書署中制舉之外益發憤下帷遍考國家典故以及律呂天文輿地諸稗史嘗與修廣東通志多所考訂以補前人之缺其謨大司馬翁公萬達太守唐公守勳諸傳尤得班馬體裁纂有平陽家乘二十卷其自序嘗曰余歷述黃帝以來爲姓系紀以先人嘗志斯事世典譜牒論次舊聞網羅放失自金陵初遷苗裔綿遠宗法固存始祖之祀雖尊雄州而金陵以來世

次可紀大任於是遡觀昱公而下繫之國史以爲
世表明大宗之法使子孫萬世有所考焉我祖生
當衰曆唐自乾符以來江淮盜起至梁開平乾化
中楊行密父子僭據東南觀昱遷於此時甫自弱
齡兼羅茶苦未幾而金陵有徐溫李昇之亂中朝
人士往往避地嶺外王定保李衡周傑皆前代衣
冠之族乃不免爲劉隱所招禮獨我祖戢翼綿圃
潛鱗菱潭迨米之興始以其子策名上國受祿位
焉故由提舉學士以及武仙公入世簪紱不乏上

歐虞部集

三

舍公當宋末猶能與樂清劉黻吉水鄒鳳伏闕上
疏條陳政治得失劾賈似道專政誤國其言不用
歸構九峰書院聚徒講學著有詩文集十卷散佚
過半大任始輯其所存者三卷并理學簡言一卷
付之梓人非敢求行于世亦吾家之天球河圖也
夫公入戰棘圍俱弗獲雋當世廟癸亥春以明經
入貢需次于闕下一時天下郡邑士千八百餘
人待試大廷瞿文懿公景淳爲宗伯讀公卷大
驚曰此一代才也必當以古文詞登壇執苑特進

御覽列名第一都人士無論識不識無不知南海
有歐楨伯先生已值太倉相國王文肅公讀書中
秘固麟經宗匠深賞公經義延歸家塾與其弟督
學公元馭結社課文更索覽其所爲家乘而序之
語具詳序中甲子秋就大京兆試亦幾入彀而復
罷遂謁銓曹循資授直隸江都文學掾是時濟南
李觀察于麟瑯琊王司寇元美吳興徐方伯子與
武昌吳大叅明卿新都汪司馬伯玉豫章余憲副
德甫銅梁張大司馬肖甫上蔡張中丞助甫並建

歐虞部集

四

旗鼓雄視中原皆從郵筒中緘致詩札各頗得交
歡於廣陵開竹西社羣諸弟子陸無從弼及山人
茅平仲郭次甫程子虛李季常陸華甫吳叔承朱
仲開邵長孺吳虎臣康裕卿日相倡和王元美李
于鱗徐子與三先生又聯騎過訪其學宮首宿留
歡數日乃別題咏諸什幾與廣陵濤爭勝人皆誇
以爲盛事云雖不及追宗督學子相游而受命部
使者爲宗臣立傳李于鱗稱其有良史才洵不誣
也隆慶己巳漕運中丞方公濂首薦于朝遷河

南光州學正中州人士鮮有好學嗜古者公至光
晨夕進諸子弟誨以躬行品以經術然後旁及諸
子百家士始知力行慕古所歷中岳大河弔漢宋
故墟至今傳誦其光武廟朱仙鎮諸作可追風雅
遷邵武府教授以孔太宜人喪奔歸服除補南康
府未任卽擢國子監助教專以作人勸學爲本六
館諸生大半執經門下人謂韓愈四門胡瑗直講
不能過也值 顯皇帝幸太學賜衣一襲公賦臨
雍頌以紀盛事 上亦先聞公才名一日萬幾稍

歐虞部集

王

暇親瀝宸翰躬作不二二字賜之字大如斗筆法
道勁字畫楷整時 上猶冲齡也公日夕焚香披
對致政歸里日特築寶翰樓藏之以爲世珍時館
閣諸公稱詩者雲集 輦轂如許歙縣張新建沈
四明趙蘭谿四相國王定安劉邱任何信陽三宗
伯沈君典趙汝師王紱昌范伯楨黃懋中數太史
王奉常敬美方銀臺允治邱計部謙之邢侍御子
愿湯堯文章顯純兩國子李宛平襲美及吾嶺南
梁舍人思伯爭相把臂至郢中大司空曾公則最

爲暱好稱爾汝交其後有張羽王魏懋權喻邦相
沈純甫胡元瑞田子藝胡孟弢屠長卿郭建初莫
雲卿張元易馬用昭門人則程無過程虞仲潘子
朋詩僧如鎮繼正秀德清如序閒引爲方外友都
市詩壇會無虛日亦一時之盛也公有季弟入燕
訪兄亦以詩畫鳴得闌入社會稱爲大小歐其三
弟明叔公以諸生工詩律嗜酒早卽世仲則以詩
寄於商卒金陵公有文誄之曰三人儒業一人商
游商旣不遂儒亦未顯讀之令人酸鼻已卯改大

歐虞部集

六

理寺左評事公謂刑獄重典一成不可復變每巡
城御史及司寇卽論囚至必夜閱文卷朝審囚徒
有一可以平反者無不殫心細鞠其從輕出罪者
最多閹宦姪有殺人司寇以小火者抵罪公再三
難之會火者擊登聞鼓鳴冤比部四五曹卽先後
鞠審者固以嚴卿讞詞再至曰政府亦謂此蔽於
火者也公曰火者與其人毆於一月前及再毆下
手致命加功者非火者也豈得以受賄冤人大理
不知畏人只知畏三尺耳卒直之一日大理兩封

事人其一許戚晚家人論絞也中貴人自內出據中門受諸臣封事曰大理兩封且去公裂眦大呼曰大理臣奉 陛下法評當論奏誰敢阻却御前封事耶一時府部卿寺臺省諸臣同上奏者相顧吐舌權相當國足以奔走天下縉紳欲留公入爲兩制使所知諷意公引嫌遠避而南工部之命下矣初遷屯田司主事凡屯種廬課班匠按科籍理積弊稍稍釐正壬午轉虞衡司郎中諸軍器審治工作多與內府監局相連按以舊章所營造

歐虞部集

七

宮殿 陵廟城垣無不先備與同官祇役督修孝陵有白金文綺之賜鼎建玄武門竣工甲申秋年僅七十卽上書乞骸骨得允便單車就道已居金陵結有清溪社與臨淮李侯惟寅西寧宋侯忠甫誠意劉伯國禎顧司勳道行李司封于田劉大理長欽許奉常仲貽余太史孟祥郭水部相金臧博士晉叔余明府宗漢及孫齊之張幼于王伯穀殷無美金在衡汪仲淹俞仲蔚曹子念汪仲嘉梅禹金梅季豹黃白仲陸伯生周公瑕吳公擇沈士

範李季宣錢功父汪象初俞羨長胡茂承盛仲交汪禹父管樞圭諸先生爲詩酒會公飲不能梧勺然每夕讌集卽達旦不倦平生無媵與妾陳宜人夫妻相敬如賓自少出就外傳歸必揖兩尊人然後飯配室後夫婦出入必相揖所至宦遊必攜一老記室曰李生英亦能詩楚楚有聲於海內至今猶有誦李英詩者雖不能勝方回而度出蕭穎士杜亮上也由秣陵歸道經吳門訪王二仲于弇園入都數往來豫章其朱邸之交則宗侯用晦貞吉

歐虞部集

八

宗良孔陽巍甫佳甫弗斯同伯子深鬱儀諸先生歸就赤花洲上鑿池開徑秣杞菊以供賓客構清朗閣以藏積書雖至老非大寒大暑不輟卷絕不問家人生產田園無所增益於先人獨倡諸子弟設祭田建家廟祀奉政公及孔太宜人朔望禴祭一如家禮又設宗法立族老族正以率宗人冬至會三千餘衆瞻拜祠下衣冠雲集尤他族所難者鄉居罕入城市部使者藩臬郡邑諸大夫罕得覩公顏面督學就李郭公親造其廬偕入羅浮訪葉

民部化甫先生盤桓於四伯峰間遍爲題咏間爲赴浮邱社入五羊會省人士擁道而觀者皆稱爲神仙觀公溫然之容與藹然之度似無貴賤長幼俱樂與笑談然涇渭甚明門牆頗峻家食後非通家子弟與名士詞林不能輕入一刺在城則故人黎惟仁唐寅仲鄧君肅三先生及朱季美劉李德黎君璽劉道子蘇叔大潘子遷諸子餘外寥寥也居鄉則黃少嘉關伯玉李裕德關少璋黃元光族屬諸子如虞鄉華玉少功啓薦諸伯叔及先府君

歐虞部集

九

啓明招入蘧園談詩爲樂大有竹林風遠客則蕭陽吳山人元翰高涼李孝廉惟實過訪或徵詩或乞文者蹟相接而公應之裕如也七十餘猶矍鑠拜起如壯年歲時伏牖與宗黨燕會必劇歡卽童稚繞膝亦嬉笑盡日而去必元弱冠補諸生間得侍公杖履或同舟來城縱談竟日或讀余一二少時初作詩曰咄咄孺子可教爲之點竄一二語焉嗚呼今已矣哉公博洽不出文裕公下故其詩文大都典雅有法沉鬱而不鑿空非少年以汗血逞

者所著有百越先賢志四卷家乘二十卷廣陵十先生傳一卷思立堂集八卷旅燕集四卷輶中集一卷浮淮集七卷游梁集七卷南翥集一卷北轅艸一卷離館集四卷西署集八卷秣陵集八卷詔歸集一卷蘧園集十卷虞部文集七十卷行于世當世作者無不知有歐虞部詩文已但其胸羅典籍識豫經綸則未有窺之者余讀其在江都時所上兩淮屯鹽事宜曰私鹽不禁官鹽不行官鹽既平私取自息祖宗時商人支鹽本少利重民食賤

歐虞部集

一

鹽鹽竈有工本之給受惠甚厚私鹽豈能復行今客商用本既多支買歲久而官鹽貴矣竈丁每正鹽一引僅得賑銀五分而恩意薄矣此民間竈戶所以寧不畏法而願食賤鹽敢于私取也不求其本必欲盡法繩之朝鞭夕撻日亦不足徒苦肩挑背負易食小民耳必如明示倣工本鈔遺意官收竈戶餘鹽恩威並舉若爲令甲漸復舊制是謂澄源且兩淮鹽課除水鄉徵銀外三千場俱徵本色惟堯濱一場折色後白駒場准納折色五分西亭

場准納折色三分嘉靖十八年大水各場俱暫免納本色每引折價一錢四分其遞年總催拖欠折追價銀二錢自今言之其納本色不若折色爲兩利也納本色在竈丁則有蓆蓆之費風雨消耗之費吏胥常例之費合無比照兩浙見今事例俱納本色每引以二錢爲率量其場分豐歉價因低昂類解運司榜派扣商應納賑銀支給聽商賈自補庶竈商兩利而包賠之患可免矣屯田之弊莫甚於奪占清理既明必公于撥給今須查每衛指揮

歐虞部集

二

一員管屯軍若干千百戶每員各管屯軍若干某下該屯田若干頃畝又各官軍餘家人自耕種者若干頃畝年故者除新僉者補造立冊籍沿衛查清如多者卽屬占奪有軍無田者卽應撥給蓋聞國初屯田鹽法相爲表裏邊屯旣廣糧艸日賤商人中納本色飛輓易集此邊境所以富強而夷虜所以畏懼者也當事採之著爲令甲其在國子時所應詔上封事者有四一日率講習以敦明實學二日申法制以廣生徒三日修載籍以重

掌故四曰崇實學以表賢才其意以爲國初薦辟科貢並行卽嘉靖初年申三途並用之例於是舉人監生孫翥爲給事中歲貢監生張澍爲御史一時六館諸生爭思奮勵皇上光嗣祖宗敦學明倫之治伏乞敕下該部甄拔六館行誼端方之士容臣等從公薦舉一二以備擢用安知貢無師達許觀舉無夏原吉陳獻章蔭無張敷華例無羅玘輩哉疏上舉朝聽之欲著爲令甲而不果觀公所建宦蹟與所敷陳事宜鑿鑿可行言言

歐虞部集

三

可采非老成經國洞晰古今寧渠恍惚乎至於以評事抗戚畹犯閹宦避權臣尤人所難奈何徒以博雅修詞槩公也致政後得優游林泉間十餘年年八十乃終于正寢子一莘字子耕能詩先公卒孫一胤昌字裕穀爲國子生曾孫興沛等俱世其家然廉吏之後家無負郭卽世四十餘年幸藩伯孫曄芝公念通家世誼捐俸以助麥舟今則邑侯劉公申請而督學魏公嘉意作輿始附祀于宮墻俎豆亦千載一時也故敢爲之論次如此

必元曰王弼州有云余讀太史公敘致九流顧獨不及文章家言詎藝乎哉誦者少其貶詘節義然至傳叔田司馬相如柳何其詳璽厭志也范曄事成漢書陳承祚志三國稍稍具列獨行文苑稱有尚矣今虞部公以詩雄當世以博洽見重詞壇但未聞以篤行政績著得非以藝掩乎黃文裕稱其登游夏之堂庶幾知言後世有知己出當不以茲傳爲阿所好

虞部公傳

載萬姓統譜廣輿記等書

廣東通志傳

歐大任字楨伯順德人博涉史籍與黎民表梁孜梁柱臣相友善俱以詩名以明經授江都訓導歷虞衡郎中當大任北遊時歷下瑯琊諸大夫主盟詞壇見大任爭推轂之日相唱和名益起海內無不知有大任者後以老乞休卒年八十有虞部集行於世論者謂大任性恭謹少忤於世故卒不能致位通顯云

歐虞部集

廣州鄉賢傳

歐大任字楨伯順德人少雋穎博涉史籍工古文辭詩賦弱冠卽名噪諸生間與梁有譽黎民表梁紹震相友善隆慶庚午以序貢授江都訓導轉光州學正一以古學造士萬曆乙亥陞國子監助教時歷下瑯琊諸大夫主盟詞壇見大任爭相推轂日與唱酬名益起上幸太學大任以國學官序得左右侍上亦先聞大任才名一日萬幾偶暇親灑宸翰躬作不三二字賜之字大如斗筆法道勁字

體端肅時上宿諍也。大任日夕焚香披對還里
日特築寶翰樓藏之以爲世珍。晉大理寺評事多
所平反。扈從南郊。命賜果餅。回回國貢千里馬上
卻不受。大任恭賦天馬篇以頌。尋轉南京工部員
外。晉郎中京師名公巨卿咸與交歡。登諸山謁孝
陵望牛首放舟秦淮。憑弔六朝遺跡。在在皆有詩
歌。紀勝由是海內無不知有大任者。尋以年老倦
遊。乞致仕。歸年八十卒。著有秣陵集游梁集廡館
集思立堂集白下游梁稿百粵人物考虞部集諸

歐虞部集

二

書其僕李英亦能詩。王世貞輩每過大任。必問曰
君家青衣安否。一日偶報邊警。館閣巨公集賦紀
事詩英亦呈一絕云。蕭關風急馬頻嘶。四塞河山
動鼓聲。獨立高臺望烽火。口笳多在薊門西。客大
嘉歎異詩。竟成帙。徐中行爲之序。錢謙益刻入列
朝詩選。

順德縣志傳

歐大任字楨伯。龍津人。博涉經史。與黎民表梁有
譽。梁紹震相友善。長於詩歌。以明經授江都訓導。

光州學正。歷國博虞衡郎中。當大任北遊時。歷下
瑯琊諸大夫主盟詞壇。見大任。爭推轂嚴重之日
相唱和。名益起。與七才子並驅。才或過焉。海內無
不知有大任者。所經陸止。則車馬盈門。水次則舳
舳相望。望顏色聆餘論。雖事卿相不如也。若有游
梁集廡館集思立堂集行於世。

歐虞部集

三

百越先賢志卷之一

嶺南歐大任楨伯揆

歐冶子

歐冶子越人與吳人干將同師俱能爲劍越王允常使造五劍五金之英太陽之精寄氣托靈出之有神服之有威可以折衝拒敵楚王召風胡子問之曰寡人聞吳有干將越有歐冶子此二人甲世而生寡人願齋邦之重寶因吳王請此二人作劍可乎風胡子曰善於是之吳見歐冶子干將鑿茨

百越先賢志

卷之一

山洩其溪取鐵作劍三枚一曰龍淵二曰泰阿三曰工布風胡子奏之楚王見而大悅問曰此三劍何物所象其名爲何風胡子曰欲知龍淵觀其狀如登高山臨深淵欲知泰阿觀其鈇巍巍翼翼如流水之波欲知工布鈇從文起至脊而止如珠不可祗文若流水不絕晉鄭聞而求之不得與師圍楚三年不解楚王引泰阿登城麾之三軍破敗流血千里晉鄭之頭畢白楚王曰劍威耶寡人力耶風胡子曰劍之威也因大王之神軒轅神農赫胥

之時以石爲兵黃帝之時以玉爲兵各有使然當此之時鐵兵神也大王有聖德楚王曰寡人聞命矣

據吳越春秋越絕書參修

疇無餘謳陽

疇無餘謳陽越二大夫也越伐吳爲二隧先及郊吳太子友王子地王孫彌庸壽於姚自泓上觀之彌庸見姑蔑之旂曰吾父之旂也不可以見讐而弗殺也太子曰戰而不克將亡國請待之彌庸不可屬徒五千王子地助之戰彌庸獲疇無餘地獲

百越先賢志

卷之一

二

謳陽越兵至王子地守復戰大敗吳師獲太子友王孫彌庸壽於姚遂入吳吳王方會諸侯於黃池欲霸中國以全周室其人告敗惡其聞也斬七人於幕下

據左傳史記參修

大夫種

文種字子禽官大夫吳敗越於夫椒越王勾踐以餘兵五千人保棲會稽令三軍曰凡我父兄昆弟及國子姓有能助寡人謀而退吳者與之共知越國之政種對曰臣聞之賈人夏則資皮冬則資絺

早則資舟水則資車以待乏也譬如簞笠時雨既至必求之今君王既棲於會稽之上然後乃求謀臣不亦晚乎勾踐曰苟得聞子大夫之言何後之有執其手而與之謀遂使之行成於吳與宦士三百人卑事夫差勾踐請爲臣妻爲妾夫差用太宰詔之言赦越勾踐反國苦身焦思坐臥飲食嘗膽也問於種曰伐吳何能有功乎種曰伐吳有九術尊天地事鬼神一重財幣以遺其君二貴糴粟橐以空其邦三遺之美好以勞其志四遺之巧匠使

百越先賢志

卷之一

三

起宮室高臺榭以盡其財疲其力五遺其諛臣使之易伐六疆其諫臣使之自殺七邦家富而備器八堅厲甲兵以承其弊九勾踐曰善種行貸粟以卜其事子胥諫不聽再修下吏之獻夫差受殿材而起姑胥之臺樂美女而納西施鄭旦詬復讒子胥夫差大怒曰伍員託子鮑氏果欺寡人反明矣使人賜屬鏤劍以死因任詬政越乃興師伐吳大敗之於秦餘杭山滅吳禽夫差而戮詬與其妻子

據國語史記吳越春秋越絕書參修

計倪

計倪者先蔡丘濮上人姓辛氏字文子其先晉國公孫也南游於越范蠡師事之越王勾踐既反國欲圖吳乃召計倪而問焉計倪曰君人尊其仁義者治之門也士民者君之根也開門固根莫如正身正身之道謹左右左右者君之所以盛衰者也願王選左右得賢而已昔太公碓溪之餓人也西伯任之而王管仲魯之囚有貧分之毀齊桓得之而霸故曰失士者亡得士者昌越王曰反國

百越先賢志

卷之一

四

五年豈不使賢任能各殊其事孤冀聞報復之謀計倪曰興師者必先蓄積食錢布帛不先蓄積士卒數饑不可以戰越王曰孤聞先生明於治歲欲聞其術以爲教常計倪曰省賦歛勸農桑因熟積以備四方母如會稽之饑不可再更臣聞王自耕夫人自織此竭於庸力而不斷時與智也時斷則循智斷則備知此二者形於體萬物之情短長逆順可觀而已越王曰請問其要計倪曰太陰三歲處金則穰三歲處水則毀三歲處木則康三歲處

火則旱故散有時積糴有時領則決萬物不過三歲而發矣天下六歲一穰六歲一康十二歲一饑是以民相離也故聖人爲之豫備湯七年旱而民不饑禹九年水而民不流越王曰善大夫扶同苦成嘗與孤議於石室孤非其言也今先生言獨與孤比請受教焉計倪曰糴石二十則傷農九十則病末農傷則草木不辟末病則貨不出故糴高不過八十下不過三十農末俱利矣越王又曰善計倪乃傳其教而圖之曰審金木水火別陰陽之明

百越先賢志

卷之一

五

用此不患無功越王著其法治牧江南七年而禽

吳也

據史記吳越春秋越絕書參修

范蠡

范蠡字少伯越之上將軍也其始居楚宛五戶之墟僞儻負俗時人盡以爲狂文種爲宛令笑曰士有賢俊之姿必有佯狂之譏內懷獨見之明外有不知之毀此固非二三子之所知也從官屬駕車往終日而語疾陳霸王之道越王勾踐卽位三年欲伐吳范蠡進諫曰夫國家之事持盈者與天定

傾者與人節事者與地王無蚤圖夫吳君王之吳也王若蚤圖之其事將未可知也居三年越王三問謀吳三曰王姑待之其後四年越王復問范蠡曰可矣勾踐乃發習衣三千教士四萬人君子六千人諸御千人伐吳吳師敗越遂復棲吳於姑蘇之山范蠡爲書辭越王請從會稽之誅乃裝其輕寶珠玉與其徒屬乘舟浮海出齊變姓名自謂鴟夷子皮耕于海畔齊人聞其賢以爲相間行止於陶稱陶朱公後莫知其所終越王命工以良金寫

百越先賢志

卷之一

六

其狀而朝禮之表會稽山三百里以爲奉邑曰後世子孫有敢侵蠡之地者使無終沒於越國皇天

后土四鄉地主正之

據國語史記越絕書會稽典錄參修

薛燭

薛燭越王客也善相劍王示之豪曹燭曰豪曹非寶劍也夫寶劍五色並見莫能相勝豪曹已擅名矣非寶劍也王示之巨闕燭曰非寶劍也寶劍者金錫和銅而不雜今巨闕已雜矣非寶劍也王取純鈎示之燭瞿然望之曰光乎如屈陽之華沈沈

如芙蓉始生於湖觀其文如列星之行觀其光如水之溢塘觀其斷巖巖如瑣石觀其色煥煥如冰釋此所謂純鈞耶王曰是也客有市之鄉三十駿馬千疋千戶之都二其可與乎燭曰不可夫魚腸湛盧盤郢皆在吳矣赤董之山已合若邪之溪溪而不測歐冶子已歿雖有傾城量金珠玉竭河猶不可與鄉三十駿馬千疋千戶之都二何足言哉

王曰善

據吳越春秋越絕書古劍錄參修

陳音

秦伊附

百越先賢志

卷之一

七

陳音楚人也范蠡進於越王爲越射卒越王問曰孤聞子善射道何所生音曰臣聞弩生於弓弓生於彈彈起古之孝子越王曰孝子彈者奈何音曰古者人民朴質饑食鳥獸渴飲霧露必則裹以白茅投於中野孝子不忍見父母爲禽獸所食故作彈以守之絕鳥獸之害故歌曰斷竹續竹飛土逐肉於是黃帝弦木爲弧剡木爲矢黃帝之後楚有弧父射傳於羿羿傳逢蒙逢蒙傳琴氏當是時諸侯相伐兵刃交錯弓矢之威不能制服琴氏乃橫

弓著臂施機設樞加之以力然後諸侯可服琴氏傳之楚三侯所謂句亶鄂章人號麋侯翼侯魏侯也三侯傳至靈王桃弓棘矢以備鄰國臣先人受之於楚五世矣越王曰願聞正射之道音曰射之道身若戴板頭若激卵左足蹉右足橫左手若附枝右手若抱兒舉弩望敵翕心咽煙與氣俱發得其和平神定思去去止分離右手發機左手不知一身異教豈沉雄雌此正射持弩之道也越王曰善願悉教吾國人音教射三月軍士皆能用弓弩

百越先賢志

卷之一

八

之巧音歿越王傷之葬國西五里射浦曰陳音山越王又有客秦伊善灼龜戰必得龜食乃陳民山西大冢爲秦伊山善灼龜者冢也

據越絕書吳越春秋參修

諸稽郢

扶同苦成舉如舌庸暗進附

諸稽郢越大夫也吳王夫差起師伐越以報檣李越王勾踐逆之江吳大敗之於夫椒越命諸稽郢行成於吳曰寡君勾踐使下臣郢私告於下執事曰昔越得罪於君王親舉玉趾以心孤勾踐而宥赦之君王之於越也緊起死人而肉白骨也孤不

敢忘天災其敢忘君王之大賜乎今勾踐申禍無
良以重得罪於下執事匍匐率二三之老親委重
罪頓顙於邊越固貢獻之邑也勾踐請盟一介嫡
女執箕帚以眩姓於王宮一介嫡男奉槃匱以隨
諸御春秋貢獻不解於王府君王豈厚裁之亦征
諸侯之禮也諺曰狐埋之而狐搨之是以無成功
君王既封殖越國明聞於天下而又刈亡之是天
之無成勞也四方之諸侯則何實以事吳敢使下
臣盡辭唯君王秉利度義焉吳王許之將盟越又

百越先賢志

卷之一

九

使諸稽郢辭曰以盟爲有益乎前盟口血未乾足
以結信矣以盟爲無益乎君王舍甲兵之威以臨
使之而胡重於鬼神而自輕也吳王乃許之荒成
不盟於是越王以甲楯五千保棲會稽之上謂諸
大夫曰何以教寡人大夫扶同曰昔湯繫於夏臺
伊尹不離其側文王困於石室太公不棄其國興
衰在天存亡在人夏殷恃力而虐二聖兩君屈已
以得天道故湯不以窮自傷文不以困爲病大夫
苦成曰天有曆數德有薄厚黃帝不讓堯傳天子

三王臣弑其君五霸子弑其父今世猶市置貨以
設詐抱謀以待敵不幸陷厄求伸而已大夫臯如
曰臣聞大夫種忠而善慮民親其知士樂爲用委
國一人其道必守何順心臣命羣臣大夫舌庸曰
大夫文種國之梁棟君之爪牙夫驥不可與匹馳
日月不可並照君誠委國於種則千綱萬紀無不
舉者越王曰大夫之論是也大夫皓進曰一心齊
志上與等之下不違令動從君命修德履義守信
溫故臨非決疑君誤臣諫直心不撓舉過列平不

百越先賢志

卷之一

十

阿親戚不私於外推身致君終始一分臣之事也
諸稽郢再拜曰君苦身焦思臥蓼嘗膽拊循士民
與百姓同其勞宗廟社稷之主是在君矣越王曰
寡人爲吳窮虜有諸大夫以保社稷寡人何憂焉
居七年吳方會諸侯於黃池越發兵伐吳大敗之
於■又郊敗之三戰三北遂人吳圍王宮吳王使
公孫雄肉袒膝行請成曰孤臣夫差敢布腹心異
日嘗得罪於會稽夫差不敢逆命得與君王成以
歸意者今亦欲如會稽之赦孤臣之罪乎越王曰

昔天以越賜吳而吳不受今天以吳賜越孤敢不聽天之命而聽君之令乎乃不許成越既平吳以兵渡淮與齊晉會於徐州致貢於周周元王賜胙命為霸宋鄭魯衛陳蔡執玉之君皆朝夫唯能下其羣臣以集其謀故也

據國語史記吳越春秋越絕書參修

高固

高固越人也世在越稱齊高侯之族楚熊商滅越而臣服之是為楚威王固歸楚為威王相時魯左丘明因孔子史記具論其語成左氏春秋鐸椒傳

百越先賢志

卷之一

十一

威王以王不能盡觀春秋采取成敗卒四十章為鐸氏微由固進之楚以故文敘日興五羊銜穀萃於楚庭後南海繪諸郡廳稱五羊城自固始

史據

記裴淵廣州記黃恭交廣記參修

史祿

史祿其先越人贅婿咸陽祿仕秦以史監郡時始皇帝伐百越使尉屠睢發卒五十萬為五軍遣祿轉餉鑿渠而通糧道祿乃自陽山道水源以湘水北流入于楚澧江為牂牁下流南入于海轉餉為

勞乃量為磯以激水於沙磧中壘石作鐸派湘之流而注之澧激行六十里置陡門三十有六舟入一陡則開一陡使水積漸進故能循崖而上建甌而下通舟楫又利灌田號為靈渠於是殺西甌君譚吁宋越人皆入叢薄中與禽獸處莫肯為秦夜攻殺睢秦乃發適戍以備之祿畱揭嶺長子孫揭陽令定其後也

據史記漢書水經注黃恭交廣記參修

梅銷

合傳胡害插母餘附

梅銷越人其先越王子孫也避楚在丹陽臯鄉更

百越先賢志

卷之一

十二

姓梅居梅里周末散居沅湘秦併六國越後稱王者喻零陵往南海銷從之至臺嶺家焉乃築城滇水上奉王居之謂之梅將軍城姓其臺嶺曰梅嶺秦之亂番禺令吳芮甚得江湖間民心號番君江中羣盜數千人皆歸之百越已皆畔秦推雄傑為長遂長銷下令舉兵戶出壯士一人領以戶將使合傳胡害將之戰則編為什伍領以隊將使搖母餘將之統其衆歸芮畱其將庾勝兄弟守臺嶺行見芮勸從沛公伐秦芮遣銷將百越兵應諸侯至

南陽遇沛公與攻析酈降之胡害毋餘二人者皆
為沛公都尉從破秦及楚漢相王以芮率百越佐
諸侯入關故立芮為衡山王都邾而錡為芮將功
最多封十萬戶為列侯食臺以南諸邑謂之臺侯
項藉次高帝以錡有功從入武關二都尉又皆擊
項藉有功比臺侯胡害封貫侯母餘海陽侯

記漢書越
絕書參修

公師隅

公師隅者粵人也越王無疆為楚所敗其子孫遜

百越先賢志

卷之一

三

處江南海上周赧王時有自立為王者隅以無疆
初避楚居東武有恠山浮來鎮壓其地因名東武
山乃往相度南海將依山築南武城以擬之而越
王不果遷時三晉惟魏最疆越王與魏通好使隅
復往南海求犀角象齒以修獻久在嶠外乃得諸
瑛併吳江樓船會稽竹箭獻之魏魏王乃起師送
越王往荆栖之沅湘於是南武疆土為越貢奉邑
稱雄交南矣

據竹書紀年黃恭交廣
記盛弘之荊州記參修

張買

張買粵人也父戊以越騎將軍與華無害從高帝
起畱入漢定三秦有功未及封而歿買少善射知
書拜中大夫孝惠帝時侍遊苑池鼓櫓能為越謳
時切規諷不自言父戰勳高后稱制丞相審食其
乃言買父戊從軍時勞勳與終陵侯華無害同而
身歿子未有食邑於是封買為南宮侯傳其子生
遂家長安建元初有罪奪爵光和中粵民祠買祠
曰秉正云

據漢書年表廣
州舊志參修

鄭嚴田甲

百越先賢志

卷之一

十四

鄭嚴田甲武帝伐南越二人首以越人歸漢帝令
越人善射馳馬者為越騎使二人將之並封歸義
侯號其眾為越侯兵元鼎五年秋蛙與蝦蟆羣鬪
占者謂南方兵兆會呂嘉作亂遂命四將軍眾十
萬征南越嚴為戈船將軍出零陵下灘水甲為下
濩將軍下蒼梧嚴善將兵而甲苛急眾未得前伏
波將軍路博德樓船將軍楊僕已平南越開九郡
當是時東越亦反詔嚴與甲即以越侯兵出若邪
白沙元封元年冬咸入東越東越平二人不加封

以前逗遛故先是韓安國坐法抵罪田甲獄吏也奉使至蒙讞辱安國安國曰灰獨不復然乎甲曰然即溺之居無幾梁內史缺漢使使者拜安國為梁內史起徒中為二千石甲亡安國曰甲不就官我滅而宗甲肉袒謝安國笑曰可溺矣公等足與治乎卒善遇之

據史記漢書顏師古五行志注荀悅漢紀參修

何遺

何遺越人歸漢者也為馳義侯元鼎五年秋伐呂嘉時受詔別將巴蜀罪人發夜郎下牂牁江會番

百越先賢志

卷之一

五

禺因犍為發南夷兵為且蘭夷酋隔滇道故兵未下南粵已平帝便令遺征西南夷中郎將郭昌衛廣引兵誅且蘭平之開置五郡亦以前稽不封

據史記漢書參修

畢取

史定居翁黃同轅終古多軍韓說劉福附

畢取粵人南粵建德時為郎相呂嘉以建德反漢令江淮以南十萬師討之樓船將軍楊僕師至番禺東南伏波將軍路博德師居城西北取將粵兵出戰會暮樓船力攻燒敵伏波縱令相招於是取

以軍降封為牂侯食五百一十戶同時降者揭陽史定為安道侯粵桂林監居翁諭下甌駱四十餘萬為湘城侯又元封初漢師入東粵故甌駱左將黃同斬西于王為下邳侯軍卒轅終古斬柁北將軍為荀兒侯東粵將多軍為無錫侯橫海將軍韓說為案道侯橫海校尉劉福為繚嫫侯皆粵人

據史記漢書參修

都稽

都稽粵郎也元封六年冬伏波樓船二將軍討南

百越先賢志

卷之一

六

越縱火燒城伏波為營以待降者樓船力攻反毆而入伏波營遲旦城中皆降呂嘉建德夜與其屬數百人亡入海伏波問降者知嘉所之遣人追稽知嘉必東走高昌得之為臨蔡侯伏波校司馬蘇弘得建德封海常侯云

據史記漢書參修

嚴助

嚴助會稽人嚴忌夫子子也郡舉賢良對策百餘人武帝善助對繇是獨擢助為中大夫是時征伐西夷開置邊郡軍旅數發內收制度朝廷多事屢

舉賢良文學公孫弘起徒步至丞相開東閣延賢人與謀議朝覲奏事因言國家便宜上令助等與大臣辨論中外相應以義理之文大臣數詘其尤親幸者東方朔枚舉嚴助吾丘壽王司馬相如相如常稱疾避事朔舉不根持論上頗俳優畜之唯助與壽王見任用而助最先進聞越兵圍東甌東甌告急於漢太尉田蚡以爲越人相攻擊其常事不足煩中國救也於是助詰蚡曰特患力不能拔德不能覆誠能何故棄之且秦舉咸陽而棄何但

百越先賢志

卷之一

七

越今小國以窮困來告急天子不振又何以子萬國乎上曰太尉不足與計吾新卽位不欲出虎符發兵郡國廼遣助以節發會稽兵會稽守距不欲發助乃斬一司馬諭意指遂發兵浮海攻東甌未至閩越引兵罷後三歲閩粵復與兵擊南越南越守天子約不敢擅發兵上書以聞上多其義遣兩將軍大發兵誅閩越淮南王安書請止兵而漢兵已出踰嶺會閩越王弟餘善殺王降漢兵罷上嘉淮南之意令助諭風指於南越南越王遣太子隨

助入侍助還又令諭淮南王告越事助由是與淮

南王相結而還上大說助欲守會稽上拜爲會稽太守數年不聞問賜書曰制詔會稽太守君厭承明之虛勞侍從之事懷故土出爲郡吏會稽東接於海南近諸越北枕大江間者濶焉久不聞問具以春秋對母以蘇秦縱橫助皇恐上書謝願奉三年計最詔許因留侍中有奇異輒使爲文及作賦頌數十篇及淮南王反與助相連廷尉張湯論誅之竟棄市

據史記漢書參修

百越先賢志

卷之一

二

朱買臣

朱買臣字翁子會稽吳人也家貧讀書不治產業常刈薪樵賣以給食擔束薪行且誦書妻亦負戴相隨數止買臣母歌謳道中買臣愈益疾歌妻羞之求去買臣不能留卽聽去買臣獨行歌道中負薪墓間故妻與夫家俱上冢見買臣饑寒呼飯飲之數歲買臣隨上計吏爲卒將重車至長安詣闕上書書久不報待詔公車糧用乏上計吏卒更乞旬之會邑子嚴助貴幸薦買臣召見說春秋言楚

辭帝甚說之拜買臣爲中大夫與嚴助俱侍中後坐事免久之召待詔時東越數反覆買臣因言東越王居保泉山更徙處大澤中今發兵浮海直指泉山陳舟列兵席卷南行可破滅也上拜買臣會稽太守謂買臣曰富貴不歸故鄉如衣繡夜行今子何如買臣頓首辭謝遂乘傳去會稽聞太守且至發民除道縣吏送迎車百餘乘入吳界見其故妻妻夫治道買臣呼令後車載其夫妻太守舍置園中給食一月妻自經歿買臣於郡治樓船備糧

百越先賢志 卷之一 九

食水戰具須詔書到軍與俱進居歲餘買臣受詔將兵與橫海將軍韓說等俱擊破東粵有功徵入爲主爵都尉列於九卿坐法免復爲丞相長史始買臣與嚴助俱侍中貴用事張湯尚爲小吏趨走買臣等前追湯以廷尉治淮南獄排陷嚴助買臣怨湯及買臣爲長史湯爲御史大夫行丞相事知買臣素貴故陵折之買臣見湯坐牀上弗爲禮買臣漢怨常欲歿之遂發湯陰事湯自殺上亦誅買臣買臣子山拊官至郡守右扶風

據漢書宋會稽志參修

鄧宏

鄧宏粵之番禺人有謀畧權勇武帝元狩末交趾部刺史羅弘舉宏茂才爲屬國都尉尋爲南海郡丞至日南太守善於柔遠民夷懷之卒葬馬鞍山後建武中馬援南征交趾徵側徵貳駐兵南海開拓土宇至此每風雨晦冥聞人馬之聲趾之得宏墓

據黃恭交廣記 廣州舊志參修

孫豹

孫豹會稽人父幸武帝末爲珠厓太守調廣幅布

百越先賢志 卷之一 三

獻之蠻不堪役攻郡殺幸豹合率善人還復破之自領郡事討擊餘黨連年乃平豹遣使封還印綬上書言狀制詔卽以豹爲珠厓太守威政大行獻命歲至

據後漢書南蠻傳瓊臺志參修

吳霸

吳霸字子公陽山人少以材勇爲兵率中宿沚浦關嘗禦侮至滇陽招徠流徙民感其仁姓所駐山曰吳山云後徙廣鬱都尉威聞夜郎遷牂牁太守爲夜郎竹王立後天子從其請由是蠻裔畢服昭

帝元鳳五年秋罷象郡分屬鬱林牂牁霸族在桂陽者欲往廣鬱就腴田霸不許惟令墾近土廬居番禺之西有江浦焉民服其不私五世孫雄官光祿勳桓帝元嘉元年爲司徒永興元年罷

南越志溫川志參修

據沈懷遠

鄭吉

鄭吉會稽人也以卒伍從軍數出西域由是爲郎吉疆執習外國事自張騫通西域李廣利征伐之後初置校尉屯田渠黎至宣帝時吉以侍郎田渠

百越先賢志

卷之一

三

黎積穀因發諸國兵攻破車師遷衛司馬使護鄯善以西南道神爵中匈奴乖亂日逐王先賢揮欲降漢使人與吉相聞吉發渠黎龜茲諸國五萬人迎日逐王口萬二千人小王將十二人隨吉至河曲頗有亡者吉追斬之遂將詣京師漢封日逐王爲歸德侯吉旣破車師降日逐威震西域遂并護車師以西北道故號都護都護之置自吉始焉上嘉其功效下詔封吉爲安遠侯食邑千戶吉於是中西域而立幕府治烏壘城鎮撫諸國漢之號令

班西域矣

據張璠漢記班固漢書西域傳參修

何丹

何丹字伯張滇陽人成帝鴻嘉初鄉里舉茂才爲含涯長累遷中散大夫以言忤王莽出爲松滋令慈祥豈弟愛民如子有嘉禾連穎之瑞及卒於官邑人哀慟擇河西勝地葬之歲六月二日民酹奠不絕

據湘州記楚記韶州圖經參修

梅福

梅福字子真九江壽春人也少學長安明尚書穀

百越先賢志

卷之一

三

梁春秋爲郡文學補南昌尉後歸壽春數因縣道上言變事求假軺傳詣行在所條對急政成帝時大將軍王鳳專勢擅朝京兆尹王章素忠直譏刺鳳爲鳳所誅王氏浸盛災異數見羣臣莫敢正言福上書不納帝久亡繼嗣福以爲宜建三統封孔子之世以爲殷後又上書言之綏和二年立二王後推述古文以左氏穀梁世本禮記相明遂下詔封孔子世爲殷紹嘉公語在成記是時福居家常以讀書養性爲事至元始中王莽專政福一朝棄

妻子去九江至今傳以爲仙其後人有見福於會稽變姓名爲吳市門卒云

據荀悅漢紀班固漢書參修

百越先賢志卷之二

嶺南歐大任楨伯撰

嚴光

嚴光字子陵一名遵會稽餘姚人也少有高名同光武遊學光武卽位乃變名姓隱身不見帝思其賢令物色訪之齊國上言有一男子披羊裘釣澤中帝疑光也遣安車立纁聘之三反而後至舍於北軍給床褥大官朝夕進膳司徒侯霸與光素舊使西曹屬侯子道奉書願屈語言光不起床上箕

百越先賢志

卷之二

踞抱膝發書問子道曰君房素癡今爲三公寧小差否子道曰位已鼎足不癡也光曰遣卿來何言道傳霸言光曰卿言不癡是非癡語耶天子徵我三乃來人主尚不見當見人臣乎子道求報光曰我手不能書乃投札口授曰君房足下位至鼎足甚善懷仁輔義天下悅阿諛順旨要領絕霸封奏其書帝笑曰狂奴故態也車駕卽日幸其館光臥不起帝卽臥所撫其腹曰咄咄子陵不可相助爲理耶光又眠不應良久乃張目熟視曰昔唐堯著

德巢父洗耳士故有志何至相迫乎帝曰我竟不能下汝耶於是升輿歎息而去復引光入道舊故從容問光曰朕何如昔時對曰陛下差增於往因共偃臥光以足加帝腹明日太史奏客星犯御坐甚急帝笑曰朕故人嚴子陵共臥耳除爲諫議大夫不屈乃耕於富春山後人名其釣處爲嚴陵瀨焉建武十七年復特徵不至年八十終於家帝傷之詔下郡縣賜錢百萬穀千斛

陳元

據後漢書皇甫謐高士傳參修

百越先賢志

卷之二

二

陳元字長孫蒼梧封川人父欽習左氏春秋事黎陽賈護與劉歆同時而別自名家曰陳氏春秋王莽從欽受左氏學以欽爲厭難將軍元少傳父業爲之訓詁銳精覃思至不與鄉里通以父任爲郎建武初元與桓譚杜林鄭興俱爲學者所宗時議欲立左氏傳博士范升奏以爲左氏淺末不宜立元聞之詣闕上疏曰陛下撥亂反正文武並用漢愍經藝謬雜每臨朝輒延羣臣講論聖道知丘明至賢親受孔子而公羊穀梁傳聞于後世故詔立

左氏博詢可否盡之羣下也今論者沈溺所習翫守舊聞固執虛言傳授之辭以非親見實事之道左氏孤學少與遂爲異家之所覆冒夫至音不合衆聽故伯牙絕弦至寶不同衆好故卞和泣血仲尼聖德而不容於世況於竹帛餘文其爲雷同者所排固其宜也非陛下至明孰能察之臣元竊見升等又曰先帝不以左氏爲經故不置博士後主所宜因襲臣愚以爲若先帝所行而後主必行者則盤庚不當遷于殷周公不當營洛邑陛下不當

百越先賢志

卷之二

三

都山東也往者孝武皇帝好公羊衛太子好穀梁有詔詔太子受公羊不得受穀梁孝宣皇帝在人間時衛太子好穀梁於是獨學之及卽位爲石渠論而穀梁氏興至今與公羊並存此先帝後帝各有所立不必其相因也方今干戈少弭戎事略戢畱思聖藐眷顧儒雅分明白黑建立左氏解釋先聖之積結洮汰學者之累惑使基業垂於萬世後進無復狐疑則天下幸甚書奏下其議范升復與元辨難凡十餘上帝卒立左氏學元以才高著名

辟司空李通府時大司農江馮上言宜令司隸校尉督察三公事下三府元疏論不宜使有司察公輔帝從之李通罷元復辟司徒歐陽歙府數陳當世事郊廟之禮帝不能用以病去年老卒於家

據後漢書漢文選參修

沈豐

沈豐字聖通會稽烏程人永平中爲郡主簿遷零陵太守爲政慎刑重法罪人詞訟初不歷獄嫌疑不決一斷於口鞭朴不舉市無刑戮僚友有過亦

百越先賢志

卷之二

四

不暴揚有善必述曰太守所不及也在官七年建初間有紫芝甘露之瑞論者以爲皆豐治化之應

據會稽典錄楚紀參修

顧奉公孫松 董子儀朱俊附

顧奉公孫松俱會稽處士有行諡蜀郡張霸永元中爲會稽太守表薦之奉爲潁川太守松爲司隸校尉並有名稱其諸有行業者皆見擢用郡中爭厲志節習經者以千數道路但聞誦聲先是郡有高士董子儀會稽都尉任延敬待以師友之禮是

以郡中賢士大夫爭往官焉上虞朱俊亦明經舉孝廉蓋與奉松先後表著者也

據東觀漢記後漢書參修

陳囂

陳囂字子公山陰人囂與紀伯為鄰伯竊囂藩地自益囂不校益徙地與之伯慚懼歸所侵地囂辭不受遂為大路鄉里上其事刺史行部異囂問之囂曰鄰自有地囂無所讓路也刺史表其里曰風

義鄉

據英賢傳會稽典錄參修

鄭弘

百越先賢志

卷之二

五

鄭弘字巨君會稽山陰人也少為鄉嗇夫太守第五倫行春見而深奇之召署督郵舉孝廉弘師同郡河東太守焦贛楚王英謀反發覺疏引及贛贛被收捕疾病道亡妻子閉繫詔獄考掠連年諸生故人懼相連及皆變姓名以逃禍弘獨髡頭負鉞鑽詣闕上章為贛訟罪顯宗覺悟赦其家屬弘躬送贛喪及妻子還鄉里繇是顯名拜為囂令遷淮陽太守消息繇賦政不煩苛行春大旱隨車而雨白鹿方道夾轂而行建初初四遷為尚書令舊制

尚書郎限滿補縣長令史丞尉弘奏以為臺職雖

尊而酌賞甚薄至於開選多無樂者請使郎補千

石令史為長帝從其議弘前後所陳有補益王政

者皆著之南宮以為故事出為平原相徵拜侍中

建初八年代鄭眾為大司農舊交趾七郡貢獻轉

運皆從東冶汎海而至風波艱阻沈溺相係弘奏

開零陵桂陽嶠道於是夷通遂為常路在職二年

省三億萬計永和元年代鄧彪為太尉奏尚書張

林阿附竇憲帝詰讓弘因乞骸骨病卒敕褐巾布

百越先賢志

卷之二

六

衣素棺殯歛以還鄉里

據袁漢紀謝承范曄漢書參修

蔡倫

蔡倫字敬仲桂陽人也永平末給事宮掖建初中為小黃門和帝即位轉中常侍豫參帷幄倫有才學盡心敦慎數犯嚴顏匡弼得失每休沐輒閉門絕賓暴體田野後加尚方令永元九年監作祕劍及諸器械莫不精工堅密為後世法自古書契多編竹簡其用縑帛者謂之紙縑貴而簡重不便於人倫乃造意用樹膚麻頭及敝布魚網以為紙元

興初奏上帝善其能天下咸稱蔡侯紙元初元年
鄧太后以倫久在宿衛封爲龍亭侯邑五百戶後
爲長樂太僕四年帝以經傳之文多不正定乃選
通儒謁者劉珍及博士良史詣東觀各讐校漢家
法令倫監典其事

據東觀漢紀後漢
書水經注參修

王充

王充字仲任會稽上虞人師事班彪好博覽而不
守章句家貧無書嘗遊洛陽書肆閱所賣書一見
輒能記憶肅宗時詔公車徵病不行嘗著論衡八

百越先賢志

卷之二

七

十五篇二十餘萬言釋物類同異正時俗嫌疑蔡
邕入吳得其書帳中祕玩以爲談助王朗守會稽
持還許下人稱其才進充年漸七十志力衰耗乃
造養性書十六篇裁節嗜欲頤神自守永元中卒

據袁松謝承後漢
書抱朴子參修

楊孚

楊孚字孝元南海人章帝朝舉賢良對策上第拜
議郎和帝卽位用兵匈奴孚奏言創造用武守業
尚文故周勝殷則有載戰干戈之頌太宗息兵嘗

言自勝衣冠念不及兵先帝繼述虜來則應未嘗
先伐故孝章之謚追配孝文詩曰允文文王克開
厥後又曰倬彼雲漢爲章于天二帝之謂也願陛
下繩美祖宗毋輕用武永元十二年旱災令在廷
議政令得失孚曰漢制郡國之士肄誦孝經察其
志行選舉孝廉故帝謚必稱孝者躬行化率也王
莽不服母喪天下誅之然今時公卿大夫罹父母
憂不得去位而黎萌孝悌力田反得爵級非所以
爲民表儀也且郡邑侵漁不知紀極貨賂通于上

百越先賢志

卷之二

八

下治道衰矣宜詔中外臣民均行三年通喪而吏
治必務廉平以勸選舉之士庶幾克誠小民副承
天意帝從其議詔禁有司假勢行邪其巧法析律
飾文增辭貨行於言罪成乎手者重罪之賜天下
男子爲後者爵二級三老孝悌力田三級鰥寡孤
獨篤疾不能自存者粟人三斛時南海屬交趾部
刺史夏則巡行封部冬則還奏天府舉刺不法其
後競事珍獻孚乃枚舉物性靈悟指爲異品以諷
切之著爲南裔異物志自後羅浮瑋瑁之屬日絕

時謂能通神明孚家江潞北岸嘗移洛陽松柏種
植宅前隆冬蜚雪盈樹人因自其所嚮爲河南或
問其故孚曰偶然耳草木豈能動天哉後爲臨海
太守復著臨海水土記世服孚高識不徒博雅

據范曄袁宏後漢書黃恭交廣記藝文類聚初學記吳銳三才廣記參修

張重

張重字仲篤合浦人篤學善言爲嶺表望士刺史
推擇爲日南郡從事上計入洛明帝訝其么麼問
之曰何郡小吏重抗聲對曰臣日南計吏非小吏

百越先賢志

卷之二

九

也陛下欲得其才邪抑將稱骨度肉也帝善其對
正旦大會帝問曰日南郡北向視日耶重對曰郡
有雲中金城不必皆有其實日南日亦俱出於東
爾至於風氣暄暖日影仰當官民居止隨情面向
東西南北迴背無定所謂日域在南者也帝益善
之賜以金帛自此上計召對皆有賞焉

據范曄古今善

言太平御覽水經註參修

養奮

養奮字叔高鬱林人博通墳籍以布衣舉方正和

帝策問陰陽不和或水或旱奮對曰天有陰陽陰
陽有四時四時有正令春夏則予惠布施寬仁秋
冬則剛盛威行刑賞罰殺生各應其時則陰陽和
四時調風雨時五穀升今則不然長吏多不奉行
時令爲正舉事干逆天氣上不恤下下不忠上百
姓困乏而不恤衆怨鬱積故陰陽不和風雨不時
災害緣類水者陰盛小人居位依公營私讒言誦
上雨漫溢者五穀有不升而賦稅不爲減百姓虛
竭家有愁心也奮蓋一時名儒云

據姓纂風俗通氏族博考

百越先賢志

卷之二

十

通志畧參修

包咸

包咸字子良會稽曲阿人也少爲諸生受業長安
師事博士右師細君習魯詩論語光武初太守黃
儼署戶曹史舉孝廉除郎中建武中入授皇太子
論語拜諫議大夫侍中右中郎將永平五年遷大
鴻臚每進見賜以几杖經傳有疑輒遣小黃門就
舍卽問顯宗以咸有師傅恩而素清苦特賜珍玩
采帛奉祿增於諸卿咸皆散與諸生之貧者病篤

帝臨視卒於官子福拜郎中亦以論語入授和帝

據袁崧謝承後漢書參修

鄧盛

鄧盛字伯直蒼梧人仕爲祔歸令聞母病解印綬去及歸母果亾居喪盡孝友尉馬日磾嘉其行履服竟卽辟之初入府爲主簿尋爲太尉諸曹掾時彭城相左尚以賊獲罪三府掾屬考驗踰年不竟更選盛覆拷盛至獄洗沐尚解械賜席乃謂尚曰君愛國重恩而所坐如此今遇君子不可以小人

百越先賢志

卷之二

十二

相待盛感至意對曰今使君相待以禮尚獨何心不以歿相歸乎卽引筆具對時人語曰淑問得竟皇陶鄧盛公卿而下皆禮重之

據交廣記萬姓譜參修

楊扶子喬璇附

楊扶字聖儀會稽烏傷人其先河東人也和帝永元中扶以薦辟爲武源令遷交趾刺史有理能名洞民羣黨劫略督郵往捕反爲所傷扶益兵縛之縱使就粟南海行二日盡投江中有瞽嫗市物泉刀盡失訟諸扶扶密得所遺予嫗州人爲之謠曰

楊聖儀政多奇蓋此類也生二子長喬爲尚書容

儀偉麗數上言政事桓帝愛其才貌詔妻以公主

喬固辭不聽遂不食歿次璇舉孝廉靈帝時爲零

陵太守時蒼梧桂陽賊攻郡縣璇制馬車囊灰繫

布馬尾順風鼓灰以火燒布馬驚奔突弓弩亂發

鉦鼓鳴震賊駭破散梟其渠帥郡境以清詔拜議

郎三遷爲南海太守所在有異政尚書令張溫特

表薦之徵拜尚書僕射乞骸卒於家

據後漢書補江人物

記參

百越先賢志

卷之二

十三

鍾離意

鍾離意字子阿會稽山陰人也少爲郡督郵舉孝廉辟大司徒侯霸府詔部送徒詣河內冬寒徒病過弘農意輒移屬縣使作徒衣縣不得已與之而上書言狀意亦且以聞光武得奏以見霸曰君所使掾何乃仁於用心誠良吏也意於道解徒桎梏尅期俱至除瑕丘令吏有擅建者盜竊縣內意問狀服罪不忍加刑遣建長休建父設酒令建進藥而歿遷堂邑令縣人防廣爲父報讐繫獄毋歿廣

哭泣不食意憐傷之聽廣歸家殯歛訖入獄意密以狀聞廣減貳論顯宗徵爲尚書交趾太守張恢坐贓伏法資物簿入大司農詔班賜羣臣意得珠璣悉委地而不拜賜帝怪問故對曰臣聞孔子忍渴於盜泉之水曾參回車於勝母之閭惡其名也此贓穢之實誠不敢拜帝嗟嘆曰清乎尚書之言乃更賜庫錢三十萬轉尚書僕射車駕數幸廣成苑意當車陳諫般樂遊田之事天子卽時還宮永平三年夏旱而大起北宮意詣闕免冠上疏帝策

百歲元賢志

卷之二

三

曰鍾離尚書若在此殿不立意令瑕丘堂邑及相魯五年愛利爲化輕刑慎罰拊循百姓人多殷富以久病卒官詔賜錢一十萬

據東觀紀後漢書孔庭纂要系修

許荆

許荆字少張會稽陽羨人少爲郡掾嘗拯兄子世於難太守黃兢舉孝廉和帝時遷桂陽太守郡濱南州風俗脆薄荆爲設憲紀婚姻制度使知禮禁嘗行春來陽蔣均兄弟爭財互相言訟荆對之歎曰吾荷國重任而教化不行咎在太守顧使吏上

百歲元賢志

卷之二

四

書陳狀欲詣廷尉均兄弟咸悔各求受罪荆人謝宏等不養父母兄弟分析因此皆還供養者千餘人在事十二年父老稱歌以病上徵拜諫議大夫卒於官桂陽人爲立廟樹碑

據謝承袁宏後漢書系修

招猛

招猛南海人舉茂才爲郎元初中官大鴻臚卿掌諸侯及四方歸義蠻夷與郡國上計而諸王入朝拜諸侯嗣子禮儀皆屬焉猛善於其職動無違禮四夷重譯若高句驪馬韓玄菟南夷初附及就封

入覲者至容臺肄儀行事猛舉制詔眎之悉愿其

情云

據東觀記王
海姓范參修

綦母俊

綦母俊會稽上虞人也少治左氏春秋永初中舉
孝廉拜左校令出爲交趾刺史元初三年合浦蠻
夷反叛遣侍御史任連督州郡兵討之俊保障蒼
梧乃往戎行所向摧靡功當封賞上書歸功命使
自謂致寇當誅安帝下詔美之其後同郡虞翻稱
俊拔濟一郡讓爵土之封謂此也

據交廣記會
稽典錄吳志

百越先賢志

卷之二

五

陳臨

陳臨字子然南海人也家居海上蠻俗荒陋臨學
覽經典行誼卓然郡舉孝廉永建中官至蒼梧太
守推誠而理導民孝悌民有遺腹子爲父報讐殺
人吏所捕獲臨知其無嗣令其妻侍獄中後產一
男郡人歌曰蒼梧府君恩廣大能令死囚有後代
德參古賢天報施建安中徵爲廷尉郡每以五月
五日祠臨東城門上令小童潔服舞之

據太平
御覽爲

善陰陽
參修

李進

李進字子賢高興人世農家進獨明悟誦通經傳
力耕時嘗有一雞毛色五彩倏然而來及去莫知
所往以其無主目爲客雞云是年禾稼大熟進得
補郡功曹累遷騎都尉永和二年荆蠻反叛遣進
爲武陵太守帥兵往討大破之進簡選將吏得其
情和在郡九年梁太后臨朝下詔增進秩二千石
賜錢二十萬中平間代賈琮爲交趾刺史奏請依

百越先賢志

卷之二

六

中州例貢士後阮琴以茂才仕至司隸校尉交趾
人材得與中州同選實自進始其子孫蕃衍布在
交廣多仕至大官高興人遂以客雞爲祥比諸陳
寶焉

據黃恭交廣記後漢
書太平御覽參修

龍丘萇

龍丘萇太末人隱居山中志不降辱王莽時連辟
不至更始初任延爲會稽都尉掾吏白請召萇延
曰龍丘先生躬德履義有伯夷原憲之節遣功曹
奉謁修書記致醫藥使者相望於道歲餘乃詣府

拜議曹祭酒其隱居九石特秀林木色丹如蓮花
復有巖穴如牕牖中有石床因葺曰龍丘山云
據後漢書風俗
通陳陽記系修

日茂名賢志

卷之二

七

百越先賢志卷之三

嶺南歐大任楨伯撰

徐栩

徐栩字敬卿會稽由拳人少爲獄吏執法詳明遷小黃令時陳畱遭蝗野無遺草小黃飛逝不集刺史行部奏栩他事栩去官蝗卽日至刺史媿謝令還邑蝗卽去後爲長沙太守

據孔暉會稽紀系修

澹臺敬伯

高彪附

澹臺敬伯會稽人受章氏詩於淮陽薛漢當時言

百越先賢志

卷之三

十

詩者推漢爲長敬伯與健爲杜撫鉅鹿韓伯高爲弟子最知名又無錫高彪常訪馬融覆刺遺書及餞督軍御史第五永作箴一篇議卽蔡邕等美其文以爲莫尚也

據范曄後漢書漢書事世說新語系修

劉熙

劉熙字成國交州人先北海人也博覽多識名重一時薦辟不就避地交州人謂之徵士往來蒼梧南海客授生徒數百人乃卽名物以釋義惟揆事源致意精微作釋名二十七篇自爲之序又著證

法三卷皆行于世建安末卒於交州崇山下有劉

熙墓云

據交廣春秋文獻通考系修

孟嘗

孟嘗字伯周會稽上虞人也少修操行仕郡爲戶曹史上虞有寡婦至孝養姑姑壽終夫女弟先懷嫌忌誣婦厭苦供養加鴆其母列訟縣庭郡不加察結竟其罪嘗先知枉狀言之太守太守不爲理嘗謝病去婦竟冤歿自是郡中連旱二年太守殷丹到官訪問其故嘗詣府具陳寡婦冤誣之事因

百越先賢志

卷之三

十一

曰昔東海孝婦感天致旱于公一言甘澤時降宜戮訟者以謝冤魂庶幽枉獲伸時雨可期丹從之刑訟女而祭婦墓天果雨穀稼以登嘗後策孝廉舉茂才拜徐令遷合浦太守郡不產穀而海出珠與交趾比境通商販買糧食先時守宰並貪穢詭人採求珠漸徙於交趾郡界行旅不至貧者歾餓於道嘗革易前敝求民病利不踰歲去珠復還商貨流通百姓賴焉被徵當還吏民攀請車不得進乃載民船夜遁去隱窮澤身自耕傭鄰縣士人慕

其德就居止者百餘家桓帝時尚書同郡楊喬上書薦之竟不見用卒於家

據謝承范曄後漢書參修

黃昌

黃昌字聖真會稽餘姚人家本孤微居近學官數見諸生修庠序之禮因就經學又曉習文法仕郡爲決曹刺史行部見昌奇之辟從事後拜宛令好發姦伏人有盜其車蓋者密遣親客至門下賊曹家掩得之悉收其家一時殺戮大姓戰懼皆稱神明朝廷舉能遷蜀郡太守先太守李根老多悖政

百越先賢志

卷之三

三

百姓侵冤及昌到吏人訟者七百悉爲斷理莫不得所密捕盜師一人脅使條諸縣強暴之人姓名居處乃分遣掩討無有遺脫宿惡大姦皆奔走他境視事四年遷陳相遷河內太守再遷潁川太守永和五年徵拜將作大匠漢安元年補大司農左轉大中大夫卒

據後漢書蜀大紀參修

彭修

彭修字子陽會稽毗陵人年十五父爲郡吏得休與修俱歸道爲盜所劫修拔佩刀前持盜帥曰父

辱子次卿不顧次卿盜相謂曰此童子義士也辭謝而去鄉黨稱其名後仕郡爲功曹西部都尉宰黽行太守事以微過收吳縣獄吏將殺之主簿鍾離意爭諫甚切黽怒縛意欲案之掾吏莫敢諫修排闥入拜於庭曰昔任座面折文侯朱雲攀毀欄檻自非賢君安得忠臣今慶明府有任座朱雲也黽遂原意罰貲獄吏罪州因辟從事時賊張子林等作亂郡請修守吳令修與太守出討賊賊飛矢雨集修障扞太守而爲流矢所中次太守得全賊

百越先賢志

卷之三

四

魏朗

魏朗字少英會稽上虞人少爲縣吏兄爲鄉人所殺朗白日操刃報仇於縣中遂亡命到陳國從博士卻仲信學春秋圖緯又詣太學受五經京師長者李膺之徒爭從之初辟司徒府遷彭城令會九

據後漢書萬姓譜參修

真賊起以薦爲九真都尉討破羣賊桓帝美其功徵拜議郎遷尚書屢陳便宜有所補益出爲河內

太守政爲三河表尚書令陳蕃薦朗公忠亮直宜在機密復爲尚書被黨議免歸家後竇武誅朗以黨被急徵行至牛渚自殺著書數篇號魏子云

據後漢書修

徐徵

徐徵字君求荔浦人少有方直之行持守不撓通書傳尤明律令延熹五年由中郎爲郡督郵時常侍唐衡豪橫京師無所與較遣賓客至蒼梧不循法度徵便收客郡市髡笞已乃白太守太守大怒

百越先賢志

卷之三

五

收徵付獄主簿守閣懇白曰此人恃強買賣既侵百姓又污婦女徵上念明政據刑申恥今不使治郡便無爪牙之吏後督郵當徒跣膝行奉諸貴戚賓客耳太守不得已釋之徵短小而果世謂智過其軀居常以日南張重自擬云

據交廣記姓范參修

申朔

申朔字元游蒼梧人性廉慎常着布襦布袴不事綺紈鄉邑歎慕之舉孝廉爲九真都尉後擊狂賊有功民頌其德

據陸胤先賢傳修

張武

張武者會稽由拳人也父業郡門下掾送太守妻子還鄉里至河內亭盜夜劫之業與賊戰歿失厥骸武年幼不及識父後之太學受業每節常持父遺劍至亾處祭醊號泣而還太守第五倫嘉其行舉孝廉遭母喪過毀傷父魂靈不返哀慟絕命

據後漢書修

陸續

子稠逢哀孫康曾孫續

陸續字智初會稽吳人也幼孤仕郡戶曹史歲荒

百越先賢志

卷之三

六

民困太守尹興使續於都亭賦民餽粥事畢興問所食幾何續口說六百餘人皆分別姓名無一差謬興異之刺史行部見續辟爲別駕從事病還爲郡門下掾是時楚王英謀反陰疏天下善士楚事覺顯宗得其錄有尹興名徵興詣廷尉獄續與主簿梁宏功曹史駟勳及掾史五百餘人詣洛陽詔獄就考諸不堪苦楚少者大半唯續宏勳掠考五毒肌肉消爛終無異辭續母至京師覘候消息獄事持急無緣相聞但作饋食付門卒以進續對食

悲泣不能自勝使者怪問其故續曰毋來不得相見故泣耳使者怒召門卒將案之續曰因食餉羹識毋所自調和故知來耳非人告也使者問何以知毋所作續曰毋截肉未嘗不方斷蔥以寸爲度是以知之使者問諸謁舍續毋果來於是上書說續行狀帝卽赦興等事還鄉里禁錮續老病終長子稠廣陵太守中子逢樂安太守少子襄連徵不就襄子康武陵太守轉桂陽樂安徵拜議郎出爲廬江太守獻帝時天下大亂臨終屈指庚子歲天

百越先賢志

卷之三

七

下鼎分謂少子續曰從今以後六十年車同軌書同文晉太康平吳蓋其家傳象數云

據後漢書水經注參修

戴就

戴就會稽上虞人仕郡倉曹掾楊州刺史歐陽叅奏太守成公浮臧罪遣部從事薛安案倉庫簿領収就於錢塘縣獄幽囚考掠五毒叅至就慷慨真辭色不變容又燒鋸斧使挾於肘腋覆船下薰以馬通以大鍼刺指爪爪悉墮落主者以狀白安安呼見就謂曰太守罪穢狼藉受命考實君何故以

骨肉拒扞耶就據地答言太守剖符大臣當以死報國卿雖銜命固宜申斷冤毒奈何誣枉忠良強相掠理今臣謫其君子證其父薛安庸駭怛行無義就考死之日當白之於天與羣鬼殺汝於亭中如蒙生全當手刃相裂安深奇其壯節解械美談表其言辭解釋郡事徵浮還京師免歸鄉里太守劉寵舉就孝廉光祿主事

據後漢書風俗通參修

唐珍

唐珍字惠伯桂陽人幼聞讀書卽能記誦天性恬

百越先賢志

卷之三

八

漠寡欲荊州刺史度尚甚稱重之及就辟召累官太常熹平二年代楊賜爲司空嘗奏請沿海立埃戍以防夷寇天子不從自言先世家本潁川大父南徙已居三世同族有中常侍衡與左悺等竊弄威福衡常呼珍爲弟珍恥之然衡有弟方爲京兆虎牙都尉珍謂所親曰彼已有虎牙弟又奚用弟我爲耶自是陽瘖不復出言遂以久病罷歸素師事郴人成武丁得黃老養性之術閉戶呼吸玄牝人罕接焉光和二年卒鄉人屢見其出入山水間

立廟祀之號唐司空廟

據太平御覽人代紀要
穎川志湟川志參修

朱儁

朱儁字公偉會稽上虞人也少孤以孝養名好義輕財用母繒帛爲友人償債母責之儁跪對曰小損當大益初貧後富必然理也縣長度尚見而奇之薦於太守韋毅後太守尹端以儁爲主簿熹平初端坐討賊失利罪應棄市儁羸服到京師賂主章吏遂得刊定州奏免死輸作端喜降免而不知其由儁亦終無所言舉孝廉除蘭陵令政有異能

百越先賢志

卷之三

九

爲東海相所表會交趾部羣賊並起牧守輒弱不能禁又交趾賊梁龍等萬餘人與南海太守孔芝反叛攻破郡縣光和元年拜儁交趾刺史令過本郡簡募家兵及所調合五千人分兩道而入既到州界按甲不前先遣使觀賊虛實宣揚威德以震動其心既而與七郡兵俱進逼之遂斬梁龍降者數萬人旬月盡定以功封都亭侯千五百戶賜黃金五十斤徵爲諫議大夫及黃巾起公卿多薦儁有才略拜爲右中郎將與左中郎將皇甫嵩討賊

破之進封西鄉侯董卓忌之初平四年爲太尉錄

尚書事以日食策免持節鎮關東長安中亂畱拜

大司農汜遂質儁等儁素剛即日發病卒子皓亦

有才行官至豫章太守

據袁宏後漢記范曄後漢書人代紀要參修

謝夷吾

謝夷吾字堯卿會稽山陰人也少爲郡吏學風角占候太守第五倫擢爲督郵舉孝廉爲壽張令稍遷荊州刺史遷鉅鹿太守所在愛育人物有善績及倫作司徒令班固爲文薦夷吾曰臣聞堯登俊

百越先賢志

卷之三

一

契政隆太平舜用皋陶政致雍熙殷周雖有高宗昌發之君猶賴傳說呂望之策故能克崇其業允協大中竊見鉅鹿太守會稽謝夷吾出自中州厥土塗泥而英資挺特奇偉秀出才兼四科行包九德仁足濟時知周萬物加以少膺儒雅韜含六籍推考星度綜校圖錄探賸聖秘觀變歷徵占天知地與神合契據其道德以經王務昔爲陪隸與臣從事奮忠毅之操躬史魚之節董臣嚴綱勗臣懦弱得以免戾實賴厥勳及其應選作宰惠敷百里

降福彌異流化若神爰牧荊州威行邦國奉法作
政有周召之風居儉履約紹公儀之操尋功簡能
爲外臺之表聽聲察實爲九伯之冠遷守鉅鹿政
合時雍德量績謀有伊呂管晏之任闡弘道奧同
史蘇京房之倫雖密勿在公而身出心隱不殉名
以求譽不馳騫以要寵念存遜遁演志箕山方之
古賢實有倫序採之於今超然絕俗誠社稷之元
龜大漢之棟甍宜當拔擢使登鼎司上令三辰順
軌於歷象下使五品咸訓於嘉時必致休徵克昌

百越先賢志

卷之三

七

之慶非徒循法奉職而已臣以頑駑器非其儔尸
祿負乘夕惕若厲願乞骸骨更授夷吾上以光七
曜之明下以厭率土之望庶令微臣塞咎免悔夷
吾先在荊州能決斷罪疑行部到南陽遇孝章皇
帝巡狩駕幸魯賜有詔敕荊州刺史入傳錄見囚
徒戒長吏勿廢舊儀朕將覽焉所決正一縣三百
餘事事與上合而朝廷嘆息曰諸州刺史盡如此
者朕不憂天下常以勵羣臣其善績著於州郡有
如此

據謝承范曄
漢書參修

賀純

賀純字仲真會稽人先慶氏也少卽博極羣藝十
辟公府三舉賢良不至後徵拜議郎侍中時避安
帝父諱改姓爲賀數陳災異上便宜數十事多見
省納遷江夏太守徐州牧齊中書令邵皆其後也

據會稽典錄元
和姓纂參修

董正

董正字伯和番禺人也少有令姿耽意術藉年十
五通毛詩三禮春秋以學行知名公府以其有用

百越先賢志

卷之三

三

世才常詣其廬疇咨理道數被辟命皆不就熹平
末張角袁術起難天下亂正每觀天象知漢曆之
不長輒掩涕太息或勸使出仕歎曰潛龍以不見
爲德君子以藏寶自完吾惟俟時何廼相迫耶賦
性高潔貧寒不戚志在規俗躬耕以足衣食暇卽
講詩書陳禮法遠近多從之游鄉閭或少爲不善
必相戒曰吾伯和得無入於耳否有不平者多詣
正直之隱士南陽車遂聞正令名不遠千里徑來
投正正與同志恩如兄弟數年中遂得病正爲傾

家救卹病篤正呼遂曰南陽君更有以見屬否遂
瞻視曰以歿累君言訖而絕正爲停柩於堂殯殮
之禮一視兄弟之喪躬送喪於南陽而返粵產素
多奇瑰之貨番禺爲都會商賈湊集貿遷易以致
富加以夷獠聚集習尚輕悍鬪爭射利未嘗知學
感正清白偷俗自爾日變建安中正卒葬番禺之
東衆爲刻碑表曰有漢徵士董君之墓過者必式
晉隆和中南海太守袁宏追想風采乃訪求世族
條列行誼聞于朝有詔旌表門閭墓禁樵牧

百越先賢志

卷之三

七

越志廣州先賢傳太平御覽淵穎文集一統志參修

疎源

疎源字元流南海人出給郡役爲戶曹佐源性廉
潔家貧餉晏不至同舍人餉先至呼之共食源未
嘗聽由是知名後爲尚書郎習練故事爲九卿所
重故人有詣源欲通苞苴者源絕口不答臨別便
與訣曰子以言污我從此與君絕矣倬直遇隆寒
擁敗絮震掉戰栗吏獻裘堅却之從司徒上書言
事忤權貴得罪廢于家而卒

據藝文類聚太平御覽廣州先賢傳參修

趙曄

趙曄字長君會稽山陰人嘗爲縣吏奉檄迎督郵
曄恥於廝役遂棄車馬去到健爲資中詣杜撫受
韓詩究竟其術積二十年絕問不還家爲發喪制
服曄卒業乃歸州召補從事不就舉有道卒于家
曄著吳越春秋詩細歷神淵蔡邕至會稽讀書詩
細而歎息以爲長於論衡邕還京傳之學者咸誦
習焉

據謝承范曄後漢書隋唐經籍志參修

韓說

百越先賢志

卷之三

古

韓說字叔儒會稽山陰人博通五經尤善圖緯之
學舉孝廉與議郎蔡邕友善數陳灾青及奏賦頌
連珠稍遷侍中光和元年說言於靈帝云晦日必
食乞百官嚴裝帝從之果如所言中平二年又上
封事冠期宮中有灾至日南宮大火遷說江夏太
守公事免年七十卒於家

據謝承范曄後漢書參修

百越先賢志卷之四

嶺南歐大任楨伯撰

羅威

羅威字德仁番禺人天性惇慤髫髻卽知禮讓八歲喪父哀毀如成人事母至孝勤身苦體以備供養怡顏遜言未嘗迅聲厲色朝暮供侍奇果珍味隨時進前母年七十天寒常身溫席母乃寢夏月必撤帳而臥曰吾留蚊蚋恐去齧母制行雅飭口不挂俚褻之言足不及富貴之門待妻孥如嚴賓

百越先賢志

卷之四

七

先世遺以負郭之田力耕以自給非其力不食也鄰家牛數犯其穡威刈芻潛納其門而去牛主驚怪陰使人廣求乃覺是威感其長者出遇老稚負戴於塗率代其任邑人化之孝慈成俗令異其行辟署門下史威辭不就強之頗力遂偕母遯于增城縣界令去還復故居母患泣血骨立日進溢米食蔬醯者三年旣葬結廬於墓朝夕盡哀白鹿止其墓側馴擾如家所畜世以爲孝感所致威與同邑唐頌篤行齊名王僧孺之爲南海太守也下教

求士有曰此境三閩輿壤百粵舊都漢開吳別分星畫部風序決決衣簪斯盛其川嶽所產豈直明珠大貝桂蠹翠羽孝實人經則有羅威唐頌學惟業本又聞陳元士熒自是高尚獨往相望於嶼巖懷仁抱義繼跡於前史蓋以廣之多賢由三數公倡之也

據廣州先賢傳藝文類聚謝承後漢書參修

唐頌

唐頌字德雅番禺人奉養以孝聞連遭父母喪摧毀幾至滅性逮葬躬負土爲墳于墳左爲小廬覆

百越先賢志

卷之四

二

以苫茨寢處其中扶服哭踊朝夕捧盥進膳事之如生者凡六年有甘露降于塚樹馨郁靈霽彌月不已人或訪頌見白鹿拾食廬次如豢畜咸異之稱爲唐大孝頌自是終身衣不純采非祭不近酒肉忌日必齋肅以祭見父母所遺物或經父母所歷輒捧手而泣人始以爲矯及察之恒皆然而後知其篤行之純蓋天性也郡察孝廉仕爲布山令布山在鬱林境中襟以民夷號難治頌鋪以太和不事威讐挫疆拊柔惠及孥婺民感其仁無梗化

者後頌卒民報祀之南齊永明中范雲為廣州刺史遣使祭孝子羅威唐頌諸墓蓋以厲俗也廣人嘗尸祝威頌共祠今不存

據廣州先賢傳太平御覽南史參修

頓琦

頓琦字孝異倉梧人君母喪獨身立墳墓歷年乃成手種松柏成行哀毀踰制感物通靈有飛鳧白鳩棲息廬側見人輒去見琦而留南齊永明中范雲使祭琦及丁密墓

據太平御覽姓苑參修

丁密

百越先賢志

卷之四

三

丁密字靖公蒼梧人性清介非家織布不衣非已耕種菜果不食毫髮之饋不受於人父喪廬于墓側有雙鳧游密廬旁小池見人馴伏後遭母喪復廬三年歸舊廬一宿雙鳧復至游戲池中

據太平御覽

覽

顏烏

顏烏會稽人事親孝父亡負土成墳羣鳥銜土助之其吻皆傷因以名縣

據孔叢會稽記修

費汎

子鳳

徐穉

費汎字仲慮吳興人以孝廉除郎中屯騎司馬出為蕭令視民如子先教後罰為令九年百姓移風惡慝不作奸寇不生三歲不斷獄禎祥感應時沛有蝗獨不入界由此顯名朝廷嘉之拜梁相子鳳字伯簫言不失典術行不廢矩度漢安二年吳郡太守東海尹舉鳳孝廉拜郎中除陳國新平長復宰堂邑鳳退已進弟不營榮祿祖業良田畝直一金推與弟息行義高邵卓不可及

據姓范太平御覽參修

百越先賢志

卷之四

四

徐穉字孺子豫章南昌人也少為諸生學嚴氏春秋京氏易歐陽尚書兼綜外學家貧常自耕稼非其力不食恭儉慈讓閭里服其德化陳蕃為太守以禮請署功曹既謁而退蕃在郡不接賓客唯穉來特設一榻去則縣之後舉有道家拜太原太守皆不就延熹二年尚書令陳蕃僕射胡廣等上疏薦穉等曰臣聞善人天地之紀政之所由也詩云思皇多士生此王國天挺俊乂為陛下出當輔弼明時左右大業者也伏見處士豫章徐穉彭城姜

肱汝南袁閎京兆韋著潁川李曇德行純備著于
人聽若使擢登三事協亮天工必能翼宣盛美增
光日月矣桓帝乃以安車玄纁備禮徵之並不至
穉嘗爲太尉黃瓊所辟不就瓊卒歸葬穉乃負糧
徒步到江夏赴之設雞酒薄祭哭畢而去不告姓
名時會者四方名士郭林宗等數十人聞之疑其
穉也選茅容輕騎追之及於塗容爲設飯共言稼
穡之事臨訣去謂容曰爲我謝郭林宗大樹將顛
非一繩所維何爲栖栖不遑寧處及林宗有母喪

百越先賢志

卷之四

五

穉往弔之置生芻一束於廬前而去林宗曰此必
南州高士徐孺子也詩不云乎生芻一束其人如
玉吾何德以堪之靈帝初欲蒲輪聘穉會卒年七
十二子胤字季登篤行孝悌亦隱居不仕

據謝承范

穉後漢書
書修

郭蒼

郭蒼字伯起曲江人富有文學舉茂才爲荊州從
事熹平三年太守周憬開導昌樂六瀧流通商旅
蒼爲撰神漢桂陽太守周府君碑曰桂陽太守周

府君者徐州下邳人也諱景字君光體性敦仁天
資篤厚行與閭門名高州里舉孝廉拜尚書郎遷
汝南固始相遂拜桂陽守宣魯衛之政敷二南之
澤政以德綏化猶風騰撫集烝細振發有方進則
貞直退則錯枉崇舉濟濟吉士克朝招賢訓蒙開
誘六蔽君子道長小人道消信感神祇靈瑞符應
嘉禾生於野奇草像蓬蒿異根之樹超然連理於
此之時邦域爲寧郡又與南海接比商旅所臻自
濕亭至于曲紅一由此水其水源出於王禽之山

百越先賢志

卷之四

六

山蓋隆崇峻極于天泉肇沸湧發射其顛分流離
散爲十二川彌陵隔岨蠻阜錯連隅甌壅遏未絲
騁焉爾乃潰山鑽石經營溝畛激揚爭怒浮沉潛
伏蛇龍詰屈澧陵鬱汜千渠萬澮落聚沿澗下迄
安聶六瀧作難湍瀨滄滄云云潺湲雖詩稱百川
沸騰高岸爲谷溪谷爲陵蓋莫若斯天軌所經惡
得已哉改其下流注也若奔車失轡狂牛無縻
忽艦陸不相知及其上也則羣輩相隨續挽提攜
唱號慷慨沈湎在前其或敗也非徒喪寶玩墮珍

奇替珠貝流象犀也往古來今變其終矣於是府
君乃思夏后之遺謀應龍之顯化行旅之悲
窮哀舟人之困阨感蜀守冰珍絕犂魃嘉天昧淵
永用夷易廼命良吏將帥壯夫桃移盤投之窮壑
夷高填下鑿截回曲弼水之邪性順導其經脉斷
硯礚之靈波弱陽侯之洶湧由是小溪乃平直大
道克通利抱布貿絲交易而至升陟周旋功萬於
前除昔顛樹表於茲雖非龍門之鴻績亦人
君之德宗故舟人嘆於洲渚行旅語於塗陸孔子
百越先賢志 卷之四 七
曰禹不決江疏河吾其魚矣於是熹平三年歲在
攝提仲冬之月曲紅長零陵重安區社字景賢遵
承典憲宣揚德訓帥禮不越欽仰高山乃與邑子
故吏龔臺郭蒼龔頌等命工鑿石建碑于瀧上勒
銘公功傳之萬世垂示無窮其辭曰乾坤剖兮建
兩儀剛柔分兮有險夷谷中嶽兮據崔嵬嘆衡林
兮獨傾虧增陟隋兮甚驅隨繇莫涉兮禹不窺仰
王禽兮又崎危俯瀧淵兮怛以悲岸參天兮無路
蹊石縱橫兮流洄洄波隆隆兮聲若雷或抱貨兮

以從利或追恩兮以赴義汎自棹兮有不避沈躬
軀今有玄池委性命兮於茫繩潛寒慄兮不皇計
泛隨流兮殆忘歸懿賢后兮發聖英閔不通兮治
斯谿歷巨石兮以湮填開切促兮導曲機推六瀧
兮弱其勢遏泌汨兮蛟龍藏陸夫唱兮鱸人歌名
冠世兮超踰倫今稱揚兮鏗流沙功斐斐兮鎮海
裔君乎君乎壽不訾

據水經注金石錄
歐陽六一集參修

姚俊

姚俊字翁仲錢唐人少爲郡佐負笈至太學受業

百越先賢志

卷之四

八

明經術災異爲交趾太守漢末棄官入增城山中
學道遇東郭延師事之延教俊九精煉氣輔星存
心之術復與神丹刀圭俊服之成道世謂主東華
宮爲北河司命云

據姓苑列
仙傳參修

董奉 介象附

董奉字君異侯官人也生漢時不知其歲吳初有
年少作其縣長見君異若三十餘不知有道也罷
去五十餘年爲他職行經侯官諸故吏人皆往見
故長君異亦往顏色如昔長宿識之問曰君無有

道也昔在縣時年如君輩今吾已皓白而君猶少也君異曰偶爾耳士燮爲交州刺史得毒藥灰已三日君異在南方乃往以三九藥內燮口中後四日遂活乃爲君異起高樓於中庭君異不飲食唯啖脯棗少飲酒君異來就燮飲食下樓忽如飛鳥一年乃求去還廬山下居山間時時爲人咒水治病不取錢物重病愈者但使栽杏五株輕者一株數年有杏七萬餘株杏每熟時奉於樹下作一簞倉語人曰買杏者自將一器穀置倉中取杏一器

百越先賢志

卷之四

九

有納穀少而取杏多者虎隨後逐之自是買杏更無欺者奉以其所得穀賑救貧窮供給行旅歲消三千斛穀尚有餘蓋神仙者流仁術濟世者也後人於其栽杏處祠祀至今焉又會稽介象字元則亦漢末人通五經百家之言能屬文陰修道法孫權徵象至武昌稱爲介君爲起第宅以御帳給之象屢求去權賜梨一奩象食之卽灰殞埋之次日已至建業以所賜梨付苑吏種之吏表聞權思象

爲祠以祭

據列仙傳
山記事錄

虞國

虞國餘姚人漢末爲日南太守有惠政行部每雙鴈隨軒及還餘姚鴈亦隨歸國卒鴈栖墓側不去

據萬姓
譜修

董黯

董黯字叔建越之句章人江都相仲舒後也事母孝比鄰王寄之母以黯能孝諷寄寄忌之伺黯出辱其母黯恨之母次斬寄首以祭母自陳于官和帝詔釋其罪且旌異行召拜郎中不就

據兩浙
孝行傳

百越先賢志

卷之四

十

寧波志
參修

黃豪

黃豪字子微南海人年十六能通論語毛詩弱冠詣交趾部刺史舉茂才因寓廣信教授生徒及徵至京師除外黃令約已儉節簞衣蔬食所得俸祿悉賜貧民凡所剖決一縣稱平是時鄰邑蝗災而獨外黃無有歲屢豐稔民先流移者皆相率歸之闔境大治其循良足稱云

據廣州先賢傳
太平御覽參修

丁茂

丁茂字仲慮合浦人少孤貧性孝事母服勤色養得其歡心母終負土治墳植松栢成行白鹿遊乎左右馴擾不去交趾郡邑競傳以爲孝感太守察孝廉終身衰經不就吏民皆敬重之時蒼梧丁密亦以孝行顯聞世謂丁氏多巨孝

據交廣記太平御覽參修

尹牙

尹牙字猛德合浦人才能仕爲郡主簿太守南陽終寵到官三年哀形于色未嘗啟笑政治委諸牙牙感其知己也乃造膝請曰伏見明府四節悲

百越先賢志

卷之四

士

歎有慘戚之思者何也寵曰父爲張太尉所害重讐未報是以長號耳牙乃傭僕服自貶爲人役至宛與張校閤交通竭節於張伺其間隙出入三年乃先醉張左右近侍以夜解縱諸馬令之亂駭張果出問故牙因手刃之持其首而還事聞天子奇其才因赦不問

據交廣記太平御覽參修

徐登

趙炳附

徐登者閩中人也本女子化爲丈夫善巫術東陽趙炳能爲越方善禁咒時兵亂疾疫大起二人遇

於烏傷溪水之上遂約共以其術療病各相謂曰人既同志且可各試所能登乃禁溪水水不爲流禁樹樹即生莢禁人人不能起禁虎虎伏以大釘釘柱入尺許盛氣吹之釘躍出射去如弩箭之發以盆盛水吹氣作禁魚龍立見二人相視而笑共行其道焉登年長炳師事之貴尚清儉禮神唯以東流水爲酌削桑皮爲脯但行禁架所療皆除後登物故炳東人章安人爲立祠於永康曰趙侯祠蚊蚋不入也

據後漢書抱朴子異苑參修

百越先賢志

卷之四

三

盛憲

盛憲字孝章會稽人舉孝廉補尚書郎器量雄偉與兩弟宏仲總爲一時名士路逢童子怪而問之答曰魯國孔融時年十餘憲載歸知其奇才便結爲兄弟升堂拜母憲遷吳郡太守孫策平定吳會浚忌之融憂其不免乃移書論之曰歲月不居時節如流五十之年忽焉已至公爲始滿融又過二海內知識零落殆盡惟會稽盛孝章尚存其人困於孫氏妻孥湮沒單子獨立孤危愁苦若使憂能

傷人此子不得復永年矣春秋傳曰諸侯有相滅
亡者桓公不能救則桓公恥之今孝章實丈夫之
雄也天下談士依以揚聲而身不免於幽執命不
期於旦夕是吾祖不當論損益之友而朱穆所以
絕交也公誠能馳一介之使加咫尺之書則孝章
可致友道可弘矣今之少年喜謗前輩或能譏評
孝章孝章要為有天下大名九牧之人所共稱嘆
燕君市駿馬之骨非欲以騁道里乃當以招絕足
也惟公匡復漢室宗社將絕又能正之正之之術

百越先賢志

卷之四

主

實須得賢珠玉無蹕而自至者以人好之也況賢
者之有足乎昭王築臺以尊郭槐隗雖小才而逢
大遇竟能發明主之至心故樂毅自魏往劇辛自
趙往鄒衍自齊往嚮使郭槐倒懸而王不解臨溺
而王不拯則士亦將高翔遠引莫有北首燕路者
矣凡所稱引自公所知而復云云者欲公崇篤斯
義也於是徵憲都尉詔命未至果為吳所害矣

據漢文選
國志參修

沈瑜弟儀

沈瑜烏程人與弟儀少有志行瑜十歲儀九歲父
亡居喪毀瘠過于成人外祖盛孝章撫慰之曰汝
並黃中通爽終成奇器何遽逾制自取滅性邪瑜
早卒儀篤學有雅才以儒素自業守道不移州郡
交辟不就

據萬姓
譜修

姚文式

姚文式合浦人雅好誦讀博通今古建安中舉茂
才仕為交州治中時步騭為刺史初到南海覽土
地形勢嘆曰斯誠海島膏腴之地宜為都也乃問

百越先賢志

卷之四

古

尉陀舊治處人莫能知唯文式答曰南海郡昔治
在今州城中與番禺縣連接今入城東南偏有水
坑陵城倚其上聞此縣人民謂之為番山縣名番
禺儻謂番山之禺也漢書所謂浮牂牁下濊津同
會番禺蓋乘斯水西入越也秦并天下略定楊越
開南海以謫徙民至二世時南海尉任囂聞陳勝
作亂名龍川令趙陀告以大謀囂卒陀行南海尉
事乃拒關門設守番禺其所都也後歸漢築朝臺
在州城東北三十里則陀宮近是矣隲登望得其

處遂立城郭以建州治綏和百粵遂用寧集文式之功也

據沈懷遠南越志水經注參修

吳瑒

吳瑒字叔山揭陽人漢末察孝廉爲安成長孫權使呂岱取長沙郡瑒據縣以拒之權遣魯肅攻圖瑒突去曰瑒受天子命爲長知有漢不知有吳也後權統有交廣遣步騭爲交州刺史義瑒而不見責瑒亦不復仕

據黃恭交廣記三國志參修

衡毅

錢博附

百越先賢志

卷之四

五

衡毅蒼梧人負勇謀與同郡錢博皆爲郡太守長沙吳巨所信用建安末天下大亂荊州牧劉表以賴恭爲交州刺史孫權以步騭爲交州刺史巨逐恭恭奔零陵騭將至使人諭巨巨納騭而後圖之騭如巨與都督區景謀乃召二人人計事卽於中庭斬首以徇衆遂治舟船合兵二萬下取南海毅與博念巨部曲舊恩且騭之來非漢命也乃與兵逆騭於蒼梧高要嶮口與騭軍戰幾爲所敗會毅少却騭乘之毅與衆皆投水歿者千餘人無一

生降毅博思義結人詎但勇謀而已

據三國志水經注參修

士燮

士燮字威彥蒼梧廣信人也其先魯國汶陽人至王莽之亂避地交州六世至賜爲日南太守燮少游學京師事潁川劉子奇治左氏春秋察孝廉補尚書部公事免官父賜喪闋舉茂才除巫令遷交趾太守弟壹先爲都督郵刺史丁宮徵還爲司徒辟壹董卓作亂入關壹歸鄉里交州刺史朱符爲夷賊所殺州郡擾亂燮乃表壹領合浦大守次

百越先賢志

卷之四

六

弟黈領九真太守黈弟武領南海太守燮體器寬厚謙虛下士中國士人往依避難者以百數耽玩春秋爲之注解陳國袁徽與尚書令荀彧書其見稱譽武先病沒獻帝聞張津歿賜燮璽書進綏南中郎將董督七郡領交趾太守如故天下喪亂交州貢職不廢復詔拜安遠將軍封龍度亭侯後奉步騭節度孫權加左將軍質其子厥燮在郡四十餘年黃武四年九十卒其父子兄弟著名南土車騎出入滿道夷人夾轂焚香者常數千焉

據交廣記

三國志
系修

虞翻
子汜

虞翻字仲翔會稽餘姚人也少好學有高氣年十二客有候其兄者不過翻翻追與書曰僕聞琥珀不取腐芥磁石不受曲鍼過而不存不亦宜乎客得書奇之由是見稱為孫策功曹待以交友之禮漢召為侍御史曹操辟司空皆不就翻與少府孔融書示以所著易注融答書曰聞延陵之理樂觀吾子之治易乃知東南之美非徒會稽之竹箭也

百越先賢志

卷之四

七

孫權時為騎都尉翻數犯顏諫爭每不悅權既為吳王觀宴之末自起行酒翻伏地佯醉不持權去翻起坐權於是大怒手劍欲擊之侍坐者莫不惶遽惟大司農劉基起抱權力諫翻由是得免權因敕左右自今酒後言殺俱不得殺翻性疎直數有酒失權與張昭論及神仙翻指昭曰彼皆死人而語神仙世豈有仙人也權憤怒非一遂徙翻交州寓南粵王建德故園雖處罪放而講學不倦門徒常數百人又為老子論語國語訓注皆傳於世翻

既放棄嘗云自恨疏節骨體不媚犯上獲罪當長沒海隅生無可與語歟以青蠅為弔客天下一人知己者足以不恨初山陰丁覽太末徐陵或在縣吏之中或眾所未識翻一見之便與交善終成顯名在南十餘年年七十卒歸葬舊墓妻子得還翻十一子第四子汜最知名汜字世洪生南海年十六父卒還鄉里永安初從選曹郎孫綝廢立時欲入宮為不軌召百官會議皆惶怖失色汜對曰明公上安宗廟下惠百姓自以伊霍復見今迎立未

百越先賢志

卷之四

六

至而欲入宮如是羣下搖蕩眾聽疑惑非所以永終忠孝揚名後世也綝不懌竟立休後為散騎中常侍監軍使者討扶嚴以功拜交州刺史冠軍將軍餘姚侯尋卒

據三國志會稽典錄參修

李祖仁

李祖仁者合浦人兄弟十人同居郡北江上事親理家並以慈孝廉讓吳神鳳初交州上其事詔賜爵三級郡人因名江曰慈廉

據御覽交廣記參修

王範

王範南海人好讀書有鑒識吳孫皓時閉戶不出或問其繇曰見彈繳而弗避非靈禽也處亂世而求聞達非知士也人以爲名言晉中吳後行九品官人之法每州置大小中正以本土人爲之刺史熊睦以範爲廣州大中正選舉人才皆愜輿論範蒐羅百粵典故爲書名交廣二州春秋

州人物
傳系修

據晉書廣

黃舒

黃舒東莞人事親至孝盛暑未嘗脫冠帶人以純

百越先賢志

卷之四

五

孝稱之父卒躬負土爲墳結廬藉苫以居其側母喪亦如之閭巷謂舒生能致養沒能致哀今之曾參也因曰其居曰參里山曰參里山宋沈懷遠南越志載舒事云

據廣州志修

陶延

陶延字世賞番禺人父基先爲交州刺史教夷人以婚姻闡境化之畱從子居廣州遂生延材兼文武晉元帝時以功至伏波將軍湘賊杜歆誘五溪蠻寇武昌延將兵大破之

據黃恭交廣記
廣州舊志系修

張魴

張魴字叔魚始興郡人明帝太寧初舉孝廉咸康中爲含淮令三年化行民誦頌之有白鹿羣其治取其一獻之民因魴所築城及城南有岡皆以白鹿名之

據始興記及酈道元水經注系修

姚成甫

姚成甫番禺人幼聰悟以學義知名及長州辟皆不就性耽山水不爲世事所嬰吳刺史陸胤苦南海水鹹導泉爲甘溪後寢湮成甫復濬之晉咸安

百越先賢志

卷之四

五

中採菊於菖蒲澗遇一老父教之服菖蒲曰此安期生所餌可以忘老成甫如其言築室甘溪之上年八十餘卒

據水經注廣州志系修

黃恭

黃恭字義仲南海人刺史鄧岱錄爲記室參軍轉封山令州察孝廉舉爲佐著作郎父憂去職服闋補廣州大中正蒐緝王氏交廣春秋補其遺漏後復廣爲十三州記世傳其書族子整爲平越司馬

工文詞

據御覽苑
文志系修

先勁

先勁南海人家本武帥至勁讀書尚節操為廣州中兵叅軍盧循攻廣州勁出戰城陷為循所執循欲釋而用之勁叱曰賊奴欲凌國士邪遂遇害刺史吳隱之上其事義熙中追贈始興太守曲江縣侯謚忠義

據廣州人物傳修

阮謙之

阮謙之徐聞人家本陳留曾祖放為交州刺史留一子居擊雷水上至謙之仕郡功曹遷奮威將軍

百越先賢志

卷之四

三

元嘉初從征林邑王大敗之謙之振旅而還其子孫多居遂溪今猶有阮家村

據林邑記水經注雷州志參修

廖冲

廖冲字清虛桂陽人舉秀才為梁郡主簿武帝招採天下名士冲與焉湘東王就國請為常侍凡王所為多規諫之日見疎薄即浩然挂冠歸結廬靜

福山托迹黃老卒年九十七

據唐文粹注川志參修

馮融

馮融新會人世為羅州刺史至融能以禮義威信

鎮于俗蕉荔之墟弦誦日聞每行部所至蠻酋焚香具樂望雙旌而拜曰馮都老來矣子高梁太守寶婚于郡大姓先氏俚人益受約束隋平陳嶺南共推先氏為主寶子僕子盎

據人物傳新會志修

韋善道

韋善道字守約南海人博學能詩少為縣吏節度使張九章奇之俾佐書記遂通三禮為零陵令遷郴州太守有八子長注迹跡不仕闢園鑿池朝臺之陽號韋隱居家

百越先賢志

卷之四

三

莫宣卿

莫宣卿字仲節開建人宣卿幼即雋拔一日與羣兒戲題詩有云我本南山鳳豈同凡鳥羣人大奇之構書屋於麒麟山下大中五年狀元及第授台州別駕以母老乞歸賜其鄉曰錦衣縣之金縷村有讀書堂片玉亭

據筆慶志文獻通考參修

楊環

楊環南海人力學工詩隱居羅浮通咸末登進士第先是夢登高臺耘草得玉麟後除弘文館校書

郎人賀曰子居所謂麟臺芸閣也始悟所夢亡何
拂衣歸隱至德令周繇與環友善又有黃隱居者
家于朝臺往來羅浮與環莫逆時稱南濱三隱

刻歐虞部文集序

新都程氏兩生懋易烈卿雅從歐
楨伯先生游乃哀輯先生文若干
言付之剞劂用垂不朽以不佞沆
習先生最久願得一言為序余猶
憶侍家大夫宦嶺海時楨伯猶然

歐虞部文集

序

諸生既廩也家多藏書楨伯無所
不窺而比事屬辭壹稟于古以故
持時好角諸少年不能無枘鑿乃
家大夫獨嚴重之楨伯亦退而喜
沾也居久之楨伯僅從明經里
選北游上國出為諸生大師入

拜雍館廷尉虞部得與當世文章

家濟南李先生琅琊二王先生新
都汪先生吳興徐先生武昌吳先
生相遇中原並建旗鼓其稱詩曰
以工直渚建安大曆而上之所至
有南蕭北轅輶中諸集駸駸乎人

歐虞部文集

序

二

誦而家傳矣乃其所為古文辭則
大洗詰屈鈎棘之習上自先秦兩
司馬下至六朝隋唐極意取材觸
事而發大旨壹歸于溫厚爾雅即
王先生之雄博登壇汪先生之雍
容節制楨伯以偏師介乎其間未

嘗不旗相靡而心相重也其足稱
千秋不朽亡疑也藉令楨伯卑
趣時好以與向之諸少年角幸而
勝之對公車躡上第如世所稱引
縉紳先生者其人何限而不知其
名與身之終于銷亡也烏睹所謂

歐陽文忠公集

序

三

不朽哉語曰南海之羽出疆始珍
歐先生類之矣萬曆甲申夏六月
朔莆中友弟方沆子及甫撰

歐虞部文集目錄

卷一

賦

南粵賦 并序

卷二

頌

安期生頌 并序

葛洪頌 并序

漢二孝頌 并序

歐虞部文集 目錄

孔林頌 并序

大婚頌 并序

石巖先生頌

石首王夫人頌 并序

靖獻先生陳公頌 并序

歲星堂頌 并序

卷三

銘

秦關銘 并序

崇文閣銘 并序

羅浮銘

長林石几銘

叅軍井銘 并序

龍尾硯銘

思陵硯銘

卷四

序

六藝流別序

先君沙洲先生集目錄

序

珠江賦別詩序

送吳約卿守太平詩序

青門山人七閘序

楚望集序

歐虞部文集 目錄

送徐子與赴長廬序

吳越游稿序

送姚太史再移常州詩序

序

廣陵懷古詩序

佘山人集序

竹西十一子賦別序

送郡司理佘公擢刑曹序

幔亭集序

送江都方侯擢吏部考

功郎序

適燕稿序

西粵稿序

葛生詩序

卷五

序

送大司馬兼御史中丞元洲張公督撫兩廣

序

送邵博士海浮馮先生

擢保定別駕序

石刻金剛般若波羅密

經序

壽鄒毋周太夫人序

南臯文集序

西江遺事序

送督撫大中丞雙江方公擢南司空序

黃淳甫詩序

送陳光州入覲序

送林幹夫掌教確山序

歐虞部文集

目錄

三

靈均詩草序

白雲樓集序

竹西集序

泰泉集後序

臥游集序

卷六

序

重刻徐迪功集序

入粵集序

九峰先生集序

黎司封集序

潘光祿集序

陸藥集序

南浮集序

送清公游嵩華諸山詩

序

奧川集序

送吳宗高致仕歸毘陵詩序

送尚寶司丞王君敬美使秦詩序

程鴻臚壽詩序

自娛集序

南松堂稿序

韋子放言序

瑤麓詩集序

襜褕集序

嘉樹齋集序

汪虞卿詩序

梅季豹集序

卷七

歐虞部文集

目錄

四

序

田子藝集序

貝葉齋稿序

送邵長孺歸休寧壽母序

黃南胡公奏議序

餘榮錄序

同文錄序

息機堂稿序

予寧集序

海陽邵氏家乘序

華容劉氏族譜序

林端簡公集序

賀御史大夫兼左司馬鳴泉梁公東征奏捷

序

清江聶氏族譜序

勵節詩序

刻子華子序

龜川先生詩集後序

卷八

記

貽穀堂記

游西樵山記

兩游西山記

游泰山記

苜蓿齋記

知樂園記

上巳禊游記

瑤麓山莊記

卷九

歐虞部文集

目錄

五

記

江南游記

樂園記

南園記

伊闕記

光州學田記

白馬古跡記

卷十

記

嵩山石刻記

游嵩山記

依隱亭記

竹在亭記

樗園記

幻景菴記

南京戶部侍郎吳臯喻公祠堂記

西春亭賞芍藥記 寶綸堂記

芸閣記

感木遺思記

卷十一

行狀

先祖處士遺安府君行狀

高祖處士南野府君行狀

將仕佐郎雪竹府君行狀

敕封太孺人卜氏行狀

歐虞部文集

目錄

六

明贈國子監助教龍川先生梁公行狀

明贈文林郎合肥縣知縣隨齋余公行狀

程母吳孺人行狀 程母黃氏碩人行狀

卷十二

碑

報功祠碑

程母項孺人貞節碑

敕賜廣濟寺碑

貞節祠碑

卷十三

墓志

明故文津處士墓誌

吳伯舉妻羅碩人墓誌銘

清溪居士歐公暨配鄭安人墓誌銘

明處士澹齋歐公合葬墓誌銘

明處士樸翁陳公安人潘氏墓誌銘

處士滄橋汪君暨配金孺人合葬墓誌銘

兩川陳處士暨配馮安人墓誌銘

明處士元齋歐府君墓誌銘

楊母張孺人墓誌銘

歐虞部文集

目錄

七

德府典儀程長公暨配汪碩人合葬墓誌銘

明文林郎長汀縣知縣蘇公墓誌銘

卷十四

誄

許長公汪孺人誄 并貞宣先生誄 有序

哀詞

大司馬鍾陽馬公哀詞

卷十五

傳

曾處士傳

潘隱君傳

鍾御史傳

胡知縣傳

翁尚書傳

唐太守傳

古泉先生傳

趙按察傳

梁比部傳

監察御史王公傳

九華先生傳

卷十六

祭文

龍虎臺告神文

告七世祖墓文

歐虞部文集

目錄

八

祭梁公實文

祭潘啓純文

祭少司寇大庾劉公文

奠亡弟衡仲文

祭唐判官文

祭李于鱗文

祭忠節許公文

祭劉仲貞文

祭泰泉先生墓文

祭潘少承文

祭大司寇甫田林公文

祭亡弟明叔文

祭余太史母文

奠黎惟敬文

祭臨淮田夫人文

祭司封君文

卷十七

剖疏

論殷相割肝狀 議兩淮屯鹽事宜狀

江都上郡守請舉行四禮狀

繳回光州多給月俸狀

考定光州名宦鄉賢狀

太學擬條陳封事

卷十八

贊

歐虞部文集

目錄

九

前將軍漢壽亭侯關公畫像贊

張億像贊

奧川處士像贊

孫鴻臚像贊

何別駕叔節像贊

東隱圖贊

博士王君像贊

三台居士像贊

王冠道人小像贊

周山人文美像贊

貞吉宗侯像贊

顧司勳像贊

徐叅軍教子圖贊

西寧宋公忠父贊

閩陳隱君小像贊

盛泰甫像贊

大司空曾公像贊

新安程舍人燕居圖贊

叅政帽陽張公像贊

聶隱君像贊

卷十九

跋

晉索靖書出師頌跋

題張肖甫滑臺折衝事後

文太史草書跋

觀燈倡和詩跋

跋錢舜舉旅葵圖後

歐虞部文集

目錄

一

跋趙子昂小篆千文真蹟後

書祝希哲六體真蹟卷後

跋白陽山人書王江寧絕句後

題祝京兆書杜舍人二賦後

題清源觀唐人石刻金剛經後

書宋刻佛頂心陀羅尼經石後

跋李獻吉何仲默真蹟卷後

書西圖雅集圖後 三吳佳勝卷跋

題天台圖卷後

題鴈蕩山圖卷後

潛仙翁書許都仙胎息歌跋

書表忠錄

題宋人書雜阿舍經

書古墨齋記後

事墨竹事

書石鼓文後

陳太僕文太史朱九江

湯待詔墨蹟後

題莫雲卿送春賦後

宣宗皇帝御書卷跋

書吳孝婦傳後

柳羨仲天台游卷跋

題六書本原後

書蘇東坡畫竹卷後

鄭少谷方棠陵倡和卷跋

歐虞部文集

目錄

士

書十八羅漢并蓮社圖像後

書楊太史草書卷後

書番王獻馬圖後

松鼠圖跋

梁武帝草書狀跋

書虔臺攀望卷後

題玉鹿仙丘記後

書學錄劉公墓銘後

書出塞集後

雅宜山人書蘭亭記

竹樓記跋

書沈君典手蹟後

題封醫無閭銘後

題江南水利圖說後

弘正名翰卷跋

豫章諸王孫詩卷跋

書林芝真行千文後

題及質甫盤磚齋畫後

書何惟聖集後

題吳節婦傳後

黎惟敬兩詩卷跋

跋李斯頌德碑後

秋興卷跋

書曾處士卷後

華亭楊孝子詩卷跋

淳化殘帖跋

恭紀 誥敕刻石後

書張司馬撰魯王典儀程公墓誌銘後

卷二十

歐虞部文集

目錄

士

雜著

修仙說

詩問

酒問

秦風辯

鴟鴞辨

河圖洛書辨

試江都諸生五問

試太學諸生五問

賻楊判官歸櫬疏

試光州諸生五問

卷二十一

書

荅梁公實論藝書

寄謝茂秦書

寄張助甫書 一首 荅許殿卿書

訊徐子與書 一首 寄吳明卿書

寄方定之書 荅曾子澄書

寄李于鱗書 一首 荅朱濯甫書

荅黃淳甫書 寄王元美書 一首

寄王敬美書 一首 寄俞仲蔚書

寄陸子傳書 與錢叔寶書

訊王百穀書 一首 荅王仲房書

寄汪伯玉中丞書 荅沈嘉則書

歐虞部文集 目錄 主

荅沈肩吾書 寄張肖甫書

荅何元則書 荅劉子威書

荅魏季則書

卷二十二

書

荅皇甫子循書 荅顧玄緯寄夏小正甫

解書 寄張幼于書 一首

寄朱用晦書 荅魏秀才書

寄許太常書 與劉伯玄書

寄黎惟仁書 荅朱貞吉書 一首

荅余德甫書 荅戚都護書

荅梅禹金書 寄彭穉修書

荅宋山人書 荅田子藝書

荅朱秉器書 荅趙太史汝師書

荅華孟達書 荅瞿甲書

荅李本寧書 荅朱孔炎書

荅朱子厚書 荅方永叔書

歐虞部文集 目錄 古

歐虞部文集

嶺南歐大任楨伯

賦

南粵賦 并引

嘉靖丁酉余經瀧口任將軍故城泝浪水問
尉陀萬人城所在還登越王臺求秦漢遺跡
於是作賦

鬱龍從鬼崔削二雲以啓疆兮陲靡而望國門衝
飈勃怒陰霾晝延臯衍莽沒墉壘屈盤蒼龍左瞻
歐虞部文集 卷之一 賦 十

背騰右騫差以騾駟攤之坎塹廓沏寥而閭闔突
玢璘而斑斕驅招搖以騰歷傾碣石於噴吼大海
茫茫水之都兮奠百粵而爲邦炭漫滌汨澹施滂
澹陽侯沛以湧沸天吳九首而縱橫驟霆轟以電
逐紛紛雪卷而嶽崩軒轅之丘鸞歌鳳舞而不下
兮鵬扶搖而上征帆可引於蓬萊方丈兮安期羨
門翩續紛其來迎鼉龜鰐鯨吹沫而驟雲兮神龍
天矯於天溟羈水馬而鬬犀牛兮龜萬族而瀟灑
潮甲子佛堂而東來兮燦燦餘艤蔽海日以鼓行

繫蠻揚之通關族兮夷越鎮于楚庭循江漢以疆
理于海兮周髀測景而南極明盼臯鄉梅里而不
可卽兮逖叢薄而崎嶇梅銷胡害介番陽而入秦
兮適東井之聚星急尉陀之代囂兮檄橫浦湟谿
而戍兵烟火萬里兮眇中原絕嶺守關兮箕踞尊
輶車走兮唇舌翻符節馳兮璽綬繁變雕結兮襲
衣冠拜朝臺兮奉漢藩裝千金兮使者還海錯獻
兮報賜膳於是封五嶠而奠區極十洲而斥境制
關健以徼邊并要荒以畫井荔浦桂林謝沐涯次
歐虞部文集 卷之一 賦 二

跂踵僬僥北戶比景引羸隄與麋冷羈雕題而繡
領帶以龍編之城珥以零中之埂指甌駝以南麾
擊荆吳而北騁叱鼉鼠而突蜥蜴標磐礮而觸螟
蜒東冶長沙曾何足以辱蕭斧兮呼豹象而役蛙
鼃踵嶺衿瀧而肘邪階兮周祛亘海浩橫流折筌
以役屬百蠻兮黃屋左纛而威諸侯入朝請于咸
京兮帝南武而娛游金鐵田器之絕關市兮禁牝
馬之與毋牛士卒曾不得衣補兮何可以帶甲百
萬而與漢仇織旅命于上淦兮胡嬰齊猶雄長乎

一州夜郎桐師之延緣巴賓兮枸醬溢乎濱瀛之
市郵樛女在而終童死兮卒長纓之不可羈龍與
蝦蟇之交鬪兮卜南海之兆師樓船出滇水兮江
淮十萬又下瀨而度灘馳義道牂牁以會番禺兮
揭陽逗遛乎舉旗尋陞石門之鑿擊兮摧鋒陷堅
而引麾漢聞喜而獲嘉兮海氛蕩乎黃支霸基頽
而冢社屋兮未百年而亡之蔓草蒙欵荆棘離披
宮闕已燬隍塹已夷高臺爲麋鹿之野巨浸爲驚
鷺之池鶴乘軒而罷戰鸞呼道而不馳旋風起而

歐虞部文集

卷之一 賦

三

飛埃眯目兮寒蓬卷而蔽天洲蹇產以善崩兮波
怒激而澶潏感往之壹鬱余懷兮彼么麼之何足
以涕漣嗚呼哀哉兮海壖非據江介可恫鯁壑無
百二山河之險狗軼靡三千組練之雄愧田橫於
島上羞吳芮于鄱中恨腐至之已後惡狙詐之弗
恭豈臯陶不祀信陵荒墳之足憤惋於故封哉誦
曰陸梁之地秦守粵門鐔城疑塞南野餘干海外
有截甲弩戍屯實關南武彘猶通焉淳臯彌望綿
亘百蠻翬翠珠璣象商犀角白雉紫貝朱禽孔雀

璚瑀珊瑚琅玕琥珀丹砂空青神芝異藥服食之
屬各以千百飯稻羹魚鱉蠶麻蛤蜊蜆鹽豉蹄躑
皮革桂蠹鮫衣錫越絲葛鐵冶鼓鑄刀劍酒削果
布輻湊華升珍芳甘蕉橘櫟萑蒲山薑甲煎沉水
指甲蜜香離支龍眼橄欖檳榔匭入包貢充溢上
方海價什一國以富强建德不道餘善請擊伏波
南來有征無敵強不可不做盛不可不惕雍門有
哀愴矣陳跡

歐虞部文集卷之一終

歐虞部文集

卷之一 賦

四

歐虞部文集

嶺南歐大任楨伯甫著

頌

安期生頌 并序

南海郡北有礪產葛蒲一寸九節安期生采而食之其上有飛昇臺遺蹟安期生瑯琊人也賣藥東海邊人皆言千歲翁秦始皇東遊與語三日夜賜金璧數千萬出阜鄉亭皆置而去以赤玉舄一鞞爲報後始皇遣徐市盧

歐虞部文集

卷之二 頌

一

生等數百人入海未至蓬萊山輒遇風波而還齊人李少君采藥泰山病困遇安期生授以神樓散遂將少君東至赤城南之羅浮北陟太行西游玉門一旦被玄洲召乘羽車昇天夫安期生不受秦皇金璧之賜太史公乃謂其以策干項羽不用而去豈真蒯通可儔耶余游蒲礪因爲頌云

洞虛寥寥真人抱一南來食蒲駐顏鍊質揮璧秦時授棗漢日五嶽周流三山彷彿一股蓬萊海中

突兀求我千年金銀宮闕保氣長生飛昇路絕爰勒穹厓永標巖穴

朱靈芝頌 并序

靈芝者其先大宛人後徙北谷師事太素真人隱居羅浮治朱明耀真洞天其栖息處有朱子庵及朝斗壇焉

青精先生萬里南來修煉太清伏氣息胎鳥銜龍芝罡步星臺金鐺玉佩叱咤風雷圖籙祕御膺受奇哉福庭在茲朱明崔嵬

歐虞部文集

卷之二 頌

二

葛洪頌 并序

洪字稚川丹陽句容人從祖玄吳時學道號曰葛仙翁授丹術於弟子鄭隱洪就隱學悉傳其法後師鮑靚以女妻之復傳靚業晉太安中爲都尉討破石冰賜爵關內侯選爲散騎常侍不就聞交趾出丹砂乃求爲勾漏令留止羅浮山煉丹年八十一尸解去

賁禺以東天開靈岳蓬島浮來層城峯巒龍虎嘯呼風雲迴薄大石而樓中天爲閣仙人所居葛君

攸托嶺外奇蹤江左絕學遺竈藏丹著書抱朴躡
景駕鸞青冥黃鶴壇址四山都虛是宅水露酥醪
玄炎日魄灝氣中黃瑤臺太白黍珠映空海隅照
灼何處騷鸞丹丘寥廓

單道開頌 并序

道開敬煌人也少好山居山樹諸神見異形
試之無懼色石季龍時從西來至秦州表送
到鄴季龍令佛圖澄與語不能屈也初止鄴
城西沙門法琳祠中徙臨漳昭德寺日服鎮

歐虞部文集

卷之二 頌

三

守藥數丸藥有松蜜薑桂茯苓之氣時飲茶
蘇一二升而已季龍末道開南渡許昌鄴中
大亂升平初至京師後入羅浮山獨處茅茨
蕭然物外年百餘歲卒于山舍教弟子置尸
石穴中南海太守袁宏與弟穎叔及沙門支
法防共至石室口見道開形骸如生香火瓦
器猶存

道人褐衣萬里雙躡晝夜不眠寒暑不肖恒服石
子獨棲山杪入谷如雌寄松爲鳥繪服靡留咨問

弗擾視石季龍如狎鷗鳥翔集以時滄溟吾沼南
來羅山烟霞窈窕業行殊羣蟬蛻自了神游霄際
心存繫表策景飛空靈光縹緲瓦器徒存石室猶
皎肅仰玄蹤千齡烟祿

漢二孝頌 并序

羅威唐頌番禺人也威事母寒溫被席暑留
蚊蚋遭喪日進溢米食蔬醯者三年結廬墓
側白鹿馴擾如家所畜頌喪父母負土成墳
墳左爲廬寢處其中扶服哭踊朝夕捧盥進

歐虞部文集

卷之二 頌

四

膳事之如生者凡六年有甘露降于冢樹聲
郁靈霽彌月不已廣人以威頌皆先賢嘗尸
祝之南齊永明中范雲爲廣州刺史至任首
遣使祭墓余嘉靖丁酉秋經其祠遺址感其
爲嶺南風教之倡也敬著頌焉

德仁惇愍孝不違親躬耕負郭給養食貧鄰牛犯
穡納芻其門日對妻子有如嚴賓謝絕貴勢井汲
自存敬辟不就鄉里歸仁溫溫德雅內行純正孝
實人經毀不滅性郡察孝廉布山作令拊柔民夷

鬱林歌詠粵塋庵藹二公所廬馴鹿如在甘露尚
濡舊俗澆矣幽蹟歸如漢治近古炳列策書高風
不泯式此遺墟

征虜大將軍出師頌

皇帝四十有四載蠡爾戎醜度漠近塞窺我古北
口愾荒狄之不庭念遐黎之在宥詔大將軍十月
乙酉卜日丁丑以宣大兵出薊遼右雷震東夷電
閃北斗簡虎校載鸞旗甲冑齊熊耳隊陣結魚麗
經磧鹵斥邊陲駭僣答趨都兒先聲無敵於鏖我
歐虞部文集 卷之二 頌 五

孔林頌 并序

明嘉靖乙丑冬十二月乙亥余同比部郎黎
君天啓趨曲阜拜闕里廟衍聖公尚賢率諸
子弟迂于廟門拜畢導觀手植櫟於是出城
北四里謁孔林自漸門入二百步爲夫子墓

封高丈餘有漢刻石宋刻至聖文宣王墓石
則在漢石之前洙水環其下西南側有子貢
舊築塲東南隊道左有駐蹕亭饗殿前有二
石人四石獸甚奇古壇石四十九則造於後
漢魯相韓叔節伯魚墓在東子思墓在南相
去密邇四代白墓在西北隅五代求墓在東
北隅六代箕墓在東南隅七代穿墓在西南
隅自漢中興祖墓以下皆列於外林廣十餘
里樹木皆弟子四方之植下無荆棘上無鳥
巢南爲防山尼山鳧山嶧山顏毋山東爲九
龍山蒙山陪尾山夾谷山龜山北爲甌山杏
山梁父山云云山亭亭山介丘山徂徠山咸
宗于岱也水則沂汶洙泗皆西逝蓋地傾東
南非岱嶽諸山爲齊魯青徐之障則黃河衝
潰不但碣石淪於海而已障海地勢之完固
千萬年元氣之運所由啓與幸獲瞻謁謹奏
頌云

巍巍岱山四方宗今業業孔林萬年封今沂泗旣

下淮沛淙兮肇啓洪源羣林宮兮

建饗殿修嘉薦乃告成乃侑奠八音諧六羽獻來

子孫走髦彥奉聖靈歆錫羨祚無疆永詒燕

鬱林靈秀所盤日之月之維乾維坤元氣攸萃四

方來觀宇宙不毀喬木長存本支千億吾道萬年

漢江都相董子祠堂頌

并序

嘉靖乙丑冬余出京師過河間望廣川下帷

講誦之地鄉往人之蓋停車低徊不能去云

余時以江都文學掾之官也明年夏至江都

歐虞部文集

卷之二 頌

七

既三日謁董子祠堂祠在廣陵城東卽江都

相時所居故址董井存焉余惟孔子明先王

之道志在春秋春秋孔子之政也七十子衰

田方吳起駢臂段干木禽滑釐之屬學出孔

門爲王者師六國之際儒術旣絀陵遲至於

秦極矣漢興干戈甫定尊用黃老及治司空

城旦書鄒魯薦紳先生雖稍稍出其闕簡遺

編共相傳授然未有發憤六籍續墜緒於孔

門者也唯董子明於春秋修學著書爲事三

年不觀其舍園學士咸師尊之其對策言春

秋大一統宜罷斥申韓蘇張之言純用孔子

術自是邪說滅息道術明統紀一推尊孔子

自廣川始當是時孝武皇帝所用者張湯杜

周以刑法桑弘羊孔僅以徵斂衛青霍去病

以戰伐文成五利以方術枚臯東方朔以滑

稽鄒枚司馬相如以詞賦主父偃嚴助朱買

臣吳丘壽王以縱橫趙過任光以農利皆紛

紛進矣此董子所以出相江都也與易王好

歐虞部文集

卷之二 頌

八

氣力治宮館招四方豪傑驕奢甚董子以正

誼明道之學事之而三仁之對尤兢兢焉則

孔門政教江都其首善之地哉流風百世經

術之盛殆有所繇余數經祠下益想見其爲

人乃作頌曰

洙泗之學董子醇儒春秋在趙學士爭趨齊則胡

毋精篤不如潛心大業講授生徒進退容止禮度

罔踰漢廷博士乃相江都倬哉儒行國之球琛具

官待問著蔡規箴竟持廉直取嫉佞壬寧治生產

興世浮沉著書修業博極宏深玉杯繁露清明竹
林从次相受詠歌德音弟子通者百數冠簪中郎
掌故雲蒸霧靈伊昔西京表章六藝著令立官勸
學講議濟濟廣川發微啓秘鄉推祭酒家守典記
逢館石經羽陵山笥遺言炳蔚可示百世江都舊
蹟井泉閼寒蒸嘗伏臘儼若講壇高山仰止萬方
表觀九河已湮碣石已殘不絕終古秋菊春蘭小
子作頌以繼斯干

臨廡頌 并序

歐虞部文集

卷之二 頌

九

萬曆丙子八月二日 皇上駕鹵簿視學至
門外止輦具皮弁服釋奠先師更翌善冠黃
袍升輿 幸彝倫堂文武百官咸侍祭酒臣
應鰲司業臣淵率學官習禮公侯伯諸生跪
聽傳 制是日雨 上諭免講書免伺送次
日 上御皇極門文武百官慶 賀衍聖公
臣尚賢祭酒臣應鰲等以表進 上御門頌
賞次日 上賜敕勉勵師生 恩至渥也臣
大任以助教從學官後自幸躬逢 盛典伏

聽 綸音雖位卑才微然紀述頌歌亦文學
職也其詞曰

赫哉我 皇龍飛冲歲秉德生知敕躬寅畏保傳
在前疑丞在位兢業克勤政學並勵 南北郊禋
大禮咸備尊事 兩宮同于天地廸哲因心謙挹
自貴孔聖維師敎罔失墜竹簡六經木鐸萬世

二祖 八宗崇儒致治巖巖辟離闕宮嚴祀於焉
訓胄於焉造士 皇心仰止曰聖可至治謹日中
重明以麗維孔是師夙夜不貳輔臣贊襄釋奠有

歐虞部文集

卷之二 頌

一

事爰詔宗伯考儀辨制爰詔司空命工修廢太卜
筮日太常陳器牲醑夙虔歌鍾在肆六鸞鏘鳴交
龍羽衛冠冕鵠迎衿佩膺至大斯甫臨甘雨先被
具弁執圭奠爵獻幣靈睠儼來神禧報惠洙泗凝
祥闕里增賁橋門執經槐市講藝賜及師儒恩加
耄稚乃召三氏乃召諸生告之求已告之力行功
由業廣治以實成範金乃器直木必繩懋乃教學
樹之風聲煌煌彝訓穆穆迓衡鰲足攸奠亥步所
經三韓百濮諸羗二庭獻瓊於笥貢馬在垺同文

同軌以清以寧自昔唐虞舞鳳鳴愛及姬如廣
教偃兵警宗米廩辟靡鎬京化成天下臻于太平
作之君師維億萬齡小臣矢詩以頌我明

大婚頌 并序

上之六年戊寅二月十九日庚子奉 兩宮

慈訓遣使持節以金冊金寶迎 皇后於行

館文武臣僚肅班承天門外候 皇后入宮

二十一日 上御皇極殿詔告天下嘉禮告

成臣民胥悅於是國子助教臣大任奏頌曰

歐虞部文集

卷之二 頌

十一

六龍御天湛恩四方乾坤定位日月重光 皇帝

握萬曆之紀修五禮之常思媿內嬪虞之吉求塗

山配禹之良泰筮獻占文定厥祥幸應期之亦

協和鳴之鏘鏘於是承 慈闈之簡命遵 列

之義章揭奏告于 郊社為謁啓于宗祏曰惟

德靜壹端莊緜山肇社沙麓嗣芳儀刑任姒嬈笑

英皇六禮於焉迭舉九賓於焉敷揚令月吉辰九

門有閑鹵簿具舉旌旗抗張冊寶玉節元臣肅將

騎驂驪而傳警燈燁燁而成行翳翠葆於星漢翌

五軍於天閭集冠弁於橋南一白億儼而趨瞻

后蹕入升儷 袞裳明兩既麗陰教以襄於赫

翟燦彼珩璜於論鼓鐘叶于笙簧 兩宮孝養

九廟蒸嘗毋儀函夏內範姬姜關雎正始葛覃

彭樛木逮下卷耳傾筐禮于高禴蠶于公桑

本支於百世而基風教於萬邦綏帝祉于合德

萬壽以無疆嘉釐貺今徽音允臧 一人有慶受

天百昌

高氏牡丹頌 并序

歐虞部文集

卷之二 頌

十二

南昌高大夫汝謙始家高城遠祖手植牡丹

垂六七百年矣家有大慶花必繁艷里人每

占其異張太史明成為之記屬余作頌

五嶺北來章江遙派大宗維高衍於羅合列祖建

家吳楚之介赫赫高城始若其下祚胤天錫厥姓

日大愛有牡丹樹之庭 自宋年七百已過山

幽為叢藩落成此荷雲霞覆甘液霑灑穠掩檐楹

光暎牀座陟降在茲愛護攸戒式敬式恭勿剪勿

拜世食舊德歲閱千蟠名閭開先萬物假夏家啓

吉祥瑞徵藻藉霞采錦張綠帷紫邏子孫千億兄
弟旅亞經以代傳策則連射有斐冠簪聯觀圭玠
宅表睦雍庭告整暇析之惟薪以負以荷治之惟
疇以耕以稼版築王臣力稷帝佐封殖此花以滋
新橋先民有則茲歌風化誦請角弓毋忘夙夜

石巖先生頌

巖巖先生八閩鉅公心夷性澹道尊德崇結宇臯
壤考槃礪砥亭高冠月松茂延風誦書樵徑注易
房櫳奉祖養志事母婉容閭里推孝宗族讓恭朱

歐虞部文集

卷之二類

七

言纂集陸學潛通跡托庠校名飛華嵩羔鴈如市
几杖在宮段廬毋式戴席恒重含章可貞中行獨
復猗蘭深谿白駒空谷與世作程及門著錄司徒
尚書家學已續圖形丹青傳懿汗竹 皇賁有章
九原可告烏石爲林滄江爲瀆援毫頌詩以揚芬
馥

李小侯婚頌 并序

勳衛李小侯汝藩掌左軍都督府臨淮侯惟
寅先生冢嗣也聘于定國徐公女有年矣卜

庚辰五月六日筮人告吉拜廟醮子迎相承
宗是日也觀奠鴈之有容望乘龍而咸慶三
周肅御輪之盛百兩侈盈門之儀致媵不煩
於友邦來教實資于令德猗維休哉余論交
奕葉雅社通家喜嘉禮之聿成羨公侯之世
好也不有藻詞曷彰鴻懿頌曰

乾坤恒久夫婦齊順化基壺闈禮重明信耦以姬
姜匹稱秦晉虔占鳳凰弘啓祚胤臨淮 帝戚爵
自岐陽家有哲子小侯最良爰求淑媛德載光

歐虞部文集

卷之二類

十四

定國嬪之造舟爲梁二姓伉儷綺紈方少申訓聲
縞永締松鳥歸奉榮盛上事宗廟潔贊束脩高堂
燕笑有齋惟季肅雍在齊永勤澣葛寢戒鳴鷄偕
老介福邦君令妻請歌風始垂範中閭

石首王太夫人頌 并序

太夫人姓曾氏大司寇西石王公母也是歲
辛巳年九十四矣楚有司以貞慈榮壽表其
坊先是 皇上御極三年司寇上書請養賜
乘傳歸司寇今亦七十歲太夫人之孫南京

戶部郎中夢麟將稱祝焉匪但公卿家慶蓋

海內衣冠盛事也頌曰

猗惟夫人相夫以禮恭順于家睦慈于嫗凜矣婦
年教子洵美祚胤永延藉彼女士其一

司寇維子慈訓在事熙朝上卿左右 宸扈乞養

疏陳賜車授几象服攸宜樂哉堂庀其二

衡廬有岑江漢有汜鸞章在堂 皇錫爾祉爰表

宅里爰書閭史壽母康哉邦人燕喜其三

黃髮皤皤鳳珈有煒麟袍奉觴環以孫子客何祝

歐虞部文集 卷之二 頌 主

之四國咸喜岡陵可同松柏是似曰千歲無疆自

今伊始其四

歲星堂頌 并序

程公德厚薄游王門歸老樽園滑稽不若東

方生而放達似之行年七十諸子構堂爲壽

徐子與題之曰歲星朱貞吉用篆書扁之歐

生嘗爲作圖記復頌斯堂頌曰

木帝之精爲漢東方誰其重耀有程之良行寧徒

老隱不終藏豈其仕魯亦曰游梁放歌樽下若娛

帝旁行年七十神王力強三子承顏職思其康連

珠結室合璧爲房掩映少微左右文昌經緯五行

爰構斯堂是名歲星煥發天章題繇方伯書自侯

王樂只君子玉質金相小子何官爲侍中郎式歌

且謠永矢不忘

靖獻先生陳公頌 并序

公諱廸宣城人洪武初以郡學訓導召入爲

翰林編修遷歷至雲南左布政徵拜禮部尚

書受 高皇帝顧命建文時靖難兵起公與

歐虞部文集 卷之二 頌 主

兵部尚書齊泰大常寺卿黃子澄以陳大計

南北相持者五年 文皇帝入正 八位公抗

節不屈詔繫請室公憤乞就死遂力其子丹

山等六人磔于東市臨刑作五噫詩存衣

帶中成化嘉靖間建祠祀之今郡士大夫

私謚曰靖獻余爲之頌

於鑠陳公童孩岐嶷志在莘巖時需旦與父教之

忠曰貳乃辟 高皇倚毗顧命朝夕股肱嗣君多

難孔棘 文廟宅師再安宗稷自靖自獻之死弗

易力竭奚齊死報荀息實祚隊家僅存荒拓 帝
今憫公當時死職官奉詔書新宮奕奕萬里風霆
千秋覓覓伏膺醊祠頌銘金石宣城首陽並垂無
極

歐虞部文集卷之二

歐虞部文集

卷之二 頌

七

歐虞部文集

嶺南歐大任楨伯甫著

銘

秦關銘 并序

始皇帝取南越陸梁地置南海桂林象郡以
謫徙民戍五嶺於是大庾嶺上有秦時所爲
關焉今爲走中原道卽庾將軍塞上嶺也其
險要在封守者銘曰

巖巖嶺陽百粵門戶開道豫章周祛橫浦東南一

歐虞部文集

卷之三 銘

尉叢薄雜處戈弩靡弛饌餉足賦屠睢史祿鑿漕
典武任翳趙陀甲卒屯戍關旅旣通牝畜鐵鑄方
物入貢庭實飛輪犀角象齒南金大璐翟羽蛟皮
孔雀桂蠹饜于魚稻湊以果布軍寓中權貨盈外
庫肥國域民實由斯路越裳白雉重譯以赴黃支
牽犀航海而渡逸豫是虞盛隆宜懼勒銘關門思
我王度

崇文閣銘 并序

楊州學堂後有崇文閣太守昆陽衛公東楚

修之教授濬縣盧君向陽屬爲之銘

於赫有明聖道不鑠六經顯訓光被四極淮海惟
揚矜佩千億倬矣學官守臣加飾閣有賜書上燭
奎壁來爾諸生是誦是式揚于 帝庭爲旦爲真
泱泱國風永矢文德

羅浮銘

鬱葱東南奠茲靈嶽高揖華嵩頰引衡霍灝氣網
緼飛濤噴薄二曜出入九霞輝灼朗接太空朱明
真宅瑤臺鐵橋馳車烟策西臨龜淵東注鵬澤地

歐虞部文集

卷之三 銘

二

肺潛通天池不隔陽德冬榮百嘉繁燦仙人往來
星壇中閣洞冗寶衢金庭玉壑於焉冥栖可鍊大
藥賜谷赤光與日偕作崑崙冠雲參差駐鶴游心
太玄虛室乘躋宇宙萬年我銘斯托

長林石几銘

修竹爲林盤石爲砥清同伯夷貞比黔子於焉尚
牟於焉瞻視孤鶴青天白雲流水委懷逍遙齊物
終始小年不如大年夫是之謂隱几

參軍井銘 并序

叅軍井在歙長源里中贈彭城衛經歷程公
有緣之所鑿也先是里去水遠里人病汲程
公數往來其地用是憂之乃相視泉脈告于
后土召號鄰左經始井事已而潛源遂啓甘
冽異常飾以甃檻汲者攸賴終程公之世有
子宗海以璧水之英通藉金閨得受 渥恩
贈公今官里人德公澤之下施念源源之未
竭也相率而字其井爲今名云夫分人以財
其源易窮給人以粟其流難繼孰若茲井不
虛不盈隨取隨足費省利溥一勞永逸井之
時義大矣哉公之所息蓋深深者里人不忘
長原之俗亦厚矣余聞其名實沃乃心且樂
程公之獲飲其報也固知九仞之功始于一
鍤洋溢之達本于涓滴程之衍慶寧有涯哉
遂爲銘曰

長原有井既清且淵流而能坎方而能圓甘以不
竭冽乃長存唯茲里人藉此饗飧緇瓶而往抱甕
而還滿腹非溢一畝非慳臘無斧冰伏可消煩日

歐虞部文集

卷之三

三

用不知曷求其源有取之跡無與之名誰其爲此
里有程君程君濟德沒有令聞君以子貴井從君
官千秋百世榮名以完我銘其甃照映長林視此
彭城何如穎陰

龍尾硯銘

玉砥如金雲起文在中溫而理寶千年歙蘇氏銘
者誰子歐子

思陵硯銘

何飲馬兮南來何捐玦兮東馳世何合而何離天

歐虞部文集

卷之三

四

何全而何虧文明有待乎玉池子墨客卿其實之

歐虞部文集

嶺南歐大任楨伯甫著

序

六藝流別

六經者聖人所以啓天地之秘明人倫之敘而究萬物之宜也孔氏之徒傳而習之述而効之自源徂流濬一達萬則爲藝焉若子夏之序詩公孫尼之記樂商瞿之訓易左丘明之傳春秋以至禮纂於戴氏書闡於伏生六藝備矣易變而爲老莊詩歐虞部文集 卷之四 一

變而爲楚騷書變而爲秦制禮變而爲綿蕞樂變而爲新聲春秋變而爲史記蓋亦氣運升降之由也厥後詞人互相祖襲方其翫素窺玄廣蓄德之閎度鐫思抽緒奮摛藻之異能孰不謂人韞茗華家藏明月然究其標鵠之志或殊放浪之懷靡一是以序錄之家品裁精核銓綜詳審夏璜以一類而捐和璧以微瑕而廢卽蕭統所選鍾嶸所品例於王微鴻寶任昉緣起諸編固亦存什一于千百者也然而識異辨澠之真知之決聰慙顧曲無聽

榮之審未能衡鑒百代原本六經則纂類之學亦難矣哉吾師泰泉先生辭榮金馬高臥碧山集儒書之淵藪導學子以津梁嘗曰精一博約聖賢之道也川流敦化天地之德也非求之于萬殊曷貫之于一致乃閔九流之橫決厭諸家之紛紜括綜百王上窮黃帝馳騁千載下迄有隋撮史籍之英華漱詞林之芳潤因體定篇析源聖蘊斷章摘節彙集羣言搜隱側則宮闕不遺闡幽潛則芻蕘必錄三復斯編信學海之鉅觀冊府之淵匯也譬之

歐虞部文集

卷之四

二

疏導九川功同神禹流異其派派別其岐岐濬淵滢蹄涔濊汙雖殊潤澤之利皆出崑崙之源故不曰經而曰藝者示人返求也視彼補亡之徒事贅疣續經之妄爲僭擬詎可同日語耶鈐摘旣就殺青斯竟某也爰因校讐之役輒敢論著先生述古之志云

先君沙洲先生集目錄序

先君沙洲先生集四卷嘉靖戊申秋先君棄諸孤庚戌大任在禪始能啓山笥錄遺札聿成斯編於

乎傷哉先君五歲喪我祖母七歲喪我祖父苦於家貧受書里塾不能就博士業伏臘魚菽之祭泣如孺童於是作思親賦病林賦以見志懷鄉先哲每誦張文獻余忠襄崔清獻陳白沙之行誼走韶廣求其祠謁焉作曲江辭武溪菊坡江門諸詩中歲勤於耕稼貨殖僅有蓋藏隱居教子作築室記箴銘數十篇廣蓄四部書日於小樓汎覽忘食對酒則歌陶杜詩以樂賓有雙洲穫稻佛灣暮歸臥病大崙山中春日洲上之作頗聞於郡中黃太史

歐虞部文集

卷之四

三

賦汝洲草堂四時詞寄焉所交不慕權貴多海內畸人逸士吾鄉則與蔡嘉父李子長余文通霍宗厚最篤而方外之游則大梁之王長公衢州之李廷器翁安國江西之蕭伯成伏牛之曇禪師鐵柱之耿道士也故有蘭襟錄今亡矣先君之學不苟從人恥立門戶答劉侍郎寄定性書惜不及一見整菴先生云嘗欲與里中關慎夫兄弟黃希達李國彝黃宗吉及宗人之賢者行藍田呂氏鄉約爲社倉以周鄉人屬疾不及成其志具見於答鍾默

夫借穀書中先是庚子春家遭回祿先君詩文草在東廂者焚十之六七如海上農書菩提志吊張尚書墓賦戒酷吏文瓊海招魂詞贈霍生隱西樵序移梅記澳口釣魚記喜余子南歸嘲李子長約游江門不果十五詩可憶其題而亡其詞也過庭之暇間請先君記而筆之先君曰卽諸草盡存亦祇堪覆醬瓿耳學惟躬行之爲貴不在文詞萬石君父子何嘗與枚馬諸生抽毫競藻哉小子志之嗟夫先君實志沒矣大任哀痛之餘懼不能嗣承

歐虞部文集

卷之四

四

素業又不敢汨沒其所論著也謹拭淚焚草墓下并述其大畧焉

思玄堂集序

余不肖幼跼踖好擊劒蹴踘不能耒耜先君汝洲先生方耕於南海上意不憚也家故藏書頗有三千卷力田之暇敕使誦讀眎以躬行不操切於進取爲急於是不肖爲諸生朝夕馴謹稍稱先君意嘉靖庚子度嶺至金陵踰年思侍庭訓不能遠游歸以橐中草跪上先君笑曰是兒殆欲世吾山林

枯槁之業乎因教以古歌辭及陶杜詩且命其與雅游諸君子習也久之不肖竟不第而先君亦棄養矣卜葬課耕恒往來大崙青蘿西樵羅浮間庶幾山林枯槁之業不至廢墜壬戌貢上京師先走伏先君墓下嗚咽謝不肖死罪視橐中殘草戊申以前皆先君竄定不敢棄也命李英分類錄之并及戊申後十五年之作都爲八卷藏諸思立堂因名集云嗟乎析薪之子負荷誠難弓冶之家箕裘已慙矣俗云力勤十頃能改嘉穎不肖何有焉敢

歐虞部文集

卷之四

五

謂猶賢於擊劒蹴踘者哉

珠江賦別詩序

仲弟衡仲之游江西也余與季弟送之海珠江上乃陳君謙鄭克一陳夢庚黎子翰則各以祖餞至是日也氣翳肅清霜日晶映江風蕭然木葉槭槭蓋有感乎悲秋之懷也觴竿交酬舟楫候發念言離別愴爾在今於是夢庚賦匡廬克一賦湓浦君謙賦鹿洞子翰賦滕閣余賦孺子祠季也亦賦彭蠡之篇余乃覽而歎曰嗟詩之道不可以已矣夫

假物諭志詩之原也然餞送有詩自烝民韓奕始四子之賦別也豈非假物諭志者耶而諷警存焉猶古道也夫匡廬彭蠡吳楚之望也湓浦源泉也孺子祠滕王閣白鹿洞者文獻之會也詩曰高山仰止景行行止衡仲行矣可不念哉

送吳約卿守太平詩序

余觀漢初循吏皆謹身帥先居以廉平不至於嚴而民從化儒者益通世務明習文法以經術潤飭吏事所居民樂去則見思此廩廩庶幾公儀休孫

歐虞部文集

卷之四

六

叔敖廉讓之風矣然仕者恒重內輕外何也汲生爲謁者使東粵使河內能以便宜發倉粟振貧民爲中大夫能懲直切諫異日召拜淮揚太守則願爲中郎出入禁闥豈中外之勢殊耶宣帝之世厲精治理刺史守相往往召見質考名實治有殊效輒下璽書勉勵增秩賜金封爵至關內侯公卿缺則選諸表異者以次用之於是天下守土之吏靡不烝然起也漢家中興之盛海內實多循良殆二十八宿環北辰三十幅扶一轂乎今 天子明聖

百執事奉職多暇學士大夫莫不欲裁冠影纓於闕下而臺諫外補亦以爲棄遠居郡不得與朝廷議矣其與汲生之意同乎奚不思出入均勞之義也余嘗歎諸生治經時皆誦法孔孟鄙薄申韓及得一官假一郡則廉靖不著風化不聞惟鞭笞其民日魚肉之甚則左右攫取思盈其橐中裝也斯於經術何用曷稱吏治哉吳君約卿爲御史奉命按畿內及河南山東二省上疏論馬政紓疲民百萬戶之力惠至渥也此何殊曩昔東粵河內之使

歐虞部文集

卷之四

七

耶三年竣事狀列官屬舉賢劾貪 上是其言下之廷中諸老先生誦之奏牘風生雲英英起矣是時 上以吳越甌閩甫逐倭夷思鎮撫留畿諸大郡爲豐鎬計指數二千石多無善狀乃於臺中出約卿守太平約卿知 上意所注念也卽日驩然戒行夫太平爲江左三輔蓋股肱郡也約卿豈敢薄淮揚哉余从從約卿游知其經術最深必不徒以柱後惠文治之矣爲贈四章諸公念離申臆咸有所賦而余以乘韋先之云

青門山人七闢序

余聞青門山人久矣嘉靖癸亥余至京師始識山人甲子秋山人著七闢成詣余請序余與山人在江海爲晚交於詞藻爲前匠辭不得乃序之曰夫七竅所發發乎嗜欲蓋天下之必情也枚乘七發厥爲雜文之一始邪末正所以戒膏粱警沉溺亦至矣辭雖甚泰誠不沒其諷諭之義謂先騁鄭衛之聲曲終奏雅非此類耶自茲以下屬文之士傳毅崔駰張衡李尤桓麟劉梁陳思王粲之徒作者

歐虞部文集

卷之四

八

紛焉綜而論之七激七依之清要博雅七辨七欸之纏綿結采七說之綢繆爲工七舉之巧艷迭出七啓取美於宏壯七釋致辨於事理自張協七命以下左思七諷以上大都高談宮館盛陳畋獵數珍綺之服饌羨妍媚之聲色游閒公子任俠之徒莫不聳體搖骨迴慮洞寬矣賦者將以戒淫麗此不幾於勸耶唯崔瑗七厲敘陳賢哲歸以儒道殆七林中之卓絕者也山人本名家子不樂仕進少好奇游足跡殆遍天下所交皆海內魁壘之士觀

其七關所引筆區雲謫詞源波激周流慾界類隱
居之放言蛻解氛濁亦大人之遐軌豈誠列仙之
癯游戲人間者與昔枚臯以敏捷應詔東方以詼
諧取寵山人非不可操管持橐陸沉金馬也又獨
不能如陸賈之交驩將相樓護之遍游五侯乎寧
甘於澹游力於詞學志蓋遠矣山人將歸錢塘余
亦薄返嶺外勉綴斯文以當抗手雖然九歌之引
何取王逸三都之序易籍張華山人毋亦嫻於余
哉

楚望集序

德清戴君伯常詩二卷蓋初仕京師時作也伯常
先人良醫公提藥囊事 獻皇帝於興藩因家焉
楚望臺其游息之地也集因以是名云正德末伯
常從 今皇帝龍飛江漢錄先人功授錦衣衛千
戶進指揮僉事顯矣然每飯意未嘗不在楚望下
也夫丹林綠水之游果可以繫碩人考槃之念而
鍾鳴鼎食之歡固不能奪嘒嘒躑躅之思哉嘉靖
初 上方興禮樂以登閣至治而伯常官禁近備

宿衛親睹郊廟禮儀 聖明制作之盛退而歌詠
頌述殆有意於樂府協律之作兩從上陵每在鈞
陳鹵簿中復扈 蹕幸郢涉鄧鄧望沅湘尋童稚
釣遊之地登降沿澗游行眺聽瞻粉榆而攀桑梓
獲與里閭父老子弟伏承 宣諭以爲湯沐光寵
是時蓋亦忼慨於大風雲起之歌而希艷於陽春
白雪之曲矣居京師周旋紈綺間非其好也問學
於大司馬聶公而時時從臨清謝茂秦濟南李于
鱗長興徐子與武昌吳明卿魏順甫諸君游暨余
歐虞邵文集 卷之四
至則伯常隱名跡遠權勢逍遙園居實辱交焉每
過海籌亭恒把酒賦詩紀 皇恩述先德相與談
郢中故事悠然於石城京嶺之外間以是集命余
爲序余聞張子孺漢宿衛之臣也謙退忠謹夙夜
不怠將軍封侯天子親焉施及嗣人延壽千秋繆
侯武始咸有敬侯之風漢人謂功臣之世保國持
寵未有若富平者也伯常魁岸鉅人文武殆將爲
憲其子孫多賢蓋楚望基之矣謂爲今之富平非
耶

送徐子與赴長蘆序

余踰伏嶺外聞吳興徐君子與名籍甚所交友多海內俠烈奇士癸亥春余渡淮河過平輿之野人行而歌曰植我禾黍陂鴻邠今之徐君漢鄧牧教我子弟綜古文漢之歐陽今徐君時子與方守汝南也比入部子與則觴余於表臺之上譚藝賦詩恂然一儒者及至京師聞子與已被播南歸天目山中矣而真陽周令汝南李生北來數爲余稱子與諸治狀均徭賦平訟獄禮耆俊興學校祠漆雕

歐虞部文集

卷之四

士

氏黃徵君許何二先生以風示郡中吏治蒸蒸有西京循良之風具載於曹藩伯劉給事所撰去思碑中與余所聞於輿人歌頌罔殊也夫學士大夫服習詩書誦古昔稱先王人人蓋能矣至釋草屬綰組綬輒悖謬於六籍而壞棄其官常者不少子與固嗜古博物之夫侍從詞賦之所優也卽剖符兩郡允爲良二千石不亦干將之所已試而豫章之所稱材者耶然不免播謫余莫之究竟矣往余睹前謀賈生少年喜事改定制草具儀法絳灌

東陽侯之屬盡害之董子廉直惡諛公孫丞相張廷尉每嫉忌焉今子與質性醇厚經術最深廷中諸公卿挹獎奇材什九推轂主上方英明仁聖知子與無罪薄謫爲長蘆鹽運判官蓋與江都長沙之事不可同日而談矣子與俟譴闕下時時從諸故人游擘脯飲酒無幾微遷謫意日以益驩其赴長蘆也諸故人餞之郊咸有贈篇顧繾綣不忍別去余交子與最晚而子與視余不在諸故人後其繾綣猶諸故人也輒起爲壽曰子與第行聖朝不次拔擢內召將至舍人趣且治裝矣

歐虞部文集

卷之四

士

吳越游稿序

丈夫之生於閨闥也有桑弧蓬矢焉固欲其遐陟四極雄視八荒不齷齪牖下也然人各有志游亦匪一雲臥與陸沉異嚮乘輶與躡屩殊科惟高逸之士解體世紛取其適焉非必枕流漱石茹芝餐霞也已故莊周魚樂於濠上伯鸞鴻冥於吳門仲子栖遯於於陵魯連長笑於東海此豈可與蓬蒿自掩閨閣不窺者道哉鄴人沈嘉則余君房沈

肩吾海嶽之幽居者也乙丑之秋覽遊吳越著爲
歌詩丙寅仲夏余與肩吾邂逅江淮之間出其草
爲余誦之篇篇奇絕信可以寫攬勝之逸韻憶懷
古之幽情矣下長卿因遂刻焉來問余序嗟乎佳
哉茲行是余固所欲游者也三子上會稽探禹穴
玄夷使者之書固在歟尋載嶺嶺蘭亭問東山之
隱居王謝之風流尚有歟躡天竺泛西湖觀潮錢
塘萬弩猶射江否歟憇虎丘登姑蘇之臺可望越
來溪歟過京口陟金焦曾酌中泠之泉讀瘞鶴之

歐虞部文集

卷之四

三

銘歟廣陵尚有中散之遺音歟淮陰稱漂母之風
義歟笈中之賦奚未及此也三子異日沂淮亂河
采觀風謠於梁楚秦晉燕趙齊魯之墟余雅有禽
尚之懷尚能執鞭弭以從事於中原也長卿其爲
我訂游焉

送姚太史再移常州詩序

秀水禹門姚公以癸丑進士高第改翰林庶吉士
授編修守太史八年海內文章家知有姚太史从
矣癸亥春大任至京師時公被播遷出判六安州乙

丑冬量移楊州司理丙寅夏大任爲江都文學掾
始得以屬吏事公於廣陵公一見握手歡如平生
每於文行相規職業相勵暇則引諸生譚經術咨
世務今再移同知常州夫謫吏往往不親民事自
放於山水之間江州白公几席廬阜柳子在永賓
客冉溪軍府大吏恒優容之不以爲異公所署則
法曹也飲水茹葷不以家累自隨晝親鞠審夜視
文書篝燈漏下三十刻乃休憊重獄亭疑法或終
夕不寐於病者死者尤加之意爰刻急救良方明

歐虞部文集

卷之四

古

寬節要二書傳焉當其時從螭頭豹尾之下豈知
鞭笞案牘之勞今也評議金科玉條之間不少馳
天祿石渠之想是其心肯中外易視夷險二節哉
且三尺法非理官可出入傳比者也我 聖朝監
古又民律例其在非有秋荼凝脂之苦且密又非
如執秩僕區之以時改而更也司寇廷尉分掌邦
憲而州縣之獄則成於郡之司理司理者又司寇
廷尉之所取決者也刑重大辟獄貴初情蒼鷹乳
虎太息多矣公於此故兢兢盡心焉足以導迎和

氣保養萬民卽一日秉樞軸贊密勿邳隆之治可
睹矣何有於常州哉歷試劇繁固公大受地也公
實出今少師徐公之門廣陵之業其相譜之在延
平與江都諸生張躍鯉輩皆公所授經者因相率
賦詩送公東行俾大任敘其所欲言者於簡端云

廣陵懷古詩序

余至廣陵旣三月諸生譚經講藝者時相過從未
始治游事秋且盡矣朱明府仲開自真州來郭山
人次甫自焦山來陸秀才無從邀游禪智寺飲蜀

歐虞部文集

卷之四

五

井泉讀楞伽經甚適步上蜀岡尋大明水平山堂
余因謂二三子曰岷山之下江水出焉其山自岷
冢之北迤邐至楊州而江經三峽合漢水東南連
楊子津魏帝所睹波濤而歎南北者也東望海陵
則吳淞煮海爲鹽之地也北望高沙則秦人發郵
之亭也西望邗溝則夫差通江淮以入中原者也
董井以董生著名墟以謝公名蕪城以鮑賦存梅
閣以何詩顯軸以崑岡卽崑丘也號爲吳公卽弩
臺也竹西歌吹非北折茱萸灣之路乎瓜州帆檣

非南指京口三山之處乎迷樓螢苑九曲池王鈞
斜非隋家大業之遺跡乎瓊花芍藥之觀與圃猶
歸然在乎余願從二三子翩然游焉遂與仲開次
甫無從賦廣陵懷古二十詩馮汝行黃定甫吳子
化邵長孺趙敬辰和之如其數嗟夫余海上客也
青冥黃鵠將搏扶搖超鴻蒙二三子能相期於寥
廓否耶

佘山人集序

正德嘉靖間五嶺以南蓋有佘山人云山人性警

歐虞部文集

卷之四

六

悟幼卽覽經史諸家言旁及釋老醫藥堪輿龜策
兵法劒術時以翰墨丹青自娛壯稍踈馳任俠不
治家人生產獨喜賓客好遠游以故齋用踰溢無
蓄藏度嶺過江浙窺湖湘沿漢淮汶泗馳驅齊魯
趙魏北抵燕都貴近愛其才欲官之授以冠服不
樂就去家歷數載乃披褐杖策恣迹名山登太岳
恍若列仙翩翩然下尋齊雲巖躡三茅峰遍匡廬
武夷天台鴈蕩之勝遵甌越而歸所交皆海內鉅
公名士無問識不識咸知有佘山人矣歸始卜居

粵秀山下草堂蕭然所藏古圖籍鐘鼎彝器金石篆籀之刻甚富而賞日益貧四方之客索詩求畫者踵至晚乃自號爲隨時老人嶺南布衣縞帶多能詩率難名家而人士往往稱余山人詩云夫龍蛇之蟄或在泥淖莫可測也不然何以隨時而變化耶鳳凰翔于千仞覽德輝而下之必隱而不出鳳之德亦衰矣故梁鴻五噫出關寧貨春於伯通龐公白首鹿門必使其子祿仕於魏山人其梁龐之匹與山人旣沒有子曰嘉詔博古績文克纂家

歐虞部文集

卷之四

七

學旣成進士試令合肥手錄山人詩四卷卽縣齋刻焉貽書謂余曰子先友也非子孰序父詩者余感其言因譔次其偶儻任俠之奇以見其志嗟乎掛劍隴丘庶不負延陵夙心之許聞笛鄰舍其能無山陽舊侶之懷耶

竹西十一子賦別序

新安吳子叔承客於廣陵與姑蘇陸子十一人爲竹西山社之會暇則相與綜覽千古研討九流抽秘簡於羽陵發藏書於大酉揮斤庶鼻堊之可斲

運精期木雕之自飛競力銳思月修歲積染人濯錦蒨茜寧辭鳬氏范鐘爐錘詎廢於是品隲古今則各出其雌黃之論杼引辭賦則借辨於子墨之談隱居足以放言考室而丹牖已飾明揚足以待用鐵羽而文采愈彰所以驅策詞章砥礪德業庶幾服先聖博奕之規息古人闌闔之喻矣豈但狎志山水並灌呂安之園冥心玄談共佐稽康之鍛而已哉或以爲肱篋雖珍非時所售章甫雖貴豈俗所宜猶荆玉之不可抵鵠而都蔗之不可爲杖

歐虞部文集

卷之四

六

也不知勸掖博文尚爲賢於游戲之徵逐觀摩浴德似差勝於性命之虛談纓荷佩蘭之夫握瑜懷瑾之士亦各明其志而已惟過滋離索交難久要盍念德鄰之不易敦肺肝以共盟斯爲惡與是會也幸兒與焉江秋戒寒霜蓬乍散吳子問寢促歸諸君分題賦贈幸兒跪上其筴欲大人之有言也余重其行因敘嘉會之可稱亦以要之將來云爾

送郡司理余公擢刑曹序

我皇上嗣大歷服鋪太和于寓內思與郡邑崇

鄉里之化詔下溫厚爾雅恩施無窮而欽恤惟刑
內而司寇外而司理率用長者於是束濕之法不
行而次骨之吏弗進矣廬州三輔郡也仁和余公
爲郡司理公誠懇忠直廉潔精明其爲政也嚴而
不苛慈惠而威斷法謹五刑辭聽兩造讞獄至于
再三郡中稱平居三年與二千石燕陽呂公長樂
陳公正風俗尚教訓表孝弟行誼立程賦條約修
治學宮春秋饗射陳俎豆鐸壘鐘鼓管籥因示民
冠婚喪祭之品節曰法令者治之具非制治之原
歐虞部文集 卷之四 五

也又時時從部使者行鳳陽淮安維揚諸郡所至
延見父老問民所疾苦爲勸導和睦親愛遷善易
惡之路列郡人人又莫不奉余公教不知其爲法
吏也 上知其文無害召入爲司寇尚書郎談者
謂公行能高宜在諫諍列獻納封駁可以敷奏其
啓心沃心之論顧可但爲刑曹耶余聞之曰不然
此 聖明之所以深知長者俾佐大司寇以弼五
教夫欲息澆嚚之風惇樸厚之化豈刀筆之吏深
文巧詆者之所能哉且民之多辟久矣不以禮義

爲之隄防顓事慘急而法令明察非詔書之所以
訓忠厚示矜恤也卽民不幸麗於法求其生而不
得爰書訊鞫亭疑論奏不以鷹擊爲能此非君子
之所當盡心者耶故刑罰中則可以導迎和氣而
培植國家千萬年之祚者端在此矣余方恐不得
如余公十數輩布列西曹顧以華散閑劇爲公念
哉西曹卿相地也 上明見萬里已察之於廬陽
三輔間矣公且行其屬無爲守焦君六安守王君
合肥令余君輩辱委贈言余知公故長者幸爲
歐虞部文集 卷之四 三

上所摧然則治獄者又何貴于爪牙吏虎而冠爲
耶

幔亭集序

閩在海中西北有山曰閩中山卽武夷也漢祀有
壇祭以乾魚著矣著矣余家揚越與武夷差近曩
欲一游庶幾獲見至人焉迺不果東每海霞朝升
意未嘗不在幔亭下也嘉靖末於廣陵得雲中陸
生陸生故好游頗不與余殊指余旣隨牒光州陸
生遂余別曰先生西游梁弼亦從茲邈矣無何其

友人顧憲使益卿有七閩之役謂陸生曰足下斤斤守環堵何無丈夫風雲氣乎使鳳而致鶴鶴易異使驥而繫跛驚易殊僕敢以武夷三十六峰邀足下也陸生於是從而南問無諸東冶故城尋樓船將軍兵所從出之路因登武夷越七八月返廣陵函其所爲詩寄余曰弼不意先生東游武夷君無恙子騫頭顱如故十二仙人往往娛娛於瑤草白鹿間虹橋天半若聞太姥呼曾孫前拜焉大隱屏五曲溪上有釣磯茶竈先生得無意哉余

歐虞邵文集

卷之四

主

誦其詩竊沾沾喜歎人吳虎臣自武昌來廻環吟諷持觴爲先生壽謂似吳客寒濤語云余題之曰幔亭集於是報陸生曰奇哉游乎毋論高嘯幔亭俯吸滄海其東可攀岱嶽其南可揖羅浮安所稅駕耶夫敝車短策造父不能致遠枉矢弱弓逢蒙不能中微汎覽流觀固難與一丘一壑者道也陸生勉矣異日之業既非數十詩所可窺然恢奇瓌詭跌宕飛揚之旨不足稱雄一時耶夫鵬之化爲鵬搏扶搖而上者九萬里斥鷃翱翔蓬蒿小大之

辨也余見九萬里將自一息始也陸生勉矣

送江都方侯擢吏部考功郎序

海內承平士大夫率重內輕外文學之士多厭簿書而簿書吏亦笑文學故經術不以飭治而俗吏之弊滋長者不以臨民而巧宦之途啓曩昔銓衡之司所以風勵天下者余蓋難言之矣嘉靖末余始得江都學官適南陽方侯治江都之二年會皇上新卽大位二三大臣日贊密勿精核郡縣長吏以嘉惠元元頃入觀闕下每延問百姓所疾苦

歐虞邵文集

卷之四

主

冢宰又時時咨訪四方人才計畫便事郡縣長吏治狀異等者因寵別之茲非舉政務之要示風勵之端與然斯時冢宰已知江都有方侯思辟以爲屬矣先是方侯於戴星堂謂余曰土遇時矣報主爲難吾乃今益知郡縣吏之爲急也士大夫汎覽博記顧何關於躬行雄辨高談顧何益於政務簿書操切顧何濟於時艱中原罷苦宜及時生聚休息而節其財力嗟乎余誠服其言已江都劇邑也侯條下便宜數十百事其大者省里甲之費審

徭役之編立征賦之期定夫馬之例革鋪行之弊
嚴保甲之防暇則與諸生講業學宮察舉行誼斯
又豈當世所稱治行者類哉居無何 詔徵侯爲
吏部考功郎談者幸超擢異常格而懷德感別則
又若不能釋然者余不以遷敘顯要爲侯喜燕妮
悵戀性又不習郊餞之日侯顧余曰子何可無贈
策也嗟乎余奚能言卽言之亦侯咄咄之餘耳況
筆札之夫曷敢言天下事余聞蕭望之試三輔黃
霸起潁川召信臣宰穀陽卓茂令密此其人由郡

歐虞部文集

卷之四

三

縣吏封侯拜相者也當是時民蒸蒸嚮富庶孰非
循良之効哉亡論前代我明公卿最著者南陽稱
李文達王文莊二公功名炳於吏部初何嘗握彤
管與文學競業耶侯行矣持衡鑑以待天下士知
必以郡縣吏爲急也夫經術明則吏治飭長厚進
則風化成否則一文吏斥一文吏在日察羣吏之
治以求其文無害不可得也侯卽薄漢人而不爲
其無忘南陽先聞人哉戴星之談庶其念之余教
無善狀將漁釣於南海上以觀南陽相業之在今

日也

適燕稿序

詩者志之所之也言其志謂之詩古者諸侯卿士
交接鄰國以微言相感當揖讓之時必稱詩以諭
其志而登高能賦可以爲大夫言感物造端材智
深美可以與圖政事故可以爲列大夫也漢魏以
來班彪北征潘岳西征袁宏東征皆敘述弘麗逮
乎聲詩則陳思入都爰有應詔陸機赴洛亦詠承
華蓋假翼鳳條濯足龍淵豈能以棧石星飯結荷

歐虞部文集

卷之四

五

水宿爲勞耶友人楊子肖韓釋服北上視余篋中
諸篇皆行役所作其宣離述征敘游覽物及贈答
紀頌無不備載零雨自東姬公寓感極浦忘歸楚
臣悟懷游戲宛洛殆驅車之懽娛西登灞陵誠回
首而瞻戀矣此肖韓稱詩所喻之志也不然則燕
市故俠客酒人也寧無擊筑變聲歌者豈肖韓
鳴盛雅音乎余因敘其大都如此云

西粵稟序

粵之西襟帶萬里皆趙光居翁所封而監之舊壤

循右江踰潭中而爲宜州是甌駱都會天門之山
迤邐合南丹東蘭千峰萬嶂峙如列戟水自蒸湘
南下古漏洛濛重洲淺渚澄溪急瀨楓栢篁竹蒙
籠蕭慘禽鳥走獸多異狀宜州尤粵西隩區也姚
君繼如爲宜山文學游柳慶頗久講授之餘以其
隙挾千古之書而誦之於卦繫風雅典謨訓誥禮
樂春秋深究其旨左國莊列及楚漢騷賦無不掄
撫評騭發而爲詩大都眺覽幽勝舒導蘊積擬古
詠懷以至寄贈酬答殆數百篇怡然忘乎鉛槧之

歐虞部文集

卷之四

三

爲勞苜蓿之爲淡荒僻之爲困留滯之爲久也余
惟詩之必本於性情固矣昔柳子厚之守柳州也
自儀曹至黃魯直之寓宜州也自史官至二子者
詎但不能忘榮艷於曹郎館職已不勝夫河東豫
章之思一則東亭闢荒且治山水之可游者以適
其樂一則南樓引望書范滂傳以寄其懷未必怡
然於粵西也姚君矜度夷曠韻調暢朗讀書樂道
興致閒遠其起文學掾而翰林小史已又爲御史
大夫屬去粵西有年矣人士猶然傳其詩而謳之

每得其溫柔敦厚之趣於榛篠荒迤之外豈姚君
之興詩于粵西將粵西因姚君之詩而重于世謳
者轉而上聞百粵可風也寧論河東豫章哉

葛生詩序

嘉靖末余於廣陵得葛生士修時陸生無從李生
季常偕從講藝郡中葛生始冠朗秀士也州大夫
薦於督學使者將籍名就博士業葛生謝去絕不
爲帖語一意嗜古而與陸李數子習其學非史
漢三國六朝至開元大曆亡闕也斐然著作聞於

歐虞部文集

卷之四

三

江南北於是海內無不知竹西有葛生矣葛生居
東海上故善病日下帷不倦渡江登金焦禮三茅
及杖馬箠趨金陵謁高皇帝舊都欲北涉燕薊
南訪羅浮以病肺未果所著已有海居浮槎行藥
倚劒諸集余從汝洛還南海無從計余曰葛生死
矣其兄士隆彙諸草刻爲葛生詩不遠數千里屬
余序諾之而未有以復也比來留都士隆中前請
余手其詩呀嚙久之嗟乎葛生已矣昔翰卿藻客
往往天其天年文考厥於靈光輔嗣摧於善易子

安沈於漲海長吉隕於玉樓千古傷嗟然異代可
解不謂親覲如葛生也叢蘭欲茂秋風敗之其
葛生之謂乎夫死等耳世豈無祿位烜赫文采不
著于春秋卽修齡無恙若曹蜍李志已奄奄似泉
下人彼其就咫尺之書爲一家言揭日月以行雖
藏於名山可也嗟嗟金石可泐竹簡竟傳葛生其
不死哉

歐虞部文集卷之四終

歐虞部文集

卷之四

三

歐虞部文集

嶺南歐大任楨伯甫著

序

送大司馬兼御史中丞元洲張公督撫兩廣

序

唐虞三代之治其上下謨謀豈不欲聲教四訖思
際乎覆載之所極照臨之所屆而或限於德威之
所不能及禹征有苗南仲召虎平江漢遠不逾荆
徐而薄伐獫狁亦至於大原而已今 國家淮海

歐虞部文集

卷之五

十

經倭警防遏最嚴而邊徼之地西北則防胡南則
粵之防夷蠻故三邊兩廣天下稱重鎮焉蒼梧開
府蓋自成化中始賜履所及疆域已斥授鉞專征
體勢最隆視曩昔置尉建牧五管諸路之制有加
將吏士農及羈縻之屬拱伏聽號令於麾下戰戍
糧餉屯營枝擊樓船飛騎水陸百萬之衆皆俟指
揮而東西慶賞刑威赫然稱盛矣 皇上嗣大歷
服虞周之所未致漢唐之所未服者咸浸漑於膏
沐之德震懾於神武之威是誠千載一時也南顧

重鎮必石畫之老淵謀之臣以臨蒞之於是 簡

命元洲張公以大司馬兼御史中丞自淮揚督府
往履茲任公夙以兩浙之名德負四海之重望頃
者飭兵潼關節制陝右西北救寧緊公是賴今余
幸於淮南獲事公焉每見其秉老成持重之猷攄
垂久俟遠之慮講軍實詰戎政總文武之揆而以
時舉陳常耀武之規淮泗江海之防實倚公如長
城焉以此鎮邊奚患不固以此致武奚患不克於
兩廣乎何難哉然余聞之南北皆邊防也而粵之

歐虞部文集

卷之五

二

防夷蠻也異於北何也胡之備在千里之外粵之
患在蕭牆之間也五嶺以南谿峒林菁之蠻與諸
郡形錯壤接島夷則出沒海上獸集鳥散亭堠烽
燧之所不能設甲楯戟矢之所不能支舟楫哨望
之所不能守也粵之民且苦於荒歉疲於征斂亟
矣驅饑寒凋敝之人而責其宣批亢擣虛之能效
執訊獲醜之力豈不左哉閭閻紿足軍旅輝赫知
在籌畫中矣公之勞烈壯於關陝風猷裕於江淮
先聲服人已从兩廣誠非公之重以臨之不可也

昔馬援平徵側徵貳與民約束駱越人奉爲馬將軍故事異時夷蠻綏靖嶺海謳歌歸贊密勿輔相天子必有輝映簡冊如益贊數語載於虞書江漢常武列之二雅伏波之事豈足爲公道哉余也尊俎末談敢曰贈策社稷之役誠旦夕望公矣

送郡博士海浮馮先生擢保定別駕序

馮先生家青州北海人也余家嶺外爲南海人曩從京師獲交馮先生無何馮先生拜博士司教潤州余以文學掌故來江都夾江而居弦誦聲相聞

歐虞部文集

卷之五

三

二家門人執經互相往來自惟教無善狀歲糜官粟時時撫几思馮先生也夫青齊以傳經聞自西漢已然矣易自田何書自伏勝魯詩自浮丘伯齊詩自轅固大戴禮自徐良春秋學自胡毋生之後多琅琊千乘濟南淄川東萊不其之士經學斌斌盛哉馮先生以明經起家冠冕詞林棟梁文圃德在彤管業擅青箱久矣潤州及門之士方幸六經得所師承而保定之命已下姑蘇陸子華父廣陵黃子定父故與馮先生雅游若有愜焉則謂余曰

馮先生卽不以宿學入侍講讀亦當召補丞郎何乃倅郡也余告之曰郡邑吏之用經術士古也士欲嫻習吏事周知民間履山川之險夷稽戶口之息耗差錢穀之盈縮閱甲兵之脆堅錄人才之否臧諗風俗之嫩惡於以紆畫展采胥奠萌眚此出入侯衛所以宣力四方也不然則經術奚用焉況保定爲郡倚三關控幽薊昔多慷慨悲歌之士今則椎埋乾沒之姦肆行都市鳴張數澤往往而有別駕佐二千石行事平租繇之征察爭訟之釁設

歐虞部文集

卷之五

四

什伍之法導禮教之風夙夜奉天子明命以效奔走將邦國是殿又何屏翰之爲勞乎他日徵郡邑吏之明經術者入補公卿之闕目三輔始舍馮先生而誰也二子以余言往覘馮先生則見其忻然治行且介二子問言於歐生嗟夫余膠於經學者也何以贈馮先生然士大夫寵近而遺遯喜逸而暉勞托鴻漸之翼而眈虎視之私視蓬華所治經學弃若弁髦世之敝也可太息莫甚於此矣余與馮先生同有所慨於中然則戀禁闥之親而薄

淮揚之寄榮少府之近而溫馮翊之移是豈余所望于馮先生哉

石刻金剛般若波羅密經序

歛學佛人慧光入金陵棲霞寺修起般若堂築說經臺刻四十二章經矣復某次所謁翰林待詔文公徵明等三十二人手書金剛經鐫於石遣其徒自月屬余序序曰天一生水金在其中生天地先存天地後歷度萬劫佛性不移經之所以喻金剛也大都以破相爲宗了空爲義觀有爲法六如皆

歐虞部文集

卷之五

五

妄如如不動法身寂然先天地而不爲始後天地而不爲終明了自性堅固不壞可以脫離輪廻永超生死其福德勝於恒河沙世界何論七寶布施哉五祖大師云但持金剛經卽自見性成佛六祖大悟於應無所住而生其心茲其所以爲上乘頓教也已余聞佛與衆生同此般若也衆生不能自悟佛心慈悲普與衆生入無餘涅槃而滅度之一歸之衆生自性自度實無衆生如來度者是法平等無有高下是名阿耨多羅三藐三菩提一切諸

佛及諸佛阿耨多羅三藐三菩提法皆從此經出則此經之功可知已雖然佛覺也覺卽是性自性中有如來如來豈可外求般若波羅密多豈外於自性哉故三千大千功德在自性而已矣世尊與長老須菩提一時覺已覺人卽南之閻浮提東之弗提婆西之瞿耶尼北之鬱單越無不彌滿迷則佛衆生悟則衆生佛也善男善女能持是經心燈作供不生不滅堅如金剛寧不爲自性如來成就無量無邊功德豈但利於一時且將徧及於千萬

歐虞部文集

卷之五

六

億劫矣是經譯於鳩摩羅什而五十三如來之後解者八百餘家新州建業南浦武夷壽州俱有石本柳公權所書尤著汴宋時富弼賈昌朝諸人分寫勒之堅珉今日皆漸沒矣慧光開林結社爲攝山成不朽盛事殆竹栢之懷於禪誦妙遠仁智之性共山水效溪有得於祇樹給孤獨園者此余與諸老先生所以樂爲之書也歟

壽鄒母周太夫人序

嘉靖癸亥余至京師獲識關西蘭谷鄒公時爲納

言及轉廷尉猶數侍讌游每見公意念未嘗一飯不在淮以南也蓋太夫人在揚州云未幾余以文學小吏來江都隆慶戊辰公進御史中丞總理江以南九省屯鹽省觀廣陵余謁公則覘顏色恒沾沾喜今年已巳 皇上召公入爲御史大夫舍人促裝將就道時太夫人年六十矣三月二十六日實爲誕辰公乃奉太夫人坐堂上率諸弟諸婦諸孫羅拜堂下上康壽觴先是揚州江都兩學諸生與鄒公友者蔣啓賢田獲麟等十有九人過余館

歐虞部文集

卷之五

七

言且造鄒氏願謁子之文以往余謂諸生壽云何也諸生曰太夫人廣陵人也當封君盛時商游兩淮賓客連騎結駟宴會則鳴瑟跼屣故豪靡也今又鼎貴易致華侈顧兢兢于儉約醇謹以爲家法又曰鄒公既貴祿入常不給太夫人不以修飾綺縠爲念每周於宗黨親戚及貧賤之交尤饋問不遺儉足壽也仁足壽也諸生將以此誦祝之矣余唯唯否否於是揖諸生告之曰太夫人蓋天壽之也曩者權奸父子鳴張虎噬氣焰昏天祖宗之紀

綱法度爲其所更士夫之禮義廉恥爲其所喪極矣極矣公慷慨上疏憤不顧身 世宗皇帝立斥權奸詔獎公直言是時也百工交賀於朝萬姓騰懽于野兩儀以之復正三光以之倍明是其爲德非折檻引裾之眇小者矣天人之際施昇敏於響應酬報白於質劑金騰啓而反風魯戈揮而退舍矧於鄒公乎矧於鄒公之毋乎昔敬姜陳勞逸之戒舉先王之典既克永年少君齊德司隸並抗高節獨康豫壽考親見其子孫游登三事夫豈或然

歐虞部文集

卷之五

八

之數哉鄒公直節表於臺中盛德播於寰宇 聖天子眷注方隆日夕將秉樞軸以禔福元元奠安社稷太夫人益申錫於耄耄期頤天篤之矣魯人頌壽母曰萬有千歲眉壽無害言名立親顯與天地同無疆也海內之人遠在萬里者莫不願介太夫人之壽然則諸生所以頌所以祝者其原本天所以壽之之意倡乎海內哉

南臯文集序

余昔聞廣陵忠諫之臣蓋有桑御史云當 世廟

時奉天門災御史上疏請停工役飭邊防且劾戶
禮兵工四部長奉職無狀詔罷張林二尚書而諭
嚴張二尚書供職未幾敕御史按順天會遘危疾
疏乞骸骨嵩故銜御史也走府中喉王都御史曰
桑生托疾辭艱上聞疏震怒也若不上章糾之
禍將及矣王素重御史而御史有宿憾於經歷李
鐔時時譖御史短王惑焉及是鐔贊之力遂如所
喉指論之下御史獄廷杖八十謫戍九江二十六
年以死海內莫不憤恨嵩而稱御史之風節矣余

歐虞部文集

卷之五

九

過九江望御史謫所又未嘗不蘇蘇隕涕焉今
皇帝御極詔卹錄忠諫之已沒者贈御史爲光祿
少卿余是時適守江都文學掌故也部使者檄采
輯世廟實錄今制官三品乃得立傳余謂桑公
讜言激烈足以表示當世且先朝賜謫近地容
納之恩不可湮沒無紀也於是爲桑御史傳上太
史氏公之子太學生履吉履約因彙次其平生章
奏詩文爲集復委余序嗟乎余何足以重桑公哉
粵稽廣陵在漢劉瑜上書論中官邪孽咎徵所由

時畏其切直拜爲議郎及瑜旣死宦官悉焚所上
書以爲訛言方桑公論四尚書斥嵩尤甚也嵩從
中匿其疏而桑公倉皇就戍草亦不存何其事與
李節類耶吉也約也能刻集以傳則桑公剛大之
氣高明之識達國體中時務哀而不怨直而不迂
可與古作者並驅而談塵諸篇亦裨官野史之纂
著矣御史之嗣人善承家學又曷媿於劉氏之子
琬哉桑公諱喬字子木門人稱曰南臯先生集凡
八卷廬山紀事與真詮二書則刻布已久不在集

歐虞部文集

卷之五

十

中

西岡遺事序

世所謂賢豪者類非游閒公子之名無巖處奇士
之行卽富矣而行誼無稱此乃布衣之俠所羞也
曷足道哉夫富者仁義之資也故倉廩實知禮節
衣食足知榮辱淵溪而魚生山溪而獸往人富而
仁義附焉倚頓監鹽郭縱鐵冶與王者埒富烏氏
倮比封君與列臣朝詩蜀卓氏田池射獵之樂擬
於人君宛孔氏連車騎游諸侯天下號饒益矣而

史遷獨稱陶朱公三致千金再分散與貧交疏昆弟宜曲任氏衣食皆田畜所出公事不畢身不得飲酒食肉以此爲閭里率是不亦積財能散先公後私乃所謂賢豪耶嘉靖末余至江都沈汝淵何叔節每爲余言甘州黃隱君之爲人惜不及見矣二公鄉先生之祭酒其言閭史也退而考之諸生因知其事寡母撫孤姪出馬鎗之獄歸喻昧之喪氏行甚備且納數百緡助築寶應城奉千金修江都廟學其事可爲世勸視吾民竭力於寺觀自矜

歐虞部文集

卷之五

七

賢豪始行壞矣余聞本根大者華實盛黃隱君之行誼蓋言而好行其德者也一何鞠躬君子耶傳曰德厚者流澤光德薄者流澤卑要天道非荒芻無宰者淮以南千里已誦義無窮厥後其必曰哉興化潘啓明纂次其事狀誌傳爲西岡遺事一卷大都錄中備矣余故不論論其著者云

送督撫大中丞雙江方公擢南司空序

淮海爲東南重地開府于茲蓋控扼襟喉保釐畿輔也嘉靖中 世宗皇帝命漕臣兼督撫如宣德

之舊加慎簡歲轉粟百萬以實京師而所撫則百萬之衆宿勳貴胄世族良家策士勇夫弩人劍客又百萬如林日聽號令於轅門內緝萑蒲之盜外備海島之夷以護衛 中都爲金陵肘腋厥任實爲重哉隆慶改元 聖天子嗣大歷服疇咨其選詔卽家起雙江方公來蒞之公以壯猷弘畧之望總肅清海甸之權經邦偉俗之才膺綏撫軍民之寄鎮靜弗擾列郡晏然督率有期漕政畢舉賦不加於赫赫而將自不懈思不急於煦煦而兵自不

歐虞部文集

卷之五

七

驕治不暇於紛紛而民自不病運謀堂序折衝尊俎善師不陣善政不張道路頌焉公曩守祔郡也訓練士卒倡激勇敢擒勦海寇保障孤城及巡撫楚中節鉞所至功名甚著君子謂其懷來之政被於邪郭羔羊之節風於官寮汪濊之澤達於昆蟲扞蔽之功首于函夏今茲之所宣力展采殆紆畫素定績用有成於以仰答 簡命而翊贊中興其方國之元老 熙朝之蓋臣非耶 聖天子重念公勞育爲南少司空蓋眷注益自茲隆矣命旣下

卜日戒行某某謀所以贈公者念不足贊揚盛美
然崧高烝民古誼存焉蓋竊有所聞矣司空掌邦
土居四民時地利率其屬以佐 國家工役之令
留都 陵廟所在歲所必修飭者也 上供之舟
輦器服歲所必監造者也河渠隄堰歲所必濬築
者也弓矢戈戟凡諸兵仗歲所必稽視者也百司
之廨宇及倉層庫舍歲所必繕緝者也司空實專
其職至於助大工修鉅典軍興之不時水旱之或
急又不領於一歲之經費底慎財賦裁節用度莫

歐虞部文集

卷之五

三

非社稷之後可不謂之重且難與公今往當其事
矣昔伯禹以司空作相六府三事允治皆奮庸熙
載亮天功者也且宣王策命召虎申之曰于周受
命自召祖命留都乃周之岐山顯被寵錫必于此
焉蓋猶召康公之在岐山矣行將宅端揆贊密勿
正玉衡而平泰階當宁所側席焉然則淮海金陵
之勞烈播之詩書不亦齊微於伯禹召虎哉此實
某所厚望於公也

黃淳甫詩序

太史公紀載賢士大夫之業多稱家學賈誼之孫
嘉能言尚書韋賢之子玄成明於論語城固鄧公
賢良起家章也修黃老言顯于諸公間張廷尉子
摯不能取容當世馮唐子遂為奇士田叔子仁不
以百金傷先人名萬石君奮有建慶以質行醇謹
著嗟乎衣冠禮樂盡在是矣後之史家往往敘安
平崔氏汝南應氏王逸少之累集能書劉孝綽之
羣從競藻是雖辭藝亦為難焉彼貂蟬聯襲金紫
輝映何足道哉余往來燕趙齊魯梁楚之墟從薦

歐虞部文集

卷之五

十四

紳先生游好覽當世名家所論者斐然盛矣而文
雅儒業克稟家風者一何尠也浮淮至廣陵吳人
黃君淳甫與余通書淳甫父勉之習于北地李獻
吉海內莫不知有五嶽先生江左好文學恒推轂
黃氏具見王元美藝苑卮言中今年客自姑蘇來
訪以所刻淳甫詩示余曰淳甫願足下有言也余
亟讀亟歎曰名父之子業在箕裘不當如是耶夫
燕之函秦之廬胡之弓馬粵之舳艫豈土性使之
良哉幼而枕席之衣食之不遷於異物雖欲不良

不可得已淳甫覃思六籍抗志浮雲藜藿不充短
褐不完一室蕭然有先人書二萬卷古圖畫數百
函三代秦漢鐘磬鼎彝頗具日與同志翫游其中
謳嘯嘯吟嘯咄嗟而神情悠然於三江五湖之
外蓋其詩殆南華陽扶搖之懷鴻寶挾風霜之氣
矣余竊聞之北燕綿祚召公之烈也趙武復立成
季之勳也然三郤之後降爲皂隸伯陽之政不能
保叔鐸之祀是又遵何說耶蓋爵位常墜于盈滿
金玉每亡于多藏惟明德是秉爰克永世素業勿
歐虞部文集 卷之五序 五

送陳光州入覲序

河南天下之腹心也東則芒碭西則陝洛北則趙
魏南則宛葉汝鄧而光爲襟帶重郡由光走中原
故楚漢以來侯王百戰地也今黍麥棗桑井廬鷄
犬布滿於其間父老子弟所治者戶口租繇腰膈

酒脯婚嫁賄賂之事與鬪鷄走馬蹴踘彈絲之戲
往來不出鄉烟火接於境間故時侯王荷戈彎弧
塞旗斬馘處遺跡不可指此曷由哉孰非 高皇
帝經畫郡縣 列聖深仁四郊不覩烽燧皓首不
識金革民得以枕席食飲乎盛矣盛矣三二年來
水旱青災因寡積聚且苦於祿米困於戍守疲於
供億甚則流亡轉徙土著者鮮舊德之族椎剽者
習犷悍之風頗爲父老子弟憂殆非折肱者所以
脩其耗補其虛察其陰陽鬯其榮衛滋養於腹心

歐虞部文集

卷之五序

六

以壅護四肢也則守令固不可無仁厚長者與今
年夏崐山陳公敬甫奉 命補守光州以初秋至
適旬日持檄入汴往返輜軒中得以熟觀田野蕭
條狀於是日孳孳急民事問疾苦審歉荒省里甲
之征緩追胥之役招流移之衆安富實之家下勸
借之條備賑濟之粟且興工作以食饑餒修學校
以嚴祭祀禮師儒以重風化舉孝廉以表鄉閭不
急切於催科勾攝獄訟簿書要以拊循嫗育爲本
而其舍人米鹽自給不以民之一薪一蒸一魚一

疏入於其庭公於光也可謂膏澤窮困師帥民萌
爲腹心之計厚矣昔西京良吏儒者以文飾治能
者以武破姦渤海潁川導溝洫勸耕桑延問三老
率先孝弟趙張三王氏設購賞勤追躡姦宄衰息
稱肅清焉光州三月之政顧在彼而不在此豈趨
文具營幹局師爲翕赫可喜之事而不以種樹溉
田興學移風爲務者哉茲上計考功修覲 聖天
子倘以曩治鄭州最嘗知名留備九卿如漢故事
光之民能復望公襜帷耶異時建名臣碩輔之畫

歐虞部文集

卷之五序

七

展承亮工益爲天下腹心計固自今日徵之路出
兩河見父老子弟且慰勞之曰 聖明在上置若
等於枕席食飲者有日矣余與二三僚友率諸生
祖公於郊因書不佞之言爲贈策云

送林幹夫掌教確山序

余幼學於泰泉黃先生三四十十年不更他師今海
內人士傳其學爲卿貳侍講讀者頗多而轉相授
受支分派別不可勝紀困於章句不能纂序舊業
以衍大其教如余者碌碌人也年春謬來典教

光郡獲與河東林君幹夫爲同官君以經學與光
之諸生談質疑問難開發旨要出於箋注帖括之
外朝夕尤以行誼相砥礪見其樸而儉毅而有守
甘淡泊於藟鹽以爲常過余齋中歌詩鼓琴聲出
金石悠然如聆鹿鳴伐檀文王騶虞之遺音愛其
閒雅詢之乃知其爲涇野呂先生判解時弟子也
淵源信有自哉無何擢爲確山教諭確山於光不
三百里而近王君崔君俱以寅好悵然難別光之
諸生樂君之教又知余於君者深也問所以爲贈

歐虞部文集

卷之五序

八

余惟古之職於教者嚴而重今之職於教者輕而
卑古之受其學者與今之受其學者而則唯背則
嘲久則忘其姓名者異也夫學制盛於成周州黨
之間有鄉老焉贊鄉大夫而書其賢者能者獻之
于王國老詔於王者無北面也其嚴而重如此漢
興齊魯諸儒治孔門六經天子數詔茂材受學高
第都講更數傳譜列千有餘人猶必曰伏氏書也
田氏易也申氏轅氏毛氏韓氏詩也廣川董生齊
胡毋生瑕丘江生春秋也魯高堂生禮也國家有

大議論下太常會公卿於庭令博士傳經義以對
往往曰臣師之說云云諸家弟子之業豈能一日
忘其師耶余曩聞黃先生每稱薛文清公爲真儒
而友於呂先生最久余又及見呂先生於金陵誦
其甘貧寡過力行求仁之學今碌碌尚終身守黃
先生家法期不辱於儒林況確山爲汝南多才之
地篤信好學游於君之門者必如光之人士樂承
君教也嗟夫余何以贈君君經術行誼甚備將以
博士弟子待舉上第益衍大呂先生之學而不忝
歐虞部文集 卷之五 九

薛公之鄉矣

靈均詩草序

士之釋畚鍤出閭巷孰非先生長者爲之游揚哉
曩余過真州讀邵生七志異焉生字長孺一曰靈
均朱先生仲開爲余言其爲人余亟欲論交弛擔
廣陵則屢已及門矣與之發六籍之言譚千古之
業風神映照袁虎開美揚髦精出謝萬適上杜父
標鮮恐不能過也久之乃知其幼孤茹苦瑣尾伶
仃菽水蒿廬朝夕筆研心之鬱結無聊繾綣惻怛

又甚乎似楚大夫矣夫離騷之作其文約其辭微
其志潔其行廉誠蟬蛻濁穢之中浮游塵埃之外
者也靈均諸詩方之楚詞卽廣狹不倫大都敘事
陳情感今懷古託興正蘭寄賞丘壑不可觀志行
之潔廉耶昔郭泰詣叔度則信宿忘返遇茅容則
勸勉就學而許邵拔樊子昭於市肆出虞承賢於
客舍召李叔才於無聞擢郭子瑜於小吏其弘獎
風流挹納才雋何嘗論綺紈廢屠釣而忽夫不鳴
不躍者哉靈均憤發甚銳奔詣可到異日有能兼

歐虞部文集

卷之五

五

先哲之長馬行國士者必斯人矣關中李季常爲
刻其草寄求余序嗟乎余何足以知靈均觀者因
朱先生之言卽詩以考其人當知東南之美不但
會稽之竹箭而已

白雲樓集序

聲音之道與政通也詩之成音豈徒暢其驩忻怡
愉之情而宣其鬱結底滯之思已哉周室宣王大
雅爲盛皆卿士大夫之作也方是時光輔洪猷賢
哲並用內修政事外攘夷狄復文武之業成中興

之美播爲聲詩倚乎休哉蓋嘗聞之厚人倫美教化達於事變而懷舊俗善乎卜商氏之言詩也自夫侈麗淫溢之詞興律格聲響之體變六義之教漸滅甚矣 明興以來詩昌於弘治正德間 世宗皇帝時比部諸君子振之彬彬益起古舒雷公肇元擅賦詠之才負經濟之學曩官西曹因題其集曰白雲樓志所自也余過南陽公守是郡唐藩宗正紹齋君刻斯集成公不鄙余辱命爲序受讀卒業省署之篇則盍簪夷懌家居所著則敘倫篤

歐虞部文集

卷之五序

三

厚奉使行役有周爰咨諏之懷焉治邑理郡有推慈布惠之心焉懸思廊廟故其效忠也勤攄力四方故其拓畧也廣大都才與學稱卿士大夫之所翊佐太平潤色王業者公非其人耶昔漢文翁爲蜀賢守奮迹廬江蓋舒產也立文學精舍講堂石室七經教授諸生鱗萃蜀學比於齊魯司馬長卿楊雄王褒之徒於是出焉然文翁之學不少概見公之厚倫興教篇什所著盛矣盛矣誠聖主之召虎方叔尹吉山甫也壯猷遠志揚厲所及謂不

可繼江漢常武之音哉余因不辭爲題於簡端云

竹西集序

嘉靖末余至江都留三年所廣陵故輻湊地煮海爲鹽歲佐大司農之急富人飛芻輓粟塞下而待次受鹽於此聞諸富人多新安產率耳瞬額語毫毛析利高下論訾豪俠者交相游揚而薦紳先生所不道也然新安人士與余游者慷慨行誼嫻於文辭又何所遘異於所聞耶程君良學與陸無從邵長孺善而僦居學舍旁數過余齋中茅茨共翳

歐虞部文集

卷之五序

垂

首宿不厭講德談藝朝夕甚驩退則掩關掃軌讐校經籍翫弄古鐘鼎琴劔以終日一不問家人生產創與吳叔承買地結屋爲竹西社以奉余游實無從叔承長孺所訂約而何介之朱仲開汪德弘陸華甫李鳴卿蔣子夏倪惟思黃定甫吳子化何叔友吳孝甫吳虎臣汪和叔葉茂長葛士修與鳴卿之子季常余之子莘一時咸集於是竹西二十一子稍稍聞於海內矣余隨牒光州又二年長孺華甫先後來訪以良學竹西集請序嗟夫余豈一

日忘竹西游而不念新安人士哉夫鄆山之下漸
江出焉其人衣冠閎闊響慕文雅前史記之矣唐
之盛時吳少微許宣平婉聲嘉謨推高太白殆龍
驤鳳儀軼覽千仞也卽王希羽汪台符亦豈盡出
施肩吾方玄英下者良學詩沉蔚清暢可繼前哲
而行尤矚然不爲諸富人態詩曰皎皎白絲在所
練之良學之得於其游者豈淺鮮哉雖然無愧竹
西矣

泰泉集後序

歐虞部文集

卷之五序

三

今海內學士大夫文章著錄者無慮千百矣率厄
辭無當故實罕稽其建標獨詣力障橫流者功固
不細或弗能原本六經故其言不雅馴每歎夫著
述之難也泰泉先生集六十卷嗣子在素在宏刻
旣成大任歸自河洛俾序未簡嗟乎樞衣授業四
十年于茲無所發明奚足以窺先生之蘊也夫仲
尼不作著述誠難矣漢去仲尼不遠七十子之徒
遺教未泯易詩書春秋三禮皆顓門師授高惠文
景以來文章爾雅陸生新語賈生至言劉安雄烈

馬遷史記子政說苑次公鹽鐵楊雄太玄庶幾乎
著述也他如過秦二論天人三策長卿諭意巴蜀
莊助風旨淮南鼃錯實塞下之議吾丘挾弓弩之
駁斯咸著畫宗社施著令甲非經術之彪顯哉後
儒高譚頓悟侂志玄虛工尚藝文競馳靡曼志玄
虛則聞見黜習靡曼則懿實寡仲尼所謂論篤
君子者耶今自先生集觀之其於陰陽律歷之變
山川輿地之廣性命道德之原帝王經綸之業備
於論著遜志好古日新富有聖以爲的道在人倫
故恥於標立門戶心以爲師學弘天則故究於叅
贊璣衡蓋篤信乎洙泗之實學而發揮乎西京之
鴻裁視玄虛靡曼之徒度越萬里矣惜鼎鉉未登
著蔡已沒天不憖遺哲人其萎車服禮器故在精
廬徒能與諸生誦河東之篋而已先生所著又有
樂典通曆庸言鄉禮小學古訓姍訓詩經通解春
秋傳意六藝流別革除遺事翰林記南靡志廣東
通志廣西通志廣州志香山志羅浮山志不在集
中百世之下論著述者於先生之書可按賂矣小

歐虞部文集

卷之五序

三

子謏劣誠奚足窺先生之蘊哉

臥游集序

臥游集者婺州胡元瑞所爲詩也元瑞嶽峙一方其詩寓名山大川者名臥游云予嘗過錢唐南望天目諸峰鬱鬱葱葱多奇氣焉慨然念其時豈鮮特達磊砢之士如古所稱述哉乃今元瑞當之否耶然耶元瑞髫髻嫻於古文辭卽卓犖雄藝苑中遂籍名鄉書數上春官旣歸圖五嶽於室曰此身爲吾有矣能終作兩浙地白眼兒耶乃恣意上媚

歐虞部文集

卷之五序

五

千古獵百家之藪讀書益自喜而時與邑明府喻君邦相酒相勞而相樂也已至要其所托棕靡不欲攄天地萬物之精而歸於吾之學然及於陳廷之隼防風氏之骨商羊之儼而龍威丈人之秘文則若拭囊而取而北地濟南所揚扇者西京六代而下指掌如也蓋彬彬成一家言云而欲然走千里於都而屬不佞序不佞以爲司馬子長好觀名山大川足跡徧天下游江淮涉汶泗闢九疑浮沅湘以歸其所謂子長文有神來者獨任少卿耳元

瑞臥游而天下名山大川罔不寤寐親焉其所謂元瑞詩有神來者獨一不佞乎哉不佞嘗讀元瑞長夏閉關詩曰尼父六經日誦鄴侯四部時開領取千秋萬世從他九棘三槐志蓋洸洸洋洋如其偉人哉而其所嚮往者瑯琊矣睹游仙詩可紀焉蓋古之人文成而欲傳之通邑大都又欲藏之名山大川傳之通邑大都而欲徧於不知者之耳而入於真知者之心其寓意淺也藏之名山大川還乎造化非名山弗稱也其寓意深也夫以元瑞

歐虞部文集

卷之五序

五

歐虞部文集卷之五終

歐虞部文集

嶺南歐大任楨伯甫著

序

重刻徐迪功集序

昌穀先生吳人也官迪功郎國子博士所著詩文六卷并談藝錄稱迪功集故刻於豫章歲久湮漫不可讀岷山陳君敬甫之守光州也爲之翻刻夫吳人之好文學自古記之矣季札歷聘諸侯交叔孫穆子晏平仲公孫僑韓宣子蘧伯玉之徒而達歐虞部文集

卷之六序

於禮樂偃也北學中國與顏閔冉卜端木顓孫伍翩然引孔氏詩書之旨以修飭其俗風氣鬱勃開先倡始功孰可誣漢魏至唐才盛江左所謂南方之學得其精華詎不然乎明興高楊詞人一時領袖宣德以來海內和豫廬陵長沙鏗鳴館閣三吳作者張節之劉欽謨吳原博王濟之張亨甫趙栗夫文宗儒邵國賢數君子同聲齊響翕然並興大都吳語爲工轉加流易揆之昔人蓋不能無朱紱疏越太羹玄酒之思矣昌穀摘詞釋齒束髮登朝

北地信陽閩中歷下儀封寶應建業亳州七八大家雅見推重益共磋切標界懸旌匠心思古於是窮與研深搜奇獵秘漱羣籍之芳潤擷百代之英莛每有屬綴肆其定力以就千秋之業今考集中樂府古詩已窺漢魏歌行雜體準則盛唐騷賦頌贊書記碑誄駢駢乎潘陸江鮑之撰著矣嗟夫延陵之業以齊魯大夫言氏之業以孔門二三子迪功之業不以獻吉諸君哉且昌穀評事廷尉府中厭棄糾纏起家進士位不過國學掌故爵祿不入歐虞部文集

卷之六序

其心卒成空言以自表見此痾癭所以用志凝神熊渠所以射石飲羽也大任不揆淺陋於昌穀謬謂能私其指喜敬甫加意斯集因語之曰中原馮軾之士聞奏雅於闔閭之墟所不以曩昔吳歛相詫者其無忘徐先生哉

入粵集序

構李沈君純甫令番禺三年有詩曰入粵集屬余爲序余惟越勾踐都會稽遷瑯琊自王無疆後或爲王或爲君濱於江南海上丹陽臯鄉梅里至於

嶺表是爲百粵無諸王閩中搖王東海無諸孫丑
爲越繇王繇王居股爲東成侯萬戶皆勾踐之苗
裔禹之餘烈也海濱廣斥嘉禾爲澤國漢以下斌
斌多文學之士莊助朱買臣蓋其著者云 明興
浦江義烏諸君子黼黻皇猷彪炳海內二百年來
風雅始振 世宗時王元美徐子與兢起於太湖
天目間矣純甫閱覽潭思嫻於詞賦夙講業於學
士先生而洽比齊盟將結軌於二三大夫焉卽入
粵諸篇贈答懷思譙談賞適寄托遐緒發舒懽悰

歐虞部文集

卷之六序

三

雖古今體裁不能合轍大都言含諷切音協宮商
出自情興蓋風人之遺思也昔莊助諭意風指嬰
齊入衛持節發兵東甌請徒朱買臣難公孫弘置
朔方之便十策紛綸丞相絀焉然聲詩不少慨見
能與純甫入粵同耶余聞季札聘魯觀樂有言七
子過鄭稱詩論志純甫亦越人也異時太史采之
殆於此得粵風哉

九峰先生集序

昔大夫正考父得商頌十二篇於周太師歸以祀

其先王至孔子編詩而七篇亡矣孔子於正考父
七世祖也遷魯之後名頌或佚故曰吾猶及史之
闕文也夫商詩在宋孔子家書也美盛德之形容
以其成功告于神明是之謂頌刪後至大毛公傳
矣余七世祖九峰先生宋淳祐末與樂清劉黻吉
水鄒鳳同游太學景定初率三學諸生伏闕上疏
論賈似道專政誤國及何夢然孫附鳳桂錫孫劉
應龍承順風旨排逐善類不報遂去國闢書院講
授於家故有詩文集十卷宋社旣屋先生亦卒矣

歐虞部文集

卷之六序

四

元季之亂家藏是集佚去且半今所存者三卷卽
不敢比商之名頌其所遺什一不亦類闕文之史
耶謹哀錄其副刻而傳之嗟乎士丁衰運阨矣漢
道盛時販繒吹簫之夫椎魯不文猶然析圭儋爵
先生一登澤宮以布衣終曾不百石卒史若也其
論恢復大計與上陳丞相書草茅憂國豈爲名高
乎盍死牖下自幸宋室完人卒不失爲忠孝士景
公千駟夷齊采薇百世之下丘山鴻毛竟何如哉
雷宜叔氏謂投匭時流涕太息似洛陽少年然才

名汨沒謝長沙矣嗟嗟先生誠有如賈太傅者好學世家余小子於嘉也終負愧焉於是益歎恨七卷散軼不及早編輯如遷魯時也

黎司封集序

嘉靖中余與黎君惟和及其伯兄惟敬季弟惟仁同受學于泰泉先生君韶山先生子泰泉先生壻也性凝重篤然諾慎許予掄擲爲余言士大夫微恩寵析爵僇圭曾不能以七尺軀循國事酬恩之謂何侯處士田光先生豈遂千古絕塵耶既舉進

歐虞部文集

卷之六

五

士爲行人使兩粵報命天子詔授冢宰尚書郎與李子藩張助父同舍曹事稍暇則把酒賦詩又次年轉司封郎中曰司封集云無何出叅廣西政余與惟敬送之張掖門慷慨就道絕無棄遠居外意廣西頻用兵疆事未解荷戈之士聚食者數十萬人王子侯奉藩在部中者祿米不時給咸一切倚辦君君覈國賦講軍實時畫便宜蒼梧以南士皆宿飽矣甲子冬蠻賊數百人夜斬關突入藩司左右掖君避之君曰士死鼓將死綏官死位可徑

耶實耶束帶正冠呼衛卒逐之賊朋兇以逞刀戟亂下君竟遇害門官殲焉部使者奏君死難大司馬方患胡格於吏議君之死事不白八桂人人無不痛哭黎衆知者當是時廣西方伯安次許伯春氏會朝京師計余曰天乎惟和死矣吾將刻其詩以傳會伯春死遂寢隆慶初惟敬遇余廣陵手司封集泣數行下曰非子孰知吾弟者嗟夫侯羸報魏田光報燕報片言耳死不復恨君之死有平生之言蓋酬主恩哉微詩且不朽矧其詩嶺外故

歐虞部文集

卷之六

六

產象齒靈犀珊瑚木難海內珍之陽明之域靈秀所鍾乃今有君復不幸死難嗟夫嗟夫是集也山居藩省之詩俱在曰司封者志所存也傳之海內必不徒以象齒靈犀珊瑚木難觀之矣君之子邦球徵余序因不論其詩論其大節表著者云

潘光祿集序

南海析而爲順德余邑也邑人多能詩余友潘生少承詩最有名嘉靖中少承與余同受學于泰泉先生而習于黎梁諸生者久隆慶末少承仕爲光

祿署丞未幾死京師於是余詮次其遺詩序之曰
鍾嶸有言氣之動物物之感人搖蕩性情形諸舞
詠照燭三才暉麗萬有靈祇待之以致饗幽微藉
之以昭告動天地感鬼神莫近於詩謂詩不關於
世道非也然詩之汙隆誠與世禪代矣 明興天
造草昧五嶺以南孫黃黃哲王佐趙介李德五先
生起軼視吳中四傑遠甚百餘年來經術貴而聲
詩絀一振於弘治正德大都三河東西秦之產淮
南江左稍稍響應當 世宗皇帝時秦泉先生岷

歐虞部文集

卷之六 序

七

出南海其持漢家三尺以號令魏晉六朝而指揮
開元大曆變椎結爲章甫闢荒蕪穢於炎微功豈
在終軍陸賈下卽少承之詩得於先生爲多屹乎
東南一壘入爲 天子湯官酒正位不及執珪也
猶然取前茅以進燕趙少年吳楚豪傑莫不右潘
光祿狎主齊盟矣一時聲詩之盛謂可金弘治正
德間云昔楊雄狀貌爵位不踰衆人而桓譚信其
書必傳少承已矣後世宜有知其詩係於世風者
漢人不以執戟廢郕中之名太玄具在則輜軒使

者安知不誦少承詩以表南海哉

陸榮集序

豫章以材名往牒著矣士大夫家學相承千數百
年絲綴不絕弓冶箕裘豈虛語哉夫物之在天下
梗枿杞梓必鄧林之野珪璋玳瑁必崑岡之圃騏
驥駉騶駼駉駼必畜代北夜光火齊車渠璚瑁
必生滇渤谿子少府時力距來必韓出也宛馮龍
淵鎮鄒太阿必吳越之鑄也故臨淄轂擊肩摩之
衆多吹竽鼓瑟擊筑彈箏鬪雞走犬六博闕鞠燕

歐虞部文集

卷之六 序

八

南海上搃擊之士多濶畧辯智瓌怪魁奇漁陽上
谷之客多被堅蹕勁長嘯而摧鋒六郡良家多慷
慨應募務奇節以徵功名烏衣之游率俊朗韶令
清通玄遠之習而詩書弦歌揖讓俎豆之夫非鄒
魯莫產矣石津陳先生本南昌世家御史公之孫
方伯公之子東白張公之孫壻少穎秀博學以諸
生游空同李公之門策名進士則方城楊公所錄
也其父兄師友淵源如此兩爲比部郎用刑平民
稱不寃會 世宗皇帝建 郊廟修治 七陵起

壽陵築沙河行宮家宰以先生能轉繕部郎中革役駕幸陽翠嶺宣問山郎賜酒饌金綺將陟卿貳矣竣事在告屬病當是時上方祈穀陪祀失期謫佐和州竟以寧國郡丞歸優游林下修業力行八十且耄猶時時述父師之教以家學訓子弟三楚以南靡不誦法陳先生也嗟乎無論梗楠杞梓珪璋珎璜諸產豫章世以材名孰能踰先生哉論者謂其文出歐曾詩宗杜甫王維字倣右軍平原學不立門戶而踐履過人業與作述同科名與歐虞部文集卷之六序九

南浮集序

吳人陸子華甫游嶺南有詩二卷刻之而屬余序余不佞何以序華甫詩華甫文太史高第弟子也好讀書弗求甚解性恬澹時賦詩作畫以自愉快

顧柘落廢產僑居義興且十年雅喜游自江淮齊魯北渡易水入薊門留燕中者五年嘉靖末余於京師締交莫之逆也隆慶初余典教江都華甫來廣陵又三年與竹西諸子結社人人咸謂得華甫晚余沿牒光州索居二年所華甫則杖馬箠視余弋陽居一月余以憂歸華甫送余固陵雪涕而別曰曷未老必訪足下倚廬奉生芻太夫人墓下也萬曆改元華甫道杭越徽饒吉贛與方清臣度嶺而至嗟乎卽華甫義甚高余何以辱故人哉嶺外歐虞部文集卷之六序十

窘而不勝憂歎空濁而思羽化也則形委而不勝
迫世喪道則多戚人喪世則多懟其報孫權書別
鄧嶽疏猶有一於讒毀之未平一於形骸之未忘
者豈盡游方之外哉斯則係於世也華甫經五千
里赴余之諾五嶺以南雅游諸君子無不人人以
爲得華甫晚華甫雖杖屨游乎然隱不違親貞不
絕俗不似勝於虞葛二子耶訶子園故在也酥醪
觀故在也羅浮卽無華甫之蹟而斯集也將不可
以虞之注易葛之抱朴子金傳哉樵李沈純甫云

歐虞部文集

卷之六序

十一

華甫五千里來不訪公卿而訪博士可以觀華甫
亦可以觀楨伯矣余甚媿其言

送清公游嵩華諸山詩序

萬曆乙亥春余至京師欸人汪仲淹介長干僧清
公訪余不遇懷刺而去避暑五臺山還求余願恩
精舍余睹其儀觀華整矜情秀朗答辨機警戒律
持嚴內典外家之言無所不闕山經地志之藏率
已披歷與余談禪賦詩忽及旬月公雖從燕冀游
乎所棲泊在翊教廣濟摩訶諸刹而其所朝夕者

珍美鎮繼正秀如序四五僧而已吾黨則及汪司
馬黃太史陳文學三四先生門蹇驢都市內照烟
然影卽出山迹不入俗異哉異哉忽告余曰清將
道黃河涉孟津經轅轅以登嵩高詢浮丘子晉之
遺蹤畧嶠函入關陝華嶽三峰望終南惇物以極
褒斜隴首之觀指澗瀍涇渭之所導禮於河宗氏
然後歸掛瓢笠爲先生役余規以閉門求心舍筏
登岸則又告余曰先生不觀日乎日惟明也故照
四方昧谷崦嵫物何覩焉升扶桑而麗天容光必
照明靡不矚矣薄游千里庶幾得吾大知識者余
無以難之知其外游內觀得於壺丘子者深也于
是吾黨相率賦詩以贈余序其篇揖而納之曰公
果西矣異日者余將瞻佛日於長干也其無忘授
簡之言

歐虞部文集

卷之六序

十二

與川集序

詩者樂之遺也余觀三代春秋之際師襄師曠伶
州鳩之爲樂官審音知治豈亦登歌清廟太師所
掌之遺乎嗟夫二南歌于房中雅頌奏于堂上蓋

闕有間矣周衰官失散之河海于是列國有詩以述其風俗之美惡政治之得失諸侯采之貢于天子天子受之列于學宮是其爲詩民間歌謠之音也途罾巷謳勞呻歡唱者也孔子曰禮失而求諸野非耶夫詩有六義比興先焉途巷疇隴之夫靡知聲律也而其罾也謳也呻也唱也行坐寢食勃然而咕卒然而叱比焉興焉自然而成聲殆樂之遺乎余從兄與川先生隱人也有詩四卷余嘗受而讀之謳謠居半諷詠襍陳往往頌官司之循良

歐虞部文集

卷之六

序

刺政俗之淫虐言不迫而意有餘喜其罔襲文人學子之辭而無組織綺繡之習庶幾乎列國之風也先生生敬皇帝時君臣和豫朝野晏然百姓給足四夷卽敘可謂興道致治太平盛際矣當是時民猶有誠慤之心而羞邪侈卽其言未雅馴猶質而未漓尚可以本途巷疇隴之風而達之朝廷宗廟之上投壺饗射工歌用之奚不可哉正德嘉靖以來人文極盛詩則工而氣已激音已曼風曷存焉余猶及見與川先生詩也逮余再入京師先生

詒余書曰若兄年八十又一矣一旦溘先朝露闔坊丘壑若能無意乎噫嗟嗟擊壤之老康衢之民世不獲睹矣弘治之風今可復見哉於是序之俾宗族閭里知有與川先生詩云

送吳宗高致仕歸毘陵詩序

世之論命官曰古昔夢巖訪釣弼翌之才必真束帛命車弓旌之招每下進不專一途學不倚一藝今則束章句而雄才靡騁限科目而志士或遺豫章不用諸明堂或廢於溝中之斷黍稷未薦夫清

歐虞部文集

卷之六

序

廟半委乎鴈鶩之糧蓋有之矣世之論核實曰古昔權衡誠懸則不可欺以輕重尺度誠設則不可欺以長短今則騏驥駑駘共飽芻豆荆璞鼠腊同襲錦綈且蓬蒿未必能直於麻中蘭蕙每不免化爲蕭艾亦誠有之矣是二說者余無以難之也國子助教吳宗高先生擢倅汀州不就而去同官馬伯懋范景伯楊茂卿諸君子相與慰勉之謂先生積學淵博鑄詞環瑋哦諷牖戶則庠校傳之爲準繩研綴楮毫則章逢尊之爲著蔡擬之呂覽就而

秦市金懸左賦成而洛陽紙貴未相殊也然公車之門雖勞待詔制科之籍竟不可登書不校於天祿石渠之署筆未橐于承明侍從之廬司教長垣入官太學三年考最爰有茲陞天殆不欲从其任於師儒之間局其用於鉛槧之內乎夫遷木漸磐學可行于爲政分猷共理澤可究乎斯民請以此易嘉遁之志矣先生謝不可曰嶽敢薄郡倅而遠汀州哉蓋聞之得其時則駕不得其時則蓬累而行江南有山澤國有田吾將逃世網解天弢求吾

歐虞部文集

卷之六

五

志於釣竿拄杖之游敢與聞于命官核實之論歸來乎何疑焉大任乃執策而進曰余昔疑于世之所論今于先生乎晰之矣夫道果可行抱關擊柝可也奚崇卑之足計義在可隱藿食褐衣可也奚通塞之足談靈均睠顧宗社信不能已其緘馬聞風濯髮消盤之懷嗣宗慟哭窮途終亦寄其徘徊蓬池顧望大梁之志彼固一時也先生仕當熙朝進退從容安於義命蓋賢屈阮二子多矣毘陵因泰伯季子之鄉也先生之歸謂不可爲世風耶

於是諸君子各賦贈篇彙爲若干首余因敘其說如此

送尚寶司丞王君敬美使秦詩序

夫使臣者周爰咨諏豈徒辨方域計道里列山川紀物產而已哉將資眺覽而寄遐志采風謠以備實錄也昔在盛漢司馬遷耕牧河山誦習古文及其涉歷幾徧宇內然後浹洽貫穿罔羅天下放先舊聞所紀載前代備風俗政事蠲惡得失之故非得於眺覽咨詢者耶王君敬美與二三大夫及余

歐虞部文集

卷之六

六

講藝燕中當明天子親睦諸侯敬美以尚璽郎爲使者展禮于秦方出國門涉易水遵太行望大河趨關陝陟二華以盡于龍門砥柱終南惇物之大觀問非子秦仲蕃牧之所於西傾朱圉之區壯哉游乎余聞秦聲音節麗厲意氣怒猛急笛清笳鞀鼓交作大率振揚介冑之容宣耀戎行之色今觀車繻駟鐵小戎無衣諸詩非但戰鬪殺伐而已其專精果毅敏於有爲而不媮誠文王周公之化之遠哉季札觀周樂至於秦風知其聲之夏出於

周之舊也其由此夫敬美本吳人也於太史公之書獨闕其深家以詩聞其所紀載每采觀風謹以示百世之軌 上秉冲睿宏攬典謨遵帝王之事興立治功敬美會逢其時自燕而秦歸必有所獻也行矣勉之哉

程鴻臚壽詩序

程君希化當嘉靖中爲太學諸生以善書名又習禮善爲頌朝士大夫重之隆慶時持牒謁銓部授南京鴻臚署丞一時留都中莫不知有典客程君

歐虞部文集

卷之六

七

矣君居官修職嘗論禮大卿所謂留都高皇帝定鼎之地周鑄京漢長安也 祖宗慎其事故置官朝會上陵如今京師乃朝儀不修豈列聖所以祇承 高皇帝神靈之意大卿稱善自是朝儀肅然朝士咸待約束如 高皇帝在御時也 今上爲太子當千秋節南鴻臚例遣曹郎表賀視諸郎無如程君賢者遂屬君往君奉表入京師同朝賀者以百十數君獨長身修髯進止有儀時天官卿在朝見而詢之歎曰安得斯人而置諸閒曹持是莊

以蒞民民曷不敬會安順州判缺員遂以典客丞補安順州判安順爲南陬善地蓋寶王之鄉也人以其爲太宰遇君甚善咸過爲君壽君獨不樂曰臣少學禮備員南都爲郎卽去燕門遠猶得奉 高皇帝神靈陸沉金馬時時望故鄉白雲足自怡耳不習爲吏乃又去南陬萬里新都之山有先人敝廬在其寶王之謂何乃上疏請以原官致仕得允而歸闢園築室于鯉洲之上又稱鯉洲君君日召諸所厚善者驩飲沾沾而醉乃屬客曰治國孰與爲吏使某去國萬里卽寶王諸君能相從乎客皆謝曰不能鯉洲君自負賢豪故薄一官以厚客客何以謝主人願延年百歲期日相與驩醉耳咸舉酒爲君壽君乃喜曰是何壽我乃浮白更酌擊節歌曰豈其爲吏二千石豈其食魚河之鯉金門之下可隱而仕一畝之官曷不樂只自是日與諸君爲園中之飲君卽以肥遯爲名高然隱不違親事繼母孝與伯兄友善異母弟道遠方在孩抱君善視之罔不異其家大人在時君有四子文煥者太

歐虞部文集

卷之六

八

學生也是歲爲鯉洲君五十初度道遠氏欲爲君
壽文炳適游都下介從叔無過問予言予因得論
鯉洲君之爲人乃和其洲上之歌而復之歌曰有
美人兮玄同居闔闔兮懷清風長揖兮豪舉歸來
兮園中樹有椿兮如有芝鹿爲驂兮霞爲衣浮丘
洪崖相等期九州睥睨縱爾如安順一九何所施
都人士聞之咸賦詩焉于是文炳橐歸爲壽

自娛集序

往孔陽與余論詩曰海內操觚之士易視斯藝者

歐虞部文集

卷之六序

九

沿其流習取合儕伍孰肯劇目怵心以自變夫俚
曲街談率童習白紛猥自托於辭達之旨夜虫傳
火誠亦不疑于日也僕屬籍宗人惟無所用于世
徐穉湖東若將終焉賴天之靈慕效古人之詩不
自量力閉戶造車期出門而合轍邁彼上駟萬一
相當乎中原當其覃思鑄句神不知其萬里馳語
不知其千古合矣孔陽之論余無以難之也則復
之曰詩非易言也作者林立能獨觀于昭曠之原
超脫其膠錮之習而躋登于風雅之堂世誠鮮矣

足下視屈左徒李供奉孰賢足下之詩視離騷經
太白歌詩孰勝夫離騷三百篇之亞而辭賦之宗
也太白歌詩唐家一代之選也原也競乎羣小之
間忠而被讒白抱潯陽之冤才而自放俱蟬蛻濁
穢之中浮游塵埃之末難矣難矣足下出公族而
幸其遭稟仙才而勵于學蓋其慕效之志自可齊
光日月抗迹風雲烏論左徒供奉之同異乎哉且
旣已陟匡廬汎彭蠡矣三楚之先有其人焉可比
肩而立也異時極岱嶽滄海之大觀中原作者不
旦莫遇之耶孔陽盤辟益恭曰僕于二子誠有志
焉山林臯壤竊以翰墨自娛耳願先生終有以教
寡人於是敘其集而系之曰孔陽姓朱氏名多照
志潔行廉韻高詞雅固翩翩一佳公子也

南松堂稿序

當 武宗朝安福張簡肅公以諫入黨去黨人銜
之其孫石磐先生成進士讀中秘書爲名御史在
朝侃侃有令祖風効大臣之奸貪者且請止遣使
迎佛當是時士大夫爲閹瑾摧折朝廷不聞直言

歐虞部文集

卷之六序

十

已以乃得張御史蓋朝陽再鳴矣其後巡山海關
閱邊事亡論其懾勳貴足軍食也乃生獲把兒孫
斬虜酋六十級其功當封御史固不言竟不封也
復提學南畿亡論其重經術振士節也內艱歸服
除如京師遭宸濠反率先從王文成起義討畫機
秘濠平而後行其功亦當封御史固不言亦竟不
封也乃補南臺曩黨人銜簡肅者竟以濠事中御
史逮詔獄禍且不測及廷訊諸誣者不識御史爲
誰事始白然終奪其官世廟敘平濠功予致仕

歐虞部文集

卷之六序

三

居林下者三十餘年絕口不言天下事其觸事興
感可喜可愕一發于詩然不事剗剗求合作者要
其得性情之正固千載合轍也歐生曰余客京師
雅善御史子太史秩儀部程太史先卒儀部屬校
御史詩業爲編定復屬爲序嗚呼斯民也三代之
所以直道而行也豈虛語哉曩御史坐法時恨者
致以必死人人自危而大中丞猶與同事鄒氏守
益王氏思辭爵賞論掾疏雖不報然所以不死者
豈人主無所感於其言耶前輩風致至今令人歎

慕御史卽無是詩猶可使人觀感于百世之下況
是詩尤張氏之夷玉太弓乎簡肅有言吾所未盡
力者將待吾孫御史可謂不負矣然御史之志卒
未竟行其猶有所未盡力者能無厚望于後之人
哉今儀部之寶斯集知有以不朽御史者固有在
也是父是子不可觀耶不可觀耶

韋子放言序

歐虞部文集

卷之六序

三

姬周下而春秋戰國老列莊荀管晏申韓亢倉尉
繚諸子家言夥矣左傳世本則采輯史牒以爲春
秋翌世之稱事辭者宗焉漢有太史公書網羅下
下放失舊聞馳騁古今貫穿經傳班固楊雄尊爲
良史知言哉韓柳在唐力振六代之衰視諸子稍
遠宋則程朱大儒之所論著炳若日星而安用瑣
瑣門人之語錄耶夫道固貴于明而言不患于放
也苟怯其力之難姑襲其腐談見以爲舍筏而登
岸苟局其見之偏恥就于大雅見以爲閉戶而造
車苟病其語之庸務剿夫禪悟見以爲游鶻而渡
海此皆習宋之陋去諸子益遠又烏觀左氏太史

公之源流哉嘉靖中余在鄉校因黃子廷寅獲從
韋子肇卿游韋子者蓋十年以長而余以兄事之
者也謂余稚魯可磨礪者引與論學見其根極理
要通政術鑒乎中名實嘗曰學一而已非道弗學
也非學弗道也吾不能舍吾筌蹄而開吾戶牖獨
不能齟咀宋人之殘截而委棄諸家之雋腴也又
曰學惟有用之爲貴而通方之爲難寧說而稗也
毋寧史而支也寧辨而訥也毋寧儒而襍也使叅
錯機權而苛察繳繞卽窺二酉讀五車膠曉譚說

歐虞部文集

卷之六序

重

豈賢於半部論語乎其持論如此毋但稚魯如余
子雲筆札君卿唇舌一時殆無以難之矣余隆慶
末歸自光州黃子來唁聞韋子已謝博士諸生業
棲鷺洲上時時著書也今復與韋子之長君純顯
並官太學爲助教間持韋子所著放言二卷詣余
請序曰此家大人之志也廻環省覽爲之悚然曰
隱居放言斯固余之所懷也未雖然子韋子不負
隱矣

瑤麓詩集序

詩本性情然要以厚人倫美風俗卽三百篇以求
詩之故其有出於是哉故作者非但宣其歡忻愉
快憂思慷慨之懷而局于氣格體裁也後之人摶
撫華藻逃奔本根甚則流肆紛綸雕繪刻飾若是
固蓋其性情之真於倫誼教化何繫焉余往來燕
趙齊魯梁楚間好覽觀賢士大夫之聲詩以考風
俗聞大鄣之境多文獻家於是稍獲與其詞人遊
及官辟離新安程生烈卿持其父伯賞先生所爲
瑤麓集來問余序讀之沾沾喜顧余何能序伯賞

歐虞部文集

卷之六序

重

之詩哉夫詩自風雅以逮漢魏毋論已彭澤率真
而超遠康樂瞻力而究深青蓮逸宕而暢風少陵
雄挺而安雅右丞冲潔而玄思襄陽簡適而獨詣
大都厚人倫而美風俗庶幾可以道古夫豈專以
氣格體裁勝耶伯賞學篤而行高內奉父叔昆弟
之歡外講賓客交游之好鞠躬隱約不務游閒公
子之富與名詩多紀南北登眺勝事而得于樂志
園者爲多要之出乎情而止乎性導遣其趣而和
平其音者也今主上右文風雅振響伯賞異日

者由太學奉職交戟間當謳詠中和之盛其遭逢
熙運豈彭澤諸君子所可及哉余猶及聆颯颯之
音鳴于大郭必不使毛萇轅固生徒治詩以老也
不佞固矯首俟之矣

檐帷集序

敬美以符丞使秦也奉 天子璽書持節出都門
道趙魏涉朝歌之墟上蘇門問孫登隱處渡孟津
行大梁縣長吏負弩前驅出嶠函潼關關令望塵
而拜二華故在秦疆域中由是而拊蓮花弄仙掌

歐虞部文集

卷之六

序

究太陰之故睹萬物之華視黃河如帶而渭涇
溱澧潏澗諸川錯流其下不知爲練幾匹
觀也振袂而歌豈不翩翩然壯游哉入長安賢
郊勞拜 天子之貺請覲使臣敬美故善爲頌樂
且有儀其辭令又足以宣上德意王醴燕驩甚執
禮愈恭謂 上重秦故以文學侍從之臣辱使敝
邑自以爲 重客敬美傳遽所至獲覲長公並登
玄嶽禮天 山吟嵩衡西極岷峨之觀俄而授藩豫
章分署九江郡杖屨枕席於立老香鑪間稱匡廬

長矣自奉使至分藩不二年所其游覽酬答聲之
于詩凡若一篇李侯惟寅錄而梓之曰檐帷集以
屬余序余聞古有采詩之官王者以知得失卿大
夫交接以 言相感必稱詩喻志且輶軒之使周
爰咨諏每隼方言以獻好事如楊子雲者持尺二
油素從而書之敬美周旋中原者二十餘年詩與
長公埒今復以檐帷著無論馮軾問俗卽謳詠於
二秦二楚者殆颯颯乎大風哉長公爲元美先生
敬美稱其家第海內謂之王長公王次公云

歐虞部文集

卷之六

序

嘉樹齋集序

河東古冀方有虞都焉倡之于上南風卿雲盛
介山歌龍蛇女娟奏河激其首陽采薇之所感
者耶王氏東征而續詩作斯道之在河東豈
哉李唐以詩造士無論他業卽以是赫然名家
如無功子安之在貞觀虞翻耿緯之在大歷逮貞
元而下柳子厚楊景山薛稷司空表聖之 羽翼
大雅河東之產何其多彬彬君子也昔 品
綜厥源委余持其說以 詩于天下庶幾十得其

五乃今于燕而得張君元易元易蒲坂人也少有異稟弱冠游太學從博士先生受經顧不樂爲博士家語歸而肆力于詩沂唐而選而騷而究極于虞廷賡歌也故其業日就卽有才弘博終不事制科進以太學諸生待次爲郎得大官丞日在禁近視酒漿事 上雖步兵厨有良醞三升乎而元易雅不嗜酒署無簿書之勞供事稍閒惟優游簡編而業日進元易卽有才浮沉剗晦不眎所長諸生豪舉橫得俠名顧恂恂若不勝衣翰卿詞客在

歐虞部文集

卷之六 序

毛

者每造請譚藝於是莫不誦張光祿詩又莫不賢其人相與結納而折節嗜學之名實傾都下矣是時 上方嚮用文學招延弘博之士喜起康哉採聞殿陛間且或舉漢武故事元易倘獲預柏梁之詠枇杷橘栗必有味乎其言也斯道在河東淵源所自信不可誣終且有辭於藝苑豈直太行爲衆阜之首龍門爲百川之宗已哉元易有詩八卷題曰嘉樹齋集乃秘書書惟敬所選以屬余序嗟夫表河東者庶在茲乎余不佞元易友也請封殖嘉

樹以毋忘角弓

汪虞卿詩序

余曩居江都時識邵長孺以其善辭也長孺每遜謝不能顧數稱其鄉人至謂汪禹父父子其著也無何又識禹父與之語遂相善于是多長孺知言復能讓善及過休寧訪二子則又識禹父之子虞仲雅有父風李功甫邵格之鄭魯文金上甫以次過從日與談藝益知休之盛于才已虞仲出所和長孺閒居詩什抑何其翩翩合轍也昔子謂子賤

歐虞部文集

卷之六 序

天

梅季豹集序

宣城梅氏文獻家也族且貴盛獨季豹厭薄經生語去而工古文詞鬱然名起大江之南壬午秋訪余青谿見其集二卷諸賦善爲左徒語而得兩司

馬之致視班氏父子欲凌其上樂府比于音律若
合若離曼調繁聲皆莽蒼古色矣古詩命格最高
取材亦博歌行則極閎麗之觀五七言律絕則詞
苑之鴻鉅也夫季豹貌若擁腫離奇之木墨墨不
自暴其才又如應龍之泥蟠飲沮洳友蝦蛆性故
無欲所以盤迴重淵而翱翔太清董父可得而豢
耶時而泥蟠時而霄行龍故在也風雲一日起余
將於文脊山中求之季豹休矣

歐虞部文集卷之六終

歐虞部文集

卷之六 序

三

歐虞部文集

嶺南歐大任楨伯撰

序

田子藝集序

是編爲子藝丙子以後詩子藝錢唐人也錢唐文章家宗田氏至子藝益著小嗜學習博士家語不遇遂耽於酒稍逐狗馬聲樂婦女放浪西湖天目者數年所島夷作難海上有警以諸生領四千兵在行間保障功多幕府數欲奏上懇辭乃免於是

歐虞部文集

卷之七序

一

折節讀古鉅萬卷書出爲文章波湧雲蒸意精義奧其餘刺百十皆經國大務多所風切足跡所至自吳越北入齊魯燕趙南至五嶺百粵幾半天下比詣公車選爲文學掌故分教於歙新安山水窟也授經之暇墨卿藻客治輿馬奉杖屨更迭邀游問政烏聊仙井長原豐千古崑落石昉溪屈於白嶽天都嶢嶢桐內黃山諸勝往往有田先生留題殆荆南馬帳之詠歌永嘉謝履之游矚矣齋前書帶壇下漁舟風教在茲能無銘石以示百代哉子

藝又有寄青蚨三百于內子張夫人詩張夫人報書丁寧以儒官大好設施登山臨水笑弄消遣之語是豈秦嘉徐淑之所能及耶雖然子藝之於著述其覃思殫力豈但游歛諸篇評騭千古則有留青日札統一六書則有大明同文集世固當知田先生也余不揆鄙陋聊著其大都云

貝葉齋稿序

余於都下所與雅游者盱眙李君惟寅也惟寅方以列侯侍主上賜印綬治左軍都督府家有貝

歐虞部文集

卷之七序

二

葉齋負牆一龕奉三古佛其下一几左鐘右磬中置博山鑪几東一木榻榻前懸所佩先岐陽遺劍西爲度者二一貯佛書一貯經史詞賦兩楹列五六蒲團客談藝者常滿暇則掩齋諷誦多所賦詩其調高其詞整其氣雄其情正一時播於雅游間朱汝修彙而刻之曰貝葉齋稿云夫惟寅家貴盛矣顧以謙謹著於公卿大夫而折節下海內士執轡虛左之敬不以飛鷹躍馬而移運斤斲輪之精不以橫槊草檄而易蓋詩書之好出自天性鹿苑

諸編咸竊正覺河東三篋並綜奧義其於藝林卽未舍後蓋已登岸疑神定力卓爾不羣斯其勇但賁獲哉在昔西京公侯之學可數也平津之於春秋樂安之於詩扶陽之於論語北平之於律歷稷嗣之於儀法涇城之於黃老陽陵之於刑名各有專詣克自名家惟寅凝神定力定實生慧竹素所傳遂冠乎七葉珥貂之族豈其使人曰劉文成二百年來空無人耶夫風移波靡發憤千古獨立良難胡嶽嶽乎惟寅也余曩登鍾山望大江南北極

歐虞邵文集

卷之七序

三

于淮泗慨然念 高皇帝諸佐命之臣今得惟寅於是益光岐陽之盛烈于周受命自召祖命他日詠江漢者其能不以貝葉爲嚆矢哉

送邵長孺歸休寧壽母序

嘉靖間休寧有邵母鄭夫人以節孝稱於邑中隆慶改元 詔采民間婦有節行者與旌典邑大夫數表其門有子正魁以布衣徒步詣闕上書言臣母鄭氏年廿七而寡遺孤臣與姊臣生五月母無子女臣有生母事母爲主母無何亦亡母視臣猶

所生子當是時家無當戶男子伶仃孤苦旣盡亡其先臣遺資又破其產食貧甚矣數遭凶歲卽不給而臣無饑顧以甘旨事翁媼翁媼旣逝拮据備禮嘗賣釵釧買書教臣讀臣學不成是以母苦節且三十年無所聞于世適有明詔問節婦節婦誠多恐無如臣母勞苦行高者縣令奉揚德意嘗再一表樹名在下邑終無以風示天下幸 天子矜憐詔旌臣母臣母老且不朽辭旨悲切納言上之下大宗伯居歲餘無能爲復請者正魁遁去乃

歐虞邵文集

卷之七序

四

上下古今續劉向列女傳九卷曰異世必有知吾母者御史大夫銅梁張公巡撫留都知邵生名今旌邵母節爲梓其著書懸之國門由是海內人士卒業邵氏學莫不知邵生有母而鄭夫人之賢庶幾與衛碩人鄒孟母並傳矣明年庚辰七月十一日當夫人七十初度邵生方游胄學起名六館中乃從大司成乞假歸省都下學士詞人多爲賦壽母之篇于時 上方開閣招致文學公卿多願推轂邵生者生謂古之人不以三公易一日之養魁

母且老過從有程氏姑汪氏姊白首堂背對婦弄
孫獨不念游子在萬里外乎卽待詔金馬門日食
大官何若服萊氏之衣藉歐先生一言爲重再拜
前膝爲慈君薦一觴稱千秋爲樂哉余惟夫人蚤
喪所天矢心不貳存夫子之宗祀成賢胤之宿學
表正笄幃垂教來裔貞且慈矣福履之綏方至如
升卽卽生晚達能用色養 天子仁孝善承 兩
宮宜有推恩人母矧夫人之賢其可後諸以生豪
舉藝苑人無不願爲夫人言而生顧深望不佞亦
歐虞部文集 卷之七 序 五

潢南胡公奏議序

肅皇帝時浮光胡公汝觀起家潢水之南給事吏
兵兩科所上奏議若干篇余讀之歎曰世乃復有
汲長孺哉于時 天子神明英斷邁於漢武雷霆

震盪權不下移公持可否以佐 主上誅賞進退
諸所條畫朝上夕報可直聲完節震懼中外公沒
後十五年余始竊祿公鄉鄉之鉅公喻司馬劉重
慶歷歷爲余道公風概余每以不及覲公爲憾从
益習掌故乃知浮光有三先生喻爲御史劉與公
同爲給事俱有聞于時一何盛耶公自爲士卽不
苟於交際取予及在諫垣彈射指陳無所阿忌以
此受知亦以此觸罪左判亳州稍遷南太僕丞陟
憲臬備兵山陝旣什而復振稍振而卽已當播謫
歐虞部文集 卷之七 序 六

嗟夫才未究而局于位志方遠而齋于年已乎已乎公之子繼虞以明經謁選天官部中首梓公奏議來問余序當是時業已記喻司馬祠事不揣陋劣輒論著公之大者雖然顧能爲汲鄭二君重哉

餘榮錄序

在昔有周游宗黨正莫不有書是曰閭史故閭里族黨書鄉行也顧其時豈有所謂蒼蠅驥尾附青雲之士以顯者哉夫梁益鎮以岷山江水自出山川隩域賢人產焉巴渝剽銳之士實興漢業蠶叢歐虞部文集

卷之七序

七

魚鳧以來梁益襟帶千里絢之華藻不宣功名著于春秋而已定遠有縈河先生張公御史伯大之父也習博士業既成病目遂抱書而遯結茨嘉陵江上配伍王兩夫人俱有隱操當是時梁益間無不誦縈河先生行誼矣先生既卒伯大起邑令高第入南臺上覃恩贈官御史伍爲孺人敕命蓋煌煌哉薦紳大夫士頌賦歌詠縈河者殆百十篇其平生則傳敘志表備矣伯大都爲餘榮錄以首簡屬大任六井絡之下是多隱君子蓋受之掌故

云然蜀之紀益州之傳華陽之志寧少白首巖穴閭坳而不彰者乎卽亡論巴賓彭濮之幽阻鞠躬悼行修聞爲婢名不出蓬蒿之廬誠足悲哉所以古之賢哲澡身礪節靡不始于家而里黨書之余聞先生端樸醇厚素不以長者自居而鄉之老人孺子望縈河如帶豈在濯錦浣花下乎其潛德埋昭與楊雄所稱嚴君平李業林閭奚異焉伯大光也不俟藏之名山輶軒使者將持油素求諸嘉陵歐虞部文集

卷之七序

八

問矣

同文錄序

越有田先生者名家子也以高才爲歛博士博士館中多暇日而先生又宏覽博物自結繩而下于書無所不窺以故著述日富不可殫紀獨慨字學日大壞奮然集天下字書窮搜深討加以獨斷曠日彌久書成而田先生髮種種矣詎不謂勤且勞哉不以不佞不文不遠千里而徵辭嗟乎不佞不能爲侯巴于子雲田先生曷爲以太冲而下士安

乎顧不佞不知書則安能序甫受業而駭既而疑及卒業而臆其旨竊從象罔以得玄珠是耶非耶夫自六書以來代有作者如其未同爭置力矣則豈必待田先生是以駭田先生多識奇字際明時豈其不知而妄稱作者是以疑及畧窺蹊徑知其冥則願以愚者之慮而度明者之心是以臆而有所得余惟五嶽巍然表天下矣而爲寥廓之說者謂有須彌之山其高數萬里日月經行隱見遙照四洲中國其南瞻一隅耳聞而大笑者十九駭歐虞部文集 卷之七 序 九

者十三疑者十一信之者百無一焉夫倉頡籀斯無論已賈都尉許祭酒非字學之岱宗乎其後徐鉉孫偁之徒則王屋鳥鼠之屬也田先生杵擊字書卽諸君不免所謂陟崑崙之巔而下視羣山僅如培塿何足以當其一盼嗟夫其以此書而觀拘學之士卽如舉足不離跬步者未知五岳鳥知須彌卽不佞臆而信之亦精越神游安能窺其底奧哉李昉有云上士聞道信之中士聞道駭之疑之下士則大笑之不大笑不可以爲道田先生此書

其以藏之名山必有知者烏問世之信不信耶

息機堂稿序

南鴻臚卿方公允治彙其詩爲息機堂稿曰息機言其志也夫音之起由人心生也故詩言志歌永言聲依永律和聲詩本律呂審音而後知聲審聲而後明律昔塗山爲南音有娥爲北音夏甲爲東音殷亳爲西音是猶拘方也孔子刪詩皆絃歌以合韶武之音苟音有弗協何以導志何以動物何以感天地通鬼神哉允治宛人也宛洛在天地之歐虞部文集 卷之七 序 十

中風雨所交陰陽所會四隅咸宅八風克飭其詩蘊雄逸之氣而格之以嚴整之規弘夷暢之懷而宣之以圓朗之思秉冲淡之操而藻之以腴潤之詞古選已登建安元嘉之門庭近體則直詣開元大曆之閭域蓋中原之音由心生而本諸律呂者也 主上邳隆姬周允治方與公卿矢卷阿之詠太和細縕息機肇之矣行人持木鐸采之而太師陳焉以雅以南此其時乎又奚待聞鐘洛浦而辨聲聽鐸邯鄲而知韻耶允治不鄙屬序斯編余愧

審音聊附卜氏云爾

予寧集序

大江以南王氣獨鍾金陵而下游澤國其氣日沆
漭漭漫往往宣洩鬱而爲宣城宣城故股肱郡地
饒奇宏麗有玄暉太白樓集於此予登敬亭其上
蓋有謝李祠云上下千餘年衣冠蟬聯勳名鼎立
談者尚謂靈秀掩於物而或靳於人蓋于今而有
梅禹金者余昔文學掌故江都考儒林傳魯若申
培齊若轅固燕若韓生成以詩名家其時江介之

歐虞邵文集

卷之七序

上

士無稱焉自禹金起而宣城之學日有聞於天下
禹金於書無所不窺其究也在西京建安下逮開
元其篤好古語沾沾自得而卽爲博士家言亦藉
甚而竟不進士舉也乃益工於詩詩往多所刻而
斯集則博士弟子予寧曰所著賦予知其楚人纂
組成文矣五言古出入漢魏六朝蒼然而骨立七
言歌馳驟樂府時極少陵之致近體其氣完其聲
鏗以平其思麗以雅蓋彬彬中宮商也今而人操
觚榛莽其高奇而氣益以漸薄如啖蠟蠹大截一

過無餘味耳矣惜嘈嘈衆哉奚庸是禹金所求結
撰肆力千古亦自可當吾世而不失海內名公朗
人指歸其大業矣夫禹金家多甲第而宦而貴用
事而始古文辭禹金卽以古文辭甲第而宦安所
負博士家言而弁髦古文辭也語曰家有千里驥
而不珍焉人有盈尺和氏璧而不貴矣而今大江
以南之氣始寄於物而終間鍾于人耶其間鍾于
禹金者貴耶將與天下後世共珍之耶

海陽邵氏家乘集

歐虞邵文集

卷之七序

三

休寧邵正魁長孺撰海陽邵氏家乘十卷今休寧
故海陽也系海陽何長孺之先繇睦州仕終海陽
家于官而子孫長焉是之爲譜本所出也長孺故
翩翩具史才乃不與石渠天祿之選徒以逢掖都
養于大師之門會 國有大政方欲效何蕃陳東
諸君上言闕失念毋老遠巡不忍行祭酒閩中呂
公憐其才力止之乃用歲居輦轂下所睹記爲星
變錄若干篇卒不以示人無何奉 使江南反命
遂請告歸養予亦由廷評移官南部意得數過長

孺乃聞問益闕予且歸羅浮而長孺來別余所賦詩頗多長卿之感其曰周紀漢書蓋深有所望也乃長孺竟不言天下事獨出家書屬爲評騭余曩爲歐氏譜長孺謂予書規度森嚴可比班生范氏予斯未之能信今觀長孺所著出入諸史而斷以己意諸表畧法遷固列傳弘標六代燕名別二氏之源內不黨于玄同伯廖證諸史之謬外不徇于夾漈核自始遷嚴其來紹蓋有譜學以來斯爲盛矣嗟乎以史才如長孺而獨令施之家今天子

歐虞部文集

卷之七序

古

方開閣招延文儒二三閣老皆自大師如長孺嘗爲所知推轂其所厚善故人如沈純甫輩功名日起都卿相矣卽朝廷有大著作必不失長孺長孺何可老作家人語耶長孺道然曰先生幸無多言無令世人有言汰哉歐子專以史許人也所論家乘幸爲序乘足矣乃爲援管書之

華容劉氏族譜序

劉出陶唐氏擾龍累後食邑於范漢起豐沛彌布天下華容之族蓋自東平徙云譜自宋元 明興

以來寶杰源簡宅裔震範蓋八修矣逮今十七世孫計部君克和請筆削于山人孫君兆孺兆孺家受史稱文獻且劉出也譜成計部奉以造不穀蓋不穀嘗聞之家有譜猶國有史也職在掌故訓典存焉然家之所以大必忠孝以爲基計部視不穀首世系讀既竣歎曰斷自所知前乎岳州者不錄家章華爲始遷之祖靡攀顯胄矣宜其後之昌以蕃也已而視世傳讀既竣歎曰本支詳矣十四世下門以族分犁然辨也已而視大傳讀既竣歎曰

歐虞部文集

卷之七序

古

善哉廣而核峻而潔闡幽揚微博綜史乘之遺記載之良也誌誅壽在金石固不必赫蹏之書也已及視外傳計部默然傷之不穀卒業則又歎曰婦德之盛以封書以節書以賢書形管所褒閭禕其有興乎不穀蓋又聞之一年樹穀十年樹木百年樹德德莫先於忠孝靖康之變宗募士團忠義社以應岳飛隆從飛北伐中原寶在飛軍以先鋒擒楊么韋破兀朮飛被誅遂散部曲淮以右無不憚劉都統焉淳祐末蒙古兵百萬南下杰不屈遇害

天澤以節勇著天源以孝悌著必弘當 高皇帝
時率先歸附按察公歷內外臺業在楚紀忠宣公
之事 孝宗造膝密謨豐功盛烈國史備焉劉氏
之表于百世者如此德厚流光子孫之易奕華腴
蓋有由哉夫鏄之起乎秦粵箕裘必出于弓冶受
之世也劉氏後之人所不求世德而宣昭之其不
過佚前光乎計部於是盤辟再拜曰吾子之言實
符也匪吾家千億是賴自提舉公以下皆被子明
賜矣其與宗人朝夕敬佩之

歐虞部文集

卷之七序

一

林端簡公集序

莆多巨族而林爲甲林之族數百年而有端簡先
生云先生擢甲第爲東南文獻用上大司空大司
寇者三十餘年始得請天下不以貴艷先生猶惜
其未試春秋七十有八天下不以壽艷先生而若
惜其棄我以死沒之日 天子震悼贈太子少保
謚端簡爲特恩致祭會葬者人千數計天下不以
異典艷先生而猶若有所未盡天下多親先生不
死哉先生歿而門人龐中丞尚鵬緝先生存稿若

詩若文若疏錄而梓之以其子諧書來屬大任序
大任不及炙雞絮酒千里酌先生墓而哀成禮然
讀茲編則顙焉若奉先生謦欬也他亡及論已卽
先生讀書中秘題壁曰寧餓死不爲不廉之夫寧
布衣不爲干進之士其少年挾節如此陳丞相平
曩云嗟乎使平得宰天下亦如是肉矣釋褐之語
一何異陳丞相社中時也先生服官以鯁亮著藩
浙日大臣用事者欲以夷人先期入貢文致其罪
屹然不動逮轉撫臺權相之子索千金不顧當

歐虞部文集

卷之七序

二

世宗皇帝受敕填楚楚民困甚督府以軍興檄取
行糧鉅萬先生蹙然曰楚饑尚可竭澤而漁乎奏
貸輸邊歲粟十五萬給之得奏可民亡饑屬吏以
賄遷臺史案其罪狀權相從中擠之先生由是歸
閩構亭湖上敘述墳典犧易麟史日諷詠融融樂
也而進他事則不耳矣語云天下有道行有枝葉
先生學足培天地之元氣而功當司空之伯禹是
宜相天下歷 兩朝再起卒以司寇堅辭解位是
時天下之父老咨嗟歎惜歸賢於先生而其所願

于先生者垂也然竟而見其人凜凜有生
氣抑何其偉烈耶觀先生所舉人才救言官豈不
侃侃古大臣哉令先生而在孰不願爲之執鞭夫
先生誠賢而繫海內之思又孰不欲誦其詩讀其
書也我 明鴻昌懋明之化作者熾起至嘉隆間
最而先生著作不可概見何哉曰先生歸繇倭夷
兵燹之餘僅存一二先生詩文大都醇朴爾雅稱
盛世風至於義利出處之大楷式百世者具在太
史是則誠非詩文之所能盡也已

歐虞部文集

卷之七序

七

賀御史大夫兼左司馬鳴泉梁公東征奏捷

序

粵稽古昔堯陣丹水舜誅三苗聲震東方風偃疆
場勳華之世曷嘗不命將徂征以奉辭伐罪哉今
乘障防胡薊遼最急虜曾馳騁山瀋陽下萬曆癸
酉我 皇上御極首誥戎兵以勵將士屢下明詔
議所以禦虜策諸言者皆莫不曰 陛下垂拱幸
不忘邊圉虜雖市馬請貢宜及時修築臺牆訓練
軍馬庶幾有備無患戊寅春御史大夫兼左司馬

鳴泉梁公總督薊遼也嚴軍律講馬政議修守機
宜酋長久識其姓名部落已憚其威令矣其冬十
二月土蠻黃台吉要挾封賞聚十萬騎窺廣寧遼
陽諸邊海蓋三四州歲苦兵革梁公謂團營結陣
難與爭鋒急以精銳出邊擣管奪險一鼓可擒也
於是大將軍躍馬揮刀提兵出二百里塞外敗虜
於養善木斬其八百餘級獲馬馳盔甲夷器無算
諸將夾擊虜首尾受敵烟火蔽天醜類幾絕是役
也虜內犯而我外攻兵雖分而勢實合孫臏採韓

歐虞部文集

卷之七序

二

走魏古今同符矣土速諸酋尚敢窺我塞垣哉捷
聞 上嘉梁公運籌制勝功居第一賜白金八十
兩紵衣四襲先是隆慶初公奉使犒軍遼左被賞
大紅麒麟袍麒麟蓋上公品服與今資鉅殊榮矣
已卯五月詔封大將軍寧遠伯而加梁公俸一級
仍廕一子爲太學生先是公佐本兵已加俸一級
今再加則俸爲正一品不與加地進律者同耶夫
人臣藉寵靈効尺寸建牙樹羽秉鉞持斧一旦垂
名竹帛勒勳鼎彝豈易談哉蓋守有餘力則戰有

餘勝公開府于茲行視阨塞據東北河山之險撫
長城察虜所出沒其軍律馬政修守機宜素講且
整以暇也人見其剪此而後朝食也而不知其舉
羣策指畫之不爽也人見尊俎夷豫也而不知其
夙夜焦勞蹇蹇匪躬也且任人而人益勸讓功而
功益顯邊陲之寄社稷之役能自貳乎固宜弓矢
之藏鐘鼓之設貺自中心一朝饗之矣余小子從
交戟內睹上於是捷也誠唐虞徂征之盛而安邊
境以保社稷固有人哉公所遺余小子書曰足下
歐虞部文集 卷之七 序 元

清江聶氏族譜序

昔者典午東遷五胡割據衣冠離散譜牒之不可
考也久矣繇今觀之江南聚族而居大者萬人少
不下數百自其身而遡上之數十世卽文獻不足
焉孤浮寄間有藏赫蹠簿記數之果唐宋所遺意

者中原之族不重譜牒大江以南猶有存什一於
千百焉然好事者時爲屬譜各采上世同姓之顯
者枝援蔓引圖象本事而飾以綸綍之命聞人之
辭縹緲裴池用以爲重惟名之徇實之繆也無論
已不佞蚤事先修職府君習聞譜學發先世之牒
質諸世史得爲釐其繆者二三策以余先聞人而
譜余族猶然失之余以是知譜之難而故家舊族
可使闕夫紀載乎乃聶氏固清江之著姓也其文
獻具在自唐道茂公以至于今歷年數百傳世數
十畝分條貫詳乎載之無所闕畧豈好事者所得
而概之耶夫譜之傳者宋惟歐蘇今惟獻吉繁簡
不同要歸於實錄余所爲譜卽未能求合于廬陵
眉山北地三鉅公庶幾不誣吾祖而鏡觀勸戒或
足備赫蹠之藏也載稽聶氏之先顯名者如千人
獨夷中以憫農詩著其所爲風誠足爲聶氏重然
譜其所出不及聶政豈非以其死於俠不名爲祖
其孝義表表已重于妙之口賢于冠紳遠矣可以
屠沽而薄溪井之族哉聶氏諸孫道亨端潔好修

起家儒士待次公車比將得官竟不願仕惟以養生家言游公卿間多所引重而與余游蓋已十年其足跡半天下樂淞之佳山水買田築室寄孥於淞業自爲祖其留者爲清江氏手輯是譜以告余曰天衢東西南北之人誠不能忘其所從來也子其序之以示百世余嘉道亨之志不敢以是譜而重諸聶聶之孫子詩書禮樂克繩爾先盍思所以重其譜哉苟徒紀姓名侈官職則負版之所載太宰之所籍不啻千百矣於是譜也何有

歐虞部文集

卷之七 序

三

勵節詩序

余僚友麻城劉君應虞以所著節婦蔡氏傳詣余告曰節婦卽吾姪鏊之妻苓也蔡之家教固以是婦而彰吾劉之門風亦以是婦而樹是婦也夫病當革之時剔目自誓其抗志秉義艱苦百罹宗黨姻戚莫不憐之今子已受室泉下無愧士大夫謂足風勵教化褒旌之典待請於 朝詠之詩歌積成卷帙子其序之余繙閱旣乃復應虞曰君之傳備矣矧有諸士大夫之詩夫天地正氣鬱積旁鬼

敦固完厚發爲堅強勁直之節可以烈冰霜貫金石闔禕之婦誠佩禮義服廉恥矢盟初終恪勤朝夕闔門自守而聲聞播于華夏光烈流于簡素寧有窮乎鬚眉而冠裳者苟敗德毀行裂其四維曜靈不留身名俱滅是何異螢燭蕤英曷所稱丈夫哉易之節曰節亨苦節不可貞夫苦節不可貞其道窮所遭則然初九之不出戶庭能節而止者也六四之安節則亨九五之甘節則吉節婦自蔡以歸于劉二十二而寡稱未亡人者十五六年于茲

歐虞部文集

卷之七 序

三

誠苦矣然處變履常貞凶而悔亡其中正以通自天佑之吉無不利者與抑余聞劉氏之在麻城詩書禮樂之宗也而蔡之先世有聞人節婦父爲封兵部司務宿兄爲駕部郎中光祖夫桓發殘形不辱儒宗令女自剗不負文叔房湛之女割耳以投夫棺德武之妻斷髮以歸李氏君子謂節婦剔目之志不在于觸地籲天之後而在于結褵授綬之初是編殆彤史之所必錄矣於是爲之序次以俟楚之觀風者

刻子華子序

余讀家語孔子遇程子傾蓋而語贈以束帛而莊子亦載于華子見韓昭侯其姓名見於二書則實有其人也及得其書十篇迴環吟諷其居苓塞是固晉產趙簡子以幣聘不拜執圭行食於菱亭之口去而之齊館于晏氏夫趙簡子晏嬰與孔子同時矣而又云秦襄公方啓西戎子華子觀政於秦考秦襄卒在春秋前又何其抵牾也晁氏周氏陳氏咸謂其書多剽老莊荀孟素問楚辭左國班馬

歐虞部文集

卷之七

三

之語甚者擬其風輪水樞緣托釋氏軸細袖宙訓出三經且并劉向序俱以爲不類疑其書王經姚寬輩贗作不然孟堅氏古今表何以無其名藝文志何以無其書耶余獨愛其天地之大數莫過於五莫中於五二與四抱九而上躋也六與八蹈一而下沈也戴九而履一據三而持七五居中宮數之所由生一縱一橫數之所由成河圖之畫也而又一則曰仲尼天也一則曰仲尼人之準繩也至論鼎湖鳥號則疑黃帝之書論禮則鄙剡子之未

達論儉則舉堯舜之備物其書豈宋人之所能及哉朱子時會稽鏤有官板久已漫漶新安程君德厚校正翻刻俾余序之母亦閱其家書之汨沒無傳哉雖然麟甲鳳毛余誠喜與海內共珍之矣

龜川先生詩集後序

昔仲尼之徒自齊魯以及四方蓋三千人而身通六藝者亦鮮矣七十子之響旣絕支流互分本真離逃於是詆訾爲子游氏之儒子夏氏之儒漆雕氏之儒夫商也日益偃也弦歌開也斯之未信豈

歐虞部文集

卷之七

三

三氏作法於涼耶且爲邦則回治賦則由理財則求使諸侯則賜豈盡托諸空言耶孔門之學六籍幸存漢唐而下至宋二三大儒殆明若觀火矣明興重經術弘治後鉤鈇離析傳聞異辭經生馳舛末僞不能統壹道真學士剽掇浮藻好申一隅之說聘智破義經術之謂何况六藝也於是東越崛興倡良知之宗旨紹洙泗之絕學大江以西率先嚮應翕然宗之曰陽明夫子云龜川先生起自撫州私淑於其門人東廓氏雙江氏而講習於陳

山正覺龍沙白鹿者不_言思定力探索要眇以
求會歸于本原其學自六籍以至宋儒諸家言貫
穿附離極於閎衍與雅發之爲詩溫厚隱惻一倡
三歎卽其微言相感因物造端雖體沿近習詞究
正宗率不戾風人本旨而厚人倫美風俗意深遠
矣視世之拮據奇僻雕繪粉飾者不可同日語殆
六籍之緒言儒家之雅倡也與余恨不及見先生
幸得與先生之子東筦君惟益善得其集三復不
已于是益歎江西多好學之士孔門墜緒庶幾賴
以不絕也惟益其慎于竹簡之藏百世而下豈無
同余昌歎之嗜者哉

歐虞部文集

卷之七

序

歐虞部文集卷之七終

歐虞部文集

嶺南歐大任楨伯著

記

貽穀堂記

貽穀堂者我歐氏奧川君祀禰而統宗者也君嘗以家規命其子曰祠以祀先禮也然禮莫大于尊祖尊祖故敬宗宗子者上治祖考下治子孫旁治昆弟所以統一宗人修明祀事聯親正族惇禮紀法也子孫守之則其教不嚴而治不肅而成否則

歐虞部文集

卷之八

族渙親離豈所以齊其家耶我先君繼禰爲小宗者也其以我私居貽穀堂爲祠奉祀先君清溪公先妣鄭氏安人于其中我與長子他日祔焉世世宗之守我家規毋或廢也乃今嘉靖丁未之冬緝其堂宇飾其龕櫝物戊申朔具牲帛執樽疊告享考妣于堂禮既成使其子告從弟大任曰先靈幸旣安于斯堂矣願得吾子之文記諸石以示我後人大任竊惟禮祭于宗子之家而支子不祭夫婦皆齊而宗敬焉終事然後敢私祭先王重

宗尊祖之義也奧川君之所爲規尊尊親親宗法備矣其有得于先世之遺教者豈渺哉夫我歐氏自南雄始遷而下若江州公之艱貞殿撰公之文行迪功公之志操助教公之藻業上舍公之遺家武僊公之治邑其爵位烜赫而行義彪炳蓋煥于前聞已 明興以來族屬蕃衍丁草昧者攀龍而建功際承平者考槃以明志修文展武垂組影纓迹其福祚元功儒林之胤或愧焉清溪公亢直人也隱居不仕率導閭里太史公所稱宣曲任氏考

歐虞部文集

卷之八

二

公行事非其倫耶是故吾家之所貽穀者固有自也吾子孫哺累啜積豈可頃刻忘哉雖然柳玘有三門高則驕心易生族盛則爲人所嫉言奕德之難也昔富平侯貴盛矣猶身衣弋綈妻自紡績懼滿持盈朝夕蓋惴惴焉延壽彭祖用是能世其家故漢室之興侯者百數保國持家未有若富平者也隴西之族非不將相名宗也陽陵汗穢浚稽敗降隕其家聲而門下之士恥焉爲子孫者可不念哉可不念哉此奧川君作祠命規意也祠之祭田

學田薦祀之儀訓誠之目具載家規中清溪公諱
惟綱字德張奧川君名廷選字擢賢君之長子曰
仕禎蓋庶長爲宗者云次子曰士祥

遊西樵山記

嘉靖丁巳秋八月二十一日辛丑友人黎惟敬梁
思伯自五羊過余洲上爲家慈壽明日壬寅于草
堂觀先君遺草又明日癸卯戒舟西上爲西樵之
游家弟經季載酒以從夜泊浦口雨望西樵咫尺
莫辨惟敬呼酒賦詩余與思伯和焉三更起視達

歐虞部文集

卷之八

三

臆月明如晝甲辰由官山市入翳門關先往石泉
洞登紫雲樓方文襄公書院也出酌天湖亭湖在
峰頂水清淺魚若空行觀龍井遂及寶鴨池二三
里至尚書湛公書院左右皆學館石門前有金鐘
石與鷓鴣嶺並峙大鼓石屹然相對內爲樂閣爲
茹芝堂爲崇經樓爲烟霞洞自洞背跨蹕而上百
步始一息路益險舉趾益高又百步而險始窮得
大科頂是爲西樵第一峰山自雞冠嶺玉泉巖雲
谷洞奔轟東來黃龍洞蘭谷峰戢劍石十里而遙

聚僊臺紫姑峰龍爪村五里而近班荆行酒惟敬
舉觴三酹烏利仙人思伯歌游仙曲余被酒長嘯
植杖四顧白雲蒲礪在東北桂父安期生彷彿自
雲中下東則羅浮四百三十二峰朱靈芝華子期
鮑龍葛洪單道開支法防數子可呼而來也洞外
有錦巖菴爲水簾百餘尺龍泉則北經石子田流
垂虹橋南匯雲端諸水于廣老坪爲瀑布注于石
礪石礪北有樂堯莊西則觀音巖其麓爲寶峰寺
已廢遂入雲谷院宿院最幽勝堂館亦雅閣道視

歐虞部文集

卷之八

四

大科尤雄憶甲寅歲九月同陳潛父梁彥國天湖
翫梅花還宿于此今信矣泉聲在枕上夜不能寐
山鐘隱隱館諸生敲火讀書琅然可聽經季亦據
榻誦遠游和之余與惟敬思伯步月上大科坐觀
日出各賦一詩余愛惟敬一氣混溟渤萬有開鴻
濛不減三謝惟敬亦謬取余地湧千峰元氣裏天
連諸水大荒中之句爲三誦焉歸雲谷經季猶睡
誇以奇觀笑之不已乙巳曉謁白沙先生祠經李
山人子長墓驟雨自西北至遂過廣朗閣是時雙

魚寶鴨九龍冲天諸泉已春撞奔注遶石筍過太尉笠下漱珠巖百會泉以達于壁江矣尋觀翠巖在碧雲村外其奇絕過大石窩遠甚宴坐過午不能釋乃由講學巖窺九龍洞水簾下爲石牕石牀汲泉煮茗飲畢登柱笏臺風泠泠殆可御焉晚過四峰中若盤谷爲霍文敏公宅入門環觀石樓獲賂賜書時迫暮主人止宿不能住竟還雲谷丙午山中人餉蔬筍爲朝食張中卿兄弟自龍山吳而待挾何子羽自老村俱以酒榼至同觀噴玉巖談

歐虞部文集

卷之八

五

賞竟日復改席于鐵泉精舍望長林若錦步障群石若天馬呼風泉在屋下若鳴玉璆然湍若飛雪思伯經季各畫爲圖將卜居焉而待乘肩輿先去余五六人月出始杖策向雲谷歸各駒駒睡矣丁未中卿具酒以羽觴觴客惟敬思伯與余相次題壁遂山山與中卿兄弟別經季取道翳門關行歸報命家慈也是日吳氏舟艤山下相待余與惟敬思伯乘夜泛樵湖望陸洲百濬夢江急水諸村烟樹明滅舟行似入鏡中夜過而待漏已下四十刻

戊申而待邀游崇勝寺寺創于梁天監中西樵時其右方丈對之殆青玉屏矣晚訪莫君謙竹埤荆扉圖籍滿室君謙止余宿焉而待惟敬三四遣使促返竟不果留已酉思伯從老村渡還五羊惟敬從余還洲上余弟衡仲明叔從兄公弛皆酌惟敬而關伯玉遮留劇飲泛芙蓉溪留草堂四宿歷庚戌辛亥壬子癸丑乃別

兩遊西山記

嘉靖癸亥二月余至燕京四月丁丑晦施繕部惇

歐虞部文集

卷之八

六

甫曾虞部以三約余爲西山之游五月戊寅朔並馬出阜城門緣御河緩轡行柳陰下聽鳴蟬翫流水可十餘里飯海潮菴卽上人持茗迎入延壽寺同過真覺寺觀金剛寶座午後至碧雲寺寺爲于內侍所建佛殿法堂極其壯麗週垣濬溝四隅築望樓高四丈若城池然僧談庚戌虜變千騎薄寺門發數矢竟不敢入云由殿東石磴千級始至松雲洞三石巖外有古樹大可數圍前朝物也松亭雖人力結構屈曲頗可觀而竹林半畝則燕薊所

無者芍藥數十株花開方盛亭旁引山泉鑿爲曲
水惇甫以三與余流觴于其上方數酌錢水部震
卿吳職方君澤已至大笑連酌三五觴琰上人以
蔬筍作供飯畢俱出寺門跨驢過鷺峰菴食叭塔
杏上香山寺登流憩亭觀蝦蟇石惇甫與震卿由
石西直陟山巔余不能從與以三君澤煮虎丘茶
坐石上作芍藥岱松二詩少頃惇甫盛誇壯觀朗
誦其西山絕頂三章余于驢背還碧雲乃和焉夜
宿于西方丈又數酌君澤與以三奕棋過三鼓惇

歐虞部集

卷之八

七

甫驩呼不已余時被酒與震卿先就寢矣已卯惇
甫以三震卿祇役盧溝時橋工方竣代祭樹碑君
澤則點視京軍于橋下余早起飯罷琰上人與侍
者四五從余出觀西湖下馬飲望湖亭湖中荷花
已開香聞數里龍舸一二存焉水田皆種稻白鷺
飛鳴宛若江南余殆徘徊不能去逮晚君澤惇甫
以三震卿先還海潮菴待余入城是游也余興頗
未盡踰年甲子後二月癸未劉山人子修約黎秘
書惟敬及余再游騎從舊路十餘里窺玉泉池飲

小亭入華嚴洞觀元人耶律楚材字刻循湖至金
口功德寺卽金章宗芙蓉殿也門外河水始解綠
淨如練桃杏方花山鶯啼聲近人可愛寺已半毀
只存後殿及兩廡蓋先爲宣皇敕建屢臨幸焉
規制猶倍他寺嘗壽上人方修前殿山門及僧房
落成業已請惟敬撰碑是日惟敬則爲上人隸書
數扁子修秉燭作南山精舍圖余遂盡書碧雲諸
詩淋漓滿卷夜宿禪房西湖風濤聲徹枕上實三
年京邸所未聞余因與惟敬子修和姚元白舊游

歐虞部文集

卷之八

八

壁上詩甲申味爽惟敬奉命往視宮妃葬事又
迫于入直閣中竟先馳歸矣余與子修及壽上人
攜酒觀巖壑積雪大者徑丈削峭如石子修戲作
西山積雪圖小侍者索余題詩欣然持去轉入南
禪登寶華閣極目居庸遠連絕漠大風偶作黃沙
忽飛頃刻殊狀已西上山尋平坡寺殿閣懸翠微
間西山于此爲高處其泉則大小青龍之所居也
平實上人邀遊西峰遍諸果園侍者寬增執杖屢
甚恭入小菴有老僧誦經不息問年百餘歲矣下

歷善應寺禮世尊法像并覽海會廊法本上人云
皆昔胡僧所製也巧超鎔範功踰琢磨丹腹競姿
紫銑爭耀色相誠殊絕焉丙戌西渡渾河三十里
至戒壇其山名馬鞍古佛受戒之地 宣皇時敕
修有普說殿千佛閣引戒臺每年開壇度僧禮官
預選高僧十人以充講師四方禪衲咸集云余入
禪室思浴侍者具香水浴後平實法本二上人出
藏經紙一索書七佛偈一索書蓮社發願文書成
聞諸山鐘磬飯畢呼枕簟睡矣丁亥登馬鞍山尋

歐虞部文集

卷之人

九

龐涓伏虎諸洞不可得琰上人在石經山折簡邀
看石經不果行午後與二上人別出山四十里遵
盧溝入京夫西山爲燕京右腋視長安之終南洛
陽之北邙尤近也截辭龍嵒支脊太行佛刹千所
壞麗甲天下余兩游僅七日不能行百之一而陵
寢密邇王氣鬱蔥關鎮連都城藩蔽倚屬且物產
饒裕誠百世可以取給萬民可以仰足者大槩目
覩之矣前後所賦共五七言十一首記成于再游
後二日己丑也

游泰山記

山經于天下名山言其五藏蓋其餘小山甚衆不
足記云泰山者五藏之一也拔地四千丈稱長五
嶽曰岱宗封泰山禪梁父七十二家得失之故可
略矣秦始皇登山中坂遇風雨避松樹下封五大
夫徵齊魯儒生博士七十人至山下議禮竟射牛
升中而還漢武帝東封時山道峭險登陟勞困其
儀見馬第伯記中今山下漢栢存焉余于嘉靖乙
丑十一月癸亥發京師十二月甲子朔過涿州乙

歐虞部文集

卷之人

一

丑過雄縣大風夜雪霏霏下丁卯過獻縣風益寒
雪不止馬如白鳳二胡奴貂帽貉裘從之護騎時
或僵立不行壬申至泰安州雪晴然風尚勁烈也
與黎比部允聰夾策登岱癸酉晨拜嶽廟霽色鮮
朗風稍不鳴肩輿出城北登封門先往州東十里
觀明堂故址允聰俟余于后土廟同飯畢乃改乘
籃輿行廟後半里卽升元觀稍東過紅門石逕峽
細曲曲如蛇蚓夾逕多茅舍齋供如市師尼道叢
吹笙擊鉢萬口念佛巖下僧時出果茗遮獻中道

余每駐輿勞苦之五里經高老橋橋下大石皆數十丈雪車冰柱怪詭可觀北上三里懸崖一石洞飛泉百尺凝挂如珠簾焉洞左乃巖巖亭北二里爲馬棚厓州人傳爲嶽神牧馬處過五六里道左有蛇仙巖轉東北四里爲迴馬嶺騎者至此不可行也籃輿前引絙索者五六人後推又三四人其險絕處旁列數人扶輿而上過迴馬爲黃峴嶺土多黃色陟嶺得一逕有三坡焉頗夷曠可方軌山中人名之曰快活三延轉而上及御帳坪是宋真

歐虞部文集

卷之八

二

宗駐驛處前有一松虬枝龍鱗根穿鉅石卽秦松也五大夫本秦官如左庶長大上造之類始皇以五大夫封避雨之松非五株也志云舊有五株今只存一殆不考秦紀耳過此而北兩山嵒礪人從隙中穿出是爲小龍口大龍口迴視五大夫松又數十里矣羊腸逶迤歷十八盤至南天門仰視萬峰如劍戟噴吼直上殆摩蒼天石壁窅窅陰巖雪樹風稍吹則崩騰有聲殆非人世觀也門東二里有亭亭有李斯殘碑數字可讀亭後爲玉女洗頭

池入亭更衣道人贊謁玉女祠卽碧霞元君宮也宮瓦皆用鐵否則風可卷去宮北有東嶽神祠香火不如玉女此卽山之太平頂有封禪壇址焉祠陰刻唐開元碑磨崖上字半剝落遂上登封臺有玉帝殿前建玉表高丈餘乃始皇登封立爲神主所以識封也俗稱秦無字碑碑之東南曰日照觀玉檢藏焉其東日觀峰下爲觀音巖捨身崖由崖而西有試心石其西礪上兩石亘空可行下臨萬仞謂之僊人橋至此日將晡矣返宿玉女祠道士

歐虞部文集

卷之八

三

房余與允聰又三四酌乃就寢枕上各得詩五六首甲戌鷄未鳴余呼道士三四人復躋日觀峰頃之允聰亦至是時風稍息雲霧開豁果見日一線出于東南漸升已如車輪其下光處蒼茫萬里決爲東海乾端坤倪不可指顧而黃河西來遶山下一髮也因大詫爲天下奇觀衣袂飛颺獨立高寒矐矐初日遙望巖壑或如雪枿或如危石尋小移動乃知是樵人于是臨東天門尋周觀以窺青齊道士持蔬麪飯于望海樓石几上轉而西臨秦觀

峰覽秦始皇刻石銘李斯所篆僅幾字耳望越觀
峰丈人峰皆在左右與人拾礪中雪片嚼之牙簇
簇鳴真漱石礪齒也道士邀觀天勝寨中可容千
人而桃花峪則無復桃樹矣尋竹林寺寺僧午猶
未炊乃以餅餌施之出所齋酒脯與允聰醉飲童
子擊鐘四山響答出戶踏樹影白月已在山腰兩
輿輒輒經白龍池玉田銀海若涉殊庭焉入城已
丙夜矣是游也東不及徂徠西不及蒿里而最近
如靈巖亦不一至焉蓋迫于趨曲阜謁闕里云歐

歐虞部文集

卷之八

三

生曰余聞安期生報秦王赤玉舄于阜鄉亭留書
云復千歲來求我於蓬萊山下以爲信有某人也
或時時總轡泰山臺上吸玉液餌華芝嗽瓊漿而
啜金膏乎東行庶幾一覲之然不可遇上下山坂
惟見白雲起封中惡覲所謂仙人六博神樓一七
者哉及登日觀望海上三神山黃金白銀宮闕與
諸仙人不死藥在焉心誠翩翩欲往矣心誠翩翩
欲往矣

首宿齋記

嘉靖丙寅六月歐子赴江都學官秋冬之隙始于
廨之西葺理小齋讀書于其中齋後有園地皆磽
确雜以瓦礫雨後盡種首宿因題曰首宿園客嘗
滿齋中相與談堯舜周孔之道食盤半首宿意蕭
然適也乃亦以首宿名齋諸生進而問曰先生奚
樂于斯耶歐子曰余心自有所安爾君曷不求諸
心夫心未始有物也及其障之若塵夢之若絲沉
之若溺昏之若迷者競于利欲者也在昔先民土
鼓汙尊玄羹越席豈不澹然足哉五色旣章五聲

歐虞部文集

卷之八

古

旣和五味旣齊詎知夫淫靡奢麗之由諸此遂不
可隄防乎雲委波蕩至于今極矣巧宦之士售尺
寸之勞以奸爵祿閭巷之子擁金帛之富以踰典
章孰肯澹泊其心于以居身而正性命哉夫齊國
千乘或不可擬于首陽之餓夫而監門執戟之吏
豈奴隸于金張許史之門耶余幼習章句急于功
名顛躓者屢矣長而幸聞父師之教惟恐失墜敢
忘其顛躓之憂而兢夫榮觀之望舍吾素位之樂
而汨吾澹泊之心乎且希炎而慕赫者曲士之趨

也安心而俟命者哲人之守也祿可以養親苟有所忝焉卽三牲五鼎不足以爲孝况沉酣于利欲以自奉其身卑焉甚矣二三子曷不求余心之所安耶諸生曰願先生識之歐子唯唯因書其語于壁嗟夫斯首蓓也其殆委土之箴規斷畧之師保也哉

知樂園記

光祿署丞吳君惟靜弟五人其季則中書舍人惟登家休寧有同心堂和樂園日相游從怡怡然

歐虞部文集

卷之八

五

樂也吳之先嘗治業廣陵吳君卽隸仕籍故不喜宦游恒往來吳越間居廣陵召諸常所與游者曰高會賦詩又甚懼恨不得與諸季游曰夫人生寓耳苟可以明得意安往非樂也家有諸季樂矣廣陵故人多念我能辱過我游諸子侍側亦樂也乃復治園于廣陵城東地可五畝中爲長春堂芍藥春葩芙蓉夏淨蒼松亭蓋丹桂飄馥籬菊含霜巖梅混雪牡丹海棠玫瑰木筆茶蘼茉莉海棕石榴杏李棗梨護葵蘭蕙諸異種自秦隴滇蜀閩廣至

者百昌耀秀四氣呈珍矣堂右植援外修篁千挺清颺冷然齋曰蒼雪其下爲竹厨堂左出籬門有二玉蘭移自吳下者珍之爲玉蘭亭亭後有菜圃蒔蔬數十畦園丁居之後爲讀書之所曰白雲廬志幽棲也玉蘭左爲翫易齋諸子居業焉後爲調鶴軒又左一門外鑿潭池潏滄深靚中疊石巉巖高者二三丈上可策杖望遠恍若岱輿員嶠方丈自溟渤來也故名海上三山後爲月榭清夜登之則金波微激玉虹欲飛殆可御風輕舉矣合而命

歐虞部文集

卷之八

六

之曰知樂園吳氏諸子有繼茂者秀而且文與余習于是署丞舍人二君使來徵記余聞條魚出游從容是魚樂也惠子顧謂非魚安知魚樂莊子則請循其本罔曰我知之濠上也嗟夫決起安知圖南之志哉彼慕華要者卽山林丘壑弗顧也習紛囂者卽蕭閑夷曠弗居也况蜩鳩斥鴳已滿天下梗枿狸狗所甘心焉又何怪乎鯢鵬之駭聽見笑而瓠樗聚牛之無所鑒識耶蓋蹄涔之泳靡極滄海之觀翳蒼之翔罔喻赤霄之奮信知樂者之鮮

也吳君昆季身榮朱黻家比素封子弟冠蓋都雅
從賓客游閑公子致翩翩稱適矣而皆有濠上之
想昔杜陵韋曲谷口輞川歷百千年無不思至其
地要之人賢則境勝斯園之池臺草木所以衣被
輝光表著于區內者不可以觀吳氏哉

上巳禊游記

隆慶三年三月上巳綏德何叔節何叔友新都汪
德弘長安李鳴卿姑蘇陸華甫江都蔣子夏黃定
甫太原陸無從京口茅平仲周汝言歙人吳孝甫

歐虞邵文集

卷之八

七

吳伯舉休寧程良學邵長孺吳叔承祁門倪惟思
通州葛士修鳴卿之子季常吾兒莘共修楔事曉
出廣陵城北十里集禪智寺飯于真如上人方丈
鳴卿倡以依字爲韻各賦七言一律余趨府稍遲
旣而騎至月明橋諸君俟余上舟泛邗溝數酌各
賦六七言絕句一首攜酒榼游周氏園雜花方盛
新柳漸萋登西閣陟長林榭望功德大明諸寺樓
臺皆在烟雨中景最奇絕汝言伸紙作畫諸君臨
坐水檻相與被衣起而或巾或衲或屐或筇或焚

香或淪茗或較奕或鼓琴或對花而歌或展卷而
誦或流羽觴或持石銚或二人共浮一人或二人
共嚼一斗權飲無筭于是各賦五言律一首詩旣
成步過法海寺少憩又各賦一絕句沿流而歸余
復騎入西門諸君並集良學所藏罇匱鼎敦玉彝
寶劍及古今名畫摩挲鑒賞平仲先成五言古詩
一章余遂和焉夜分乃別夫禊事古也昔永和九
年王逸少諸公會于山陰之蘭亭地有崇山峻嶺
茂林脩竹清流激湍引以爲流觴曲水唐開成二
年白樂天李待價裴令公十五人爲洛水之宴由
斗亭歷槐堤津橋白晨至暮簪紱交映歌笑間發
人望之若仙焉今日斯游山川之勝賓客之盛不
減于會稽洛水也且東西南北之遠偶合雅游出
處長幼之殊共秉微尚其詩雖一時之作皆華而
有質樂不忘規亦足以黼黻太平笙簧幽境矣顧
余無右軍白傳之文然不可不記也爰書其事并
錄諸詩于左

歐虞邵文集

卷之八

六

瑤麓山莊記

余嘗游白嶽至于歛之長源云長源諸程芝玉相輝別墅錯列挹清池于濠濮等卷石于方丈翩翩欲僊矣一飲于伯賞樂志園再飲于瑤麓山莊及德厚樗園入都誇之于黎惟敬惟敬惘然神往恨未能從也自是余爲德厚記樗維敬爲伯賞記樂志蓋十年于茲而虞仲復欲余記瑤麓且也瑤麓去樂志不百武哦松咏竹之聲與樗可相聞也其槩已標而致已極胡能庚爲之辭乃讀伯賞詩而

歐虞部文集

卷之八

无

得其山居雜咏焉其在樂志爲堂爲亭爲樓爲閣爲齋軒館室爲泉石山池其字十六皆取諸園以內而瑤麓之爲詠也十二館有叢篁園有葵霍池有菱荷藥畦瓜隴時屬日于垣可棲可食可衣得無欲逃伯休之名而高東門之風乎珠樹嶺大石山蒼翠瞻忽捲幔則座常滿也于岑于野則鶴與俱而鹿與游乎耦耕于瑤田息陰于槐陌皆不遠于莊而得之樂只良朋歡言旨酒則之曲水澗澗之源迤邐自山嶺而經于莊于館于園于池于畦

于隴浸淫于田野岑陌隨在而足蜿蜒而出其刻可歌清可鑑以其曲取名非必擬議于洛邑之流長安之江也伯賞爲詩業成一家言而于諸詠顧不自作乃集古語爲之顧王孟之芳采沈宋之秀有唐君子嘉言具在而是莊之景古人已先發之回思維敬亦旣長往安所得與之商畧揚榘也余意不能出樗下而維敬樂志之作信可矜帶諸勝伯賞所詠鶴岑則又有唐燕公披雲親綠岑之句燕公亦嶺以南人也一歛之山去粵萬里上下于

歐虞部文集

卷之八

无

載而粵人再游詠其間余得附往哲而三焉顧非幸哉此又二園所不若者記在茲乎

歐虞部文集卷之八

歐虞部文集

嶺南歐大任楨伯著

記

江南游記

江南山水甲天下余昔居金陵一載蓋嘉靖辛丑歲也時方爲諸生治章句每從鄒魯秦楚吳越士人講業雞鳴山下未習游覽惟與王子新衛朝卿一泛秦淮再宿牛首而已丙寅仕爲文學居江都又二年隆慶戊辰正月八日督學使者檄召始有歐虞部文集

卷之九

江南之役晚至儀真施署丞子雨邀飲夕始赴朱光山仲開試燈之會同集者程宗衡高少伯吳孝甫也九日過六合宿梁塘館十日從浦口渡江入金陵十一日謁孝陵賦十二韻睹河洛思禹功俯仰上下孰非高皇帝力耶信乎繪天地者難爲工也十二日奉檄赴崇正書院纂修實錄院在清涼山上其下爲烏龍潭地本臺城遺蹟高爽朗秀右卽清涼寺十三日往御賜廊謁御史大夫林公汝雨公余師也嘗視學嶺外別二十五年矣相

見甚懼是日吳山人子充攜酒李太史子田盛秀

才仲交同過院中數酌罷並陟山巔東望宮闕佳

氣鬱蔥而鍾阜石城蟠踞如昔西俯大江千帆飛

渡北則幕府諸山可眺也十四日仲交攜酒又至

張啓初偕來是壽寧侯諸孫少年善歌奕奕韻度

斯會也待王用五不至十五日范秀才濟之具酌

院中夜從二騎出游城市喜見萬家燈火夾路笙

歌都人士女金鈿錯落猶有舊京繁華氣象十六

日過邢太常伯羽遂游姚鴻臚元白市隱園同陳

歐虞部文集

卷之九

二

明府子野楊山人惟五姚太守敘卿翫梅花賦詩

酒半伯羽亦至移酌中林堂是夕余宿借眠軒聞

鑑公西菴鐘磬鑑公一名無著終南山僧也樸魯

不作綺語勤于禪誦故伯羽結青蓮字以居之十

八日伯羽暨金山人在衡倪明府公甫過訪二十

日御史大夫林公過余院中陪登清涼山是日霽

色可望江風不寒公謂早春暄晴大似嶺南云二

十二日謁諸部使遇馮博士汝行自鎮江至拉余

訪許太常仲貽飲丙夜乃散二十三日赴禮部拜

皇上萬壽節還過子充飯入朝天宮同沈道士子
高登萬歲殿循曲徑上東麓亭望謝公墩二十五
日范太史伯禎楊評事爾高以酒榼至同酌清涼
寺之來江亭適黃儀曹鍾參軍李計部莫比部李
鴻臚梁助教唐博士諸鄉人偕訪遂不及與范楊
盡觴而別二十七日訪諸鄉友遂上鷄鳴寺周覽
憑虛閣舊講業處頗有山河之感登塔望後湖大
風濤激覆舟山松聲與萬籟俱發觀六朝興廢雄
心爲之憤薄二十八日袁考功魯望約會署中魯

歐虞部文集

卷之九

三

望故是我輩人昔年燕市與徐子與潘時良屢爲
河朔之飲今潘徐俱爲大僚又皆憂居余與魯望
復得此會不覺引滿酣笑蚤鶯啼聲近人輒又驚
詫似楊清歌喉也二月一日誠意伯劉公國楨邀
飲劉時屏居將求自試席上因歌以贈之二日赴
李大卿鴻臚署中飲值雨又於李莫二計部席會
陳廣信在璞崔廣德子修甚懽四日實錄事竣移
居市隱園月下與無着上人看杏花步池上曲橋
望鷺群閣海月樓烟波浩渺有濠濮間想余與上

野元白是夕俱沾醉五日朝雨飯畢候晴與元白
惟五出聚寶門過報恩寺數往年回祿之厄惟琉
璃塔歸然獨存登雨花臺指郊壇最近循梅岡下
謁梅將軍廟讀亾友王子新所書碑游高座寺遂
徧歷惠應永興普照寶光四古刹至寶林菴坐啜
新茗菴乃魏國徐氏諸公子所建幽遠最可結夏
還永寧寺憩木末亭飯凝翠堂勝乃徐子仁篆書
寺僧出示其師英上人所藏名公詞翰數十卷飯
畢過德恩西天普德永福碧峰能仁諸寺入天界

歐虞部文集

卷之九

四

寺訪斌公于崑亭斌公爲太虛弟子曾游陳莊二
公之門今年八十矣講經談詩疊疊不倦江左名
僧也六日元白治具竹素山房在衡子充惟五子
野同閱法書名畫鼎敦厄匪甚富七日元白攜酒
脯邀余同惟五無着游攝山由麒麟門出先入靈
谷寺山門萬松如簇馴鹿成群五里至寺寺極弘
敞與天界報恩並冠江左內有寶誌塔而海會廊
丹青皆名筆江夏吳偉曾畫八壁今存其四余與
元白廻環覽翫取所攜酒脯飲啖其下昔人解衣

盤礴羸殆亦契賞深情與行琵琶街足音磴然又
欲僧若擊甌余意其下空洞蓬蓬傳之聲也觀八
功德水志云分自阿耨池蓋西僧幻咒魚龍曼衍
之遺法世因神之耳四十里至衡陽山有寺南接
雉亭又五里至攝山山多藥草可以攝生西北有
水注江乘浦入攝湖寺曰棲霞入門先讀梁江總
碑有古佛菴上爲千佛嶺嶺之上下巖竇數百佛
頂毫光五彩金飾皆鑿山成者大小殆千每一巖
一佛或十餘佛佛佛異相嶺下一巖高五丈中坐

歐虞部文集

卷之九

五

釋迦旁立二菩薩皆四丈八尺前爲白石浮圖製
極精巧六朝所遺也左露立接引佛二衣褶有張
僧繇筆按碑云明居士僧紹子仲璋爲臨沂令于
西峰石壁與度法師鑄造石佛齊文惠太子豫章
竟陵諸王增飾之寺卽僧紹宅門外有唐高宗所
譔明徵君碑其陰刻棲霞二字殿閣舊多摧壞近
年僧興善力復法堂精舍栽松開徑鑿沼治園其
披榛畚土之勞獨多而慧光上人又于其西建般
若堂中爲說經臺祀明徵君度法師于其中復刻

四十二章經于石是夜宴坐慧光宿雲菴汲珍珠
泉煮茗聽無着宗學二三僧談金剛經達旦不寐
八日早起啖鼓粥與元白惟五無着慧光從菴後
上明月臺躡中峰石問萬福虎窟二寺俱廢尋白
乳泉度石礪古梅三四株花開方盛有小菴是福
懋大士故居徘徊久之泉又名白鹿今住菴者僧
顯宗也路轉西上爲天開巖大覺師一杖一鉢誦
經不輟余讀黎惟敬盛仲交二子詩亦題其扉而
出元白惟敬先陟巖上列酒脯待余酌三五行觀

歐虞部文集

卷之九

六

宋人沈傳師徐鉉張稚圭王雱祖無擇諸題名無
着掖余直陟山頂縱覽畿甸大江如帶吳越爲東
門荆蜀爲西戶七閩二廣爲南府形勝可睹矣午
別慧光循鍾山麓而歸道經古墓十數翁仲或卧
田間碑剝落多不可讀國初敕建蔣子文祠獨盛
子文漢末爲金陵尉討賊戰死靈發于山因立蔣
侯祠故世號曰蔣山沿玄武湖緩轡行松徑下數
里入太平門還至市隱園子野載酒相勞苦並坐
秋影亭漏下二十刻乃就寢九日治裝與諸君別

元白則與子野在衡及姚山人光虞餞余于徐氏東園登池上閣數酌便行時速于赴馮汝行三山之約也中車出觀音門折西入清江道院謁漢壽亭侯祠稍北至燕子磯上有亭曰俯江江自岷山來萬里入海磯下疊浪青天蒼茫壯觀哉沿江至弘濟寺背江峭削蓋卽觀音山云是夕抵龍潭宿驛館十日過炭渚夜宿京口大風不息十一日雨雪冒寒入鎮江學舍訪汝行汝行候直指使者於姑蘇未返余命館人問舟晚泊西津渡雨不止十

歐虞部文集

卷之九

七

二日曉霽茅秀才平仲鄔秀才汝翼聞余守風蒜山下與王大尹童都尉先後來訪平仲曰足下殆有意于三山乎僕雖薄試事請擊楫以從而趙太學敬辰黃太學定父則爲余自瓜洲至風稍稍微矣買勇渡江上金山至則呂秀才子佩兄弟攜茗酒候于迴瀾亭下余由盤陀石攝衣詣大雄殿禮佛酌中冷泉于布袋菴烹天池茗三四啜天下第一信如所品東過龍王廟爲韓世忠伏兵處登江天閣前望山色俯瞰江流平仲辭就試句容連浮

大白歌大江東去以壯其行余憑檻望其舟登岸乃出閣返祖賢上人房子佩業已張譙紫霞樓上相與劇飲月明如晝江濤不飛二僮舁酒爐諸僧攜琴筑且行且酌步上妙高臺談蘇長公故事又浮白者三是夕無不醉者十三日曉入朝陽洞扳衽窺裴公巖有頭陀趺坐絕粒不語旁一僧侍之乃滇人也問頭陀何以不語云已數年面壁于此矣敬辰時方病足毅然從余陟留雲亭旁睨吞海亭詢兀术所焚之塔故址猶存至此則金山之勝

歐虞部文集

卷之九

八

盡矣飯罷上舟同至北固山游甘露寺尋多景樓海岳菴俱毀惟鐵塔十級尚是宋家舊物茲地孫吳以來遺蹟頗多而宋簡文謂東巡之日當宴戴公山下云薄午舟過焦山沙岸盤迴竹樹繚繞稻田蘆渚茂縹可觀上則琳宮耀日古栢參天于是先謁漢隱士焦孝然祠歎其當建安之末泥蟠雲棲豈非竄歸河渚野火焚廬之後飛遜于此耶由西南至三詔洞洞之下砢研欲墮經刻與題名往往摧剝不可讀秦蕪中得瘞雀巖僅可辨銘辭十

餘字信爲陶隱居手勒無疑郭山人次甫久約余來觀此石余至則次甫已返吳門因留題一詩輒爲白雲出岫之嘲焉定甫于水精菴供具晚酌斯菴面扼象山背負佛閣朗月冰色素波練橫鳬鷗魚龍近在几席潮聲漁唱夜半更聞諸君迭起爲壽余已酣則又笑謂諸君曰若等固當多酌我我將爲君三醉過瓜洲也十四日圓玳明秀二上人邀過海西菴得觀玉佛三寸許蓋千年鎮寶此山之天球河圖幸一游目爲快了元十六詩碣所載

歐虞部文集

卷之九

九

御書幢今不可見海雲堂蓮花閣則俱爲僧寮矣磴道西轉崖側刻浮玉二字又石屏二字俱宋人筆諸石則宋元與近代人刻字頗爲繁混上吸江亭見楊公繼盛題字悽惋酸鼻再拜不能去因感焦山二大字奚不爲刻巖上也是日聞汪中丞伯玉將至夷猶俟之冀與娛娛霄表挹酌濤前極目海門一嘯千古久不可待始從諸君放舟延緣葦間午過京口念招隱山爲南徐福地因乘興十里至寺長松深翠新柳漸萸山雖不高李衛公玉蕊

詩最著而昭明太子讀書處則在山椒險絕其麓有荒麓曰虎跑泉飲之甚冽而甘有古洞五六嵌嶺之半上人告有虎不敢入立視令人慄然鴉啼樹間覺已晡矣疾趨入舟是夕定甫告別由陸往句容十五日余帆過瓜洲飯子佩樓上已別敬辰出漕河口則樊秀才允中皇甫秀才賢具餞關廟日將亭午棹遡楊子橋還廣陵夫余祗役良苦矣然封軺十日枕席名山大川皆折腰之客欲游而不可得者江南山水十已得其二三庶幾差勝宗

歐虞部文集

卷之九

十

少文卧遊哉

櫟園記

余邑南冲鶴里土壤夷衍林木叢茂蓋靈和南結膏澤涵浸之鄉也潘君子朋世于是家焉子朋尊人光祿公與余友善嘗過貽馨堂登飛雲樓東望羅浮西眺西樵南極漲海北盡五嶺于以宅心高明寄懷寥廓不出几席之下坐收山海之勝矣子朋復於近宅選勝一區依古樹爲園內有茂林脩竹因高爲山因窪爲池池上爲臨漪亭前爲襲芳

館後爲餐霞閣有靜寄軒易安齋而菊徑蔬畦環護左右合而名之曰櫟園走請于余曰鶴鳴九皋而昆蟲蟄于坏戶鵬搏扶搖九萬里而斥鷃狎榆枋物有所適也豫之不敏誠散材也竊以此寓吾志焉公其記之余惟松栢生于山中霜雪不能凋震風不能凌歷千年而益茂蓋不可與舜華之朝榮夕悴者同視也崑崙上薄層霄下蟠厚地萬寶生焉百靈集焉其積氣之厚豈培塿盈尺之士可歧而及耶君世德作求貽燕有自益以文章

歐虞部文集

卷之九

二

行業恢弘令緒衣冠禮樂端在是矣固豫章梗枏之所以棟梁夫明堂清廟者也抑余聞匠石之齊見社樹其大擁腫不中繩墨小枝拳曲不中規矩匠者不顧故若是之壽楂梨橘柚之屬熟則剝故不繆其天年斯殆寓言乎然顯者必恬躍者必潛善持富者以廉善持貴者以謙力穡樹藝隱居之適也展采錯事行義之達也况樛櫟乃文本安知曲園之社不封殖於明時哉因記以俟之

南園記

武定太守方君清臣柱國少保文襄公仲子也謝郡之明年爲園于居第之南自署爲南園主人園修廣不啻一二畝周垣二百尺東爲門入門爲真隱亭磬折而南爲坐隱深處上爲問月臺疊石如磴道十級俯臨古樹可坐十人客至卜夜呼酒賦詩若引河漢而摘星斗矣臺下積石成洞出洞沿隄五十步竹暉花援蔭映而上爲步欄兩旁潄水爲菱荷池前爲魚池畜魴鯉千頭便烹鮮也上爲觀我草堂掖夾兩室疎櫺曲牖左以宿客右則主

歐虞部文集

卷之九

三

人于此隱几焉堂後爲樓貯世宗皇帝賜文襄公宸翰及大典諸書東西列經史子集四部細帙之富溢于草堂主人燕居則當戶坐蒲團日繙書引社中二三子時講藝其中魚池之東是爲楊柳步步窮得釣磯綸竿咸具出東戶南折不盡三十里爲一榻齋爲曝背軒東倚垣而朝日者爲迎暉閣外爲黃花三逕爲小白鹿洞白鹿自四明夾轂而歸一則其麝也池垣蔽南端植文本叢桂有石凡石磴可奕結栢爲亭峙大石如玄夷使者潛

于大垣運轆轤引池水灌栢下于大石側仰噴六七尺一小毬隨水升降若弄潮然主人奕散則率童子水嬉以嬉客罷則觀鳬鴈浴于池客去則閉關詮著終日倦即齁齁睡矣主人謂客盍記之客曰君宰相子也高才雄畧往兩佐郡明州則患島夷虔州則患群盜君當事久在行間勦倭平寇功狀上聞拜二千石秩中大夫顧上書乞歸奉太夫人婆娑家園將庶幾潘岳賦閒居者督府中丞推轂方力竟辭去若脫蓂莢抗志潔身爲名高乎抑

歐虞部文集

卷之九

三

諷誦佔畢效書生爲也主人曰某承先臣之業微寵三朝無尺寸功比以太夫人不釋之故乞歸獲奉滄漣朝夕爲驪陛下恩厚矣侍奉餘閑從二三子歌誦太平南園菟裘地也敢比擬閒居爲名高哉願客記其成事奉以周旋俾不墜先緒客曰敬諾

伊闕記

昔禹治水九州披山刊木凡諸大水之夾山而出者皆禹鑿也伊出陸渾盧氏絕山而下北直洛門

當雙闕隋煬帝營洛登邙山南望曰此非龍門耶于是伊水有是名非禹貢導河自積石至龍門者然山形中斷兩麓挿流中無漸巖躋陟之險水至清淺濺濺鳴石間鯉鯉若空游矢釣可得泛舟傍山足隨波上下與魚鳥狎亦洛之勝絕也余隆慶六年二月壬辰游香山尋石樓俱廢聽八節灘潺湲不絕憶唐人衣冠盛游誠李白所謂流恨寄伊水矣西觀龍門龕壁間鑿石佛大小千數蓮花洞一碑刻于龕內十數丈之上額篆曰魏太傅滿河

歐虞部文集

卷之九

四

文獻王造末云天缺缺年歲次乙卯車騎大將軍左光祿大夫河內溫常景永昌造文車騎將軍左光祿大夫典國禮事河東蒲坂姚元樹文纓奉敕題篆隸伏波將軍洛州軍主徐缺揚州吳興缺于潛西鄉同里人當造碑而建昌天平正光永熙永徽諸人題名甚夥殘蝕多不能辨天花洞龕內有唐贈隴西縣君牛氏像龕碑楷書道逸唐龍門西嶺石像銘并序禮部員外郎張九缺撰文隸書也唐開元內侍者功德之碑又楷書唐龍門不覺龕碑

一行文皆記鑿佛功德乃國子祭酒崔廷玉撰大佛坐旁刻唐狀碑碑內有云開元十年十二月五日敕旨龍花寺宜合作奉先寺末書尉員押史樊宗牒作兩行諸刻之最佳者大盧舍那龕像記迦葉阿難金剛神三各高五十尺佛身通光座高八十五尺二菩薩七十尺有極大者三龕魏王泰爲長孫皇后造其伊闕佛龕之碑年月姓名已滅必岑文本記也又有太后捨數十萬錢所造者而士庶爲父母造佛尤多當時所崇尚如此北龕今名

歐虞部文集

卷之九

十五

賓陽洞僧廬極小龕內有顯慶二年燕公張說一小碑垂拱間一石亦佳北一石刻金剛經無姓名年月必唐人筆旁有慶曆間游人題名可驗寺僧演貧甚余施之食惟山泉清冽持筇中六安茶對月烹飲與之夜談似不減歐陽永叔從陳經秀才游耳五更枕上聞鶯起登龕樓殘星猶未滅也演送余渡伊水乃別

光州學田記

士學于學官征徭所不及業之優者廩焉恩禮厚

矣然士尚困何也病在德意未廣吏不加恤師不知所以教夫國于天地有與立焉士也者異日公卿大夫百執事之人也古者閭里鄉遂皆有學教襁褓耆劬之子弟升而進于六德六行六藝時未聞稍食之頒委積之養豈非一夫百畝之授能自給耶井田廢民寡常產且士不皆廩也茲學田之制之所以興與光州汝南文獻郡也學故無田嘉靖庚申前守黃梅熊公偉始買田二區蒞入歸于學諸生三五人更掌之蓋飫其德者且十年矣准

歐虞部文集

卷之九

十六

汝三載連歉矜佩中困匱者太半二區之租無所賴于釜鍾以贍給隆慶庚午崑山陳公王道以進士補守是州旦日視學見諸生食貧治業弦誦不輟課試有程喟然念之踰年夏大饑民待哺者數萬人講求荒政不遺餘力顧州鮮積儲不得已勸借富民爲周急計鄉先生重慶太守劉公繪戶部員外陳公璋等咸義助金穀若干旣大賑州民惓然生色矣羨金計一百兩有奇乃與鄉先生議買學田廣聖天子恩施學官弟子之意判州事前

監察御史黃岡王公同道適至贊決之公嘉鄉先生捐金之義得因其美以贍諸生上其事于分守大叅曲周陳公于陞督學憲副蒲坂楊公俊民兵備憲副膚施楊公吉知汝寧府東牟陳公廷芝皆報曰賢守議是于是出羨金如數市高店田一項八十畝府君店田一項二十二畝屬州幕武進王君箴履畝樹標疆理周密高店田租則一百六十五石府君店田租則六十八石也歲皆儲于州倉專贍諸生毋使奪于貧而廢業立爲條約以待支

歐虞部文集

卷之九

三

給詳之卷籍以待勾稽謂大任記諸石俾勿廢大任承乏典教于茲與訓導分水王君禹德懷達崔君維岳嘉定沈君炬荷公之澤及矜佩無窮也揖諸生告之曰廣田贍學司牧之所以弘教也仁耕義耨君子之所以養德也牧人者乳虎不哮于獄繭絲不棘于民萑蒲不剽于郊鴻鴈不歌于澤孰不可語吏治也視衮衣章甫蟬匡蟬緌感化殊矣公加恤于士而約之于禮殆養而示之教者與諸生出樸厚之鄉衣食於農桑釣弋其婚嫁祭祀燕

飲饋問儉而不費類多孝弟力田之習亦惟自養于禮而已故先王之教曰禮而群居和壹莫貴乎讓尊酒豆羹致謙而養廉儉介拜揖教讓以明順鞠躬君子言若不出口細人爭智競名甚則怙勢而致利焉豈所以崇鄉里之訓相率于德行藝業其出也何以協恭和衷于公卿大夫百執事之列耶且稽古不若聞諸父師之的也觀之四方不若求諸堂序之近也諸生與後來者食學田之入胥興于禮讓之風歌頌德意一藁一枯若甘棠之不能忘焉應不能忘公弘教之心矣大任不佞其亦與有餘榮哉公又修三齋兩庫名宦鄉賢二祠而東西廡泮池橋敬一亭則撤舊鼎建皆留意學校之大者因書田事并記之云

歐虞部文集

卷之九

六

白馬古跡記

河南郡城東二十五里爲白馬寺地卽漢東都魏金墉城也昔中天竺人摩騰竺法蘭解大小乘經共契游化漢明帝夜夢金人飛空而至以問群臣傳毅奏曰臣聞西域有神其名曰佛陛下所夢將

必是乎乃遣中郎蔡情博士弟子秦景等往天竺尋訪佛法遇摩騰竺法蘭要還漢地以白馬馱經來初止鴻臚寺詔立精舍以處之漢有沙門自二人始遂譯四十二章經絨在蘭臺石室所住處雒陽雍門外白馬寺是也惜于西域獲經卽爲翻譯有十地斷結佛本生法海藏佛本行與四十二章爲五部今唯四十二章見在二千餘言惜得釋迦倚像是優田王旃檀像師弟四作旣至雒明帝卽令畫工圖寫置清涼臺及顯節陵上余從雒尋白

歐虞部文集

卷之九

元

馬寺望毘盧殿高殆十丈住持僧員瑩輩導余謁殿上獲讀藏經講僧明延明來真月明山四人與之談金剛維摩多心員覺楞伽楞嚴諸經頗了大義于是出所攜棲霞四十二章石刻留置寺中殿左祀摩騰右竺法蘭兩堂皆經帙盈几花水作供前爲釋迦文殊普賢大殿漢魏西晉無一碑存者惟有宋天禧五年西蜀武都山僧景遵所書長興石記元至順癸酉白馬沙門福佑長明燈記殿階下四石柱皆經咒後有太子賓客隴西李公筆記

廬山從發撰也重門內有佛頂尊勝陀羅尼經石幢與至元大鍾可觀山門左則僧文才洛京白馬祖庭記右則蘇易簡西京白馬寺記鐘鼓樓左右方丈與諸僧舍皆高爽雅淨寺左五十步爲古刹今猶稱鴻臚館內有石佛漢像也砌下一石幢刻經咒乃唐儀鳳元年書姓名磨滅矣前築高臺爲釋迦舍利塔塔左有宋端拱二年五月牒河南府白馬寺額仍舊景德四年三月牒塔名爲興教又准刻連錄敕黃帖則天禧五年僧處才書也塔右

歐虞部文集

卷之九

十

有金太定十五年重修舍利塔記河南學正李中孚撰男鄉貢進士燮書稍西南有唐忠臣狄梁公墓碑宋大觀改元龍圖閣學士留守范致虛刻明山上人侍余游持禪林寶訓爲贈寺主僧周覺邀食香積厨甚恭年已八十日唯一麪一菜禁足不出戶闕二十年云月下返宿員瑩山房翼日趨偃師時隆慶六年二月丙申也

歐虞部文集卷之九

歐虞部文集

嶺南歐大任楨伯著

記

嵩山石刻記

少林寺初祖殿左有達磨面壁像右有大士像彌陀像三石皆東坡蘇軾贊二祖像則金興定五年皇元妃刻也壁嵌金剛經石唐咸亨壬戌直弘文館王汝敬書左廊有彌勒大士應化像達磨隻履西歸像興定壬午刻折蘆渡江像則延祐甲寅蔡

歐虞部文集

卷之十

一

州法林可則書者張起書天台四瑞亦可觀法堂前刻吳道子畫觀音像梁武帝所撰達磨大師碑銘歐陽玄建碑序同一石唐沈佺期詩文潞公彥博宿少林寺詩石皆完整達磨往來事實碑僧文才所集者又有李訥贊觀音像僧教亨贊寒山拾得像月巖贊偃月觀音像而近刻一佛四緊那羅像地藏菩薩像俱爲佳筆大雄殿前有元延祐聖旨碑前爲蒙古字後爲譯書而贈大司空開府儀同三司追封晉國公少林開山光宗正法大禪師

歐虞部文集

卷之十

二

裕公碑程鉅夫撰趙孟頫書足稱妙品釋迦如來雙跡靈相圖唐貞觀初玄奘法師自西域圖歸上太宗者唐垂拱二年皇太后冬荀勗周萬歲二年金輪皇帝仙藤甘露救禮西方淨土文西方淨土九品蓮池序贊白居易少林寺詩河南同尹梁襄少林寺詩許彥游少林詩東坡贊達磨面壁相圖石林山寫達磨像元仁宗達磨像贊大都三禪會講疏三世佛像記慶公功行碑圖固無空和尚碑俱列峙如林矣殿左爲鐘樓下有梁昭明太子三教圖贊混玄三教九流圖唐太宗御書碑碑後卽唐太宗賜少林栢谷莊敕牒記周武后還少林寺神王敕碑殿右爲藏閣下有釋家宗派圖碑蔡京面壁之塔碑國師輦真八合式碑宣德御筆達磨像賜左講經天童淨觀碑還元月巖肅公息菴月舟雪堂六禪師碑皆元人刻而松庭禪師碑淳拙禪師碑復見心所撰者圖國禪師行實銘釋宗書作也天王殿下有唐天后御製詩書碑唐天寶中靈運禪師功德塔碑其額題寺西石塔靈運師墳

卽梁帝皇嗣者也十五字崔瑗撰文聖善寺沙門
勤書石唐肅宗三教聖像贊太平興國石本所刻
者一碑額有奉爲皇帝四字下刻佛頂尊勝陀羅
尼經咒嵩山隱士高岑書字亦不俗唐嵩岳少林
寺新厨庫記顧少連撰崔旣書史鎬篆貞元戊寅
石河南尹盧貞前殿中侍御史元繇前潤州叅軍
事盧寅會昌五年二月二十六日飯于此寺刻其
右旁大觀二年張閣臺卿宿少林詩金黨懷英詩
并壽室二字刻其左旁閑閑道人寥一送月上人

歐虞部文集

卷之十

三

謁少林隆老詩石永淳二年司門郎中太孫諮議
王知敬書也新注般若心經元豐七年沙門妙空
書注韓絳刻樓昇三十六峰賦叅寥書建中靖國
元年刻而敕免少林諸般科役記則政和五年帖
東平惠公贊布袋和尚像與小師福澄書珪禪師
碑覺金書定公碑皆可觀西謁初祖菴前有黃庭
堅祖源諦本碑背刻長蘆禪師鄭中佛事蔡卞
書達磨面壁之菴李純府面壁菴記雪庭西舍記
海潮觀音碑靈山一會碑佛頂尊勝陀羅尼經咒

之幟碑皆在嵩陽宮前有唐天寶二載李林甫紀
聖德感應頌碑穹壯異常制石後亦有唐人數字
旁則宋人刻字爲多一斷石柱在田中天封觀舊
石也韓文公題名已磨滅獨存觀退之題名吳畫
崇寧二年缺月永叔甫聖家來游數字蘇舜元才
翁字頗大嘉祐皇祐崇寧熙寧元豐任敦仁諸人
題名此石者尤多會善寺惟李溥光茶榜字二三
寸耳登封中岳廟東有嵩高靈岳正碑頂一大孔
額與文皆八分書無年月姓名喬太宰希太薛考

歐虞部文集

卷之十

四

功君采皆謂其字類徐浩疑爲唐碑余觀其碑制
與唐殊自太極剖判以下文非六朝江左之氣似
北魏齊周石不知歐陽集古何以不錄然栢谷廚
庫二碑冬筍僂藤二敕完整可讀俱不收耳壁間
二小碣一爲唐韋行儉嵩岳天中王廟記一爲尉
遲汾拜岳詩而宋人王曾盧多遜陳知微金人黃
久約四碑高可二丈我明祭告文及代祀紀游殆
百餘石

游嵩山記

中州廣衍沃壤惟嵩嶺巖靡迤騎奔雲矗殆百十里當天地中蓋雄拔千丈矣山記大巖石室有自然經書自然飲食前一石柱象承露盤上有石脂滴滴流下服之壽與天地同畢列仙如周封史浮丘公王子晉及漢武帝所見長耳人晉大夫所受玉漿者王猛所拜老公俱列于諫記是山信秀粹所鍾仙靈窟宅蓋其名在秩祀以待巡狩漢武三百戶封太室奉祠命曰崇高邑禮登中嶽從官在山中聞若有呼萬歲云大明隆慶壬申二月丁酉

歐虞邵文集

卷之十

五

余從雒陽過偃師上緱嶺經轅轅道二十里始達少林寺寺在五乳峰麓少室當其南隱若屏障寺僧百餘鳴鐘迎客入上方有鎮性上人燕京僧也能讀大藏經談詩說偈卓爾不群自燕還始信宿呈詩喜余至若有宿緣飯畢相與翫月少林下是夕月色晶映竹栢秀爽因懷汝南二劉六絕句性上人賦四首清暘不減皎然靈澈三更始就上方寢戊戌同性上人禮初祖殿觀諸石刻殿後爲入室處卑傳直指二署書皆羅贊善達夫筆殿前爲

廓然亭又前爲方丈左右爲立雪亭惠可受教達磨雪深沒膝處也法堂不設像惟高座素几塵坐不入靈爽肅然堂前爲大雄殿左爲鐘樓右爲藏閣中爲天王殿古檜數十虬枝龍鱗綠縛可愛外爲寺門性上人邀飯精舍導上甘露臺跨越巖壑縈帶林泉卽後魏三藏菩提留支譯經之地西謁初祖菴影在石中下有石幢最古階下有六祖手植栢尤蒼茂余盤桓久之菴後循厓三里許爲達磨洞九年面壁之遺蹟也西南上鉢孟峰謁二祖

歐虞邵文集

卷之十

六

菴有卓錫泉鍊磨臺而入定石稍險峻童子持洛中酒榼至始一二酌遂從朝嶽峰陟少室山嶺嶂重疊礪溜多奇舍孕風雲包蘊仁智信如玄奘所云矣已亥同性上人尋箕山許由墓經潁水至陽城覽周公測影觀星二臺石級舊爲天尺漏水俱廢北上取道崇福觀漢之萬歲觀唐之太乙觀也今惟九里池存太乙泉亦湮是爲樛蒲泛觴故址嵩陽宮今爲二程祠余肅拜而出覽漢封三栢大者圍二丈高兩倍之封于元符元封當時已表爲

古木迄今千七八百年必殷周物也過法王寺漢
刹也二祖講經于此天忽雨花至今金蓮生焉二
祖菴上有羅漢洞又西爲嵩岳寺唐武后所造塔
尚存內有石佛碑記可考西轉一嶺到戒壇會善
二寺俱已半毀謝秀才天祐家嶽下遮留余飲余
喜賦嵩嶽篇其子持湯餅笋脯甘菊下食甚恭與
性上人席地食漢栢下夕宿程祠後室念新蔡張
助甫曾約游嵩少不果賦詩懷之庚子蚤食載酒
陟太室山三休乃至望松高猶在霄際數酌小憩
歐虞部文集 卷之十 七
過此則餅鉢亦不能攜矣春日高明興益勃然與
謝秀才性上人直登嶽頂天風颯來千里在目北
引太行王屋雄視晉趙左挾宋魏石躡咸秦黃河
在肘腋荆襄淮汝如衣帶也行采貝多子性上人
云漢時有道人西來持四樹種之一年二花與衆
木異山多牡丹芍藥赤箭黃精桔梗茯苓菖蒲莖
栢諸植果藥豐茂烟霞叢鬱不勝棲素雲根餌芝
石室之想造北極廟上封禪壇下窺玉女牕揭衣
石迤邐至八僊壇躡三醉石問白鶴觀遺址浮丘

黃蓋會僊子晉青童萬歲諸峯皆杖屨所及余惟
孔鮒隱居此山及劉根楊惲稠公一行諸人無一
遺蹤又不能無感于河山矣過高登崖觀啓母石
遍虎頭玉柱二峰乃下別謝秀才性上人入登封
北門出東門八里謁岳廟上天中閣趨宗聖門拜
峻極殿瞻申伯甫侯像左右檜樹百餘皆唐宋植
丈室後有竹百竿洛中所罕者廟東北二里爲盧
巖寺蓋唐盧鴻巖云上寺飛瀑殊勝旣出下寺揖
雙髻道士候已不見豈九疑山人天台童子輩耶
歐虞部文集 卷之十 八
游凡四日得禪體詩若干首
依隱亭記
豫章郡江湖間一都會也學士大夫講誦爲業衣
冠聚焉朱君孔陽居城北隅前爲橋達漢徵君徐
孺子東湖龍沙護于後東則環以百雉西則西山
數百丈可朝夕拄笏望也宅後有亭高不逾丈方
廣十數武周遭植梅竹松桂琴書內列彝鼎橫陳
日與賓客談藝詠歌于此其先公竹隱先生舊業
因榜曰依隱云遣書徵余記且曰不敢忘先公之

所遺也余惟封君世祿之家漿酒藿肉選伎徵歌
奏竹彈絲擊鐘考鼓窮日夜以爲懽出則鬪雞走
馬蹴鞠射獵狎游所至墮珥遺簪貴人子率以此
明得意孔陽學術該博操行醇謹折節爲儒彬彬
大雅海內名公多與之游系本支封名書玉牒顧
幽閒澹泊文藻風流一不爲貴人習若將寄興賞
于清樾茂林之下奉彛訓于几筵棖楠之間曠景
遠心三山五岳恍在左右可謂思出風雲游居大
化者與余嘗過銅鞮伯華延州來季子之鄉想其
歐虞部文集 卷之一 九

竹在亭記

沛國朱君貞吉我明諸王孫也植志孤標凝神太
素博綜六籍鉤纂百家篆籀夙成企蹤斯邈丹青
所寓求通顧陸通親自托肺腑殆庶子建頌酒每

寫胸臆不讓汝陽家豫章城東有竹在亭焉將引
此君之賞于宅中而邀山陽之賓于林裏也歐生
過貞吉觴之亭下請曰今世之士騁轡當塗策足
要路高談王霸之畧思建旂常之勛益有睨目箕
穎等巢由于芻狗廻車漢陰視丈人如弁髦其所
不存毋亦道不同而不相爲謀耶走也一畝之宮
山池居半蓬蒿不剪類仲蔚之索居竹樹聚生似
元卿之開徑農書在笥山經代肱柴門不開葛巾
自漉惟儉父共游野老爭席生能無意乎歐生曰
歐虞部文集 卷之十 十

簣桴土鼓不可與疏越朱弦同韻巖樓谷汲不可
與鐘鳴鼎食共軌斯亭也林樾蔚蔚篁箭蒼潤四
時烟靄交射于綺牕文戶之間陟而望之洲渚近
繁江湖遠引千里臯原睽帶于西山南浦之外君
雖酒人游乎風氣道上神情獨得志高曩代學檀
區中纂業青緇和歌白雪誠翩翩佳公子也乃若
隱几坐忘登臺長歎招遠風以鳴琴窺洞壑而撰
屨不但登蛾眉而遡汶領如右軍之馳彼方卷邇
敬而食蛤蜊同若士之軒然矣何天殺之不可解

而世縛之所能拘哉貞吉曰生幸辱于走也衿契
倏同山河已邈然何以命走也歐生於是歌淇澳
削竹而書之爲記

樗園記

園在欽之長原舊爲塢修廣千步繚以周垣西鑿
坏爲門當門爲珠樹嶺魯府引禮舍人程君德厚
之隱居也門內爲霞佩樓蓋俟僊人振佩云樓之
東北爲高風堂後有頤室室與堂從橫而立室以
觀生堂以寄韻也室東出重門得百步中曩四栢

歐虞部文集

卷之十

十

爲新甫亭旁爲臺者二一植牡丹一植芍藥自栢
亭而東北有玄齋爲修心宴息之所南有松竺
館地漸高可望松蘿金竺田館而上過萬花林有
脩然臺三台大石之爽氣柱頰可挹也臺之西歷
叢桂塢上山頂昔曾產芝于此爲玉芝亭東西有
玉蘭臺中滙山泉成窪荷花生焉是爲芙蓉池亭
前疊大鄣奇石爲道家山彷彿蓬萊藏書處又如
姑射神人御風而來山有栢亭有石洞有禪月池
朝夕渟水可掬山外古松一與亭相爲賓主庶幾

秦五大夫焉亭之高左望白嶽右望黃山而天都
金鷄天馬諸峰羅列前後其餘岡隴連屬皆在几
席下亭西北逕穿桂薄爲飛雪洞洞口一楊樹茂
蔭可愛前爲小竹林爲愚石爲紅雲島洞外一曲
一折傍山而逕編竹爲籬藝蘭數百是爲蘭阪不
盡百步復抵高風旁出小戶爲行廚高風東北有
清暉閣前楹爲賞心軒最前則晴臯草堂也霞佩
之南種橘數十爲霜林林外江梅數種有大石焉
曰梅花石下則列石可坐二人奕拾級而上結茅

歐虞部文集

卷之十

三

爲白茅亭亭之東鳥道可通禪月道家矣大率園
有二逕一自西達霞佩一自北達草堂四時花果
松竹穠豔繁陰挺霜濯露啼鳥走鼠千百成群所
以資幽居之娛而極素封之奉者已備嶺與塢故
名珠樹或曰樗也因稱樗園余乙亥春訪君園中
觴于玉芝下君則謂余曰渟以不才惟無所用于
世年未五十已營菟裘卽出舍省農下帷課讀跬
步不離于此庶幾養吾天年無所困苦則有味乎
莊生之言也子其爲我記之大任曰隱顯猶陰陽

也君之道在壘之上九觀之六四時而已矣古之朝留侯而夕赤松者豈擁腫拳曲材哉三鍾皆粟也十束皆薪也况君之所受異于支離疏者乎君子懋時懋昭懋易字無過爲余門人學足以顯名當世然則枵果文本也將代君以其材用于清時矣

幻景菴記

瀑泉朱君今之弋陽王子侯也以 帝室之親丁鼎盛之年績學親身慷慨下士文名在藝苑義聲

歐虞部文集

卷之十

三

滿中原士有隱于剡縵抱關以游俠爲名者幸而得君以爲今之孟嘗信陵也有游于子墨翰林以涵雅爲名者幸而得君以爲今之梁孝陳思也代舍多五陵之豪授簡集四方之雋無論齊魏足稱梁鄴矣客咸顙頤艷之以爲君侯好修而得此也事君益恭而君自視益下其爲言曰不佞顧不能自致何以能致客也不能自好何以能好客也天地一舍也千載一息也物我一身也侯生馮公遠矣當吾之世安知非諸君也枚馬徐劉遠矣當吾

之世又安知非諸君也吾固不知其往又安知其來也不知其致又安知其好也不知爲我又安知爲客也不知爲實又安知爲名也吾能爲名尸乎吾能爲謀府乎同乎無知同乎無欲放乎天而不黨惡所謂德不佞休矣願客無以是名我遂謝客息心退舍構室而居名其室曰幻景菴蓋言幻非真也景非形也菴闔然不以自明也客曰噫君侯之爲人深深者何其善于自闕而逃名也夫名者實之賓也招實而遺賓日行而却景吾不知其可矣過而問歐生歐生曰固哉客之視君侯也謂修名非知之也謂逃名又非知之也君侯方將一古今齊物我子以其善客也固未始善客也以其不善客也固未有不善客也惟無所名又安逃焉且夫幻猶真也景猶形也闇猶明也莫莫焉爾冥冥焉爾客以何者爲君侯名高乎何者爲自闕也世方貴章甫而賤襍襖達而視之襍襖一章甫也求其無朕所謂貴賤何常形也一幻景已耳客不舍然猶儵忽之報渾沌也臧穀之亡羊也不知吾真

歐虞部文集

卷之十

十四

不見吾形何以求君侯之幻景乎客再拜曰善哉
夫子之發我矇也請墮枝體黜聰明從事君侯菴
中而視吾真形

南京戶部侍郎吳臯喻公祠堂記

司徒吳臯喻公在 肅皇帝末以南少司馬歸光
州日求善地爲真宅得州北弼山玉湖之勝遂卽
其地治新阡葬夫人趙氏于內而虛其左隆慶庚
午 昭皇帝召起公爲南少司徒總督留儲未幾
寢疾卒賜諭祭詔司空遣使視葬事其子三玄三

歐虞部文集

卷之十

五

象三素奉公合夫人藏焉而庶室彭氏從耐于右
復構饗堂于墓之左中櫝神主堂之後有室東西
有解爲祭器庖湏之所堂之兩翼爲寢室堂之前
東爲書樓西爲儲積倉中爲露臺臺之外爲亭樓
樓之外爲大門繚以周垣飾以丹牖門去數十武
爲坊與塋外華表相並塋之左五里爲東行通衢
建神道小坊塋之右十餘里爲近州大路樹神道
碑于亭祭田環遶塋祠外計百二十畝歲入租穀
供祭之餘以備修葺而佃戶所居則宅於饗堂之

後焉噫嘻觀斯百度規畫整整可以興子孫孝享
之心可以起四方瞻企之敬可以徵仁者之後之
必昌大無疑也不佞曩守光州文學掾三玄輩在
諸生列因獲謁公公博大質厚人也絕口不道赫
豔日進不佞談千古絕學於五嶽廬暇則巾履杖
節命鴈挈榼邀游於古城弼山之上長林豐草若
將終其身者平生茹苦覃精博稽墳素爲文法商
書周禮左國莊列而容貌玉立抑抑若寒素儒生
迺考觀治狀又何其揮霍震疊文武長材若是乎

歐虞部文集

卷之十

六

夫曲工每牽於常筭大受不拘於淺能公爲邑令
爲御史爲京兆爲太僕爲巡撫爲操江爲督漕爲
總制爲本兵爲司農厥歷殆三十載然 天子每
用公於其難而公輒因難以自見彼其初試吳江
舊俗善乾沒爲姦治之利用威迺提衡度以爲嚴
巡鹽河東屬歲連災祲困疲治之利用恩乃歛威
後以爲惠因宜異用要在煦育生全其民故能使
畏壘之民尸祝俎豆此豈拘常牽筭者所可希蹤
耶承平日久邊徼大吏得優游爲備以養中國之

威公仗鉞京西烽火忽及浮圖嶺廼能控制萬里
納降獻俘遂著無前之績及虜騎稍偪都畿奉

命協理京營督戰通州犬羊宵遯留都振武兵變
張甚廷議推擇公往頃刻安輯無敢譁者已而殲
衆釋從定禍難於呼吸之間何其神耶江淮大水
人相食則全活饑民計擒通盜軍民百萬歌舞之
蓋公所治多在兵農錢穀之間然兵非以善治爲
能以銷兵於不用爲能財非以能斂爲功其功在
於民不擾而國用自足也夫倉公解藥囊隨試輒

歐虞部文集

卷之十

七

効足以起人於不死神龍上下風雲妙應變化而
無迹斯公之謂耶公建畫在奏疏文章在家集行
業在史官及鉅公碑銘表傳不佞何敢復置一喙
顧不佞北走中原竊見達官貴人詞墓多傾圯荒
穢不葺及訊其人務矜大赫豔無垂裕之德遂致
其後之不振卽稍稍能自振者類雄大其里第而
先人曾不得一字而血食焉豈德厚流光德薄流
卑固宜爾耶公旣顯其身又厚遺福澤於其子孫
所謂仁者之後之必昌大信矣信矣公之生祠在

吳江河東維揚固原者業有祭田吳江河東維揚
固原人醞祠如一日則公之精神流通寰宇間者
不可度思矣斯祠爲子孫世守之祭鄉邦瞻型之
地也塋域之形勢田地之垣畝祭祀之經費具列
于碑陰嗟乎盛德百世祀也河嶽精靈其將與斯
祠共永也夫

西春亭賞芍藥記

大理左寺之有西春亭爲群僚退食省心處固創
於正統間矣亭前植芍藥萬曆庚辰四月乙未燕

歐虞部文集

卷之十

八

京雨後屬花盛開同僚寺正江陵秦君灝寺副光
州陳君明經睢州趙君舉廉評事閬中劉君光裕
長興丁君應詔暨余各以酒榼至邀司廳崇安黃
君大年洛陽楊君士廉觀政進士浮梁李君大欽
金壇于君文熙猗氏劉君以平內江張君季思鄞
縣沈君一中汲縣傅君崇明長興臧君懋循會稽
錢君檣黃梅汪君可受酌而賞之蓋慶此花之遭
而抒吾亭之樂也諸君命余記其事於石余惟天
之爲歲先春而後秋君之爲治先禮而後刑春以

生長爲德秋以肅殺爲功禮以教訓爲本刑以威嚴爲用天固不能廢秋世其能廢刑乎舜命咎繇唯明克允占之刑書銘鼎鐘鑄金石大理爲天下之平 高皇帝之三尺法固在使赭衣塞路丹筆任情甚則蒼鷹乳虎或肆虐焉非所以體天地之心廣好生之德故罪人之自司寇部御史府至若有平反而無傳致每亭讞而戒深文爰書論報欽哉唯恤求春生于秋殺之中其爲斯人一何至也余蓋聞之洪波振壑川無活鱗驚颿拂野林無靜

歐虞部文集

卷之十

元

柯唯 上以體仁之君畫衣象服而禮教於未然斯下有順治之民革心向化而刑措於不用余與諸君今日賞花之樂孰非 上之賜耶於是酬酢詠歌相與盡歡而出

寶綸堂記

魯府引禮舍人程君德厚以書告余曰吾宗得國自周後以國氏至晉太守自襄州持節新安遂家焉梁鎮西超武父子以忠壯顯廟食至今遷長原托山則自宋始往先君舉五子長冲次瀚次濂次

則小子淳而沔最幼先君卜宅托山之中爲堂五楹顏曰崇善東西有廳後列子舍以居余兄弟周垣數十丈闕前門以謹出入蓋爲子孫慮至深遠也歲己未沔以彭城衛經歷考績 詔贈先君徵仕郎如其官先母孺人淳於是奉 敕命于中堂昭 君賜也因題爲寶綸堂歲時率諸子姪孫曾望 闕而拜修五世祀事於西廳特饗先徵仕先孺人於專祠退而合長幼辨昭穆講明家訓及顏氏鄭氏之教令諸兄皆王官沔仕終裕州同知俱

歐虞部文集

卷之十

三

先朝露渥亦八十傳家政矣子孫日蕃訓戒日懈懼不如今也願明公記之余惟尊祖故敬宗敬宗故收族收族故廟祔嚴引禮君方聚族而居父兄子弟咸在合饗則同堂會食則同席吉凶則同慶吊出入則同朝夕反其所自始由叅軍公躬長者之行孺人相夫訓子爲閭里法善積慶餘此恩綸之所以爲重也君尤聚族而訓之孝弟忠信禮義廉恥儒以淳實爲寶農以力穡爲寶商以廉儉爲寶則九宗昌後可千百世矣引禮君謂余言斤斤

可以式穀後人也命刻諸麗牲之石

芸閣記

鴻臚顧君家故多書不下萬卷自其先御醫公之所遺而更廣購之者也卽其居之爽塏地築重屋庋之謂芸可辟蠹也氏曰芸閣屬余爲記余惟犧畫以來姬孔之所序定六經而下有歷代之史諸子之篇下及冢書洞記錄字丹檢金版玉箱錦文緹帙禹穴之所不能祕惠車之所不能盡二酉之所不能隱其言炳若日星無不耀明光昭於世使歐虞邵文集 卷之十 主

道必本諸彝倫政必通於方域殊勲盛烈傳乎帝載曠言緒論被在民誼於以備觀覽不必削方摘槩可以闡釋典則經畫政務也已君嘗括綜百家討論六籍搜往牒之精奧發群藻之英華所以宣上下之象明人倫之敘窮理盡性以究萬物之宜學已求其大者豈但劉向通古今之籍馬融見天下之書京房察風雨之占裴楷曉陰陽之術而已哉昔解牛擅于庖丁斲輪譏于堂下誠有味哉其言也君所貽於子子孫孫百世菁莪之澤可不

說鈴書簾爲戒乎余未睹河編徒輯山笥竊欲湛思大業聊爲君誦所聞君名從德字汝修蓋上海名族云

感木遺思記

新安汪爲著姓出魯成公次子汪食采潁川因氏焉漢龍驤將軍文和始渡江而南唐越國公華兵馬使道安御史大夫漬其裔也自婺源而大畈而休陽而遐阜而洪方五遷矣滄橋府君嘗於宅邊手植一木垂七十年高已聳壑大可蔽牛固良材

歐虞邵文集

卷之十

主

也厥非樗櫟之擁腫以終天年者隆慶庚午汪氏之長議建廣堂聚族而居以表洪方之望召工師計非得鉅木不足備棟梁且諏吉屆期萬山中無從購取長率若幼請鉅木於府君懼其以手植故未敢庶幾其必諾也府君曰族建斯堂豈但美輪奐庇風雨而已百世於此乎造家四方於此乎觀禮是木也吾自植之吾自用之吾何靳焉堂旣成長若幼列於階序再拜奉二十金爲府君壽未幾府君無恙而終舉族咨嗟涕洟長若幼至今頌其

德不衰府君之諸孫處士冲合子姓謀曰府君
百金以倡義於族我子孫敢私二十金而泯義於
世於是諸孫歲以二十金循環流轉收其子錢以
供祀費寒食中元洎忌日祭而合食焉且戒曰世
萬子孫其感此本毋忘府君之思哉是舉也先後
有成祖孫濟美表海陽者其自茲始乎冲介其姪
太學君士遇來京師屬余爲記余聞詩有云自今
以始歲其有君子有穀貽孫子于胥樂兮府君以
之又云子子孫孫勿替引之余深有望於府君之
歐虞部文集 卷之十 三
後人矣因原本其事以勗之云

歐虞部文集

嶺南歐大任楨伯著

行狀

先祖處士遺安府君行狀

府君諱思本字道立先世自金陵遷韶州湏昌縣
宋建炎間江州提舉公諱端自韶遷廣江州之子
殿撰公諱志平始定居南海陳村自後子孫蕃衍
郡邑稱名族者每曰陳村歐氏云府君高祖太學
上舍諱仕衡曾祖武僊縣丞諱子服祖諱國瑤考
歐虞部文集 卷之十一

諱真禮妣何氏兄弟四人府君幼失怙恃長兄道
存蚤喪惟次兄道得是依繼母余氏提攜保育稍
長卽能刻志誦讀通毛詩尚書從吳萊先生游能
爲古歌詩文辭時方賤儒列籍于倡丐之間而以
達魯花赤臨治郡邑府君歎曰是尚可以仕哉遂
絕意不應辟舉居家事繼母如己從出飲食必親
饋之不以委于婢妾事兄盡恭順之禮怡怡如也
恒以不及致養父母爲恨每遇忌日痛哭如初喪
與兄創建祠堂三楹願曰垂裕堂以祀高曾祖考

捐田百餘畝爲蒸嘗以冬至祭始祖以立春祭
祖塲與無後者祔焉祠祭之禮于是爲郡邑倡矣
至正之末干戈日起郡邑豪傑爭爲雄長府君獨
築室退隱躬耕自給古岡張彥謙稱之曰龐德公
之流也府君因號遺安自著遺安先生傳曰先生
南海之畸人也幼孤先人遺以草屋數間水田二
百餘畝有丁男三四人畜牛二頭歲勤耕稼自食
其力倉庚載鳴盡室在野耒耜不寧秫稻並種秋
穫旣終週年飯足時復畜鷄釀酒以供賓祭宅邊
有松有菊蕭如也時復斗酒自勞鼓琴而歌曰貪
夫而可爲死不能懷玉與珠勇士而可爲死不能
執戈與矢嗟嗟時今吾旣不能爲勇士又復不能
爲貪夫所以遺吾子孫者安乎安乎遂逍遙玩世
以終其身後雄長之徒盡編戎伍府君獨免人服
其智 明興以來增置產業教子力田家日以裕
每于橙黃荔丹之時往往治具邀親戚故人高吟
暢飲竟日夕乃罷田園之樂一寄諸吟咏其詩有
落日鳴蟬無客到西風低草見牛歸之句評者美

歐虞部文集

卷之十一

二

其高逸云性既恬淡不習侈靡待人接物必主于
敬宗親之無後者辨大宗小宗之異爲之立繼曰
某當繼某某當繼某著爲宗法以傳人咸式之郡
守吳彥銘敦請爲鄉飲賓府君終辭不赴宣德四
年己酉五月初一日以疾終距其生元至正三年
癸未四月十四日享年八十有七先娶碧江蘇公
玄庇之女有賢行先卒繼娶李氏宋忠簡公裔孫
國瑜之女克嗣徽音生于至正三年癸未九月十
八日終于宣德三年五年二十日享年八十有六

歐虞部文集

卷之十一

三

子男三人長祖榮蘇出次祖華祖芳李出祖芳出
繼履端女六人適吳子仁陳尚義屈銓曾節鄧瑀
琮趙某皆李出曾節則廣東解元也孫男三人宗
巨宗平宗池曾孫若干人宣德九年甲寅十二月
十四日祖華等奉府君與李氏安人柩合葬番禺
白岡嶺巽向之原御史王公子倫爲之銘墓埋諸
幽矣大任府君之五世孫也竊伏思念子孫得免
繫于尺籍者府君之賜大矣遺安之澤其有窮耶
矧孝友勤儉貞靜智勇躬行有大過人者皆可爲

子孫百世法也恐遂泯埒無以表示來裔謹據家
傳墓誌爲狀伏乞鴻筆著爲碑表鑲諸樂石幸焉

高祖處士南野府君行狀

府君諱祖華字英玉別號南野南海陳村人也高
祖諱子服曾祖諱國瑤祖諱真禮考諱道立妣李
氏府君生于洪武四年辛亥四月初八日卒于正
統六年辛酉十二月二十四日享年七十有一安
人梁氏生于洪武二年己酉二月二十九日卒于
景泰元年庚午九月初一日享年八十有二府君

歐虞部文集

卷之十一

四

幼有至性孝順慈和洪武之初民初脫湯火得安
衽席土地荒蕪居室寥落府君力田養親承志不
違于是闢荒理穢築室廬保益藏諸遷徙者咸相
依以居鳴鷄吠狗烟火數里龍津錦水之間遂爲
樂土府君爲鄉約率先閭里早輸租賦里社之會
規勉六行復爲詩以詠歌誘掖之有司欲以孝弟
力田舉府君府君依依不忍離親側以書辭免平
居足跡不至城府唯與南海孔伯平古岡鄧林游
時乘扁舟相訪酌醴焚魚賦詩言志泊如也府君

尤謹祀先之禮講求不勅時從弟玄祚以己地卽九峰書院故址爲大宗祠府君率族營建親督工役上舍公之功德始專祀有所矣晚喜讀釋部以爲積仁順蠲嗜欲習虛靜而成通照皆緣淺以至深籍微而爲著修心之功則依佛法之三歸五誠而不離乎人倫日用之常出見饑寒者卽解衣與之或遺之飯粟未嘗或吝鄉民陳志馬三劉尚遷姚觀仔丁氏郭氏皆死無親屬者爲之棺斂以埋之六十之外卽傳家政日與從弟玄生僧靈觀倡

歐虞部文集

卷之十一

五

和于南野草亭偈頌詩賦彙成一卷復加意藏畜先世遺墨積成巨帙府君卒後經黃寇之亂俱散軼不存矣正統甲子十二月十三日葬府君于番禺白岡嶺巽向之原安人梁氏則于天順庚辰十二月二十四日合葬焉側室翁氏別葬側室梁氏附公墓次子男三人長宗巨翁出次宗平梁出次宗池則安人梁氏出也女六人適某某孫男十人孫女幾人曾孫男二十六人玄孫若干人府君歿時遺命不得爲碑銘墓石尚缺某竊懼祖有善

行而不傳不仁甚矣輒不敢自隱以所聞於先人者著爲行狀求立言君子表于墓道百世感矣

將仕佐郎雪竹府君行狀

府君姓歐氏諱瑤字積恒廣州順德人高祖諱真禮曾祖諱思本祖諱祖華考諱宗池以高年授冠帶爲壽官妣馮氏府君生于正統己未十月二十七日少聰警凝重不類凡兒七歲時壽官公攜見唐豫先生坐于竹下先生指竹曰封君千畝命府君作對府君應聲曰天子萬年先生驚歎不已曰

歐虞部文集

卷之十一

六

異兒也忠孝之志見于此矣遂勵志讀書篤行好古比長則代勞服事故不得以舉業成名事父母承意順志壽官公伯兄二人雖異居而飲食寢語旦夕未嘗不同府君事之如一得其懽心居父母喪餐鬻百日卒哭乃已終喪乃徧尋名山卜葬番禺馬嶺之下府君素精堪輿之學曰此牛眠吉地也可以安吾親之體魄矣蘇方伯葵黎同知暹爲之表銘于墓而鄧副使炳又以馮氏安人賢行載之邑志蓋皆成府君之志云旣而率諸弟姪買材

心地一所以爲考妣祠堂未及營建而終嘗督修先祖祠墓用心盡力衆服其勤且公精神氣力老而不衰父祖墓祭雖遠必躬修常事未嘗憚勞府君尤友愛諸弟怡怡如也撫遺腹孤姪惟璧有恩經營居室增拓產業一一皆輔成之每訓子孫必舉前人興衰以爲鑒戒嘗曰宜慎于躬宜儉于費斯爲成家之本處鄉族朋友貧則相恤患難則相扶持成化初元奉詔輸粟助邊授將仕佐郎晚傳家政優游自得創雪竹亭以明其志因以自號焉

歐虞部文集

卷之十一

七

與雲崖鄭自牧筠巢鄭宏游日以吟詠爲樂工部侍郎李公嗣通政司叅議張公詡都御史何公經御史鄭公文嘉其行義咸爲詩文以贈其所自作有像贊律詩數十篇藏于家以嘉靖壬午五月十二日卒于正寢享年八十有四配安人黃氏同鄉黃公鵬之女也相府君孝事舅姑和睦娣姒克勤克儉內助居多生于正統丙辰十二月二十一日卒于正德甲戌七月十八日享年七十有九子男五人長與季蚤卒次曰維綱曰維常曰維紀女

人適庠生鄭惟良孫男九人曰廷選吳忠吳志師孔廷詔吳恩吳憲師顏廷諫女五人適某某某某惟綱等于府君卒之年九月十七日奉柩合葬于番禺寧仁里大崙山甲向之原任乃府君之從姪孫也幼年猶及見府君長身玉立言動以禮每元旦必服冠帶望闕拜舞祠祀賓燕則深衣幅巾望之知其有德君子也一日于祠下訓諸子姓曰不好人三字吾尚不忍言之于口况願汝輩身爲之哉子姓莫不肅然竦聽任與聞焉今不可及

歐虞部文集

卷之十一

八

也已府君之行誠足以教于家者任輒不自諱謹列于狀以俟銘墓者采焉

敕封太孺人卜氏行狀

孺人姓卜氏廣州衛指揮同知襄之女嫁廣東都帥梁公次撫爲側室都帥故太師文康公長子也生子一人曰孜孺人溫厚凝靜服事甚勤旣出名家事都帥稱有禮法當是時都帥以宰相子積武勳僉書戎政故豪俠人也孺人佐以恭謹蚤起畜雞飼豕釀酒造醯醢衣絛器染絲劈絮僕僕逮燭

不自休以是能殖其家稍結鄰里歲時繕服之費然雖以織治生至于振親族之乏恤閭里之貧繕橋修路粥餓樵齒亦無所蓄都帥慷慨然諾傾貲結賓客蓋藉其力爲多太師解政歸日與故人遺老刲羊擊鮮載酒游山爲樂孺人傳韓治具一不委于庖人卽有祭祀之事烹飪尤嚴潔一羹一載未祭不得先嘗雖事事勤篤亦不敢專必以請于諸姑諸妯以故諸姑諸妯款款益和處子姓內外婢僕皆有恩無一不得其懽心者都帥卒時孜始六歲孺人于寶玩錦繡一無所取惟撫養孜然厓厓不爲姑息居常勿與梁肉所與襦袴不過鮮華曰孤兒豈勝錦衣肉食耶里巷謳歌裘馬之地皆戒勿近卽鄰舍小兒儻蕩無狀者閉勿與游歲延老成賢師教之孜習舉業將成食貧苦心得怔忡疾孺人慮其勞以瘁也遇夜讀爲之滅燭掩書曰兒能澡身修行以不辱先太師幸矣于是孜習爲醇謹以儒有聞四方雅游每過孜孺人輒趨治醴醴無所顧惜孜創造先太師祠墓工垂成而囊篋

已罄孺人脫簪珥助工完之適室鄭夫人莊謹人也孺人尤嚴主君之敬旦夕上堂手進觴匱至老不違人以是益賢其禮嘉靖戊午孜蒙皇上恩以先太師蔭補爲中書舍人三年考績孜奉敕封母爲太孺人歸拜庭下孺人益祗懼感激戒勉益至每晨起焚香祝天願皇上萬壽願子孫多賢且謂孜曰勉思職業毋玷清班爾勿諄諄于求福無禍卽爲福矣癸亥春孜以使事便道歸省欲迎養京師第不敢言諸孫方眷戀攀留因親戚爲請孺人曰我豈老悖不念諸孫哉但不忍使孜事主有違母之思比孜于甲子春戒行孺人竟慰別諸孫同孜北上抵儀真促孜曰使事有嚴趨往復命吾旦夕往就爾祿養矣孜至京師孺人行間忽痰作及徐州竟彌留不起卒之日卽是歲八月二十日也距其生于弘治己未二月初一日享年六十有六嗚呼哀哉孜娶張氏孫男五人長紹續娶李氏次紹絃紹縝紹綬紹綱孫女六人長適從化庠生康鳳鳴次適四會庠生林應驄次適南海林

作聲次適刑部觀政進士余嘉詔次適嚴襄龍餘
尚幼曾孫男一人昇曾孫女一人攷扶柩歸葬有
期以大任通家子畧述行實俾敘次爲狀大任久
欽壺懿因備列之以告于太史氏幸有擇焉

明贈國子監助教龍川先生梁公行狀

公諱獻言字諫甫廣之順德人也系出南海龍頭
里學者因稱爲龍川先生祖某父某皆隱遯不仕
公幼穎異俊爽童年讀書里巷日誦數千言長益
肆力課業覽觀經史百家尤以毛氏詩專門爲文

歐虞部文集

卷之十一

七

純厚爾雅弱冠里中推爲社學師縣令曾公仲魁
知其文有名接以優禮令諸社師子弟悉來受業
嘉靖己丑補縣學弟子員數年以來寄寓縣城時
時歸省其親實未有一椽之室以寧居也丙申御
史陳公大用行部試諸生首擢其文會學諭王公
時中白公善狀于御史遂檄縣令築室以居之于
是始有敝廬于縣城鳳凰山之東云遭父喪擗踊
悲慕力不能厚舉殯葬然動循家禮逮母卒哀毀
幾不能生後每遇忌日必齋素號哭曰傷哉貧也

魚菽之祭吾父母能歆饗乎授門人詩至蓼莪輒
有王裒之感泣下不能卒業門人莫不沾襟焉家
故窘窶妻子恒有餓色獨施予不倦路逢一兒啼
餒欲絕捐食與之時天寒甚解所衣緼袍覆之待
其稍甦乃遣去有老嫗遭疫垂死行乞于市人畏
惡之恐傳染也公食之無下又率門人買帛給之
或以爲費公曰吾不忍其委溝壑以死而又何惜
此費以傷吾心哉里人周廷綱者舊友也貧老無
子時延至其家令家人供具甚周時又瞻其不足

歐虞部文集

卷之十一

三

宗戚時有所缺乏輒推束修所餘稍分給之其急
人之窮死且不易以故家無儋石之儲簞瓢自樂
視財利得失畧不足介其意者居鄉恂恂篤厚犯
而不校族人見公早孤無兄弟迫令從軍公探其
意有所索乃勉出貲與之始得一意向學然竟忘
其爲讐已也鄉豪有一僮夜竊其主券亡去欲以
匿奸見誣大詈于市時縣丞李景明主簿任良弼
咸寃其事公之子桂臣爲諸生已聞名于郡邑中
矣與門人欲直之公曰此妄人也奚足與辯後鄉

豪竟以此僥禍其家丙午柱臣舉于鄉公益勵志學問誓必自酬夙志年逾六十或卧病猶手不釋卷下帷講業經無滯義文無厄辭出其門二百餘人取科第者頗衆咸質行儒者往往以毛詩轉相授受不悖師說五嶺以南業詩者莫不習梁先生之學矣平生慈仁易直儉勤謙敬爲諸生垂三十年凡遇大祭及聖節元旦冬至大禮先期齋沐肅恭將事固或貌飾其誠心可貫金石質鬼神校師及友輩咸相敬重督學蔡公克廉張公希舉廉

歐虞部文集

卷之十一

幸

察士行並皆獎賞八應鄉試竟不得一第以終嗚呼傷哉卒之日縣令以下咸哀臨其喪朋友四方至者誄奠無虛日門人皆總服治斂公生于弘治乙卯月日卒于嘉靖丁巳十月十二日享年六十有三配陳氏先卒繼配吳氏一子一女皆陳出女適馮子益子卽柱臣也孫男二人曰某某孫女一人柱臣仕灤州學正召入爲國子助教進大理寺評事遇今上皇帝卽位恩誥贈公國子助教葬于某山之原大任曩以里中子爲博士

諸生從公後侍鉛槧最久知公頗詳茲柱臣改南京大理寺評事過廣陵也屬任狀公行謹撰錄如右惟太史先生賜之銘焉非惟梁氏之幸亦嶺海斯文之幸也

明贈文林郎合肥縣知縣隨齋余公行狀

公諱世亨字文通其先建康上元人也元仁宗時有能舜公游宦嶺南之韶繼入廣卜居馬岡今遂爲順德人曾祖某祖安成隱居敦行誼名聞郡中考直博學好文精于書法補郡學弟子員妣陳氏

歐虞部文集

卷之十一

十四

生公五歲失怙陳夫人和丸斷機以教無異嚴父遂日有所成立童年卽英英見志氣就外傳不喜治舉子帖括語通儒墨釋老方伎術數及稗官野史無不蒐羅貫穿日臨二王帖畫則專師沈周鄉先達梁文康公一見以奇士稱之顧益喜俠家人生產一不問也故業稍落以善醫補邑訓科值藩司有部運之役視諸屬中非公不可遂領運入京兩遭盜與兵于途官貲盡掠乃捐家資償之而業益蕭然矣公不以爲意也于是恣情遠游足跡幾

遍天下京師貴近愛其才奏授冠服竟拂衣去所
交皆一時名卿如尚書吳公廷舉王公瓚胡公森
徐公問張公整先後折行輩與公爲友而唐太史
順之任考功瀚段民部子辛郭山人詡沈山人仕
則詞翰相契納最深中歲南歸卜築粵秀山下有
隨時草堂浣俗亭惟書數百卷古圖畫彝器度列
其中危坐諷覽以爲意得四方持絹素求詩索書
踵接于門藩臬守令往往降禮其廬郡中諸老先
生居閑者陳京兆祐卿黃宮詹才伯張總戎天祐
歐虞部文集 卷之十一 五
何方伯子魚黎侍御一卿李中丞稚大何太僕善
充趙憲副仲履何庫部子時蘇黃門幼清莫不延
請爲勝游處士則李子長蔡國賓與余先君皆公
之密交也當是時公之舊游平江伯陳公珪大監
馬公廣出鎮嶺南至則首訪公鄉人欲有所關說
公峻絕之二公以機務相咨畫公亦笑而不答雖
藜羹衣褐或不給而弗能脂韋於俗爲膏潤計其
故態如此余友陳子公載黎子惟敬輩結社賦詩
爲粵中倡公欣慕結托時已病不能出矣卒于嘉

靖己酉五月二十五日距其生成化壬寅某月某
日享年六十有八公配陶氏方伯三廣公魯之女
也公在髫鬣魯奇之許妻焉雅性儒素不以紉綺
驕其夫鞠育妾之子女恩愛最篤仁慈勤儉遭家
中落幹蠱之功爲多享年六十二歲無所出生于
成化乙巳 月 日卒則嘉靖丁未五月二十四
日也次 氏生女一人嫁同邑羅彥綵次張氏廣
州前衛千戶文女生男二人嘉詔嘉誥女一人嫁
南海學生蘇兆文嘉詔舉嘉靖乙丑進士知合肥
歐虞部文集 卷之十一 六
縣 今上登極之二年恩贈公如其官蓋異數也
公挺山澤之姿而好游如禽慶負俠烈之氣而遁
迹如梁鴻礪鄉閭之名而躬行如陳寔修恬淡之
業而撰述如偉長所著有余山人集四卷紀游錄
二卷亦足以表見當世也已嘉詔今爲監察御史
巡按畿輔公之福祚誠未艾云余夙從游好知公
內行頗詳因御史君之請謹備列之以告立言君
子

程母吳孺人行狀

歙長源里程太學伯賞郡中知名士也其配爲吳孺人云孺人歸太學一紀而卒有子烈卿方四歲當是時卽甚念孺人然制于父母終不得以私厚其故婦及烈卿長時時聞王母諸母誦先母之賢也顧時時私識之一日謁請于太學曰先母事大人有年具有內勸嘖嘖在王母諸母齒頰間不予茲有所撰述異世曷有知吾母者願大人命之也言旣泣數行下太學哀其志稍爲烈卿談其母行事曰請于當世鴻筆庶傳有永子之事也愼儀圖

歐虞邵文集

卷之十一

七

之無何烈卿從諸生授易爲余門人從其父指請予狀其母行予嘗聞新安人多故族世講家法無論丈夫子卽德在女婦多可稱者矧程吳著姓而孺人之賢有辭于室老其可不傳孺人以嘉靖戊子六月十四日生于石橋里歲壬寅年十五歸程明年父母俱物故時王姑舅姑其慶堂上憐孺人孱弱息女爲婦復無外家恒以女視之孺人顧早夜勤事曰妾以母命業已爲程氏家婦中門以內孰非婦事何得以孱息辭卽二姑憐我如先母命

何不幸蚤失父母所恃者二姑耳奈何以媼嫠故傷姑氏心凡事輒先家人家廟時祀宗親問遺輒啓白二姑而後行事每上食姑前輒親奉匕箸時其饑飽而食時其燠寒而衣無時遺老人憂儼然一健婦也又能時語其夫曰夫人咸恃盛年而業不成盛年無以爲也要使視身績學遺父母令名卽兒女子亦與有榮彼依依何以也乃程君從博士學學成顧修古文辭以稱詩名而門外屢跡多四方賢人孺人益自喜曰夫子之業成在是矣

歐虞邵文集

卷之十一

八

故客過輒爲治具俾太學得善事客學日以廣孺人相之也乙巳舉子不育孺人痛自念曰娶婦本以廣嗣以妾之不德嗣之不立非夫子祇承宗祏意也乃三年齋戒禱于白岳之下踰年辛亥而舉烈卿舉室胥慶謂孺人至誠感神果有良驗孺人不有其勞以爲程氏祖宗之靈翁姑夫子之誼上通于天乃令程氏有後巾帷之妾顧何功之與有乙卯又有娠以產子致疾不起家人請訣孺人曰修短命也妾執贊爲婦亦既有子足以報程氏先

姑及吾母于地下獨憾不能終事二姑耳願夫子無忘宗事善慰而二親無以婦人故傷厥心早圖繼吾室者善視吾子卽妾不死矣又執子烈卿爲鳴鳴之語時烈卿孩提不復能記憶也孺人卒在是年九月十七日年僅二十有八再踰年而所產末子又殤今獨有烈卿娶汪氏孫堯慶堯庭堯度繼孺人室者爲汪氏又卒繼方氏有次子曰烈鼎烈輔乃烈卿每道其母事輒嗚咽不能語可謂盡思孺人賢而無年乃有令子不啻黃髮矣

歐虞部文集

卷之十一

元

程母黃氏碩人行狀

歲丁丑余從國子先生後休寧程生秉武入太學相從二年所碩人甚思之趣其歸奉顏色者甫六月而碩人以疾終秉武復來京師緣經詣余泣且告曰先母弃不肖孤無他囑願得質言狀其始末庶銘者有稽然閨禕之細行不足辱先生微先生言海內二三作者無所徵信也惟先生圖之按碩人出休之龍灣黃氏某公仲女幼務蠶績勤女紅履不出閨櫺既孀于程夙夜矜摯不忘敬戒處士

宜之顧以嗣續爲急因爲處士納妾氏於是俱蕃育子女其待側室撫諸子最有恩而不爲煦煦態每曰小星之惠雖在逮下而女君之禮我不敢廢鴈鳩之仁雖貴均壹而義方之訓我不敢忘其家人事之儼若弟子之於嚴師傅也上事舅姑孝敬惟謹舅喜賓客周問遺膳羞筐筐碩人所經畫咸中羸縮之宜而其服食衣不完采盤不兼味所待臧獲皆使飽煖鄰里有所不足則隨力賙恤內外一無間言當處士出賈時常脫簪珥佐之自總家政訓率諸子諸婦勤以不匱處士無內顧憂遂積累饒裕廼築室構堂拓祖父之業幾甲閭左矣猶日訓諸子諸婦如故也歲時召立堂下戒之曰吾家起自涼薄甘苦備嘗今幸稍給顧敢忘貧賤吾所以早起夜眠兢兢力作者豈好勞哉勤儉爲起家之本怠侈爲廢業之階爾等念之鄉黨姻族聞者傳爲內範凡浴兒嫁女娶婦必請主其事曰願吾子吾女吾婦若程母之賢孝多男子也碩人旣相處士拮据成家猶欲以儒業光大門戶是歲萬

歐虞部文集

卷之十一

三

曆庚辰五月資遣秉武卒業太學秉武婉戀出自
天性六月初十日碩人遽不起距生嘉靖丁亥九
月二十二日年五十四耳子六人女三人長秉道
庶出娶洋湖孫某仲女次卽秉武碩人出娶倫堂
朱某季女三秉賢庶出娶倫堂金某長女四秉文
碩人出娶龍灣黃某仲女五秉彝碩人出娶五城
黃某仲女六秉禮庶出娶五城金某仲女女轉弟
行一適倫堂黃某子某意弟行二適溪口葉某子
某皆碩人出映弟行四適龍灣黃某子某者則庶
出也孫男懋德懋忠俱秉道出卜以十一月初五
日厝碩人于遐園之陽窀穸有待蓋慎于襄事乎
哉諸皆秉武哽咽若不能出諸口而余稔聞于休
之丈人長者爲得其詳謹述爲狀若夫闡幽發微
在乎志而銘者焉

歐虞部文集

卷之十一

主

歐虞部文集卷之十一終

歐虞部文集

嶺南歐大任楨伯著

碑

報功祠碑

上之八年九月資善大夫戶部尚書鍾陽馬公薨于家九年七月閩縣候官縣耆民齊道正鄭汝學周桂和等百餘人匍匐言于臺院上官曰昔嘉靖壬戌癸亥福州三衛軍鼓譟爲亂一擾於教場之團練再譁于藩省之清糧當是時倭奴窺覷海上歐虞部文集 卷之十二 一

閩方戒嚴客兵且驕悍狼顧衆慮內外勾引主客潛通會城震號莫保朝夕父老子弟萬衆請公慰撫公兩出諭之衛軍羅拜翕然歸營此其功存于城社而恩溉于桑梓者也公今逝矣輿情尸祝日切于心願得官地一區請以私財建祠報祀上官從其請畫平遠臺旁之吉壤左望鼓山右望旗阜譙樓峙其後前則大江通于海釣龍臺在焉工皆子來鑿石畚土輦木運甌越兩月而祠成堂室廡序庖漏垣墉百爾孔備額其門曰報功於是卜日

協辰父老子弟奉公像貌虔修蒸嘗之祭薦紳逢掖喜斯祠繫閩中萬衆之心也中書舍人袁君表自京師貽余書屬爲之記余惟公曩事世廟敷歷中外則功在方國及事穆宗會計謀謨則功在廊廟請養還山十三年而終上之恩賜卹典誠不忘其功也是舉狃鄉人父老子弟之心非所謂鄉先生歿祭于社之禮耶嗟夫庚桑楚之居畏壘三年大穰畏壘之民且俎豆之矧公之捍大菑禦大患功在閭井並合祀典宜乎鄉之人之不能忘矣余不佞何能載筆謹述祠事所繇勒諸麗牲之石告于百世

歐虞部文集

卷之十二

二

程母項孺人貞節碑

孺人蓋歛托山處士程濂之妻休溪陽處士項帥之女也休歛雖異牧而托山溪陽接壤故二姓世爲婚姻云孺人旣笄而歸修其婦事佐而夫子則友其兄夫死于客訃來數千里外孺人痛哭欲絕謂有孀子弱女可延宗祏以未亡人之軀復何所惜苟遂同歸之懷無裨翼子之業爲一婦人之死

重傷處士之名卽其心著如鰥目而身輕于鴻毛
矣廼破涕斂哀盡出奩中裝屬家人爲夫子歸其
旅魂托茲首丘孺人屏去膏沐閉閣自守歲時一
拜尊章非有期會雖妯娌姊妹未嘗爲一宴見程
故敦尚禮義而伯仲間念孺人節婦事之益恭故
無用歌魯寡之鵲毀令女之面享有令名自非之
死靡他何以有終哉子懋仁少嘗從俠少年游孺
人告仁泣而數之杖之于庭仁由是感悟遂爲孝
子今旣孫而曾矣女亦適名家爲佳婦孺人生二

歐虞部文集

卷之十二

三

十二年而寡六十六年而卒郡書其事于志題其
坊曰貞節其叔子懋易率家孫烈文請于予曰曹
娥至孝尚須黃絹而傳永姜雖貧亦藉碑旌而永
伯母貞節載在家乘非托金石何以昭示來葉願
因先生計可者歐生不忍辭而遂爲之銘銘曰
歟有長源惟程是望豈其娶婦必休之項思古碩
人考槃偕老豈不百年乃捐中道哀哀所天自名
未亡念彼弱息存此宗祊子承手澤女奉母儀內
外允則白首孔怡宜爾子孫振振先世無慙九原

大賚來裔郡書厥事縣表乃墓金石不渝胡爲朝
露

敕賜廣濟寺碑

夫天地覆載陰陽通遷明則有日月幽則有鬼神
百億閭浮固塵沙之靡竟大千世界實劫數之無
窮自非機衡流轉孰測天樞章亥步馳寧知日馭
徒仰穹蒼之色俟八鰲之運而已此布算所以必
資於隸首迷途所以必待乎指南也若乃九土衆
生四流五結遷延愛欲累感淪沉何異操朽櫟于

歐虞部文集

卷之十二

四

苦海坐積薪于火宅泡沫相催風電易息是以拯
溺于人心與開物成務並功濟生于世諦與扶顛
夷難同德事詎有二乎哉如來出世道冠百靈心
涵萬類行圓四等惠普十方於是然智慧之炬以
出五陰授清涼之藥以脫諸苦標三際之真以破
結習汎八解之流以示洞悟猶且發廣大心闡玄
微旨開方便門示真實相法行無外化現無方固
已納滄海於一漚置須彌於葦塵矣寶牀湧地以
來檀車泥洹之後舍利八斛浮圖競高婆羅千人

香花更洗那竭積薪殆遍分於凡聖劉賓瑞像亘
常住乎古今所謂由自以會心卽心而卽佛者也
廣濟寺在都城西北始于我明成化乙酉神宮
監太監劉公嘉祥卽賜宅建爲崇化大應法王下
院尚膳監太監劉公祥內宮監太監高通等三
鳩工而成請于憲宗皇帝敕賜寺額令法王弟
子扎失列住持定方宅勝負倚千維之城開徑通
幽控帶三條之陌優闡雕木于忉利天波斯鑄金
是轉輪地奚但二龍吐水遂名迦維之居一馬獸

經始表洛陽之刹哉斯寺之再興也在世宗皇
帝辛亥之歲時則司設監大監孫公保請寶藏大
師主之乃披榛薙草力紹興基支棟扶梁役同經
始先治墻垣遂營方丈大佛之殿則修於隆慶壬
申藏經之閣則創於萬曆乙亥東西有室專集講
誦左右有廂爰潔廚庫祀更新寺門并鐘鼓樓天
王殿祖師殿伽藍殿兩禪堂而碾磨之房棗樹之
園皆附麗焉山庄在德勝門外鷹房裏嘉靖乙丑
所置也草菴一所花竹環植寶塔一座鈴鐸四聞

卽其淤以爲蓮池就其腴以爲蔬圃稻麥之地則
七頃有餘給徒飯僧胥贍此矣大師姓劉氏法名
能燭系出河間獻縣十四出家投大千禪師受具
足之戒二十游方訪大川禪師究性命之理南抵
伏牛北造靈丘寒暑不移險阻不避忽遇通天禪
師指示因聞鐘聲而說偈言復走終南崖居穴處
者八年堅修苦學常澗飲而木餐善證神通或鹿
隨而虎狎久之入都事龍華通講主崇壽秀法主
徧歷講筵大相印證都人士迭來咨叩莫不虛往

實歸緇素咸推爲白眉矣其徒二人長曰仁平次
曰仁義長孫智端曾孫慧永玄孫本江大師與慧
永來請余記余惟境無非幻論學必究於真如法
本皆空度世必資於色相是以性等摩尼而朗照
於六合心惟一月而普現於千江衆生界卽諸佛
界也迷則爲衆生諸佛心是衆生心也悟則成諸
佛嘗觀大師所說偈蓋得於悟也始以悟而成學
終因悟而濟人闡半偈之密義沛若江河成三摩
之妙因屹同宇宙余也三乘歸佛徒許鵬蒼半世

爲儒曷稱調御庶幾不朽謬托頭陀之碑豈曰無人怛愧韓陵之石不揣蕪語載刊貞珉銘曰

浩劫無始荒芒孰開恒星曾隱大地未灰天上天下是生如來肇造千億拯茲昏哀永拔三界咸際九垓雙樹將息八風若摧獨傳象教示祇洹軌山引鷺峰河通鵠沚遡源似遙望道伊邇王舍城存阿耨池啓祇園葳蕤給園薜靡花淨露澄月白波起靈獸般舞韻鳥戾止仁祠有赫千秋莫毀天眷盛代佛日方昇剎臨紫陌閣觀珠陵救額廣濟大歐虞邵文集 卷之十二 七

師代興導之寶筏照以玉繩壁缸夜燦銅鑰晨扃鼓鐘在列龍象堪乘西來翻譯大藏諸經坐叅奧義彼岍先登梵音寥亮鏡影圓凝高懸戒鐸永傳法燈津梁未倦門徑咸升煌矣上京在周爲鎬東青峩峩太白顥顥地表沙界神爲富媼招提維新爰有僧寶十地皈瞻並進此道蘆荀風香扶桑日杲金石不磨德山斯保

貞節祠碑

新安太學生程懋易狀言懋易家從長姐明威將

軍衡山公之女母爲許夫人姐生於嘉靖丙戌十一月十六日幼侍親側跬步不出閨門於泛醴治膳操縷刺繡未嘗待學而能姆或教以孝經列女傳則朝夕諷翫許夫人鍾愛之擇壻得潭渡黃生時芳姐未笄而姑病亟黃生年始十七割股進療幾殆急逆姐歸偕理湯藥姑病倏愈人稱孝感事在郡志中姐年十九黃生客死訃至哀號勺水溢米俱絕殆不欲生已而念儻遺腹得男庶幾不廢宗祀竟舉一女未周而殤姐所以椎心而泣血也

歐虞邵文集

卷之十二

八

三年喪畢諸保母有以姐年少新寡家窘且無子稍稍微言以喻姐知其意慟哭唾罵曰吾夫爲孝子吾不可爲孝子婦乎吾受訓父母生死黃氏門耳一失吾身他日何以見孝子于地下於是屏去簪珥日閉一室每展黃生敝書蠹卷聲淚俱下然家徒壁立許夫人常致薪米衣絮歲時不置三十年一日也許夫人春秋高姐年亦五十始一歸寧與許夫人同卧起奉七筋勞瘁年餘復遭瘧疾跪白許夫人曰兒不能終事母矣脫有不諱幸早一

日從黃生乃返黃氏而卒實萬曆丁丑三月十二
日年甫五十有二宗黨鄰里無不歎悼稱姐全節
上其事于有司求表宅里姐之弟曰杰曰業撫其
柩于里之橫山啓黃生壙而合葬之曰采方任平
樂府事歸益悲慟念許夫人思女邁閔哀深乃建
祠高甸之陽祠凡三楹前門後寢繚以周垣奉姐
祀之歛令李君躬致奠醑題曰旌揚貞節祠因以
名云懋易與二三兄弟恐彤管未彰徽音易泯不
敢以衡門側陋泯寡姐之貞風也余聞秦築女懷
歐虞部文集 卷之十二 九

清之臺梁表寡高行之宅國有彝章所以勵世程
氏斯祠貞婦世食其維繫世教豈眇少哉爰爲樂
曲俾升歌以祀其辭曰

率山嶢崔兮揚之水兮淺且清魂歸來兮乘采蚪
穆竝騁兮燭龍停金支兮翠旗蕙帶兮荷衣父母
鞠我兮胡然遠之長原有宮兮堪宴娛巫咸屢舞
兮何來遲涕潺湲兮我心悲 右迎神

江雲兮峩峩江雨兮滂沱泛泛兮栢舟蕩蕩兮中
河玉轉舉兮綵霞瑤檝漾兮白波蕙蘭蒸兮勺藥

蘇琴瑟奏兮管匏歌駕泰鴻兮騁高駝望烟霄兮
愁奈何 右降神

奠桂漿兮芳椒醑瑱瑤席兮列繡黼荃不留兮悵
容與考鯨鐘兮伐鼉鼓般姚姚兮喬喬官冥冥兮
衙衙心惝恍兮何期倚洞簫兮吹參差春有蘭兮
秋菊薦終古兮渺予思 右送神

歐虞部文集

卷之十二

十

歐虞部文集卷之十二

歐虞部文集

嶺南歐大任楨伯著

墓誌銘

明故文津處士墓誌

大任之三伯父曰處士公卒已十八年矣嗣子應軫貧不能葬嘉靖三十四年十二月十六日大任率諸弟大鈞大謨大猷奉公之喪祔于大崙山先墓下應軫徒跣叩頭謂大任志之嗚呼大任忍執筆志公墓耶而不可以泐歿無聞也公諱季元字

歐虞部文集

卷之十三

一

以仁考為將仕佐郎府君適妣黃氏安人而妣安人盛氏生公于成化癸卯十一月二十四日性驚急倜儻豪宕童時矯捷不羈綴幡騎竹指使里中群兒里中群兒咸伏其下又好黏竿打蜻蜒善射生日獲鳥雀以百數將仕府君以其有奇氣時時折辱之不可下十一歲盛安人卒十三歲將仕府君卒益喜任俠使氣勃勃不可近伯氏怒罵之曰先君鄉善人也隱于醫弗耀然里中稱為長者而可忘先君家訓弗思所以亢宗耶公乃折節讀書

歐虞部文集

卷之十三

二

與姪弘從叅議何汝璧先生講易于山寺中夜半篝燈誦讀弗輟督學丁公璣選為縣學弟子員會御史行部過縣師生皆出郊跪迎公憤曰士而可賤若是耶吾不能低眉屈膝以事尊貴人也遂拂衣去竟引疾歸歸則卜築赤花洲上焚香掃地懸先聖像朔望叅焉日誦經史以自娛作為詩歌成輒削藁居常少出暇則招邀親舊賞花飲酒意訢如也歲輸徭賦率先閭里嘗曰舍哺鼓腹伊誰之賜出租稅以給公上非庶民職耶諺云欲要寬先了官卒無逋賦鄉人翕然稱之縣丞尉以職事至鄉咸禮其廬所交皆賢士大夫鍾知縣華鍾御史善經麥長史瑩何御史沾皆以臭味相合而鄉進士鍾君善言陳君道潛尤親昵也嘗有權勢之兄欲訪公使人致禮公鄙其人標使者慢罵之時權勢方不次入相其兄怙強凌轢奪公水亭別業公屹不為動比權勢兄弟相繼卒別業竟歸公焉平生喜施予濟人不瞻拯人危急雪中出見蛋子饑寒者即解衣予之給以斗米乞人至門無不蹙足

者鍾君嘗設義倉于其鄉遣書貸粟以爲子本公
出穀數十石以助之鄉民何果定等十五人漁于
海游徼捕之以爲盜不堪筆楚將誣服矣公以爲
冤率鄉耆二百餘人奔赴新寧言于上官竟活十
五人之死命然終不伐其德史稱郭解厚施而薄
望振人之命不矜其功以公視之何如耶公晚年
猶好讀宋儒諸書不喜佛老戊戌三月卧病旬日
氣上衝痰益壅猶正衾加禮服其上大任侍側賓
客問疾者至公視地有唾痕速命覆之聞子弟祈

歐虞部文集

卷之十三

三

禱于神力禁不許病將革大任跪問遺言公曰爾
在吾何言我銘旌宜書曰急性寡合學業未成歐
文津之極命大任記之且戒勿作佛事云子夜將
屬纊矣而目未瞑呼先府君握手而訣乃瞑卒之
日四月初五日也享年僅五十有六耳配江氏有
子三人長應辰先公五年卒次應奎後公十一年
卒次卽應軫嗚呼孰爲公瞑目後一至此耶公無
他腸惟嫉惡太嚴氣剛難近耳其諸盛德事舉無
愧鄉評天道有知猶當畀其裔日昌以大也顧家

運中衰後嗣零替尚謂有天道耶大任痛伯父體
魄之未安而善行之終泯也於是始克襄事乃志
其概于墓中之石云嗚呼張堪任昉世之所謂有
道君子也而後嗣無良家聲亦墜然則公何恨哉
然則公何恨哉

吳伯舉妻羅碩人墓志銘

碩人諱玉容字

歙西呈坎人也新安名族盛

稱羅家郢州鄂州文著宋代貞德之裔必有女宗
慶門之遺篤生淑媛碩人端靜柔婉弱質天生組

歐虞部文集

卷之十三

四

紉烹飪幼能自性姆訓女誡經口授于母慈閨行
閭儀仍申教于師氏及乎六禮旣成三星告吉乃
歸于同邑溪南吳時英焉作嬪夫子琴瑟在御饋
食舅姑槃匱必親傷適姑之弃養誓齋素以脫幽
苦侍王姑之久疾執湯藥而滌廁踰旁接妯娌冢
室弗矜下撫妾媵樛木曲逮斷機勸學庶幾樂羊
之婦大布荆釵宛矣少君之風絕輦致瘁投劑固
功有德無年傷哉命也春秋三十有三卒以隆慶
戊辰五月五日未卒之三日男孝久生于揚州蓋

妾某氏出也碩人不及見矣二女呼號高堂隕涕
閭巷惋惜僮婢噓嗟夫玉簪鳳折巾上留香寶鏡
鸞孤奩中分舞豈非壽穀之或爽福善之無徵歟
鮑妻沉悼明遠傷逝以嬰哀劉婦淑貞彥升銘幽
而題碣其辭曰天道無知碩人斯喪璧毀芝焚委
于泉壤松栢風悲丘陵烟愴號泉在前白雲在上
下馬讀銘千秋惆悵

清溪居士歐公暨配鄭安人墓志銘

我歐之先金陵人也唐末之亂播遷嶺下宋建炎

歐虞部文集

卷之十三

五

初提舉府君端始自雄入廣至公十五世矣高祖
諱思本曾祖諱祖華祖諱宗池考諱珪妣黃氏實
生公公諱惟綱字德張頎然雄健弱歲卽有丈夫
氣性尤介直身布衣而然諾重于里中與家人約
衣食必田畜所出租課不畢身不得酒肉蠶桑絲
未賦家不得裘葛邑令屬爲稅長每代匱者先輸
計入則匱者多持子錢酬公辭曰余豈算纖裔而
不振諸君之急哉以此率導閭左後有賦里中競
先輸矣家族或爲惡少所侵凌奮身當之曰德張

在敢輻輳耶遠近以急難來告則千里球人于阨

與人刻期風濤雨雪必赴也出則裝齋整辦寧節
縮飲食路逢窶子卽數十人人贍其不給歸則垂
橐入矣公爲冢子恒幹蠱代勞趨事父母能婉容
愉色旦率婦子奏膳然後敢食及喪葬一依朱氏
禮友兩弟德美德振怡如焉子姪侍其側則無不
嚴憚之者驚急不能容人見陰險螫毒擊之惟恐
後而匱者泥者誡誦義無窮時家溪上稱清溪居
士云卒于嘉靖癸未五月十五日距其生于天順

歐虞部文集

卷之一三

六

癸未八月三十日享年六十一配鄭氏有婦德生
于天順庚辰九月二十七日卒于嘉靖戊戌五月
初二日年則七十九也男一廷選女二婿韓車富
周秉義側室周氏男二廷詔廷諫孫男六仕禎仕
祥仕禮廷選出祥先卒露廷詔出林潤林聰廷諫
出孫女五出廷選者適崔大賓出廷詔者適黃亞
潤出廷諫者適何某餘未聘曾孫男八一成一賢
一貴一明夢龍夢賚善能善學曾孫女六一適黎
某餘俱幼甲寅正月初一日廷選奉二柩葬番禺

大崙山六世祖墓左今二十年矣大任始克追爲之志而銘焉銘曰

胙祗在田急于公兮虎豹在山彊于宗兮冢則寧隆兮永卽乃宮兮

明處士澹齋歐公合葬墓志銘

公諱惟常字德美姓歐氏順德人其先金陵人也高祖思本曾祖祖華祖宗池考珪奉詔輸粟助邊授將仕佐郎妣黃氏生公于成化辛卯二月二十七日卒于嘉靖甲寅六月十一日享年八十四歲

歐虞邦文集

卷之十三

七

配伍村葉氏元旦第四女生于成化壬辰十二月初十日卒于嘉靖戊申十二月二十八日享七十七歲己酉正月十四日卽葬番禺山頭園壬向之原又十年己未十一月十七日公始合而窆焉男四吳忠吳志吳恩吳憲而吳志早殤女一適衛世恩孫男四用霖益香用揖崇禮女二適關越張偉訓曾孫男八夢震愛民正民宜民和民同民興民成民女三一嫁林三枝餘尚幼公長身山立冠服修潔德性冲粹孝友天成將仕君嘗患背癰時公

歐虞邦文集

卷之十三

人

矣癸丑歲饑方令行賑村中公首出貲助餽粥方下車禮其廬諸生欲舉其爲鄉飲賓力辭乃免踰年春敕吳忠等爲棺斂具曰先將仕君以八十四終今屆茲幸矣是吾敬手足晨也及夏果卒嗟乎余讀太史公書所稱長者多任俠奇詭惟東陽張侯建陵衛侯御史大夫張叔中涓石君家孝弟恭謹出于天性不言躬行雖齊魯諸儒方且遜之長者固如是今觀于公未嘗驚奇節爲名高恂恂行誼配亦合德白首無間且澹泊終身自號澹齋無

愧矣隆慶丁卯吳忠等以姪孫懷忠狀寄余廣陵
屬銘公墓七年于茲念長者之風日遠也于是列
所睹記按狀并志之銘曰宗之老今漢長者山園
巋然曰下馬佑爾子孫以純嘏

明處士樸翁陳公安人潘氏墓志銘

陳公諱德重字世恭生于弘治庚戌六月二十五
日年四十有九蓋卒于嘉靖戊戌八月二十一日
逾二十八年丙寅正月初四日始葬莊邊岡之原
時余留滯京師夏歸謁公墓其月趨廣陵隆慶戊
辰虞部文集 卷之十三 九

辰家人以狀來屬余爲志乃今萬曆改元余光州
奔喪歸之踰年也于是志之而刻之石嗚呼公余
外舅也生不獲拜公牀下歿不及含葬不及紼乃
余今忍銘公墓耶按陳村南雄沙水村大井頭人
也先不知所自來初祖浩澄宋紹熙進士爲蒼梧
郡教授有司籍偽學方急弃官游南海遜西樵寶
峰下慶元初卜鼎安都伏隆村居遂占籍南海門
人稱爲隆隱先生云二世宣義郎洙三世大理評
事皇華四世朝議大夫願真皆有宦蹟于朝高祖

貴謁曾祖所祖冬蔭考觀道咸隱德不仕妣郭氏
繼黎氏實生公體貌魁岸質性慇直讀書不求甚
解然篤行誼弱歲遭考妣喪摧毀骨立居常哀思
以不得承權爲恨書遺訓佩服終身伯兄德禎季
弟德厚俱長殤營葬同兆城囑世祀焉遺產歲有
租入二千餘石仲兄德祥專掌踰十年左右多構
讒隙曲譬勸分公曰家事任長敢別籍異財乎吾
誠不能以尺帛斗粟傷吾兄之心也親黨貸數百
金終不責償時時猶問遺不衰歲暮出取逋欠折

歐虞部文集

卷之十三

十

券市義馳一空騎歸里人望而笑之顧揚鞭催甚
鄉人有鬪戒家人閉戶佐饗得嘗佐鬪得傷每三
誦焉從子奪公魚塘面相抵觸族老謂卑幼犯尊
長罪不容道矣一不屑較退則齟齬酣睡從子因
族老蒲伏謝怡然如初生平足跡不至城府浮沉
閭里未嘗問朝政世事門庭苔蘚田畝旱潦絕不
督治僮奴亦不相關白醅嗜醪醴樂放縱惡檢束
岸幘箕踞聽松撫石從之飲者必浮白引滿相與
掀髯撫掌衣無綺縠冬夏一大布衫而已醉則席

地卧人知其無底裏陶然任真號之曰樸翁公亦沾沾自喜一夕大醉盜數十人劫其所有復昇之而去家衆百道尋覓翌午見公披髮逡巡還具述賊語爲奪粟掠饑事非得已震驚善人懼違天道因指送歸路仍飲之酒當是時族人方捕殺大夥賊衆爲公危恐甘心于公以報仇及公還衆莫不懽呼有天道焉配潘氏同邑潘天麒女佐公以端謹勤儉每泣不及事翁姑歲時烝祀豐潔朔望供盞不親濯不獻事宗婦謝如子媳之事女君也初

歐震部文集

卷之十三

二

艱于妊育偏信祈禱里婦貧不能自給者輒推食與之臧獲則待之以恩三十外連舉女若男撫之最慈而無所姑息箴紉書史親爲教訓女若男故咸有所成立嘉靖甲午三月二十七日卒距其生弘治壬子七月二十一日年僅四十三歲男五仕任仕儒仕俊仕儲仕儼女一嫁大任者是也繼配張氏生女一則嫁杜漸萌孫男十六任出者曰所守所能所立所思儒出者曰淡澄潛湛淵俊出者曰海嶼儲出者曰澤演滿儼出者曰濤汪孫女六

壻爲勞元膺鄧希禹餘未字曾孫男四光祖光國光前光宇曾孫女一嗚呼賢不可必壽老不可必偕公與安人儷德偕隱年皆不足五十天道謂何蓋棺後女若男幸不墜先訓孫曾蕃衍後必有顯者孰謂無天道哉孰謂無天道哉銘曰嫺媛大姓系出潁川庾開播越南海星連處士貞晦龍偃在田桔槔不理機息智捐沉冥不醒神逸天全樸者道茂埋玉雙駢松柏沃若永賁斯阡視我銘詩曷不萬年

歐震部文集

卷之十三

士

處士滄橋汪君暨配金孺人合葬墓志銘

汪氏魯公族之後也漢龍驤將軍文和始渡江遷新安至唐越國公華著矣工代時御史大夫瀆自新安遷婺源之大阪御史曾孫子興自大阪遷休寧西岸子興立孫森自西岸而遷遐阜森之孫文翮又自遐阜而遷洪方是曰洪方汪氏云 明興有新淦令志道志道生春和春和生雲生雲生生文炯娶于潭許氏實生處士處士諱堅字尚節爲人孝友遇事慷慨嘗客太康故所識侯進貸二十

金業已許之人謂進孤貧且老異日不能償也處士曰吾固知之脫責其償卽不許之矣竟與之終不索償族子甲數請賞於處士積逋已多書券以家人故居爲質處士不受曰奈何吾以餘財奪子世業耶徐大爲處士紀綱僕主出納損二百金匿旁縣數年處士過淮陰徐大衣敝衣忽特壺漿蒲伏舟前自刎前無賴狀叩頭謝死罪處士畧不譙讓仍憫其窮與二布遣之世謂賈人率射利忘義處士顧秉高世之行終其身一字不入公府賈人歐虞邵文集 卷之十三 三

有是耶金孺人族出梅結歸處士時操井臼備旨畜節其羸而用其飭肥甘之味纖麗之服口不敢嗜而身不敢御也諄諄以勤儉諭子女而歲時問遺姻族無廢禮處士與人持論侃直孺人善以柔婉調劑內外益以惇睦新安多山少田卽無中人貲大半以末富處士行賈江淮南北數至千金數破於寇嘉靖中載木棉七萬於瓜洲倭奴縱火延燒殆盡所燼餘者尚可收百金也處士弃去不顧歸對孺人無愁歎之色夫陶朱公三散千金而

客爲孟嘗君焚券市義處士好行其德固勝二子矣處士生于成化乙巳十二月二十九日卒于隆慶庚午十二月二十三日享年八十有六卜新阡遐阜長垣園葬於壬申十二月初八日也孺人生于成化丙午十二月二十九日卒于萬曆癸酉三月二十日享年八十有八卒之踰年甲戌後十二月十四日附處士而右子男一魏女二壻爲臨溪程文法商山吳暉孫男三冲準凌孫女一壻爲遐阜程子喬曾孫男四秉正秉德秉善秉彝皆冲出歐虞邵文集 卷之十三 古

曾孫女二一則冲出一則準出也余曩聞處士之行誼於吳鴻臚繼茂而鴻臚則謂余曰史家修述薦紳大夫之業閭巷之士卽扶義倣儻多閭坳不傳矧及婦德先生能無慨於中乎於是魏遣冲奉邵太學正魁狀來請銘余不能辭也銘曰行也事其質而不事其華才也不用於國而用于家名靡稱而沒世繫君子之嗟是爲滄橋處士之墓而余銘嗟嗟夫何恨耶

兩川陳處士暨配馮安人墓志銘

嗟夫世風非古朴爲彫民鮮淳質咄嗟久矣余每考論鄉之敦厚長者得兩川處士焉處士諱景豪字宗興姓陳氏宋紹熙進士隆隱先生之後世爲南海伏龍堡人處士五歲始能步履七歲入小學九歲善屬文弱冠習博士家言力苦佔俾山窓風雨燈檠然徒四壁立口不輟誦手不停披業遂通都講里校中宿儒每出其下正德丁丑巴山黃公弘署學嶺南選升郡學適奉父諱未及舍菜泮宮喪畢親友勸其卒業嗚咽答曰吾始欲補郡

歐虞邵文集

卷之十三

五

弟子員爲祿養計也祿已不逮親矣進取何爲耶遂遜山中潛心古籍吟諷自適事兄恭順怡然一堂財產必讓不立券割毫無貳言臨子弟則端肅處鄉黨則和睦同里黃汝祥踵門徵賦已立領折色也遺白金數錠於坐匆遽而去遣力追於四五里還之時有諭葬方文襄之役里中當出夫徒方氏與處士姻也爲之免役里中德處士斂貲以謝峻却不受一僕病狂呼號於里謂處士糾賊行劫族人乃談笑道之竟寢蘇村黃姓之毒謀家人

夜守派圃爲盜所殺鄰舍懼株連也則以江浦巡司之驗而白焉其長者之行每每如此晚以齒德推爲族中祭酒處士考古禮正宗法首建祖祠于是族有所統非所謂施于有政者耶潘安人則以內教佐處士事先以敬訓子女以禮處妯娌以情撫僕婢以恩族姻無不稱儷德焉處士生于弘治某年某月某日卒于某年某月某日享年八十二歲安人生于弘治庚戌六月十三日卒于隆慶辛未十月某日年亦八十二男二嘉謀嘉言女幾人

歐虞邵文集

卷之十三

六

某某壻也孫男某某嘉言卜以某年某月某日合葬于某某之原余視處士內從兄也知之最深今益歎老成之凋謝而長者益不多見矣乃爲之銘曰淳風邈矣不可回儷德偕壽歸泉臺白日一閉寧復開後千百年下馬來讀我銘章且徘徊

明處士元齋歐府君墓志銘

府君諱惻字元卿我歐之先宋建炎初提舉文溪先生端自濱昌遷南海今爲順德人高祖季和曾祖潞祖瓚考端鳳是爲雲巢居士妣梁氏府君生

于弘治甲寅八月二十日卒于嘉靖戊子正月初七日年僅三十有五辛卯十二月初四日葬于青蘿山戌乾向之原時居士已老且精陰陽宅兆之術急襄事也府君性淳朴簡直勵志不羣弱冠卽代居士理家政故不能治博士諸生業家故貧始貨殖通商賈之利轉輟數百里贏得什一以繼甞起世居陳村果布之湊客每齎貸于錢子錢家務積著持重府君與時俯仰亭貴賤無息幣欲其行如流水而然諾信於遠近十年之間其息倍之已

歐虞部文集

卷之十三

七

而力田與僮僕同甘苦審泥土燥溼辯節令早晚晨起衝霧冒炎荷鋤秉耒督率並作赤日中汗淫淫下竟趾終歲肄勤不言勞倦於是稍有蓋藏六畜蕃收仍折節爲儉薄飲食節衣服更徭租賦輸納必先爲閭里率事居士與梁夫人色養備至朝夕上食未嘗見不鮮居士祭先饗客每豐潔府君承其志弗以歲之穰惡異其供具尤友愛其弟田畜所入毋自私也閭里有所爭訟能以禮讓譬解無不感服遇荒歉則出粟以勸富家共卹饑窘流

移多歸之府君年未艾而鄉社腰膺已推爲祭酒矣先是丁亥冬府君夢一老冕衣裳者語之曰善積而家流慶無涯一逢七五便爾升霞覺而喜且懼解者曰公壽當七十五也獻歲家庭爲人日之會府君無所疾病至夜就寢喘不可止索筆書曰七五之數不能逃矣殆命也夫惟不得終二親之養何以瞑目兒尚童也長當讀書力善毋忘吾以元名齋之意有頃而卒府君配梁氏男學孔學程而學程舉于鄉爲藍山知縣女適黃宗吉次子某

歐虞部文集

卷之十三

七

孫男達德達朝達邦女適黃叅議希尹次子某者皆學孔出而達朝一名叔寶則番禺學生也達猷達政達勲達善女適黃侯司長子某許聘蒙長子某者皆學程出曾孫男兆蘭兆蕙兆萱皆達德出府君善積流慶天道其弗爽矣夫學孔學程謂大任曰先考就窀穸時惟有孺泣未能志諸幽也知先考者孰如兄墓中之石惟兄圖之大任何以不朽叔父哉乃敘而銘曰丘園貞士簡且質壽雖弗延天已隲宜爾子孫世簪黻馬鬣之封閉白

日於萬斯年保終吉

楊母張孺人墓志銘

章丘爲濟南名邑楊張皆著姓張孺人父爲邑學生一元母魏氏大父爲汜水令某大母劉氏魏生孺人七歲而沒劉鞠育之愛其溫良純篤柔靜端莊教之鍼繡烹飪無不諳曉而愛親敬長簡言慎動若天性然其配于楊也因潞城令楊公某與汜水交最厚重其家法遂委禽焉于是孺人年十七歸處士公某祖考壽官公有繼室陳孀居祖莊數

歐虞部文集

卷之十三

七

年孺人左右色養未嘗不以女君之禮事之陳每稱孫媳婦賢處士公兄爲兵部侍郎以御史封潞城公鄉人右楊氏族貴盛矣御史公日游樂田園好集賓客孺人治滌灑必精潔咸當御史公意又無不時稱媳婦賢也處士公業農于漁張莊孺人佐之充拓產業修治田廬餉糈耕漚麻理絮奴婢力作時其饑飽節其勞逸鞭笞弗事而農桑百務井然有條先是里閭謂孺人內外貴族豈習田事至是耕耨推漁張上農尊處士公爲閭祭酒而

孺人爲田家賢婦矣莊間多宗黨親姻井臼之暇所勞苦問遺無間于富貧疎戚其喪御史公與太孺人也殯歛葬祭不遺餘力侍郎邁禍于總督薊遼而家徙建安孺人每念丘嫂言及則輒然淚下處士公往視之孺人聞江南大水千里懸思廢寢與食旦夕露禱左股因感風溼之疾處士公歸始忻然樂已晨興處士公出行田或鄰飲及夕必秉燭危坐俟歸乃即安三十年相敬如賓性尤勤儉一絲一粟靡不愛惜而周貧卹匱恒傾橐焉教子

歐虞部文集

卷之十三

手

讀書給饋餉具束脩令其親師取友懶惰則加呵責手治諸女奩粧心勞病積將畢婚嫁而虛損羸瘦猶內政如常長男年甫游邑校次男壯甫舉鄉闈則喜動顏色曰家聲不墜忠孝立身勉乎哉萬曆乙亥春眩暈時作丙子夏左手足遂痿痺竟不起矣卒之日是歲六月二十五日距其生嘉靖丙戌七月二十九日享年五十一歲子二卽年甫壯甫女四趙正本謝孔傳李新芳霍養性其壻也孫男三啟運文運興運孫女二俱幼年甫等卜丁丑

二月某日葬孺人于漁張莊東南祖塋之次壯甫從余太學雅相善也具狀托其同年友劉鴻猷來乞銘余嘉壯甫待試南宮思母卧疾徒步歸省獲視含歛殆今之何蕃哉忠孝之訓必不墜于他日孺人之賢益可徵矣是宜銘銘曰岱宗之北長白西其草書帶腓以萋繡江源發清不泥世德作合表中閨張家淑女楊家妻有子雙奮冲雲霓漁張之原田似圭玉埋光燭奎璧齊倚嗟歸然今後千百年視我題

歐虞部文集

卷之十三

三

德府典儀程長公暨配汪碩人合墓墓志銘夫至誠如神而作善降之百祥以余所聞程長公汪碩人是也當長公口病數月諸醫不治一夕夢緋衣神人持七藥進而愈曾次黃河半夜起見一舟過急呼權人解纜從之同舟人起視行舟實無有也固不欲發長公怒強權人呼邪許行行數十里黎明颶風作濁浪洶湧後舟皆覆無一人存者惟長公舟得泊同舟人相率羅拜以爲神汪碩人素無疾年將髦始患脾忽惺然坐于榻謝衆曰吾

日中睹有飛駕來吾將乘之行矣遂端默而化觀者莫不嗟異謂善人之報云萬曆甲申余在留都太學生程君懋益來求書長公碩人壙中之石詢其平生吉祥善事每符余所聞於是按斗城凌叅政瑄狀而志之長公諱冲字德昇歛西托山人出梁忠壯公靈洗後代有聞人載郡志家乘中曾祖用祥祖和皆不仕考有緣贈徵仕郎妣鄭贈孺人初徵仕卜婚得于飛鳳凰五雛昂瞻譽命煒煌奕世載昌之兆長公以元子爲家督謝博士業商游

歐虞部文集

卷之十三

三

青兗間家大起富能行其義族議建祠首出己地爲倡鳩材僱工廟祀華整秩祀以禮性喜施予所至遇道路傾圯津無梁者渡無舟者輒捐貲葺而治之殆數十所里有早卒而遺其嫠孤者時卹其匱久而不厭某子甲輩皆貧不能葬爲具棺槨助以襄事客開河居停房廷秀善貨殖當長公心前後佐之數百金終不責其償亦不以爲德游歸德逆旅主人闔門病疫忽相謂曰程長公來若等其無恙乎迨長公至一一周視粥而藥之應時俱起

周宋間莫不神其事德王聞其賢拜爲典儀竟謝還山中汪碩人本海陽貴族爲程家婦以嚴肅儉素自持鄭孺人晚喪明代總內政夜籲天願以一目抹苦孺人厲聲曰吾不願女代育獨願女代視家耳碩人共祭祀饗賓客至於絲枲米鹽綜理有條舉族萬指內外雍和無不當鄭孺人意者長公久未子畜十數姬不受娠乃爲置副室趙氏而生懋益愛之不啻離腹朝夕課書竟成令器其所勸相長公施予賑給者歛人率能頌美之此其爲

歐虞邵文集

卷之十三

墓

長公碩人之善事所以神降之祥也長公生于弘治甲寅十一月十二日卒于隆慶戊辰七月二十日享年七十五歲碩人生于弘治甲寅十一月二日卒于萬曆壬午三月二十七日享年八十九歲男一卽懋益女二長適吳滔次適鄭阡孫男三烈先烈光烈允孫女二長適方仲昭次字吳萬春曾孫男五堯賓堯宗堯彥堯官堯謨曾孫女二皆幼懋益卜以某年某月某日葬于某之麓銘之辭曰儼德而隱千年大寧松栢鬱其青青而余爲之銘

明文林郎長汀縣知縣蘇公墓志銘

公之墓蓋在蓮湖山云萬曆癸酉余姻家叔郊氏謂余曰先人之以長汀終也二孤方在齠齔克襄事者五年于茲矣豈其愛于方尺之石也蓋有待焉今願請於子余惟是懼曷可以不朽長汀公也然世德足徵有厥宗人進士惟一之狀在遂誌焉蘇之先出武功炎宋時太尉紹基自南雄入廣卜居南海之碧江故今爲順德人太尉之支孫觀祐觀祐生義義生軫軫生順娶羅氏成化甲午十二

歐虞邵文集

卷之十三

墓

月二十七日寔生公公諱瑤字朝珍幼穎悟異常兒稍長力學事黃郎中著習禮記不更他師弘治辛酉莆田宋公端儀視學嶺南首選公爲郡弟子員朝夕受博士業博士避席白宋公曰禮經解首蘇生其人矣是秋果舉鄉試第五人壬戌赴南宮病不入試乙丑中乙榜當署教職友人勸之辭公曰親老矣丈夫奚必甲科行志哉授全州學正全士甲湘桂斌斌多文學執經問難者日滿齋閣人入自以得先生晚也督學憲副浙江姚公鵬開五

經書院拔諸郡之秀異者教之以公爲五經師後
全州士及諸郡來學者多以科名才行起部使者
嘉獎不一學士蔣公冕薦陞蘇州府教授吳長洲
二縣士業禮者咸來講授不但府校諸生傳經而
已然俗喜遨遊歌唱婚喪溢侈又每水葬公以禮
申禁舊習一時丕變御史按三吳者靡不優重焉
少傅王公鏊欲公久任遂歷六載循例擢寧津令
以試治行至則延諸生譚經猶蘇也會京畿諸郡
曩以軍興故征歛繁重流賊甫平寧津小邑疲困

歐虞部文集

卷之十三

五

未蘇且供億候置什器芻粟舊委諸編戶歲額定
數十大家箕歛給役百姓苦如東涇得代若解懸
公覈羨稅度支在官工賈簿正支費不以緩急困
苦邑民田里晏然又未嘗飾廚傳稱過客輟擊出
其塗者頗不悅未幾以外艱去畢喪有終焉之志
邑人故相梁公儲得請致仕日與之扁舟相從樂
也當是時世宗初政擇用循吏梁公力勉之起大
冢宰知其入補令長汀待次召入也汀守方議恢
拓郡城佐貳適監司親黨利於督工公上議兩院

曰東南海上綰波而郡者數城莫汀堅也軍衛在
焉城小易守兵不雄之千艘而雄之百雉哉是役
也豈不知綏奠民萌然工築苦矣時詘舉羸某以
爲非便民驩呼罷役而擠排已釁於此公竟歸矣
中丞聶公賢在虔臺歎曰蘇令去汀民孰賴乎非
朝家擇用循吏與民休息意也歸則漁釣碧江之
上數年乃卒蓋嘉靖丁亥正月二十四日也年僅
五十有四娶黎氏趙氏無出繼娶秦氏何氏秦蘇
州人生一子夢龍一女嫁泰安州吏目歐乾初何

歐虞部文集

卷之十三

五

同邑人生一子夢麒卽叔郊一女嫁何克孫男女
十人子蕃子和子參一女嫁何可久俱夢龍出子
昌子昇子昂女嫁歐莘余次子也幼者未聘俱夢
麒出秦氏生于弘治辛酉二月十五日卒于隆慶
庚午六月二十二日何氏生于弘治壬戌正月二
十八日卒于嘉靖甲寅十一月初六日二櫬與公
合嗟夫經無專門久矣弘德間嶺南傳小戴禮者
稱黃郎中其門人魁于省魁天下者十數舉不絕
公尤世守曲臺之訓至今八桂三吳河間汀州之

士傳其業者尚名蘇先生禮也與東海孟卿家
世爲禮乃喜也從田王孫受易哉然以公之經術
治行終於一令未能行其志百一惜夫惜夫于是
刊石銘曰胡其祿不延胡其福以綿有封蓮湖若
屋然後千百年斯爲長汀公之阡

歐虞部文集

卷之十三

七

歐虞部文集卷之十三

歐虞部文集

嶺南歐大任楨伯著

誄

許長公汪孺人誄 并序

歛許長公暨配汪氏卒有年矣余識其子太史國于京師而讀王荊公所敘譜始唐睢陽太守遠之孫避朱梁于江南其後曰規者嘗羈宣歙間歸旁舍客骸于千里而還所餽金于其孤後以子贈官而子遂善事母述以官讓兄其妻事長姒如母迺

歐虞部文集

卷之十四

亦以事母兄聞自遂昆弟子孫皆列仕于宋蓋以孝友世其家而長公譜宗之矣然其質行亦往往似焉長公於叔歸喪還金至竭產曲全其孤孺人以孝相長公事繼母及讓其三庶弟俾諸姒沒齒于伯氏無間言故士大夫稱之甚具而此其尤較著者余竊悲世抱處士之誼多不得施于後世若夫女士之泯滅何可勝道哉長公孺人其歿未幾太史自致青雲當 穆宗皇帝卽位覃恩贈公翰林院檢討贈汪氏孺人而其撰述往行皆世之文

章鉅公則長公孺人亦慰藉于地下矣乃太史言之未嘗不悲痛至深豈以昔之歸喪還金誼雖高而非有骨肉不可解其孝友在家門者未聞涉世多艱隱約而當厄苦有長公孺人若斯之難者也太史揚休紹烈雖倍昔而未艾然追悼往事其孰不爲之咨嗟者耶故余哀之乃作誄曰

歐虞部文集

卷之十四

二

篤其慶贈秩是地世敦孝友雲仍祁祁東門之許閭右所推猗歟長公少失所恃病廢佔畢間通書史浮湛市肆從叔轉徙決筭操贏一切所倚叔本任俠游交國士公奏尺牘江湖誦美逮護叔喪歸自千里完其橐裝遺孤是以諸弟構孤必置之死賴公解仇肉骨而起存叔血食于孤乃爾孤則反噬盡索弗已我不負叔何有于彼竟弗自白長者如此資季修業國課是庀季則匿之更費以抵置而不問囊之罄矣收債東吳折券歸止公之雅行

允矣君子亦有孺人德音懿穆解珮傾奩佐夫轉
轂舅老姑繼暱三庶叔克諸寔艱以莫不淑姑亡
舅疾藥餌饘粥克孝克勤拮据蒲伏衣潔則笥食
旨則蓄黽勉問遺嫺黨以睦夫賈而廉數歲不復
簪珥既脫女紅每鬻終歲單衣併日脫粟雨雪做
泉乳兒而賓宿午無烟自甘枵腹二子就傅及婚
我鞠嗟我良人化離顛覆公畢叔喪攜家以賈數
歲同歸骨肉爲虜產旣遁割就塵而僂里豪齟齬
外禦諸侮親尚藁葬豈謂荼苦諸母無歸乃公是

歐虞部文集

卷之十四

三

怙孺人曰咨傷哉我父憐我季女能持其戶終鮮
昆弟就養者母有姊是依俱歸之土亦如丈夫幹
家之蠱公統宗儀纂成世譜諸宗有卻居問詡詡
將杖于鄉雖疾而瞽宗老嚴事會食維主饗發匕
箸孺人是躬執爨必踏當歲苦凶勺米豆蔬先奉
以充自將糠覈諸婦是從曰不下堂亦以御窮俾
爾君子業則專攻勿使卻顧患我屢空是成太史
曰維次公褒然舉首赫赫許宗公聞而逝孺人繼
終免喪三載太史獲封載錫之光公德彌崇義載

于家規也則同終窶且疾諷誦從容孺人相之豈
不肅雍黔婁旣邈亦有梁鴻之子齊德今也則豐
雖啻于身其後斯隆何以太史言輒涕零父當廢
視侍而弗寧急我孺子往而成名曩謁膝下我已
七齡母疇若婺夙夜京京昊天罔極未覩厥成風
木有懷悼我所生薦紳聞之潛然以傾嗚呼哀哉
側聞太史未領鄉書公疾烝烝嗟其次且孺人好
襪曰巫告予東門有後兒大吾閭惟子與汝恐先
而徂祿未及養慶留其餘爵膺于後躬乃弗居班

歐虞部文集

卷之十四

四

命賜策誅德宣譽萬家輟杵百代式廬鄆山有載
練水其潛太史銜恨悲慕何如嗚呼哀哉

貞宣先生誄

有序

在謚法不隱無屈曰貞聖善周聞曰宣貞宣者學
士大夫私謚裴世傑先生也當成化時閩之易學
有林氏玘蔡氏清先生之學尤邃於易其論曰玩
乾則可惕若无咎玩艮則可安身立命玩无妄則
可明誠守一玩家人則可御情正內而其究在於
咸之咸感斯動而莫深於研幾動亦未嘗不靜也

惟聖人靜而不靜爲存神動而無動爲過化實人心本體一致之妙何思何慮之淵藏孔聖致詳於憧憧之論爲學者立法也一時尊其說福泉以南莫不推轂裴先生先生嘗舉鄉進士蚤卒子聰傳其學嘉靖中孫森爲戶部尚書蒙 恩贈先生如其官於是復姓馬而學士大夫誦馬氏學自先生始矣先生墓木已拱任仰德滋深因追爲之誄曰於鑠俊人毓祥降誕肇先大梁厥世隆漢遷閭爲宗以姓表閭俊人挺生靈根秀幹嶽立崔嵬玉光鳳虞部文集 卷之十四 五

璀璨稚齒得師弱冠在泮七經宏深百氏浩瀚學宗商瞿周易可按菑川楊何廣川孟但道本筮占神明幽贊爰絲卦畫遂窺爻彖極深研幾辭觀占玩究于本原汎及波瀾有裴名家來學質難誦說躬行仁立義斷亦既絕章豈徒操縵薦書甫行蓋棺永歎恨此促齡屈彼長筭士失楷模國摧圭瓚三復遺書後生仰鑽嗟嗟逝水鬱鬱墓林名山劍闕大海星沉蕭寥玄室淒斷玉琴文範莫作玄晏寔欽易名私諡匪今斯今盛德不朽永播徽音

哀詞 附

大司徒鍾陽馬公哀詞

若有人兮鍾山之陽纓蕙帶兮荷爲裳抗芝棹兮植桂棟張椒帷兮扃葑房羌獨往兮餐明霞吸元精兮結若華究無始兮愴大荒思六合兮而爲家忽駸駸其高騫兮翕北驅而凌厲斥豐隆而鞭列缺兮造旬始而謁上帝豹羆能轄左右若馭空兮倏雨滃而衆衛秉亂節而沛鳳矜兮吸噀鼎歛以容裔帝謂荃之芳馨兮命高駢而授之轡儼馳驅于大陸兮騁過都之驂騑矚聖哲之高軌兮敢夷豫於林丘世果值夫唐虞兮遜不可兮巢由曆已屆夫姒姬兮身若許兮傳周俯青嶽而攬朱陵兮折寒門而燭玄洲四方上下以攸邁兮望鍾山而歸游左滄海而右武夷兮又何不可以久留厭埃壙之糾紛兮揚芒爍而不可止紆壹鬱而太息兮駕鴻濛而迤靡劃砰礚兮雷電俄雲譎而波詭紛鼉鼓兮宵鳴恍象軼兮晨征過崦嵫兮萬里下天門兮揚靈荃何來兮翩而翔天蒼茫兮江日黃曰

耿耿兮愁予
怵四顧兮徬徨
邈鍾山兮終古
寄遐思於扶桑

歐虞部文集卷之十四

歐虞部文集

卷之十四

七

歐虞部文集

傳

嶺南歐大任楨伯著

曾處士傳

處士諱輝姓曾氏字虞光湖廣承天人其先江西彭澤人也先祖某以武功爲千戶始居安陸父遜治經爲儒以鄉進士宰蜀之金堂七載而歸清苦自潔貧至鬻田以償夙逋蜀人稱廉焉處士少誦習儒家者言受周易論語旁覽史傳及稗官小說

歐虞部文集

卷之十五

一

下帷績學而體羸多疾母高夫人以一子憂之乃命廢業退而明農然不治家人生產淡泊簡素飯粟羹藜食無重味又不能酒冠履至敝猶潔一白紵衣三十年辟積如新也有別業在郭外歲恒居之樹藝花竹鑿池畜魚時時作詩詞與鄰翁倡和以爲娛事金堂公最孝比卒哀毀骨立治喪一遵朱氏家禮奉母極其歡心母年八十處士已六十也怡愉繞膝有老萊子兒啼戲絲之歡焉篤厚宗族親戚急難則力賙之平生與人無爭族弟有橫

者妄侵田畝遇輒恚怒處士疾避之遣人諭之曰寧相讓毋失兄弟權也橫者後竟心服從子同室而居不可教誨處士愧之一日侍酒憑怒敢犯處士將甘心焉竟不與校惟仰天叩頭曰蒼蒼在上應鑒我心彼其人早死流涕亟往撫而哀之人益以爲不可及子弟有言人過者輒戒之曰豈嘗親見之乎慎勿輕言御僮僕尤恤其饑寒勞苦晚年好禮佛每五鼓起盥漱端坐誦經百遍出遇老稚癘疾不能自給者給之病且死則爲資藥與槨焉

歐虞部文集

卷之十五

二

閭井之間誦義無窮矣初督課二子璠秉及孫省吾業曰家世衣冠余以病中墜負先志矣然祖廉吏後必復興繩厥祖武在汝嗣人念哉念哉丁酉璠舉于鄉則喜曰吾母猶及見也已而悲曰嗟乎吾父無及矣乙卯省吾又舉于鄉丙辰連舉進士則益喜曰先志也焉得吾父母俱見今日哉比省吾出宰富順乃手錄金堂公清白吏事以爲教復戒以詩曰官在清今民在恤農宜勸也學宜敦人十多誦之庚申省吾被召入補工部營繕司主

事壬戌璠乃舉進士授刑部浙江司主事甲子璠將請告歸省處士持書止之曰我且無恙汝世受主上厚恩三年滿考庶幾無過我幸獲封一官志願畢矣趣歸何爲先是有司屢請鄉飲不赴是年鄭太守孫推官造家敦請始一赴飲郡中以爲榮處士益八十有一矣實始入公府見官長也乙丑秋忽遘微病旬日呼秉命之曰璠與省吾不可復見勉力忠孝吾目瞑矣死當以幅巾野服歛葬以處士題于墓上逮七月十六日竟卒距生成化甲辰九月二十六日享年八十二配王氏繼室魯氏俱先卒子二卽璠秉也孫四長卽省吾今爲工部營繕司郎中次某某曾孫某某

歐虞部文集

卷之十五

三

論曰傳有之期年樹穀百年樹木誠哉言也故士之植德者鮮不食其報矣余觀曾氏譜諱戶侯起家世積宮闕高皇帝所以報汗馬之勞者豈其微哉承天今皇上龍飛之邦也學士大夫矯迹風雲靡不蒸蒸起矣處士以清白吏子布衣終身隱約行誼一何鞠躬勤苦耶宜其子孫冠冕蟬聯

不絕也比部繕部父子皆稱世德與余善故爲之論著云

潘隱君傳

南海名族有冲鶴潘氏其族非赫然盛也然子孫務教導耒耜多修其先人之業以儒起家者深于經術斤斤奉禮法卽蜚遯山林中亦詩書藻潤也表嶺海者其潘氏哉余世姻潘氏雅與隱君之子光統游誦隱君行誼夥矣及觀隱君兄郎中君所述毛細事皆勤儉忠厚可爲世法故列之傳傳曰

歐虞部文集

卷之十五

四

隱君名杞字材夫其先閩人也宋景定中始祖達德自閩遷南海之冲鶴里遂爲順德人傳五世曰銘拓業元宗鬱爲右族銘生文澤文澤生眞惠素長者鄉人擬之萬石君隱君幼稟穎識七八歲卽機警善應對旣家世淳謹好學受詩于黃弁先生復從梁子棟氏受左氏春秋博聞該記纂次異同不爲胡氏比切苛細之學年十有五業駸駸成矣會其父老稍倦事兄桃梅並補學官弟子隱君乃跪白父曰兒旦暮謳吟簡牘沾沾守章句家之繇

賦供輪祭祀賓客米鹽裘葛百責也敢獨遺大人
憂勞哉於是廢所治書服勤家政日載醪擊鮮奉
其父與耆舊燕游詠歌于山椒水滌父逸豫忘老
兄梅得卒業焉迄成郎中之榮名郎中自計偕後
仕游中外不得顧其私家隱君治父兄產一錢不
入己室內外無間言常戒弟椿母忤物撥禍貽父
兄感椿感悟力善故其祭隱君詞有曰念兄于我
無誨若子聞者喟喟歎也先是同邑余翁與伍媼
有女甚愛之竟歸隱君諸子非媼出媼嘗曰吾祇
歐虞部文集 卷之十五 五
一女耳所不足非財也橐中之資若自擇焉竟辭
不受媼卒則悉治其喪葬具一不以煩諸子于是
始出婦奩資置田僅百畝人亦多其義家故有世
業田千餘畝隱君課童奴夙興力作其耕耘糞澤
田器皆有便巧舍旁植桑百本麻百剛蔬茹瓜瓠
百畦丘陵木千章隰上竹萬箇陸地千足羊千足
羖牛驪千下澤千石魚陂春獻腥膏夏取果蓏秋
蓄稻秫冬伐薪蒸而蔀縷絲帛酒漿脯醢之具足
佐歲矣隱君家行備尤喜賙卹貧匱姻族待而舉

火者數十家其接人夷愉有禮未嘗睚眦人人亦
無睚眦之者教子謹擇師友所藏經籍子史文章
諸家言甚富手自書行已要語于齋戶俾觀省率
鑿鑿中倫慮故光統博學篤行蚤知名當世云祭
觀趙過爲搜粟都尉歲代田以休脂田脯田教太
常三輔居延張掖田三犁一牛二千石遺三老受
田器學耕稼養苗狀而皇甫隆教燉煌樓犁省傭
力過半也隱君居田間相牛問稼好覽范子計然
月令淮南雜陰陽五行家及仲長子汜勝之書善
歐虞部文集 卷之十五 六
因天時盡地力獲農桑之利有積藏頗與千戶侯
等社里螻蛄恒爲祭酒惜二千石令長無知者使
遇漢高惠文景及我 皇祖時孝弟力田非其人
哉非其人哉

鍾御史傳

補修順德縣志作

鍾善經字理夫順德之都粘人天性孝謹不言而
躬行居父母喪皆不進鹽酪者百日終三年未嘗
御酒肉雖盛暑必服衰而半武不出倚廬祭葬無
少踰禮者創建家廟出自己貲長姊早喪育二甥

女如己女擇壻厚嫁之弟善綸先歿撫卹其孤寡同居共爨內外無間言少篤志問學以明周易補縣學生正德丁卯領解額高等辛未登楊慎榜進士授福建興化府推官守法慎刑每獄疑獄部使者驚以爲老吏不如也故署考有片言折獄一介不取之語興化士大夫亡慮數百人亡不譽其賢能者假官楊日新勢張甚寮案尊禮之至則詰以數語不能對卽縛送臬司按治如律總鎮崔太監使一指揮往鎖府吏竟叱去之崔怒欲求事中傷

歐虞部文集

卷之十五

七

不可得及相見反屈服焉其發姦擿伏不畏強禦多此類被徵爲御史差往盧溝橋抽分竹木廠實授福建道監察御史會武皇帝北狩力諫回鑾嘗劾奏錦衣千戶陶淳不法又彈太監崔文蒞景賢以風力聞京師居無何卽上疏乞歸屏居杜門有司屢勸駕不起督撫巡院交章以學行薦于朝未召而卒卒之日貧不能斂當道競周其喪弔者如市郡縣諸生以其行白于督學督學曰賢如鍾御史固常尸而祝之也今祀于府學仰高祠

胡知縣傳

補修順德縣志作

胡崇德餘姚人也以進士知順德縣爲人爽豁嫻于言辭然貪鄙暴酷以鋤強治奸爲事大良陳廷禮邑之豪猾也家藏亡命爲爪牙多至百餘人三時游閑不事田作秋熟則廣築場圃率其爪牙盜穫杭稻無算農人患之二千石莫能制視令尉蔑如也崇德至首按誅陳氏父子并手下數人破碎其家豪民重足壹迹嘗得真盜頌繫獄廳謾爲好語休煥之先廉鄉落富民第其家貲于籍令盜誣

歐虞部文集

卷之一五

八

指曾寄金帛器物于某某勾攝富民至則考訊百端按籍責賄謂之買命錢不盈其數者皆歷爛獄中矣爰書論報一夕燃燭坐堂上呼真盜于獄盡鞭殺以滅口居歲餘益淫刑恣貪咎死良民以千數是時掾史皆務深文爲姦猾民佐之以鷹擊毛摯爲治行杖之隸無不家累千金邑中不寒而栗人不夜行犬不羣吠先是城外有虎驟至未幾崇德下車民私爲之語曰虎去胡來蓋蒼鷹乳虎不

是過也惟獨禮接儒生于四方賓客則造請不倦

以此多游聲譽上官以爲能御史王德溢廉知其貪酷狀先檄崇德查盤連州乃行部過縣考覈實迹于是下教曰民有含冤願訴胡令者聽日受牒百章遂收治之竟奪官去歸家解橐中金買陂田殆百頃云

翁尚書傳 纂修廣東通志作

翁萬達字仁夫揭陽人生而穎異五歲能誦書比長有文名嘉靖丙戌登進士授戶部主事督稅監兌所至有聲權河西務疏戚晚侵奪語甚峻 上

歐虞部文集 卷之十五 九

可之庚寅陞署員外郎督通州倉會權貴阻撓運道使人奪其舟乃不敢犯漕令謗言朋興屹不爲動辛卯陞署郎中議奏鹽政利弊會圻輔大饑奉命出賑減去騶從巡行勞來立法簡便周至民甚懷之咸曰活我者翁公也屆平奉 上嘉獎有金帛羊酒之賜癸巳陞知梧州府時方興兵供億經畫悉力立辦而尤以厚學校正風俗爲首務咸寧侯仇鸞縱健卒橫行市肆間卽縛其首十餘人杖擊之乃遣于是相戒無敢犯丁酉討安南擢廣西

副使首列征南事宜白督府蔡經行之登磨懼採毒藥以試刃收巴豆困集置上流截竹筒埋地中冀陷馬足陽言先襲廣東以撓我時賂邊氓覘伺我事以一關吏飭賂往來不復能禁萬達于是密募敢死士入僞都旬日盡得其狀乃下禁令曰敢有出境與賊通者磔之籍其家能擒莫賊一人者予百金登庸聞之愈恐莫知所爲乃上議于經尋復議善後之策十四事皆原始要終足爲經制云秋八月陞浙江右叅政督府上疏以萬達通達國體曉暢戎務宜終始安南以贊成安攘之功 上俞其請改叅政廣西時尚書毛伯溫奉 命征撫九月萬達承檄分屯龍憑思明等處簡士卒礪器械足饋餉營師以聽于是登庸詣鎮南關親繫組以降遣其姪文明與其土目許三省奉 表入朝其辭甚哀于是伯溫經鸞會兩廣三司以登庸投降區處機宜奏聞 上是其議報可罷安南爲都統使司班師論功進爵行賞有差是役也萬達之功居最初登庸來降萬達與諸同事步出鎮夷關

歐虞部文集 卷之十五 十

登庸持箋筆乞言其意故以舊我也諸同事讓于萬達萬達執筆大書首言 朝廷以好生爲德待以不死恩至渥也中言宜永肩一心臣服南荒詞氣慷慨筆力嚴勁以授登庸跪讀惶恐稱萬死匍匐而退壬寅擢四川按察使癸卯擢陝西布政使時諸藩以祿聚訟比至裁取適宜無不懽悅甲辰二月擢都察院右副都御史巡撫陝西釐奸刻弊煥然一新時出拊循關中晏然十二月擢兵部右侍郎兼僉都御史總督宣大偏保軍務兼理糧餉疏報謝大約以鞠瘁自誓遂劾 奏將官邵永姦貪姜輿衰老於是選將帥集客兵廣峙畜修器械固險要謹偵探明賞罰西鄙邊備堅不可犯秋七月大同宗室充灼等潛謀出邊勾虜爲患禍在門庭萬達廉得其情密行總兵周尙文擒發姦迹顯露者以聞不動聲色坐折逆萌八月虜大舉入寇萬達督官兵奮勇鏖戰險遏敵射死者二筭虜畏遁去捷聞 上悅賞銀五十兩紵絲四表裏寫敕獎勵乃議築邊牆延袤萬餘丈親自區畫又序

次畫圖說以進省費約九萬餘兩兵部以 聞陞右都御史兼兵部左侍郎蔭一子賞銀五十兩紵絲四表裏冬十一月宗室謀叛獄成 上曰剪除禍萌功出非常兼官蔭賞如舊萬達復爲河套議凡數千言大要論復套與搗巢不同惟欲謹亭障飭戎備和行伍固元氣以俟其隙爲計之得聞者稱善己酉春虜入宣府將逼居庸以入萬達諜知之夜草疏請以周尙文率領精銳以遏虜衝大戰三日夜萬達躬擐甲胄督兵數千人來援麾下將歐虞部文集 卷之十五 七請曰虜騎充斥未可進萬達曰我志決矣誓不與此虜俱生于是馳驅先入衆無敢後者會西風大作萬達輒索車數百輛曳柴以進塵霧蔽天虜大驚曰翁太師兵至矣解圍而遁 上密遣人緝知虜勢猖獗及萬達親督戰狀已而報捷疏至 上大喜陞兵部尙書兼右副都御史五月召入爲兵部尙書冬十月奔父喪庚戌秋七月大同帥挑虜邀功失事 詔以金革奪情起復萬達適病疽扶病上疏乞終喪會虜由古北口入蹂踐畿甸京師

戒嚴 上特趨召萬達聞之慟哭曰主憂至是豈
臣子愛身之日乎即日哭于几筵不告妻子力疾
單騎就道間關萬里未及四十日抵京仇鸞譖萬
達殊急時虜雖出邊浮議蠶起 上屢問曰翁萬
達至未耶有疏不得達 上訝以爲遲奪秩候用
不數日起爲兵部右侍郎兼右僉都御史經畧紫
荊諸關會兵部抽民兵令急遠近騷怨萬達疏其
未便寢之省費無筭三鎮賴之萬達晝考公事夜
念家艱憂瘁殊甚足疽忽作不能動履又上疏亟

歐虞部文集

卷之十五

三

賜罷退以終守制之情語意迫切迺得解歸瀕行
謝疏中字訛誤 上責斥爲民冒暑歸鐵林葬父
廬于墓側爲書數千言告泰泉黃佐述其墨哀不
得已之情誦之莫不感愴鮑江故有河通諸邑潮
久而淤疏治之舟楫通利居民大悅壬子冬十月
詔復兵部尚書而萬達方游武夷鯉湖至清流縣
病作謂其僕曰亟歸吾將逝矣越十三日至上杭
舟中大劇張目仰天哭曰我遭逢 明主受國厚
恩乃今長已矣其何以報問其家事不答瞑目而

逝又二日抵家斂之時眷宇欣欣如生又四日
簡命臨門則已不及見矣萬達性剛志潔思深猷
遠視抗千古心雄萬夫坦而有制沉而善斷胸襟
灑脫洞然如青天白日時出經濟真如迅雷之不
可禦鬼神之不可窺故能達變傾否動有成筭雖
古社稷臣亡以逾也所著有稽愆集平交紀畧總
督奏議若干卷藏于家

唐太守傳

纂修廣東通志作

唐守勳字允懋番禺人家貧力學志向端謹嘉靖

歐虞部文集

卷之十五

古

辛卯領薦督府以學行延之嶺表書院教諸生多
成材甲辰登進士知閩縣舊例歲收綱銀以支公
費不足則預徵民甚苦之守勳裁革浮冗樽節出
入遂積有餘美適值荒歉民獲樂生僱外艱復補
任貴溪邑無城郭寇至率民兵禦之擒渠魁而還
鄰縣安仁民有爭訟守勳受委往勘兩造乃平撫
按交薦遷南京戶部主事歷郎中適倭寇屢至客
兵行糧皆善經畫已未擢興化知府衝炎就道卒
于贛州年四十有九守勳厚于倫理教其弟四人

如嚴師然急則捷之皆嚮學有立比在南京業師湯朝達之弟鬻其祖宅守勳聞之還其契券不索原直同年孫學古令東莞卒于客邸躬治其喪助其殯歛鄉論賢之善詩文有集藏于家

古泉先生傳

夫巖居淵潛悲埋滅不稱多附青雲之士鄉里庸篤廢著市鬻齧肥策堅家擬素封懼文辭不少概見豈疾沒世無名哉君子繩樞甕牖而負當世之畧窮經博古而履幽人之操生不干譽死闕其聲

歐虞邵文集

卷之十五

五

亦各徇其志也余誦古泉先生義至高暗斯世或異焉先生姓陳名唐字子舉吳之崑山人也其先嘉定人也自宋千五公始先生生甫朞而孤會歲侵母王氏拮据鞠育以遺命依其仲父稍能言仲父嘗置膝上口授詩書輒成誦少長出就外傳祁寒隆暑服習不廢年十八補博士諸生督學使者數試高等崑山易學出先生四世祖翊翊爲應山王教授先生既受家學仍世專經嘗發憤于是謂八索滯于辭三卜倚于象非古易與仲尼十筮意

也商瞿而下象辭岐焉丁寬下逮費鄭王韓離章

雙說談經勝矣孟喜下逮翟范焦京射吉占凶測

筮勝矣聖人作易開物成務是之謂用非說而占

也已惟宋人能以心談理惟程氏能以心測筮惟

朱氏其學不倚于繁疏而博釋典矣非苟言之也

弟子從而受業者百數十人薦紳大夫爭延致之

應山之學至是益衍矣與邑人王司業繩武先後

有大名兩人既通家慕重期許並有王公大人用

易之志而淺薄海內之爲舉子學者守諸生三十

歐虞邵文集

卷之十五

六

餘年數舉不第母久病先生終母之世不遠游卽以厚幣招謝弗往也仲母龔病瘍親奉湯藥衣不解帶者五月及弗起諸舍歛殯葬事以身任之一不以煩仲父先生無兄弟法不得爲仲父後然所以事仲父母則父母矣從兄新昌公失官家益落先生以束脩所得者佐其急不足則奔走稱貸而自爲之償人或有所饋遺則確辭不受性不喜譽藏名章縫間以終其身恒詒其子曰世修壽頌炫葬誌卽田野不齒之僉表列如大賢名哲竊憤恥

之吾生日不爲壽歿亦不必有墓銘可謂篤行君子獨立寡儔也已歐生曰余過吳登梅里望虞山泰伯仲雍冢故在孔子所稱至德亡如荆蠻文身斷髮天下且讓矣惡徵後世名耶今之人士操狹而取庸多實鮮而邀譽衆夫狗名與徇財等耳世寧復有古泉先生哉先生長子王道舉進士守鄭州光州今徵爲工部員外郎次子王政邑學生俱與余善故論次焉

趙按察傳

歐虞部文集

卷之一五

七

公名勲字彝伯姓趙氏先世出宋支裔自金陵戍廣今番禺人也少秀整頎頎長好學博通經史弱冠補郡學諸生督學憲副歐陽公鐸蕭公鳴鳳巡按御史蘇公恩咸器重公嘉靖戊子舉于鄉辛丑銓授江西瑞金令瑞金爲贛小邑鄰于閩之汀州使傳旁午供給繁苦泰和安福勢豪多以寄庄優免土著民久患差役貧不堪命公申請均繇始得蘇息節省浮費興起學校瑞金素乏科名弟子員戴汝器公所授經也輒舉中式龍南信豐饑芋載

道委往賑濟存活者衆署他邑事一如瑞金循良之聲出于他邑民不啻若瑞金民矣江西巡撫都御史張公岳巡按御史魏公謙吉交章薦之先是安遠有黃鄉賊洞路通閩廣萬山巖險征勦莫及賊葉氏世統其衆也曩設軍門奏給千夫長印使之羈束乙巳冬千夫長妻曾氏代夫主洞二子冲幼姪葉經糾衆剽掠提督南贛都御史虞公守愚奏征之官軍敗于賊殺一千戶一縣丞勢張甚於是兵備副使薛公甲謂虞公曰事迫矣非趙瑞金莫辦此賊幕府名問方畧公曰賊方銳戰必敗也今聞賊亦自困且厭其首亂者可往諭使自縛虞公壯而遣之遂挾四小隸單騎入洞初往賊猶未信列兵露刃夾道擁視公推誠慰撫曾氏相率跪服手縛葉經及梗化肆掠者數十人以獻餘黨悉降公又諭曾氏曰官軍征汝奏聞于朝今雖縛姪而二子不誅軍門何以稱效順誠悃曾氏卽出二子付公曰二豎子之命在公矣公曰二子卽吾子也當是時諸邑聞瑞金縛賊且得曾氏二子懽呼

歐虞部文集

卷之一五

八

道路公以二子入軍門觀者萬人無不稱快虞公不待奏報卽以便宜赦曾氏二子送郡學觀禮公再入洞築城寨設巡司而黃鄉賊無不懽呼樂業者是役也不餉一軍不廢一矢百年通誅一旦歸命非公籌畧豫定得其要領能不戰屈服耶幕府奏功論賞虞公特疏薦焉丙午考最獲封父桂如其官母梁氏妻鄧氏爲孺人蓋殊遇也其年適以治行徵入矣丁未選授南京四川道監察御史舊規內守備太監守備國公不理細務惟人命賊情

歐虞邵文集

卷之十五

七

許兵馬司引稟時漸不如制且役辦無名竊盜攀指最爲民患公疏五事禁無名之差役革官司之借辦罷竊盜之工價嚴巡捕之考覈省引稟之煩勞世宗皇帝下其奏南京守備諸司爲之斂戢武職犯法憲臣窮治波及無辜幾至激變事聞覆議公叅鞠之懲其首惡餘皆薄治上俞允之壬子遷山東按察僉事巡東交濟南二道執法詳明存心忠厚審錄獄囚決配者卽遣冤抑者卽免齊魯之間稱明決焉歲大饑人相食巡視極卹不遺餘

力豫檄州邑告賑卽發不待報可民賴以生者萬計隸荒之策一如龍南信豐矣僉事三年所巡按巡鹽劉馮孫楊四御史前後論薦于朝甲寅以憂歸遂不出家居課子思謙思基學令與蒲君凝重鍾君繼英爲會戊午蒲鍾二君登科辛酉思基遂領鄉薦乙丑蒲鍾登進士思謙積學郡庠日駸駸起可無憾已公爲名令尹名御史而按察尤有聲五十懸車論者惜其位不究德云所著有遺集五卷藏于家外史氏曰余爲諸生時趙按察以御史歸見泰泉先生先生方授余經離席立侍先生顧趙按察曰御史好官須做好人趙按察盤辟伏對曰敬受教袁叅議者分宜氏壻也與趙按察舊同官強之起曰君但行外舅必能爲君地久次可中丞也趙按察謝曰君意良厚第烟霞已癖夢不到長安陌矣夫趙按察砥礪名節如此其得于泰泉先生豈淺歟哉此可以觀趙按察也已

梁比部傳

嶺南在國初稱五先生詩嘉靖中蓋有梁比部云

歐虞邵文集

卷之十五

三

梁比部者諱有譽字公實南海人也父世驃以進士爲御史轉福建按察僉事有風憲名公實質穎貌古童時日誦數千言長益湛思博覈自六經以逮百氏外家小史靡不研究弱冠補博士弟子員厭訓詁括帖語與余及陳紹文吳旦黎民表陳冕黎民衷梁孜黎民懷梁柱臣講業于黃先生所以古詩文共相劇切尤砥礪行誼海內學士大夫往往誦余嶺南詩癸卯公實舉于鄉庚戌成進士當銓注輒稱病後期乃授比部郎朝夕曹署明清單

歐虞部文集

卷之十五

主

辭審視桎梏大司寇以下咸重之貴臣以讒論死下獄雖不貸於法意悲憐之爲之洗沐左右皆感慨泣下獄中一囚爲一權力者所惡當公實亭讞時欲其文致成獄竟不從頌繫寬釋之邊人少時被虜入漠逮長奔歸偵者得之以爲間諜訊得其情竟宥其死治獄務平反文無害省中稱長者居曹日無事得以博綜邃學多所譔著求當于古作者不屑爲今人詩請沐輒從謝山人榛宗考功臣吳舍人國倫同舍郎李攀龍王世貞徐中行唱和

爲樂都人無不標目七子焉旅食三年蕭然一室歛避權貴無所造謁袁州當國建安爲冢宰聞其才子計致門下遜謝不往居比部歲餘卽上疏謝病歸奉母太孺人婆娑家園課兩弟有兆有貞學皆成三梁始競爽矣構拙清樓以居左右唯太史公書杜少陵集扁戶吟哦罕通賓客繡衣直指郡國二千石諸請頌功德者恒以病辭郡中少年伺其閑燕駕逼出游終不得一幸臨況也修復粵山舊社招邀故人相與發憤千古之事見余南粵賦

歐虞部文集

卷之十五

主

秦關銘任囂城趙陀墓諸篇喟然曰吾黨狂簡亦斐而成章矣于是作詠懷十五詩社中人自以爲不及也陳紹文黎民表梁孜與公實游白雲蒲礪巾舄所臨翺翔八極所賦有一死生齊物我意已而遣書約余游羅浮曰丈夫生當龍蠖豈能局促效轅下駒上世之士蜚遯雲霞覽輝千里胡輓近世一以獵纓影組刺肥策堅之爲能也天下健者已目睹矣孰使子骯髒而倚門爲朱明之天將支茅焉夫山林臯壤文藻之淵府也足下能有意乎

時余隱西樵不克偕公實東行未至羅浮而返一疾竟卒年三十六有比部集八卷行於世子逢登郡學諸生世其家歐大任曰柱下有云君子得其時則駕不得其時則蓬累而行公實一仕卽已豈卑歟蓬累爲名高乎彼其學無所不闕直以屬書離辭指事類情成一家言樹不朽之聞于斯世得矣千古在前將旦暮遇之其生也有涯其知也無涯孰能以靈光太玄爲子雲文考恨哉公實雅不欲名然名者實之寶也顧令海內誠人人知梁比部矣

歐虞邵文集

卷之十五

三

監察御史王公傳

毘陵在江南衣冠最盛公卿以至郎吏數十百家蓋蟬聯不絕也豈地氣固然哉彼其碩德弘藻每致通顯以余所聞王御史其一也御史諱瑛字汝玉先世居石沙而遷無錫因稱石沙山人初受書于邊進士伯山伯山讓其華采且謂其幼有成人之度辭不能師南畿諸郡邑皆聞無錫王生又往往傳無錫王生文正德乙亥出應臺試督學使者

張仲齊選爲邑學弟子員爲文厭經生頽爾力振迅蹕厲嘉靖壬午鄉試應天中式三赴禮闈不遇歸則結廬山中潛心大業探討奧眊究明指歸約其闕博以造于深厚爾雅詞卽高峻亦不戾于格一時與唐應德薛仲常先後起毘陵矣壬辰會試程太史舜敷得其卷異之取置前列仍梓其文爲式旣成進士則試吏部政大冢宰而下咸重其才授太常博士當是時世宗皇帝方興禮樂隆郊社百神諸祀日贊秩宗斟酌舊典尋召入臺

歐虞邵文集

卷之十五

五

貴溪夏少師以議禮合人主意業已得御史于奉常日謂封駁察舉才無右御史者每延譽不已而御史粥粥守官如故也會議南狩御史與同官疏留已而議竟寢御史則奉敕理冀北山東河南馬政摘抉姦蠹條畫便宜牧事修舉爲直指使者最暇則謁孔林觀鄒嶧走大陸泛黃河岱宗崧高無不游詠庚子出按八閩懲官邪重民命獎恬退禁汰侈崇教化旌孝烈清寺田以補虛糧復驛傳以蘇疲邑諸所舉措炳在憲牘海邦頌焉歲當大

比綜覈嚴密校閱精允閩士被其甄錄與解額所遺者人人自以爲恩明而且公可觀也已御史戟髯虎目顧步有威而中實無忤刻簡曠激昂緩急必赴不以空乏爲解而實不能阿附權人閩中多碧水丹山靈區異境如鵬海鯉湖武夷雲谷使節所經必褰帷以廣瞻視于是譏謗叢生及瓜而補外之命已下御史謝病南還恣游寶界九龍璨山懸麓及義興三洞句曲三茅旬月忘返又與鄉士大夫修復碧山吟社家有園林日召故人密親琴

歐虞部文集

卷之十五

五

阮奕博芳辰令節則廣筵合樂華燭飛觴每極賓譙之娛衣冠家有沈隱侯白少傅之風如御史者能幾哉而事繼母則孝養備撫猶子則慈愛周內行純謹殆庶幾沈毓臧熹焉豈但以宦業詩名著江南而已御史所著有溪上集子同穀爲鴻臚寺主簿與余善

論曰學希古士行志御史貴顯矣然遇合難也見幾明決不俟終日君子貴自行志能與規規謏謏者道哉余又聞嘉靖間錫山有華雲華察王問

先生與御史咸蚤退而學各傳嗟夫嗟夫澤豹淵亂意並遠矣

九華先生傳

余觀列國大夫展季遽瑗叔向季札銅鞮伯華介山子然諸人太史公俱不錄顧多鮑叔知管仲之賢且忻慕晏子願爲執鞭豈非因管氏牧民山高乘馬輕重九府及晏子春秋著書可讀故次其行事毋使名埋滅而不稱耶今當塗赫霍者人能侈述懷奇砥行之夫不少概見于史傳余甚疑焉余

歐虞部文集

卷之十五

五

友九華先生姓顧氏名起綸字玄言無錫世家也幼質淵澄神采峯距嶷然秀立絕羣兒游稍長博獵墳典綜貫古今屬對賦詩模碑覆局時閉門下捷求山經洞記誦之窮日夜之力年十八爲郡弟子員厭經生語文則準騷選宗楊馬一時目爲奇士十九入國學謝裘馬少年門庭多長者之客謁選得滇中軍幕喜萬里觀也至則署篆昆明條布五事修學興禮練兵防夷滇人誦之暇則覽太華山螳螂川諸勝所爲詩歌甚工成都楊太史慎長

洲皇甫司勳汭謂其似子長明遠襄陽蘇州蓋知
言云轉貳鬱州申飭保甲之法爲之正五政議五
便鬱方苦採砂之役乃上議曰考葛洪南來爲鮑
靚留止羅浮寶未嘗得砂於此今日之役恐徒靡
敝吾民也請市之辰州便臺府不從役三萬工於
萊山西嶺穿三池得砂一觔於綠珠衝濶深井得
巨砂不過二十兩臺府檄先生馳獻京師時已倦
游矣竟以貢砂事峻獲歸舊林先生四十餘卽休
官其足跡所至走燕魯浮淮漢涉沅湘蒞滇樊踰

歐虞部文集

卷之十五

三

五嶺闕九疑距西甌臨南海寄興幽遐每就著作
所撰有應制立言訓藻咸知昆明勾漏舊林諸集
選明詩爲國雅圖山園爲倡和五十始作知非歷
纂次四十九年之事摭摭十六餘萬言備一家良
史足稱博聞核實也已先生尤篤倫誼隆孝思建
合饗祠於南林爲十二室祀晉尚書右丞君叔府
君而下凡有爵而德業可尊者皆食買祭田百二
十畝以供粢盛薦紳士大夫咸傳法焉歲甲戌二
月雪中先生曳杖行園墮深池幾溺旣甦遂易名

更生字仲長自此棲遯慧麓恣游天台鴈宕間矣
有子祖源祖河祖漢孫凡一十有五人庶曰本卽
歷中所稱小同者源今官大理評事直史館學行
能世其家

論曰嘉靖間袁州柄國每選卽吏家宰必伺袁州
意卽有力者無不優游禁省當是時交戟之內清
修者鮮卽選亦少衰矣顧少保應制入贊立修賜
居通天仙院 人主寵幸方深先生於少保世父
也以供奉之才竟乞官遠地逡巡於滇粵之間崎
嶇萬里飄然賦歸此非何子有陶弘景儔乎是可
觀其志矣宜其令聞長世也哉

歐虞部文集

卷之十五

三

歐虞部文集卷之十五

歐虞部文集卷之十六

嶺南歐大任楨伯著

祭文

龍虎臺告神文

某同使者出居庸關會禱于神也西抵雲中卽聞
俺答黃台吉之衆破墻子嶺而西虜辛愛把都兒
窺邊甚急燕薊戒嚴卽日馳還京師匹馬無虞寶
刀在佩烽火道路皆藉神休茲及龍虎臺東望上
谷西睨鴈門南俯桑乾北控沙漠何壯觀哉夫燧
歐虞部文集 卷十六 祭文 一
煌孝廉守琴書而不出酒泉太守列鐘鼓而空還
已慚二子矣况能鳴劍抵掌騁志伊吾之北乎百
拜謝媿心實感之牲醴告虔伏祈鑒饗

告七世祖墓文

維嘉靖二十九年歲次庚戌十二月十一日十六
世孫大任百拜先七世祖考上舍九峰府君墓道
下告曰先考世元與大任皆我祖諸孫也維昔我
祖生當宋末痛大厦之莫支惜瞻烏之爰止太學
告歸一臥不起潛德山廬騰聲京里雖名軼郡書

而道存家史上天篤祐慶流多祉食于土田胤之
孫子是我祖大有覆冒于我子孫也子孫保有山
墳享于廟祔亦旣多更年曆矣大任方欲與宗人
立宗子定宗禮勒之豐碑以列我祖之德于無極
庶幾萬世子孫不泯我祖之德茲歲卜葬先考靈
龜旣食曰維祔于我祖實保安其體魄思反本而
首丘非敢犯我祖之一草一石祈錫福于雲仍引
子孫于千億是我祖重有覆冒于我子孫也爰考
周禮墓大夫之職族瘞有序明令九步之制外侵
歐虞部文集 卷十六 祭文 二
是防孔林之在東魯丘隴纍纍而相望祖宗孫子
本同一氣豈有限隔于藩墻大任自惟不悖于禮
制亦旣質正于官師苟違制而犯禮是不思我祖
之德而不畏我祖之神威也今將于我祖兆域之
外啓土有期俯伏墓道酌酒陳詞皇天在上后土
在下我祖其鑒臨之謹告

祭梁公實文

維嘉靖三十三年十一月戊戌朔越九日丙午友
人歐大任梁柱臣梁岳謹以香帛牲醴之奠祭于

故承直郎刑部山西清吏司主事公實梁二兄之
靈嗚呼公實今遽死耶前月中旬相從游讌操觚
擲管談笑娛竊謂斯樂可保百年今別廿日耳
而竟至此耶念吾公實負梁棟之異材蔚芝蘭之
逸韻世德表于竹素鄉行著于衡閭當其擢秀南
州飛榮上國優游藝苑毗贊刑書英聲義槩豈前
讓古人哉天胡不假之年而究其用也且今之人
士飾智驚愚盜名欺世顧錫茲胡福引以修齡何
耶予蓋聞之善否人也死生命也修身俟命天壽

歐虞部文集

卷十六 祭文

三

何期世豈無胡福修齡者卒與草木同腐吾知公
實必不戚戚于此而自有所以不朽者俟乎百世
矣惟我交游攀桂樹之冬榮憤嚴霜之晝結覩瑤
琴之尚在感青簡之猶新時徘徊于舊位豈知涕
淚之縱橫嗚呼淒其蒿里惻愴雍門敬酌一觴以
慰貞魂尚饗

祭潘啓純文

嘉靖三十六年歲次丁巳四月日潘君啓純卒其
友某始能以牲醴之奠詣極所再拜而哭之曰嗚

呼君臥病三載矣旦夕望君起也風舫雪騎數往
省君獲視湯藥別歸兩月耳猶旦夕望君起也而
今竟死乎計音阻絕旬日始聞含殮不及其歛哭
泣不臨其屍生死莫知幽明遂隔能不悲哉思昔
歲在戊申與君兄弟定交於粵臺之側己酉之秋
君方髫鬣也被選爲博士弟子負笈南來從我鄉
園逮及庚戌復與君兄弟同硯席于北山談經評
史考蹟析疑然暇則息游尋幽選勝命酒高歌極
生平之樂而今可復得耶君固豪激之士也其軒

歐虞部文集

卷十六 祭文

四

舉之貌慷慨之談倏然若聆吾耳恍乎若立吾前
而今呼之復可應招之復可來耶君氣素盛善飲
啖耐寒暑乃彌留伏枕嚴考終天摧裂肝腸槁瘠
以死屬纊于苦塊之上蓋棺于衰絰之晨天道其
可問耶君上承志于親下受教于昆內不失守于
身外不失交于人足以永年而綏後矣而年竟二
十有六况三雛不育乃又無子此恨此痛行路弗
堪矧于予哉矧于予哉予嘗博觀古人顏淵終天
屈原竟沉汪錡衛社稷而殤介推歌龍蛇以歿太

玄甫就已悼童烏秋風既成遽摧邢子天平命乎
君何恨矣君之英爽未散者將騎氣馭風上下宇
宙之間盍少慰乎臨觴三酌永絕交期悠悠蒼天
孰知我悲嗚呼哀哉

祭少司寇大庾劉公文

惟公稟靈峻嶺分曜列星身章玉度德蘊蘭馨外
敷和煦內秉堅貞弱齡絃誦文采蔚興旁該七錄
蹟究六經洽聞強記擷華咀英志倅公幹業紹更
生詞場豪舉文苑蜚聲藝成學優乃從祿仕啓璞

歐虞部文集

卷一六 祭文

五

試刪發跡郎署飛鳥分符訓兵教士來旬來宣曰
揚曰豫職謹官箴望隆民譽四岳汝諸九官咸舉
帝曰俞哉往撫齊魯移鎮總漕遂光朝著入貳邦
刑側成在慮獄慎于張恤欽臯呂赫赫東府共傳
故事嶸嶸漕臺尚則成賦八座益尊趨踰卿輔四
海望霖如哺如乳公乃遄去服返其初朝焉還笏
夕已縣車辭榮禁寺偃息州閭會樵雲嶠問稼郊
墟庾北有宅鈴東有廬于焉考古撰述成書緘膝
名岳副在石渠八十彌勵不朽是圖謂天篤祐以

式吾徒豈意夢奠哲人竟徂嗚呼哀哉任昔隄嶺
拜公梅麓逢掖何知倒屣推轂既適我館復授我
穀並鑣山椒泛鷁江澳賦以觀志歌必使復別公
南歸年已十六先君之存寄詠洲曲先君之終勒
銘山足世有昌黎貞曜自慙此恩曷忘每食必祝
念我栖遲貺詩盈牘客歲之久報章在束晤語未
期計書已讀爲位而哀臨江一哭嗚呼哀哉去德
茲永思德滋深老成凋謝淒動儒林絮酒莫將辦
香靡臨揮淚海風長洒北岑寫哀遙奠以告我心
嗚呼哀哉

歐虞部文集

卷十六 祭文

六

奠亡弟衡仲文

維隆慶三年五月二十日癸亥伯兄大任同男莘
以柔毛剛鬣清酌庶羞奠于亡弟衡仲之靈先考
盛德遺我後昆兄弟則四姊妹五人侍奉老母內
外有孫自謂吾家可以甘菽水之貧矣我昔謬爲
鄉里所推從計吏長安中自壬戌至丙寅始得江
都文學歸省老母獲與衡仲游家園三月就官又
三年爲戊辰衡仲視我江都談老母健飯相與懽

笑一月各賦詩別去因念叔季也一月懽笑之時
衡仲每日三人儒業一人商游商既不遂儒亦未
顯然得長如今日足矣我感其言頗切歸養之懷
今年三月衡仲復至金陵書述老母之教叔季幸
善事朝夕官無懷歸商無念家板輿之側日有諸
孫婆婆也四月聞衡仲腰腹作痛遽遣人迎就醫
江都報云舊病不足爲憂再遣人強其輿疾來又
好言寬我憂豈謂其遽舍我而死耶是月之十日
開府中丞召我淮上還至邳溝衡仲之訃自金陵

歐虞部文集

卷十六 祭文

七

至拊膺長號肝腸痛割匍匐兼程至則族姪達璣
之同商者已爲之大小歛蓋棺矣達棺大慟嗚呼
痛哉上有老母下有一子二女俱幼也衡仲奚能
瞑目耶兄弟姊妹中爾獨早世又以客死天奪我
手足一何酷耶痛哉痛哉我今文學官眇小耳旦
夕教諸生稍得報 聖上祿賜行卽歸養老母視
爾諸孤衣食婚嫁皆我責也爾勿復恨惟我他日
得歸養老母奉觴上壽與叔季耕釣洲上可復得
衡仲懽笑如壬戌之前耶楊子江頭幽明永隔爾

歸嶺南我返江北祖奠一觴淚傾潯白鄰舟失聲
行路悽惻故鄉路遙丹旆在惻魂其遄歸慰我心
膈尚饗

祭唐判官文

嗚呼嘉木先凋豐厓亦侈智斃仁終君子奚恃卑
濕長沙淒涼漢水鵬禍賈生碑題羊氏異代傷心
流涕且爾何況今晨見君之死君出襄陽椒棗邑
里貢入胄宮五十強仕佐劇邳州聲騰遠邇持服
山間終制強起被選判光兩月于此政不憐苛事

歐虞部文集

卷十六 祭文

八

無紛滓束濕排根平猷如砥持牘爰書情得訟理
俗倣移風國儉示禮行田察飢勞苦星晷季秋廿
五學堂掃軌君偕郡公過臨齋几酌我松醪飫我
蔬簋立馬侑觴分鑣舉跬使者檢荒部院交委走
迎督郵郊門謁跪薄暮還城與疾急痿匍匐召醫
君已瞑矣號哭盈門閤井罷市縞素奔趨拜伏階
阨巷不聞歌殯不忍視令德早摧乃又無子嗚呼
命運所遭解脫者幾業障能除雲征奚俟滅度無
終幻住何始真性未亾電波有止魂無不之返輦

西指吁嗟交游情寄斯誄尚饗

祭李于鱗文

維隆慶四年蜡月甲午朔越三日丙申友人嶺南
歐某謹以炙雞絮酒東向再拜授使者告奠于滄
溟先生李君之靈嗚呼泱泱東海嶠寧岱峯李君
挺起獨亢文宗原本詞騷揚屹風雅登壇齊盟西
揖作者天目維徐吳郡維王廣陵之宗南海之梁
五子一時天衢騷裏予與黎生方遯嶺表君驅上
駟相遇中原汗灑風呼萬馬亦奔昔君西曹邢州
歐虞邵文集 卷一六 祭文 九
出守視學于秦橫經未久中年勇退乞歸鮑山潛
心大業日鍵其關醉矣天全靜焉神王安石不出
五十益壯丁卯有詔起君于家浙藩汴臬陟岵日
嗟樹護忽萎泣盡繼血九泉誓從喬木竟折濟南
經術海右人師百身莫贖天意何爲黎生在京予
滯光郡計自北來風流頓盡前年江北別君竹西
飲此代興敢貳以携游龍崑崙君今豈死海岱炳
靈萬年在此嗚呼哀哉尚饗

祭忠節許公文

繫夫若之毓靈兮何博褻而好修懷寶璐以襲錦
兮紛佩璫而鳴璆既纓蕙以爲服兮猶藉蘭以爲
羞乘駿驥于樂陵兮肆發輶而夷猶驅猥猥而射
天狼兮操威弧于東州揆六轡以南騫兮齊玉軼
於豫章羌逆濠之干紀兮日氛霾而無光久窺覲
而噬啞兮欬跂扈而助勦冠裳辱而稽首兮礪斧
凜而肆戕氣雖壯夫山河兮力不競于豺狼嗟昊
天之遘愍兮縱隕首其奚傷夫固知九死而不可
迴兮指日月以爲正也甘洒血以衛皇輿兮唯慷
慨以授命也魂飄飄于溟漠兮訴誅逆于上帝凜
就縛而告甸人兮波彭蠡而敵愾昔淮南之憚黯
兮儉狶乃驂夫鑾輅七國平于亞夫兮天君曾不
得授乎戎路飛書之隔于九閭兮繫絕足而窘步
圖先發而後聞兮反敗謀而齎怒終自靖而自獻
兮寧可改乎此度傷咋舌之挺立兮援北斗而撫
箕星翔高駝以冲天兮曜靈暈而上征瞻嵩高以
望羽儀兮張孔蓋而揚翠旌渡淮浦而拜廟祔兮
心惛結而涕滲知乘理雖死而非亡兮尚虬髯之

如戟矧 恩典之旌忠兮綿祚胤而永錫嗣文武
以繩祖兮仰舊德之世食尊鬼雄而禮魂兮表千
秋以爲式

祭劉仲貞文

嗟乎悲哉天高日長心焉慨矣河清鳳至人莫待
矣負鼎操築鴻業邁矣侯王竹帛夷途隘矣醴珊
姬姜紛絳繚矣毬馬射獵罷呼喝矣耕牧河山侯
誰在矣屯施膏澤世孰賴矣君以一代之宏材舉
中州之奇俊其倜儻踔絕之風激昂雄飛之韻凌

歐虞部文集

卷一六 祭文

十一

摩乎九霄倏舉乎萬仞勳可策于衛霍勇不數夫
廉藺孰謂竟歸真于一丘與蓬蒿而共盡哉嗟乎
嗟乎君勿恨矣仁銷智斃物必有終毋論淵憲何
但錢蒙况卑濕兆于鵬鳥消渴害于臨邛江夏傷
于鸚鵡臯橋死于賃春長吉絕于玉樓君實隕于
秋風運命所遭天豈昏曹耶然秀朗傑特之氣天
予之所畸人得之所獨者也歿有所異則去有所
督安知君不與東方朔西人瑤池稽中散北治鳴
犢耶安知君不與陶隱居爲蓬萊大監魏鄭公爲

太陽都錄耶又安知韓退之不待君爲真官蘇子
瞻不待君爲奎宿劉景文不引之爲雷部掌事石
曼卿不畱之爲芙蓉城牧耶赤冠白馬方娛娛于
雲霞余輩敢爲君哭耶持觴登堂書劍在目神爽
若臨靈風肅肅尚饗

祭泰泉先生墓文

維隆慶六年歲次壬申九月甲申朔越九日壬辰
門人光州學正新陞邵武府教授歐大任謹以香
帛牲醴祭于 皇贈禮部侍郎諡文裕泰泉先生

歐虞部文集

卷一六 祭文

十二

之墓於穆我師挺生南禺德鄰殆庶學爲鉅儒早
直史館螭首長趨如虹彤管世識董狐傳經西粵
飭厲學徒棄官歸養家園自娛 世廟端輔將秉
政樞忽辭軒冕竟思尊鱸閉關著述絕交當塗門
牆雲集講授朝晡五經箋疏群籍芟蕪一時著蔡
四方範模克養和粹山立玉腴家學有子光于前
暮老成典刑歸然海隅天不憖遺曳杖竟徂大任
受命家君幼從稟學三十年來式于先覺性資昏
蒙幸少開廓羈束約條日就繩削及門三千稍引

齋閣導之本源賁其丹腹行誼毋先匪但綜博經
術能明庶幾匡畧我二三子共聆警鐸鞭及馬腹
力慚蹇弱壬戌之冬始釋山屨內寅歸省我師勿
藥函丈復違風濤蕭索廣陵聞訃罷酒驚愕設位
遙哭悲纏肝膈 先帝需恩故老蒙澤奠遣藩臣
官贈宗伯賜諡易名九原霑渥吾黨有光斯文不
作茲奔母喪歸自河洛瞻謁墳丘俯仰今昨樞衣
在前師不可作追惟訓言勉遵矩矱敢辱師門忘
所付託三江湯湯五嶺嶸嶸元氣千年白雲鸞鶴
秋菊寒泉薦此澗酌神爽如臨歆我誠恪

歐虞部文集

卷一六 祭文

三

祭潘少承文

嗚呼天畀至性幼卽岐嶷失恃亂年養母力穡母
有此兒日慰憂棘伯叔加慈報心祇役冠族元宗
表揚先德就傳受經博聞多識藝成行修登 朝
服職騏驥方馳濛汜已迫嗚呼哀哉道合自昔業
則同師以息以游揆藻摘詞顓愚忝直謬爲君知
荒齋散帙考隲辨疑攜手西樵雪燈下帷羅浮東
望偕隱是期別不經月會不廢時屢及堂皇兒童

諸嬉入問滌漚出辦裝齋有無通共志行必規素
交無幾念之淒悲嗚呼哀哉往在壬戌我從貢士
輶車辭君睽離伊始三載金門每懷階祀乙丑授
官歸承燕喜君訪我廬僅談星晷沿牒江都丙丁
戊己及庚午春稍移汝水飛札實勤開尊徒企君
於是年部檄徵起舟過廣陵首宿存耳十詩西來
酬寄燕市光祿署曹君奉 恩旨庖正湯官昔賢
不恥耐于宗廟錢粟且委路卿洊擢永借倚晨
趨班行夕宴觴簋賦詠一時京洛罕比我頻告休
乞養不遂數示肺肝揮涕滿紙骨肉義均于今已
矣嗚呼哀哉壬申春月夢君嵩丘約早掛冠鄉園
綢繆亡妣之訃奔自光州抵家越旦三接書郵
聖主踐阼需澤滂流馳 贈君考光賁松楸壽母
聞之益寬離憂况有賢子足紹箕裘福祉云備唯
待賜休霜榻堪餐大白可浮胡爲一疾遽弃我儔
靈輶萬里嶺騎江舟朔風啼鴈木葉先秋拜瞻總
帳尚睹書幃循覽山笥遺草獨留死生永隔淚不
可收嗚呼痛哉齊衰不弔我爲君來斗酒三酹孰

歐虞部文集

卷十六

祭文

四

知我哀尚饗

祭大司寇莆田林公文

荷惟我師系出九牧世以儒名闔表望族鄉書甫
薦遂魁南宮選讀中秘郎署登庸飭兵潁州持憲
而出視學嶺南十郡表率于旬于宣兩浙澤流民
歌且舞甘棠寔留開府湖湘川貴接境邊蠻不靖
節鉞是秉協策戎馬輯寧井區不自矜大竟遜碩
膚節逸均勞 世廟所揆壺公雲霞木蘭烟水首
以薦起 穆皇愛才俾佐邦禁爰總留臺晉南司
歐虞部文集 卷十六 祭文 五
空曾未經歲拜疏投簪卿祿脫屣 主上求舊召
還陪京正位司寇欽哉惟刑勉出家園匪榮印綬
懇乞明農屢勤章奏詔從其請許馳驛歸懸車故
宅皓首初衣願介期頤且給芝術方訊加餐遽聞
撤瑟大任海濱逢掖邑校沉寔甄拔授粲晨夕傳
經負師所期慚非國士勗以躬行敢違訓旨揚州
面命終身服膺持守大節再語金陵別又十年書
郵四五訃音忽來涕淚如雨縻此官守南望莆陽
不能制服心焉怛傷嗚呼廉靖之操純正之學百

代完名一時先覺宮保加秩卹典彌隆太常定諡
祀在學宮後先惠安左右見素滄海爲垣武夷在
昨師神如在椒醕能歆械詞萬里以告我心尚饗

祭亡弟明叔文

明叔以腹疾卒於家踰五月訃至京師大哥楨伯
呼號大慟又越二日始能以牲品酒果爲奠寓之
文曰嗚呼吾弟遽棄我而去耶甲戌之冬我釋服
北上汝方待試岡州念我遠離猶乘扁舟窮一晝
一夜之力別我珠江北風怒號南北分轍誰知此
歐虞部文集 卷十六 祭文 六
時此地爲永訣之期耶憶汝生數齡猶眇細也先
父名汝爲小三家人呼之曰小三官人時時奉頤
執帚持漿上食先父最所鍾愛出則隨杖屨醉歸
則呼小三舞分甘讓梨或抱弄之先母稱負經季
於前月出酒醒列侍榻下猶命我與衡仲迭歌陶
杜詩聲嫋嫋出林間文若置鄰長文在車殆前日
事耳先父多藏書汝十五能誦習經史百家十九
已錄爲博士弟子員先父臨終屬我曰鈞握 算
秉耒守先業矣善教小三與章以大門閭也我今

雖竊有班秩每思明農旦夕望汝不淺四五年來
寄詩惟待我歸青銅三百每不足佐汝酒錢近書
告病則知汝已傷於酒聞汝每醉輒呼寧哥兄弟
舞於酒禪閣前一如先父先母時豈謂二豎爲菑
一病卽絕撫兒而兒尚小呼兄而兄不聞耶嗚呼
天耶命耶他日我歸上先隴撫松楸而感今昔登
汝之坐操琴尚能彈持觴尚能歌乎嗚呼大千本
無量之界中陰乃未了之境保順歸全汝事畢矣
杳杳冥冥其有知耶其無知耶其果委遺蛻耶其

歐虞部文集

卷十六 祭文

七

祭余太史母文

嗚呼護華隕彩桂魄藏曦雲斬遐舉薤露忽晞猗
惟夫人仁惠謙抑夙夜祁祁中饋是職嬪于君子
曰侍御公紡燈佐讀潔論薦養鏡史陳圖鳴環和
瑟穆木溥恩浣禱示質皇揆嘉穀相德載揚魚軒
象服龍函鳳章克篤慶源毓祥太史雖御鼎茵日
陳經几太史承訓策名大魁橐書東觀請養南陔

宜享百年以受遐祉胡遽末疾溘焉不起某等辱
交太史仰聞徽音總惟今撒窀穸遂臨不腆生芻
簋漿在列神鑒孔昭歆此芳潔

奠黎惟敬文

夫士有遐筭爲短促齡爲長固人生壽夭不論乎
年歲而世道輕重或係其存亡况顯融當世永譽
盛時則修短猶寄也而又何必愴然以悲傷嗟嗟
黎公稟淵嶽之姿蘊風雲之氣志邁古昔學究天
人故其發於詞源浩若波潮之洶湧表於文苑燦

歐虞部文集

卷一六 祭文

六

若日星之光芒聲詩極風謠四始之義而急徵逸
調殷若千山驟雨之奔注持辯析雅鄭殊曲之繇
而執綏整轡肅若危坡快驥之馳驟及夫中原徵
曾旗鼓相當殆已登壇先歆揖黃池以狎齊晉豈
但箕踞椎結睨西都而軼蕭張自公之仕簪佩翺
翔玉堂掌故蘭臺典祕南署職方北儲司計仍入
扈閣寔掌內制進秩大夫金緋煥煌爲天子文
學侍從之臣逶迤乎二紀之星霜予也學則同游
而鵠序官則同時而鴈行賦則分題而並牘宴則

促席而並觴逮公疏返于初服予遂序遷乎陪京
思鱗翻於海泳天飛青雲逸老嫗留滯于江分嶺
隔白首潛郎數惠尺書敢待招隱每私計日可會
故鄉孰謂公神最王於舉白業未竟于殺青而倏
忽不起不能保百年之康強嗟嗟乘化而去精光
曷藏不亡者存豈以晨晷爲淹速去畱爲渺茫聞
訃之後三夜夢公恍游從于浮丘之社梅花之堂
然靈修上下必載雲旗揚霓旌于九疑之上祝融
之旁秣陵一哭有淚淋浪公不我吐遙薦椒漿鳴
呼哀哉

歐虞部文集

卷十六 祭文

九

祭臨淮田太夫人文

荷荆塗之蘊秀亶河嶽之毓祥誕夫人之賢淑配
君子于盛昌慶克篤于閨闈產元侯于盱陽受母
訓以朝夕復爵封而奉璋蚤鎮楚以寧謐遂督漕
十儲倉荷 肅皇之簡命逮 穆廟而翊襄人榮
養于護室懽緋玉之在旁撫諸子以鵲起及蘭茁
而滿堂觀曾孫之濟美憲文武于周行信貽燕之
有自爰保釐于舊京侈勳戚之盛事耀箕斗而獻

觴榮 三朝之封典紛 鸞誥以煥煌詠燕喜于
侯第宜福履而綏康齊大耋于郢國倏飛輶于西
王奏上聞于 宸扆賜祭葬以卹傷備哀榮于終
始誠德厚而流光任也游二京以從宦友賢孫而
翺翔奉通家之雅誼聞慈懿之芬芳瞻總帷于白
下陳薄醊而薦薌矢誄章以侑奠冀靈格而洋洋

祭司封君文

歐虞部文集

卷十六 祭文

十

猗江漢之炳靈兮濬發乎岷嶓之遙源毓介貞爲
丈人兮遵先轍而象賢謝來責之束帛兮獨尚行
于丘園紛其有此奇服兮攬明月而濯乎飛泉編
星辰以結佩兮珥虹蜺以爲璫獵飄風之長纓兮
襲喬雲之修裳朝采秀于沱潛兮夕行歌于滄浪
塞好修之耿潔兮翔千仞而駕鴻鵠陵峻阻以游
志兮睠高駝兮騁足荃旣有令子之姤節兮奮騏
驎於皇達固有開之必先兮奉 恩綸而寵綏孰
有靖共而匪教兮寔過庭之授也繇庫部而銓司
今亶家學之所懋也何晨露之湛下兮遽厭世而
上征石瀨濺而嗚咽兮巖穴杳以晦冥感令子之

孝思兮仰名德于荆衡余寓奠其不腆兮望郢都
而南驚杜若麋而申椒鑿兮酌桂漿而薦蘭茹托
巫咸以噉辭兮靈冉冉兮來下

歐虞部文集卷之十六

終

歐虞部文集

卷十六

祭文

王

歐虞部文集卷之十七

嶺南歐大任楨伯著

劄疏

論殷相割肝狀

伏承鈞帖委覈殷相割肝事訪之旬日江都士人每彌縫曲護以割傷支體者衆冀冒衣冠而免輪調也比以割肝之慘推究當割腹時覓其肝自割而自羹之否率莫能置對頗亦疑信相半大任以理決之不必求其事矣蓋聞孝于孔子日生事死

歐虞部文集

卷一七 劄疏

一

葬祭之以禮也人孰無親當疾病危篤醫藥祈禱禮之所得爲者雖聖賢亦如此而已矣故責臣于沉湘非所以勸忠表士于抱柱非所以教信必割肝以爲孝是聖賢皆無孝乎卽使殷相救親垂死一念真切其事無所欺罔倘不幸因而傷生則毀傷滅絕之罪大矣孰以爲孝耶昔鄆人剔股令尹旌門韓愈氏謂不腰于市已黷于政則其不可爲誦昭昭矣伏觀 高皇帝詔申明孝道凡割股或致傷生臥冰或致凍死自古不稱爲孝若爲旌異

恐其倣效通行禁約不許旌表此 聖神垂示萬

世之教 皇上詔書表揚孝行核實奏請亦 高

皇帝意也廣陵大郡董永吳奉盛彥高悝孝著漢

魏史籍炳焉未聞有割肝之事屬邇以來純孝不

舉于閭書旌典濫及乎虛冒甚非所以示旌別之

公也明公下車出教率先實行以崇鄉里之化州

邑萬戶旣已改觀易嚮伏請嚴示一切割肝剔股

不足爲訓必孝廉如董永吳奉之徒乃請旌表以

奉 高皇帝申明之詔廣 皇上浩蕩之恩淮海

歐虞部文集

卷一七 劄疏

二

遠近斌斌益多實行之士矣謹狀

議兩淮屯鹽事宜狀

謹按兩淮鹽法阻滯始于餘鹽甚于工本引以至今日淮南北積鹽三百四十餘萬積引幾三百萬共計鹽引六百四十餘萬株連蔓累日甚一日豈一朝一夕之故哉且今日之阻滯非 祖宗歲額之引乃節年額外多開之引也竭水而魚盡山而樵計其當時所得非不多也獨難繼于後耳今日之利業已竭盡于往時疲敝至此旣欲疏通又欲

取盈不爲按本澄源猶執膏救太負土疏河終不可得也爲今之計使邊方暫時停開或三分或四分每歲可以疏通二三十萬引盡復兩淮行鹽故地每歲可以疏通二十萬引由此而漸減餘鹽開邊行之八九年積課漸消商人得利且爭先報中豈如往年濫開引數減價召中有名無實者乎卽兩淮言之諸運司可推矣

竊以私鹽不禁官鹽不行官鹽旣平私販自息

祖宗時商人支鹽本少利重民食賤鹽竈有工本

歐虞邵文集

卷十七 劄疏

三

之給受惠甚厚民食賤鹽竈受實惠私鹽豈復能行乎卽犯私鹽重者律絞斬以生道殺人殺之無怨也今客商用本旣多支賣歲久而官鹽貴矣竈丁每正鹽一引僅得賑銀五分而恩意薄矣此民間竈戶所以寧不畏法而願食賤鹽敢于私販也不求其本必欲盡法繩之朝鞭夕撻日亦不足徒苦肩挑背負易食小民耳必如明示倣工本鈔遺意官收竈戶餘鹽恩威並舉著爲令甲漸復舊制是謂澄源若夫官兵之集要轄之守巡邏之嚴亦

足以惕穿窬之念固雖今日所不可缺第求之未流未必禦暴不爲暴也

竊聞今日專利偏累其說有三焉先年邊方開中數多堆鹽未積邊商拘繫報中內商坐享厚利此邊商偏累內商專利也今者守支日難堆鹽日積邊商執引到卽掣賣數月之間立得內商六七年坐守之利此邊商專利內商偏累也夫行河鹽其意原以疏通邊商也誠爲邊商則疏通之宜也而今則又有近邊棍徒各行雜客年貌貫址與引全

歐虞邵文集

卷十七 劄疏

四

不相同但恃頑構衆羣噪公庭陽竊邊商之名陰挾勢要之力無敢論其真僞卽一單脫有真商不過數名耳河鹽一行引目逾滯此邊商爲之累也堆鹽日積此內商爲之累也一假商專利而二真商俱病矣調停之法須先革河鹽卽令司官除內商已買過引不計外清查果係邊商未扒引目派令內商照見在單鹽隨數收買以後邊商勘合到司卽將庫貯銀兩查照上糧本銀量與歲利給與官銀省令回邊報中再將應掣內商如掣鹽數目

買引庶邊商無淹滯之憂樂于報中內商無抑勒之患安于守支矣

謹按兩淮行鹽舊地連年議復祇爲虛文若着實舉復可以行鹽二十餘萬且今淮商坐此壅滯爲邊儲計必不可不復必不得已罄去兩淮應辦之課令彼行鹽官司代辦是亦寬商之一術也又按兩淮鹽課除水鄉徵銀外三十場俱徵本色惟莞瀆一場折色後白駒場准納折色五分西亭場准納折色三分嘉靖十八年大水各場俱覓免納本

歐虞部文集

卷十七

劉疏

五

之患可免矣

夫荒田不開地利不盡苟徒開墾而不召種是猶拋荒也今須令管屯諸官清查先年有人耕種今拋荒者田地若干有積荒向未開墾者田地若干專委素有幹理屬官一員會同本衛所屯官逐一清查嚴立經界遵照正統二年事例令軍職舍人除應襲外及家人女婿無差使者每五丁朋作一名委官管領撥與耕種照屯田例辦納子粒或如八年例令有自開墾荒地每畝歲納糧五升三合五勺或撥與民家佃種待耕三年成熟照民田例徵糧候有軍之日撥軍屯種此在昔有成法無容別議也

歐虞部文集

卷十七

劉疏

六

屯田之弊莫甚于奪占清理旣明必公于撥給今須查每指揮一員管屯軍若干名千戶百戶一員各管屯軍若干名某某下該屯田若干頃畝又各官員軍餘家人自耕種者若干頃畝某人某年身故係某人新僉頂補某人某年入屯見種某處田地仍無田餘若干造立冊籍清查每官一員該田若干軍餘家人屯軍各一名各該田若干丈量頃

畝如多者卽係奪占有軍無田者卽應撥給自今嚴著則例不許受財轉典

夫田而有名無實或地本苦窪爲洪水所沒或積荒日久開墾無功或爲豪強侵匿混爲已業爲水所沒者無從稽查矣積荒日久者輕其歲徵召種開墾是已匿于豪強者須查照先年黃冊魚鱗圖保簿及軍屯糧冊委令督糧文官并屯田衛官從公丈量查勘不在此則在彼雖豪強無所遁其情矣

歐虞部文集

卷十七 制疏

七

謹按洪武三十五年令各處屯田衛所每軍歲徵正糧一十二石直隸差御史比較各都司所屬巡按御史同按察司掌印官比較年終造冊奏繳戶部不及數者具奏降罰自今侵盜拖欠子粒及隆慶元年節經赦免若干仍欠若干須嚴刑查比各管屯官追完或限以數年帶徵如徵不完卽係本官侵占扶同奸弊年終無功卽革職事仍欠子粒若干卽于本官名下扣支月糧扣完方許支給如此則責有所歸事無怠緩矣

竊以爲今日之計不必興利革弊足矣弊革而利自興也屯田之弊惟奪占轉典爲最革之不嚴人心不警責成不久卒無成功徒爲諸軍克私橐耳必嚴著爲令三年查盤一次官奪占降職調邊衛軍人轉典者調邊衛充軍民間豪強私典占種者卽問克本衛軍此屯田之弊或可革矣商人中鹽須令三邊均派則糧草易完否則近邊爭先買窩遠邊遷延無至今有內商自宣大中引來者云隆慶二年開中之窩已滿矣無他人樂于近故也今

歐虞部文集

卷十七 制疏

八

後凡有中鹽商人每中鹽一千引須于三邊搭派每邊該三百三十三引有零上糧完足各倉倉鈔比同方發勘合如此則遠近畢至而遠邊富民或可免累矣而在兩淮則有淮北提軍之弊一番清理爲收支吏書包攬棍徒開一番騙局此在今日蓋聞國初屯田鹽法相爲表裏邊屯旣廣糧草日賤商人中納本色飛輓易集此邊境所以富強而夷虜所以畏避也今日近邊屯田加意開墾在得任事之人以責實效而已若夫議論之難斷事

勢之難行則莫過于鹽法也愚之意以實邊爲急
今正鹽納之于邊而餘鹽解之于京正恐餘鹽之
銀未必皆濟邊之用太倉鹽價常有那移別用者
矣是 國家有受餘鹽之名而無受餘鹽之實也
孰若使正鹽餘鹽盡納于邊其赴所批掣過多之
數則照定價納于運司類總解京以實邊而亦裨
于國計且可以塞河鹽之徑竇如是則親中可也
分撥亦可也邊商可也內商亦可也尚何有難斷
難行之患乎 皇上銳精邊務旦夕講畫兵食至
歐虞部文集 卷十七 劄疏 九

計明公奉 勅專理屯鹽諸司同心協力事勢自
無掣肘將見興利革弊爲 朝廷建千萬年長策
若東郭咸陽及桑孔所經畫于漢者想薄而不爲
亦豈愚所望于明公者哉

江都上郡守請舉行四禮狀

大任竊聞禮者天理之自然人心之本具非強世
也古者教明而化成上自王公大人下至比閭族
黨莫不由禮及夫教衰俗壞士以詞藝爲學吏以
法律爲師鄙詐相尚侈靡相先噫何其與古異也

有宋朱氏以民生日用莫切于冠婚喪祭四禮乃
本儀禮 戴記唐書儀開元禮諸書緝爲家禮明
白簡約化民成俗之功大矣廣陵爲畿輔重地文
獻名邦薦紳士族好禮者不可盡謂無人切見邇
來習尚日殊風俗日弊冠禮多不舉行婚禮每不
親迎喪禮無惻怛哀痛之實而飯僧舉殯動費百
金祭禮廢祠堂宗子之儀而道觀禪宮不惜布施
四禮之廢莫此邦爲甚也仰覩明公蒞郡以來禁
絕奢靡講求典章祭祀則獻薦恭虔鄉飲則躬請
猷虞部文集 卷十七 劄疏 十

賓介導民正俗之心已洋溢于四封之內矣垂白
之老毀齒之童莫不忻忻喜色此正倡率之機也
政教所出係于明公而大小教職咸有風化之責
大任願諭布屬境舉行朱氏四禮大抵表正鄉閭
在薦紳士族仍乞委約正社師家喻戶曉以崇孝
敬和睦之風益廣 聖朝禮樂之化事似迂濶而
師帥所關伏惟留意此邦幸甚斯文幸甚

繳回光州多給月俸狀

竊惟 國家法制官有品級祿有常數內外臣工

罔敢踰越蓋二百年于茲矣天下學正教諭訓導
皆未入流品者也月俸三石厥惟定制職于隆慶
四年正月初六日上任本年夏糧值歉緩征因未
完給尚待扣筭昨蒙發下本年秋糧自七月至十
二月二十一石共銀十七兩八錢五分詢之諸生
皆謂學正每月三石五斗本學百餘年來支領久
矣職聞駭然不知始自何人奉是何例無文卷可
查無故老可問累經刷卷皆照此開報恐因仍日
久習以爲常自念教無善狀竊祿已慙若升斗冒

歐虞部文集

卷十七 劄疏

十一

支益非所以養廉遠恥矣謹以俸糧三石計銀二
兩五錢五分繳回仰思明公端潔自勵典法式遵
因百年成規未免從厚給賜職承乏二年餘計可
多得十金然心不自安分不敢越豈不知矜此小
節似矯虛名雖發前人沿襲之由定後人常祿之
例或爲徇俗苟得者怨謗所不恤也伏望照收勿
勞彰露庶免狂妄之罪隆慶五年七月

考定光州名宦鄉賢狀

竊惟光州在漢爲弋陽縣魏晉皆爲弋陽郡南宋

因之東魏北齊屬弋陽新蔡隋仍爲弋陽郡唐始
爲光州汝南文獻第一州也洪武以來學中名宦
鄉賢之祀在兩祠者不知幾人無所干考職兩陪
祭只見名宦諸公有子孫流寓于州者則入祀焉
宋元無一人勿論漢魏晉唐也已鄉賢亦然兩祠
神位皆其子孫丁日捧來祭畢持去事體因仍禮
儀苟簡莫此爲甚夫兩祠之祀行于釋奠之日暨
宗先老膳俎同時褒德崇賢明禋百代禮至重也
學官弟子固不可濫而謬舉亦不可逸而不彰且

歐虞部文集

卷十七 劄疏

十二

不難于近日之可知莫難于前史之皆覈大抵論
名宦者只察其流澤遺愛于治郡之有無不必究
其平生之行實論鄉賢者只觀其蓋棺論定于人
心之臧否不必徇于後嗣之顯榮況汝南評月旦
者人人能也豈無公論耶近于成化弘治正德嘉
靖年間人數頗多事屬已往皆經申准入祀兩祠
名重儒林光映俎豆不俟論其世矣若司馬公光
則通志載于流寓非州人也今考周漢魏晉隋唐
宋元至國朝名宦未入祀者魏弋陽太守田公

豫等鄉賢未入祀者楚大夫虞丘公伯等其行迹以歷代史書及河南通志汝南志光州志爲據職文學掌故也不敢以越庖代尸視爲辭謹狀列如左尚有不知者待後之君子考焉俱俟鈞裁以舉曠典斯文幸甚

太學擬條陳封事

國子監 臣某謹奏言臣恭遇 皇上務學崇儒勵精圖治中外大小臣工仰答清時思效職業其洪猷之所以翊贊庶務之所以康濟者臣不敢知歐虞部文集 卷十七 詞疏 三

臣叨以儒臣奉職胄監所知者監務一二而已不揣愚陋疏爲四條上干 聖聽伏願 俯賜優容采納施行臣不勝幸甚

一率講習以敦明實學臣聞風化之本太學是也昔 太祖高皇帝勅太學生曰今師生皆至若不勅以學道之志明以亂常之憲則恐養非君子用非賢人徒勞民供 成祖文皇帝從祭酒胡儼申明學規之請仍諭之曰此其條約耳爲師範者當務正己以先之講學漸摩以養其心淑其身此爲

切要 二祖之訓煌煌在上也今太學聚天下英才而教育之不但公卿大夫元士之適子而已助教學正學錄在六堂與諸生最相親也而博士以考其課監丞以糾其愆設官未嘗不備近世爲師者惟知勾校簿書而德業無所勸勉惟知誦習章句而義理無所講明年勞積分之法旣不能做法分毫術業寧稽其造就于諸生聽其隨逐羣侶虛度歲時剽竊時文以取科第假借門路以階顯庸他日在位將何望其忠孝廉節以自持經綸參贊以自效也何也學問不切于教養之時志業必囿於利祿之日毋怪其然也臣願策勵疲駑率諸生于實學不敢設立門戶不敢拘泥訓詁所講于堂者惟五倫是明所課爲業者惟六經是務卽今日應舉所業蒞官所行皆天德王道之功用也如此則師道立而善人多善人多而天下治矣臣愚不勝惓惓思效萬一伏候勅旨

一申法制以廣生徒臣查洪武永樂至成化間太

學之士多至一萬八千陶育得以成功授職得以
效用近日生徒漸少堂序空虛非所以廣賢關之
業壯橋門之觀也方今人才日多例貢者未必不
如歲貢歲貢者未必不如舉人惟在鼓舞振作之
何如耳公侯伯之年幼者已經行查發送習禮各
省舉人之回籍者已經具題催還肄業不敢賣陳
切惟明年當州縣歲貢之期人數必多各學訓導
員缺有限守候貧寒銓格壅滯勢所必至也伏乞
先諭禮部至期審驗年力相應儘一年可選者量

欽定四庫全集

卷十七 制疏

五

准百名送銓就教其年資堪以作養者盡發兩監
蓋因時酌宜與其守部候選之久不若令其坐監
就業以實太學也生徒既多本監四季考試分列
等第每次咨申吏部當歷滿考銓之日亦必查照
監考之優者准銓同知通判推官知縣如此則歲
貢之士亦必樂于入監矣此庶幾廣生徒之一策
也伏候勅旨

一修載籍以重掌故臣考我朝惟翰林院國子監
各有典籍一員則成均爲載籍之所學官卽掌故之

職也臣蒞任以來查理書籍但列聖先後頒降
諸書具存此外只儀禮圖解王臨川集諸種不過
數十部其板刻盡皆殘缺仰惟皇上右文之時
所當廣蓄載籍乞勅輔臣將文淵閣書籍凡有副
本分貯本監其無者將原本查取無碍錢糧募人
抄寫令兩廳六堂官校對付典籍掌管以時晒晾
師生領讀者置簿稽查庶載籍由此廣儲教化由
此弘被詵詵衿佩咸懽忻歌詠于皇謨聖訓之
中矣亦俾典籍之官不爲虛設伏候勅旨

欽定四庫全集

卷十七 制疏

六

一崇學行以表賢才臣按周禮鄉大夫之職三年
大比考其德行道藝乃獻賢能之書于王王再拜
受之登于天府蓋言王者舉賢能以安宗社故拜
受其名藏于廟中重其事也國初薦辟科貢並
行得人爲盛太祖皇帝意深遠矣自甲科隆重
名公碩輔率由茲進而學行之士困于一第限于
資格或不能無也嘉靖初年申三途並用之例于
是以舉人監生孫翥爲給事中舉人監生阮薇歲
貢監生張澍爲御史隆慶間撫按論薦舉人趙蒙

吉等各授國子正錄一時榮之、皇上光嗣祖
宗敦學明倫之治上媿虞周教思無窮賢才思奮
行可觀矣臣願勅下禮部甄拔六館行誼端方之
士容臣等從公舉薦一二人以備擢用 聖明一
激昂之安知濟濟多士貢無師達許觀舉無夏原
吉陳獻章蔭無張敷華例無羅玘輩哉是在上之
人振作之耳伏候勅旨

歐虞部文集卷十七

終

贊

前將軍漢壽亭侯關公畫像贊

矯矯虎臣秉心不貳家學河東兵法左氏委身炎
劉曰帝苗裔姦晰陰吳賊視強魏辭曹豈畱奪良
竟刺怒髮掀髯揚眉裂眦雪灑寶刀風號鐵騎死
國奚疑履艱曷避嗚呼許昌挾主之後孰使公不
能敵永安之愾祁山出師之勞孰使公不能終樊
歐虞部文集 卷之十八
城之志徒自誓其孤忠而益昌其大義百代君臣
萬年天地雷電威神山河正氣此哲人蓋士所以
獵纓整冠仰丹青而嚴視也歟

張僊像贊

維蜀之眉望在慕頤惠通之道張僊所師昔從王
局蘇公是祈遂生坡穎節高才奇朱禱白鶴殿承
度支眉之進士實昉于斯高祿兆稷闕里祝尼古
有是理曷疑今茲德本仁厚產必麟兒永錫祚胤
僊其鑒之

奧川處士像贊

泉石之姿松菊之操清世逸民海濱高蹈此心無
媿于天地之間造物必引以耆頤之報不待觀身
宇于畫圖自可以知奧川子之道也

孫鴻臚像贊

正色秋肅睟容春溫趨踰佩玉臚贊齊鵠司賓大
行自許子卿典屬乎蠻夷之列清班侍從人識東
方浮沉乎金馬之門而其入賡栢梁出詠桂園如
蘭如蕙如瑤如琨不問可知其為符臺公之子忠

歐虞部文集

卷之十八

二

烈公之孫也

何別駕叔節像贊

關西儒門涇野弟子父師教成德業如此臨江之
政不嚴而治曲禮之杻以諫為志歸與山冠百代
瞻視藩國老臣漢家良吏

東隱圖贊

海虞陸隱君有草堂在尚湖之東稱東隱
焉嘉靖己亥文太史為之繪圖及今三十
餘年隱君已歿而太史亦下世久矣余與

隱君之子昂善持以相示嘉其父

氏遠颺之風也因題贊云

爰有草堂藏修游息蘭祀葭牆松門艾席偃臥興
墳諷吟詩易卓彼隱君日延三益襟素所期儒行
雅飭石井謝卿雲門王藉久閱音徽尚畱泉石君
子名鄉高陽標德太史作圖烟蘿生色永繫來思
尚湖之側

博士王君像贊

正冠端笏其貌則肅短軀急步其容則沃經術致
歐虞部文集 卷之十八 三

身其學不曲師道自立其善不獨忠直廉靖之風
足以勵其俗家庭詩書之澤又能衍其福是固無
愧清獻趙公之鄉而庶幾可並三槐王氏之族也
耶

三台居士像贊

蔚而秀者山也溫而裕者顏也隱而中者白輪也
懽而舞者斑斕也居士爲誰齋八關耶丹丸意耶
世食舊德心超塵寰後天而老于三台之間耶

玉冠道人小像贊

維鵠之冠隱於山者之所以爲樸也
於朝者之所以爲緝也君也非鵠非鶴冠
懷藻秀而不華著溫潤而不俗仕則典客
之間歸則詠歌於秦淮之曲其今之陸沈
齋者耶

周山人文美像贊

家世天台鴈蕩之間游寓鍾山淮水之側使幣未
來也坏不待鑿而匿老易可讀也簾不待下而適
雪車氷柱非所以論其詩名螺贏螟蛉曾莫能頌
歐虞部文集 卷之十八 四

其酒德三徑醒而把菊殆遠公社裏攢眉之翁五
噫歌以出關非伯通庶下賃春之客耶

貞吉宗侯像贊

莪莪宗侯清標遠調芝蔚蘭芬玉品珠耀觀其綽
約有藐姑之容劃乎出蘇門之嘯何以南州高士
名山尚棲西京王孫東觀未召徒酣適乎逍遙
游竟販諷乎無生宗要惟招隱有詞校籍有
非淮南叢桂之年猶似天祿然藜之日也

顧司勳像贊

斐矣顧君三吳秀毓嶽嶽岱霞亭亭長玉儒
膺道棲尊足圖史自怡冠紳匪俗衡鏡品流
淵谷功弘不宰韻遠彌馥鳳德鴻姿欽此高

華亭徐參軍教子圖贊

有美徐君雲間貴族八座台階三孤鼎軸鄭經
衣衛歌淇澳公子象賢滿庭蘭玉訓以詩書樂哉
絲竹里表八荀世婉諸陸爰植其槐厥貽維穀盛
德永綏以保天祿

西寧宋公忠父贊

歐虞邵文集

卷之十八

五

有斐康侯開國勳戚纂戎舊封紹美嘉績業行閔
朗風猷宣奕家鼎載銘寶履求益弓劒庭階圖書
几席樹彼松苓蔭茲泉石宛在西園娛爾燕適洪
澳緇衣永光宗稷

閩陳隱君小像贊

衡門泌水隱君獨超蘊貞珪璧韜譽雲霄白
遠被褐逍遙遷遯江表不漁不樵蓋將抗清
志待玄纁之招所謂虬盤玉津鳳散瓊林

盛泰甫像贊

家五湖人隱三市士是身浮雲委懷秋水
歸睇之則至隴西山圖舒鄉魚吏

大司空確菴曾公畫像贊

滔滔江漢截截衡疑翼軫所麗毓產瓌奇有斐
公南郢瓊枝世濟休美庭誥可師持鐸關中諸
著籍開府西川九絲銘績緝武經文庶明勵翼本
兵總憲嘉勞曰陟豐穆綱紀左右準繩司空宅揆
六位時承天工克亮曰帝股肱瞻公之貌炳在
丹青察公之心畏于淵冰滋恭三命福祉攸興台
陳康邵文集

卷之十八

六

衡德業百禩益徵

新安程舍人燕居圖贊

若翁爲何樛園主人阿母爲何自孫來嬪婉德齊
年隱處軼塵鹿門接武冀野比鄰式穀來斯爲鳳
爲麟長原有衍苓塞彌振誰圖燕居乃得其神望
之天天郎之申申千秋玄對展也如賓

叅政崑陽張公畫像贊

卓哉先生觀頤履垣解印綬於遼陽返初復
阪誦二典于琅函求九丹于金簡輟駕有

問稼殆遺安如鹿門翁耶紆勝有圃擁關言
逃名如東園公耶東倚中條王官谷在焉殆
空表聖之幽蹤耶西引二華三峰削成可望
慕希夷道人之玄風耶步光佩裏鴻寶枕中
可食石髓可逢吾知先生將凌汗漫游洪濛也

聶隱君像贊

爲安期生賣藥海邊爲韓伯休賣藥長安先生將
隱家卽名山夫其蘊真繕性抱一守玄讀損益而
知貴賤舍外游而務內觀固不詫人以霄際之顏
色詭人以霞外之衣冠睹斯像者孰不知其心無
機事桔槔不煩道近人情畎畝自寬殆漢陰之所
以偃息鹿門之所以盤桓者與

歐虞部文集卷之十九

跋

嶺南歐大任楨伯著

晉索靖書出師頌跋

余嘗見李文正臨蕭子雲出師頌知子雲有是書也及來京師適文壽承購得晉人索幼安氏所書斯頌秀逸遒勁出于章草非後人所及決爲真蹟無疑前有瓢印宋徽宗金書晉索靖出師頌六字及宣和政和內府圖書之印後有張氏珍玩寶藏

歐虞部文集

卷之十九

一

三印此卷在汴宋時曾入禁中必太清樓帖既刻之後不知何時歸于北燕張氏千年神品忽在目前昔黃山谷謂索靖急就章清絕瘦勁王氏父子自當斂手而鍾紹京所論則草書自杜度後以張爲祖衛爲父索范爲伯叔二王爲兄弟薄爲庶弟羊爲僕隸云觀此書益知義獻實學鍾索即殘斷素尚當寶之况完整如斯頌哉曩于來東月二帖謂染指足飽今幸觀此乃壽承刻石于齋中誰信首蓂盤側大有鼎食乎並足稱奇事

嘉靖甲子蜡日

題張肖甫滑臺折衝事後

昔韓侯拜大將而軍中多夜驚魏公鎮西陲而下有刺客豈威名素所未著哉蓋事變之不可測也銅梁張公肖甫治滑之事何以異是乃折衝頃緝弭幾微智勇兼全威名益立其事著于玉璽夏孟汝再劉文昭盧大梗諸君詩賦序記中備矣余曩聞肖父于黎惟敬梁思伯及至京師則多覽其詩于薦紳士夫間知其爲稅苑之雄也而折衝六盜且如此異哉異哉永昌周象賢持此卷見過命余題之酒後耳熱對雪高歌亦爲肖甫壯之矣

跋汝南汀州遺愛三碑後

初余識長興徐君見其神情披朗詞氣秀拔知其爲海內俊人也及聞其更守兩郡皆有惠政感之祥學士頌焉徐君謝不及此誠長者事昔黃穎川之治行王阜益州之政理固不在于鴻臚雀之數集甘露白鳥之迭逢也徐君作民父母國干城三碑所述皆教養實政方之蠶不

北渡河者爲祥同矣汝南之麟胡爲乎來哉
周象賢徐君故吏也北來燕京復請文博士書
楷書入石以嗣峴山故事象賢之惓惓斯舉其
汝兩郡父老子弟之心哉

文太史草章跋

今海內書家評文太史徵仲與祝京兆希哲爲我
明第一京兆不及見矣嘉靖辛丑夏余從建業過
吳門謁太史于玉磬山房獲侍筆研見其眞書每
摺而有力草書每轉而不停眞以轉而道草以摺

陳虞部文集

卷之十九

三

而勁至于篆隸之書則乘槎直入斗牛宮不但窮
河源而已第一之評信然信然古人所以貴于人
品高也此卷乃太史壬辰所書甲子之歲余在燕
京厥嗣博士壽承持以見餉攜來江都方明府宛
治過齋中閱而愛之余素不善書當爲游神翰墨
者所寶翫遂以歸于允治隆慶改元中春二十五
日

觀燈倡和詩跋

此卷乃倪公舜咨與梁公廷美鄭公廷綱重

知翟公廷瑞弘治丁巳金陵觀燈倡和之作時

公以大冢宰典南銓也孝廟主德寬大政體優

裕公卿以歌詠太平爲事雍容和鬯覽此作可見

已不然則倪氏之宗人雖有鎮東燈孰從而觀之

哉隆慶戊辰元夕余自揚州過金陵從諸公游宴

亦有觀燈五絕句友人陳子野出此卷命書其後

余喜見都人燈火之盛且聖皇慈惠上元賜假

羣臣宴驩一如孝廟時也小臣幸借末光故樂

爲書之

陳虞部文集

卷之十九

四

跋錢舜舉旅葵圖後

西旅貢葵太保用訓于王斯圖殆有意哉是日關
中李鳴卿邀余同黎惟敬飲園亭上暑雨初退乃
出是卷昔張伯雨題爲錢舜舉作業已鑒定縱觀
之際恍見鵲巢騶虞猶有召南之遺思歟因識其
左方

跋趙子昂小篆千文眞蹟後

趙文敏此卷用筆入神篆之正法足追古人所謂
般倬揖讓而辭巧籀誦拱手而輶翰者且朱

絲精絕無比俱不多見也新安吳孝甫持過
齋得以縱觀爲題其後云

書祝希哲六體真蹟卷後

國初以來多章草師授不復見晉法小楷或類
鍾而渾成不及矣支指生獨兼諸家誠爲我
明第一往見六體刻本已解繁薄不已歛人吳
生偶過光州以此卷相示閱旬日見其筋影內
藏韻度閑雅殆葉公驚睹真矣因書其後而歸
之隆慶庚午復日

歐陽文忠公集

卷之十九

五

跋白陽山人書王江寧絕句後

王少伯絕句與李太白在唐人中並稱神品當時
已入樂府秦時明月漢時關酒樓名妓所以獨歌
之也陳復甫草書長信秋詞以下數首揮弄弱毫
閑秀幽怨之思寓於筆端復甫老于吳中布衣與
少伯止于汜水縣尉似異世同恨矣虎臣酷愛此
卷其亦寄史公董相不遇之歎哉

題祝京兆書杜舍人二賦後

此卷祝希哲氏書杜紫薇阿房宮晚晴賦後

誠父者也今歸于崑山陳敬甫其書蓋神品
牧之賦阿房意遠辭麗吳武陵以王佐譽之金謂

唐人之賦實論宗也然反覆秦事尚多訛謬秦記
云秦每破諸侯寫放其宮室作之咸陽北阪上南
臨渭自雍門以東至涇渭殿屋宇迫周閣相屬所
得美人鐘鼓以充入之賦所言宮室嬪嬙之盛皆
渭北蘭池林光之事非阿房也阿房在渭南始皇
終未訖役復土鄜山再興工徒而章邯百萬之軍
已至戲水則其歌舞帷帳未嘗在此安得粧鏡焚

歐陽文忠公集

卷之十九

六

星脂水膩渭哉并六國在二十六年侯國子女始
可輦來又豈有望幸者三十六年也自渭抵南山
僅百里自鄜杜至澹水不百里而近何云覆壓三
百餘里耶三輔黃圖曰宮爲惠文王所造一世則
云先帝營阿房室堂未成何以曰五步一樓十步
一閣其曰上可以坐萬人下可以建五丈旗初撫
固如此安知其磁石系門獨就阿城而止哉牧之
似未深考爾晚晴賦則寫樊川之風物狗馬居
所以與世濶疎也此其與分司御史疎放之態

異矣敬甫爲光州之二年暑中與余課諸生于
院啜茗觀此神爽霍然因憶往聞于秦人者戲疏
于左敬甫能不以余爲畫蛇添足哉辛未六月

題清源觀唐人石刻金剛經後

觀在郊縣之長河里今爲二郎神廟余行役苦風
埃駐車小憩覽景泰間清源觀碑偶見此刻于石
幢上有奉爲開元聖神皇帝皇后千秋金剛經一
所十七大字末書唐開元二十五年歲在辛巳已
月十五日辛酉佛弟子孫守謙建立女大娘孫女

歐陽文忠公集

卷之十九

七

大娘一心供養嗟夫千百年金石泐泐多矣昨求
漢碑于桐栢淮濱又于繁城觀魏受禪尊號二碑
歸然獨存非河洛所多見也郊于漢唐屬潁川此
石幸不爲兵火所毀惜里人無知之者夫世往而
聲蹟未泯荒林廢墟之間又安知無就古懷奇如
余之躊躇而不能去者乎

書宋刻佛頂尊勝陀羅尼經石後

余過汝州營子嶺路側遇一舊石下馬視之乃宋
刻也上題佛頂尊勝陀羅尼經小楷秀潤且完

可觀復題宋宣和七年歲次辛巳戊子十一月
申初九日石陷地中不知何人筆也六百年來未
嘗有好事題品之者是日出崆峒山左一石刻里
人修橋記乃磨舊石而書石左尚有大唐二字極
佳非虞褚輩不能及兵燹迭經井邑遷改霄壤間
古刻湮沒何限卽余一日已閱二石蓋不能無陵
谷之感矣隆慶壬申二月

跋李獻吉何仲默真蹟卷後

歐陽文忠公集

卷之十九

八

梁思伯使濮還示余北地李獻吉信陽何仲默真
蹟何書十六夜對月九日無菊二律李則書寄寄
菴子詩龍仙引芝梓行也余嘉靖癸亥過汴于李
川父宅見李帖最多及至燕京同黎惟敬翫仲默
尺牘則于長沙楊允恭家而獻吉諸詩并邊徐鄭
薛爲一卷則襄垣劉仲恭所藏與李伯承文休承
曾三四鑒賞嶺南去梁楚五千里今幸有此卷河
岳精光燭映羅浮南海間思伯其寶之哉望氣者
將至矣萬曆改元三月

書西園雅集圖後

豫章朱同伯氏家藏有元人臨宋李伯時西園雅集圖同伯之姪貞吉氏爲吾鄉方君清臣摹此卷按伯時準鄭先覺圓研記效小李將軍作曰述古圖而西園雅集則宋駙馬都尉王晉卿延蘇子瞻黃魯直諸名勝燕游者不知楊文貞何以考伯時作圖也此後有僧楚隆趙千里劉松年朱孟淵臨本人物位置增損不同似不必校惟熊天慵所題伯時西園圖與黃文獻所記述古圖不審同異否耳西園必在汴京無疑晉卿貴戚乃黜遠聲色學

國朝文獻

卷之十九

九

習詩書東坡記其寶繪堂且謂其畫得破墨三昧云貞吉博古多藝臨寫逼真其高風逸韻奚減當時諸君子方與清臣爲鄉園之游卽公榮不沾杯酌亦可長笑雲林泉石中矣安得貞吉繪之爲南海千年盛事耶甲戌六月

三吳佳勝卷跋

余嘉靖辛丑過姑蘇訪文太史聞陳復甫泊楓橋與郭文學權舟尋之遂游虎丘隆慶壬申自光州奔先母喪乞墓銘于太倉王元美道姑蘇風利

得泊張幼于追送于虎丘而別吳下之名勝如靈巖石湖天平玄墓天池太湖洞庭陽山時時在念也陸華甫訪余嶺南持錢叔寶所書三吳佳勝九幅圖至適合弟岱青樓初成把酒同觀醉書其尾他日與華甫按此遍游庶幾不爲生客萬曆二年六月

題天台圖卷後

余聞天台上應三台故稱台岳自赤城過察嶺爲漢隱士高察讀書堂而佛隴則智顗師初修地靈

國朝文獻

卷之十九

十

墟則解涅槃經處云久欲一游以盡國清桐栢之勝未之逮也友人張君伯鄰守台州還出此圖相示信乎雙闕雲竦以夾路瓊臺中天而懸居窮山海之環富盡人神之壯麗如孫綽所賦矣凝思幽巖朗詠長川此興益勃然羨伯鄰之先登大篇得于台者擲地金聲必越興公遠甚因題其卷末云

題鴈蕩山圖卷後

張君伯鄰解台州之二年余亦歸自河洛視余斯圖按西域書羅漢諾詎那游方時師語之曰若行

四方當值勝妙山水起塔立寺花名村鳥名山則其地也及至震旦東南大海際有鴈蕩經行雲漢漠龍湫宴坐雨濛濛之語至今其塔廟爲十八寺之肺腑山河南戒盡于此可謂勝矣伯鄰復爲余談大龍湫之奇絕令人毛髮森竦摩挲此卷一一記圖中所表異時者布襪青鞋之游當自此始以盡夫天姥沃洲焉不必借圖經于郡中而可躡靈運之蹤矣伯鄰其博我聞見哉萬曆甲戌十一月

潛仙翁書許都仙胎息歌跋

歐陽文忠公集

卷之十九

七

豫章潛仙先生葆養天倪好學不懈所書胎息歌許都仙懷也家藏真蹟益勝于枕中鴻寶遠甚余好誦屈原所述王子言及黃庭經數語都仙殆亦有得于是耶蘇子瞻云世外之道金丹爲上儀鄰次之胎息三生爲本有味乎其言之也用晦宗侯繩厥祖武刻此于石旌陽拔宅遠游所受于其祖者寔多稚川氏丹陽之胄也非葛仙公孰啓其傳哉雪中泊南浦用晦以此卷相視爲跋其後慎乎藏之千百年下精光上燭洪崖丹井之西非此耶

書表忠錄

寧德君與余爲諸生同硯席甚久其死難時余畱滯京師旗誅縛謳皆不獲豫南望七閩蘇蘇隕涕而媿夫涕之無從蓋傷其死綏死封疆也肅皇帝勅贈太僕寺丞蔭子翁齡爲太學生凡諸題奏劄狀銘表傳贊奠文輓章彙次爲表忠錄嗟夫倭奴肆禍于閩酷矣至寧德君之死益慘不忍言寧德君死後之十七年余官太學其孫邦楨補蔭來游余門李六者負笈而從蓋當日護印伏尸之義僕也讀斯錄相與歎歎久之嗚呼冒刃臨危余已傷夫結纓絕命之友報恩今日能無厚望于羽林死事之孤也耶

題宋人書雜阿舍經後

佛說此經爲第二十七卷天竺三藏求那跋羅譯于瓦官寺者宋元祐庚午錢唐商軾書句容崇明寺所藏今歸于京師千佛寺澧公是經之功在捨五蓋修七覺分大智慧十方人能奉行此當得大果大福利矣阿羅浮以專精爲力諸佛以大慈悲

爲力誠澧公之心哉

書古墨齋記後

唐人碑碣今多存者然毀弃亦不少崔潭龜詩蔡有鄰八分書也守京兆者琢以爲礎顏勤禮碑魯公筆也守長安者磨以構亭雲麾將軍之石又何憾于良鄉學官哉李君襲美移置縣齋千年舊觀復歸宛平余讀惟敬之記三復有感後有博古君子其必愛而存之矣

書墨竹事

歐虞部文集

卷之十九

三

萬曆戊寅十月二十二日同僚熊君可行以禮公所畫墨竹委余題詩其尺牘云願得出籠饅頭不願宿辦家僮操鄉音謂熊爲洪余卽信筆答委題竹又欲出籠饅頭山厨無炭無麪何從辦此待潤筆之貺始有以復耳時張平叔汪子建茅平仲三山人見過余急于迎客不及視牘尾姓名亦以爲洪君元虛之所委也二十三日題其墨竹曰梅是沙彌密是師長于弟子已傳衣毫端無數青鸞尾半似瑤池月下飛遣家僮送洪元虛仍書牘謂饅

頭是新蒸但不知可口與否洪答以未達不敢嘗

二十四日胥會學省季試諸生洪問詩意謂何余以禮公長于僧號蒼雲以畫竹名蓋蜜殊梅仲圭之流也洪云公何以忽有此贈熊則問饅頭已出籠否蘭亭圖跋亦願速之余始悟錯于送洪者諸僚相與烘堂大笑是日天忽大雪同諸僚講堂中舉酒甚樂余因解嘲于熊云蒼雲何處飛白雪一以快君莫問竹林蘭亭幸猶在諸僚觴余又大笑夜還覓蘭亭圖速跋尾歸熊不可復以二十四州

歐虞部文集

卷之十九

四

鐵鑄此錯矣

書石鼓文後

先考修職府君有石鼓帖得于張尚書泰者是國初物家遭回祿此帖不存嘉靖末余入都始見石鼓博士壽承揭以見遺紙墨頗精然視昔年被燼者遠不及萬曆初余官太學再揭又已缺一字周宣王岐山之徽至今二千數百餘年石類確曰文似雅頌書則史籀所作大篆鉅利鉤殺書家謂之螭匾此十石古質可寶岫巉禹碑吉日癸巳皆翻

刻者非其匹已不知歐陽永叔何以致疑耶夜從
栢林寺還明月照積雪望西山玉削偶一展觀恍
若蕭蕭馬鳴悠悠旆旌時也

陳太僕文太史朱九江湯待詔墨蹟跋

是卷魯南服膺眉山詩皆閣試館課之作徵仲二
篇初通籍時語字則如裴叔則麤服亂頭亦有玉
山映人態子价諸詩多在朱干草堂及吳興日所
戲博支子敬玄歌字字作天仙入想而徐無鬼事
可發一笑書法流宕蕭散俱足寶愛堯文二長篇
尤稱合作臨池之興本自超也子忠得此種種帳
中論衡何異蔡邕母駭其談說驟進矣

題莫雲卿送春賦後

莫郎此帖筆法是洛神來故自超逸賦則藻思艷
詞足以搖蕙動鳧對落花瀉瀉寫此何異息嬌辭
房漢妃去國時耶才人感春握管千言便成秋林
一段奇事不必以張衡正情蔡邕檢逸與宋玉馬
卿並談也

宣宗皇帝御書卷跋

臣嘗讀 章皇帝廣寒殿記文淵閣銘招隱詩鳳
凰臺歌西苑燕餞少保黃淮歌及新鴈詞過史館
六言皆理中墳典語逼黃虞非一時載筆儒臣所
及比過歎舍人臣淳出示 御製草書歌一卷乃
宣德七年二月十五日武英殿書賜稽勳郎中臣
南雲者臣獲捧誦雲漢昭回星日晶映 宸奎所
在林丘生色何異河圖弘訓耶歌中有頓挫出腕
力飛動生神采之句又草書秘傳矣南雲江西南
城人官至太常卿與淳俱程氏系出新安是卷今
歸于淳珍藏石室信非偶然因薰沐敬題其後

歐虞部文集

卷之十九

七

書吳孝婦傳後

子讀邵長孺所傳吳孝婦事奇矣奇矣夫以萬金
富人女能御荆布而奉夫子如孟光桓少君謹事
寡老姑懼諸兒分姑之饗乃覆肉簞中食姑賢於
郭巨遠甚夫子吳中孝先蓋仲周之從子感婦之
孝婦死不更他妻率其子女以奉母婦死夫義斯
文之關於世教也豈淺歎哉

祁羨仲天台游卷跋

燕京近塞邊胡朔風侵骨黃沙撲面羨仲躍馬北
來解其橐中裝見吾黨二三子贈其游天台詩且
唧唧談天台之勝忽若赤城霞起又如梯巖壁援
藤葛於瑯樓玉闕上忘其身之在幽朔間也羨仲
固異士曾躡匡廬陟武夷能爲燕趙慷慨之音奏
賦公車計日召對天台丈人可以扶轂匡廬長武
夷君左右捧轡足佐使矣吾家四百三十二峰長
髯叟已一囊見遺吾杖策而南羨仲幸割鴻溝吾
其與君狎主之哉

陳虞部文集

卷之十九

題六書本原後

科斗古文鐘鼎每見一二李斯變小篆古文亡矣
楊子雲所識奇字已不可攷許氏說文自三蒼來
實始成書唐之李陽冰宋之徐鉉張有於六書之
義不可謂不精戴侗楊恆所製尚多可恨余從虔
州俞國聲得豫章朱明父六書本原明父石城王
孫也自謂潛心字絜已十年餘追考古文以爲字
母勒成斯編明千古心畫之妙正後世譌陋之失
余三復之歎其良工心苦且補亡訂謬功倍于吾

衍周琦六義相貫三圖誠可推而求也其因形賦
象因文依聲不俟紬繹逸文岐陽嶧山炳然在目
同文之代宜其有此作也夫

書蘇東坡畫竹卷後

文與可謂蘇子瞻吾墨竹一派近在彭城時子瞻
方守徐州也今觀此卷秀勁瀟灑筆下有凌雲之
勢孰非箕營谷中物耶信與洋州並衡齊軌矣料
得清貧饒太守渭濱千畝在胃中宜其與夫人園
中燒筍時噴飯滿案也此卷今爲大行人古渝蘇
君以時所得以時文章風節宛有睂山家法且工
畫竹不謂岷江一派今在巴子乎哉

陳虞部文集

卷之十九

文

鄭少谷方棠陵倡和卷跋

正德戊寅長至少谷鄭繼之棠陵方思道有事山
陵聯句八首繼以倡和思道方起三衢才名籍甚
繼之七閩穎出聲詩大振於郎署中顧其時毅
皇好逸游遠馳邊塞政出閭寺士夫喪氣憂世之
辭往往見焉繼之諸篇如長陵泰陵邊將劉
祠馬上不可槩觀其慷慨嗟傷西歸好音之懷耶

斯卷背思道手書已六十餘年觀察劉君仲修從
燕市購而藏之問索余題余趨祀 康陵甫還竊
伏自念幸與仲修際 主上熙豫之朝撫卷懷往
其能無所感也夫

書十八羅漢井蓮社圖像後

是卷前爲十八尊者像後爲蓮社諸賢像夫佛世
尊以法界體起法界用非像而像偏應一切非化
而化普度羣生故曰法界圓融像無所像真如清
淨化無所化雖像無所像無所而不像化無所化
此是部文集 卷之十九 九

無所而不化法界真如之體何其大而其用何所
不至耶嗟乎法身豈能常住法性固在也學人觀
千年圖像其于吾法性求之一切衆生本有之心
源三世諸佛所顯之覺體盡在法界中矣元易以
爲然乎否乎

書楊太史草書卷後

正德辛巳冬成都楊太史用修爲李閣老宗易書
此卷皆在館及使蜀之作閱六十年而都人劉憲
副仲修得之事殆奇甚余觀弘德以來學士大夫

詩宗李賓之清婉流麗北地信陽起力追古昔賓
之蓋先入北軍呼左袒矣嘉靖初詞林每效初唐
用修爲最一時皆肩隨之斌斌稱盛其後一以杜
陵爲正鵠作者皆挽八石之弓然去陳拾遺王右
丞豈但千里哉嗟乎以希韋氏之流視今之世夫
孰能不波卓哉蒙莊余誠有味其言矣仲修其實
此卷或可以俟諸百世也夫

書番玉獻馬圖後

斯卷故是佳品似宋人蘇漢臣效周昉筆唐王孫
此是部文集 卷之十九 十

孔炎氏之所藏也觀其八尺胡聰奚人引獻人主
之前無所驚懷內之常侍宮嬪左右相顧人人異
態非名手不能夫蕃馬之入中國皆絕域裔夷來
草來王盛事不然則其逐水草羣畜牧種落匿伏
於陰山瀚海之旁因杆之所未至驟騎之所莫窺
曾得震懼歎附如貢象牽犀之恐後乎雖然畫師
所圖之意殆亦召公旅葵之旨矣

松鼠圖跋

玉潭翁畫鼠天機所到真態爛然不落繪家畦徑

寫物之佳境也寥寥數筆誠自可寶觀者毋以魯郊食角公田傷稼物色丹青爲此老罪過孔炎嗜古博學審定爲錢氏真蹟不遠二千里寄以示子爲書其後歸之

梁武帝草書狀跋

余聞蘇江州敬之在成化間廉潔峻整稱良二千石書法又爲巴西第一茲從其曾孫入行君以時獲睹篋中所藏梁武帝草書狀筆氣超詣疾徐應手自十七帖來絕不作妍媚態宜乎藝家之尊蘇

歐虞部文集

卷之一九

主

書虔臺攀望卷後

吾鄉唐仁卿氏令泰和六年徵入爲南司徒尚書郎方取道歸省澄海時泰和父老子弟追送至虔州者數百人事固異矣仍各敘其攀望之情於卷中詞亦雅馴可讀余嘗愛太史公言身修者官未曾亂也奉職循理可以爲治何必威嚴哉泰和父

老子弟其猶有三代人心之公而仁卿氏之所以遺愛於泰和者謂非奉職循理之所致與不然何以得此聲於大江之西也

題玉鹿仙丘記後

古有鑿坏棲樹負甌織畚之夫其拒外抱中祕名韜迹豈必盡托於名山蓋亦一丘自足也顧君仲長德器瑰璋詞藻茂蒨一仕卽已夷曠恬愉隱有小丘當慧山第一峰麓夢白鹿老人便得雕鹿玉玃爲玉鹿仙丘記豈非蘇耽魯女生千歲之兆耶

歐虞部文集

卷之十九

主

書學錄劉公墓銘後

此太宗伯太室徐公所撰雙隄先生墓志銘也九澤侍御可謂克彰先德者矣嗟夫國稱有道不媿中郎之碑家表文通必待河東之筆况出愍節公之後乎史伯曰天之所啓十世不替成天地之大功者其子孫未嘗不章永譽命以光大江陵之族

其在侍御君也夫

書出塞集後

當嘉靖庚戌 肅皇帝時匈奴窺邊京師警備甚急 帝用趙司業議命大將軍鸞帥師北伐虜時吳人周君一之以記室從濟南李于鱗瑯琊王元美東郡謝茂秦南海梁公實各爲詩歌贈之彙爲出塞集鸞驕橫日不可制君諷之不從竟謝去鸞以叛誅君卒之二十三年其子文學徂過金陵以是集示余不佞則聞君伉直好義浮沉翫世蓋魯歐虞部文集 卷之十九 三

雅宜山人書蘭亭記竹樓記跋

履吉在嘉靖中以書名觀其筆迹適潤風神映照昔人評書雲鶴游天羣鴻戲海者固自超逸而應規入矩方圓乃成未可貶也斯二賦爲閔生元洛所藏信是楷書佳品足以雄跨一代麾走百家不但重戴山之扇炳柳谷之石而已

書沈君典手蹟後

沈太史詩程子虛所藏者睹其真蹟神情宛然一代風流誰不爲宣城墜涕嗟夫黃父昔會尚記九言孟公云公祗餘片札然亦可以存茂陵之草而寄蜀州之憶矣

題封醫無閭銘後

萬曆甲戌秋土蠻窺邊五將軍出塞卻之大司馬眞定梁公奉詔勞師於是銘醫無閭而還其石則新安羅文瑞書也嗟夫漢苦匈奴仗衛霍之力王

歐虞部文集

卷之十九

三

庭北徙而中國亦疲戊寅冬余侍闕下梁公時督薊遼破土速諸酋十萬衆於塞外有養善木之捷露布奏聞躬睹告廟賞功盛事斯銘也豈在封狼居胥下乎摩挲榻本羅生此書法實效率更殆與茲山同永矣

題江南水利圖說後

往余從交戟內聞柱史懷安林公江南治水之勞也及抵金陵睹水利圖說始知其自吳淞閘四十餘里以受太湖諸水及導潏泖秀水蒲匯於黃浦

又導崑山太倉虞涇諸水於劉河盡復三江故道
又導丹潤江陰孟瀆大江之所從入以利漕渠又
深濬白茆港以入海其間爲堰爲隄爲堦爲礮爲
閘資灌溉植秔稻反覆其所爲圖考究源流通塞
之故畚鍤先後之方工役法約之程行水使者率
而循之隨時變通可百世利也昔夏忠靖周文襄
廟食茲地吳人頌其治水之功居多今視懷安勞
績殆倍之矣哉語曰不習爲吏視已成事異日太
史志河渠溝洫必求斯編於掌故氏矣

歐虞部文集

卷之十九

圭

弘正名翰卷跋

是卷李獻吉左國礪陳玉疇及蘇清歐亮鄭作李
元諸君皆爲閔國用書者夫弘正間詞人之筆無
不可珍而獻吉崛起中州遂冠昭代國用以儒而
隱於醫游汴最久得此足稱篋笥之富壽卿過金
陵暑中同閱於青谿館殆若御風而行冷然善也
大鄣之間慎乎藏之將見英英白雲出蒼梧入大
梁蔭映楫楸中矣

豫章諸王孫詩卷跋

不佞聞葵源有余氏不其也不其一字無且歲庚
辰無且游豫章諸王孫宗良用晦貞吉孔陽佳甫
巍甫各有贈篇而程孟孺王永叔詹文祥邵長孺
之作都爲一卷無且固稱枚馬才諸王孫何減梁
孝哉不佞雅善諸王孫斯游恨不與無且同日無
且答贈具在豫章集中昔司馬長卿從諸侯王來
入冠西京賦客不佞爲無且壯之否則格五彈棋
皆可以陪芝蓋奉桂苑耶

書林芝眞行千文後

歐虞部文集

卷之十九

圭

鄧林生千文帖在金陵寫楷法率更之筆行書結
體似虞永興余往見豐南禺氏力追古學研精諸
體今觀此帖知淵源所自也林生名芝字仙客以
病廢故精於書用志不分乃凝於神殆亦痴僕丈
人之儔乎

題父質甫盤礪齋書後

父君蚤游文博士休承錢徵君叔寶之門凝神定
力深造自得其山水樹石人物兼工吳中畫苑之
秀也余獲觀三十二帖於青谿館庶幾入錢文之

室而窺董馬之戶矣父君非用志不分何以臻宜
僚弄丸庖丁解牛之妙如此涼雨初霽木葉滿庭
欣然爲書之

書何惟聖集後

是集諸體皆備經術比杜征南材格似高常侍家
出楊越翩翩有燕趙之氣豈操觚握管風調自橫
槩據鞍來耶孰謂何將軍獨有綠沈槍也

題吳節婦傳後

予讀程無過寡姊傳知程之女德茂矣當吳滔凶

歐虞部文集

卷之十九

三

時程氏出奄中裝營高敞地大其寢丘而虛右邵
復置祭田告吳氏宗老奉其夫主祀于宗祠自以
未亾人附之歲時致祭膳肉必先至焉此其矢志
昭昭然如揭日月而行卒之完名全節加于賢者
一等矣宜其傳之以風後世也

黎惟敬兩詩卷跋

惟敬書法自褚河南歐率更來結體則蘭亭聖教
也是卷爲余太史伯祥所藏尤風骨遒勁詩皆嘉
靖己未後典秘時所作回首已三紀餘青簡尚新

而黃髮不待太史出以相示因摩挲三歎題之
隆慶己巳惟敬自嶺外入都以司徒尚書郎使雲
中再被命扈閑辛未春爲伯祥書此卷皆北游諸
詩也憶己卯歲惟敬乞歸出次許氏園日引觴握
管寫卷軸數十余猶及與伯祥於晉陽燕酌之酒
醉又斗大隸書數十紙乃別別三載惟敬修文去
矣余尚畱滯舊京伯祥開篋霑臆能無尺波電謝
之感也夫

跋李斯頌德碑後

歐虞部文集

卷之十九

三

秦李斯小篆惟泰山嶧山二碑之眾石刻數字而
已唐封演尚謂嶧山碑非真杜子美所謂野火已
焚而棗木傳刻者今勒石於會稽乃元人申屠剛
所重摹其位置用筆雖小減於鄭文寶徐鉉然古
意猶存亦可寶也余按子美八分小篆歌有云大
小二篆生八分苦縣光和尚骨立則老子祠碑蔡
邕八分也蔡琰嘗云臣父邕言八分書割李斯小
篆去二分取八分但八分與隸自當有辨歷觀流
傳以來隸與八分混而爲一書苑獨謂子美所稱

李潮善小篆八分師李斯嶧山碑金石錄則有潮所書慧義寺彌勒像碑云余因此悟蔡邕夏承雖出於郭香察西嶽碑而蛟龍盤拏之勢亦稍異矣豈但申屠之於鄒嶧哉

秋興卷跋

杜拾遺秋興詩蜀中思長安作也唐室自安史後復有朱泚吐蕃之擾拾遺轉徙河西劍南崎嶇困苦久客望鄉其於昆吾御宿蓬萊鵲終南漢陂豈能一日忘懷耶詩中勞佚悲憤忠憤感激千古

歐虞部文集

卷之十九

无

在目好事者寫之圖畫隸書八詩率可觀覽墨卿詞客不待浮游兩川固可坐得浣花草堂之勝矣

書曾處士卷後

余聞西昌樂道曾處士之孝也十六而依力田養毋撫育幼弟以毋守節卒不貽其憂誠可謂孝之艱苦者矣其子廷讓居敬氏亦能孝嘗售其廬以治親喪蔬食苦居三年不入內室一潭太守所爲傳志足徵世德唐計部仁卿以此卷視余屬病廢詩然余詩豈能爲處士重處士已不愧董召南徐

仲車也已

華亭楊孝子詩卷跋

孝子名應祈戶科給事楊公允繩子也世廟時給事上疏忤柄臣論死孝子匍匐請以身代禍竟不解不忍見父臨刑絕粒數日死死三月給事不免矣都人一時稱忠曰三楊謂繼盛爵允繩也逮穆廟初贈給事光祿少卿錄孝子遺孤忠裕入太學嗟夫孝子之死抱恨九泉矣學士大夫詩歌誄頌其亦秉彝好德之心也與

歐虞部文集

卷之十九

三

淳化殘帖跋

是帖宋太宗命侍書王著摹刻爲十卷曰閣帖蓋淳化三年也當時楊手最精西府大臣始獲被賜他如絳帖潭帖太清樓帖戲魚堂帖皆重模者不及淳化遠甚盱眙李惟禮所購僅得八卷殘缺不全多木裂處而無銀鋌痕雖非潘谷李廷珪墨所印自神采有古色殆汪端明集古堂之麟甲鳳毛耶惟禮藏之視帳中論衡百倍也

恭紀 誥敕刻石後

臣大行和昇監從祭酒後歲戊寅會 皇上恭
上 兩宮徽號推恩臣先考處士府君獲移贈修
職佐郎國子監助教給 勅命一軸辛巳臣以大
理左評事轉南京工部奉職曹司壬午遇 皇太
子生臣署郎中荷蒙實授癸未奉 詔書臣先考
加贈奉政大夫南京工部虞衡清吏司郎中臣先
妣孔氏贈宜人給 誥命一軸先是臣率弟大謨
大章姪葆等奉先考妣自道園改葬斯阡已越十
載甲申臣引年上疏 賜致仕歸始克告墓焚黃
歐虞部文集 卷之十九 三

謹錄前後 誥勅勒石青蘿山中表示百代嗚呼
先考妣教臣不自意以文學循資叨進兩京部寺
清秩犬馬無所圖報敢自謂庶幾不負庭訓顧微
陛下恩寵贈及先考妣光賁泉壤實臣沒齒所不
敢忘臣今丘壑老矣尤願臣子孫仰思 譽命所
謂謀成燕翼訓嚴斷機勉嗣忠孝萬一衍式穀之
教此則臣惓惓之心云

書張司馬撰魯王典儀程公墓志銘後

太學程伯賞兄弟之謀爲二尊人窀穸地也嘗介

余請銘于司馬張公云司馬之銘也蓋爲典儀公
鄭夫人也乃今甲申六月廿八日典儀歸歟南太
平橋之藏而夫人不能從焉姑以是銘納典儀墓
中卽他日爲夫人地亦銘是是形雖分而神未嘗
不合夫何間于白首之言典儀子懋功卽伯賞娶
吳氏繼汪氏方氏懋助娶吳氏孫烈卿娶汪氏繼
吳氏烈鼎娶方氏烈侯聘徐氏烈輔聘曹氏烈侍
聘吳氏曾孫堯慶娶吳氏堯庭娶鄭氏堯度聘閔
氏堯庚聘王氏大平橋之原故有社屋鄉人名曰
歐虞部文集 卷之十九 三

社屋墩典儀墓在墩左亦緣其名地去托山一舍
許此司馬所未悉者因附志左方

歐虞部文集卷之十九

歐虞部文集卷之二十

嶺南歐大任楨伯著

雜著

修仙說

先天一氣金丹之母也修鍊胎息氣歸元海八脈皆住氣會于丹田攢簇五行和合四象謂之太一含真炁謂之先天一氣吾人日用之間六慾七情感之于中氣之飄發震蕩豈能保元和非所以採取先天一氣也余聞修仙只在保精則寸田尺宅

歐虞部文集

卷之二十

皆可治生若六慾不絕七情不節則靈根不固元氣日薄元精不產太乙含真之氣何以聚而爲藥物世間一種人情識不去嗜慾不絕不知身中鼎爐陰陽鉛汞屏去衆緣確立定志凝神靜養于真息求火候以成工夫却終日營營專求外丹惑于方士之說沒身迷誤而不知返余深爲天下談仙者惜之矣嘉靖甲子臘八日燕京客舍與客談赤肚子事因以修仙答客云

詩問

諸生曰詩人之作古今每不相及何也歐子曰今之于古體以代殊固不能及也諸生曰何仲默云漢無騷唐無賦宋無詩徐昌穀云安世房中溫純厚雅孝武樂府壯麗崛奇可爲雅頌之詞鼓吹奏平軍中童謠發于閭巷亦十五國風之次也東京以來歌詩之聲微矣李獻吉云真詩每在民間匹夫匹婦途旁巷謳勞呻懽唱者也三子之論何如歐子曰仲默之論騷賦誠然也魏晉而下無雅頌之作矣風猶有存者體裁或殊民間童謠孺歌是

歐虞部文集

卷之二十

二

所謂風也昌穀獻吉知言哉諸生曰唐人以近體勝今壹祖唐人矣可謂今不及唐人耶歐子曰余謂今之不祖唐人也祖唐人者仲默獻吉昌穀而已而三子之樂府古詩唐人能及乎樂府古詩之必祖西京猶近體之必祖唐也今也舍其祖而祖他人之祖尚何古人之可及耶諸生曰士亦可學詩乎歐子曰成也者樂之成也均也者審聲之高下使和平也鹿鳴四牡皇華魚麗嘉魚南山之爲黃鐘清宮則唯葛覃卷耳鵲巢采芣苢之爲無

射清高此詩之叶于律呂者也樂必本于詩卽正宮越調尚可以求聲歌之髣髴况唐人近體乎况樂府古詩乎諸生曰問詩知樂然不爲魏文侯聽而欲臥者幾希矣

酒問

或曰酒有何過而禁之也曰先王賓祭孝養洗腆未嘗廢酒酒誠何過而禁之也妹土崇飲酣縱淫汙于是酒誥作焉都人士與四方至者太平偕樂羣飲有之邇毋亦司民涵于酒乎或曰禁旣嚴宜虞虞部文集 卷之二十 三
皆醒矣然逢人于市拱手閉目噤口垂頤似莊非莊似癡非癡天地莫辨南北莫知如醉如夢如昏如迷扶路同向羣然一詞此亦酒之過與曰雖非酒之過然餽糟啜醢固酒之流禍也恐獨醒者掩鼻茫然而走矣嗟乎嗟乎孰可誥禁之乎

秦風辨

邠岐豐鎬之間皆秦也文王二南之化見于兔置羔羊而風于江漢汝墳者遠矣今自車鄰駟鐵小戎無衣之詩觀之皆負戈馳馬之人發乎性情播

爲音節彷彿于急笛清笳鞀鼓交作之時足以勵介冑之氣而動旌旗之色其慷慨激烈之義十五國風惟秦而已信乎周之舊也其詩如黃鳥渭陽終南蒹葭皆有据不俟言矣惟晨風刺康公忘穆公之業弃其賢臣朱子以爲婦人以夫不在而言權輿刺康公忘先君之舊臣與賢者有始而無終朱子一不信小序而以爲不可考也秦人專精果毅敏于有爲而不媮其風義所激雖或怒猛實皆出于性情而不失先王禮義之教彼之絃歌用于虞虞部文集 卷之二十 四
蒐苗獮狩嚴戒軍旅之前足以盛氣而發容則其慨慷激烈不可以要歸于雅耶卽晨風權輿之所刺亦風刺諫諍之正非他國之詩可及而必以爲婦人思君子吾不知其何說矣嗚呼讀詩者不達于先王之教與周之所遺其何足以知秦風哉

鳴鴉辨

詩經秦風後漢求遺經學士大夫采里巷所諷習者以補亡其錯簡雜出蓋難言矣鳴鴉一篇金縢詳焉蓋周公之心可以示天下萬世者也余嘗病

毛鄭諸家誤解金縢之居東混于始末或謂周公攝政管蔡誅後爲詩以貽王或謂旣爲冢宰中避而出作詩貽王後乃攝政而誅管蔡或謂旣誅管蔡恐成王疑已作鴟鴞以喻成王殊不知成王之幼未能踐祚周公負扈而朝諸侯實以冢宰而攝行天子事也管蔡外挾武庚倡爲流言公于是退而居東居東者非東征管蔡也蓋人臣當居攝之時值羣疑之際且謗起于骨肉之間計必返居于魯去位旣久三年而罪人斯得公乃作詩以貽王

歐虞部文集

卷之二十一

五

猶未敢明言武庚管蔡之罪而獨托于鴟鴞以感悟焉大抵自喻保定國家之艱難反遭流言如鳥巢爲鴟鴞所破旣取其子又毀其室羽之譙譙尾之脩脩爲風所漂搖可悲孰甚故曰予唯音曉曉此其忠憤鬱結之所發也書言王亦未敢誚公是其疑猶有不盡釋者及風雷之變王啓金縢得公所自爲功冊祕願代之說釋然悔悟出郊迎之復冢宰之位逮武庚挾三監已叛反狀已著于是始東征誅之以定殷人之亂大誥多士多方所由作

也如伐柯九罍狼跋諸篇則東人頌其賢而惜其遭公歸自東征賦東山以勞征士而從軍者答以破斧焉始末之可考如此余因毛鄭諸家之誤恐終未明周公之心也注經君子其或有所取也夫

河圖洛書辨

圖書莫非理也而後世索之于數圖書之理莫非天也而後世鑿之于人聖人默契乎天會通乎理取則也大立教也正本理之出于自然者足以周天下之物成天下之務世儒推象數以原經而經

歐虞部文集

卷之二十一

六

晦衍意見以傳經而經疑圖書于是誣怪而支離矣余嘗觀邵子于易旣出橫圖于其前也又作圓圖左右分析以象天氣又作方圖交加八宮以象地類規橫而爲圓填圓而爲方天地山澤風雷水火八卦對待之體乃別而圖之爲先天由是行乎四時序于五方則流行之用乃別而圖之爲後天上古之易何若是其紛紛孔子傳易未必爲其圖說也黃氏東發謂天地定位一章必非先天卦位疑圖學之不可從信乎圖學爲邵子之易非上古

之易也蔡氏作皇極內篇以疇之目合書之九九
衍之而爲八十一八十一衍之而爲七百二十九
極之千六千五百六十一焉自以爲補洪範不傳
之數然玉齋胡氏已謂大禹之作範未必拘拘于
書之位次以定疇之先後矣夫地十之數不可通
于洛書之九五行一疇不可通于八疇之義箕子
陳範又不可陷于緯書之流矧洪範籍蔡氏以推
衍何其敢于誣經哉夫龍馬出河伏羲則其文以
畫八卦神龜負文而列于背有數至九禹因而第

歐虞部文集

卷之二十

七

之以成九類此孔安國之言也伏羲繼天而王受
河圖而畫之八卦禹治洪水賜洛書法而陳之九
疇此劉歆之言也河圖呈于伏羲而十以揭其全
體洛書錫于大禹而九以著其大用子明堯夫諸
人未爲無見也其必謂圖以龍馬而制則龍馬所
載爲何圖書以洛龜而成則洛龜所負爲何象至
于劉長民又以圖書互藏其用而托言于陳希夷
以爲皆出于伏羲信如是則易出于圖無圖則八
卦不畫範出于書無書卽九疇不成何異于緯候

謂河以通乾出天苞洛以流坤出地符聖人必有
神物以授之之說耶附會神怪實起于此也且如
河圖之數析補八卦孰爲一六而下孰爲二七而
上孰爲三八而左孰爲四九而右孰爲五十而中
孰爲乾兌離震孰爲巽坎艮坤其卦也因其上而
上因其下而下因其左右而左右因以四成數常
處其方因以四生數各補于隅聖人之效天也亦
拘矣以洛書之數叅合九疇五行何以居下五事
何以居上五紀何以居前左而皇極何以居中耶

歐虞部文集

卷之二十一

八

入政何以居左稽疑何以居右三德何以居後左
而庶徵福極何各專一位耶一三五七九奇也而
五行入政皇極稽疑福極何以屬之奇二四六八
十偶也而五事五紀三德庶徵何以屬之偶因其
自一至九之文則又奚必縱橫白黑錯綜位置神
聖第而成之祕而傳之耶余謂鴻濛之初天地萬
物之情陰陽鬼神之狀寓于法象易已行乎其中
矣伏羲神而明之以定畫故曰仰則觀象于天俯
則觀法于地觀鳥獸之文與地之宜于是始作八

卦乎成之後立極綏民之法事天治人之本布于
文命疇已具乎其中矣大禹會而通之以作範故
曰天乃錫禹洪範九疇彛倫攸敘又曰河出圖洛
出書聖人則之蓋聖德格天河洛效靈圖書之數
未必不可通于經第不必如世儒托異徵祕分配
推衍以鑿之耳程子有云孔子感麟而作春秋麟
不出春秋豈不作如畫八卦因見河圖洛書果無
圖書八卦亦須作朱子有云伏羲仰觀俯察遠求
近取安知河圖非其中一事二氏之論稍爲得之

歐虞部文集

卷之二十一

九

隆慶丁卯于邗上讀潘啓明圖書測言因爲之辨
云

試江都諸生五問

問師道貴立君子貴躬行科名官爵世所歆艷非
師友之所劇切也夫躬行君子立師道于萬世者
孔子也師道立則善人多立亦難矣以禮爲教學
者有立必在臯比勇撤之後年才十五巋然爲師
顧于太平未上之先豈河汾之德果勝于關西耶
高蹈龍門者如兄所期而能尊師道落名甲榜者

歐虞部文集

卷之二十一

十

者吐肝膈言之教學相長余重有望焉

問尚書爲二帝三王之文孔子所定無可議矣余
竊一二有疑焉堯典稱胤子監訟舜之戒禹曰無
若丹朱傲皆言丹朱之不肖也后夔憂擊鳴球搏
拊琴瑟以詠則虞賓在位羣后德讓丹朱一聞舜
樂卽和于衷感化何神速耶金縢之篇曰天大雷
電以風偃禾拔木邠人大恐蓋周公居東之感天
也然成王之時越裳氏重譯來朝則謂天無烈風
淫雨海不揚波意中國有聖人則又以風雨不烈

不淫歸周公矣夫丹朱一也堯爲之父終日與居而不能化舜爲之君簫韶一奏而讓德咸和二聖優劣豈亦有別耶周公一也雷電以風信書則史何以傳信天無風雨信史則書何以爲經一時紀述豈亦有舛耶諸生其爲余訂疑也

問冉有宰我孔門高第弟子也政事言語其所長矣然一則爲季氏聚斂至鳴鼓而攻長于政事者固如是乎他日則許其治賦而告以聞斯行之豈以其謙退有可進而軍旅且曾學也一則有戰栗

歐虞部文集

卷之二十

十一

之對短喪之問長于言語者固如是乎而晝寢則于子何誅史又謂其與田常作亂豈以其利口辨辭有可取而臨菑大夫或能治也四科之目十哲之祀抑皆取其長而諱其短乎七十二子之中卽無政事言語可及冉宰者乎朝夕宮牆游者應思及此矣欲求定論幸無曰方人不暇焉

問荀子著仲尼王霸諸篇尊王賤霸述仁義而黜權謀似非戰國縱橫之習韓愈氏表列于孟子之後且謂其旨歸與孔異者鮮而欲削其不合者以

附于聖人之籍但其譏六子之蔽而其蔽不下于六子至論將持六術五權三至之議烏在其賤伯而黜權謀也楊子作太玄法言覃思秘奧其道以陰陽爲本比于庖犧仲尼班固氏謂其文誼至深論不詭于聖人凡今貴遠賤近親見其祿位容貌不能動人故輕其書然方州部家似與易殊而劇秦美新豈明哲考燭之智又何云不詭于聖人也荀楊之所以大醇小疵者必有折衷佇聞其說問江淮南北亦用武之地也今屯兵募士糧餉不

歐虞部文集

卷之二十

十二

賞操練以時擊搏有法庶幾可待敵矣議者謂江淮之兵綿力素怯不如燕趙豈膽氣技習誠有異耶然考之往牒以中郎將而破斬張嬰以功曹而會討董卓起兵討司馬師者楊州都督之兵也起兵討司馬昭者鎮東將軍之兵也北府兵之爲前鋒戰無不捷廣陵相之渡洛澗斬掠無遺江淮兵士則曾雄于漢魏晉矣且長驅淝水風鶴皆兵興復唐家淮南首倡而屯禦之策畱新息以衛光州畱壽春以衛安豐畱泗州以衛招信畱連水以衛

山陽又宋人所畫以振中原之勢者也自海上用兵以來江淮驍健誠未多聞往往資藉鐵頭軍毛葫蘆及睢陳曹濮保河西諸兵之力豈賈勇未有其人訓練未得其方耶請商畧古今著之于篇以觀帷幄之畧

試太學諸生五問

問天佑下民作之君師天子理君道則宰相贊之理師道則司成贊之弼天子修政教成化理者誠在太學已然學則三代共之孟氏之言也禮則有

歐虞部文集

卷之二十

三

上庠東序右學東膠瞽宗辟廱之名何不合于孟氏契爲司徒夔教胄子虞廷之命官也禮則有司樂樂正師氏保氏司成司業之職何不合于有虞成也者樂之成也均也者審聲之高下使和平也樂固太學之所有事也後世何以廢音律而弗講師之出也受成于學其返也飲至獻馘于學兵固太學之所與聞也後世何以分文武而弗談頃者皇上幸學勅諭師生責實考成率作興事爲師生者固當考求設學之原立教之實以風厲海內也

子諸生其究言之

問說天莫辨乎易然三百八十四爻爻盡是人車未必專言陰陽消息之理也君子何以謂有聖人之易有衆人之易豈人事之外無天耶春秋聖人之刑書然二百四十二年行事未必盡誅亂討賊也君子又何以謂性命之文豈人事之外無性命耶夫灑掃應對便可上達天德而學者每事濶畧過爲高虛至遺落世故果何裨于事實聖賢之道如日月五星而學者每拈一二字開立門戶以

歐虞部文集

卷之二十

古

抗名譁世果何得于真傳此余素有所概于心欲求確論于子諸生者也其母勸說以答我問學莫先于義利之辨義利君子小人之判也昔陸象山與朱晦菴于白鹿洞講君子喻義小人喻利曰人之所喻由其所習所習由其所志當時聞者爲其感泣今也士志不立士習益下所日夜經營馳騁汨沒澆溺者利而已矣子諸生豈不聞齊景千駟死之日民無得而稱夷齊餓死民稱于今向使夷齊以千駟易其介則亦漸滅同景公也人

之一身參天貳地獨立萬物之表高視千古之上
其不欲不爲之心本自圓成本自靈覺曾以景公
夷齊時一證對秉寧靜澹泊之衷以却紛華盛麗
之悅否乎夫簞食豆羹與萬鐘小大得失殊絕也
惟辨于義利則雖死生之至切而簞食豆羹有不
必受惟不能辨義利則雖宮室妻妾之甚可已而
萬鐘有不必辭故曰學莫先于義利之辨辨此志

歐虞部文集

卷之二十

五

自夜氣平旦之初隱微獨知之際至于日用應感
之間果能辨志否乎朝夕相長願以肝膈之言告
也

問詩者樂之原也康衢擊壤廢歌述戒大聖名賢
匹夫匹婦莫不有作風雅興而音律備焉故東山
鳴鶉風也七月則肇雅矣卷阿公劉雅也河酌則
兼風矣此詩之出于周召者也不知蘇李河梁安
世房中尚可以追風雅之遺逸否乎鹿鳴四牡皇
華魚麗嘉魚南山之爲黃鐘清宮也關雎葛覃卷

耳鵲巢桑榆之爲無射清商也此詩之叶于
律呂者也不知正宮越調尚可以求聲歌之彷彿
否乎近代道學之詩不曰大極則曰乾坤不曰打
乖則曰弄瓦不曰爲飛魚躍則曰雲影天光其視
皇祖有訓文王曰咨同乎否乎成均之法以詩學
教國子者也其所以學樂其所以安詩願條析一
二庶幾起予

歐虞部文集

卷之二十

六

河運海運各有利便之可稽矣我朝洪永之際
以軍儲饋遼以京儲饋薊海運不廢也及定鼎燕
京之後會通河成漕渠稱便然決滎陽決荆隆潰
張秋潰金溝墊民耗國豈勝計哉近則河變迭更
徐邳淤塞議者請專遣大臣計治支河矣夫黃河
全勝一淮受之自西北而直東南途益遠合諸水
益多則其衢決未有量也昔人謂治河者徒紛紛
于南徙之河而不一講求北方之故道其說有所
據乎膠萊鑿河固不必議矣隆慶間用海鵬船自

淮口入海運十二萬石達天津往來無虞當是時事切燃眉謀深畜艾其忠猷具見夫西河漕而東海運善述 祖宗之事博議變通之宜萬年之利也其策的可行乎子諸生經世之畧必念此久矣幸詳著于篇

賻楊判官歸櫬疏

竊聞祁奚舉善羊舌佐中軍之尉君丁不以爲黨優孟稱廉叔敖獲寢丘之封君子不以爲私何也弔死卹孤仁慈之惠傷貧憫潔月旦之公蓋不待

歐虞部文集

卷之二十

七

瞻丹旄而繁悲視總帷而痛哭者矣故判光州井坡楊君家居嶺海世業詩書質畧任眞外不加乎矯飭慷慨當事內不主乎阿徇好學重儒官如布素愛民惜費澤及閭閻蒞光二年支無半俸鍾庾之人曾不瞻其妻孥水蘩之操未嘗憂乎饑凍死焉無劔黔婁正衾而不邪惠欲速貧鯁也有棺而無槨孀閨奉醊以崩涕萬里孤覓孤子扶輦而嘔心終天遺恨某同官此地竊祿大邦比事昔年叔向有撫孤之泣九言昨會簡子重臨客之哀已曾

上請州司申蒙兩院均賜資給矣惟是荒年遠道畏途戒心念此徬徨曷勝悽惻近見鄉衮名公上庠秀士暨郡中掾屬境內耆民咸切矜憐共相哀誄又有出資造宅之議舉買田種樹以畱居何異汝陰之于宋登桐鄉之于朱邑哉今首丘在念返櫬有期謹具尺疏仰于仁人篤麥舟之誼古今同風念左騭之情鏘銖唯命

試光州諸生五問

問六經皆孔子所刪修贊序炳乎如日中天也顏

歐虞部文集

卷之二十

八

曾思孟四子宗承其旨誠無異同矣惟後之注易有象數名理之別錄書有今文古文之分讀詩有大序小序之疑傳春秋有左氏公穀之異謂周禮不必以考工記補冬官謂禮記未必皆漢儒之雜撰果何以爲定論耶顏子早卒未及著書獨言志問仁爲邦喟然數語可見而李純仁徐達左李龔皆編顏子書以傳果有所本乎曾子之言見於孝經論語者多而存諸大小二戴所紀亦可考也漢志有曾子十八篇果曾子自著抑後人僞爲之乎

古有子思子二十三篇今不可見中庸爲二程所表章矣而雜見于檀弓孔叢子者亦皆其遺言否乎孟氏外書四篇似非子輿所著晁氏蓋嘗疑之林慎思乃謂弟子所記七篇不能盡軻之意復爲續孟子二卷亦有所見否乎夫六經四子諸生日所誦法者也下帷研究必有所得願商榷焉

問太史公之書劉向荀悅稱之極其至矣觀其推尊孔子而老莊與申韓同傳大旨可見固不但文章爾雅高古已也而後之人有謂其是非頗謬於

歐虞部文集

卷之二十

九

聖人先貨殖而後仁義退處士而進奸雄何其與劉荀異論耶宋之名公尤鄙其淺近而不學疎畧而輕信紀唐虞三代之事皆不得聖人之意自爲古史以示後世夫馬遷本尚書春秋左氏世本而爲書也何云不得聖人之意古史之序却乃曰古之帝王其道以無爲爲宗故其推之治天下者有不可得而知夫既推之治天下則道之運用可見矣何謂不可得而知無爲爲宗又何其似老莊之旨耶諸生於二史必有概乎其中也幸辯其得失

以告我

問諡者聖君賢相礪世之具也其書有周公諡法有春秋諡法有廣諡有獨斷有劉熙來奧沈約賀琛王彥威蘇綽扈蒙蘇洵之書皆考古諡法而編說者漢唐以來議諡得失固不能追於博雅君子之論矣明興洪武初惟武臣有諡自姚胡始縉紳大臣後多有之皆出特賜也邇者文武詎公家傳行狀潤飭者多且乞請成風下及閭寺又無漢唐勅下大常博士之公議殊非古意茲欲考周人奉天之道定百世榮辱之規俾公論出自朝廷是非明於衮鉞禮失求諸野其著之篇亦執事者所欲聞也

歐虞部文集

卷之二十

三

問禮祀先賢於東序祭鄉先生於社所以揚功烈樹風聲後世名宦鄉賢祠所繇設也議者謂治化所關士習所繫祀不可濫舉必當嚴不可以崇爵而錄不可以布衣而遺不可以愛惡之偏黨而妄評不可以子孫之盛衰而異論名宦必如渤海之龔穎川之黃蜀之文翁荆之郭賀鄉賢必如秦之

邵平齊之伏勝南陽之諸葛東海之管寧夫然後
俎豆有光瞻謁起敬否則官師常流里閭庸品繆
廁薦饗之列國之遺黎鄉之後學固已月旦而雌
黃之矣爾弋陽之先牧先正在漢晉唐宋者今頗
考諸史志列上請祀然懼未盡也 國初以來濟
濟在祀得無有輿論弗容而已舉所當亟黜者乎
得無有紀載偶軼而未舉所當續入者乎權衡人
物學校公論也余於此亦以觀諸生異日端冕正
笏之風議矣

歐虞部文集

卷之二十

主

問韶濩既舞干翟之用攸行風雅聿興謳謠之采
不廢故樸斲成於丹雘篠簜資於括羽學之有教
如是也然先王之教不盡于法而盡于心無事詞
說之煩繩督之急也故有不假聲色而消其志意
變其風尚者今爲人師不約其心于理而資諸法
以爲能殊不知獷豕牙者其力憊而效近犛童牛
者其力省而效遠厥有本焉汝南風氣果決人物
躁勁剽輕易發怒地近楚越楚人機而越人祥馬
班二史紀之矣漢八人物出於汝南者什七河洛

莫及 國朝詩書禮樂衣簪益盛士夫之家藹然
風教然冠不禮賓婚不親迎喪或飯僧葬多用樂
民間率未講行四禮也正人心勵風俗茲非爲師
與爾諸生之責歟欲講求風化之首務勸行四禮
以革敝習舉孝弟力田以爲世風不知職業所先
者果當如是乎否也其颺言之以迨不逮

歐虞部文集卷之二十

歐虞部文集

卷之二十

主

歐虞部文集卷之二十一

嶺南歐大任楨伯著

書

答梁公實論藝書

損辱遠書函寄山館商榷懇至詞旨綢繆夫詩文六藝之緒言不朽之盛事雕蟲篆刻壯夫不爲僕嘗笑子雲失言也作者必包括古今研搜典籍凝精鶩八極坐馳役萬景理在方寸而氣凌霄漢言在目睫而情托山河此思之所以立作之所以合

歐虞部文集

卷之二十一

一

也學自五經論語外老氏檀弓孟子左傳國語國策及史漢二書必枕席食飲與俱矣如莊列荀屈淮南韓非山海經穆天子傳焦易叅同契楞嚴圓覺維摩金剛其變化開闔何其竊冥曼衍哉非叅求精奧肆騁心機斲輪之妙運斤之巧其可得乎足下謂漢魏樂府古詩尚不得比嶧山諸銘曷可繼三百篇遺響僕以爲不然何闔而晦何開而明角宿未旦曜靈安滅如山如嶽嵩如不傾如江如河澹如不盈豈伊不虔恩于天衢豈伊不懷歸于

粉榆如此數語孰謂非小雅十五國風之流派耶

大風垓下郊廟房中饒歌十八枚乘十九蘇李贈

別諸作則誠非東京諸人所能及 明興以來獻

吉實挈日月以麗中天烏生八九子君馬黃公無

渡河襄陽浣婦行鴈門太守行白馬篇赤鳳曲差

足樹赤幟矣足下毋便謂今人不如古人也省覽

二十四詩意象俱合工緻獨造古佛齊肩弟子斂

手何論吾黨耶僕猶恨其與寄頗饒風骨尚乏以

足下之定力可詣千古九仞及泉願勿中止僕雖

歐虞部文集

卷之二十一

二

疲羸尚能具畚鍤以從足下也厓山碑且勿出手返答率直不敢勦說旣蒙許與幸悉教焉壬寅二月

寄謝茂秦書

鄴臺一見倏已九月關河在望我懷如何夏末胡伯賢兵憲過鄴曾寄公實集去想掩淚讀之許殷卿暫還濟南將以是月赴汴不審會相見否也此聞足下稅駕大名豈置驛請謝賓客有賢主人故久留耶大名在燕甸內去京室匪遠曷不一來榆

皆何親前何薄且都下公卿傾望蒞子訓人矣
驢車頗能一至此乎留滯羈孤尤渴把袂公已皓
首僕豈壯顏天地百年誠不知幾晤言也高秋蕭
瑟志士悽感清風明月每思玄度情過之矣情過
之矣審姚佳救赴足下漳河之約匆匆送別輒有
所寄願得報章幸無必使反之而後和也

寄張助甫書

僕識足下名久矣往讀諸篇珠璣琳琅鏘鳴左右
建安而下罕見其儔竊伏五嶺無由覲談聞博極
羣書雄視千古生汝蔡之鄉而有燕趙之氣主張
風雅繼軌李何非足下而誰哉是歲二月僕負笈
至都從惟敬知足下近在廣平也約卿大自意氣
拂我塵纓授之館穀性好游眺時尋督亢之墟軍
都之場徘徊易水上慷慨悲歌無何日飲燕市中
耳約卿七月按廣平諸郡還出足下十詩相示蛟
騰虎嘯叱咤風雲殊無遷謫幽憂之思然賈生何
累埃罪長沙子牟懷忠歸心魏闕誠悲之矣誠悲
之矣廣平不在千里尤股肱郡也安知不旦夕召

人耶足下亦可自慰也見甫足稱難弟詩詞與太
行碣石爭高母亦二室靈氣所鍾乎約卿復出邢
州計與足下相見短篇奉訊聊托神交耳自羞瓦
礫唐突番瑣既幸有以先容諒不按劍相視約卿
還轅能一報五嶺狂生否耶

答張助甫書

約卿西還時烽燧滿野刁斗相聞虜雖不得志而
退所過被創傷甚矣聞足下別約卿于馬上故未
有書也入春約卿方欲遣一騎持僕書視足下而
淦城使者已至奉手書殆千言長歌見答沉激飛
動大似李杜語即夜過惟敬懸燈讀之西望廣平
相與惆悵罷酒治郡多善狀薦章久上聞乃且未
召獨無念長孺願侍禁闕望之雅意本朝乎足下
本無罵酒歌豆之嫌國家亦未嘗遠示長沙夜郎
之謫出入均勞德意良厚僕雖長安酒徒不問即
報然知必旦夕召入也嘗愛屈子離騷信無怨謫
愛君之心皦如日月後之遷客怨詞托騷去之萬
里矣足下叱咤萬人傲視千古然襟懷夷曠被服

芳馨每誦吟篇皆香草美玉之喻而無北風雨雪之憂方今南倭北虜久未悔禍士宜請纓投筆拂劍據鞍勒動燕然樹伐銅柱廣平奉職雖勞卽爲主上乘障豈以爲苦乎倘尚以畿輔郡大夫爲弁外獨不思管幼安崔亭伯哉僕固知足下之心也嘉招便欲一赴俟春暖乃戒車騎昔犬子易名誠切慕蘭史公執鞭亦且思晏異代同志猶願見之矧並生清時匪隔千里何可不一握手乎二室白雲恐足下未能攜我高臥聊請下樂安之榻共懽

歐陽文忠公集

卷之二十一

五

平原之飲何如何如天雄四詩岳色爭峻七言長城高峙太行之上矣粵人綿力其敢持牧羊之箠以剛將軍之壘乎近作亦且械上者庶幾鈴閣之暇或備廬兒吟諷耳約卿坐促作報草率不一

答許殿卿書

舊秋都亭別後東望悒悒初冬卽胡騎入薊京師戒嚴驛書益稀矣徐生從足下往濟南過汴上還京相晤已知履任佳况入春以來方覓便寄書忽遠使自大梁至得書甚慰承詩卷之贈展讀拜貺

如見故人又從惟敬約卿得讀入汴諸詩雄深俊逸益不可及游梁園者自枚馬高李之後豈多見耶緬惟足下德本儒宗出傳藩國聞周王天下之賢王也欽賢重士敬愛忘疲想曳長裾奉飛蓋躡珠履藉玳筵賦池竹之檀欒歌山桂之偃蹇河間秉禮東平樂善固賢王之高躅亦足下碩輔之功也任蓋幸足下之所遭勝于董賈萬萬矣願益勉旃以永芳譽任久客空囊浮沉燕市頗能擊筑酣歌耳篋中無可以爲報五嶽山人集一部西苑石

歐陽文忠公集

卷之二十一

六

刻一本聊以侑械鄙作二帖并上非所以酬大雅也足下能時賜一札開其矇鄙毋忘長安之盟否耶

訊徐子與書

客歲北來謁舍一晤遂命平輿之酒投汝南之轄表臺把袂促席銜觴分韻賦詩許與意氣誠百年嘉觀也顧僕以羈旅獲陪飛蓋之游謬忝下榻之禮傾心深論大擴矚鄙頗謂僕可與共進此道足當中原一壘僕何幸得此足下耶握別郊亭

川動色長途積雪匹馬孤征阻凍黃河僅一游梁
園紀以短歌此時南望天中恨不得與足下追高
李之懽耳抵燕之日春候已半卽聞足下解郡僕
謂汝上月評廉惠萬石親聆于輿誦不誣毋論文
章政事俱當爲海內第一其器度雍裕裁剴精敏
卽今長安刺肥策堅都榮秉要誰踰足下尚不堪
爲郡耶世路嶮巇風塵緯繡一至于此可歎可歎
僕本烟霞之徒束縛衣冠之列鹿豕成性每發狂
觸惟時時燕市中從荆高飲也見所與惟敬書拜

陸虞部文集

卷之二十一

七

終焉之意天目太湖豈眞爲足下有耶及此閒居
侍奉之暇願蒐羅千古品藻百氏勒一家之言藏
之名山并傳同好最幸最幸公論旣明召還有日
恐非山中著書時矣別來有述并游梁諸草能寄
我燕中乎沈主客奉使過家附承動靜拙作一紙
并往江天浩渺臨楮神馳

寄徐子與書

大江南北久不聞問愧濶奉狀渺渺遠懷每想大
邦方伯臨于十三諸侯之上尊貴莫比召公所差

甘棠詠焉奚但功在寶源而已海內孰不以開府
秉鉞期公然 廟堂應念久勞將 召補卿貳也
僕雖貪戀明時頭顱如此旦夕思挈輿以去似不
能相待交戟間矣孺子湖濱紫微樓上寧不憐老
廣文耶昨者七夕與惟敬燕市醉歸懷子與敬美
最劇二君會時婆娑胡牀彭蠡爲觴匡廬爲豆僕
懷之且妬之矣詩卽不工二君面孔相對倘憶燕
市兩生能毋和答哉朱子深信往二草并上聊當
疎麻

陸虞部文集

卷之二十一

八

寄吳明卿書

足下之名滿天下固無俟傾聞于僕然僕聞之而
不敢通姓名者自顧江海漁釣之夫豈足稱數于
影纓鳴玉之側耶前年北行過匡山入梁園尋足
下舊治之地與其人游經白鹿之緇帷問平臺之
賓客每讀足下賦頌歌詩數十篇凌厲千古盪摩
八極聞徐子與使君言足下求友四方甚于四方
之求足下僕俯首自嗟恨斯游之晚也及抵燕京
館穀于吳約卿又一年矣知足下在闔日需足下

而足下未卽內召徒有張敏夢惠之誠未慰龍門
御李之願想武夷萬峰題詩蒼壁虹蜺夕飛雷霆
晝激能楚音而和者何人耶舊鴈已同黎惟敬作
寄足下詩瑟縮未能投上比審惟敬已將俚語一
二致于記室矣魚自不敢終秘第恐唐突璠璣奈
何偶憶子與汝上之談大自意氣適曾子澄都尉
見過云有閩使敬寓一札以布樞衣願見之勤茲
者漢道方隆淮揚必非久滯徵拜在卽握手有期
銅魚使返企埃尺素

歐陽文忠公集

卷之二十一

九

寄方定之書

任嶺南賤士也于京邸獲瞻風範數聆雅音簪盍
未幾喬遷已卽郊寺送別把袂促分愧袍繫于燕
市恨欲從之靡由耳想憲節過家旋已踐任觀風
暇豫履候休暢幸甚幸甚開府旣當吳楚之勝芝
山鄱湖登樓在目公攜賓從高歌對酒亦曾念咸
陽布衣畱滯泥途乎足下經學醇深士林嚮慕行
誼慷慨海內共聞顧不爲督學使者豈不以輕裘
緩帶足當折衝千里之任而三軍謀帥必在敦詩

書說禮樂之人耶是饒陽以公而重且大江以西
荏蒲方緝固賴之以釋當宁之憂也舍人旦夕可
治裝僕又知行且有召矣治書吏倘報答京師貴
人能束詩草寄我否詩云無言不訓于越之篇不
可讀則已如尚可被之樵歌牧唱之側足下幸無
忘報于羅浮也江鄉菰蒲之人苦于赤日紅塵已
久入夏以來痰喘經月羸同長孺瘡類士安揮汗
裁書一承動靜而已諸不能備尚圖嗣音

答曾子澄書

歐陽文忠公集

卷之二十一

十

昨從長安中一再相見促席銜觴談兵說劍意懽
洽也不謂倏爾遂別使者來持一書去而雲中飛
騎不可追矣適得宣府書兼山後行兵見懷之作
重以嘉幣珍扇感甚此正馬上橫槊之日帳中草
檄之時尚能念及靈臺寄宿書生耶諸篇跌宕悲
壯足掩王粲從軍岑參入幕之詠折衝大畧于此
可見斯齊君所以尊管仲于卑耳晉人所以知郗
綏于敦詩也夫湛盧豪曹不必陸剗犀象而知其
利驪驪腰褭不必路極九折而知其良况足下起

中原布衣授鉞開府平倭夷數十萬于海上則先
聲震耀必能坐却匈奴于大漠之北矣遙想沙草
連天旌旗拂日早聞塢笛夕聽塞笳睨射雕數騎
則戰氣飛揚迫區脫千羣則雄心偵薄今漢道方
隆邊庭無事上谷東西皆舊所斥境也自大寧與
虜開平失援興和難守獨石孤懸矣不審長峪鎮
邊二城之募軍常補充乎浮圖插箭二嶺之防守
常保固乎畱京操之士以援紫荊築李信之屯以
固兩鎮亦昔臣所論列以連屬京師之右臂也皆

欽定四庫全集

卷之二十一

七

如昔否乎足下幸從大將軍出塞朝夕經畫以建
萬世長策異時策勳銘鼎霍驃騎班定遠豈足爲
足下道哉腐儒之談不可以效鉛刀之一割而佐
鉛鈴之末議也聊因足下發其狂斐耳北望清油
無任延佇盛夏惟時食息慎邊事自愛

寄李于鱗書

承聞大雅未挹光儀夢想濟南病阻修謁懷刺莫
遂積悃徒深南北將分轉自慙也昔邵原于陳畱
則師韓子助潁川則宗陳仲弓汝南則交范孟博

涿郡則親盧子幹資賢求益亦良勤矣郭泰人倫
藻鑒也詣叔度則信宿忘歸遇茅容則勸勉就學
而袁奉高周子居荀季和戴良之徒咸所引納一
何弘獎風流許與氣類耶足下行稱表綴言成楷
模冠冕詞林棟梁文囿海內操觚擗管之士孰不
欲振衣願見也頃聞杜門鮑山論者頗疑門牆太
峻僕以爲風塵之客自不當闖其門卽有素心之
人必能攝衣倒屣矣蓋解體世紛結志區外瓢笠
軒冕真性難移足下詩有云卽令關請謁何用乞

欽定四庫全集

卷之二十一

七

江湖衷懷所樂可以觀矣子與書來命賦寄足下
詩率爾二章并檢帙中舊草書成一卷因子與使
者托致几側小巫見大巫神氣不亦索然盡耶然
深冀裁正于宗匠之門罔敢瑟縮自棄第不審終
能作足下衙官否耳方隨牒南行漸落風塵知爲
高士所笑然素有邵生結托之誠足下能無林宗
挹納之度耶竿牘東馳伏俟還報乙丑十月

又

五載數書竟莫解其積思昨于廣陵獲見足下肥

臂一語已慰平生計。鵬日當抵杭州東南人士瞻望履綦爲日久矣。披霧覩天快當何如。司馬文章拾遺詩律。明興以來嗣其業者。獻吉一人。徐何邊薛同時。兢藻盛矣。盛矣。今足下天球河圖照燭東序。黃鍾大呂鏘鳴。慶霄眞作者之表也。前書倦倦以羽翼二三兄弟爲諭。舟中面談。每置僕于中原諸子之間。僕綿力人也。寒不勝衣。豈能左干戈右鞭弭。奉周旋之役耶。惟足下登壇建旆。時糾宗盟而已。元美兄弟應已相見。曾過荅上晤子與否。能一

歐虞部文集

卷之二十一

三

答朱灌甫書

僕昔壬戌冬客輅過汴。思一謁階城觀河間之禮樂。受更生之經書。然後求闕里于夷門。揖賓客于夷祗。不謂及河而病作。且爲計吏所催。鬱鬱車中。北去至今。夢寐時馳大梁也。間從許左史遠傳著作。歆豔何已。使至忽承緝儀開械。獲覽新刻左右。

琬琰荒齋。生色益飢舊聞矣。僕海上漁釣。謬從文學。掌故之後。行能無取。何乃過聽引之于作者之列耶。臥病廣陵。筆硯久廢。愧無以答來教。奈何。審已箋注諸經。春秋猶所快願。一觀者望早械寄也。記室雖遙。河岳在目。裁書敘謝。不盡欲言。

答黃淳甫書

潤州茅生持足下書至。讀扇中見寄詩。雄渾清婉。卓不可及。但獎借太過。謂僕官同鄭虔。破瓊稍似詩。比拾遺便是。雖少陵矣。皇甫少玄外集一序足

歐虞部文集

卷之二十一

古

慰玄晏地下哉。尊公文章江左赤幟。足下繼爲登壇大將。世擁吳鉤。寧數王氏青箱乎。君今嘯歌吳市。僕也畱滯廣陵。一水迢迢。若隔千里。臨江樓閣。奈何。奈何。孔嘉已化爲異物。夙欽高軌。竟不覩其顏面。頃賦一詩。輓之。幸爲焚于墓前。庶見許劌之情。秋空疎豁。登樓望江南。諸山神爽飛動。似不能鬱鬱久居于此。拂衣東行。當先詣足下。銜觴預可。期也。鄙句寄答。唯當一笑置之。想自不以瓊報望僕耳。

寄王元美書

兩羸北來英英飛躍廣陵一笑天地蒼茫足下上書忠憤既白卽令歸守松丘亦足人倫師表矣僕糜祿于此不得東行一訪有懷如何先司馬行狀彭孔加碣文尚未寄至高秋海上能賦懷江都客耶

又

僕自獻歲七日以纂修之役入金陵二月望始還揚州苦于多病每懷耿耿三月得邸報知足下補

歐陽文忠公集

卷之二十一

主

河南兵憲開府大名鉅鹿成安古百戰地今之三輔也明公作鎮扼井陘之口憑太行之巔橫槩賦詩磨崖勒頌快哉快哉聖上撫髀思賢舊臣遺老一一收召足下可以彈冠出矣計是月當從京口渡江北過蕪城檐帷中望見有冠側注如高陽酒徒者足下能一立斯須否乎先此馳謁戲下

又

春來兩夢過祗園不知何祥也僕歸懷已久常記憶祇園之勝羨公退居之樂異日策杖相尋知不

爲生客神游于此豈怪其然哉海內人士望公之起如麒麟鳳凰然僕知公之心坎止流行顧所遇耳世臣之義與庶官之無所關係者自不相同堅臥者固以石隱爲高不聞佩玉而心如木石立朝而意在東山謝安石郭令公會貪戀功名否詎便謂古今人不可及耶在朝在野俱一王長公俱一麒麟鳳凰也令姪詹錄君奉使過家草草承動靜信便幸努力相聞

寄王敬美書

歐陽文忠公集

卷之二十一

主

企昆玉季一日親遇于廣陵便成千古嘉會足下韻度奕奕競爽伯兄東海二美更無雙矣豈論今日便掩前人龍何取于八鳳何取于三耶近有著述願傳之同好鳴騶入谷恐不獲久遂山中注書之懷矣僕爲貧戀戀五斗未有動理似尚能于此候仙驂也

又

客歲報書後便病一兩月殊自憤憤比聞公轉臬司霍然起色偶集杜句奉賀湖鴈盡回江魚不至

久乏便寄惟敬臥郊園亦同爲賀足下一章自此
酬答往往集杜應之天吳海鳳不免顛倒抵堪一
捧腹耳子與忽捐賓客風流頓盡海內爽傷况復
吾黨嗟乎嗟乎二三兄弟惟得足下治其後事收
其遺文所不朽故人者應不遺餘力矣惟敬由吳
下浙中舟行計六月度章江相見能道僕懷歸之
情也小臣去畱不足爲輕重然未敢相繼引去久
速豈亦有時耶江右卽大邦計足下或不久滯僕
過豫章日未必獲晤否耳孔陽書郵南返病齒竟
歐虞部文集 卷之二十一 廿

寄俞仲蔚書

十年前曾于友人處見元美所刻足下詩因家無
藏本末由三復子與于燕京爲僕言足下不容口
又時時出足下詩誦之時盛夏也猶描寫足下此
時狐帽鶴裘之狀相與大笑爲懽從此益思崑山
片玉矣南來冀得把袂貧守青氈遂不能東敬因
元美寄訊足下裁書敘心聊以當覲

寄陸子傳書

任竊伏海隅夙欽名德引領吳門輒欲投袂而起
數擬上記于門下盈盈秋水獨立凝佇玉佩可解
誰爲媒乎比來江都學舍騎馬日候諸貴人歸對
青氈殊非山中麋鹿之性每逢吳人便訊公動靜
聞符臺重望台衡在卽自顧文學掾眇小耳雖有
傾注之忱恐未能相索于形骸之外又未敢托歸
鳥以致詞寄疏麻以結好也茲有所瀆輒敢妄冒
以告胸臆先師泰泉先生葬已有期任從三四十
里外屢書與同門黎惟敬梁思伯諸子議之非得

歐虞部文集

卷之二十一

太

門下爲之墓碑曷垂不朽蓋公德比珪璋文照星
漢海內大雅卓爾不羣且與吾師心期不淺道誼
篤厚想在所不拒耳伏惟諾其孤幼彰兄弟之請
蚤賜惠焉匪惟有道之碑假寵于中郎而侯芭起
墳藉茲巍碣以光耀南海之濱羅浮之巔矣專使
奉狀兼敘積衷瞻奉未期彌增軫結

與錢叔寶書

任不佞幸結交多海內畸人往往聞錢先生也且
于圖書具見胸次豈天台鴈宕羅浮武夷彭蠡佳

廬洞庭雲夢盡入膏肓耶不然芥子須彌總大千
世界也非晉唐名筆孰能當之恨未得過吳門與
足下一傾倒耳管生數顧便欲寄候日月因循殊
媿采蘭結佩之誼何日晤對誦招隱之篇詠懷仙
之什以抒積愫乎小力過江南謹承動靜

訊王百穀書

僕昔悲歌燕市時從足下擊筑飲也此時囊無斗
粟杖無百錢顧朝夕游從甚懽自謂此樂可常足
下銜恤南歸祖送盧溝風蕭水寒誰知真如荆高

歐虞部文集

卷之二十一

元

易水之別耶頃沿牒廣陵又時時從三吳諸少問
足下消息知且北上豫勅家人釀黍將遽畱一醉
索其篋中諸篇誦之庶尋燕市之盟友人北來云
百穀纓曼胡佩蒯緱擁吳姬徑趨燕矣驚詫累日
足下其非人哉渡江過眞州問郵亭不知廣陵有
歐生耶謂竹西歌吹不如薊北風雲耶然擊筑舊
侶可念也審已入館校讐金馬門下視江淮文學
小吏益遠矣敬托范祠部以此問訊悲歌慷慨今
復何如篇誦願寄我當耳熱時作粵聲謳之萬籟

俱發必能蕪城之雪湧曲江之濤以報足下

答王百穀書

廣陵一別計十六年矣書問卽能數數誠莫解其
勞結也南來思把臂入林未便可得臨江樓悶我
懷如何沈山人來承扇頭見訊之作鴈書不寄秣
陵霜媿矣媿矣偶未覓便久稽賦答非其情也足
下嶽立一時橫驅百代文章振西京之氣而不侂
於辭詩歌仰南朝之風而不累於格蓋得於頓悟
者爲多吳下王生殆一時之盛哉僕老矣不能更
歐虞部文集 卷之二十一 三

答王仲房書

聞將過維揚謂瞻對有日九夏三秋倏焉已過歲
將陰矣渡江何期華光上人來持足下一書廻環
循省覺神情之孚洽也攝山自明徵君度禪師後
幸足下爲之興廢般若堂說經臺想次第落成寫

剡四十二章經又爲不朽盛事勒石之助敬如來
教魏非大檀越耳上人心源空淨參悟明了箭鋒
不待觸風旛不待喻自能洞發三乘蓋僧中之白
足也法座有此老宿異日香火社中誰謂非香山
如滿哉昔遠公種蓮結社淵明攢眉而出弟子嗜
酒正是登岸舍筏觀發願文具見不然遠公非我
輩人耶即使作用不同似勝楊陸之談心性耳足
下坐照之餘最能張皇斯道聊發一二鄙詩并往
亦惟教之

歐陽文忠公集

卷之二十一

五

寄汪伯玉書

任嶺南章句之士也久承風問誦義有年往在都
下獲覽公襄陽諸作嚴而有法每驚詫以爲枚馬
遷固之流獨未見閩中撰著也友人陳道襄侍御
按部入閩會蒙問及姓名索觀鄙句則任亦不可
謂不受知于公矣茲竊祿江都與新安頗近聞公
暫解兵柄閉關著書恨末由一造奈何奈何昨周
公瑕以孝廉將軍傳見寄王仲房以般若堂記見
示遙想山居休豫造物與游但恐 聖明仄席拊

髀舊人畱屯十二疏似待趙君片紙驛書郭今公
卽日就道黃山白岳未得遂公高棲耳謹此勒狀
上候興居未間惟珍攝爲吾道自重

答沈嘉則書

夏間會一書托吳明卿使君致于記室不謂足下
五月已自閩中歸鄞矣武夷君得無落莫哉幔亭
虹橋之側見太姥與子騫十二輩曾念五嶺狂生
否並海東行蜃樓蛟館亦足稱奇觀矣時時與蔣
陸二生憶足下也君房肩吾至得賤記并蒯綬集
歐陽文忠公集 卷之二十一 五
卽篝燈讀之寒夜呼斗酒焚枯魚素不能飲亦爲
足下擊鐵如意引滿大嚼以爲懽僕爲貧廢祿于
此雖文學掾稍異于抱關之吏然日事迎送達官
貴人低眉伏氣不敢出一語足下視僕豈真得已
哉執戟亦疲猶自戀于囊粟漆園縱傲詎可乞手
監河祗堪一笑耳節已屆除椒盤可領足下婆娑
家園兒童上觴兄燭花相照小姬新紅誠大愉快
哉春鴻北來願械書報羈客也董文蔚告卽刻渡
江勒狀速追東望巾中惟有惘然

答沈肩吾書

廣陵別去三月上浣卽聞足下以易魁天下褒然爲子大夫奉大對選讀中秘書矣私心懽甚謂紉書東觀得足下始能續業太史爲金匱石室之藏非但爲故人光寵而已然經年不得奉尺牘相賀者諒足下知予心也今兄燕中來辱手書娓娓數百言念僕守卑祿甚苦恐不足以資賓客業游士嗟乎僕誠苦文學掾之未易稱職不苦卑祿也昔范齋月有俸錢頗足沽酒幸賓客游士南渡江北

歐虞部文集

卷之二十一

重

渡淮而至者稍不我弃時獲奉先生長者游使不備官文學掾何由得侍足下之光儀與書中所稱東海李大夫吳興徐使君瑯琊王先生兄弟哉僕誠快矣快矣惟是別足下已久自計薄劣不堪爲太史門下走曷由隨格五射覆之後一握手于承明著作之廬也雖然又豈敢望如東方朔吾丘壽王哉姑且與陸生飽首宿魯鷄卽未能化鵲卵亦慙媿快朝夕乎狂率主臣敬報足下

寄張肖甫書

大任從傳記賭蜀故多才賢司馬相如嚴君平楊雄王褒譙周之徒文章行業炳在兩漢豈知千百年有公以繼其盛哉嚮得蒲州所刻華陽國志讀之益相歎艷公飭兵潁上僕在京師惟敬促僕作詩相寄僕謂姑且待之詎意逮今尚未得一奉顏色耶僕守文學掾于江都亦已四年教無善狀竊祿自慚碌碌隨人未有動理公藩屏西粵已久復授節天雄卿輔逼矣逼矣惟敬北行謹勒承動靜伏惟鑒亮

歐虞部文集

卷之二十一

重

答何元朗書

大任宿聞高雅握手未由邯鄲托曲于李奇張敏結夢于惠子視二人殆過之矣昨辱手書械賜佳集迴環吟諷欲罷不能夫荆璆不敢比價乎卞璞鉛刀寧可逞割乎吳鉤僕實非偶足下何取于承肖而引之同聲之末耶諗惟早辭金馬高臥青山揮塵談禪浮觴引客鶯邊艷曲花下新詞迹雖徜徉心自清淨誠僕之所願得游從者也吳門非遙積緒如結俱俟他時面賦耳

答劉子威書

大任嶺嶠荒遐鉛槧憔悴然傾注于門下久矣比來廣陵獲誦佳集體裁格製務引繩墨而構思獨玄故妙解如此波瀾譎詭刻峭嶙峋雖利精竭慮實運斤成風也非淵邃之學斧藻之工焉能陵轢前哲適迫大雅垂不朽之盛事哉昨辱手書以短歌行見寄挹獎太過非所敢當第精神契合意氣許與卽雖未得把臂論心恍已翱翔霄際娛嬉霞表矣東行已決懷刺有期謹以吳鉤行先上投者

歐虞部文集

卷之二十一

奏

瓊玖報之木李得無與詩人之旨戾乎

寄魏季明書

僕聞足下標挺藝林擅場著代奇氣鬱勃深心獨造典墳而下迄于漢魏作者門戶歷覽無遺故關鍵所以不擴而自通繩墨所以不削而自合非涉獵于萬一者也讀比玉集蓋與子威蘭渚雙鸞共揚清輝矣誦之彌月掩卷以思乃自笑淺之乎知足下者也昔莊生論庖丁曰臣之所好者道也進乎技矣夫技賤事也且以道進况文詞乎夫足下

守博士身子之業稱困矣乃沈精覃思色夷氣和聞然不自著見淵然而知之者希此其越拘孿之見絕躁兢之心于文詞也豈不沛然哉是豈侈世俗希光艷徒涉著作之庭而獵藻績之圃者耶謬謂此足私足下之緒不識然乎否耳魏子行一首并上左右

歐虞部文集卷之二十一

歐虞部文集

卷之二十一

奏

歐虞部文集卷之二十二

書

嶺南歐大任楨伯著

答皇甫子循書

公吳中世閥海內詞宗也天下之士多願爲之執鞭僕竊高下風之誼久矣每東望姑蘇麋鹿之臺五湖蝦菜之舸輒欲投袂而起懷刺而趨思納謁于賓從之末顧從吏局大江匪遠而此願竟無由遂奈何奈何昔季札歷聘上國交叔孫穆子晏平

歐虞部文集

卷之二十二

一

仲公孫僑蘧伯玉韓宣子之徒而邠原于韓子助陳仲弓范孟博盧子幹實師資也僕于季子固所不逮而邠生結托之誠則素積矣何所願之味易遂耶昨邵生奉華牘至函惠諸刻琬琰爛然寄一篇縞帶之貺也辱長者先施之厚顧何以報永耶謹屬和作答媿不足酬大雅焚藁荒齋以俟再教

答顧玄緯寄夏小正補解書

損辱長牘以夏小正補解見示俾之評騭僕得空

歐虞部文集

卷之二十二

二

業幸矣何足窺足下之藩籬竊惟是書辭簡理明月令之胚胎時訓之宗祖也夏數得天商周之巡狩祭享兵農田臘未嘗不用夏時焉蓋歷象日月星辰以敬授民時雖二典首事實古太史職也中星以日爲主七政以歲爲主用人正以定四時盈虛朏朧伏逆遲留如指掌矣太史公曰孔子正夏時學者多傳夏小正云前輩王子克方正學多不信此書謂孔子不編于禹貢胤征之間與本草之托于神農素問之托于黃帝相類其說原于朱子疑爲出于迂儒之筆大儒臆言矣後人焉得不吠聲耶僕謂易贊稽諸太卜筮人之藏書與春秋內史外史所記也歷象爲太史之職則夏后氏以來故府所藏滕與墳典丘索並列者固在孰謂夏小正之非孔子所得夏時耶大戴而下注家互有異同足下蒼叢諸說補其不備大抵該博之學超越之識覽者如窺河西之篋出淹中之藏而聆稷下之談矣僕之淺陋奚能商榷萬一即使海內之士復有所指摘如足下之于王子衡楊用修是雌黃

無已時也聞近患手足麻木而藍輿出入宴歌不廢丹鉛研寫著述未忘長孺疲羸馬卿消渴曷怪其然耶日偕子姓命親賓蔭修簪臨曲沼談劒術選歌喉游樂百年卽松喬不必羨矣葉山人頗以僕言爲不謬也僕亦將歸倘東行必訪足下寒暄故不復敘羅浮隱居尚俟足下賦之

寄張幼于書

廣陵過江至吳閭只隔衣帶水耳昔年猶苦會晤之難幸郵筒絡繹頗能解其勞結也足下昨秋命

歐虞部文集

卷之二十二

三

駕自白下見訪握手荒齋便足千古此懷豈可求之今人哉別又改歲矣僕正月初三日至光州此邦比年苦潦斗米百錢饑而且饉民已食榆皮柳葉學舍荒涼盤中連苜蓿俱無妻子稍不能堪僕喜僻簡筭有千卷殊不覺貧課試之暇掩關吟賦時不廢嘯歌也部劄爲此邦荒歉免征學官無俸此則他邦所無之事耳同志稀少舊游在念引睇姑蘇孤蹤益遠寧復得似廣陵時耶伏念足下淹賁六籍詞章瑰瑋至于科試文字亦萬人敵也秋

當應舉南畿第一復見陸子淵袁永之輩矣嚮示近集委僕題辭顧謝劣豈足序大雅哉藝草尙已刻成寄我卒業幸矣幸矣元美已赴晉否久無西使尺書莫寄情如之何淳甫刻先集竣工否公暇想已赴辟季朗無美方鸞翔鵠奮雅社得無落莫乎足下計偕當出又未知良晤在何所也方今耆碩俱起巖穴無堅臥之老子循子威二公曾有推轂者乎公卿憐才正當及時薦用耳鋤強誅貪能吏也聞三吳近日毛摯太過居閒諸公往往不安

歐虞部文集

卷之二十二

四

千田里當事者孤立行一意亦恐非不擾之政客有擁櫪具揖說暴公子否耶貴郡徐子光州幕也僕思足下輩不可見今與徐子密矣徐价南返簞燈奉狀幸念離索努力相聞

又

虎丘別後忽又五年嶺外離居曷勝馳想昨春北上路不由吳自新安寄八行相聞從此乏便修問罪過罪過今歲四得足下書每一展誦卽如顰對所能治報者托韓大行一牘頗悉想其使事入楚

到或遲也省足下所寄文起堂集詩若文總數萬
言宏博典麗固詞苑上乘海內作者壹已品定非
僕疲蹇所獨推服條達在阿鼻時受甘露施作四
禪天想其超詣可知矣比得三易讀之再更晦明
稍見大旨田何以下注釋諸名家誰能折衷至此
易爲卜筮而作理數本自昭合貴乎君子用易耳
嗟夫伊川所得于涪上翁者視足下何如哉承諭
石湖新構殆造物者所閔以俟百世乎斯堂斯樓
卽勿論湖上壯觀治平之森樾楞伽之標勝當讓

歐虞部文集

卷之二十二

五

之甲秀生色矣存故尸祝此意尤厚文太史彭徵
君諸人必懽喜歆格寬旌桂旆又安知范文穆輩
不陟降雲木煙水間耶所索謹賦上媿冗迫不工
耳劉侍御盛德人也僕昔以屬吏受知于汝水良
厚今相從交戟中數以足下起居掄擢言之意自
不淺惟敬鵬月當入都公補公紹來必經吳下僕
久俟南都薦書必首足下孰謂缺望如此聚首無
期爲之闐然

寄朱用晦書

僕從薦紳士夫聞足下外朗內潤左有右宜才木
通人資尤異稟且務該博之學振風雅之音詎不
可侍講金華參陪銅雀爾乃迹滯南州名懸北斗
國家麟趾之蕃誰知有鳳德而隱者耶昔子政精
忠竭思猷畝太白豪逸流放江湖然足下則長嘯
烟霞自同梅尉逃名徵聘庶幾徐君矣每覽高篇
極相歆艷恨逐升斗欲覲無期頃思歸養母拂衣
之興似不可遏訪公精舍便已有期把臂入林能
不相拒耶伏枕神往悵惘如何

歐虞部文集

卷之二十二

木

答魏秀才書

粵南河北萬里也曩曾出臨洛之道經大伾之山
望室壁之間有異氣焉知趙魏多才矣王元美天
雄書來每稱魏生又寄示贈魏生十二韻邢臺二
趙聞並鼎立僕恨未悉覩其人然每飯意未嘗不
在鉅鹿下也王守夫使者自汝南至得足下書并
二詩勤懇殊甚夫豐山之鐘應霜而鳴延津之劍
奮波而合是孰使之然哉感念遠情僕何足以當
之足下連城之壁照乘之珠也卽不但元美得之

以爲奇僕亦竊沾沾自喜矣未審何日獲把袂共賦于太行諸峰以發千古之抱聊托歸風以寄思握疏麻而投贈足下其無以粵吟相詫否耶塞鴻北征續有所寄不一

寄許太常書

已已之臘金陵別後曾一上狀問興居從此光州僻左畱滯青氈竿牘莫繼罪不可言願納百福著述不倦標準當世楷模後生足副海內傾注矣江淮一望千里而遙良晤幾何奈此韁鎖公風神明歟虞部文集 卷之二十二 七

答劉伯玄書

陂下行聊戲卿耳復損餉雙鵝婢得無謂客饒無已耶馮先生蒯緱之缺今不再彈矣陞州行奇譎雄雉不減少陵縛鷄之作而諷時憤世北門中谷兔爰碩鼠椒聊萑楚之旨也非足下誰能寫述哉感惠之至敬答一首媿匪瓊玖報耳

慰劉伯玄書

仲貞竟不救疾不謂尊公睹愛子逝也慘怛奈何足下友于之戚誠難解矣僕蓋變色于談虎者况仲貞局修途于短日歛精光于重泉哲人云亾百夫莫贖者哉然有賢嗣家學足承仲貞逍遙觀化者也委順而去神理不昧必能瞑矣豈滯念于人世耶足下洞識去來解脫纏縛彭殤椿菌修短奚論願勿爲無益之悲也侍奉之餘日自陶遣千古在前萬古在後樂夫天命復何疑哉莊子所謂吹萬不同歸于太虛者天籟也吾惟靜以觀其竅不然則定惠不生煩惱未破東南射兕西北其矢戾孰甚焉故人所以爲足下慰者如此而已僕病齒幾一月強食支持毋論筆研卽七箸亦苦也足下勿以相念

寄黎惟仁書

不肖孤五千里匍匐奔歸三徑盡荒松菊不存惟夕風隕簾四壁秋蛩助我淒惻而已故人念我昨從濠上居獲承晤合挈榼載醪意良厚矣豈哀疾

之人所克當此哉片語論心便可千古雅社宗盟
恃有足下癸亥歲孤游梁園有句云此物應難論
替組斯文未墜憐雕鏤當年達宦總丘壤爾輩力
名同宇宙蓋中原實何李登壇今五嶺以南可使
寥寥耶夙昔從令兄長公後竊不自意並執橐鞬
所不三舍避足下者非奔走羈縻之義方秦楚外
比洽主齊盟苟貳心焉豈諸姬所以羽翼晉國哉
弃晉則周鼎何賴乎惟君其命之春中過河洛得
三小記偶有存稿然憑軾紀游叙錄古跡僅可備
聊軒所采視桃花源柳州諸篇猶千里也南榮驟
背倘一誦之方響乍擊四山皆應宗少文亦可以
坐得緱嶠于几席矣海寇漸逼香山之境我邑震
懼城門鍵閉護戎使者南下未見提報母喪在殯
朝夕護視孤村蕭條伏苦枕塊視先靈爲存亡耳
足下惟自愛

答朱貞吉書

孤大任曩自汝南奔先母喪道經豫章不敢以
經修謁死罪死罪時豈有鉅鹿生足下詎宜以賈

子厚有兄耶孤不得不能當泰也思伯還遠承
問爲誼至高奚必減徐穉孤叩頭哀感何已首
齋圖嘉貺也題染瑰麗情致縷縷風流跌宕大
之西貞吉標鮮不可及矣山房得此豈數珊瑚木
難耶孤素羸瘠比遭禍罰摧廢益甚似無復出理
亦念足下輩神交已久未獲握談明秋擬度嶺沿
章水而下戾于西山南浦間能命匡君白鹿須客
乎報章先上亦以訂約臨江棲閣奈何奈何

答余德甫書

羣州過南浦伏枕涕淚驛寄一疏心往之矣足下
八行致自思伯首舊齋詩則在貞吉械內祗領何
啻拱璧芙蓉社集風骨不凡聲調迥別于鱗昔云
德甫之於李生猶士選之與獻吉氣雖未備乃有
其勢小美之下將其人焉不佞則謂河朔少年邊
隅百戰孰不能挽強絕幕然求當射雕手者幾
德甫用晦今之飛將軍乎中軍旗鼓士選非其
也元美頗以不佞爲然知持論非黨耳銜恤推
臥病墮下貧雖不能自存齒髮凋落似無復出

時念足下將游豫章明秋爲期布衣十日之飲其
愉快哉陳南海上計治報草草寄懷一詩聊當
頭梅花耳不次

答戚都護書

手教記存百里如覲過蒙珍貺緇衣之好何以喻
之第非鄙劣所能當耳節鉞行邊軍容整暇竿牘
出境禮命勤渠方于古人陶長沙之所以臨戎劉
穆之之所以應事也比閱邸報知順義王執縛窺
邊夷部十七人獻俘欵塞雖 皇威震聳然非公

歐虞部文集

卷之二十二

二

先聲服人于萬里外寧能使其輸誠效義如是耶
此則元老壯猷功將銘鼎矣任也懷鉛握管老于
癰序睹茲盛烈卽弗克驂駕捧轡遙亦爲公鼓掌
稱快哉返答造次無以申謝轅門在望惟有神馳
答梅禹金書

信自宛陵來春且強半得尺牘二詩并白岳諸作
竹下誦之鏗然與琅玕相戛又如子晉吹笙從
嵩下也僕竊謂宣城自玄暉後始有足下其消
自運不露風骨五言古則獨執前茅以窺漢魏

言歌行近體直以偏師馳騁元大曆諸子將兵將
將所向無前玄暉似遜其全能矣粵中綿力之
更敢治旗鼓于敬亭左乎困暑憊甚聞有便羽
爾勒報不揣小詩具在別幅卽未敢當梅先生敢
崛強服嶺以南哉近刻二稿小記二通并往則誠
所謂方城漢水雖衆無所用之矣一笑

寄彭穉修書

舊秋別去倏又一載疎麻莫折我懷如何聞足下
蒞官不久投効竟歸頗駭觀聽然潔身而去果是
歐虞部文集 卷之二十二 三
高致蓋諸生爲令公訟于當道誠非得已足下見
幾得夫之決斯人惡已貫盈暴于天下孰謂穉修
非陶淵明劉麟之輩行耶匡山白雲尚堪怡悅種
秫爲酒種柳爲陰奚不可哉雉噫有歌足下休矣
聊此寄慰書往神馳

答宋山人書

僕夙昔聞足下五游蹤也前年李伯承致清平
倡和詩廻環吟諷爲燕趙布衣之雄足下與穉
謝茂秦黎陽盧次梗鼎立爲三耳讀襄漢吳松

作暢逸悲壯何減開元大曆諸名家耶恨不得把
臂論交于霞鑣烟策間也令姪入都辱遠札知
荊州覓還新河札中字字念不佞至矣燕石集
書牘多戰國策士之氣傳序有西京太史之風
求其致可也詩生于心聲出爲韻瑣談首發此旨
善哉善哉末則每沿襲舊論近代詞人甫能操管
便高示標格敢與開元大曆諸君子對壘否耶僕
尚謂當不可掩徐昌穀談藝錄及皇甫子循之解
頤新語耳僕感足下之誼輒布腹心江陵得足下
歐虞部文集卷之二十一

答田子藝書

別後一再奉狀然計分袂則已三年于茲矣吾徒
純明之德淵博之學著作種種海內罕儔新安
人每幸捧轡扶輶僕從數千里相望絕塵而奔
爲歆艷何如耶無過北來辱手記勤厚古崑山
二編誦之不忍釋手史記要刪序佳甚聞曾著

漸離錯言一賦且前後諸刻帖何不見寄數于李
宛平處覽之歐生不能不饒此矣長安中昔賦
言古詩奉贈已蒙答篇豈不謂趙壁卽再入關
便與十五城耶一笑一笑僕于冷局雖所最宜
久客思歸怛怛心動惟敬去後益復無聊逡巡
行誠非得已旦夕決自引去羅浮歸客篇足下能
無意乎知當事者以廣文館待薦剡諸文學尤急
田先生也苦寒固難堪其如題輿何謝公捉鼻恐
不免耳程价還歎勸此相報病齒不及覩縷

答朱秉器書

渝州使者持尺書去未幾卽聞轉秦臬鎮潼關此
開府地也兄以詞人臨之地益重矣太華之山削
成而西方拔地五千仞李白恨不攜謝朓驚人詩
搔首問青天明公今爲地主高尋白帝何論青蓮
表西嶽者其在茲乎關吏八都辱遠札緝儀仍
賜秦中諸石刻琬琰盛陳寵踰庭實况佳篇見
玉井之花十丈西來能不使太行失色哉僕雖
燕市游徒可作粵聲謳之豈解和車麟駟鐵小

燕衣也。微章不泚聊當疏麻惟覽教之聞部下尚
有漢唐數石別紙一一疏列知必謂賣菜傭求金
矣一笑一笑

答趙太史汝師書

陸山人來得書行行八字耳知高齋杜門日事著
述樂志於松篁而不爲松篁所繫陶情於翰墨而
不爲翰墨所沈是最收攝身心檢括精神之要妙
公所息深矣使至領教勤倦謂近世作者究銓引
濫而景意多乖氣格濁而神理未洽又謂詩之道
歐虞諸文集 卷之二十二 五

當師於神而不當師於詭竄以爲新奇此蓋縱橫
千古權衡一代之定論也不穀任困於章句及稍
覺悟志欲賈勇而力已疲卽竊窺一二敢望濟南
弁州之門庭乎公推獎誠大過不穀老矣將返初
服收攝身心檢括精神經世未能也夙昔所求世
世者不敢自懈餘年以負同志公何以提引而指
迷耶覽近著管子韓子序文字高古固不待論
原夷吾之所以相非子之所以侈則知其學出於
周官出於荀卿各值其時非二子之所得已矣必

師功在二書正訛訂謬不遺餘力不穀閉閣五日
疾讀一過平生所乙處而闕疑者一旦快然樂哉
樂哉亦欲跋一二語俟假圖之勒謝不覺觀續
祈訓言

答華孟達書

不佞任聞華氏有兩先生矣其人魁壘士也其文
則丘明左徒司馬遷楊雄之儔竊謂左屈楊馬代
能幾人而華氏顧兩焉及郁生則三焉江南固淵
藪才傑誰得抗衡梁溪耶自詭當吾世必不失三
此集部之集 卷之二十二 五

子者乃足下不遠數百里飭遣使者渡江損書及
詩發函展牘言言雅雋何啻古奮往如此誠馮軾
西京而上驚左屈者也竿尺先投秉心虛挹若將
以不佞爲氣類可與鞭弭可從不知南粵屏力之
夫壯不如人今且老矣箕踞一隅豈復能鳴劍伊
吾塵戈臯蘭哉足下伯仲諸所論著尚欲一寓目
焉郁生敷言不必待後世子雲願寄聲自愛鵲
之側將揚舲過矣爾時必賦以答足下

答羅甲書

夫楚之多材若伍員申包胥闕穀於菟谷永孟宗
黃香蔣琬龐德公司馬徽之行業屈原宋玉庾信
杜預孟浩然杜甫之文章炳於往牒矣今之楚行
業文章視昔尤盛不謂身親親見如足下也往不
佞過五祖六祖道場踟躕四顧白雲幽草尚不足
當其勝思馮軾一觀玄岳南衡洞庭雲夢必知有
瞿氏父子矣今足下當童弁之年負穎異之質學
探千古氣雄萬夫視傳記所載楚之行業文章將
超乘上之不佞當吾世而得足下一何幸耶辱書

歐陽文忠公集

卷之二十二

七

疊疊數千言謂不佞儻精進浮英華湛道德自
天授之與千載比跡相應勃勃英氣直將長雄一
世爲菟苑魁所以開不朽者千載矣嗟嗟不佞粵
南僇然老夫稍免箕踞椎結之習躬際 明盛不
能建德樹業謬持寸管從作者瞠然在後奚足當
推獎至意每覽誦足下論著下筆纏纏千萬言
畫天下大事國是休戚萬姓安危錢穀盈歉士
堅脆河漕邊疆之安定與否若燭照龜卜又若提
諸侯王之兵決勝垓下無不以一當百而旌幟精

明部伍整暇也持此勒鴻臚鼎汗竹春秋當無難
登董董垂空文自見哉異日者海內操觚之士曰
楚有瞿生奚但洛陽年少也行業文章一旦出楚
前諸聞人右孤歎之歌曰號彼鳴鶴在巖山之陰
足下休矣勉旃自愛

答李本寧書

報書後久缺嗣音薊北嚴寒朔鴻飛盡也計足下
至周南已久嵩洛之勝盡入賦詠分陝以東千載
佳唱此邦一何幸耶 國家郊祀之典盛事璀璨

歐陽文忠公集

卷之二十二

本

分合尚未定議尚待太史公還想非畱滯之地矣
足下河華諸篇俱未獲睹健步入都其束秦草以
寄我伊關少林諸石刻何日助我游目幸毋笑歐
生饒於墨本也范鴻臚由潼關過洛肅此承動靜
嗒然隱几神與俱馳

答朱孔炎書

使至奉華棧疊疊若面談扇頭佳篇所以寵脫甚
厚豈直百朋而已足下家學大非西京向歆可匹
而瞻然行誼河間東平以上也宛在京洛間卽萬

家邑有足下又有子厚有之又有永叔兩家矣
世文章爾雅風教炳蔚盛矣可之南北衣冠禮樂
固已右宛不知當張平子時會有駢軌疊跡而起
如今否耶念壬申游中原躡橋名岳鼓楫洪流今
得足下父子雖阻攀造然獲誦其詩讀其書便可
想河嵩顏色振手晨夕使曹蜍李志千百輩日進
吾前詎但奄奄泉下人乎壤絕天遙相望一笑足
解兩處瞻憶僕行且辭金馬門抽簪而南足下毋
曰真人東行幸索處士一星於羅浮滄海上也比
來燕雪寒勝洛陽寥寥袁安東窓治報僅卷赫蹏
鑒之而已

答朱子厚書

省足下書旨綢繆鑒裁精切游覽百家之中斟酌
千載之上殆詞家法吏也顧贈篇猶爲一評事沾
沾色喜徐昌穀昔厭大理而官博士不佞舍太學
而就西曹卽一評事幸免徐昌穀見嘲終不過六
百石爲邵曼容所笑耳夫文章不朽盛事論世者
不可以雕蟲小技視詩賦也弘正嘉隆以來作者

歐陽文忠公集

卷之二十二

七

無論三變文運與國運並昌周家卜曆觀觴豆

戶牖諸銘周召雅頌諸製足占於今已海內談詩
之儔不師古始肆凌前匠樂平淺者則譏宏大之
詞工流易者則厭陵勁之語猥以二三子筆端慣
用數十字不謂白璧微瑕輒云不材擁腫曷不思
二三子之作格正調高氣雄詞逸可易及耶又不
觀李何之騷賦樂府五七言古歌行今人能之否
耶稍學操觚便思問鼎知夷淺可習而不知河梁
之非刻也知流易可工而不知在郢之非峻也大
都井窺何異耳食太白少陵尚蒙摘刺又何有于
二三子足下與永叔年甚少志甚遠並出上駟馮
軾中原正而奇奇而正握文藝之權以翊昌隆之
運誠旦夕望矣僕綿力之夫髮且種不俟卷甲橐
弓三舍已避辱足下推獎惟有汗顏不腆守職三
尺故在敬因一介用報宗盟知不以狎比爲疑倘
藐然以吳越夷視之亦惟足下

答方永叔書

使來得報書甚慰佳篇獎借過實發函申紙規汗

歐陽文忠公集

卷之二十二

七

蘇蘇下也念惟足下與子厚穎質異稟夙本天成
淵究邃探實由學力嵩洛千年良寶幾遘方將振
鴻鵠之羽離燕雀之羣不能與傭衆伍明矣昔接
輿避世魯連辭祿君平市卜薛公賣漿仲長著論
以樂志王符勵守於潛夫蓋時也今世當虞周道
在風雅使馬卿楊雄陸機潘岳遇之必思揆藻漢
庭摘詞晉室舖轍昇平笙簧人代足下舊聞名家
一時雋士既已潛心大業奏賦公車騁翰墨爲勳
績垂文章爲苑琰導先哲之軌途開中原之文獻
歐虞部文集 卷之二十一 主
非足下而誰任哉僕之少也尚不如人顧今老矣
已甘伏櫪更可望其驤首千里與二三君子翺翔
天路乎矧足下又干將噐也其淬鋒礪鏑以奏剗
犀斷蛟之功肝膈相期持此以進

旅燕集序

歐楨伯將之燕訪余汝南郡中乃謁
何仲默祠尋李獻吉河上艸堂遇謝
茂秦于鄴下居燕吳明卿至與游余
以待謫公車讀其旅中集將序之未
遑也其為江都文學王元美過之有
浮淮而為之序所傳宗子相輩十先
生則李于鱗過而序之此八金陵采

歐虞部集

旅燕集序

世宗故實有軺中集序則介紹于汪伯
玉當余過之請曰大任不敢忘羈旅顧
大夫毋忘公車余其何辭于燕夫自召
伯啓封雖為天府之國以召南名者率
江沱之間為什而其遺風徒雄于戰
國說士有蔡澤之屬蘓秦鄒衍為旅
策士有郭隗之屬樂毅劇辛為旅遺
辭往之可觀其詩固亡聞也今多悲歌

之士盡自衛荆卿始然其所過固有目
叱之者矣獨燕有處士先生善之他
則狗屠擊筑之流与和歌市中相樂
為酒人游耳其歌于易水為變徵皆
垂涕泣為羽皆瞑目髮指冠此俠風
也此鄙類若此矣漢僅有韓博士詩
而淮南生受之唐後漁陽上谷悉胡
虜鞞鼓之音至為遼金元兩都中原
不幾絕響乎故雖

歐虞部集

旅燕集序

明興士由明經貢闕下游說之策既絀
亦垂百年乃興李何為之倡三河齊
魯及江淮以南和之而燕乃有聞蓋
旅者盛矣至于南海去江沱益遠當
世宗末梁公實黎惟敬以旅燕名今有
楨伯沈深好書盡与賢豪長相結不
讓于荆卿顧鄙其劍術不講而所過

傾蓋者衆以善聲詩講業于學士
先生其委蛇嘯歌庶幾召南之風乎
嗟夫今列國不貢詩既得士如楨伯使
登黃金之臺而居碣石之館宮商
協作則雅頌可興乃為博士以詩文教
列國竟栖之旅人耳其於楨伯何哉
幸

主上明聖二三大夫脩雅頌之業而召

陳虞部集

廣燕稿序

三

楨伯者或有矣

隆慶六年歲次壬申

賜進士出身奉議大夫雲南布政司
左叅議吳興徐中行頓首撰

旅燕集目錄

卷一

五言古詩 二十
五首

七言古詩 二十
五首

卷二

五言律詩 一百
九首

五言排律 一
十首

卷三

七言律詩 一百
九首

旅燕集目錄

七言排律 一
首

卷四

五言絕詩 十三
首

七言絕詩 七
十四首

旅燕集

嶺南歐大任楨伯



五言古詩

初去故園

出身本田夫家貧無負郭蚤從鉛槧勞尚乏霸王
畧躬耕歲頻荒轉販力猶薄饑來每驅人謀祿心
轉忤謬爲鄉里推遣詣太常學脂車已在門近將
別林壑躊躇不能行執轡前屢却上懷高堂歡下
顧同生樂雖歎三釜養幸可事傭作媿謝棲遯賢
情寧終戀人爵

望雪浪閣寄羅太史

進帆文江曲江水清且漣水宿倦歛往巖棲久無
緣倏經雪浪石問訊飛霞前臨清敞高閣偃息羣
玉仙標以棲霞館帶以種秫田簪笏謝金馬衿佩
隨青氍茲邦古安成詩書聞誦弦人倫有師表風
教伊誰傳余夙企明哲末由覲高賢徒望縣車里
會覽削竹編堅臥足鎮俗捷徑難自全寄謝山中

人歲暮懷靈奎

送李伯承 四首

朝陽耀高樹光風汎崇蘭三春豈不榮雷雨將摧
殘之子好奇服蘭茝被纓冠芳馨詎自藏剪伐良
歎難寸心葵藿前中逵雜茅菅浮雲爲之陰白日
爲之寒歲筵上林苑移植丘與樊歲華感我心搖
落增長嘆

結束事行役京洛辭豪遊朝發盧龍下夕見黃河
流飛泉灑濠梁高望望馬丘淮陽豈云遠臥治冰
已優寧厭承明廬補郡非所求君恩曠浩蕩毋俾
赤子憂禁闥雖可戀疲瘁待爾瘳賜召行復來肅
穆瞻宸旒

良會不可常雜英滿瑤席四座藹冠簪夫君獨遷
謫伊余承末交綢繆暫昕夕未罄歡豫悰遽慘關
山色關山去何之繁憂未能醒揮袂自此分居人
轉悽惻

臨岐重踟躕四顧驚颺來偃蹇寄薄遊鬱結何由
開河梁一分手鳴騶已相催落日照古堤行子心

悠哉北瞻金馬門東倚秋風臺驂騑懷往路太息
仍徘徊絳灌本不怒誰遣賈誼哀五陵統綺間焉
知楊馬才君其慎自愛千秋重玫瑰

十四夜元白惟敬見過

曖曖天宇豁涼夜皎如練鏡彩未盈規清輝遠彌
見先臨太液池却灑昭陽殿須臾出漸高歷歷指
燕甸零露浥金莖嚴更促銀箭登樓枉嘉賓鳴佩
總時彥列坐引濁醪行厨媿豐膳游豫靡沉酣談
笑事筆硯盍簪旣非偶明德夙所眷共舒南渚情
寧美西園讌撫景豫持滿稱詩戒側弁鄙劣謝久
要期爾迴光眄

十五夜遲元白惟敬翫月

昨遊有餘興今賞不可忘況當圓景麗秋中氣清
涼池沼浩澄澄城闕鬱蒼蒼披衣坐前楹瑤空已
飛光凝華映連觀流輝明洞房周除覺冰淨達道
彌天長步檐幾延佇呼童掃中堂石几拂琴瑟鄰
家謀酒漿夫君幸伊邇策馬非異鄉懷賢切餒渴
皎皎恒相望願從聆徽音示我於周行

十六夜述懷示元白惟敬

登高頻層城遠盼窮燕粵東窺滄渤流西撫太行
碣輪光出海隅浮雲歛天末徙倚眺京師控帶盡
冀闕迅飈度隴阪萬里霜氛滅塢笛應鴻鳴關柝
隨砧發幽燕多慷慨趙魏負勇決李牧出鴈門汲
黯入禁闥昔人遘運會題拂多引拔謬予困泥塗
棲遲歎皓髮且忻免負薪敢復望結襪芳華寧久
妍精誠誰能察弦望信有常虧盈不堪詰迢遙思
美人明璫似秋月勞情詠四愁并寄雙魚札

送姚元白

煌煌漢業盛雙闕何顏頰侯門半金貂七貴黼繡
裳北里富歌鐘南隣奏絲簧驅馳走馬埒遊戲關
雉坊君來入鼎門彈冠朝朝行肅事禁庭間杆藻
翰墨場三年厭羈縻請告還陪京陪京禮樂地珮
玉鳴鏘鏘衣簪榮舊秩親昵洽故鄉朝趨典客署
夕臥中林堂執戟豈云疲頌酒殊未央夙昔恥繁
華於今適徜徉揚雄雖寂寞樂志在文章達士有
高軌去矣遙相望

送大司空蔡公考績還畱都

帝世穆清夷皇澤播膏液二佐資牧鴻九官讓夔
稷司空翼 聖朝獻納輔辰側精義密言詮揆文
祭邦式浚衷秉靖寅補袞自恭職二京頗均勞入
奏虞庭績勤事旋舊都秉鈞待崇陟于本澹蕩人
謬廁章縫迹堂上察然明車下憐齊戚洵美緇衣
情自愧乏明德方承倒屣驩已奉脂車役商飈捲
秋蓬須臾易離隔何因奮南圖願托扶搖翼

召試皇極門作

雙闕中天起宸居控華夷卿雲薄前殿下建五丈
旗賜召入銅龍延引牧豕兒冠簪左右列侍從紛
臯夔衡室下清問爰采芻蕘辭自顧雕蟲技豈有
青雲姿結髮願事主委身及明時上書幸晚達頽
脫亦在茲負薪暫已釋交戟容逶迤衮職自無闕
紹統將奚爲且因四門闢思以答周咨千載有良
謨毋遺曲學譏

秋夜二首

秋風西北至河漢橫中天他鄉況久居游子私自

憐蟬蛩鳴且淒鴻鴈何翩翩嘆息夜中起攬衣白
雲前故人一尺書關山邈以綿寧當如參商別離
多盛年攜手思行游何時早歸旋

殿殿丘中桂淒淒阯上蘭芳馨詎能久北風天已
寒蕭艾非所寶豈置珩璜間結佩遠莫遺徘徊望
雲端憶與君別時明月缺又圓君心妾自知妾期
君不還嚴霜迫中閨自理素與紈何因逐黃鵠一
至鴈門關踟躕盼雙星盈盈增長嘆

冬日 聖駕幸萬歲山恭賦

會稽昔受計塗山會合符 皇覽遵時豫宸遊協
前謨肆瞻萬歲山奠彼玄武區上冠青霞嶠下澄
碧波湖絳氛久磅礴苑中得方壺卜館榮祈年議
禮齊魯儒季冬朔云吉樂歲歡以愉駕出卽伊邇
警蹕先傳呼勾陳伏嚴衛招搖備前驅旬始建曲
旆天狼奮威弧馭風六蒼虬望壇儼龍趨天童奉
蒼璧玉女持金爐英韶合九奏歌筑延以飲封泥
座玉簡白雲起須臾回盼秦漢轍馳騁萬里途何
如格羣神行不役千夫需澤答玄穹望幸勞東都

升中舉盛典永垂皇家圖

答成仁卿

風林遠冥鴻凍淥沈修鯉洛陽三日雪袁生未能
起誰能除逕來忽覲楚成子褐衣翩翩行聲名在
人耳江漢夙蘊靈荆南富梗梓騷辭啟屈平丘索
聞左史子也纂前緒紉蘭襲芳芷秋風吹洞庭北
征戒行李憐子淩落蹤顧笑長安市意氣契遠遊
扶搖大鵬徙投贈英瓊瑤置之石上几嘉藻溢華
光深衷析玄旨得偶歡盍簪並驅肅遐軌願謝
瑤緣鸞驂自茲始

贈通政鄒公

二華表秦京殺函控天府黃河從西來汨沸皋蘭
許祥秀鍾國寶炳靈篤皇輔鄒公冠惠文枚卜授
齋斧按章伏青蒲請劍誰與伍日月方麗天堯舜
今聖主崇獎骨鯁臣讜論播朝寧四岳各納言
帝曰予命女濟濟夔皋列肅肅鵠鸞羽天球並珌
戈金鏞協南呂忻逢陽道升衆羽各翔舞有汾出
于雲淦淦九州雨高木以鳴鸞周原沃而靡吹萬

滿太虛春令待公舉平格壽在天侑歌酌吾醕深
馮高廟靈台階卽延佇

送吳明卿四首

浮雲聳雙闕阿閣扶中天洛京朝諸侯冠蓋紛其
間之子赤麟符握手惟古懽日暮出長樂城南恣
游盤命侶前進酒朱瑟迎風彈千秋一綢繆思駕
雙飛翰

嘉會不可常綢繆爲君結賜金豈不榮而戀河梁
別樂哉新相知倏忽已燕粵萬里風與波羅惟有

明月

明月更弦望鴻鴈知京喧翩翩多北飛胡爲獨南
轅君自臥治之寧薄武夷山翩其漢公卿誰遣君
彈冠關門各四岳乘時當來還

行行奉明詔還來待軒車夙昔戀禁闥言返承明
廬那知斗酒歡不得長相於騷裏游中原詎能顧
驚駒結佩與我期蘭蕙秋何如佳人南以北慰我
尺素書

送吳約卿四首

松柏附以蘿浮雲戀清波萬里遠結交三歲日已
多何爲雙黃鵠分飛山與河豈無盈觴酒對之不
能歌中心愴離居徙倚將如何

河畔青青草征馬爲君秣馬亦顧其羣詎能與君
別關山邈以長咫尺難可越攜手立斯須燕婉已
離闊風吹吳會雲何由到京闕汀洲采蘭苕及此
芳未歇

美人好衆芳歲久香不息持以結交懽時節倏已
易幽蘭有本性終風竟何益白日照江皋耿耿君

別離日已遠

江流悲客心

在遠思彌

應識夙昔奉周旋誰能置其側贈君遂與環因之
共朝夕

別離日已遠江流悲客心在近思易洽在遠思彌
深高足豈不策赫奕人所欽於昔稟威稜豐澤沛
自今所貴崇令德鼎足力可任鵬鵬志萬里焉能
計飛沈扶搖以爲期矯翼青山岑

七言古詩

廣武吟

晨登廣武山蕭蕭古戰場徘徊京洛間日落盼榮

陽秦鹿昔奔走中原共翺翔項王氣扛鼎叱咤重
瞳光江東提八千獨伯諸侯王沛中赤帝子入關
約三章燒棧定咸秦蜀租給軍糧戍臯眺玉門引
兵食放倉相與臨廣武鴻溝竟分疆追擊過固陵
雌雄頗低昂垓下楚歌聲雖逝虞亦亡漢業定關
中乃公留未央千年繫馬樹此地悲風長君不見
沛公入關秦嬰走東井煌煌五星守蛇分雲聚徵
靈久新城遮說兵編首烏江不渡馬童來亞父何
勞撞玉斗

梁園歌

汝南太守來送別勸予一訪梁園雪今朝始渡黃
河流登臺忽見梁園月魏王雄都大梁野信陵公
子曾停馬屠肆空聞力士名夷門不見抱關者孝
王宮闕在睢陽連屬平臺複道長兔苑山高成百
室旌旗警蹕回三光檀欒修竹今非故勝事空餘
牧馬賦後巖鴈池曾在無鶴洲鳬渚知何處莽蒼
荊棘古城隈汴水東流去不回千年李白與杜甫
此地曾經醉酒杯荒烟落日一灑淚悲歌撫劍空

徘徊明興古文誰第一共推此地李獻吉信陽何
子曾並驅蘇門高生亦其匹一時酣詠梁王臺人
稱甫白與鄒枚我來更在何李後持觴三酌霑襟
袖天球河圖可終古朱弦疏越竟一奏當年建宜
總丘壤爾輩大名同宇宙此物應難論簪組斯文
未墜憐雕鏤梁園歌歌正愁明月平臺似雪浮遙
寄汝南徐子與知予獨嘯梁園秋

望蘇門山長吟

我行殷墟鄘衛間訪古一望蘇門山濯纓思向百
泉上悲風落日流潺湲蘇門先生久韜耀土窟隱
居睨嵩少嵒阮叩之嘿不言下山回首聞鸞嘯嘯
臺隱隱白雲層本末披烟正可憑青史百年書巧
宦徒慙柳下媿孫登竹林七子沈酣處空有山陽
懷舊賦拂衣便可巢雲松芒鞋桐帽吾將去雪簑
道人期我遊弦琴讀易蘇門秋早向浮丘知相鶴
幸從莊叟悟犧牛

銅雀臺歌

建安西駕輶轅道二京舊跡忽如掃鄴都踞虎當

塗高傷心千里青青草英雄蓋世漢征西叱咤山
河落日低左開朱邱詞臣宴右指金戈壯士提中
天銅雀何年築岌嶷二臺更相屬講武城連官渡
口滏陽水遶漳河曲雄圖短日祗堪憐斷履殘香
滿目前總帷井幹含啼處空向西陵灑墓田蛾眉
曼睩娛清夜陸機已弔荒臺下美人歌吹詎堪聞
賦詩橫槊何爲者登臺可望華圭宮往事紛紛似
夢中只見孤鴻向嵩洛咸陽千樹盡秋風

賦得蓬萊山送王舍人赴謫

縹緲蓬萊山乃在渤海東黃金以爲闕白玉以爲
宮仙人可望不可至渤海冥濛天地中海風引船
却復去珍禽玉樹紛何窮秦皇何處鞭石來欲過
東海觀蓬萊徐市一往不復返大藥長生何有哉
漢武亦禱萬里沙方士羽客列如麻泰山梁父竟
封禪矯首青天惟紫霞飛僊窟宅云在此往來霧
蓋雲旗裏右揮若木左扶桑波濤洶湧三萬里豫
章王生真歲星綠髮赭顏雙眼青曾是玉皇香案
吏朝夕侍從趨彤庭九枝燈前王母宴謨持金醴

傾銀餅玉皇一笑羣真怒竟麾羽翽乘雲輶王生
自昔有異骨豈合燕雀同飄零謫居猶是蓬萊島
九點齊州連杳冥玉皇恩深再稽首歲許絳節朝
宸扃笑翻東海挹北斗拜祝玉皇千萬齡斯時我
或騎驟駉翩翩雲中瞻玉几相逢把袂問蓬萊何
當贈我金鵝蕊

三河水

三河水萬軍淚淚滴三河水不流胡笳吹落蓊門
秋河水流不住胡笳過何處誰使十年來移營兩

秋河水

秋河水

秋河水

屯戍君不見胡騎已馳騁子關漢軍尚哨熊兒峪

防通州

護倉糧高築塙兵馬急趨潞水傍東南芻粟積如
山百萬軍儲指顧間廟堂勝算在兵食一夕通州
幾報還忽憶先朝于尚書計焚積聚將何如不見
漢家飛輓速寧如四據放倉粟糧餉足社稷福萬
年周曆今可卜

邊兵來

邊書昨日至人望江總制邊書今日聞人望馬將

軍胡塵早暗沙頭兒孀子嶺邊胡馬飛爺孃婦女
急收保大男挽馱孩牽衣襖被裹裝束煤荻顧引
馬騾雞狗狶都門列卒呵行者雲擁催兵快騎歸
司馬授鉞司農餉輦金縣爵軍中賞堯咨李郭一
時來都人收淚手加額勞苦邊兵膽力麤雨雪滿
甲冰滿鬚半彎繁弱仍吹蘆誓取賢王掃休屠捷
音入天語呼大同乎宣府乎火影已卜夷虜遁日
暮千里殺氣孤帝將授之金僕姑更爲國家西擊
胡嘉靖癸亥十月事

胡嘉靖癸亥十月事

胡嘉靖癸亥十月事

胡嘉靖癸亥十月事

俠客作

君不見燕中高築黃金臺樂生慷慨從西來揮戈
談笑聊憑軾七十齊城何有哉君不見荆卿擊筑
飲燕市悲歌變徵聲出祖臨易水督亢圖成樊首
函西入秦庭觀玉几又不見夷門翁屠肆兒抱關
鼓刀知是誰一朝竊符與公子邯鄲從此驅秦師
古來俠者此數君叱咤萬里生風雲借身報仇不
足道持危排難寧論勳思如鵬鶚霜空肅氣似驂
騑霜坂逐自堪鳴劍馳伊吾誰解校書向天祿君

不見東方先生待詔時三冬文史無不窺徒誦四
十萬字寧似衛將軍救羊之尺筆僕也落魄長
安市頗識中原豪傑士只今匈奴犯邊鄙四郊多
壘誰之恥便請橫行沙漠裏豈令飲馬雍奴水朔
風夜吹紫駝耳旄頭不見三軍喜登壇推轂更誰
俟酒酣耳熱可以起左執干戈右弓矢爲縛天驕
報天子

送吳約卿西巡因訊張廣平助甫

金鑄玉勒青驄馬繡衣直指稱使者薊雲滿地朔

歐虞部集

卷之十一

風高一杯酌別都亭下憶我逢君意氣真燕臺楊
柳尚殘春此日將軍無揖客此時丞相未留賓碣
石舊宮成馬廐華陽高館摧荆薪君能置我門下
走憐是風塵骯髒人昨者按節過三輔每稱廣平
張助甫鼎釜誰能廉潔如文章更見風格古雖然
慘淡違世情獨有芳馨在詞圃翩翩雄視百代前
驂駟局促心空苦俯仰乾坤又一時萬方王道正
清夷公卿喜上推賢疏郡邑多傳樂職詩君行再
出趙魏間攬轡應登馬服山澶淵西望黎陽渡瓠

子東障金隄關長途魍魎知相避負弩前驅或一
攀憐才此去仍推轂爲我問訊憔悴顏馮唐歸日
逢停輦肯薦雲中魏尚還

雪夜會繕部邀飲遲吳侍御黎秘書不至卽
席賦長句得孤字

狂夫作客遊燕都卜居亦在城南隅侯門懷刺不
解趨頗笑阮藉悲窮途故人爲郎調絕殊荆玉出
璞今方須憐才稍惜南海珠豈有照乘堪前驅深
更遣迎走宛駒從以貂帽雙胡奴明月在棗雪在

歐虞部集

卷之十一

鬚開筵獸炭紅滿爐宜城有酒不用酤雕盤絡繹
出中厨高情卜夜且歡娛黃金那問有與無城頭
吹角驚棲鳥酣歌更勸傾百壺竹林二客寧得俱
賓主能飲興不孤青驄御史芸閣儒何如高陽之
酒徒他宵良會尚可圖開尊莫惜招狂夫

黎秘書席上贈李少虛之官赤巖

長安臘月送行客雪中命酒秘書宅客行路出八
閩西贈言豈有繞朝策前年島奴猶未平郡縣紛
紛皆甲兵巖前吹角邊軍集城上鳴鐃老將行島

如今已悔禍久聞中咸奏凱歌聲客爲南海李少
虛謝家之親黎秘書請纓豈是抱關吏佩印那辭
乘傳車風塵止可樹勳伐今人古人何不如吾聞
桐鄉朱邑本嗇夫陽夏黃霸曾遊微客行上馬須
早驅慷慨豈道功名小

王母歌壽黎母太夫人

峨峨天上三珠宮琳庭貝闕交玲瓏扶桑若木生
西東朱光反射銀漢側青雀翻飛明月中檄書咫
尺報蓬萊王母西從瑤水來戴勝之冠切雲笄珣

尺良部集

卷之二 七

玕雙佩秋蘭裁青娥三千不可以約畧後先婀娜
紛趨陪烟輶電轂一時集手翳瓊枝胡至哉斯時
琪花散空碧綠幢卒葆忽生色棗熟如瓜宴瑤席
吸沆瀣兮食紫虹左流霞兮右金液雙成指顧二
千娥迭歌侑酌觴不息須臾又轉絳節朝天津兩
旗河鼓遙湘妃和神起陽瑟秦女按節來吹簫鸞
匏鶴笛合九奏電裳舞袖迴風飄南岳夫人笑相
邀麻姑赴會不待招武夷會孫歌且謠羅浮仙峰
四百三十二青玉爲壇鐵爲橋王母來往常逍遙

飛雲我憶蓬萊閣兒時迎拜駭黃鶴玉箱欲紀王
母年金門且問東方朔

蘇子川席上觀舞歌

燕京九月霜花落塞驢夜走城南陌請謁難窺許
史門邀懽獨造蘇卿宅蘇卿薄祿有清醕西臺御
史爲上客玉觴引滿炙肥羊自稱無以娛賓樂須
臾紅粧立帳前激楚結風舞交錯扇開衫影亂明
霞帕掩釵光薄金爵鬢雲百轉匝花鈿舉袂飄裙
忽欲仙釧邊露腕雙雙玉毵上行塵步步蓮應節

歐虞部集

卷之二 六

低鬟依促拍逐行揮翟入繁弦行雲送曲那能住
曼睨橫波誰不憐金吾將軍笑頻顧秘書先生目
猶注胡髯山人俠者流耳熱酣呼亦豪舉持觴將
炙柰樂何馬躍雞鳴不知曙巴渝迭舞白紵歌主
人壽客金叵羅西臺痛飲仍大爵蘇卿膝席情更
多卿也起家曹濮下嚴親尚書號橫野秉鉞雲中
節制遙驅胡漠北威名大絳侯世業有亞夫穰苴
兵法傳司馬君不見東山飲酒賭墅人蘇卿爾豈
沉酣者

贈薛子熙兼柬杜青州

君不見陶公不能謁督郵君不見李白願識韓荆
州嗟君結交二千石古之杜母今君侯君侯佩印
牧青社桑棗萬家春滿野羔幣繽紛聘士人中和
宣布勞謳者聞君下榻郡齋時多暇登樓日賦詩
不署議曹叅府事但隨上計朝京師燕山嵯峨雪
三尺燕市酒徒共朝夕君侯召對將有期門下竊
譏客無益君不見王生嗜酒一何能渤海片言漢
帝稱卿寺今須賢太守知君不愧水衡丞

歐虞部集

旅燕稿卷之一 一

送黃定父赴雲中謁張中丞

漢家西北雲中郡大漠蒼蒼鳥飛盡代馬風沙遠
斥邊秦人榆柳因成鎮紇干迥隔鴈門高句注斜
連稠陽近何年三築受降城單于射牧今誰問烽
火曾照甘泉宮幽并亦在胡塵中君王撫髀思頗
牧璽書夜冊將軍功山東才人近開府帷幄運籌
似其祖絕驅區脫靜蘆笳盡日轅門寢鼙鼓黃郎
任俠二十餘手持一尺司馬書西投開府獻奇策
分庭願作諸侯客燕郊去騎嘶春草狐白之裘紫

貂帽邊風二月吹馬倒一川碎石飛如掃楊六寨
前人跡稀陰山何處飛狐道七首腰間照雪光檄
成楯鼻不可當班生早勒燕然石歸來典秘蘭臺
郎

石湖歌送韓員外請告還山

大江五千里草堂雲氣孤前揖茅君山下瞰石臼
湖湖上之居今幾載韓君少小曾擊汰乃公謝郡
持一竿來往溪翁釣船在桃花吹滿舊磯頭白鷗
渺渺滄洲外君從獻賦入明光六載尚書水部郎

歐虞部集

旅燕稿卷之一 三

長卿壁立能文賦舅倩陸沉稱酒狂昨者睥睨長
安市結交稍得天下士不能訾咤貴客前獨解酣
呼衆人裏省署蕭然退食時夢飛半落石湖水上
書請急覲乃公錦帆三月過江東加餐鱸鰕烟濤
上高枕圖書雲霧中君去莫誇湖上樂拂衣我亦
尋幽約刺船便可繫籬門白浪高於瓦棺閣還家
綠髮意何如只恐鳴騶促使車誰談安石東山事
自有司空城旦書

松洲歌

主人家世執金吾不數漢時馮子都朝從鹵簿甘
泉駕夕奉期門騎衛呼洲居豈是列戟處松塵非
供折腰具受爵幸免大夫封論功欲倚將軍樹興
在青丘巖谷間高堂倏見徂徠山掃花食實自堪
老聳壑昂霄誰可攀紫霧濛濛團蓋滴翠濤瑟瑟
長空激龍翰旁飄金闕門虬枝低拂滄池石遙思
海上鳳麟洲羽駕招搖玉樹秋何時君挾倕佺去
我識金門萬戶侯問君冠劍奉朝請何似天風灑
吾頂好將忠盡答昇平人間亦有陶弘景

歐虞部集

卷之十一

三

送稷山王簿兼寄謝山人

武安王生謝公侶逢人每道四溟子經筵曾攜陪
慮山褐衣傲睨長安市同時淮上有吳生苔雪爲
丞色不喜王生作簿向稷山大笑各行其志耳稷
山遠在汾河西太岳中條與絳齊保障繭絲堪一
試鳳鸞枳棘且安棲王生祿米薄升斗醉後謝公
詩滿口車行上黨近青天先訪謝公一攜手何門
今曳鄒陽裾當爐登賣臨叩酒高歌但擁如花人
刀環昨寄漳南否歐生海上欲歸時停雲爲道最

相思絳帖紫參難遠致秋鴻須寄謝公詩

劉子脩歸湖上居贈以長句

射陽湖上烟樹多濁水奔流江作波邦溝西北入
淮去一夜秋風渡漕河竹西歌吹何年路廣陵回
首瓜洲渡胥涇不見浣沙人參軍只有蕪城賦眞
州昔與譚生遊門下每稱劉子脩曾揖長桑傳肘
後還能滿壁畫滄洲前年擊筑過燕市昭王臺邊
遇劉子揮毫命酒見平生薦引無人解知已丹青
傳色出董源晚於山水師荆關猶恨壯觀未極意
跨蹇從我遊西山風吹柳花滿京阪忽憶射陂春
已晚公卿投轄不可留買舟直向湖南返到家稚
子候門庭湖上蘆黃楓樹青行持西掖裁書筆歸
注東臯讓酒經我畏東華軟紅熱木門琅倉不堪
謁長吟左氏招隱詩尋爾持竿釣湖雪

燕京篇

萬年天府國佳氣滿燕州錦繡三千里金銀十二
樓微聞作鎮連恆岳太行蒼蒼盡幽朔環流瀛海
入扶桑襟帶滹沱出新瀾海岳效靈符帝曆象緯

歐虞部集

卷之十一

三

分明拱辰極縹緲天中玉殿高岵毳漢表金莖直
千官朝謁建章宮燎火光中望六龍詞客麒麟爭
獻頌山人芝草亦輪供春日雞鳴宮鑰啟春花吹
入千門裏垂柳清波漲御溝疎槐夾道通官市列
署周廬若散星九衢走馬如流水朱輪翠轡過何
窮繡戶雕櫳對相起觀燈鬪草競繁華芍藥開時
萬樹霞銀缸照夜金張宅寶檻移春許史家塵逐
妖童九華扇蝶迎倡女七香車百壺芳醕歡新曲
千轉嬌鶯度落花嬌鶯啼向歌屏上平樂新豐價

歐虞部集

旅燕稿卷之一 五

來往誇胡未詔長楊游承恩會謁甘泉仗此時
至尊在西苑閒水蓬丘開別館禁籞青烟曉色濃
宮池黃鵠春波暖通天臺峻出層城五色玄都絳
節迎仙官法籙隨輿度侍女香爐傍輦行鸞輿玉
輦萬靈朝西望明庭亦不遙九霄青鳥年年至八
駿瑤池日日邀蒼龍願捧軒轅馭崑崙更接崆峒
路一聞八伯白雲歌不羨相如大人賦

春遊曲

長安大道縱春游燕草萋萋滿御溝西山半似終

南色太液還如渭水頭太液流漸已三月西山絕
巘猶殘雪綠樹遙連五鳳樓彤雲淺護雙龍闕秦
川公子玉聰嘶半醉章臺日未低挾彈呼鷹熊館
北揮鞭飛鞚灞橋西芊綿紫陌華茵細窈窕青樓
絃管沸賞勝俱邀俠客來騎迴暫向倡家繫倡家
少女豔神仙紅杏齊開花滿天鬱金香裊芙蓉帳
琥珀杯行玳瑁筵千迴送酒銀瓶滿一曲當樓明
月轉鸞笙鶴笛引宵長繡簿錦屏障春暖歌翻子
夜更悠悠舞罷霓裳樂未休古調暫更新水令新

歐虞部集

旅燕稿卷之一 五

腔又過小梁州爲君酒浣春衫袂爲君笑解羅襦
帶不惜儂家羞展眉不怨箇人太無賴春花春月
冶遊多相攜相引屢經過交疏影裏頻留盼嬌鳥
窻前柰爾何五陵走馬徒能俠西津交珮誰憐妾
燕歲鶯年容易更鴉黃蝶粉殷勤貼十千買笑意
何如百萬纏頭日不虛何事草玄甘寂寞獨憐楊
子三牀書

伏日同文壽承徐子與顧汝和飲袁魯望齋

中聽謳者楊清歌時子與已補長蘆矣因題

此句

蒲萄綠酒黃金卮吳趨越飲多妙詞歌喉復見薛
車子曲譜似傳楊叛兒絕代佳人不易得楚妃堂
上無顏色慣邀文顧兩才人頗驕天日山中客客
去南皮滄海陰浮瓜沈李共誰吟他時莫憶袁郎
詠妬殺尊前白雪音

送余彥綸宰合肥

燕山驛路蟬聲稀薊門關前桑葉飛故人得意鳴
騶去想見閭門迎錦衣廬江小吏來到門雙旌催

歐虞部集

旅燕稿卷之一 七

駕壘鼓喧舒城館裏不遑食亞父山旁將駐軒西
望鎮淮樓檣開桐柏之水如絲來少年白晢宰京
縣民得飯稻羹芋魁吠無犬兮馴有雉憶爾行春
過淝水詔書明日下扶風蚤入長安見 天子

華陽行贈王孝廉歸晉陵

華陽館前秋雪飛幽州道上行人稀當年築館人
何在今日拂衣君獨歸蕭條策馬辭京闕關門一
片西山月胡姬葡萄酒初潑壚頭把臂與君別君
爲荆川太史之門生弟子都講往往皆名卿獨守

師說奉大對公孫側目轅固行滹沱河水東偏早
驛樓官樹葉如掃上有燕臺之衰草下有荆卿之
古道行行旅食不堪陳漁釣江湖且煮蓴子虛儻
遇鄉人薦老作金闕侍從臣

歐虞部集

旅燕稿卷之一 七

旅燕集卷一

旅燕集

嶺南歐大任楨伯甫

五言律詩

將上京師答約姪問何日歸隱

竹林方欲出君已問歸期肝膽燈前劍勳名鏡裏
絲燕臺收駿日漢時獲麟時儻奏凌雲賦滄洲去
不疑

嶺上謁張文獻公祠

南人誰爰立公始相開元忠豈酬金鑑恩空下劍

歐虞部集

旅燕稿卷之二 十一

門衣冠通德里桑梓曲江園父老修秦臘還來奠

桂尊

過南康寄蔡山人

客子何年國桐君此日臺隱無千畝竹詩在一庭
梅停機思攜手題書問舉杯郵程非興盡猶是雪
中迴

除夕寓九江官舍

饑歲潯陽館羈愁強笑懼燭銷深夜酒菜簇異鄉
盤淚每思親墮書頻寄弟看家人計程遠應已夢

長安

江州元日

北望國門近那知隔楚天卿雲書正月瑞雪入新
年愁向庾樓失心先魏闕懸佇思元會盛春宴禁
庭前

遊四祖道場

慈雲自鴈塢香爐分鷲峰澗寒浮石鉢雪霽聞山
鐘欲難齋前偈高尋霞外踪何人曾出世禪境空
長松

歐虞部集

旅燕稿卷之二 十二

遊五祖道場

馮茂道場古千年大滿名銘題鸚鵡塢燈現鉢羅
城萬衆人天裏虛空仙佛情南宗今幾代曾此學
無生

麻城雪中遊龜峰山還過萬壽寺圓谷上人

方丈

徒御偶然屏閑來聊避喧雪淡支遁院松傍朗公
門苦茗資檀越疎鐘掩給園斬黃禪祖地經律共
誰翻

渡淮河次新息

初離弦子國漸入息侯鄉淮水分桐柏鴻陂引玉
梁人猶歌賈父客每憶黃郎回首關東路蒼蒼夕
照長

晚憇普濟寺趨鄆城

揮鞭窮落日上蔡更西平客問棠溪渡僧還鄆子
城泉寒惟馬飲村暝少人行期向澱亭醉長途莫
計程

新鄭北門讀子產墓碑

歐虞部集

康肅稿卷之二 三

憶昔干戈際扶顛獨有君禮能交晉楚學已辨參
汾莫以刑書鑄而忘策府動城邊潦洧水鳴咽幾
迴聞

黎口鎮趨宜溝

貪程寧計遠日日逐車塵河徙黎陽渡城臨白馬
津買芻供候騎炊黍待行人貂帽惟殘雪空思五
嶺春

始至京師姚元白黎惟敬攜酒夜過得春字
斗酒偏能載新豐問旅人烟花三月暮冠蓋五陵

春慷慨會看劍浮沈但飲醇他宵青瑣直何處望
清塵

吳山人子充見過

十年思識面把袂忽燕臺薊子何由至轅生只湯
來藏真君有道奏賦我非才且貰胡姬酒相將一
醉迴

同沈懋學王儀甫過吳子充留酌

日暮長安道紛紛車馬多高陽頻覓酒燕市且酣
歌玄白寧勞問風塵柰爾何窮交吳季子猶得共
歐虞部集 康肅稿卷之二 四

烟蘿

李符卿伯承左遷亳州夜同黎秘書惟敬吳
侍御約卿往餞得長字

殷勤一尊酒相送意何長薄宦投濠上歸心向濮
陽使星珠斗外卿月玉河傍持慰山東客銜恩異
夜郎

同許太僕元復文文學壽承吳山人子充黎
秘書惟敬姚鴻臚元白杜舍人從殷集吳侍
御約卿宅得禪字

朝回焚諫草愛客且談玄高士林疑竹清齋室似
禪襟期三徑外獻納五雲邊覓酒能無厭應揮月
俸錢

曉經西苑聞齋禁

肅穆展靈祈千官御事時采詩供夜誦持節侍春
祠泰乙風雲接甘泉日月遲 君王無秘祝翔洽
被恩私

送董文學之清河

泗水流不息楚州行莫遲青龜聊講德彩筆更題

歐虞部集

旅燕稿卷之二 五

詩草長淮陰市江清漂母祠知君三策在誰薦上

形埤

劉刑曹邀同李尚寶項錄事黎秘書飲得觀

李何邊徐顧孟諸公真蹟

河東稱甲族京洛始逢君劍佩分青瑣琴尊向白
雲碑看先友記篋出玉堂文世業翩翩起王郎更
不羣

佛日獨詣善果寺

清曉田衣去花宮問梵僧崔窺松下帙瓢掛澗邊

藤請謁堪誰嬾沈冥媿我能鍊心曾十載猶禮塢
前燈

端陽日施繕部會虞部邀遊西山馬上次韻

聯鑣從畫省命賞陟烟岑稍適林巒興因諸魚鳥
心開尊臨水次採藥遍峰陰員嶠前期路翩翩何
處尋

登望湖亭

宴坐一齋閑西湖几席間豈期金馬客能到玉泉
山解帶同園竹看雲且放鵬烟波心更遠難共櫂
歐虞部集

旅燕稿卷之二 六

歌還

碧雲寺庭前芍藥

紅藥花宮種誰移供佛堂雲淡松院色池淨竹林
香山鳥頻窺影天風忽送涼五臺應不遠煩熱此
中忘

答黎秘書遷居見示

知汝避喧久緇塵幾卜居宮雲飄曲磴海月到前
除僧問籠鵝帖僮抄種樹書未須辭禁直卽此足
逖虛

伏日同許殿卿姚元白黎惟敬遊鄭氏園四

首

並馬南溪路何如杜曲邊園因看竹入裳每采荷
舉池鷺頻窺酒潭魚不避船酣歌還洗耳箕穎興
悠然

冥濛朝靄散晴色滿燕關策杖城南寺看松雨後
山蟬聲流水外人語白雲間曉此幽棲地猶能一
醉還

鳴珂尋鄭谷十里到池亭魚鳥驚長嘯乾坤厭獨
歐虞部集 旅燕稿卷之二 七

醒烟消雍時碧雲傷泰壇青欲作郊居賦頻來倒
玉瓶

爾輩俱詞客伊予本釣徒相將河朔飲不問步兵
厨宜豈黃金拙歌應白雪孤君看三伏裏誰省在

江湖

聞嶺外苦旱島夷再圍潮州和惟敬

嶺外多難偏傷旅客情疲兵當賊境久旱罷農
耕卽恐軍書至凌憑廟算成家人應掩淚何事滯

秦京

周太守叔愚寓善果寺夏日過訊

亦知除熱惱禪榻與僧分靜院山禽下疎鐘夕梵
聞黑貂今季子皂蓋舊馮君避世金門者悲歌共
爾羣

讀姚鴻臚禁中供事諸作輒賦一首

鳴佩侍臣隨爐烟傷玉熙預承瑤水宴曾奉柏梁
詩禮樂尊周朔衣冠肅漢儀河東雖欲賦徒有髮
成絲

吳約卿自邯鄲回同惟敬過訊留酌因覽張

歐虞部集

旅燕稿卷之二

八

助甫諸詩

使者輜軒至云從趙地回青天獄色斷白鳥秋風
來行李唯詩卷浮瓜共酒杯四愁何處寄猶憶漢
庭才

姚元白將還金陵同黎惟敬顧汝和汝所過

訪得秋字

戀別還今日鄉心不可留浦帆千里月江雨六朝
秋邀笛懷宵詠鳴珂得畫游無言分手易尊酒更
綢繆

夏夜同吳侍御黎秘書集許舍人稚幹館得

芳字

西京視草郎結佩有瓊芳下直開文苑高陽得酒
狂庭槐風轉細林竹露添涼愛此蕭閑夜那知玉
漏長

同李給事避暑柏林寺遇雨飲白閣山僧房
清涼聞此地結駟亦隨緣偶共金門客來叅白閣
禪蘿雲棲古殿花雨接諸天關暑淡杯外茅齋更
灑然

歐虞部集

旅燕稿卷之二 九

答張員外鴻與樓居見懷

爲郎恩不薄久客夢江濱長缺愁中把疎鐘雨後
聞經傳秦博士酒憶晉徵君自惜繁霜鬢棲棲牧
豕羣

七夕約卿攜酒惟敬同過得涼字

良宵不可度佳客共清觴河倒星光動樓空海氣
涼疎碁低漢月哀角落胡霜誰聽機絲苦年年在
七襄

秋日同惟敬道襄過天寧寺訪真乘上人

遇

近臣方賜沐暇日愛攀登共向前朝寺因尋長梵
僧一菴唯挂鉢何處獨支藤客有許詢輩山門問
幾燈

璿上人園內菊

燕郊寒色淨秋在給孤園旃林三徑冷栗里數花
存霜滑松枝几池清竹葉尊遠公渾愛客山暝出
柴門

秋日過戴伯常西園玩菊

歐虞部集

旅燕稿卷之二 十

聞君方把菊步履遠相尋誰道戴侯貴蕭然陶令
心夕陰生曲徑秋色滿平林從此籃輿慣閑門五
柳溪

雨中同元白過惟敬借樹軒

意愜過逢數更開笑語長亂蛩燈下靜淡竹雨中
涼客坐開山筍鄉心寄酒觴子雲方寂寞誰道校
書郎

元白惟敬約卿見過同詠秋雨得塵字

爽氣迴千嶂浮空晚更勻蕭條青塞色霑灑玉京

塵井幹飄黃葉江潭漲白蘋洗兵還藉汝應慰遠遊人

劉北部仲恭邀遊商園二首

薊北窺形勝登臺盡日留關河三輔壯冠蓋五陵遊清嘯餘蕭爽沈酣任拍浮青門瓜地在莫問邵平侯

休沐頻邀賞羈棲足散愁平臺冰井溢曲水羽觴浮細酌仍調雀忘機偶狎鷗名園京洛外回首漢陵秋

歐虞部集

旅燕稿卷之二 十一

送馬將軍出塞

羽書飛萬里不分聽胡笳獨有黃鬚將先馳白鼻驕鹿塞連烽堠龍庭亂雪花封侯歸日早破鏡莫思家

沈封君隱居吳洲其子祠部君索題

玉湖湖上水種竹忽成洲君是沈麟士功曹寧足留持竿風渚晚吹笛下山秋玄散何年賦雲虹應獨遊

謁文信國祠

卽柴市故蹟

憶昔南冠日厓山恨未忘魂沉柴市月淚盡薊門霜白鴈啣江草黃龍逐海航中原冠劍在歌舞待巫陽

十月初度都下值防虜甚急感懷寄諸弟五首

賤生常不樂此日更蕭騷漢苑驚烽燧胡塵老鬢毛疾藜兼雪下刁斗入雲高羈紲何爲者承歡俛爾曹

軍書飛羽入日落戰雲黃夢寐金戈外關山鐵騎傷千村荒漢月六陣散胡霜候火回中近南飛鴈幾行

歐虞部集

旅燕稿卷之二 十三

生計由來薄兵戈日轉愁鄉書經歲絕客淚幾時收星暗臧宮劍霜凋季子裘老親衣線在辛苦事防秋

家舍何人守松楸有夢攀思歸金鼓裏恨別木樵間老至惟衰鬢秋高益苦顏新阡猿斷處月冷道園山

驛斷書難至笳清露更寒田園兵後計兒女夢中

看帷幄籌方急邊庭虜欲殘愁中持濁酒聽捷到
長安

陳侍御道襄宅離夜遇雪得心字

去住還同醉燕歌淚不禁懷鄉遊子賦戀闕近臣
心雪暗驚啼鴈天遙急亂砧憑君持使節傳語到
家林

寒夜同惟敬懷杜舍人

傳經今子夏霄漢隔知音柏葉瓊蕤散梅花玉照
溪投壺誰一笑繞檻共微吟詎道離居近還馳徑

歐虞部集

旅燕稿卷之二 五

寸心

雪中同惟敬約卿集休承寓舍得君字

乘興元非遠凌寒一訪君萬山驅白鳳千里暗黃
雲客計同冷羈愁酒易醺薊梅還共賦抗手卽
離羣

西苑十二首

萬歲山 一名百果園

五岳來朝日三山路不迷長楊秦苑北盧橘漢園
西珠斗凌空近瑤峰入望齊萬年同 聖壽何用

訪丹梯

太液池

壺梁移此地宮禁有滄洲浴霍看成沼疏龍漚作
流波清珠樹晚風急石鯨秋不羨橫汾賞芙蓉隱
御舟

紫光閣 下爲玉仙室

仙仗那勞遠憑高禁籞間丹丘非弱水紫氣自函
關芝納諸山獻歌從八伯還卿雲飛不散長以奉
龍顏

歐虞部集

旅燕稿卷之二 五

瑯華島

中有廣寒殿

宸遊幾度過客與權郎歌滄海浮員嶠瑤池長碧
荷月從雲漢上秋入露寒多青鳥西飛急其如宴
樂何

龍舟浦

簫鼓中流發秋風散浦烟淋池新樂府汾水舊樓
船賞勝觀濤日遊非習戰年甘泉思扈從回首濯
龍川

承光殿 一名圓殿前有古栢

前朝唯此樹舊史不知名翠葆臨圓殿蒼虬拂古城石封千歲字風起半空聲頗似述秦客悠悠見太平

丹冲臺 一名旋波臺

窈窕叢霄上迴看佳氣浮苑疑長樂接臺似集靈遊雲霍迎清蹕山煙遶御樓王褒隨所幸新賦玉園秋

芭蕉園 史館修實錄成於此焚稿

誰道神山遠依然玄圃通瓊瑤無隙地首宿滿離歌虞部集 康熙稿卷之二 主

宮吹綠晴湖曲飛霞小殿東史臣焚草後萸曆萬年同

南臺 下有水田村舍 先朝會於此觀稼

西內風烟異南臺見水田艱難曾稼穡淳朴一山川農舍朝炊裏江鄉夕照前穀蠶勞睿藻幽雅定同傳

兔園

西轉兔園開曾徵賦頌才赤麟隨馭至黃鵠下池來弦玉臨風謝留金罷露臺明良真此日拜手詠

康哉

樂成殿 磧下有水碓

弄田開漢苑藉畝表周墾耒耜幽風後膏腴灞水前千箱收夕照幾確響秋泉父老康衢頌惟知祝帝年

平臺 前爲馳道 武宗嘗於此開射

路直苑牆東臺因選將雄雲屯丹組甲月抱綠沈弓定虜憑驍騎誇胡笑射熊 君王非好武頻奏幕南功

虞庭部集 康熙稿卷之二 主

同黎秘書劉山人遊西山經玉泉山池亭望

西湖

並馬今朝路西行訪石經山泉浮鉢綠湖草映袍青積玉迷春磧飛花入暮亭十年江上客烟雨憶揚舲

功德寺

宣皇游豫日此地翠華來忍草生馳道慈雲護講臺玉波仙鷺浴緋雪御桃開望幸還今日何人托乘陪

登香山寺來青軒

青冥香界外寺遠少人踪客至雙停轡僧來一叩鐘梵聲千澗水雪色萬山松何處期支許閑扶石

上節

金山寺

泠泠鐘磬音金口愜幽尋溪遶芙蓉殿山開蒼蘆林繩牀逢鳥下錫杖過苔深一聽維摩偈彌清塵外心

宿壽公禪房

歐虞部集

寒燕稿卷之二 七

王泉初解轡松院揖方袍地遠祇林靜天空禪月高樓真知道在息影覺心勞且伴山僧宿西湖聽夜濤

尋華嚴洞

誰期宗炳至石室訪山僧桐帽飄雲氣棕鞋受石稜莓苔前代字瓶鉢幾傳燈更看波羅長追攀最上層

送曾子澄之塞上

曾是征南將今隨定遠侯白雲沉漢壘春色過邊

州柳拂漁陽騎笳清紫塞樓酬恩知有日談笑看吳鉤

韓子成晚過

江左君成賦中原念我來浮雲驅碣石華月散燕臺調笑金門下深知水部才新豐無斗酒誰遣獨醒回

送吳鴻臚幼貞省覲還毘陵

典客初通籍寧親遂爾私篋經韋相業池草謝郎詩牛酒秋酺日鱸羹晚釣時河東須早獻名已漢

歐虞部集

寒燕稿卷之二 六

皇知

送華鴻臚存叔還無錫

薊北承恩早江南到日歡稻香三堰熟茗細二泉寒臨帖開山笥移舟弄釣竿知君西笑後還復向長安

署中王戶部汝緒招飲

省署君多暇華筵集友生清冰沈玉碗赤日望金莖河朔千杯少巴渝幾曲成最憐消渴者滯酒在秦京

燕京臥病書懷五首

夢裡潘輿遠三年侍奉違靈臺浹寄宿上國久思
歸兒嬾憂漁釣家貧念蕨薇何因常負米朝夕傍
慈闈

都養吾能給長安旅食餘人憐貧仲叔客笑病相
如三謝雕胡飯頻窺貝葉書白頭思牧豕只合在
田廬

問訊滄江上瘡痍日可憐射潮喧弩士下瀨請戈
船芻粟浹憂裡冠纓醉影邊餐軍曾不乏今借水
衡錢

辛苦防倭戍千夫憤未消國威雖不損師律恐成
驕星壘連江霧雲旗蔽海潮東南堪一尉浹仗聖
明朝

伏枕驚還喜天顏一笑開露桃方朔獻白鹿叔卿
來靈囿多留館通天更築臺豈堪滄水使容易奏
蓬萊

伏日同惟敬鷺峰寺避暑

蓬君校讎暇同向寺中來丹鷺何年至青蓮此地

開經聲聞竹嶼碁局淨池臺茗粥浹迓暑蕭蕭散
步回

晚同惟敬步至水塘菴

地遠接人天相尋解夏前松門初過雨竹塢細疏
泉簾冷山池氣茶香石銚煙莫嗔朝謁嬾猶得對
僧禪

沈山人懋學邀同丁光祿吳孝廉避暑飲園
中

好客如君少招攜更一尊桂同淮士賦林卽隱侯
園圖裡疑山響琴邊聽澗喧千秋河朔飲誰解此

清言

送張助甫之湖南四首

開府荆湖上清秋建節行胡林仍對月羽扇亦談
兵水落黃陵廟天遙白帝城召歸應旦夕豈是厭
承明

喜得巴陵去猶堪和郢歌秋蘭被澧浦木葉下滄
波霄漢君恩遠江潭客夢多向來曾磐折前席意
如何

幾度傳書至難期把袂遊中原驅上駟南斗望孤
舟縞帶輕相贈綈袍老自羞天涯見明月空憶洞
庭秋

談笑開尊處詞人共握蘭江聲雲夢轉秋色岳陽
寒俠氣唯龍劍時名豈薦冠治書鈴閣日須早寄
長安

陸山人元德見過同黎秘書惟敬梁舍人思
伯小酌得山字

桐帽烟霞客相逢朝市間誰言碣石館不似洞庭
秋虞邵集

夜燕精舍之二 三

山調豈浮沉異心能去住閒因君招隱曲桂樹幾
回攀

李實夫太守將還泉南集別黎惟敬宅沈管
二山人同賦得豪字

海內論詞伯寧能少爾曹竹留三逕賦酒值五陵
豪綠髮抽身早青山閱世高乾坤交態在回首媿
綈袍

送顧汝脩歸上海兼寄朱邦憲

易水悲歌地如何與爾違天寒孤鴈度江遠一船

歸食菊逢醪美羹尊問蠨肥朱雲猶未出遙憶辟
蘿衣

鍾天章張伯鄰二戶曹載酒夜過

酒榼何因至蓬門偶一開誰知居士室猶有故人
杯落魄看交態分曹見吏才鸛鷀吾已典羅月幾
回來

馮侍御共宿歸義寺禪房

誰期趨府客同有住山心澗鹿窺禪誦林猿聽苦
吟清齋黃菊冷孤磬白雲渡安石脣朝寄幽盟未
敢尋

夜燕精舍之二 三

答曾繕部省中見招

省署散羣吏知君逶迤行聽松心獨遠把菊句還
成簪組時人態浮沉大隱情誰當虛左待賓客老
侯生

與黎秘書夜集曾繕部省中得花字

官舍繞霜花邀歡興未涯鴈鴻秋萬里碁枰夜千
家明月松杉直高天河漢斜潘郎寧拙宦詞賦滿
京華

送潘時服省覲還吳興

同待公車詔秋風一騎還以吾思問寢羨爾去承
顏釣鯉太湖水采芝天目山故人期握手春色到
燕關

送張山人碩夫遊東嶽

支瓢不憚遠東謁泰山君河帶泠泠水松棲片片
雲玉書窻下誦金策月中聞歸上諸儒議千秋漢
禪文

黎惟敬初度曾繕部有作卽席索和

沈處部集

友集稿卷之二 三

市隱揚雲宅風流賀監年清歌停座上紫氣落尊
前詞賦誰爭長嬋娟却自憐金門沉陸久那識是
神仙

送何別駕見可之晉陵

佐郡推經術名儒出漢庭嚴霜醒薊酒落月引吳
舲稻熟荆溪館鱸肥笠澤亭延州歌頌在誰共使
君聽

范員外見訪偶出不得欸待束謝一首

子猷非興盡猶是雪中迴終媿鑿壤遁難逢結駟

來芸窻黃葉積蒿徑白雲開更枉夷門顧清尊得
共陪

送陸元德還山二首

洛下辭僖父咸陽厭布衣遂成歌鳳隱不爲憶鱸
歸名豈孤蒲掩身纔糠粃肥賃春今且去吾道未
全非

誰念客游者歸裝無一金檢書黃葉積荷鰭白雲
淡親膳供蓴菜官租指橋林因君尋角里先寄五
湖心

沈處部集

友集稿卷之二 三

姚元白黎惟敬張羽王見過小酌得孤字

燕市浮沉日將誰向酒壚自難期貴客君肯問潛
夫白眼千人廢黃金一醉無却看星斗上劍氣不
曾孤

雪中訪洪山人從周不遇

一逕無車馬相尋且杖藜戴因招隱憶袁豈避人
棲伏虎爐空在籠鵝帖嬾題寒驢何處去應過灞
橋西

歲晏旅中寄故園諸子十二首

鄭子乾

鶴筆高齋日貂裘久客間饑寒驅我出魚菽羨君閒
落羽棲燕渚歸心度漢關故鄉兵甲後那得帛書還

鄭克一

嚴遵常閉肆匡鼎亦傳經短褐誰曾問哀歌只自聽
觀碁多妙理嗜酒且沈冥楚客寧知此江潭賦獨醒

陳潛父

歐虞部集

灰素青卷之二 五

柴荆君獨掩懷抱向誰開日慘朱旗閃雲愁白鴈來
刪緜多俠氣草屨老生涯二仲應相過江鄉望我迴

陳夢庚

故人無一字目極爲傷神虎觀求方急牛衣臥獨貧
罪言憂戰伐饑色雜風塵豈不憐同舍飄零萬里身

梁公瑞

論交兄弟少每憶長公詩書札能相慰干戈未可

期銅鞮君隱早玉笈我歸遲知有青箱在行藏任
髻絲

林維喬

與君期出世那復待玄纁聊試漆園吏將尋滄海
君玉顏如可駐金液早須分南北艱虞日械書報
白雲

黎惟仁

寒霄頻夢遠多在故人家簫咽雲成絲杯淡月散
華孤亭吟列岫三徑醉食花忽復烟波外書歸漢
歐虞部集

旅燕稿卷之二 五

使槎

潘幹周

扁舟相訪處渾似武陵溪歲月期看竹風烟憶杖
藜橋林雙渡口草閣萬峰西斥堠年年遠重來路
恐迷

潘少承

昔年臺尚好共隱大科南犬護山厨火猿聽海客
談烟中捐蕙佩雲裡鑱松菴君自諳吾性移文亦
不慚

梁少學

阮氏仲客賢名家業已傳嶠南霜橘帖海上牡丹
篇遠信勞魚素窮交念酒錢崇蘭君莫寄抽思向
江天

羅曜文

故園多難日消息尚紛紜朋舊空相憶安危久未
聞兵驕尋匿戰戍苦伏波軍問訊滄洲上漁樵亦
可羣

梁仲登

苦憶江樓別北來音信疎曾投章甫去幾卜杜陵
居嶺嶠仍烽火朝廷問捷書不知溪上客入幕策
何如

雪中送別姚元白還金陵

寒城一以別曉騎發盧溝燕代千山過關河大傳
遊雞聲驚疊鼓雪片亂征裘去聽江南笛應思倦
客愁

吳明卿自閩至寒夜同集吳約卿謁舍得明
字

何期燕市酒並得楚狂生詞賦空時輩歌呼豈世
情幔亭雲片落碣石雪花明莫問壚頭夜沉酣有
步兵

同吳員外過韓員外子成宅飲時子成以病
在告

病愛枚乘筆閑資季重談頗從京洛下一望石湖
南月俸還官藉山經與客叅何因歌九辨憔悴憶
江潭

吳侍御席上贈門人張玉歸武定省覲

虞虞尚集

虞虞尚集卷之二 三

兩月傳經去寧親借使聽席常虛待左道豈敢云
東射策張家子能詩任氏童蒼蒼岱雲裏何處聽
春鴻

歲盡獨臥長安客舍懷文休承

公車同此夕別去又經年格五無宣召朱儒自俸
錢孤燈殘雪後亂帙小窻前誰共文江客屑蘇一
醉眠

同明卿惟敬過約卿宅得朝字時除前一夕
坐期官燭盡且以永今宵縱酒惟吾輩狂歌有

聖朝勝傳金縷蝶頌倚玉盤椒城角風前斷空聞
櫪馬驕

人日同張山人孫鴻臚徐文學集誠意伯劉
公宅得盤字

西堂冠劍合春酒一筵歡七葉莫初長千條柳尚
寒河山連甲第歌管薦辛盤華勝風前影持觴幾
度看

同黎惟敬詢韓子成病

同是沉冥客言尋消渴人避諠三暑夕歸計五湖

歐虞部集

旅燕稿卷之二 三

春玄晏成書早維摩示病真相將江乘浦烟艇共
垂綸

同謝鵷鴻侶而私丘壑身賜衣沽酒盡積俸買山
貧夢蝶閒園吏懷荃托楚臣因君上書早偏憶嶺
南春

春日同社諸公集道院咏雪得庭字

歲獻雲含白春回樹失青鸞驂停玉筍雀筆肅金
庭梅萼聚聚濕松枝片片零何當笙磬發同聽藥
珠經

春夜大雪騎過明卿邸中

山陰吾與劇一騎偶衝寒棲鳳銀成闕游龍玉作
鞍雲中粧樹出空裏散花殘爲愛陽春曲來同郢
客看

十三夜同蘇子川黎惟敬方德新吳明卿蘇
子冲成仁卿黃定甫集吳約卿觀燈得開字
銀缸生暖色誰省在霜臺月傍瓊枝出花攢火樹
開杯盤歡五夜賦頌見羣才隱隱聞歌笑鸞輿太
乙迴

歐虞部集

旅燕稿卷之二 三

陸華父金元賓邀飲靈濟宮趙道士館

同作華陽客過從愜素情市朝多大隱喧寂共浮
生壇石流雲溼山鍾過雪清問君攜手約金液幾
時成

范方伯職方兄弟邀同吳太守莊黃二文學

汪吳二山人夜集分得兵字

華筵逢二陸春色鳳皇城一雨沉花氣千門過鴈
聲狂歌何處客濁酒此時情竹逕風流在誰如阮
步兵

酬厲都諫灤河見寄

憔悴投荒去何年
祀碧雞誰憐青瑣客
自老白雲棲石春
濤外盧龍暮角西安危
還寄托健飯且扶藜

期陳明府子野晚過

君豈陳驚座邀懽滿
漢都嬾朝仍傲吏縱飲亦吾徒
夕苑千花暗春溝片月孤
槽牀堪一斗乘興肯來無

題馮汝行海浮山居圖

歐虞部集

夜燕稿卷之二 三

遠識金銀氣舟行望轉微
樓臺疑蜃起風雨挾鵬飛
孤島分齊魯千山入海沂
圖南吾欲去渺渺泛潮歸

會繕部省中夜賞牡丹得狂字

官閣題詩夜重陪
水部郎花搖池檻影酒洽竹林狂
國色含烟紫宮粧寫額黃
月中看不足漢署更聞香

送馮明府謫教潤州

講肆延陶令今非馬隊局
葛巾原漉酒絳帳且傳

經高浪西津白生烟
北固青江南書札近好奇
雀丘銘

送陳子野調令寧鄉

古來才子地天遣到長沙
誰道三湘水今看一縣花
橘洲收井稅竹浪見人家
君自談雲夢無令楚客誇

送丁子文赴浙省

名士曾書記之官亦散曹
登樓中夜月作賦曲江濤
荷葉迎仙棹薇花灑客袍
知君還北望離思滿烟皋

歐虞部集

夜燕稿卷之二 三

太保劉文安公彰恩卷

功德四朝日河汾千載餘
曲臺家秉禮東觀世藏書
誦豈多三篋名因出九臚
殿前曾劍履師傅幾人如
風雨中台坼笳簫上黨寒
崇班瞻太保舊學失甘盤
灰奠頻繁遣槐陰次第看
鳳毛今五色得恐謝家難

午日集周都督子脩宅得詩字

緩帶從容日天中盛賦詩總戎周太尉好客鄭當時射柳無勞試觴蒲且共持陸沈金馬下三見漢宮絲

病中承曾繕部見召不赴繕部以予將歸曾有二詩意最勤厚因并酬答

倦游仍伏枕歸思更何如君已憐將別吾方念介居家貧滄海釣身老茂陵書知有盈觴酒還來伴直廬

送劉伯良宰信宜

歐陽修集

灰燕稿卷之二 三

明卿春出牧慷慨又劉生郎吏驚懷印都人羨請纓雲隨銅柱盡山過賓州平我欲移家去鳴絃聽誦聲

送從弟淳伯南歸二首

三載驚相見都亭把袂時游梁吾已倦入洛爾何遲誰誦凌雲賦仍爲失路悲天涯貧賤別只少杜陵詩

同有懷萱夢而先戲綵歡朝食行薦笋秋佩且紉蘭山笥歸時檢塵冠異日彈長安春柳色還待玉

驄看

夏日同潘時良出訪徐子與因避暑張園

休沐名園裏飛觴細雨前瓜期元不偶萍跡况相隣避暑仍袁紹登樓亦仲宣何須仙掌露心賞已泠然

空庭迴赤日萬竹駐高軒入座涼飈滿披襟玉露繁風塵俱傲吏河朔一清尊卽此看沈陸無論金馬門

同徐子與使君過袁魯望進士留酌

歐陽修集

灰燕稿卷之二 三

燕市吾徒在相攜片語真饑寒驅薄宦簪紱偶時人醉看青萍短嬌歌白紵新君看袁夏甫落落傷風塵

同曾繕部宿省中得園字

邀權成伴直退食一清尊畫省更明月銅駝非故園竹陰涼露滴樓影夜烏翻看爾郎官草青綾懷主恩

方侍御德新宅伏日同諸公讌集得臺字

青驄人正避皂帽客猶來酒以金魚換談容玉塵

陪迎風開岳色消暑倚霜臺君已投車轄那能不
醉回

病中顧汝所招飲不赴聞是日子與先歸魯
望吐酒有汚茵之句因以戲之

消渴難乘興空齋獨閉關最思光祿酒一望太行
山客勸袁絲飲人歌山簡還不知誰戲劇喚雨到
人間

伏日同徐子與顧汝和袁魯望沈道楨顧汝
所集文壽承齋中得家字

歐虞部集

旅燕稿卷之二 三

同心曾海岳握手偶京華酒狎高陽侶詩稱博士
家盤冰寒首蒼井碧泛甘瓜獨有留懽處空庭日
易斜

送楊朝藩掌教安仁

洞庭南去路文學得君良地以琳琅重洲因橘櫟
香聽猿過楚岫看鴈到衡陽莫道王程遠由來近
帝鄉

送張彥旬掌教諸城

賜履千秋地譚經五嶺豪漢儒稱世業齊客亦吾

曹馬耳登臺見琅琊出浪高儻能遊海上爲我訪
盧敖

立秋日同文壽承徐子與顧汝和沈道楨顧
汝所朱子愚飲袁魯望宅得涼字

秋催詞客賦晚醉酒人傷紈扇西風早絺衣白露
涼落梅驚玉笛墜葉響銀牀惟有潘郎髩飄零感
異鄉

送王茂成歸括蒼

歐虞部集

旅燕稿卷之二 三

駿足圖難索蛾眉畫莫憑鹽車曾涕淚國色未須
矜秋菊懷三徑燕歌別五陵大樓巖下月誰得伴
支藤

今日中原客秋風送汝還五噫辭漢主一騎出秦
關醉眠功名際浮雲去住間黃精歸可斲且看浙
西山

七夕遇雨同徐使君袁進士劉沈二山人集
潘大理宅時子與已有長蘆之役

月卿重促讌星使欲臨河急雨下秋葉平池生夕
波風前雙掌出雲裡二靈過且莫捐蘭佩其如悵

別何

曾繕部以三宅餞徐使君子與得情字

故人今夕酒砧杵鳳皇城碣石片雲落漁陽孤月
明佩刀看俠氣擊筑共平生別後南皮客應知漢
署情

觀上虞謝進士讀書山房圖

東山君早出人意著書年竹牖飄晴葉松門起夕
烟經聲秋瀑下筆札白雲邊久繫蒼生望淩知謝
傳賢

歐虞部集

旅燕稿卷之二 三

贈張仲實還山

曾聞飛遯日石上臥江烟芝朮君何棄藤蘿我最
憐幾時滄海釣一問赤松年歸去看雲起青苔誦
古篇

初秋夜過曾以三繕部得尊字

涼色愛清尊銀鞍夜到門知予思露掌爲客掃風
軒滿目時人態平生國士恩片心秋月下微爾共
誰論

暮秋過飲戴氏西園

羸馬青門路君家數往還亭留白雲曲城倚太行
山殘菊寒猶摘霜梨醉可攀山陽灌園日誰共呂
安閑

送陳鄭州敬甫兼寄張判官

詞人多出牧州郡豈徒勞漢主分符竹王郎揖佩
刀樓前中岳樹雪後大河濤知授梁園簡應邀謝
法曹

送劉山人子脩歸真州

三年薊門客分手秋風時旅食金同盡生涯劍獨
知柴荆歸更掩猿窟隱何疑我識江頭路尋君定
有期

歐虞部集

旅燕稿卷之二 三

懷蘇子冲

聞道辟疆園蓬蒿積短垣詩篇傳海岳劍術老乾
坤判袂燕臺側題書濮水原相思日南北吾亦別
金門

寄蘇子長

季子貂裘在何年作隱淪金扉曾謝祿瑤草足娛
親林似聽鶯日山疑臥虎春悠悠濮臺水今見釣

魚人

寄蘇子新

敬客知公子通家托長兄早傳梅石賦不負竹林
情閒徑期羊伴凌雲羨馬卿思君若河水何以到
鄧城

雷比部攜酒同古比部夜過得何字

寂寞無奇字其如載酒何秋辭三署直夜向五陵
過玉笛吹花早銀牀墜葉多他宵明月下荒逕憶
鳴珂

歐虞部集

灰燕稿卷之二 七

子與將之瑞州子亦南行寄此爲別

量移勞聖主尺組不須論山雪思君曲江楓去
國恩孤村通栗里三谷近麻源賦有天涯客扁舟
夜聽猿

酬張山人英甫

薊北逢君日名山憶永嘉絲毫新賦頌鐵研老生
涯酒伴靈臺月心期鴈蕩霞誰堪關路別惆悵五
陵花

題張仲素玄玉齋

高齋絃誦日鳴佩更珊珊江瀉瑤池色隱搖玉樹
寒何來滄水使將獻白雲壇牛斗千山外晴虹幾
度看

送董山人述夫歸陽羨別業

遠遊因好道能誦五千文帽溼雙林雨衣披十岳
雲江湖猶作客猿雀正思君歸去張公洞秋天長
嘯聞

九月十五夜月

瑤草三秋色金風一夕寒書緣多難絕月在異鄉

歐虞部集

灰燕稿卷之二 八

看淒斷驚霜角遲迴望露盤刀頭今未定誰最憶
長安

張戶部伯鄰宅同郭儀部方尚寶夜集

菊觴寧厭數騎馬屢過門結客多同舍看花似故
園月高燕市路砧近漢宮垣不有中郎酒誰堪秋
思繁

晚過許維楨王紹傳二內翰院署對酒言別

玉署能迎客高天近九重白雲隨匹馬紫氣護雙
龍灑袂西山雪持觴北禁鐘周南他日路思爾扃

登封

景州謁董子祠

廣川晴雪後駐馬董生祠帷在知曾下園荒似不
窺疎林墮殘葉枯柳宿寒鷗老作江都客傳經愧
我師

闕里觀先師所植檜

尚見參天起今思翠黛長歲華周日月春色魯宮
牆柏豈存新甫桐虛表嶧陽獨餘嘉樹在海岱接
扶桑

歐虞部集

旅燕稿卷之二 四

謁顏廟

晞顏曾想像入室見琴書洙泗爲鄰並簞瓢恒晏
如山庭仍陋巷井里半荒墟目送浮雲過因知樂
有餘

謁孟廟

世豈居鄒日三遷有故宮龜蒙曾蔽魯鳧嶧只荒
東客禮兼金外家祠五鼎中玄圭同禹力誰頌決
河功

楓香驛樓夜雪

白馬楓香下青春粉荔前雪凝千澗水風蕩萬家
烟卯酒官亭路辛盤旅食年故人傳尺素爲枉濟
江篇

立春日在廬山中

壬戌春曾遊此亦立春日

兩見青絲菜五年今復遊客從廬岳下僧候虎溪
頭春轉雙林色冰開衆壑流天池飛夢到寧待拂
衣秋

經濂溪先生故居

斯人不可作絕學已千年湓浦庭皆草在廬岳是
歐虞部集

旅燕稿卷之二 五

蓮霜凋前代樹月霽一林煙猶有圖書在風琴自
灑然

同介上人尋廣福觀遇劉道士

高賞雲霞侶欣然巾我車法師不嗜酒道士本能
書爐聳紫烟際經殘丹笈餘虎溪還一笑忘却在
匡廬

青居館讀江州故守朱子价碑

謝公文可讀山館不荒蕪星墮爐峰頂珠沉甕杜
湖虎符丹旄遠龜碣白雲孤千載在君傳能留姓

字無

圓通寺

山有古祇林開堂石耳陰岳雲當澗落徑樹向門
淺雪磴僧支策風泉客掩琴西亭茶竈在卽此長
禪心

元夕玉峽過吉水與黎比部飲舟中

雪浪開千里仙槎偶共乘江亭淡夜酒水市滿船
燈笛裏聽金縷帆前望玉繩明年花月夕還約醉
蘭陵

歐虞部集

旅燕稿卷之二 望

安遠驛下送別葉男兆幸福清

天邊葉縣令何日別皇畿驛樹迎官舫江雲映彩
衣蜃樓滄海近鴈字晉安稀期爾陪仙仗雙鳬正
北飛

五言排律

清遠道中答胡僉憲

結束事行役風霜易白頭望鄉同海鴈浪迹似沙
鷗岐路頻搔首江山一倚樓欲裁王粲賦幸托李
膺舟北上初辭粵西歸已夢周本非游說客空槐

黑貂裘

謁少司寇梅國劉公祠

丁年予度嶺公已蚤歸休旅館回光盼林園表譙
游每聞諸士論實許五臣流富國卑爲晏精忠更
是劉淡衷勞奏疏雅量鎮沉浮獻納趨宸扆班司
近冤旒不鳴羞使馬遂去伴江鷗田宅貧蕭相朝
廷老沈侯蒲輪將下日梁木已先秋伏臘村翁走
碑銘太史留何人哀北海有客哭西州寂寞祠前
路空瞻庾嶺頭

歐虞部集

旅燕稿卷之二 望

過湯陰謁岳忠武廟

遙指湯陰路西尋鄂國居行雲猶慘淡征馬盡躊
躇逆虜兵曾熾中原憤未除旄頭南落日鼓角北
征餘謀國奸先蠹和戎策已疎黃龍期痛飲丹詔
促歸與草染長弘血霜飛樂毅書皇天不可問烈
士竟何如力盡朱仙鎮魂隨二帝車山河留壯氣
不敢泣欷歔

秋夕約卿元白惟敬同集小齋聞新鴈得年
字

秋風萬里至一鴈過長天
嘹唳胡笳裡淒涼塞笛
前庭空飄落葉家遠夢江船聲急零霜夕書遲度
嶺年羅浮歸未得滄海到應先楚客誰同聽西樓
片月懸

春夜同惟敬約卿集壽承學舍時休承將之
吉水在坐同賦得寒字

庭堦仍繫馬獻歲聚長安
甲子新周朔申公老漢
冠共推經術最其柰髻絲殘
學館榮三絕儒林合
二難興來題棐几酒至出辛盤
墨竹烟光動魚燈

歐虞部集

旅燕稿卷之二 墨

海色寒粵人千里思
楚客幾回看鳳掖憐分袂
螺洲憶采蘭雪消梅粉路
月滿杏花壇他日江湖上
方知此夕懽

魚鮓燈本出南海壽承自吳中攜來
懸於學舍蓋宋物也是夕又同觀趙
子昂墨竹故云

春雪後同楊徐沈舒四子集諸太史宅

西山殘雪在返照萬家明
漢署賓初集梁園賦欲
成門搖金馬色樹走玉龍
聲暗溜還凝水疎簾尚
積霰花輕含冷萼草細折
冰莖寒櫪仍留騎溪更
不算觥瑤樓驚曙鴈銀闕
聽新鶯紀瑞詞臣頌祈

靈聖主情白雲停絕唱黃竹念蒼生
紬史書年異看君繼二京

送呂參軍幼開出守尋甸

儒林推父子世德重箕裘
家出關西學才參幕下
籌符分銅虎去使得碧雞
遊行矣馳滇國先應夢
益州樊僮迎漢吏瀘帥識
姜侯萬里題詩日千山
羽獵秋青嶺通北望黑水
入西流賜召君來速歸
期看擁騶

送秦侍御赴浙江僉憲

歐虞部集

旅燕稿卷之二 墨

早歲成辭賦君王誦子虛
自簪前殿筆豈是茂陵居
使以觀風出名因抗疏餘
外臺仍衣豸南國便羹魚
道路秦人策江湖越絕書
行歌聽榜柁問士過桐廬
海色長鯨截霜威落鴈疎
術恩歸有日把袂意何如

孫鴻臚席上詠櫻桃得綃字

珍果來何處炎風萬里遙
鶯含分露顆雀啄落星
條映席霞飛檻開籠絳滿
綃瑛盤行寢廟玉食及
臣僚近侍初休沐新題偶
見邀青冥霑賜日同荷

望明朝

秋日同周象賢沈道楨遊白雲觀

燕九人能往斯游我自偏長廊頻落葉匹馬獨聞
蟬雞犬驅何日烟霞似昔年泉凝丹井月門鐫白
雲天法磬鳴霜後經函散石邊寧勞東海上卽此
候神仙

送王太史元馭奉使冊封趙藩

東觀詞臣出西藩舊邸開占星隨玉節賦雪上銅
臺庭揖諸侯客園遊七子才虎鹽門下獻牛酒里

歐虞部集

旅燕稿卷之二 吳

中來趙璧無勞贈吳濤更有裁 聖明思侍從莫

遣隔年回

出京師留別張郎中鴻與梁助教彥國十二

韻

朔風吹萬里曾共憶江鄉鴈引歸心早砧驚客夢
長忽隨公府牒頻舉故人觴夙昔諸生後周旋二
子傍四門推助教三署表中郎韋杜衣冠並鄒枚
侍從良山關憐馬首執戟羨鷄行雪後宮雲白天
邊苑樹蒼眇予懷魏闕看爾在巖廊晨佩趨長樂

宵鐘聽未央梅花庾嶺色柏葉禁庭香莫以相如
賦從容奏漢皇

旅燕稿卷二

歐虞部集

旅燕稿卷之二 吳

旅燕集

嶺南歐大任楨伯甫

七言律詩

發華節亭過靈洲至三水與鈞謨猷三弟別
片帆已過鬱洲臺風急驚沙落鴈哀萬里獨憐難
判袂三江猶得共嚙杯西陵濤起思康樂南國書
歸念大雷弟妹分岐貧更苦客輅今去幾時回
過韶州宿芙蓉驛

歐虞部集
旅燕稿卷之三 一
峽過湏陽盡始興舊遊名勝記吾曾霜天鴈字孤

城月水驛灘聲一夜燈灕口刺船愁問吏曹溪飛
錫欲尋僧夷猶更進芙蓉櫂韶石峰頭望舜陵

同胡僉憲登雲封寺觀音閣翫梅花

嶺開孤閣倚巔岼攜手高臨百八盤山畔幽香移
般若天邊殘雪落旃檀春催遠客兼程早驛報長
安一騎寒十載江南誰把翫北枝今日正宜看
淦口望胡僉憲舟不至先赴金川驛相待

江樹寒澹獨鳥依郵亭回首嘆蓬飛湓峰鴈去衝
殘雪淦水帆來帶落暉日短山城收市早風高溪

寺聽鐘微瑤琴玉澗今何處水遠天長客未歸

雪後渡淦水至蕭水寄潘少承

風前淦口嘆飄零雪後瀟灘更杳冥問驛尚知黃
蘗館渡江還向淥波亭異鄉只見山雲白故國應
多海樹青此際想君開閣望計程時一展圖經

雨中趨陸過瑞州

朔風驅馬聽晨雞路入筠州晚色迷小洞雪封梅
樹外飛霞寒挂竹林西自憐殘臘猶奔走長憶他
鄉尚鼓鼙問訊謝公歌舞處萬峰零雨一猿啼

歐虞部集

旅燕稿卷之三 二

大雪宿建昌早行過德安

白雲千里上巔岼石耳香爐雪未乾身到峴丘羣
玉府夢游天女散花壇閉關豈合長高臥跨馬偏
宜半醉看漸過楚鄉仍北望瑤臺瓊闕是長安

雪夜同胡伯賢宿東林寺

山僧留客解征鞍虎笑溪橋雀遶壇兩寺疎鐘雲
壑暝萬峰積雪石門寒夜淡愈竹驚頻折臘盡溪
梅落未殘却望屏風飛瀑下何時還共醉中看

曉過西林寺

峰頭雪霽日初升扶策西林問上乘高閣殘經千劫火空山孤塔幾傳燈青蓮舊蹟誰爲主白鹿曾遊不記僧笑憶柴桑猶強出十年心寄白雲層

初春三日潯陽渡江過黃梅

匹馬來看雲錦屏東風湓浦又揚舲九江濤湧帆前白五老峰橫雪後青鴻鴈春歸書未至魚龍天濶酒初醒蒼茫已向匡君別瀑布香爐遶驛亭

人日由蘄水過黃州長堤四十里馬上晴望

蘄春城在楚雲間策馬衝寒問五關積雪消時添

歐虞部集

旅燕稿卷之三 三

水樹亂峰明處汝州山石頭古渡孤舟急樊口疎

鐘一鳥還記取天涯過人日莫愁雙鬢易成斑

尋東坡雪堂遂過赤壁磯下

錢唐爲守最風流誰遣臨臯詠四愁兩賦雲霞留赤壁五年烟月醉黃州沙湖已決求田計樊口曾來把釣遊莫向雪堂歌九辯江山蕭瑟白雲秋

黃州遇袁履善比部時量移郡丞

天涯把袂問何之海內才名識汝遲此地更留蘇氏賦何人不誦謝公詩豫章一榻將懸日洛下扁

舟欲去時 聖主似聞前席待薊門烟柳憶歸期

白果鎮冒雪趨麻城寄袁履善

萬樹官梅照酒杯爲誰千里雪中來貂裘零亂飛花墜馬足凌兢踏鐵開草阜河將成玉渚木陵山已作瑤臺却憶祁齋袁夏甫青綾淡擁散衙回

過官渡河入光山

候曉津亭驛騎多中原道路此經過鎮淮樓影臨官渡浮弋山光帶寒河白氎尚存京洛俗青翰空憶越人歌北風吹雪千餘里零亂貂裘柰爾何

歐虞部集

旅燕稿卷之三 四

過汝南訪徐子與使君

望氣尋君汝鄧來乘春冰雪馬前開周璆謬忝齋中客徐幹今推鄴下才坐嘯試臨桐柏水倚歌還上景夷臺長安西去誰知己乞取金龜醉幾回

徐子與春日表臺宴集得春字

客來十日飲河濱淮蔡城邊氣色新把袂未消千里雪開尊先散萬家春嵩山杳靄連王屋洛水縈迴帶孟津百尺高臺君試望中原鞭弭更何人

謁大復先生祠堂

賢隱山前宿草烟祠堂今築表臺邊伏生不待傳
經歲賈誼空傷作賦年客望函關仍紫氣書藏嵩
岳並青天從游載酒嗟予晚門下何人受太玄

登汝南城樓

將軍白馬舊臨關樓櫓中原戰守閑汝曲自成懸
瓠水淮南遙見朗陵山鴈鴻早向春風過鵝鴨偏
驚夜雪還陳蔡北來今重鎮戍笳聲在亂雲間

鄭州客舍懷故園諸子

侯館蕭條一騎過黑貂風雪意如何長堤日落行

歐虞部集

灰燕稿卷之三 五

人少遠樹天寒宿鳥多僕射陂前京北路武疆城
畔楚西歌春來縱有停雲句雙鯉那因到汴河

鄭州登樓望中嶽

名岳岵崑接上台毓祥今有中興才雲扶二室天
邊出日映三花雪後開周典尚餘巡狩跡漢家新
築集靈臺太平不復論封禪時聽嵩呼萬歲來

渡黃河

津頭小吏候旌干河激高歌舉櫂歡天轉浮雲酸
棗決濤翻斜日具茨寒萬行歸鴈風前過一片征

帆樹裏看沉壁宣房非漢代君王無事詔千官

河上送七郡太守入洛

關東猶切九重憂已報諸侯會洛州梁獄竟勞田
叔按楚筵寧見穆生留嵩邛遠近生寒色灤澗東
西急暝流何日山河還帶礪詞臣空憶兔園遊

尋空同先生河上草堂

西來孤騎過中原却憶詞人舊有園岳色至今干
紫極河聲猶似下龍門雪驅梁苑千年賦雲慘潯
陽萬古寬荒徑只今書帶滿獨留玄草在乾坤

歐虞部集

灰燕稿卷之三 六

汴梁懷古

縹緲宮城十二樓玉津無復昔年遊烟波廢苑常
疑雨柳折殘堤半似秋遺老尚能談楚漢平臺誰
更召枚鄒輶軒一望中原路長送黃河過汴州

過鄴下訪謝山人茂秦

中原七子似君稀獨向西河老布衣四海風雲鴻
鵠遠五陵烟月碎羅歸竹林青蔭烏皮几銅雀高
臨白板扉自笑緇塵京洛去新詩偏憶謝玄暉

叢臺

磁州北走邯鄲道一上高臺萬里思馬服山從低
樹見葛鵝城爲濁河移啼鳥豈是嬌歌日衰草全
非袪服時六國不知蠶食易西來游客最堪疑

登龍興寺天寧閣同胡僉憲伯賢閱觀音像

像高七丈三尺宋開寶四年鑄

佛閣凌空百尺浮六鰲曾此負神丘金身天竺來
何日石塢波羅到幾秋恒岳烟消通大漠淖沱風
急湧寒流憑高豈但超塵劫咫尺彤雲是帝州

初至燕京宿報國寺英上人房

歐陽修集

旅燕稿卷之三

長途日暮叩僧扉疑入名山坐翠微高閣佛燈留
客枕中天禪月照征衣不堪夜夢仍南去已聽春
鴻盡北飛回首緇塵心獨遠欲從初地得皈依

登毘盧閣

東方初日照觚稜振舄馮高眼倍明四塞河山環
大內諸天樓觀俯滄瀛花臺似湧雲中出仙袂疑
從嶽頂行絳檻雕闌閑倚遍九霄長送鳳凰聲

寓黎秘書館王全人見過

獻賦長安春暮來故人今典漢蘭臺紫貂黃酒君

能過玉筍藏書客自開金馬沉冥猶薄祿青雲冠
蓋幾憐才竹林正是邀懽地車騎良宵得共陪

吳侍御約卿宅同黎秘書惟敬杜舍人從殷
得臣字

日下衣冠散紫宸鄭莊虛席正邀賓鸛鷀燕市頻
沽酒鴻鴈胡天半過春自笑負薪隨計吏偶從視
草識詞臣尊前意氣惟須醉世路風塵白髮新
和顧汝和玉河堤上見白燕

海上遙思玳瑁梁御溝東畔幾廻翔瑤臺乍過疑

歐陽修集

旅燕稿卷之三

無影珠樹曾棲半帶霜風裏差池飛玉舄月中粧
束舞霓裳誰云京洛緇塵化猶自銜恩繞建章

送陳侍御道襄巡畿甸及齊魯諸郡

虎節翩翩獬豸冠前驅負弩渡桑乾花飄燕甸春
風早雨過齊州岱色寒東海煮鹽紆國計北庭飛
粟募材官芝泥玉檢登封地羨爾雲邊策馬看

送陳進士彥吾使密雲兼還南海省覲

前驅負弩驛亭間建節東行暫出關霄漢乍辭丹
鳳闕風烟先卷白檀山主恩遠許封軺去家慶

淺歡綵服還莫戀故園春草色漢庭郎吏待鵷班

梁彥國灤州書至

疲馬饑銜首宿嘶憐予千里望遼西風驅朔雪盧
龍近雲暗春城碣石低帳下譚經留客坐齋中把
酒聽鶯啼雄文最似相如賦侍從河東待爾題

送岑允穆司理池州

春溪楊柳暗燕關南去襜帷不可攀雪浪城頭江
祖石芙蓉天外李家山訟堂吏散鶯堪聽藥院僧
來雀共閑秋浦看花能憶否封書須及早鴻還

歐虞高集

旅燕稿卷之三 九

首夏沈鴻臚宅同吳侍書黎秘書顧舍人賞

牡丹

玉鞭遙向五陵家沁水園中日未斜萬片綵雲飄
翠幕一闌紅錦照晴霞席茵最憶江南草尊酒頻
看薊北花歡賞幸陪供奉客絕勝歌管七香車

送王武庫定甫使金陵因還南昌展省

供帳都門贈柳條仙郎銜命下丹霄浮雲萬里辭
燕甸明月孤亭擁漢軺碧草漸迷揚子渡青溪還
問謝公橋過家莫羨南昌尉鳴玉含香滿聖朝

同錢水部吳職方施繕部曾虞部登西山絕

頂

絕嶂西來翠柏殘片霞時墮漢臣冠青天大嶽雲
邊出落日中原馬上看玉氣重開開碣石飛泉千
折下桑乾欲將鳬舄翩翩去花落天壇露正寒

曉出玉泉山經西湖

玉泉散作鏡湖波聞道宸遊向此過宮闕三山浮
弱水樓船千里度星河白麟朱鳳無消息瑤草金
芝近若何詞客昔年誇鳬從琳池花似漢時多

歐虞高集

旅燕稿卷之三 一

省中芍藥和惟敬

苑中紅藥豔陽催禁直仙郎宴賞迴宮錦乍披青
玉案露華淺注紫霞杯清芬結佩佳人贈遲日當
階上客裁詞賦王褒今待詔鑾輿臨幸幾時來

雨夜鄭駕部攜酒同過黎司封宅時司封已

擢廣西叅藩

佩刀解贈意躊躇把袂燕歌淚滿裾客路風烟頻
漢詔主恩天地有潘輿薊門夜色千家雨桂海
秋濤九月書鄉里衣冠吾獨後凌雲空自老相如

雨中過周園訪沈山人與姜膳部對酒作

虎林詞客宿稱豪下馬何人問濁醪醉裏山連秦苑樹賦成風起曲江濤山人以所著七闕相示雨浚綠草胡塵斷雲散金莖漢闕高豈有雄文今待詔桓譚猶道在春曹

送司封黎郎中惟和出叅廣西政

鳳城芳草散鳴珂橫笛誰堪馬上歌荆楚曉烟飛越嶠湘灘秋色入牂牁省郎劍佩雲霄遠詞客江潭岳牧多玉節明年應起召咸陽西上莫蹉跎

歐虞部集

旅燕稿卷之三

二

酬王舍人儀甫潞河見寄

驪駒幾日出燕關咫尺青雲不可攀便訪安期滄海上誰容方朔漢庭間故人書札愁中寄逐客風烟夢裏還秋色王程應漸遠知君西望太行山約卿宅同元白惟敬咏盆荷得前字

華頂曾窺玉井前燕陽還賦九花蓮秋風細灑池邊石暑氣全消雨後天魚戲綠波經十里龜游清露已千年因思溪上芙蓉館誰更菱歌上釣船

居有芙蓉溪往年與惟敬泛舟同咏

夜飲諸太史端甫宅

周南初返直廬年朝退能開野客筵宮錦夜披明月下禁鍾秋到鳳樓前玉繩低映長安樹仙掌高擎白露天方朔自慚還索米漢庭空有故人憐

同元白惟敬過約卿所出鱖魚侑酌感賦

賜鮮今見出青冥旅食京華髻已星珠履尚彈孤客缺金盤寧羨五侯鯖天遙漁艇三江秋水入鱸鄉萬里亭何處滄洲無釣侶清時猶自戀宸扃

新秋同文壽承沈懋學文休承許殿卿姚元

歐虞部集

旅燕稿卷之三

十三

白黎惟敬集吳約卿高齋得飛字

初聞征鴈送斜暉涼夜高齋此會稀滄海月從危堞過太行雲入小窓飛狂來每憶蓮池咏醉後還尋竹逕歸萬里秋風長作客尊前空媿薜蘿衣

送許右史殿卿之河南

曳裾聞爾相東平詔許親藩借老成梁苑詞臣齊客在濟南經術漢家名驅車落日河流遠策杖秋風嶽頂行莫嘆壯遊今已倦主恩還遣入西京

萬壽節早朝皇極門

清秋閨闔曙光分逢掖追趨謁、聖君南極一星
珠斗近嵩呼三祝絳霄聞九嶺贊後班羣瑞八伯
歌成下五雲白雉赤麟誇盛事蘭臺還奏漢都文

朝退出右掖望西苑

紫宸分仗散千官誰奉西清曲宴懽瑤水風雲隨
玉輦蓬萊宮殿接金鑾九霄旛影玄壇闕五夜鐘
聲碧洛寒却憶甘泉秋色裏侍臣多在月中看

盧方伯少明入京中秋見邀玩月

使車南去少能留此地還期月下遊萬里星環燕

歐虞部集

旅燕稿卷之三

闕夕九關榆落薊門秋已聞卿相頻推轂自笑風
塵老敝裘賓從他宵還對酒不知誰共庾公樓

十六夜小齋待月元白約卿同賦

東來車騎訪幽棲共待清光手重攜九市烟塵人
境外萬家砧杵帝城西黃山遠見宮槐直紫閣
平臨海樹低何事天涯問圓缺故園應待尺書題
十七夜同何太僕盧方伯袁節推集黎秘書

宅

賜金幾日出西京秘省留懽此夕情漸望使星天

昨去尚懸卿月禁邊明騰驤獨識秦關騎戰伐曾
談漲海兵只尺君恩如召問上書何以答昇平

九日同黎秘書李黃門吳馮二侍御登宣武
門樓

百二山河控上游鬱葱佳氣滿皇州風驅大漠浮
雲色天轉滹沱落日流雙闕金莖連紫極萬家紅
樹動高秋佩萸汎菊俱恩澤不是荆南獨倚樓

送何太僕入賀還平涼

長安何處望蕭關醉裏燕歌一解顏輯瑞北來趨

歐虞部集

旅燕稿卷之三

魏闕封軺西去過秦山城連上郡羌胡遠馬飽中
原戰伐閑乘障莫嗟邊吏苦璽書行召護軍還

癸亥明堂大祀禮成紀事

甘泉高擢漢明庭更築崇臺禮萬靈宗祀偶同書
癸亥中興誰復數殷丁芝生九葉銅池碧日抱重
光玉樹青前殿公卿頻上壽萬年何用禪云亭

送姚主叔之魏郡兼寄謝茂秦

蕭蕭一騎渡洛河知有心期在薜蘿漳滏波聲黃
葉下那襄秋色白雲過股肱三輔分庭少筆札諸

生任俠多後夜西園應見月謝家新賦更如何

過沙河行

離宮千里苑城開扈從當年盡漢才鳳辰尚留清
禁肅龍游會奉屬車來日高複道晨驅出星散周
廬夜微迴宣曲長楊俱望幸彩雲濺護建章臺

謁長陵

居庸疊嶂俯桑乾終古長陵王氣盤涼雨石城千
堞雪秋風金闕萬松寒鼎湖弓劍胡天遠原廟衣
冠漢月殘三駕犁庭思帝力北門封守在長安

歐虞部集

灰燕稿卷之三 三

陽翠嶺

叢霄積翠築金墉仙仗曾過第一峰海日夜搖三
殿玉圍霜秋落七陵鐘石當御路皆成鹿松起中
天半是龍聖主合符臨萬國侍臣誰更頌東封

送李尚寶冊封肅府

曾使琉球海上行又馳關隴別承明蘭山星散千
秋壘榆谷天連萬里城負弩絳騶迎玉節直廬青
瑣憶金莖漢家茅土雄邊鎮從此河湟不用兵

送沈給事冊封周府

禮重親藩命漢官手持金冊出長安睢陽舊苑鳴

騶入洛涘名園載酒歡積雪歌聲猶縹緲夾池竹
色尚檀欒相如亦有游梁興何日平臺醉後看

送陳侍御道襄出按閩中

天書朝捧禁城西驄馬翩翩向晚嘶三策鑠關周
禮樂六條行部越山谿頻年戈甲穿篁竹此日漁
樵罷鼓輦絕徼早宣明主意勳名麟閣待君題

答施虞部曾繕部同直省中見懷

對直寒宵向省闈仙郎詞賦有光輝高懸霜月聯

歐虞部集

灰燕稿卷之三 二

曹近閑鏢冰廳見吏稀夢隔關城砧杵急心隨江
漢鴈鴻飛草玄寂寞無人問自笑長安一布衣

送黃叅軍赴閩幕

君行氣激五都豪閩越頻年尚屬櫜箠最軍勞秦
爵貴奉常家學漢庭高圖中按壘窺魚腹幕下持
觴論豹韜別去從軍詩早寄故人還贈呂虔刀

病中曾繕部攜酒同黎秘書夜過得長字

並馬移尊問草堂茂陵秋色正蒼蒼城頭笛起關
山月檻外砧飛漢苑霜多病更堪羈思苦清歡其

柰髻絲長芸臺水部能來往倦客渾忘在異鄉

次夕黎秘書攜酒會繕部同過得霄字

故人尊酒慰蕭條並控驂驪意氣驕郢里高歌迴
白雪燕臺寒色滿青霄城邊明月鴻聲起燈下清
霜木葉飄此夕謝莊慙作賦詞臣多在聖明朝

病起曾繕部夜過

倦疾柴門夜不扃三年蕭寺只沉冥瀑窻藥試疑
瞳碧山笥書成媿汗青明月頗思玄度詠濁醪能
問子雲亭他宵松落空壇靜誰共幽人石上聽

歐虞部集

灰燕稿卷之三 七

施虞部敦甫寄詩問子臥病次韻奉答

蕭齋偃臥卽山林門掩藜牀歲月淡市裏玉壺聊
混俗省中詞客限同心擁衾洛下書生詠擊節幽
州馬客吟賴有故人相慰藉不須重問橐中金

十月虜警書事 三首

朔氣初飛萬樹霜驚傳胡馬過漁陽從軍豈乏三
河少度漠曾招六郡良鳴鏑月寒窺鴈塞射雕雲
暗散龍荒 皇威赤羽勞諸將不似周王擁白狼
甘泉烽火到長安闕下衣冠立馬看北轉儲胥芻

東富西來驃騎雪霜寒觀兵帳外期超距拜將庭

中議築壇細柳已屯江總制月明羌笛滿桑乾

關塞秋陰暗白登飛狐道上羽書仍雲屯漢卒徵

三輔風急胡笳過七陵暫向太原稱薄伐已知吉

甫佐中興書生亦有燕然頌待勒恒山第幾層

答張民部餉軍左安門寒夜見寄 時京師戒嚴

飛芻忽上白雲邊知爾登樓嘯遠天半夜軍聲胡
壘月萬家寒色薊門烟檄成楯鼻提兵日箭落旄
頭破虜年投筆欲隨驃騎去漢庭勲業在祁連

歐虞部集

灰燕稿卷之三 八

次韻酬曾繕部以三齋居省中見懷

燕臺風起暮蕭蕭念我偏題尺牘勞濶畧幸無三
府辟激昂終媿五陵豪公車歲月囊錢盡郎署雲
霄劍佩高停輦若逢明主問莫言賓客有綈袍

和梁彥國虜退後行經三河諸村落慨然見

寄

戰後秋陰薊柳疎憐君駐馬爲躊躇烽沉萬壘荒
烟外鬼哭千村野燒餘霜草有狐啼廢井夕陽無
鳥入殘墟防胡李牧須頻遣莫更邊庭走檄書

兵後梁彥國自灤州見過

遼海君如管幼安蕭條一騎客行難
埃邊星落秦皇戍戰後雲愁漢將壇
驛路飛沙千里暗海風吹雪萬山寒
燈前獨照昆吾劍長得蛟龍夜夜看

冬夜同梁彥國宿永光寺禪房懷故園諸子得來字

江南詞賦有羣才會共高僧社裏來
人憶歌驪辭粵嶠客疑招駿上燕臺
寒繙貝葉齋前誦香識梅花雪後開
惟與許詢禪此夕故園書待鴈飛回

尺牘部集

尺牘部集卷之三 二十七

雪中同梁彥國過文壽承學舍

袖中懷刺倦塵沙清曉尋君坐日斜
客食空齋惟首宿宦情高閣有梅花
庭陰獨下孤山雀禁雪遙棲萬樹鴉
經學漢儒推博士何人江左更名家

雪夜同惟敬餞別彥國還廬龍得高字

濁酒寒宵共爾曹明朝東去客途勞
山窺上谷孤城月關倚玄菟萬里濤
黃竹當歌燕雪積白雲隨騎朔風高
期君早獻甘泉賦金馬詞臣待彩毫

送許舍人稚幹請告還靈寶

金門侍從捧 綸音去采三花結遠心
令伯表陳

臣分淺茂陵書在 主恩深雪凝嵩少
扶藜往雲起殺函駐馬吟東閣故人
應覓別豈容簪紱臥山林

送方憲副定之備兵饒州

使君千騎出長安千越新開大將壇
番令古城樓櫓壯康郎春浪舳舻寒
軍容班劍風雲起賓從胡牀雪月殘
遙想雅歌閑對酒芝山應是幾回看

冬至齋居後惟敬夜過得殘字

尺牘部集

尺牘部集卷之三 二十八

君從紫閣宿高寒下直還能訪鵷冠
惇史書餘雲未散太常齋後雪初殘
千官肅穆騶鸞輅萬騎周遭傍泰壇
聞道星辰環幄殿侍臣執蓋月中看

同文休承顧汝和黎惟敬於虎閣觀西域所進獅子

進獅子

禁苑般般繞象輿伏獅何幸仰宸居
風驅林邑千山外雲擁條支萬里餘
清廟已歌天馬曲 君王猶納旅焚書
更聞九譯來朝貢太史編年在石渠

甲子元日早朝

千官催入紫宸班
縹緲爐烟夾仗間
曉日洛中新
甲子春風燕甸舊
河山凱成驃騎頻
歸闕詔許呼
韓近欵關共聽太平元會曲
彩雲飛處候龍顏

經南內

沉沉清禁轉朱扉
深鎖松陰碧石圍
漢月曾窺青鳥去
朔雲先擁白狼歸
雅翻宮雪瑤樓過
龍噴山泉玉殿飛
司竹老臣猶望幸
太平無事宴游稀

登遼后粧樓

綵檻雕闌半已荒
房櫳樹色隱蒼蒼
年深凍蘚迷

廣廈部集

廣廈部集 卷之三 三

粧匣人去秋雲鏤
廊廊玉鏡尚懸遼
海月瑤花不散
薊門霜三千部
落無勞望鴨綠
江頭鴈幾行

上元日望 大高玄殿燈火有賦

太一祈年肅盛儀
燈前親拜竹宮時
燎烟夕殿皆青玉
法供春筵盡紫芝
雍時舊傳周室禮
汾陰今侍漢家祠
雲霄賦客多如雨
持素何人獨髻絲

送鍾公珙改令博白

移官因得故園遊
津吏先迎鬱水舟
監郡久知皮氏長
賜書還問偃師侯
裝輕片石無勞載
山近丹

砂且暫留萬里登臺應北望
題詩須寄薊門秋

送徐別駕赴吉安

監郡多閑見吏能
安成山水最堪稱
黃牛石出疑巫峽
白鷺洲橫似秣陵
客至高齋懸榻下
詩成燕寢異香凝
明年地主應攜我
騎馬青原更一登

送楊參軍允恭守曲靖

五陵冠蓋祖行杯
萬里樓船曉日開
越雋地形瑯笮盡
盤江秋色葉榆來
客遊南部能蠻語
家出西京自楚才
諸葛盟壇雲樹裏
褰帷應向此登臺

歐虞部集

歐虞部集 卷之三 三

送林邦陽僉憲赴汴備兵陳州

中原談笑擁青油
吹角河山萬里秋
獵騎風雲生廣武
蒐兵旌旆過鴻溝
尊前書記知能賦
戲下材官待運籌
不是玉關留客久
明年應得拜宸旒

送文休承赴吉水文學

家學吳門比陸機
一官猶著舊儒衣
執經講肆諸生滿
臨帖山齋過客稀
雪浪每從章浦見
暮霞多入楚城飛
石渠金馬徵賢日
時倚江雲憶禁闈

贈光祿李少卿請告還縉雲省觀

班衣歸去意何如
詔許仙都得暫居客舍難忘光
祿酒卿家真見縉雲書
聽鶯早過雙溪水下馬先
趨萬石間須憶柏梁臺上宴
天涯春色伴還車

送沈祠部以安奉使因歸省湖州

冠蓋都亭揖玉鞭
故人多在薊門天
千山夢寐爲郎日
六傳風雲奉使年
綵服朝持新茗酒
白蘋春送太湖船
建章莫作經時別
御柳輕搖萬樹烟

寄徐子與

汝南尊酒送征輪
何事君爲去國人
漢日將軍逢

歐虞部集

旅燕稿卷之三 三

醉尉楚天漁父識
孤臣瑤華獨憶飄零遠
金埒空聞貴幸新
早晚承明應再入
誰容烟艇五湖春

寄濮州蘇子川子冲兄弟

聞君濮上臥烟蘿
兄弟才名二謝多
玉樹春風飛夢遠
金莖佳氣早鴻過
釣臺艇畔莊周石
草閣簾前瓠子河
倘憶倦遊梁苑客
可無書札慰蹉跎

王戶部宅紅梅花

東閣名花許共攀
獨憐疎影近雕闌
彩霞忽散春城色
絳雪猶飛夕照寒
夢想海棠巴子樹
步隨宮

柳漢臣冠關山莫遣吹橫笛
留待江南醉客看

春日同惟敬約卿過弘法寺訪翠巖和尚

鹿苑西連紫禁天
齋心曾問遠師禪
五臺戒向山中受
雙樹花從雨後懸
畫永雀行春竹裏
年深松偃石
窻前許詢頗解閒
來往杖錫何妨結靜緣

出郊至南海子

萬樹周隄起夕烟
漢家宮囿帶三川
誇胡幾幸長楊館
講武曾驅下杜田
敕使日調沙苑馬
詔書春散水衡錢
西遊不數諸侯事
尚憶詞臣扈從年

歐虞部集

旅燕稿卷之三 四

同曾選部于野韓虞部子成夜集范職方于

公宅

匈奴遠遁塞烟銷
尊俎曾籌萬里遙
士論總收燕騷裒
將材今數漢嫖姚
山公有啟傳三署
水部能詩冠六朝
獨笑荆高狂擊筑
醉來猶自問金貂

答王百穀道館病起對月見懷

牘中新草獻長楊
渴似相如鬢已蒼
客去獨吟松几月
僧來同掩竹齋涼
扁舟遠興因吳語
斗酒高歌學楚狂
東閣早聞奇士滿
秋風吾有芰荷裳

送呂比部聲甫守廬州

虎竹初分霄漢間，廬江小吏候濡關。寒帷春雨勞
農出，懸榻高齋送客閑。雲起每從三祖石，雀來曾
過八公山。登樓不用懷京邑，早晚承明入計還。

送馮屯部信伯補撫州

襜帷南去問桑麻，江燕飛飛引旆斜。內史臺邊翻
忍草，夫人壇上散明霞。銅陵夜月紅泉酒，繡幕春
風玉茗花。太史馮君稱漢吏，賜金何日到天涯。

次韻答曾參戎子澄塞上行軍見寄

歐虞部集

旅燕稿卷之三 三

都亭別後憶驅馳，大漠聽笳漢將悲。南去長纓曾
自請，北來驃騎一相隨。官芻召募飛應急，軍市酣
歌散未遲。賓客蘭臺雖已老，燕然銘筆爲君期。

惟敬席上喜思伯使還

思伯奉命諭祭故尚書孫公

步兵廚裏一尊深，聞爾還鑣喜不禁。使者玉魚親
走送，故人金馬獨浮沉。彈冠意氣誰相許，拄杖烟
霞尚可尋。醉後莫論烽火事，并州空折白雲心。

約卿東巡以靈巖諸詩寄示聞已登岱嶽

靈巖寺裏賦新詩，千騎東方星斗隨。漢月頗窺三

觀石，秦雲多掛五松枝。燕齊有客談仙訣，禽尚何

年住岳期。攬轡西風應奏草，玉皇宮闕待親祠。

送林維成宰邵陽

雙旌南去路偏長，秋鴈飛時白苧涼。城浸烟波皆
洞野，花開山郭似河陽。竹枝自渡湘妃水，菰米先
稱楚客鄉。歸賦上林還給札，莫誇雲夢獻君王。

十六夜同黎秘書吳侍御梁舍人集夢芝館
聽管山人作吳歌

千家明月照簾櫳，高詠涼天散步同。木葉自能飛

歐虞部集

旅燕稿卷之三 三

洛下秋聲先已滿，雲中銀河影落詞臣酒。玉兔光
搖御史驄，醉後忽聞歌子夜。禁城鐘鼓思何窮。

送李太守實夫罷歸閩中

驅車落日滿河梁，欲別猶堪典鵲鵲。把袂幾人燕
市酒，裁書八月薊城霜。空令白鴈隨歸客，只爲青
山憶故鄉。君到南中榮橘柚，應知三徑未全荒。

送姜憲副宗孝之關中

清朝侍從有光輝，十載祠官直禁闈。繡斧日邊新
賜詔，油幢關外遠宣威。三秦豪傑分庭揖，二華烟

雲繞座飛早向長楊陪羽獵漢家詞賦似君稀

答潘少承經赤花海上見懷

三載離居憶酒壚秋淡猶自滯燕都誰堪俠氣彈
孤劍獨有歸心寄五湖笛裏關山新白髮樓前星
斗亂黃榆君看甲子泥塗客長嘯烟中且釣鱸

送黃僉憲士弘入賀禮成取道南歸爲太夫人壽

時士弘方
巡建寧

紫宸車馬出長安仙掌秋淡露已溥金鑑拜陳明
主壽玉觴歸獻使臣歡家藏桂籍分鸞掖筵近棣

歐虞部集

旅燕稿卷之三

三

花照豸冠聞道曾孫迎太姥畫圖何異幔亭看

九日惟敬置酒與張劉管張四山人同賦

白雲簫瑟一尊開共佩萸囊上薊臺橘熟題書曾
問訊菊荒爲客未歸來秋高大漠胡塵淨日落長
楊漢騎回惟羨故人今侍從飄零誰道子虛才

重陽後一日同古比部黎秘書集張民部宅

班生寧望酒泉封旅食重陽已再逢紫閣夢懸金
澗月白雲心寄石閭松故人薄祿多官釀狂客酣
歌待禁鐘手把茱萸還強飲明年何地憶追從

同黎秘書會繕部吳侍御萬金吾出善果寺

訪馮侍御

封事朝馳玉節孤青雲冠蓋滿城隅客攜櫛具迎
公子人向高陽問酒徒白簡霜飛千里草紫駝秋
落九關榆燕歌未歇傳杯夕猶識風流在漢都

題玉洞桃花圖贈大司空蔡公

赤墀委珮更珊珊五十曾登漢將壇胡騎早聞安
石墅洛師猶憶惠文冠關門紫氣何人候湖水扁
舟異日看萬樹桃花天目上山爐應熟九還丹

歐虞部集

旅燕稿卷之三

三

送李子新還揚州因訊黃定父

霜欺季子黑貂裘金盡長安不可留黯黯離情平
谷月蕭蕭歸騎廣陵秋十年生事食孤米萬里動
名視蒯緱欲寄黃郎無尺素但憑飛夢過瓜洲

秋風

蕭瑟秋風天雨霜年來書劍半摧藏畫省京兆頗
相笑舞袖長沙空自傷客計未應羞馬牧宦情誰
肯薄淮陽心知不待題麟閣猶得詆嘲陞楯郎
清切遙看西掖垣幾人薦引登金門龍淵池出斗

牛氣鳳詔天垂雲雨恩醉白漸多嵩洛夢草玄已
老蓬蒿飄零短褐秋風客睥睨心期惟酒尊

大理潘公雪夜邀同吳侍御黎秘書萬金吾
集

夜淡寒色照簾櫳廷尉留賓似孟公且共持觴燕
市裏豈論結襪漢庭中秋風城闕聞清角積雪關
山斷暮鴻賦客此時慙授簡獨能沉醉倚青驄

雪夜同陸山人過張司理時張已補外陸將

還山

歐虞部集

旅燕舊卷之三 无

寒色千門日易低爲君一過玉河隄月移趙瑟佳
人起雪照吳鉤俠客攜官閣梅花孤夢後釣船春
草五湖西天涯尺素題何處好憶燕臺疋馬嘶

同吳約卿攜酒訪姚元白於慈仁寺因登毘

盧閣得山字

秦京久客待君還鹿苑相攜霄漢間地湧飛樓雲
繞烏天連孤鳥日銜山高寒並見金莖影禁近初
歸玉筍班蕭瑟秋風憐庾信江南何處望鄉關

曾比邵子玉宅同馮侍御黎秘書胡禮曹夜

集

華髮金門隱歲星知君執戟愛沉冥鳳毛家學聞
江左馬尾官書在漢廷醉後自能歌白雪燈前誰
共舞青萍郊園賜沐承恩日曾戀松蘿月滿亭

送劉評事少脩調望江令

雪花燕甸馬羈寒又送鳴珂出禁鑾三禮甲科郎
選重大雷漁長主恩寬且因杭稻移家去豈謂
風塵作吏難聞是尚方曾賜烏飛鳧還望到長安
至日同姚元白蘇子川黃定父吳約卿張羽

歐虞部集

旅燕舊卷之三 三

王飲黎惟敬宅時元白將還白下羽王將之

雷州

閭闔陽生積雪光高城夕送鴈千行江南不見梅
花使薊北空持柏葉觴銀燭莫教歌管歇玉顏應
笑髭絲長風流漸覺詞人散不待他年憶建章

雪中戴伯常見過

曉雪如花片片飄鳴珂猶復問僧寮人尋洛下無
行徑客倦咸陽有敝貂苑樹風吹珠錯落禁城山
擁玉岑堯衝泥欲跨銀鞍去先訪將軍第五橋

贈張司理羽王之雷州

酒盡征車不可留，勞君萬里擁綈油。
荔枝熟處江雲溼，杉葉飛時海郡秋。
賦後鵬搏多作浪，尊前蜃起自成樓。
竹書歲報無冤獄，前席從容待借籌。

寄王仲房

聞君久托遠遊心，浮世行藏自陸沉。
掌記軍中曾入幕，飛書海上亦辭金。
扁舟夜釣黃湖冷，精舍秋移白岳深。
澁謾松風何處聽，杖藜吾欲一相尋。

次韻答顧玄緯見寄

早買山田四十雙，扁舟歸去老江鄉。
談禪有客期蘭若，看竹何人問草堂。
世許谷雲工筆札，自羞轅固少文章。
一軺欲訪延陵子，天末題書報鴈行。

爲賦是詩

璨山溪訪羽人居，洞酌亭前寄敝廬。
流水玉琴揮軫外，秋風金澗聽松餘。
曾攀丘壠烏啼樹，尚憶雲窻鳥篆書。
江左周顒歸未得，十年猿雀意何如。

誠意伯劉公宅同羣公宴集得孤字

東閣梅花照玉壺，上公開宴集城隅。
漢京授簡新詞客，燕市銜杯舊酒徒。
盟府勳名壯劍在中天，郅第白雲扶長裾。
不少清狂興醉散，朱門月色孤。

吳明卿上計至都下

使者歸來謁建章，鬱葱佳氣滿咸陽。
禁中樂府歌朱鷺，闕下書生對白狼。
鳴玉班行收客淚，賜金顏色借恩光。
子虛頗有相如賦，侍從無勞上漢皇。

歲暮次韻答施虞部

避喧金馬卽山堂，燎玉空瞻紫禁光。
把酒病猶逢漢臘，披裘寒自拂胡霜。
家人椒頰勞相憶，驛使梅花遠莫將。
惟有吟詩何水部，共憑高閣望江鄉。

送徐子明赴蒼梧參軍

躍馬都門意氣生，飛書駱越舊知名。
炎洲道路三千里，滄海戈船十萬兵。
豈爲故人誇負弩，祇緣多難請長纓。
伏波門下南征曲，更聽袁郎玉笛聲。

冬日同文博士壽承黎秘書惟敬集顧舍人

汝和宅

逢君休沐下東華，邀賞高齋到日斜。
已道書鈔麟

趾殿真看畫在虎頭家香爐雲起在石金龍烟
分顧渚茶聞道五陵公子醉只誇銀甲撥琵琶

同項思堯黎惟敬諸君飲顧光祿汝所齊中
乃兄汝由直閣汝和舍人皆在會

絳蠟金尊夜不寒豈知今夕在長安步兵廚裏酒
新熟擁衲龕前雪未殘家有賜書班嗣富名齊伯
仲季方難醉來索笑梅花下何似揚州水閣看

同惟敬夜過明卿得臺字

送臘尊醪日日開明星驅馬鳳城隈天知汲黯淮

歐虞部集

旅燕稿卷之三 三

陽至人笑王生渤海來裘劍摧藏惟解飲風塵在
再幾憐才俸錢莫問今多少且共酣歌上薊臺

除夕臥病酬施虞部見召不赴因訂早春之

約兼呈曾郎中吳韓二員外

東省屠蘇念故人席門虛枉使車頻愁澁白髮三
年客夢破青山一病身玉醴想添新歲色金錢將
醉曲江春申公已側當時目猶得交驩侍從臣

送龐侍御少南出按兩浙 二首

明堂令布履端餘憲府霜飛按越初滄海潮迴收

萬弩潢池氛淨出單車探碑禹穴多奇字訪士桐

江有舊廬八使風流誰得似西京人望皂囊書

同時學賦羨君成流落憐子十載情周室主書專

柱史漢家掌故待諸生交游敢望彈冠出父老應

隨負弩迎浙水東西懷繡斧江花那得計王程

瑞室詩爲四明薛子熙賦

明經舊署鄭公鄉南渡衣冠歲月長野火不驚焦

處士山雲常護魯靈光藤交瀑下牕猶暗菊散霜

前逕未荒奇字祇今鄰禹穴高樓還擬並梅梁

歐虞部集

旅燕稿卷之三 三

誠意伯劉國楨使楚餞別於孫鴻臚宅得枝

字

燕臺征騎早春時九陌青青折柳枝玉節星隨周

使者朱陵雲識漢官儀澧蘭盡入詞人賦湘竹寧

忘帝子思鴻鴈從來飛不到天涯何處問歸期

陸使君道函入計還寶慶

使者朝宗出帝闕賜金南去奉明恩飛花撲面

驅郵傳落日離心寄酒尊風曳珠旗雲夢澤馬嘶

春草邵陵原上林奏賦嗟留滯待爾鴻書到薊門

清明前一日同方行人岳文學江張二山人

集孫鴻臚宅得孫字

三年持橐傍金門漢署還來問酒尊
千疊浮雲迷客舍五陵春草送王孫
鶯聲半入華陽館馬首頻窺灞水園
他日看花攜手客禁烟時節望中原

送魏順甫使君上計還濟南

河梁垂柳拂雕鞍竹馬爭迎稚子歡
燕筑溪杯懷歷下楚歌明月滿長安
黃金恩重君王賜白雪詞高和者難
別後檄書何處寄春鴻飛盡岱雲寒

歐虞部集

旅燕稿卷之三 三

贈黎君華岑貞叔南還

風起春城日易陰留君斗酒故情深
棄繻暫出西遊路獻玉終酬北望心
驛路新鶯難駐馬天涯久客易霑墟
頭諸少應相憶爲報秋期在竹林

送馮侍御出按山西

侍從當年草白麻西行繡斧有光華
晉陽列署看雙柏汾水鳴驄散五花
霜落胡沙邊燧暗星隨漢使岳雲斜
建章正待籌邊疏不用蒲稍入內家

雨後飲蘇子川宅望西山得花字

西山爽氣滿窻紗丹鳳城南日未斜
翠黛遙分燕柳色青雲平出岳蓮花
閣開雙瀑長臨礀鳥度諸峰半帶霞
尊酒却疑人境外誰知還醉近臣家

送劉選部孟真請告還夷陵

何事張衡詠四愁飛花春散鳳皇樓
暫辭起草諸郎直誰共鳴騶六傳遊
三峽雲帆巴子月一江風笛渚宮秋
廷中最憶山公啟蘭佩荷裳未可留

送范職方于公奉使吳中

侍從頻年奉柏梁西風暫得過鱸鄉
出關偶作吳

歐虞部集

旅燕稿卷之三 三

洲客負弩爭迎漢署郎山下清溪通
夕照城邊白苧散秋涼輶軒歸上江
淮奏願遣材官事朔方

答戴進士儀周

燕市還來共酒杯笑予寄宿在靈臺
省中蘭佩今堪結江上荷裳未可裁
連騎豈知原憲病凌雲空羨馬卿才
玉河烟柳年年色曾見何人奏賦回

送畢兆先掌教安福

與君少小竹齋談此日青瑣出淦南
滄海蛟龍雙躍劍薊門風雨一分騷
秋涼弦誦新芙蓉野夜色樓

臺石鼓潭別後江鴻誰共聽相思應有白雲滅

送陳文學季謙赴信豐

聞道儒林近嶺邊章江西上孝廉船片帆烟水三
千里雙劍風雲二十年韋氏只今推世業文翁不
敢倚先賢故人相送堪相笑猶得微官足酒錢

徐子與入都見訪

薊雲千片擁驂騑把袂中原感舊遊一別雪飛桐
柏水三年書寄白蘋洲銅龍見爾鳴珂入金馬憐
予待詔留短髮蕭騷惟俠氣紫貂還問酒家樓

歐虞部集

旅燕稿卷之三 三

初秋同張李陳三戶部王山人柴文學集天

壇曹道士院得窻字

日午鳴鐘迎客到仙童花下立雙雙當秋山色分
松院過雨泉聲冷石窻白雀連翩叅法席靈風蕭
颯滿經幢詞人興在煙蘿外有約還來倒玉缸

弘法寺送徐子與謫長蘆

回首金門感慨多漢家遷客一悲歌玉珂秋散祇
園樹寶劍寒生易水波郡裏太行新鴈起尊前渤
海白雲過一主恩不遣長沙去咫尺承明髯已皤

早秋同達水部集施虞部省中園亭得來字

是日期曾繕部不至

署中涼色滿池臺更有雙尊出舊醅濯露疏勞園
吏給冒霜花爲省郎開邊烽幸絕甘泉報胡鴈初
從大漠來寄問東曹詞賦客何時還共故人杯

訊沈祠部病

病來秋葉滿亭皋聖主齋居念禮曹露下金莖
雙闕迴月明瑤瑟五陵高四愁有客思江漢七發
何人望海濤那得沈郎腰不瘦閉門猶是著書勞

歐虞部集

旅燕稿卷之三 三

秋夕臥病對月懷許維楨何啟圖二內翰

臥游因病久盤桓曾記名山萬里看雪後驅車過
汝水月中搖艇入新安昔年白鴈思傳札此日銅
龍阻握蘭尊酒何因攜二妙清光知在玉堂寒

乙丑九日同古茂璫蒙廷俞張鴻與蒙廷綸

張伯鄰郭篤周飲倫紹周宅

薊城佳節憶烟臯尚喜東鄰有濁醪赤管自憐頻
索米黃花猶得共持螯酒錢頗美陶彭澤詩句淩
知謝法曹歲歲佩萸何處客歸心偏戀五雲高

送沈祠部謝病歸吳興

獨辭省署向烟蘿金馬其如病客何別騎關城驚
鴈早歸舟江嶠聽猿多簾前講肆逢嚴叟溪上清
纓學楚歌知有郎中桑落酒蘭橈將泛太湖波

秋曉經西苑

日上觚稜照綵游西宮夜醮火初收滄池波色青
門曉長樂鐘聲碧樹秋名岳采芝諸使出中天築
館萬靈遊漢家詞客頭將白汾水年年望御舟

中秋同社諸子集方侍御宅得中字

歐虞部集

旅燕稿卷之三 无

醉客揮毫倚玉驄西園今夕正秋風關山一賦秦
城上碁枰千聲漢苑中歌後新涼生觴栗尊前清
露滴梧桐庾公此興應非淺月下何人賦最工

太霞洞天爲永昌周象賢賦

蘭津渡口望天池曾見王喬來去時山氣曉蒸華
馬國海雲寒接碧雞祠丹砂不用求勾漏采慢應
看勝武夷觴客九霞堪一醉何年瑤水與君期

燕京秋夜登樓懷故園

風起飛沙日易陰高城吹角此登臨歸人書去孤

鴻杳游子心驚落葉淡千壘浮雲驅大旆萬家明

月拭清碁故園亦在滄江上烽火年年聽捷音

南溪泛舟遇雨客有懷江南者共賦中字

城西陂上晚溟濛越客扁舟望不窮渭水雲沉波
色裏長楊秋在雨聲中乍飛雀子翻池白欲盡荷
花墜露紅多少燕姬愁翠黛共將離思寄江楓

送袁解元南歸

異鄉攜手客愁開秋色飄零酒一杯未論南州曾
薦士只知東閣解憐才薊門落葉千碁送滄海驚

歐虞部集

旅燕稿卷之三 早

波一櫂廻已笑中涓求駿晚黃金寧不待君來

雨夜同薛文學晁秀才集吳侍御子沐宅

君家綠酒照玻璃佳句還邀燭下題宮漏稀聞官
舍裏城雲低度禁垣西銅街踏雨寒嘶馬白簡朝
天曙聽雞他夕金龜能笑解二豪猶得醉相攜

送戚進士世秀請告歸泗州畢姻

金門詔許出關遙淮水乘龍意氣驕鵲青雲隨
去騎鳳皇新月在鳴簫花搖屏燭春開宴星引天
津夜度橋想是聽雞還戒旦含香催入 聖明朝

予與約會滄州予將從德州南行不得遇先

寄此作

獻策無媒將遠遊蕭蕭一騎出盧溝白雲不散青
楓色明月獨照黃河流欲贈生平三楚璞可憐離
合雙吳釣他時莫憶悲歌客別後何人燕市秋

寄李于鱗并引

十五年前從公實聞于鱗甚著公實已矣于鱗
今臥歷下僕時時思見其人無由東行一訪前
年入燕京獲覽觀于鱗歌詩於殷卿所今年春

歐虞部集

旅燕稿卷之三 三

明卿有寄題白雪樓詩邀僕同作而子與則謂

僕曰昔予二三兄弟苟得奇士即四五百里外
移書相告輒引滿大酌以爲驩豈可使于鱗不
知南海有歐生耶因遣書通知僕感斯言賦寄
于鱗二詩幸題於白雪樓上酒酣耳熱時命蒼
頭歌之他日客有燃藜握管而過者必歐生也
屏居猶在列仙鄉十二樓臺蜃霧旁客自函關占
紫氣世從魯甸識靈光牕前海近彈琴潤岳頂雲
來散帙京難向此中歌白雪相將看日到扶桑

高樓不下絕風塵傲吏當年早乞身金匱山經藏

岱嶽石渠門客出咸秦酒會累日逢中聖賦更何
時奏大人海內從來誇御李願從騎鹿過千春

雪夜古比部攜酒雷比部同過

薊門積雪九衢光猶得相隨酒榼狂紫禁地分文
學掾白雲天遠尚書郎驪駒不用催官騎鸞雀偏
能戀帝鄉此夜王猷好乘興他年無憶剡溪長
送范太史伯禎奉使冊封魯王

歐虞部集

旅燕稿卷之三 三

太史金符東授漢諸侯古城弦誦兼風雪複壁圖
書燭斗牛鄒魯千秋還講業歸來何異馬遷遊

余省覲嶺外馬進士使遼東飲別霍進士愛

大宅得真字

祖筵雪色照城闌海內交情爾最真嶺表遼陽明
日路貂裘狐帽異鄉身尊前星斗關山遠闕下
衣冠氣象新燕趙悲歌還此地重來擊筑更何人
諸太史邀餞席上留別

玉署開尊雪滿廬勾陳東望逼天居浮沉祗自逢

賓戲淺薄何能賦子虛離夜肯留文學譙聚星今
得史官書一經南去還持橐遙憶名儒議石渠

大理鄒卿夜餞席上留別

鳥飛廷尉府中棲坐擁燕山玉嶂低半夜星辰丹
鳳繞千門冰雪紫駝嘶避人諫草閒曾檢愛冬詩
篇醉屢題我去揚州五湖月春鴻偏憶禁垣西

張掖門留別曾以三繕部

燕市千杯送我歸中原交友似君稀易爲易水悲
歌淚難把河梁落日衣霜草臺邊孤騎去朔雲天

歐虞部集

旅燕稿卷之三

三

畔幾鴻飛誰憐長樂聽鐘客獨向江淮憶禁闌

周子脩蘇子川丁庸卿周汝礪孫文濟孫文

鼎項思堯黃汝會柴季通黃定父紀旭仁諸

君枉餞席上留別

高陽寧得少吾徒結客青萍日漸孤影組爾應留
漢署下惟人自出江都他鄉夢裏思瓊樹明月歌
中倒玉壺別後迢迢憐尺素不知雙鯉到淮無

張掖門再別曾繕部

關前立馬色蒼蒼抗手還同漢署郎雙闕風雲分

去路千山水雪照離觴薊門賦後餘雙髻碣石書
歸待八行別汝相思無遠近天涯一望九迴腸

過河間郡

幽州甲士何翩翩自許黃金召募年插羽東翻滄
海日鳴鏡北掃塞垣烟路旁小兒能殺馬河間姪
女工數錢不見聽雞劉越石俠客中原空自憐

渡河入德州却寄慈仁和尚

和尚約會德州
余竟先行不能

待

魯門一望水如澗漸遠長安隔五陵鉅野旆旌蒼

歐虞部集

旅燕稿卷之三

四

樹出暮天樓櫓白雲升鴉歸返照啼高家馬飲寒
流顧斷冰行役驅馳飛錫遠題書心媿鴈門僧

登岱

二首

天風颯颯起秦松鸞雀相隨上岱宗石暗客窺千
歲字雪殘僧扣萬山鍾翠華日月開虞狩玉檢雲
霞護漢封曾是仙人期六博夜來還借二茅龍
歲杪東遊亦快哉石閣高倚避風臺射牛不用諸
生議牽狗疑逢老父來舄外波濤銀闕湧杯前齊
魯白雲開誰能婚嫁遲栖岳禽尚何年向此回

闕里謁孔廟

尼泗千年啟闕宮壇前冠佩講時同鳳衰歌後人
何在麟出書成道已窮魯壁藏經殘簡積漢祠祝
史太牢崇東來鄒嶧觀鄉射猶聽金絲到廟中

謁孔林

世家何但表東州梁木空摧萬古愁鳥下山猶廬
冢夕葉彫林似奠楹秋岱雲不向城邊散泗水長
懸天上流落日緇帷延首地松門風急下寒溝

衍聖公留燕

歐虞部集

旅燕稿卷之三 望

堂開曲阜帶林霞西第歌鐘起暮鴉車服尚傳秦
博士宮牆猶識魯東家烟生寶鼎皆成篆雪積瓊
枝半綴花岱岳諸峰明月色相將終宴向庭斜

過薛城

公子傾身下士年至今俠氣尚翩翩三千客散荒
秋草七十城空鎖夕烟長鋏飄零收慷慨高臺歌
舞惜嬋娟不須更奏雍門曲牧豎樵童滿墓田

夜登徐州驛樓

汴泗交流重鎮成千家雉堞聽濤聲濁河月湧臺

邊迴衰草天連雪後平
朝氣只今銷沛上楚歌猶

自滿彭城漢家更欲沉
玄壁醺酒黃樓萬古情
時大

司空朱公奉
命治水夏村

青口驛遇鄉僧介公同登三祖山望濤皖天

柱諸峰

地布黃金玉作岑西來三祖古禪林山雲半剪傳
衣色海石空留聽偈心澗水供筵經雪淨竹房清
梵出烟淡道人白雀同僧去天柱還隨杖錫尋

聞黎職方惟敬已趨金陵予自黃梅渡江過

歐虞部集

旅燕稿卷之三 吳

潯陽不得相見

獻歲東風彩鷁催潯陽難待故人迴獨驅濤色三
湖過不見梅花五嶺來持橐舊隨鵲觀揮毫今
憶鳳凰臺櫻桃未熟還江北莫負金陵幾百杯

江州城樓晚望

家在漁村有釣簑偶從簪弁失烟波懷人書札春
鴻早作客江湖夜雨多匡岳千峰雲不散潯陽九
派路如何五噫豈似關東去回首中原一放歌

瑞州官舍同黎比部晚酌淨芳亭

征袍計日間長亭筠上從君倒玉餅憲府戟枝移
竹院官池波色上莎廳頻瞻南嶠雲俱白三渡西
江草又青同得趨歸家慶近茅堂燈火帶春星

七言排律

燕京秋夜聞砧

丹鳳城南夜正長萬家明月擣衣裳忽驚落葉頻
沾臆不聽悲笳亦斷腸遮虜漸聞過馬邑拔營曾
報破龍荒豫愁綿折天山下那識弓膠瀚海旁書
去再經燕草綠夢飛不到塞雲黃玉關縱待封侯
入祗得蕭蕭白髮郎

尺牘詩集

太孫稿卷之三 四七

旅燕集

嶺南歐大任楨伯父

五言絕句

秋夜登曾繕部省中樓同黎惟敬賦

騁望遙天雲迢迢帶城闕關山一笛聲况是高樓月

贈曹山人幼興南還

君看槐樹陌何似桃花源獨有長安夢相隨還故園

歐虞部集

旅燕稿卷之四

十一

張山人將遊五岳過予寓舍爲別

二首

暨揖市上鞭一送雲中轡歸時五游成示我青苔字

張公江海客亦誦龍虎文他日相逢處羅浮雀是君

送人遊岳州

離人愁獨醒湘草正青青憶上巴陵渡春波滿洞庭

劉子脩同往趙園看芍藥馬上作

何代金谷園斜連上林苑十里看花人五陵紫駟遠

玉勒有佳期一片錦雲白誰將洛下春誇向楊州客

新春曲寄子冲

玉貌颯風沙何人不憶家江南春未到馬上聽琵琶

曲中花半開羯鼓莫頻催芳草思公子春從濮上來

歐虞部集

旅燕稿卷之四

十二

宜春連下苑十里色歲蕤白馬翩翩去金鞭半欲垂

徐生誇絕倡醉殺五陵豪我醉何持贈君王有賜袍

題友雲卷

雲來積金峰影落朱陽館先生不出山牕中共舒卷

題董體仁玉几山房

齋居玉几側秋草下帷青弟子誰都講來傳董氏

經

七言絕句

贛州歌 四首

東閩南粵帶郴西嶺北轅門號令齊鼓吹行邊萬
餘里風霆猶過漢山谿

翠浪玉虹南斗間庾關北走更千山大纛高牙秋
色裏白雲長對節樓閑

鬱孤臺下江月光白鵲樓前江水長何處邊笳傳
塞曲萬家砧杵滿城霜

歐虞部集

旅燕稿卷之四 三

籌邊軍府有高樓節制蠻方幾十州贛水城頭夜
吹笛梅花飛落楚門秋

小除夕至奉新

雪過青山馬上看故鄉千里歲將殘遙知祀竈比
鄰會獨念征人驛路寒

望玉笥山

羣玉諸峰不可羣斗牛千里此中分盪胸渺渺飛
鴻去天畔遙看一片雲

過石澗橋初入廬山

曲澗泠泠亂石中紅塵已隔幾千重從今欲控仙
人雀飛過匡廬第一峰

虎溪橋

虎嘯中原天地間白雲猶得一谿閑谿前送客師
應笑何事柴桑亦出山

白蓮社

淨土蓮曾幾度開遊人今日有宗雷高僧若結雲
中社誰更攢眉不肯來

善法堂

歐虞部集

旅燕稿卷之四 四

彌陀殿側遠公堂憶昔開山古道場緇素三千來
此會蒼茫禪海一津梁

講經堂

東林曾疏涅槃疑古木蒼蒼雪滿池弟子何人更
都講山猿猶似聽經時

許州道中

茅屋蕭蕭潁水斜行人何處問曹家春溪山下棠
梨樹猶自千條綴雪花

許下長途片雪殘貂裘狐帽過春寒題詩誇向江

南客贏得瓊瑤馬上看

過廣武

廣武山前雲色開
千年楚漢已塵埃
時無英雄有
豎子長嘯秋風天際來

題邯鄲呂仙祠

漳河西問主人餐
釜裏黃梁醉後看
聞道呂公會
一夢自憐驅馬過邯鄲

趙州大石仙橋

何處仙人倚石闌
騎驢曾此向長安
華清一笑遠
歐虞部集

旅燕稿卷之四 五

山後應憶西南棧道寒

登保定城望西北諸關

百里邊城倒馬關
白羊口外戍兵還
恩深一劍封
侯晚已覺風沙老客顏

烽火星連戰後雲
廟堂懸爵待殊勳
將軍萬里懷
金印明月胡笳夜夜聞

居庸關外虜降多
百萬旌旗奏凱歌
一望燕雲今

內地紫騮嘶過白溝河

三輔星屯護
帝京漁陽上谷盡精兵
漢家斥候

天山外不用勞軍細柳營

早過盧溝橋

客行萬里見金臺
曉渡盧溝霽色開
聽盡春鴻還
策馬關門應笑棄繻來

廣德寺禪堂觀牡丹

黃化翠竹散清芬
又見華髻一院雲
獨坐繙經臺
畔石幾回天女異香聞

王儀甫索題黎惟敬畫

綠柳晴波杳靄間
昆吾御宿直南山
仙郎尚記看
歐虞部集

旅燕稿卷之四 六

花處宮錦曾披跨馬還

題劉子脩畫牡丹送吳子允還白下

內苑繁花勝綺羅
五陵春色共經過
君歸獨把金
陵酒一曲誰同玉樹歌

春深魏紫滿雕闌
爾到江南尚未殘
獨有長安騎
馬客曲江亭上幾回看

送羅美至宰雲夢 五首

李白曾爲七澤遊
東窺雲夢帶昭丘
竹枝歌罷巴

童醉月在西陵萬樹秋

孤城更在楚江西，湏口千山夕照低。君去行春應
露寬，不堪烟雨聽猿啼。

於菟何處夢中歸，此地蒲騷舊壘非。試向關辛城
上望，楓林江水白雲飛。

使君遊獵苑雲開，明月珠旗曳楚臺。不羨子虛誇
作賦，相如還奏上林來。

漢江東下洞庭寒，賦客登樓把酒看。莫道烟波千
萬里，春鴻飛處是長安。

送許充復赴滁州

歐虞部集

旅燕稿卷之四 七

一舸江淮水寺鐘，看碑應到白雲重。風塵羨爾扶
藜去，秋滿琅玕七十峰。

送胡憲使伯賢赴滇中

六首

萬里中原一騎過，清秋飲馬渡黃河。不知何處登
樓賦，衡岳峰頭白鴈多。

詔下樓船習水犀，昆明更在益州西。非緣聖主賢
臣頌，爭遣王褒祀碧雞。

葉榆河上赤楓秋，霜落蒼山小隊遊。騎吹翩翩迎
漢使，諸蠻西拜五花樓。

島夷曾畏伏波軍，久見邊塵斷吐蕃。白日烟消西
洱海，青天雲捲雪山門。

南中孟獲七擒時，羽扇從容不用師。鈴閣治書逢
使者，函封先寄爨王碑。

腰間寶劍七星開，何限中朝贈策來。君上高峴還
北望，白榆秋色滿燕臺。

燕京遷居城南次韻答張鴻與倫紹周見訊
碣石宮前偶卜居，都亭奏記未堪書。上林亦有相
如賦，五色雲中望玉輿。

歐虞部集

旅燕稿卷之四 八

浮沉燕市結交新，擊筑酣呼滿四鄰。君看龍門誰
奮袂，自憐不識漢平津。

送梁判官之鬱林

臨蒸南去路悠哉，塞鴈飛時海燕回。一片鬱林猶
有石，政成還伴使君來。

劉仲恭索題文休承西湖圖

藕花風起綠波間，十里平湖十里山。載酒尋僧誰
可共，畫船吹笛月中還。

聞姚元白南還已過徐州

書寄彭城鴈已還春風先到秣陵關夢中不記黃樓上萬里天涯一片山

題陳士謙墨竹

劉北都所藏

詞客當年有釣臺檀欒猶見夾池開玉簫曾共吹明月何處雙飛碧鳳來

黎惟敬席上文休承有贈歌者戲和

二首

燕市悲歌酒易消雙聲流響入雲霄送君更唱江南曲草綠吳洲第幾橋

西第留歡更此宵清詩題贈董嬌燒錦袍明月江

歐虞部集

旅燕稿卷之四 九

船上誰共揚州聽玉簫

張侍御按浙還京吳侍御見招同飲萬金吾

園中因病不赴

紅藥花邊遣騎迎青絲空返獨含情曲中一片西

湖月閒殺文園病馬卿

好客將軍陳孟公門前時繫五花聰歌鐘不到書

生耳斗酒新豐明月中

韓虞部子成以詩招飲次韻戲答

馬似遊龍拂薊臺笑予猶得狎羣才韓嬰自冠儒

林學莫喚談詩在鼎來

寄李伯承

看花春盡薊門杯一出承明尚未迴曾是詞臣隨玉輦豈堪西望柏梁臺

南譙父老擁旌游杯底黃河百折流落日離騷君莫讀浮雲那似楚江秋

風塵九折畏途多濠上觀魚且自歌天末故人題尺素漆園爲吏意如何

君上秋風百尺臺白雲片片亂鴻哀江潭此去三

歐虞部集

旅燕稿卷之四 十

千里那得瑤華遠寄來

寄蘇子冲

酒錢正待蘇司業三月水邊多麗人君自曲江騎

馬過那能不醉五陵春

雪中題林逋觀梅圖

徵君不出意何如雪滿孤山一草廬詩在水邊籬

落處豈堪西上茂陵書

題孫參軍荔枝練鵲

紅雲開實滿林香海鳥孤飛練帶長粵客賦成西

掖裏荔丹時節最思鄉

胡仲一談嘉州凌雲寺之勝王叔承欣然賦

詩便欲西遊邀予同作

四首

巴渝千里望峨眉風急蒲帆片片吹日暮嘉陵江
上客竹枝歌裏蹋船兒

凌雲樓閣半空懸躑躅花濺雨更然五百比丘趨
講席人天會裏盡成仙

嘉州無數好山名雪下岷峨春水生曾共高僧談
出世尸陀林在鉢羅城

歐虞部集

旅燕稿卷之四 上

楚天猿嘯斷人腸魚腹白鹽歸客航我欲裁書寄
三峽不知何處棹相將

對雪東沈山人懋學

三首

白髮黃金未易成何年揖別漢公卿翩翩東郭先
生履猶向長安雪上行

木落女兒湖水低雪花飛過斷橋西孤山山畔梅

千樹曾見詩人一杖藜

風雪驢車且未還暫留薊子在人間開窗誰識揮

毫意畫出江南萬疊山

題元人唐子華捕魚圖

二首

漫郎家世在烟波一落紅塵失釣簑回首芙蓉溪
上艇買魚沽酒意如何

悲歌彈鋏欲何依春鰕秋鱸幸自肥手把漁竿容
易去五湖烟月待人歸

送張伯哀參軍之塞上

二首

出關沙草漸萋萋虎帳孤懸涿鹿西塞上題書須
早寄莫令投筆過摩笄

桑乾明月照琵琶都護西行莫憶家千騎不聞刁

歐虞部集

旅燕稿卷之四 上

斗擊鏡歌歸及上林花

和戴伯常種蘭同魏順甫賦

賜沐郊園正早春碧蘭爲佩尚堪紉明朝握向龍
樓側不扈江籬似楚臣

楚人賦本似離騷燕領將軍亦綵毫一自蘭臺陪
宴後十年香草憶江皋

留別劉比部仲恭

二首

客子當筵意氣真滿天霜雪一沾巾千杯不醉襄
陵酒明日開河萬里人

上黨天低南北分 帝鄉攜手戀青雲
心期五嶺春鴻鴈還把瑤華一寄君

泰山四首

封禪壇

芝泥封石滿天壇
燎玉無光月色寒
七十二君何處去
白雲空自繞闌干

仙人橋

聞道青螺去復回
何年驅石過蓬萊
我今岳頂食靈氣
更待安期海上來

歐虞部集

旅燕稿卷之四 三

日觀峰

一出金門奉紫泥
孤燈日觀聽仙雞
君看東海扶桑影
高照長安玉殿西

觀海樓

海霧冥冥遠接天
蜃樓東與岳雲連
十洲只在三山外
不遣樓船更候仙

旅燕稿卷四

旅燕集後序

吾師歐楨伯先生蚤以經學聞粵中部使者及督學諸公莫不稱重爲五嶺以南第一人也嘉靖壬戌歲薦北上文賦翩翩起一日名動燕市館閣部臺諸稱文章家者輻輳輟接於旅食之館而海內翰卿詞客畸人逸士什九論交焉先生通而介樂於過從倦於請謁不以一褐自慙不爲千金動色游於諸公間引觴談藝逡逡如也彙其所作爲旅燕稿四卷丙寅先生爲江都博士樞習毛詩章句

歐虞部集

旅燕稿後序

四

士耳先生授之詩說爲之講解而不以告文辭教人亦不立門戶講學倫理甚篤行誼最著蓋鞠躬君子哉近歲弟子之於師受舉業者每刻課文談心性者則刻語錄樞不能也獲侍齋中三年今先生隨牒光州門墻日遠思負朝夕之教因卽卽生所錄旅燕稿刻焉若夫先生詩詞之高古已著海內矣樞豈敢評品哉

隆慶三年十一月長至日江都門生徐樞頓首書

浮淮集序

當

世宗時六七大夫講業燕中而不佞謬名能私其緒居無何相繼得罪斥謫或自引去天下操觚之士避之吻齒外而南海歐大任先生獨好其言以爲足當我歐先生於書無所不窺其大要非西京建安而下至開元亡述也其屢屢遍戶闔業非以六七大夫亡當也歐先生受經爲

歐虞部集

序

南海諸生甚著竟不第而游燕一日而傾燕之士人而竟亡能薦之者爲學官江都會淮以南鮮雅慕歐先生默默不自得益肆其力於文章其文章益高然度以自愉快而已而會不佞強起過江都六七大夫非物故則亦起旬日而過江都者二三輩歐先生權甚出一編相示曰此吾所自愉快者也環吾齋樹苜蓿而以畝計晨光蕭然旬雨而苜蓿無如徑者則以轍跡寡也

吾編成而蜚網其首晨始拂拭者爲子也子其

序之不佞竟讀乃曰歐先生而亦知而世乎哉

世類重顯位而歐先生仕僅一命爲學官世急

材譖比備匈奴南備粵而歐先生操五寸管從

冊鉛之業世好慕俠長者游而歐先生所欲獨

當六七大夫咄嗟吾見而之日以窮也歐先生

曰不然也吾嚮者下彭城度淮而後南也渺乎

若瓠落而無所用之剗以爲五石樽汎汎乎江

歐虞部集

序

二

湖而不知其止也彼豈以爲有所值哉必有所值而後稱適則亦晚矣且昔司馬子長二十而游江淮上會稽闢九疑浮於沅湘尼因鄱薛彭城時豈有六七大夫足知者吾得長爲我足矣於是名其集浮淮而不佞序其意淮以南有宗子相臣者是六七大夫中人也而天往御史檄歐先生采淮賈大夫業歐先生檄諸邑學官顧獨遺子相歐先生意不憚也曰豈可以當吾世

而失子相乃爲宗臣傳上太史具集中嗚呼歐
先生無負淮矣

隆慶戊辰冬吳郡王世貞撰

浮淮集

嶺南歐大任植伯

五言古詩

浮淮

南征浮淮水行邁方余舟桐栢導西來湍激從安
流鴻瀨下渦浦高濫見馬丘揚颿唱歸風擊汰齊
櫂謳夕曜漏明月燭燭蟻珠浮龜龍騰以嬉鵠鴈
翩其游在昔省徐方師旅戒萬艘水軍發譙城舳
舳泛悠悠俛仰憶往事波駭今千秋曙色蕩溟昧
商飈復颺颺竭來肅王程耽賞非所謀詠言仲宣
賦渺矣懷九州

廣陵行

赤日淪金鏡黃樞闇璿圖茲邦據海甸自昔繁麗
區邛溝過山陽夫差以馳驅九鼎未入泗祭胙歸
勾吳漢宗有劉濞拒諫干天誅非也治宮館思霸
蔑碩儒枚生宅空歸董相井亦蕪蹟往傷荆祀時
來念屠沽隋家代云季南巡握靈符持檝下汴水
開門朝江都龍旗逼象緯鳳晨臨星湖奏樂九曲

池飛螢滿山隅兒童歌李花高臺夕懽娛當時墮
簪珥今人拾瓊珠寶帳荒月觀錦帆散秋菰我行
一灑泪悲歌雜啼蛄翩翩游俠子粲粲傾城姝借
問東陵貴何如青門夫

感遇 六首

高樓在西北崔嵬青雲端綺窓玉玲瓏阿閣椒與
蘭明月滄池東列宿麗且繁中庭涼飈激肅肅羅
帷寒佳人耿天末荒草霜露殘微音不可聞哀絲
詎能彈朝亦以悲酸暮亦以汎瀾妾有榜柁歌誰

爲平生歡

浮淮卷之一

鴻鵠顧其羽池上鳴趨踰四海求匹儔獨立每彷徨
昔余從南來薄游入燕京浮雲夾車轂明星照
干將斂足聲利區矯翼翰墨場流覽驅百代狂瀾
浩縱橫大雅忽在茲中原幸相當披褐拂輦屬周
旋翺以翔千載在一朝離合寧可常邈哉二三子
念我雙明璫

改服承嘉惠顧盼昭王臺黃金竟安在碣石浮雲
開邯鄲一鼓瑟易水風且哀燕趙悲歌人忼慷懷

歸來

東登泰山上下有滄海流晞髮餐日精一望麟鳳
洲渺渺三神山宮闕如雲浮虞巡柴岱宗肆覲東
諸侯登封七十家升中乃射牛燕齊搢腕談入海
多宿留安期不可遇羨門不可求蕭然與石閭日
月今千秋吾將仍羽人乘騎於丹丘還顧望大河
北風水增波梁王召詞臣賓客來相過日暮登平
臺積雪高嵯峨游子一長嘯更爲蓬池歌蒯綬行
自憐古歡今如何

卷之十一

長淮卷之十一

三

長淮向南流直過曲江側子弟昔娛游枚馬來偃
息伊余遭清時濫荷公府辟承明別我友肅穆廣
陵後躡步文學林筆札墻下積月請有升斗商歌
出金石朝陽梧桐枝矯矯鳳凰翼七裏欲報君思
見君顏色

楊子江樓感秋作

江介秋以風蕪城更蕭索叢薄隕其英繁林紛且
落清波何湛湛露下警孤鶴蟋蟀吟荒庭流螢照
羅幕亭臯眺萬里淮楚引嵩洛關山鴻鴈來高樓

夜嚴柝飛蓬一失路曹耦非所托推轂謝金張回
車避桑霍徒勤載酒人頗哂校書閣檮散幸自存
雖伏祇能樂微尚夙所秉因之悟龍蠖

擬古四首

窈窕芙蓉池乃在西園側池上雙鴛鴦金戲朝與
夕別君已三載弦望無消息寒溫寧得知何況見
顏色踟躕念離居沈憂不能食願因東南風一送
歸飛翼

卷之十一

長淮卷之十一

四

塞別指雙星期零露秋未返急景逝若飛蘭茝忽
已晚曲房驚飈來一夕三輾轉攬衣不下堂河漢
自清淺

松柏何鬱鬱其上維女蘿浮萍失本根飄泊隨清
波昔奉君子歡贈我絲五紵宛轉結同心璧繡字
不磨何意人睽離空室蚺蟻多馨香竟不滅嘆息
將如何

美人在長安音微聞復闊不奉君光儀膏沐委蓬
髮青鳥西飛還報我一書札字字長相思歸期邈

秦越妾如霜中花君如雲間月非君是妾夫一心誰能察

寄李于鱗二首

我昔泰山隅窈窕逢二童云有一真人翱翔紫虛中手翳金芝草乘彼雙飛龍玄豹戲其西玉鶴鳴其東朝夕講要眇王喬與韓終童子導謁入可望不可從真人謂我前蒲伏於下風金杵藥一丸服之凌太空身輕颯毛羽倏忽還崆峒弭節一望之扶桑日曠瞳行將謁東父去矣游無窮

歐陽修集

浮淮卷之一

五

八荒不可歷九夷非可居遙睇白雪樓仙人之所廬飄飄忽欲往六翮凌天衢浮雲翼我轂高風吹我裾徘徊東廂下曠劫還來趨其前當員嶠後則爲岱輿鸞歌鳳亦舞螭龍夾門樞東方沆瀣漿嗽之粗穢除蟪蛄不及秋寧與天壤俱超舉誰謂遠招悵將焉如

上巳修禊周氏園

暮春屆初已講禊出西廓从敦同志情竟踐名區約芳晨迎惠風陰雷散林薄山椒冒浮雲高榭紛

漠漠睨睨倉庚鳴的礫桃華灼浮鷁邗溝來一上臨河閭池竹比會稽冠簪似東洛頗欲被春衣無穢不可濯覽勝得所遣委懷理何作忻然躡步游水曲行觴酌誰知徇祿人獨戀滄洲樂千古徵在今賞心寄丘壑

潛河泛舟過法海寺西尋九曲池

晨出廣陵城氣候喜晴旭生烟織前林襟英紛滿矚長河理輕舟賓朋偶相逐周覽問故基興沒半平陸灌木傍禪棲迴谿蔭修竹十里螢苑西往化

歐陽修集

浮淮卷之一

六

聞薦荅陸生

伊昔公車門上宰迴光盼芳條待鳳棲尺水假鵬變自惟骯髒姿豈當廁時彥衣褐出都亭矯迹文學掾江東談空言雲蒸集中弁裹足不敢趨拙守亦已狎異同幸免斥貞孤願終賤以此俟知已泣玉誠羞銜 聖朝重師儒優渥示慈眷雲披在

朝河清幸茲見何當開府書忽奏承明殿英哲顧
良深微薄非敢援納祿且有期始辱甘泉薦感恩
草莽多望闕犬馬戀君同尚子懷已察長卿倦嗒
焉謝芬華知我方勝戰

送徐子與 四首

北還風葉稀南徂霜鴻飛念我携手好別袂安可
揮吳波逗魚素楚關迎豸衣逃矣賦行邁留者歌
式微

淮流我方泝漢水君已渡纓弁樊山酒羽獵雲夢

此處即集

洋淮卷之一

七

賦合沓二別峰潞汨三湘路離愛篤所歡長波渺

烟霧

送美川坻阻羈宦歲年積感君金石交綢繆共昕

夕睠茲鄂渚游况奉武昌役芳馨入楚辭一奏荆

臺側

繾綣情不隔棲宿理無恒江水青楓落烟臯白蘋

生南望歲蕤羽北歸翔紫庭江潭振環佩遲爾趨

承明

送王元美 二首

雞鳴戒軒車朝日照衣襜我友奉簡書肅穆遠行
邁澣澣黃河流燕趙下飛旆淮徐不可期疾驅過
吳會越人望前綏海邦盡縈帶嶽崑天目山顧念
心所愛青瑩雙龍劒並躍萬里外勉矣茂芳猷及
此熙明代

矯翼值嘉運遇子淮河干斗酒無常期傾蓋良已
驩騶虞不踐草鳳凰顧其鴝一語可千載蕭艾亦
爲蘭冠蓋豈無友綢繆唯肺肝松栢歲未陰蟪蛄
知天寒中宵念美人明月西南端子其策高足思

此處即集

洋淮卷之一

八

我河上言

許殿卿悼亡 二首

涼風七月至清霜被叢薄絡緯當窓啼芙蓉向池
落佳人不得年重泉寄冥漠昔爲雙棲鸞今作單
飛鶴悽悽結沉憂撼撼感離索中宵熠燿微素蟾
耿羅幕誰能結髮情不念齊眉客

苔閨日以積塵案日以淡純素委不御四鄰響哀
砧撫襟悼非一夢寐不可尋昔歡向徂隔茲恨何
蕭條樹蔭非銷憂遺佩猶同心潘生洛渙年哀淚

誰能禁

浮淮集卷之一終

歐陽文忠公集

浮淮集卷之一

九

浮淮集

嶺南歐大任楨伯甫著

七言古詩

皇州春色歌送余君房沈昌吾

憶昔曾逢小謝遊歌中春色滿皇州皇州盛麗可想見今日長安古蘄丘百二山河佳氣迥三千宮殿翠雲浮宮桃似錦籠仙苑禁禦飄英泛御溝御溝流水接平橋戚里侯門傍九霄紺幃青牛紛屢過朱簾紫鸞競相邀烟深樹下銀鐙出日暖樓中

歐陽修集

浮淮卷之二

一

寶瑟調曲檻移春多粉黛華堂宴客半金貂貂蟬莫問金張里塵起九衢帶三市頻來御史府中趨醉輿丞相車前倚漢家全盛正斯時五柞長楊獵騎馳細草漸連千里路新鶯初轉萬年枝郊原綺錯青陽遍歌管雲停白晝遲太液晴波光似練未央垂柳色如絲柳色波光杳靄間神臯五時直南山看君金轡長安日紅杏花邊一醉還

荅史叔戴見寄

長裾狎賢豪史公猶未遇海內蚤知名匪但工詞

賦賦就時時凌子虛漢庭誰解薦相如秋風寄我五色字何異洞庭霜橘書我別姑蘇二十春夢中不識賃舂人吳門市卒如相見或是當年梅子真

維揚太守行

維揚太守何雄哉朝天昨上黃金臺鷄喈喈魚鱗開烏鵲飛五馬來旦以驅夕以馳出宣土德思民疲上曰三輔汝治之五穀再熟蠶八絲子第矜佩談書詩飭遣隨計刀布齎丁庸不取釜不肥騎竹之童請還期九門煌煌日漸高天官尚書奏

歐陽修集

浮淮卷之二

二

爾勞有詔解賜秋水刀襜帷敕去章賢豪幸哉淮海今樂土維揚太守民父母何以壽之酒與脯何以樂之歌且舞蜚蜚者旃噉噉其鸞躡驄父馬行翩翩中和樂職歌殿前願我聖主壽萬年

雪鶴亭爲吳虎臣題

三鶴伶俜思其雄引吭寒夜臨悲風低回顧影單棲窮寧慕凡鳥污泥中是時朔吹號蒼穹雪花如掌飛瑤空庭前玉峰聳玲瓏松竹半折墻西東三鶴洗濯毛羽同引雛翩翩緜與嵩雛也少小如仙

童養之千年砂始紅口銜赤玉蒼精龍太室長揖
浮丘公王母欲訪三鶴蹤西來青鳥尺書通玉箱
奉藥芝泥封侑之三花烟濛濛黃山白嶽開房櫳
玉和瓊漿飲啄豐一曲南飛壽重瞳吾將獻之蓬
萊宮

荅張幼干

翩翩張生出具區少年海內稱神駒赤霄縣圃倏
咫尺王良造父不敢驅總角才名滿江左牛醫小
兒奚足俱諸公托交折行輩一時詞客同操觚

歐虞部集

洋淮卷之二

三

京三都賦已就石渠未得陪文儒山窓晝展赫蹏
紙落筆亂洒紅珊瑚新詩慘淡見顏色矯矯已變
吳門趨羅浮以南一樵夫折腰斗粟來江都生也
昨寄五君詠謂我稍異章句徒心知太阿易沉蔽
斗間之氣何代無長鯨跋浪鼓其翼憑凌風雨開
江湖南星館前玉尊月何夕抱瑟前歌呼五噫關
東虬者鬚寥廓青天鴻鵠孤

酬許殿卿大梁見寄

憶君鼓楫大河流日侍梁園飛蓋游梁園賓客冠

歐虞部集

洋淮卷之二

四

簪盛豈但當時枚與鄒司馬授簡居客右君以雪
賦聞諸侯園中十畝檀欒竹鴈池西接鳴鶴洲寒
波忽起哀絲側吹臺不斷黃雲愁白首王門有吏
隱自我不見今五秋秋風雙鯉汴中至題械每有
左史字清詩滿紙懷江都琅玕三尺頗相寄通淮
樓外桐栢水荒堤馬上夷門使捐脰寧無俟報章
苦心稍已輸能事讀書恨不過惠施多聞誰解如
胥季學掾九牛而一毛破瓊寥落飯鹽豉看君曳
裾差稱意况有斗酒自可醉余游將赴海岱期丈
夫邨得長摧眉君但大梁遙相思

廣陵竹西亭十里與李于鱗別

邗溝十里江淮水枚乘家在淮陰市修竹歌投梁
孝王飛濤色起吳太子悲風此地千年來豈知今
日吾與爾爾從起家作藩使山東李公滿人耳憶
昔三秦早拂衣濟南殆欲終焉矣芒屨能時岱岳
行釣竿秋向東溟洗指揮萬象恣鞭笞叱咤羣龍
鬬奇詭睥睨湘水窺河梁上薄風雅下正始馮馮
氣直凌蒼昊獨立萬古風雲徙東游會稽觀禹穴

秦人甬道越人壘數子么麼不足當憑軾下之揮
尺箠吾本嶺外之狂士低眉齷齪談簞簋目攝賢
豪暗啞間干將上射斗牛紫逢爾揚州城送爾竹
西里翩然兩黃鵠高翼不可比舉觴落日天蒼茫
平生肝膽頗相視未能並徹孟諸野稍亦思歸南
海淚重來握手或有期客星夜夜江淮起

漕河上送徐子與王元美秋夜飲別歌

海內作者誰最雄先朝曾覩三四公徐生飛揚天
目側王生奮起滄海東獨以深心辨古色斟酌元

歐虞事集

浮淮卷之二

五

氣播國風扶搖九萬海波立天吳起舞號祝融須
彌芥子直眇小八九雲夢吞胸中陵轢屈宋睨童
賈憤薄宇宙開洪濛漢庭昔日尊黃老筆札誰奏
長楊宮邇來隆慶中興日二子並爲清時出臺省
公卿轂競推交游賓客席半膝氣激扶風豪士歌
醉挾邯鄲美人瑟錦帆西過揚州門蕪城不數叅
軍筆是時秋風動楊子白蘋已老淮南浦滿目丹
楓胡鴈天行人明月秦郵樹城中載酒盡出祖不
意二子傾肺腑使我烟霞浩蕩心卽堪一目論萬

古坐上起邀江左笛鄰舟解擊漁陽鼓逡巡但坐
頻引酌夜深欲別不能語徐生將送王生留馬前
亂落星如雨牽衣期我仍慙慙刁斗孤城誰忍聞
燕趙題書報消息更須一約濟南君

吳鈞行荅劉子威

魚腸扁諸射斗牛人間誰識雙吳鈞鯨鯢簸浪雷
電激分飛豈合三千秋君生東吳我南粵形影萬
里兩闊絕長空紫氣徒爾高雙鈞西照芙蓉闕側
身胡爲在窮髮苦欲識君不能謁揮絃一送滄洲
鵠把釣空懷五湖月君乎意氣大自奇尺書寄我
河梁詩神交慘淡論肝膽滿目青雲世上兒只今
作者盛昭代登壇叱咤千人廢風格能令冠一時
才華久已推前輩鸞斯未用學鸚鵡丘垤寧須擬
嵩岱前驅自許當單于一笑便堪迷下蔡得此械
藏山笥中蕪城夜夜精光在我自蒯緱何所之哀
歌斫地魑魅悲天堯把臂豈易得斗酒驩呼君莫
疑君莫疑行莫遲願似吳鈞江上合風濤毋遺遙
相思

歐虞事集

浮淮卷之二

六

魏子行寄季朗

君不見仲連曾是魯諸生飛書早射聊城箭君不見東方老作公車人待詔頗上承明殿今之魏子胡乃爾落魄吳門事枯硯魏子習與劉生游並究六藝綜九流胸羅萬象紛鏡別手持寸管窮雕搜霹靂亂飛蛟鰐起山鬼驚遯海若愁精凝造化在機杼神解鋒刃無全牛梓慶不加成鑠氣紀昌寧以觸矢憂著書上已窺騷雅么麼數子奚足儔丈夫屈首學章句十年未獻長楊賦空傷騏驥混鶩

歐虞部集

卷之二

七

駘誰憐寶鼎同康瓠我也白髮尚蹉跎肉食雄飛感慨多汝曹豈是泥塗客薦引無人禁爾何君不見文章風節可千古崑兀山岳流江河子今有酒且但飲醉聽江都博士歌

邵生行

孟堅避讐廣陵以皇甫子循黃淳甫史叔載張幼于書見訪及再至則劉子威詩見及矣余甚愧其言於是作邵生行

丈夫雄飛在萬里豈能吹簫吳門市季布曾藏廣

柳中石父亦解纍囚裏沐浴衣冠思五穀髡鉗奴

婢遭尺箠黥足猶堪報馬陵持竿尚得過淮水窮

猿投木客堪傷家室輕裝寄夏陽寶也役作良可

惜世上豈有扶風王君不見漢家昨下寬大詔邵

生稍免獄吏笑避讐孤劔渡江來蘆中之人其窘

哉心知解衣爲國士顧我終愧羊角哀劉子送之

攝其目吾曹頗辨荆山玉當路憐才未可期廣陵

難請監河粟甌塵何似范史雲含菽亦有閔仲叔

十年不炊門不開洛陽且向靈臺宿厚餉潑辭魚

歐虞部集

卷之二

八

復侯布衣不謁荊州牧知有平生溫大夫車前應
烈窮途哭邗江落日又離羣奮起徒中每策勳田
甲豈知韓長孺灞亭誰識李將軍

周綸臨關全松鶴圖爲卞開州賦

礪石嵯峨山礪礪洞黃潭黑龍猶臥瀑布長飄萬
里風巖雲半裂芙蓉墮臨崖撐空八松起西林濕
汨松濤裏下有茯苓千歲精上有垂蘿與懸蘿劃
然雙鶴忽南飛九霄鳴聲落人耳珠樹將尋少室
棲縞衣欲向丹丘徙關全此本出奇詭下筆燥硬

自一體連峰遠勢辨尺咫彷彿徂徠在庭祀京口
周綸稱畫史工於臨摹得其似高樓有客爲誰氏
開州使君卜夫子年今六十顏如童微官自比漆
園爾大兒文學字長卿持觴上壽歌燕喜松鶴天
中烟霧開夫子高樓不下來金醴日進三千杯滄
海清淺寧問哉誰云夫子非仙吏東方之桃門外
至

送海虞韋生獻雅樂入京

昔人夢游上帝所洞庭一聽鈞天樂况今景業開

歐虞部集

洋淮卷之二

九

重熙二百年來雅音作聖人宮中奏雲門庠序諸
生皆舞勺揚旌樹羽曉克庭伐鼓縱金書開閣參
差九夏紛然陳肅穆八風暢而樂鳳鳴獸舞此一
時韶護英莖未寥落韋生樂譜是家傳謳得中和
樂職篇管從嶰谷偏能承磬出健爲每自編廣陵
散絕白雲墮竇公鏗鏘半摧破瑩篴一曲世喜聞
歌翻古調文侯臥泱泱東海大風哉此地延陵季
子來垂衣黼晨夷夔列待爾持函殿上開生也際
會趨蓬萊南薰吹從天上回小臣憶得師書在藏

寄九成千古臺

余師黃泰泉先生著
有樂典未上故云

吳少蒙北上余將赴光州賦別長句

昔游汝南與君友雪中共醉平輿酒今日淮南與
君別尊前又遇蕪城雪回首星霜已七年當時地
主使君賢使君姓徐字子與郡齋賓客常滿前下
榻共推陳仲舉游山况似謝臨川一從罷郡播遷
从姓名借客亦可憐起家昨歲淮南過誦君佳句
在口邊君渡江來復游薊散裘却向并門曳值余
忽捧浮光檄出郊難判廣陵袂汝水悠悠望薊雲
歐虞部集 洋淮卷之二 一
周璆郡裏或相聞公卿置驛長安否應憶風流徐
使君

廣陵城西與蔡德玄別

君爲趙人我南粵曾過邯鄲未交謁高歌叢臺孟
春月太行蒼蒼水欲裂抱瓊隨牒廣陵城同官意
氣如平生愛君然諾有古誼顧我骯髒非世情瓊
花幾醉淮南酒玉穆同食江上羹黃子湖頭波浪
駭孫家樓上夢魂驚持鞭兀睡市皆笑引滿酣歌
坐盡傾三年歷落眼中事一官何有世上名是時

移君教沔縣而我改秩光州行蕪城西郊雪千點
我向中原君向陝騎馬南遵汝水長聽雞西渡褒
城險殘冬跋涉征衣薄萬里關山別懷黯風期浩
蕩本相親此別分鑣淚滿巾他年倘出洛河路還
訪邯鄲挾瑟人

浮淮集卷之二終

歐虞部集

浮淮卷之二

十一

浮淮集

嶺南歐大任楨伯甫著

五言律詩

始至江都學舍適逢新秋京口姚伯子見過

同馮劉二僚長小集

何來合浦葉偶向清淮流蔣徑吾初掃蕭齋客共
留金尊延閣月玉樹廣陵秋且得忘幽獨天涯半
舊遊

郭次甫自焦山過訪卽往東岱

歐陽修集

浮淮卷之三

上

十年霞外蹤五遊今乍逢
僮迎焦處士巾似郭林
宗甕對山池酒猶思水寺鐘
他時望金策應在丈人峰

過何別駕介之朱明府仲開同集

百里勞車騎西來一叩肩
題詩何遜閣載酒子雲
亭几杖探靈氣兒童望德星
廣陵今絕調難向衆人聽

同方明府夜集沈監丞宅

編喜從車騎言尋晚逕香
星前猶單父池上卽高

陽秉燭觴寧算題詩漏正長
未須疑卜晝難得此宵良

結構初成日子來賦考槃
江霜飄皂蓋林月射銀鞍
圖史蘇司業賓朋管幼安
秋容娛佚老扶醉幾回看

送邵進士還餘姚

凍浦豈堪別戒舟先有期
沙鴻迎客過園竹待君
窺雪暗梅梁石江深孝女
祠北來如奏賦須及射熊時

歐陽修集

浮淮卷之三

二

朱仲開黃定父吳孝父邵長孺管建初鄒君
植陸無從過飲得名字

滌園容吏隱江海一尊情
醉裏星猶聚歌中雪有聲
解貂憐意氣看劍贈生平
豈是邯鄲俠空多結客名

周公瑕自濟上見過

爾作山東客新從歷下來
中原憐數子落日一登臺
曉轡關門氣飛書幕府才
不堪廣陵別沙際亂鴻哀

送吳克之還歙因遊浙中

新安百里水直下浙江流故人從此去相送淮南
秋楊柳落已盡鸛姑鳴更愁何時一書札西寄廣
陵樓

冬日同金在衡姚伯子李鳴卿集陳伯春別

業得青字

木榻長留客寒栖一草亭納雲窓欲白經雪竹偏
青避世容高臥隨人畏獨醒因君心更遠何異在
林垌

飲真部集

洋流卷之三

三

立春後二日雪

颯颯海雲殘星沉萬戶寒春從前日至雪向此宵
看髮短簪偏冷囊空酒易乾洛陽賓客地且得臥
袁安

黑將軍邀泛舟送黃判官雪中不得赴

浮舟不相送飛旆便離羣河雪魚爭避江春鴈獨
聞藍田防醉尉瓠水憶將軍意氣惟看汝飄零更
策勳

學舍除夕

淮海望鄉遙幾年尚此宵宮花簪勝在官燭簇盤
燒白髮思含菽青蠶一願椒追趨慚筆札何補
聖明朝

西園牡丹讌集 并引

卞進士汝霖園在廣陵城西花石之盛甲於
淮南隆慶改元三月旣望殷進士起莘輩
十二子約方明府允治熊博士國良及余
以十九日看牡丹於園中值允治忽有海
陵之役兼以風雨連日大作花落者什九

飲真部集

洋流卷之三

四

矣二十又三日余三人始能赴約紅白二
種尚數朶照暎几席不減京洛也酒酣因
與諸君共賦以紀燕集之興云

國色廣陵新西園約屢申驅馳虛勝賞風雨度芳
晨玉佩頻迎客紅粧尚待人鶯聲君試聽猶似曲
江春

幽興春偏劇名園酒更催看花潘令約領客習池
來露葦三江爭雲根五岳開石欄絲管急秉燭未
能迴

晦日姚唯之茅平仲管建初蔣子夏陸無從

飲齋中得春字

花飛楊子津君尋齋中人芍藥不可贈櫻桃何太
勻紅蘭楚客醉白苧吳歌新明月扁舟上相思江
南春

夏日泰州光孝禪房東王子慎方允治

丈室隱茅茨清齋繕性時教曾黃石許心果白鷗
知習睡憎便腹談詩畏解頤悠然懷二子風雅得
吾師

歐虞部集

浮淮卷之三

五

鳴磬海樓東棲禪亦此中伏牛千古事驅馬衆人
同過郢歌誰和遊齊瑟自工所期飛錫去從爾御
冷風

贈范子宣

高秋建禮直羨爾奉明君典客如韓暨檇詞亦
范雲山齋天璽帖江雨海鵬文儻有相思字西風
寄鴈羣

送通州葛秀才赴舉

銅鞮葛公子逢掖魯諸生淮海推能賦江津送獨

行劍鳴秋氣早馬躍暮雲平看爾持雙壁秦人待
客卿

寄俞仲蔚

一葦不可渡憶君東路遙霜清江閣夕葉落海門
潮舊業通儒素深棲頌聖朝書成千古事應足
老漁樵

憶周汝礪

都亭一以別聞爾在毘陵白袷初歸客青山不負
永持醪因嫩菊擘蟹愛寒蒸從此秋風艇江南憶
歐虞部集

浮淮卷之三

六

季鷹

重陽後一日陸華甫蔣子夏吳子化陸無從
邵長孺集齋中得南字時華父將渡江

九日忽已過還來卷幔談烟波迷泗口木葉下淮
南嚴菊初成逕山醪不滿甌相將堪一醉容易隔
江潭

次韻荅郭膳部篤周見懷

典禮趨東省親逢主好文注書推郭象識字過
楊雲舊苑長楊賦中原細柳軍此時勞尺素何處

挹清芬

使者秋相問北來飛騎書
天長淮樹小江冷蘄鴻
疎白髮愁難遣黃花飽
有餘登臺望京闕千里獨
躊躇

寄范于公祠部兼訊王百穀

曾憶爲郎从祠官秩更清
握蘭趨建禮起草直承
明有夢尋東省何人念
長卿王褒今待詔因爾寄
同聲

邵長孺還休寧因寄金惟良

歐虞部集

洋淮卷之三

七

歲晚寧親去椒盤憶弟昆
黃山蒼雪路練水白雲
源松菊自荒徑兒童今候
門西行逢處士爲我問
梁園

吳志道董文蔚見過

殘帙朝猶檢寒齋午始開
徑爲三益待客自四明
來積霰梅花閣飛霞竹葉
杯媿君酣賞意燒燭未能
迴

王仲房以書遣慧光上人訂棲霞之約賦此

奉荅

攝山吾未到先識白眉僧
瓶汲千江水堂開七祖
燈飲泉君早悟住岳我
偏能幸寄東林疏樞衣叩
上乘

贈寫生劉山人還會稽

早已傳家學奇遊更擅能
英風多寫鵲誤筆乍爲
蠅江左名先著山陰興
頗乘扁舟勞尺素知爾渡
西陵

送廬州別駕郭子坤擢淮王長史

歐虞部集

洋淮卷之三

八

廬江推治行歷下識吾徒
裾向何門曳輿曾大府
趨芝山瞻霍岳淮水過
鄱湖知爾凌雲賦風流在
漢都

送張羽王赴黎平

一官三佐郡謫宦更將荆
暮雨傳雙淚春鶯聽九
歌黔中秦道路徼外漢
山河蘭佩還堪贈臨湘
憶汝多

送蘇子川奉使還京

剡水舟初返邗江雨忽開
甍爲金馬使曾是步兵
才驛下淮流出尊前酒
色來難將羈客賦因爾奏

蓬萊

懷關中王生

聞君住岳从生計未全疎石磴秋猶濕松苓日自
鋤沉冥無所問服食更何如知有山濤舉稽康莫
報書

贈吳孝甫

夫君何所夢白雲千古愁霜飛淮南草月落瀟湘
秋鳳鳥望不至琅玕何處投臨風雙淚斷爲寄西
康州

歸震甫集

江准卷之三

九

送邵長孺之楚歸父櫬

送送不得遠鳥啼君奈何襄園扶旅櫬郢路一悲
歌哀些招魂迴沉碑墮淚多故山成冢樹相憶在
烟蘿

送中父過趙并游潞下

結束西游去江淮共此尊璧終辭客邸裾自曳王
門夜雪漳河騎春花潞子園呂安曾佐鍛莫負竹
林言

寄謝茂秦

鄴下使空返潞南書更難祇應勞遠夢何以報加

餐賓客平原散衣裘上黨寒行藏君莫問吾自老

江干

李宗夏輓詞

巫陽吾欲問魂去不堪呼精衛沉滄海芻靈送孟
諸階荒珠履散銘掩白雲孤掛劒酬心許應知客
在吳

送顧計部還京

漕河風雪後使者入燕關邊餉疲諸郡軍符走萬

歸震甫集

江准卷之三

十

山臘將尊酒盡春共佩刀還法從多詞客思君豹

尾間

王中丞輓歌

麟閣圖空在龍城戰已危死綬何所望投杼竟深
疑風慘將軍樹雲愁太白旗主恩昭洗日應不
恨鳴夷

數奇軍失路落日哭蒼天楚些招魂夕吳鉤賜葬
年戰猶思鉅鹿冢已像祁連部曲傷心處松楸萬
樹烟

贈月上人

山中見自性跌坐已多年桐帽鍾陵月茶鑪白乳
泉談經參澗鹿裁衲學谿田乞法君何去祇園卽
是禪

陸元德从客宜興頃以篇什見寄歲晚懷之
爾昨荆溪去棲遲已數年自稱三洞長不問五湖
船寄橋溪秋後含椒獻歲前兩鄉俱作客搔首向
江天

懷靳師道

歐陽修集

江准卷之三

十一

鐵甕城邊路懷人徑寸心夕鴻前浦遠春雨大江
深筆札留東觀風雲在上林游閒知愛客飛蓋日
相尋

送梁慶伯同思伯北上

茱萸灣下路送送故鄉人載酒聽黃鳥浮舟過綠
蘋玄成經笥學司馬使軺臣共向長安去承恩紫
禁春

過高郵寄柳彬仲

問驛高沙館思君玄草亭花能連帳絳山自入簾

青隱几官如水揚帆客是星朱絃雙瑣在難向柳
侯聽

淮陰驛逢童子鳴管建初北上

扁舟吾鬢繫把袂爾何期斗酒相逢處天涯問所
之淮陰人罷釣吳市各吹簫遇合千秋事 君王
正好奇

漂母祠

落日淮陰市蕭蕭一廟存絮曾何處漂飯自此時
恩楚驛下春鳥韓山啼暮猿平生知己泪感激念
歐陽修集

江准卷之三

十一

王孫

葉茂長伏日見過以朱明府詩相示

河朔千年客藤蘿六月亭君能憐慘淡吾自愛沉
冥病色秋濤筆窮交濁酒瓶楚名翁子學南去更
傳經

吳存甫溪亭

新安江上客卜築古邛西選石安碁局臨流倚杖
藜花源舟自入竹徑酒曾携頗有王猷興相尋似
剡谿

贈陳亮夫

起家推世業去矣謁宸旒鳥下蓬萊日魚龍太液秋朝廷恩不細胄子禮偏優經筵君無忝扶陽漢列侯

張伯起求志園分賦得采芳徑

開徑游從少芳菲今正繁山多董林樹岸似武陵源世豈堪成傲人誰共避諠何時儉父過花發醉西園

聞吳孝甫游杭州

歐虞邵集

洋淮卷之三

七

錢唐知欲渡何日過姑蘇揖客裘偏短尋僧艇亦孤江梅居士宅烟草女兒湖秋晚能來否松醪待爾酌

送李太僕孝甫省覲兼寄賓甫

數馬曾持策誰言太僕豪還家張摯宅贈客呂虔刀白露迎青舫丹山待彩毫翩翩冠蓋地能不念吾曹

因爾知難弟能詩調更高歸逢四明雪應問廣陵濤枕裏留鴻寶腰間指孟勞他年西侯去長揖白

雲袍

送鄭祖欽令海鹽

同舍君爲宰荒齋我尚留江淮千里漲吳越萬家秋樵李通湖岸鹽官傍海樓主恩需計吏歸拜富民侯

題魏子貞石葵草堂

愛君簪弁裏丘壑白雲情秀石連峰出高花向日明誦詩趨幼子問字揖諸生有約尋天目相將杖屨行

歐虞邵集

洋淮卷之三

古

張幼于自白下過廣陵見訪

淮上秋將盡高天鴻鴈哀挂帆楊子色載酒秣陵來山雨沾書閣江楓落弩臺十年思見汝莫負故人杯

送周象賢遷襄王傳

鼓枻游襄漢風流在此時山餘王粲井城背習家池授簡千秋賦持觴七子詩長裾君且曳薦引上彤墀

杜伯理諸寅夜過

稍適過從興俱忘請謁勞江淮今盛府賓客有吾
曹濁酒籬花冷清歌海月高自憐官舍裏苜蓿半
蓬蒿

伯理見邀同蔡德玄魏子貞夜集

高閣冠簪會江陽夜鴈聲征鞍非剡水躍劍似豐
城風雪帷猶下關山騎欲行他時懷此夕何限薜
蘿情

題石庵圖

三峰曾削出一室此爲尊箭栢初通路琅玕尚滿
歡虞部集

江淮卷之三

主

園齋應題雪浪銘自勒雲門戟酒人能至寧辭問
字繁

何叔節歸耕菱湖之上陸華甫爲其作圖索

余題句

賜歸還食力百頃有菱湖草閣千村遠藤簑一艇
孤著書稱太傅持論似潛夫子亦烟波客秋風憶
釣鱸

發廣陵遇雪李員外枉餞周圍

粵客同飛蓋圓曾幾度游淮西吾自去江左爾還

留雪密楓林暮天遙露掌秋獨憐朋好散誰上李
膺舟

謁泗州 祖陵

陵廟方冬薦祠官徹曉催地當淮水會山自岱宗
來亞園家初造玄王祚已開 聖朝歌祖德二雅
入南陔

濠梁雪中答李倉部送酒

故國滇江上他鄉此駐旌尺書飛水驛斗酒下山
城喜劇深杯送酣來短句成雪天難會面三謝省
歡虞部集

江淮卷之三

主

郎情

過鳳陽謁 皇陵

御碑開萬古文考德光輝啓運艱難早乘時歷數
歸宮爲銀海湧雲似鼎湖飛陵闕標河岳中都本
帝畿

壽州望八公山

淮南昔好道稽首八公迎白日飛光駐黃金大藥
成鶴駟邀遠舉鴻寶戀長生山下聞雞犬雲霞空
寄情

固始謁許忠節祠

太史銘家廟忠先表樂陵天青秦血洒月白楚魂憑
帝自誅劉渾神今饗泰烝羽林恩不細霄漢
翮中興

次固始逢李文學訊曾比部子玉

西曹今直省信有故人傳白雪高歌裏青春濁酒
前爲郎非得意作客况長年我更羞行役微官未
息肩

寄張肖甫時備兵天雄

歐虞部集

浮淮卷之三

七

久憶銅梁客曾傳劍閣銘留屯漳水白倚壘太行
青尊俎臨沙麓風雲出井陘南來新入部何處望
雙星

幕府容誰入襜帷不可同按章三輔肅倚嘯故關
雄白髮兵戈後黃塵睥睨中軍勞酬聖主恩已
拜彤弓

邊隅今不聳趙魏近何如曉色收烽燧秋聲傍羽
書按鵀雕馬水憑軾畫熊車高宴軍中樂題詩一
寄子

中原惟嘯目尺素到應難意氣高懸榻才名老據
鞍黃榆風驟立大鹵雪鵬盤未得從君去吳鉤夜
夜看

歐虞部集浮淮卷之三終

歐虞部集

浮淮卷之三

七

浮淮集

嶺南歐大任楨伯甫著

五言排律

文德承吳孝父王省夫吳虎臣過齋中小集

得東字

客館過從少情親有數公關西推任俠江左得詞
雄禪友天都舊詩人淮海窮高談疑稷下深隱似
牆東舞劍琴書側銜杯薜荔中篋餘經策在囊塊
酒錢空花氣時時醉鶯聲處處同山陽卽此地共

歐虞部集

浮淮卷之四

一

作灌園翁

送黃表弟希尹貳守溫州

南海衣冠盛名家江夏香弱齡推雋又講業揖宮
牆吾道占昌運君才早擅場逸羣看駿奮儀羽倏
鴻翔製錦吳淞上徵軺漢署旁留曹經制吏分省
度支郎江左賢聲籍滇南憲令張參藩仍此地得
罪去何鄉別我思燕薊逢人詢廟廊淮醴遷客遠
海月使君狂忽喜青氈至新鷺白髮長璫花春共
醉畫舸夜相將展驥催行色鳴騶借寵光量移蒙

聖主容納賴 先皇出入酬恩日周旋綴末行永

嘉諸郡最鴈蕩萬山蒼佐守開鈴閣題詩宴射堂
詞人誰繼謝良牧夙稱黃逢指東甌驛猶瞻北固
檣懿親難判袂薄宦易殊方晚泊多聞鴈秋征半
帶霜他年携手地何處憶維揚

輓彭孔嘉徵君八韻

白首胥臺隱貞孤亦可師工書繁筆札好客滿茅
茨牆溷十年賦江湖九詠詞鵬冠終已矣蟬冕更
何爲幾几經猶掩衡門淚已滋黔婁稱謚日桑扈

歐虞部集

浮淮卷之四

二

返真時五嶺神交客三吳感逝詩州來心許在掛

劍豈無期

喜衡仲至楊州

吾弟風塵色淮南見欲驚人門先問母東帶獨憐
兄海月照征袂江烟沾客纓松齋頻共坐花徑每
隨行病齒能揮藥消中亦引觥燈前兒女戀榻下
笑談聲不及姜肱被山家枕簟情

寄錢叔寶

叔寶頃以所作圖畫見寄

儻然靈壽杖南國舊王孫落落棲蒙谷蓬蓬老漆

園詩成神更王劍在俠猶有霞起窓前筆驚啼月
下尊嚴遵開蜀肆梅福隱吳門五岳圖先寄從君
欲避諠

贈御史大夫莆田林公擢大司空 二十四韻

北斗三台近孤卿八座崇廷推秦執法職重漢司
空少日文章伯 先朝侍從雄廟廊收俊傑館閣
仰宗工視草爲郎从傳經典樂同璽書臨楚蜀斧
鉞出西東鵠印提封遠碣房節制通邊勞曾不賞
吾道未應窮赤舄閩山側青簑粵海中艱難深避

歐虞部集

浮淮卷之四 三

地議論借和戎飲羽聊穿石攀髯忽墮弓 嗣皇
思舊德上宰契深衷恩重蒲輪起班先棘位克留
都尊九列憲府冠羣公革履尚書貴元圭伯禹功
江河資潤澤禮化待昭融卜相飛騰入凝旒寵渥
隆調和專鼎鼐姓字在兒童賤子慚非駿浮生似
落鴻未由馳萬里徒爾逐孤蓬名忝門生籍心懷
國士風儒宗承五教師說啓羣蒙引領江都客將
從柱下翁寧能攀紫幃趨謁未央宮

贈御史大夫鄒 二十韻

華嶽三峰出黃河九曲連鍾靈惟正氣翊運得名
賢代衍蘭皋遠庭趨海國偏淮流延北望陝服甦
西旋逆旅扶車日嚴親遭疾年危何惜片股哀只
顧皇天卜葬含辛後登科擢甲前教從滂毋授居
似孟家遷柱史名方振奸臣惡未悛九關羅虎豹
一疏奮鷹鷂言激忠能盡恩深孝益傳銀臺初寵
異棘寺已聯翩西府孤卿貴南巡節使權召歸勞
秉憲誨訥許繩愆 明主今資倚 先皇幸保全
都人迎衮繡臺吏拜旌旃石慶家聲重韋賢內行

歐虞部集

浮淮卷之四 四

宣綱常持弼亮禮樂息戈鋌台斗雲霄上門牆日
月邊卽看操鼎軸萬類藉陶甄

歐虞部集浮淮卷之四終

浮淮集

嶺南歐大任楨伯甫著

五言絕句 六言絕付

九日姚伯子陳伯春陸無從張叔龍集齋中

得風字

把菊延三益居然處士風蕭蕭籬落晚秋在雨聲

中

門生諸子在二客亦能同更約藍輿出東林候遠

公

歐虞部集

浮淮卷之五

一

薄祿堪沽酒浮生吏隱中江楓搖落處猶得映房

櫳

淮海逢重九尊醪幸不空黃花偏有色寧敢怨秋

風

廣陵懷古 二十首

蜀岡

寂寂巴江流沉沉蜀井月西來一片山尚帶岷峨

雪

邗溝

何年楊子江直過山陽嶺千秋霸氣孤耿耿原臣

目

蕪城

鄒陽一灑淚書在竟誰看落日荒城草西風井逕

寒

董井

由來下帷人不薄江都相斯井猶至今月照轆轤

上

召伯埭

歐虞部集

浮淮卷之五

二

謝公鎮廣陵甘棠人勿剪君見東山雪何似召伯

埭

崑丘臺

地軸橫崑丘上有百尺臺天邊桐栢水西向城頭

來

胥臺

愁問南朝日風塵暗戰場驟張三萬士只恨竟陵

王

梅花閣

高吟水部詩獨訪法曹宅雪深不逢人惟有羅浮客

九曲池

莫奏水調歌楊花怨春晚蕭蕭日影斜已絕廣陵散

迷樓

瓊枝十二樓玉鏡三千戶傷心鞏樹春花落雷塘路

螢苑

秋風詞集

卷之五 三

玉輦宵遊處山螢萬點飛後庭方燿燿不照錦帆歸

大明水

僧汲空山月煮茗松下吸桑苧今不來白雲自禪悅

禪智寺

高僧話六朝焚香共清晝無數江南山盡列窓中岫

平山堂

京峴望楊州石愧向江左回首秋雲飛蒼然見淮楚

瑤花觀

洞裏蕃釐觀江頭十萬家春來歌玉樹不必問瓊花

芍藥圃

萬朶錦雲新天涯贈美人誰知江上色却掩洛陽春

竹西亭

秋風詞集

卷之五 四

送客茱萸灣迎客竹西口歌吹滿楊州猶似昔年否

玉鈎斜

吳公臺下路風散野棠花莫怨遊魂遠蕪城亦帝家

楊子津

策馬立烟臯臨江送波濤楚鄉不可望落日蒼山高

瓜洲

擊楫過瓜洲楚歌忽風雨江門春浪生夜夜蛟龍語

送吳孝父歸黃山

皂帽翩翩去黃山若箇峰莫將瓢與笠深隱白雲重

沈山人二畫爲張叔龍題

露蕊濯菊裳風香度蘭牖采之贈佳人不用持瓊玖
右玫瑰花

又

張真卿集

浮淮卷之五

五

紅艷照寒光江天木末霜楚歌行結佩秋思滿瀟湘
右木芙蓉

寶應張氏叢桂園同皇甫子循郭次甫黃淳

甫賦
八首

淮南草堂

我家入桂樹君家桂無數枕中鴻寶書何如小山賦

三花館

三室接浮丘東來渡淮水三花何處開半在白雲

裏

松軒

婆娑古松下憶昔仙人家風從岱宗來吹落秦時花

海月臺

明月生東海萬里飛烟彩我欲往拾之清光在蘭蒹

品泉亭

品泉如品士清修良獨難泉側支茶爐瑟瑟松濤聲
品泉亭集
浮淮卷之五
太

寒

慈竹寮

手把楞伽讀懸燈伴僧宿夜聞風雨聲那知在溪竹

玉勾洞

市上懸一壺此是長房宅青雀飛不還報書瑤池客

借隱室

隱矣君莫疑閉關堪避諠不見東方子陸沉金馬

門

雪中送葉山人渡江歸吳門

鶴氅雪華殘歸舟笠澤寒閉關不相送貧病愧衰

安

君尋楊子渡正是嘉平月我有一藤簑贈之釣江

雪

詠水仙花

烟波愁獨立羅襪不沾塵請佩人何去誰憐江上

春

歐陽修集

浮淮卷之五

七

泛舟高家莊看辛夷花

絲筆燦山霞高樓照江雨誰知輞口莊猶有辛夷

塢

郭山人游囊雜詠

六首

五岳真形圖

囊挾五山去佩之凌紫氛金支翠旗裏導謁雲中

君

杖

仙人扶綠玉時亦鏗然叩振動三界中烟霞一靈

壽

衲

山僧贈衲衣舊是稻田樣石牀不解眠夜禮天壇

上

瓢

長生十賚者朝夕持在手溪山還寄來慣乞郡齋

酒

鋤

五游行歸來荷爾起常早門前莫鋤蘭雲中種朱

歐陽修集

浮淮卷之五

入

草

觚

山都洗我觚貯月飲磻下風來吹有聲笑學昔人

桂

雪後泗州游塔寺行役東西頗有河山之感

示同游諸子

三首

荆塗雲一色淮泗波千里山僧不出門藤蒲對花

水

蒼荀林皆玉旂檀室是香供君鑰石鐘貯月在禪

房

風塵彈指過於世已浮沉處處雙林客年年五岳心

荅馮郡博京口見訊因憶黎職方惟敬

君在西津渡口余登楊子江橋一水盈盈相隔烟波日望蘭橈

漸過茱萸佳節高歌首蓓荒齋有酒悠然獨酌美人渺矣予懷

又室曾聞寄宿尺書頻遣尋盟扁舟他夜月色孤

摩度齋集

卷之五

九

閣寒江鴈聲

吾友中朝才子羅浮萬里炎方京口勞君問訊鱸魚偏憶江鄉

歐虞部集浮淮卷之五終

浮淮集

嶺南歐大任楨伯甫著

七言律詩

寄許元復

薊門分袂四年餘，近得瑯琊尺素書。
魚吏烟波差可戀，馬曹官舍更何如？
郡當淮口遙連泗，山過江南盡入滁。
目送飛鴻頻憶汝，秋深莫遣八行疎。

送沈肩吾歸明州

廣陵驛前柔櫓鳴，越客離歌半楚聲。
高閣酒醒孤樹遠，片帆潮落大江平。

浮淮集

卷之六

七

自窓中見九曲人從鏡裏行，莫向秋風折楊柳。
篋篋多少憶歸情。

楊州中秋送康裕卿項豹章入京

蕭瑟悲歌對濁醪，那堪立馬望烟皋。
夾堤通泗行程遠，落葉邊淮客夢勞。
樓櫓夕懸滄海月，魚龍秋送廣陵濤。
漢庭誰念枚乘筆，羨爾同時賦最高。

九日黃判官邀遊周氏園

斗酒何期一笑歡，孤城莽莽萬楓丹。
閣前山送岷峨色，竹下江通汴泗寒。
白鴈不傳南國字，黃花還

共逐臣看。主恩更在淮陽日，莫向天涯泣楚冠。

姚元白枉書問訊，因聞元白與陳子野俱已。

乞休賦寄二子

婆娑偶寄漆園間，荒逕苔深頗似閒。
公事只堪對流水，宦情吾自有青山。
窓中蝴蝶頻支枕，松下楞伽一掩關。
聞道故人罷官早，白雲遙羨鳥知還。

同郭趙王吳四山人楊卜二文學陸閭二秀

才集上方寺真如上人房

騎馬竹西西畔村，汲泉煮茗共僧言。
帛公詩句開

歡虞部集

浮淮卷之六

上

廬嶽謝客禪樓在石門，法供香花桑椹栗講堂戶。
牖囑林園青山柱，笏雖非隱蹙得相從一避誼。

過隋故宮

二首

龍舸忘歸幾歲華，六軍飛輓萬方嗟。
遼陽鼓角滄波遠，鞏洛山河落日斜。
水調楊花歌九曲，江遊螢火散千家。
蕪城莫引中原目，衰柳殘堤宿暮鴉。
金鴈波沉綠樹凋，汴河東入廣陵遙。
倚窓曾賦風前檝，驚枕空悲夢裏鵝。
寶帳烟花迷隴月，錦帆雲雨聽江朝。
吳公臺下雷塘路，多少高樓怨玉簫。

送丁戶部庸卿謫延平

昔從燕市悵離羣，何意邗江復送君。
半刺獨憐千里去，悲歌寧遣衆人聞。
天垂碣石看孤鴈，日落長安隔五雲。
誰念爲郎頭已白，七閩今逐伏波軍。

小至日院館督試諸士和蘇端公

陽律將回玉琯風，吹噓今在栢臺中。
楊州幸拜單車早，漢殿誰如八使雄。
大國詩從歌衛得，諸生論頗借秦工。
懸知推轂歸朝去，門下何人似孔融。

送王氏兄弟扶侍還關西

欽定四庫全書

浮淮卷之六

三

雲擁仙翁羽節開，大家新賦並堪裁。
天空華嶽青蓮出，日射關門紫氣來。
白髮騎牛何處過，玉笙駐鶴幾時迴。
茅家兄弟西歸後，還憶玄洲海上臺。

寄朱灌甫宗尉

蒼茫秋色滿中原，千騎如雲飛蓋尊。
自笑談高留稷下，未緣虛左過夷門。
鳴笳此地連縷嶺，修竹何年傍兔園。
不爲游梁稱賦客，漢家經術重王孫。

送王內翰紹傳請告還瓊州省覲

梅花嶺上有秦臺，萬里南征作賦才。
乘傳路尋銅

柱去趨庭人自玉，堂來天邊渺渺龍樓迴。
海上冥冥蜃閣開，絢史名家誰健筆。
北扉持橐待君迴。

荅關伯玉

雪中孤騎過津頭，忽憶江南舊酒樓。
講肆且將留馬隊，隱君寧得問菟裘。
山梅臘盡誰開閣，海鴈春來尚滿洲。
五斗折腰君莫笑，十年書劍在羅浮。

送莫子良大參入汴

詔下家園起謝公，東京今勒保釐功。
山河分陝歌棠早，賓客游梁賦雪雄。
紫氣函關行部內，白雲嵩

欽定四庫全書

浮淮卷之六

四

岳出封中青，春儻折三花樹持獻。
君王萬壽宮

雪夜同方明府集天寧寺閣

禪堂邀客酒如霞，列炬光中散夕鴉。
雲湧珠宮千劫火，天開銀闕萬人家。
卷簾淮海皆成玉，吹笛江城半落花。
聞道磧西胡騎過，此時邊將出龍沙。

元日雪晴

庭中寒色映朝衣，夾仗春風似禁扉。
珠綴偶從淮樹望，玉鱗先傍漢宮飛。
登臺天女花難見，授簡詞人賦亦希。
執戟小臣容上壽，曾聞方朔待彤闥。

春日同方明府尊經閣課諸生

皂蓋行春一騎廻翩翩矜佩待君來壁池水遶朱
琴淨書閣風迎絳帳開天祿五經尋故事明堂三
禮待雄才競看桃李生新色燕谷誰知玉律催

王氏園同文德承吳孝觀玉蘭花

素艷何年出苧羅西園春色過江多漢濱欲請風
前佩洛浦曾凌月下波翠羽忽驚梅萼夢璫花猶
聽竹西歌洗妝更有持觴客芳草天涯奈爾何

聞方侍御德新按關西以諫事放還

飲虞部集

浮淮卷之六

五

恩深逐客賦南征太白蒼蒼匹馬行直以孤忠酬
聖主豈將諫草慰平生秦臺漢時悲歌日隴雪洮
雲遺世情君自九華支一枕夜來飛夢入承明

懷徐子與讀書山中

闕下曾思侍從臣風塵不到五湖春且從茅氏開
金澗誰爲徐卿送玉麟濁酒可能容我輩浮名未
肯傍時人釣船亦有夷猶興何處汀洲采白蘋

卜園賞牡丹

閒園春來漢詔寬淮南草木總含歡雲中朱簿圍

絲障月下華林引翠冠紫灞烟光留客飲赤城霞
色照人寒清歌半似西游侶那得花前不醉看

聞王元美詣闕上書

行乞當年雪滿途銜冤憐爾叩闕呼天乎曹氏融
何罪世有山濤紹不孤國士只今收涕淚餘生寧
得傍江湖征西部曲思公子請爲 君王北射胡

資政書院試士荅衛楊州

授簡三原後院東南陽愛士似王公衣冠坐蒲凝
香處桃李陰連講幄中洛守自能求賈誼蜀人誰

飲虞部集

浮淮卷之六

六

不願文翁江淮自昔推經術何論文章一薦雄

泰州光孝寺閑懷五臺山秀上人

青驪東去从無蹤誰道人間有赤松孤閣雲帆京
口寺萬家烟樹海陵鍾白榆歷歷今何遠玉舄翩
翩不易從欲問真如慰岑寂禪房明月在千峰

荅吳道南

江頭百里尺書勞甓社湖邊白鴈高夢落舟航尋
夜雪病携賓從看秋濤移家頗種先生柳閉戶應
深仲蔚蒿短髮蕭蕭思見汝幾回扶策望西臯

寄致政太宰咸寧王公

渭水秋風白髮新
廷中屢識元臣共傳一代摛
文筆自許三朝報
主身天祿書成題姓字東都
人去假經綸揮金知有盈觴酒倦客何由一到秦
楊州得小孫潘少丞
械詩寄賀喜而有作

五年奔走客燕都
老作江陽一腐儒
憶母家園慚負米
抱孫官舍喜懸弧
舊書頗解藏三篋
清酒誰能送百壺
惟有故人詒芳句
獨留明月似秦珠

伏日姚唯之陸葦市董述夫見過

歐虞部集

洋淮卷之六

七

官舍鶯啼綠樹陰
炎天步履爾能尋
樓前過雨山俱出
塔下生烟竹更深
講肆不妨開馬廐
詩篇何必到鷄林
酣歌氣與秋空遠
丹壑誰知靜者心

送余太史還朝

千里趨還供奉班
御爐烟裏覲龍顏
紬書束觀秋槐裏
勸講西清晝漏閒
幾奏登歌歸樂府
何年史記托名山
栢梁盛事空相憶
只有淮南桂可攀
竹西亭送沈二十八北游

醉把吳鉤贈別離
行逢漢主好文時
布衣且待公

車詔奏賦先蒙狗
監知馬飲桑乾流水急
詩題碣石片虹垂
相逢若問江都客
蕭瑟秋風自下帷

荅倫大理紹周見懷

淮南薊北久離居
雙鯉迢迢尺素書
夢入竹齋欹枕後
詩成棘署按章餘
閒知出世心偏快
老去干時術已疎
同舍惟君今侍從
碧雲千里思何如

立秋日臥病荅黃希尹約遊大明寺不起

昔宿齋中一病身
井桐葉墜報蕭晨
枉期車馬携尊酒
虛負烟霞笑角巾
謝客能尋開社事
遠公還

歐虞部集

洋淮卷之六

八

待折腰人秋風九曲西池約爲掃
隋家輦路塵

送王興化子慎應 詔還戶部

漢家鳬鳥本仙蹤
秋色翩翩向九重
江縣萬花行處遍
河堤千柳別時濃
爲郎白首逢停輦
謁帝彤扉夢聽鐘
聞道去思留片石
昭陽猶似峴山峰

贈閻永平擢憲副備兵關西

承明一出歲悠悠
佩印西秦第一州
此去護羌兼戍已
曾聞歸漢對春秋
醉中胡月懸烽堠
戰後邊笳滿戍樓
章句自慚投筆吏
看君華髮早封侯

懷潘少承

登樓何處望吾鄉書札經年鬢欲蒼莫以江都憐
董相誰能洛渚學潘郎海邊暮雨楓千樹淮上秋
風鴈幾行彩筆青雲須努力蹉跎容易老星霜

泰州九日登望海樓懷梁公智黃幼章

把菊偏驚从客情淮河西下鮑鴻聲樓船萬里滄
波湧砧杵千家朔吹生絕塞頻年猶住牧故鄉多
難未休兵君看天地干將氣不爲悲秋汨滿纓

廣陵驛送王元美兄弟歸吳中

歐虞部集

浮淮卷之六

九

孤臣去國意何如客路秋風廣柳車雙闕恩曾憐
狗馬五湖歸不爲鱸魚江頭頗問觀濤賦霜後應
題寄橘書從此東南思二美暮天搔首一躊躇

荅黃淳父見寄

蕭瑟君憐楚調同篇詩遙寄海樓東五湖心共飄
蓬遠十載名因說劒雄倚仗柴門看暮雨揮毫江
館送秋鴻西閩北固風烟接從此相尋釣艇中

九日閣上集

五嶽嵯峨秋色新修然高閣出風塵孤鴻日杳中

原路濁酒天全傲吏真落帽誰容趨府客佩萸偏
憶住山人青雲欲借盧敖杖莫笑支離一病身

寄李郡博子蓋

先朝釋褐省郎中謫宦猶居白雪堂齊客風流推
稷下魯儒文學在吳鄉銜魚已聽諸生報割肉曾
聞侍從狂東望姑蘇秋鴈渺尺書何日到江陽

過歸安丞殷君舊讀書處

陶公非但愛吾廬汎覽流觀十載餘映雪古棧開
戶牖哦松新水遶塔除傳家篋裏三墳字散帙林

歐虞部集

浮淮卷之六

十

中二西書問訊當年居士宅只今駟馬在門閭

秋夜登廣陵城

西風淮水下邗溝何處關山獨倚樓賦後蕪城荒
井逕書來瓜渚斷江流青天寒色千砧夕滄海潮
聲萬弩秋滿目蒼蒼見平楚不知歌吹在楊州

丁卯九月十七日同汪山人黃中舍集楊汝

德園賞菊是日牡丹忽開一花江北深秋

未見寒色然亦異矣爲紀一詩

江上園林片片霜君家暖艷照山房似憐傲吏歸

彭澤故遣佳人出洛陽
繞院三千黃蛺蝶臨池七
十紫鴛鴦淮南賓客逢
今日歌吹寧辭送百觴

廣陵遇蔡職方元卿

燕陽經術似河汾
漢署風流尚見君
金在曾求千里足
劍沉誰識七星文
詞人海上青雲色
遷客淮邊白鴈羣
何事相逢貪握手
西來消息幾時聞

文壽承見過同遊平山堂得中字

燕臺芳草思何窮
誰道維揚此會同
海上濤聲生賦後
江南山色落杯中
楚天高映三城雪
朔氣長

歐虞部集

浮淮卷之六 上

飄萬里風還共題詩
秦博士醉來雙目送飛鴻

懷方明府上許京師

河梁征騎不能攀
憶爾追趨鷁鷺班
日出晴雲開北闕
雪消春色滿西山
鑪烟縹緲形輝上
佩玉參差綵仗間
召對亦知明主意
江陽人望賜金還

寄汪中丞伯玉

樓船百萬舊征南
閩海風濤久已諳
誰爲伏波憐意苒
空勞漁父問江潭
燈前自拂青萍劍
松下全抽白玉簪
只恐鳴騶將入谷
未容精舍事崔曇

送李于鱗補浙憲并簡徐使君子與二首

千載歸耕歷下田
門生多是石渠賢
儒林經術推師授
憲府聲華借使權
登閣濤飛滄海雪
揮毫霞起赤城天
飄零賦客頻收召
行見甘泉侍從年
君家越觀望秦稽
攬轡今尋甲楯棲
使者寧知榮繡斧
詞人應自問丹楹
扁舟先向苕邊過
斗酒還從箬下携
後夜不須占太史
德星高映五湖西

荅沈汝淵

江門一葦果誰功
海內名儒更有公
皓首詩書齊

歐虞部集

浮淮卷之六

主

祭酒白衣巖穴漢司空
入門看竹家家雨
臨砌聽松日日風
誰謂俗塵俱不染
翛然唯許此心同

送戚總戎

翩翩北去擁雙旌
受詔新屯細柳營
驟騎蹙勞平虜策
樓船曾識伏波名
三邊烽燧先飛檄
萬里風雲獨請纓
司馬齋中推第一
穰苴門戶世談兵

汪禹父吳膺之李鳴卿吳虎臣朱道光鄔汝

翼諸子集齋中得杯字

攝山採藥始能回
邗上繁華尚欲開
卷幔烟霞千

嶂落揮毫賓客五湖來清言已下高齋榻斜日還
銜濁酒杯奇字自慙無可問懸知三逕長莓苔

顧季狂見過卽還吳中

西來何意共持觴十載知名自大梁過趙竟辭雙
壁贈入關寧川百金裝三江艇在誰相問五岳書
成尚未藏聞道伯鸞將欲隱臯橋流水是吳鄉

送衡仲還家兼報明叔經季

長亭官柳拂征鞍淮海炎天過雨寒路出江湖憐
爾去家貧升斗爲親歡鮓慙魚吏緘封遠珠謝鮫

歐虞部集

浮淮卷之六

十一

人泣報難馬上風塵君自見歸從二季學持竿

贈朱在明省覲還靖江

典客中朝事事新思歸應爲白頭親十年獻賦誰
知已四海論交見幾人俠似朱家還自蔽美如孺
子豈長貧江臯縱有菰蒲地高臥寧容侍從臣

送王百穀還吳下

隋堤千柳噪鳴蟬細雨輕帆溽暑天問驛爾尋文
學館渡江人識孝廉船隱囊但可餘雙筆拄杖寧
知有百錢歸去吳門猶是客賃春誰似伯鸞賢

酬周公瑕見過

相逢意氣酒壚傍薄宦寧知俸一囊繁露書難追
董相醇醪交自得周郎朝朝首舊年堪老處處笑
蓉秋可裳且共扁舟公路浦尊鱸吾亦憶江鄉

徐子與王元美見過招陸無從同集齋中

渡江先約住蕪城二子中原念我情博士業能傳
楮大酒人游自愛荆卿不知豸繡飄霜色忽有驪
珠傍月明燕市狗屠君更訪風塵何處可藏名

李鳴卿邀游韓氏山亭

歐虞部集

浮淮卷之六

十四

縹緲飛樓出井幹千山隔水遶闌干何來方丈
難引忽湧羅浮雪金寒帆過城頭春浪長亭開天
半白雲殘飄飄便可支筇去萬樹梅花醉裏看

雨中送王儀部敬美并寄李太史子田

榜檣看君泛小舸寧容奏記出都亭世有后蒼今
典禮人思劉向去傳經廣陵雨後濤俱白建業春
殘草尚青太史何因留滯久新鶯還共省中聽

送張鴻與解台州

三年出守赤城陰歸去寧論舊賜金滄海秋風漁

艇小羅浮春雨酒杯深吳鉤還傍詞人色荆玉誰
明逐客心露冕天台曾一賦夜來千尺白龍吟

送楊運判量移青州別駕 三首

通籍移家閩閩邊爲郎潑籍 主恩偏懸金早遇
燕臺日止輦曾逢漢署年遷客五噫寧忍去諸生
九辯已先傳只今誰似君侯貴賜履分明海岱前
烟蕪蕭瑟滿邗城共識參軍作賦情何處驚濤愁
暮色誰堪落葉送秋聲離人隋苑歌楊柳候吏齊
都引旆旌十二山河憑軾外滄洲寧許白鷗盟

歐虞部集 浮淮卷之六 主

煮鹽東海是青州君理淮嵯更此遊今日坐談師
尚父何年歸拜富民侯山連渤海孤城雪臺擁瑯
琊萬里秋若念廣陵賓從勝枚乘還在曲江頭

聞嶺南海寇警急寄陳德基袁茂文

軍中何事角聲悲趙尉臺高落日遲亂後江山猶
滯淚夢中樓櫓半旌旗漁樵實恐誅求盡征戍深
防道路危慷慨知君能論賊莫令邊將請王師

喜官軍已逐海寇寄黃公補公紹

蒼茫五嶺半烽烟幕府歡聲露布傳滄海幾年徵

弩士番禺諸將會戈船軍儲邑堯宵偏急殺氣盧
城秋可憐憶爾登樓長嘯後曼胡纓自曳江天

吳虎臣還新安陸無從同往爲黃山白嶽之
遊因贈二子并上汪中丞

遠遊寧得戀交親落魄江南二子貧誰解弓旌求
國士僅聞魚鳥待詩人谿頭烟水青絲竿岳下秋
風白葛巾中令閒居深結客也應投轄似陳遵

贈致政大司馬四明張公

仙人海上似盧敖銀闕回瞻日月高綠髮晝移青
歐虞部集 浮淮卷之六 主

雀舫白雲春擁赤麟袍西京樞筦新投老南國歌
辭早命騷玉箭金芝持飲贈十洲曾不隔烟濤

送胡比部之留都胡公前御史左遷司理量

移今職

楊州法署見才華解豸從來善觸邪直指八閩曾
奉使曲臺三禮自名家篋携書富多藏竹環賜恩
深未及瓜佳句今推何水部知君東問憶梅花
寧同遷客著離騷江左鳴珂賦更豪孤閣湖光立
武署六朝秋色白雲曹城邊雪霽驂騑遠闕下星

懸象魏高一出承明天萬里 先朝侍從憶工褒
十載烏臺疏幾行法曹今喜接詞場池因絲艦嘗
停轡觀爲瓊花一舉觴齋閣諸生疑蜀郡股肱三
輔似淮陽征西官屬江頭望回首金陵近帝鄉

送陸子傳請告還吳

西掖符臺漢列卿風塵君自厭承明東方可是浮
沉客司馬多傳賦頌名震澤頗堪供玉鱸建章何
處望金莖游閒公子應相待斗酒深歡 聖主情

挽葛明府子靜

歐虞部集

卷之六

七

循吏高風孰與齊去思多在七閩西賢聲鄴郡春
秋紀鄉行平輿月旦題馬鬣只今封玉碗鸞書何
日下金閨諸孫結駟多冠蓋人向閩門憶杖藜

送張台州

銅虎符分亦壯哉浙東名郡表天台褰帷江郭春
能出下榻山樓日自開高浪每疑滄海入飛霞半
挾赤城來璽書上計看君去曾是承明侍從才

懷方員外

方曾宰敝邑

聞君郎署罷官貧十口樵川過幾春鷄犬相隨憐

避地江山無恙待歸人天邊高枕青萍在海內雄
辭白髮新客有感恩稱邑子羞將名姓問荆榛

陳徐諸生邀余同徐王二僚長飲法海寺遂

登迷樓

大空風急鴈飛迴留滯經春戀酒杯偶約同官行
並轡更携諸子醉登臺汴堤烟柳絲絲出淮水雲
帆片片開鳳舸龍舟俱莫問且看持檣渡江來

送王元美起家按察備兵天雄

使者秋辭督亢亭 主恩寧許遂鴻冥行資廟畧

歐虞部集

卷之六

七

臨洛水手握兵符出井陘朔雪東連滄海白薊雲
西落太行青重關自昔雄三輔慷慨看君報漢廷

答陳評事玉叔見懷

楚歌何以念同聲然諾深知慷慨情鴈下薊門書
萬里星相淮海客孤城廣文官自留壘冷廷尉名
緣結襪成巴曲豈堪酬白雪獨懸清夢到西京

送馮方伯汝言赴江西

十載聞君自有曹名家不羨五陵豪位尊方岳提
封遠地控東南屏翰勞絲筆匡廬迴夕照樓船彭

蠶壓春濤江淮還待趨朝日劒佩秋懸北斗高

送盧惟忠僚長歸黎陽因憶次梗

羣魚歸哭大征東祖帳淮南柳色中黎水水漸驅
夜騎太行雲斷散春鴻鳥飛人望仙郎久擅在誰
憐學士窮曾過馬陵思俠客爲傳雙淚寄悲風

寒食集吳氏園亭得春字

園林芳草半成茵好事偏多載酒人池引玉鳬淮
水長烟含金柳汴堤新千家禁火供寒具幾樹啼
鶯傍角巾醉倚筇篻看浴馬主恩還憶曲江春

歐虞部集

洋淮卷之六 尤

張仲實過楊州爲余寫容賦此以別

苜蓿齋前丘壑姿雄飛君尚寫當時青雲不上山
公啓白髮空能水部詩三月烟花還此別十年風
雨幾相思故園爲掃羅浮石歸訪軒轅已有期

寄大司馬濮陽蘇公

司馬仙班歷漢貂赤松何事早相招乞身劒履星
辰近揮手烟霞海岱遙鏡水已能留賀監玉關那
得老班超誰知濮上持竿客白首勳名在聖朝

夜過寶應湖

飛濤寒湧柁樓深永夜星河墮欲沉病後江湖曾
起色醉來書劒有雄心幕間明月雙珠出蘋末悲
風萬籟吟回首蕪城平楚盡中原何處不蕭森

淮口大風同吳子化張子豫臨眺

百萬飛艘旌幟黃驚沙忽起半蒼茫支祁西鎖洞
河下桐栢南連泗水長秦使何來求海上漢臣誰
敢薄淮陽樓前芒碭風雲氣多少征人望帝鄉

訪胡給事

淮楚城高泗水斜西來夾轂問君家綠槐門巷絲

歐虞部集

洋淮卷之六

辛

絲雨青鎖衣裳片片霞闕下諫書曾削草齋中法
供只拈花誰知獻納蓬萊客已種東陵五色瓜

荅周給諫興叔過廣陵見懷

渡江憶我鬢蕭騷此地千秋見綵毫園且談經唯
更下濤堪起色翰會操旅蒲每狎鷗爲客苜蓿猶
疑馬是曹近侍只今趨鎖闥西京回首五雲高

荅皇甫子循見寄

雙魚消息五湖還玄晏先生尚閉關人候小車乘
下澤書成殘草寄名山江南烟月叅差際淮浦風

雲頃洞間尺素懷君三百里竹林何日一追攀

聞吳明卿謫高州

漢家遷客意如何五嶺風烟擁傳過借客姓名奇
節在窺人題題畏途多中原尚走銅魚使下里能
高白雪歌已約葛洪迎鮑靚羅浮秋色更嵯峨

黎職方惟敬北上見過

負弩爭迎畫省郎爲余駐馬問淒涼

余時有哭弟之痛

揮一掬江頭月發亂千莖嶺外霜南國昔年同小
草西京今日待長楊自憐曾是公車客老向蕪城

歐虞部集

浮淮卷之六

七

憶建章

新秋陪黎惟敬譙迷樓得帆字

亭臯落葉亂楓杉擁傳來遊得金轡驟雨千山泉
并下高樓雙樹日猶銜隋堤南走荒金埒汴水西
流散錦帆平楚蕭條君更望莫因離別濕青衫

送惟敬兼懷思

綵毫東省舊詞臣君到長安萬事新將畧直須論
騷興主恩還待畫麒麟廣陵別後空遺散碣石
年來更幾人同舍翩翩金盡起燕歌能不念江濱

寄江子雲

淮陰枚叔爾同鄉賦裏江濤字幾行秋水只堪論
濮上白雲猶自墮滄浪溪舫一繫雙蓮閣山筇曾
抄五石方東海何時明月色覓余千尺釣絲長

馮妹夫用唯至

姻婭過從萬里途遠勞慈母報歡娛家母知余欲
來論止看雲淚盡江流急見月身遙鴈影孤客

有首盤當晚食家惟橘樹指秋租明年歸傍潘輿
日白板門前候我無

歐虞部集

浮淮卷之六

七

送霍別駕致仕次乃弟太僕韻

回首西樵十五年使君歸興已翛然孤帆雨色三
江樹絕嶠秋陰百粵天數馬尚留垆外策買山還
少橐中錢鐵泉老作烟霞客趨府何如擁褐眠

送趙職方

六傳晨催使者餐銜恩忼慨入長安臺臨講武黃
圖壯書去籌邊紫塞寒上苑跨胡馳羽獵呼韓歸
漢拜衣冠知君不易談兵事曾過中原立馬看

送傅惟忠

汴隄疎柳拂征鞍十載逢君尚鵬冠射虎隴西工
飲羽連驚海上老持竿賦成片札凌雲起氣結雙
鉤照斗寒白首談兵傳介子漢家還待斬樓蘭

范太史胡比部九日見過邀鄭明府同集

攜手黃花遶徑行爲誰斗酒緩上程孤城風雨雙
帆影萬里江淮一鴈聲東觀舊知彤管客西曹今
見白雲情佩萸因爾隨飛鳥秋色飄零傍漢京

送張幼于還吳門

雙釣寒照白雲天離夜悲歌濁酒前吳楚星分公

歐虞部集

浮淮卷之六

七

路浦江淮秋送孝廉船豈堪首宿還相憶幾處蒹
葭不可憐知爾五湖烟水濶陸沉金馬是何年

史少尹德初還自海上會余淮南以子與元

美詩見示索贈一首

學書學劍早成名老握陰符氣未平太尉東行求
劇孟伏波南下得袁生鑿空百戰皆王畧蹈海孤
臣豈世情自昔江淮多俠客知君還欲請長纓

過白子直

敬辭風塵爾蚤回射陽漁長興悠哉好書竹簡三

車積納印柴門五柳開浯水僧携唐頌至穀城人
搗漢碑來白家更有香山社賓客何因得共陪

雪中同陸山人渡楊子江

招隱高歌念我曹剡溪寧得似江臯花飛銀浦衝
寒色風起瑤樓湧暮濤咫尺蔣山千樹沒黍差瓜
步片帆高西來欲聽陽春曲醉裏還同郢客操

金陵逢張玄超同集許仲貽宅

雪滿清谿谿水濱憐余憔悴髣髯毛新秋風久已聞
張翰朗月何期遇許詢文學譙中將別客太常齋

歐虞部集

浮淮卷之六

七

裏是醒人明朝汝頓西游路江左風流憶葛巾

陳子野邀笛閣

何年佳士泊秦淮曾爲徽之弄笛來歸客洞庭山
亦送罷官江左閣重開遠游艇子能依檻乍落梅
花尚滿臺積雪泠泠還有約天涯帆影自西廻

謁下忠貞祠讀其裔孫葵所集遺事

晉代衣冠散九京南來騁騎有荒塋世家諸夏寧
稱爵國士千秋不爲名紫氣已沉朱雀桁白雲猶
墮石頭城諸孫纂業山精泣蕭颯靈風泪滿纓

訪金山人在衡不遇

橋分白下斗門斜，
自何年此寄家代出隴西連。
鳥鼠曲傳江左半，
梅花掩關竹里多題鳳。
夾水槐隄盡宿鴉，
日暮不聞中嶺嘯。
只留名姓在烟霞。

過李太史子田

先朝供奉渥恩濃，
一出承明守秩宗。
淮水尚看秦日鑿，
周南猶滯漢家封。
尋君江浦將千里，
携我鍾陵第幾峰。
早晚紬書徵太史，
殿頭東角候飛龍。

盛仲交余伯祥訪子姚氏園不值

歐虞部集

洋淮卷之六

圭

聽偈長干講座間，
君携斗酒問柴關。
曲高白雪歌誰和，
興盡青谿艇自還。
草市能尋江令宅，
版橋應望謝家山。
虛聞二妙題詩去，
惆悵披雲未可攀。

余侍御彥綸宅飲別

路逢驅馬人爭避，
門幸登龍我獨來。
嶺外頗傳千壘散，
江東還共一尊開。
青龜老作談經客，
白簡時推草奏才。
此別關山風雪裏，
相思吾在景夷臺。

同張玄超陸華甫姚元白沈子高集邢太常

伯羽宅邢六十初度且誕子諸君已有賀

章因繼此作

神武歸來賦最豪，
西京猶是列仙曹。
門占氣色多麟趾，
家有文章總鳳毛。
愛客黃庭經每寫，
向人白雪調偏高。
持觴醉問東方朔，
金馬能無憶露桃。

劉太常孟真携酒過青蓮庵餞送

芳草燕郊送錦羈，
相逢白下又離筵。
一從銓府音塵絕，
何意容臺禮數偏。
風颺頻嘶山院外，
雪花還積酒尊前。
校書早晚歸天祿，
莫向寒鴉憶鄭虔。

隨牒光州留別廣陵諸公

歐虞部集

洋淮卷之六

圭

吏隱淮南愛薜蘿，
君閒賓客日相過。
雲蒸講論淹中从，
星聚衣冠許下多。
病後尊猶傾北海，
別來人或憶西河。
不須握管推能賦，
五十功名養易皤。

甘泉山下答諸生相送

雪裏驅車路漸分，
青山何以別諸君。
傳經祇自慚劉向，
問字徒勞念子雲。
庭長琅玕鸞已散，
齋荒苜宿馬能羣。
風烟汝水千餘里，
回首江淮鴈數聞。

盱眙渡河訪張泗州

府中曾識范功曹，
皂蓋專城此郡勞。
河兼淮泗增

波急山自荆塗擁雪高遠客征衣憐薜荔使君斗
酒惜蒲萄誰携賓從登樓上笑倚胡牀拂綠毫

泗州宿客盱眙院中院在山斗雪後游眺

館開石壁雪冷冷下馬藍田是此亭大聖塔留開
士頌玻瓈泉勒使君銘河西一水城頭白淮曲諸
山枕上青一笑莫論逢醉尉部中誰更望雙星

中都

鍾離山遶鼎門東此地曾橐萬里弓王氣遠浮珠
樹外帝鄉猶在白雲中衣冠幾夜游原廟父老

歐虞部集

浮淮卷之六

七

千秋拜沛宮筆札小臣思奏賦自憐摘藻愧楊雄

霍丘除夕

濠泗飛驟過壽陽逼除猶滯霍丘旁水侵諸郡荒
官舍雪積千山照客牀馬上馳驅羞薄宦燈前兒
女傍他鄉天涯白髮遙相憶椒頌何年獻壽觴

歐虞部浮淮卷之六終

浮淮集

嶺南歐大任楨伯甫著

七言絕句

得余合肥書酬寄

憶昨輶軒逼歲除萬山殘雪獨驅車
邗溝一望濡須口猶得淮西雙鯉魚

督郵豈解折腰迎聞道廬江出帶星
誰憐玉舄風塵色會送飛鳧入漢庭

荅許左史殿卿汴中見懷

歐虞部集

浮淮卷之七

十一

昔日談天碣石宮梁園知爾賦偏雄
小山不見叢生桂只道淮南有八公

鴈池兔苑宴驩餘猶得西來長史書
雪後平臺賓客在文園誰道病相如

首蓿齋初成郭山人霽上人自焦山見過

高士能同首蓿盤僧携明月下天壇
誰云鄭老齋中坐不似焦仙洞口看

霽上人裹白雲茶至汲大明水試之同次甫

齋中作

聞師曾採虎丘茶還汲清冷煮雪芽
無雙亭下長鑱客第五泉頭大士家

六弟自金陵渡江省予廣陵卽還嶺南因寄
諸弟

西陵曾寄惠連詩江北溪冬見汝遲歸去
家園如問訊楊州官閣有梅枝

寄贈曾以三督學關中

閭闔雲開氣象新西京禮樂重儒臣
觀風一過邠岐下不用諸生論借秦

歐虞部集

浮淮卷之七

二

解頤匡鼎去談經西學長安佩盡青槐市
翩翩能論難秋風催送入彤廷

輶車西望說經臺萬里關門紫氣來
侍從只今持玉節崆峒先問廣成廼

華岳茗蕘一振衣仙人掌上露初晞
醉歌郢曲三峰下從此天門白雪飛

天馬西來亦漢恩臨洮芻秣向中原
君看百萬飛黃入燕市千金且莫論

作賦誰如楚大夫詞人偏解誦西都
終南渭水高

秋色閣上晴虹一片孤

懷吳明卿兼寄沈嘉則

炎天五馬憶秋嘶漢主何時召會稽莫怪年來無
尺素鴈飛不到七閩西

卻符兼領武夷山懷惠移家客未還應是丹砂猶
可學江淹長向白雲間

題海雲山人秋鷹圖

西風秦樹色蒼蒼獨立秋鷹正擊霜漢主跨胡還
此日何人給札奏長楊

歐虞部集

浮淮卷之七

五

淮南早秋馬上作

隋隄疎柳似楓潭送客逢秋酒半酣馬上不知家
萬里只看鴻鴈過江南

夜從召伯堰五十里還揚州

聽雞埭上過邗溝片片霜華撲弊裘不是馬卿游
易倦十年詞賦事諸侯

送吳山人還四明

燕城搖落楚雲邊何處秋風不可憐十載一冠猶
側注渡江人識孝廉船

千金裘馬未須論歲晚天涯短劍存獨少歸裝雙
白壁應知不是過平原

鳬磯館下雪濤間鶯脰湖邊客自還海鶴向人鳴
不息待誰同住四明山

徐卿慷慨最憐才爲汝檄書五色裁歸去甬東抱
明月莫誇淮海夜光來

聞舍弟衡仲已至金陵

新林聞駐大江橈猶隔眞州一日潮三載辭家千
里客臥聽更鼓過殘宵

歐虞部集

浮淮卷之七

四

送汪禹人

小齋風雨掩蓬蒿掛席東歸憶爾曹病後中原思
賦客待君來看曲江濤

李徐二子近何如聞道汪郎更念予三十六峯荷
鋤去莫令空寄白雲書

送方江都赴召爲考功郎

河陽花亦似江門家近潘安洛水園一自仙郎歸
起草遂令星斗滿中原

天上葳蕤五鳳樓含香朝入拜宸旒金莖高擢

仙人掌露色還如漢闕秋

山公啓事辟功曹雲裏西京劔佩高莫憶故人消
渴日秋風吹送廣陵濤

蕪城北望蘄丘臺木葉初飛朔氣催一片離心秋
鴈起萬家明月楚天來

送吳有定游洞庭山因訊顧季狂

江閣鶯聲共醉聞扁舟東訪洞庭君若逢顧愷丹
青筆寫寄包山一片雲

吳孝甫見訪卽返江上

歐虞部集

浮淮卷之七

五

白馬條辭邗水濱應思桃葉渡頭人隋堤亦有千
條柳那似江南玉樹春

題沈宜謙畫梅

舊識仙人萼綠華石湖雪後楚天霞醉騎白鳳瑤
池上約過羅浮第幾家

送吳叔承還新安

大鄣山前黃葉稀游人江北行將歸相思千里蕪
城月鴻鴈翩翩何處飛

一片孤城帶落霞萬山風雪客還家君歌水部楊

州句應念官梅幾樹花

馮汝行赴保定別駕過廣陵賦贈五首

風流誰似大馮君猶念寒飴鄭廣文今夕淮南還
賦別桑乾歸鴈幾時聞

趙北燕南節制雄漢家深倚右扶風看君別乘行
春去桑棗陰連一郡中

高生擊筑和燕歌客似田光俠氣多行向部中詢
故事千山風雨下淖沱

二關旗幟擁秋雲上谷精兵天下聞報道儒臣爲

歐虞部集

浮淮卷之七

六

郡吏邊城不用霍將軍

府中賓從醉蒲萄挾瑟當筵趙曲高他夜尊前能
憶我月明應拂呂虔刀

贈黃公祐歸青州

竹西亭下賦驪歌疲馬青齊路若何星入少微知
隱處東瞻海岱白雲多

送葉河源還吳

來本無機去亦輕扁舟歸向闔閭城賃舂廡下僑
居者莫向臯橋隱姓名

題李鴻臚山水障子 四首

紅杏開時楊柳新樂游原外曲江春錦袍醉插宮
花去馬上風流第一人

金溝水溢白雲池萬朶蓮花暎綠漪一曲江南茜
裙女輕舟來唱采菱詞

萬年明主是羲皇縱飲何妨白髮長君見東籬
佳色起小園偏得上林霜

點點梅花寒玉姿萬山風雪倚樓時廣平自有東
川賦誰道何郎水部詩

歐虞部集 浮淮卷之七 七

桂花練鵲

仙冠鵲尾漢宮裁金粟嵒花日日開此是淮南賓
客地白雲還待八公來

山茶綠鶯

月冷紅妝尚未殘鶯聲新轉禁城寒綵毫入直蓬
萊殿留待詞臣雪裏看

和施平叔題周公瑕小像

褐衣人識五陵豪綵筆憑陵氣象高曾醉洞庭山
山下月笑從漁父誦離騷

聞三弟酒禪閣成

和歌曾傍酒人游不爲攢眉入社愁堪笑吾家癯
叔子禪時猶號醉鄉侯

憶四弟讀書岱青樓

書來聞爾注離騷海上青山對濁醪織畚緯蕭貧
亦得不妨長嘯白雲高

種苜蓿

陸沉自昔漢宮門削牘閑鋤苜蓿園一飽豈堪持
飼客秋風天馬共銜恩

歐虞部集 浮淮卷之七 八

韓侯廟

風塵契合漢功臣天以英雄出滅秦莫爲淮陰恨
蟬冕烟波曾作釣魚人

泛白馬湖懷吳道南陸長庚

一片征帆白馬隄射陽西更博支西淮南二隱遙
相望誰道風流在剡溪

送馮妹夫用唯南歸

東林君是謝家親文采風流亦未貧聞道陽元成
宅相衡門歸去掃荆榛

葉黃灣下廣陵樓風引孤帆不可留滿目離情君
自見千山鴻鴈白雲秋

五嶺烟霞老葛巾臨行把袂各酸辛汝歸應訪吾

諸弟籬下黃花少一人

謂二弟
衡仲也

短笛南征馬伏波海門霜色避橫戈青山待我抽
簪日莫遣風塵到薜蘿

雪中泛湖登孫秀才樓上

剡水何期有戴生高沙飛雪過邢城他年黃子湖
邊路盡我山陰道上行

歐虞部集

浮淮卷之七

九

大雪夜宿應秀才園亭

先生未厭一瓊寒雪裏尋君對榻看寧用洛陽除
逕至應餐今日是袁安

歐虞部浮淮集卷之七終

輅中稿序

新安汪道昆著

今上詔修

先帝實錄下諸部督學使者采拾以聞南畿爲

高皇帝舊都自昔以文獻甲天下部使者在事召

江都文學歐大任楨伯任之文學奉檄入都再

浹日而畢事伏軾所至謁

園陵望宮闕歷名山大澤周游薦紳學士及諸故

人稱詩凡若干言則自輅中授弟子既成藉介

歐虞部集

輅口卷之一

一

吳生謁余序之往余從文學鄉大夫得文學高

議時文學畱滯都市則又得文學都市詩卽南

海多奇宜莫如文學及余從三山索文學語在

集中文學善稱詩往往在都人士口當世二三

作者莫不推轂文學爭下之其在輅中不更僕

可數矣昔班固張衡左思竝以名都賦顯豈不

鉅麗乎哉夫賦者古詩之流具在風雅古之行

役者大都憂王室而閔勞人情見乎辭安事枝

葉諸賦不遺餘力夫非作者之極思與本諸事

情則枝葉茂矣文學陸沈淮海翩翩諸博士間

乃今海內治安舊都不啻天府文學載華從事

幸得托行役而畢游觀誦其詩則所謂治世之

音矣方之諸賦卽廣狹不同要以因事陳辭務

在言志雖意氣溢發而壹歸於雅馴譬之安車

蒲輪大路越席得時而駕豈必九旂七就而後

行遠乎嗟夫函崤河洛之都鼎足之業其間多

所湮滅而諸賦炳焉默存概於立言則不朽之

效也文學官薄顧于于安之殆將爲名高希不

歐虞部集

輅中卷之一

二

朽耳乃今所就業五侯七貴何有哉如使畢力

以從古人庶幾得當大舉語曰鷺鳥累百不如

一鶚文學幸而出此卽當世何讓焉吳生曰善

隆慶戊辰秋日

軺中稿

嶺南歐大任楨伯著

渡江 四首

黃鵠恣一舉乃在太液池天馬產渥洼矯矯汗血
姿睥睨閭闔裏冠蓋青雲垂何以咫尺書行役在
路岐皂櫪有芻豆日夕維繫之盛年不努力貧賤
寧可辭決起枋榆間啁啾亦奚爲落日臨大江辛
苦當告誰

擊汰出江干揚舠一何疾渺渺余獸征祗役在今
歐虞部集 軺中卷之一 十

日浮雲散高樓中天見京室斯須北以南流盼雙
飛翮

宵征江北月旦見江南山倏及新林浦引領白下
門龍飛起淮南龜食卜洛原王屋似鍾阜終南表
長安休明值嘉運顧盼逢所歡然諾重相許報答
良獨難將奏都亭記言向郊扉還

滔滔江漢流歸海自有時皎皎衆星出明月歛其
輝競智未必是逃名未爲非金馬可陸沈酣飲不
復疑東方玩世士執戟豈告疲井丹著高潔磨涅

難磷緇平生薄祿計果協滄洲期濟江且遠遊乘
桴得吾師

謁 孝陵

萬方勞我

祖百戰定中原涿鹿干戈戢周京禮樂繁驅除開
日月洗滌正乾坤睿筭千夫廢深仁萬戶溫畫江
盤鳳闕卜洛俯龍門圖像英姿奮山河王氣存鼎
湖雲已泣銀海浪先翻弓與胡髯墮旗隨汗血奔
夕陽原廟樹春色霸陵園宮監藏金甲祠官供玉
歐虞部集 軺中卷之一 十一

尊禹謨垂後代堯典重正元松路容趨走文思頌
帝恩

訪朱仲開

獻歲燈初試尋君正此時尺書勞夙約斗酒赴佳
期江上觀濤色淮南攬桂枝自今能策馬閑過習
家池

吳山人李太史盛秀才同登清涼山得多字
問是清涼寺南朝事若何春陰屯樹密山色照江
多萬堞開林麓千秋散綺羅且持醪醑去醉眼送

滄波

江東驛送陳節推赴廣信

勞勞送客處離緒不堪陳獨喜法曹吏今推儒行人青瓊經雪冷綠綬映花新訟簡多詩興鵝湖碧浪春

經王子新故居

獨有山陽笛難尋谿上廬人琴俱已矣臺沼更何如暮燕歸新社春泉滿壞渠今來悲轉切未報秣陵書

歐虞部集

軹中卷之一

三

金陵元夕

五首

舊京門巷盛繁華雙鳳銜燈出帝家寶馬嘶殘三市月玉笙吹過五陵花

朱簾翠袖擁秦娥火樹如山奈樂何誰道春江花月夜至今多解玉奴歌

綵樓醺飲紫雲升六代繁華未足稱鵝鵲盧龍春色裏滿城歌吹萬家燈

五夜侯家錦繡筵徵歌曲譙艷神仙那能不醉金陵酒磐石朝廷一萬年

三殿鰲山引鵲橋內庭銀燭映層霄都人白首游燈市下馬宮門頌帝堯

同邢太史陳明府楊山人姚使君集姚鴻臚市隱園翫梅花得東字

新年春色滿簾櫳翠羽繽紛遶幾叢莫以羅浮疑嶺外且看姑射在江東瑤華片片非因雪玉貌盈盈不避風却憶何郎清詠處揚州高閣白雲中

盛仲交蒼潤軒

鍾阜山南訪隱淪蔭廳修竹四無鄰館開招隱烟

歐虞部集

軹中卷之一

四

霞古園爲閑居筆札新三徑每期羊仲賞諸侯誰念馬卿貧飄飄知爾凌雲氣老作公車奏賦人

無着上人青蓮宇和邢太常

十方持錫此中迴精舍初成樹始栽梵罷籬門明月上定時鍾阜白雲開東林竹長霞爲衲西嶽蓮生石作臺笑裏楞伽還欲授許詢都講幾時來

白下遇馮汝行

三載驚初見天涯豈有期還軹金馬使滿篋白狼詩行役憐鞭弭才名感鬢絲覽維京口艇別去益

相思

同馮文學汝行吳山人子充夜集許太常仲

貽宅

玉勒拂春烟相逢卽此筵清卿真似月狂客每談
天白袷棹華下青箱薤葉前五經推許氏江左爲
誰傳

范太史楊評事攜酒榼過清凉山中

忝攝名山長精廬爲客開愛君乘興發騎馬到門
來館閣詞人筆雲霄法署才金陵逢二妙堪醉鳳

鳳臺

輅中卷之一

五

袁考功魯望邀飲

置驛邀賓促鳴珂出省遲人推山吏部吾愛鄭當
時濁酒多畱醉清詩更解頤江東容易別敢負竹
林期

同沈道士登東麓亭望謝公墩

冶城北望盡烟霞猶有荒墩屬謝家五十出山君
莫謂中原談笑淨胡沙

登雞鳴寺憑虛閣憶舊游

士林精舍掩松扉江左重來舊客稀二十八年今
幾在閣前鶯囀杏花飛

正月十七日陳子野宅湘蘭始花

烟光淡沲秦淮濱暖色細縈楚曉春誰在瀟湘五
千里獨持瓊珮贈佳人

市隱園夜起月下同無着上人看杏花

紅杏花開鶯喚人姚家園中照眼新借問終南老
禪客何能不憶曲江春

金陵遇誠意伯劉君飲酒歌

歐虞部集

輅中卷之一

六

君之烈祖起括蒼攀龍附鳳從

高皇帷幄前籌決征伐不數漢代張子房論功開
國居第一汗馬動勞寧敢當泰山爲礪河爲帶金
書鐵券同侯王從此悠悠二百載鼎彝雖勒恩中
改寧因飲酎責黃金詎爲煮鹽擅海外戚金貂
奉朝請麟閣宿勳幾家在苗裔飄零編戶同英靈
感會風雲徙 先帝持紹功臣封君首蒙恩拜九
重畱侯已復山河誓豈但褒公與鄂公宿衛禁中
時引見前年軍府開江東刀筆何人肆媒孽屏居

亦似藍田中我來共飲金陵市悲歌醉把筵篋倚
只今烟塵滿邊鄙羽林材官兒戲耳至尊念君
會撫髀問是郁離之孫子豎儒不足報朝廷酒
酣拂劍君當起

贈斌公

六根無塵性不染贊公八十惟真如憶公少小出
家日曾以沙彌事太虛太虛昔住寶勝院執巾棒
錫衆禪觀海內陳莊此一時從師亦得陪琴硯慈
航東渡到長干天界登堂甘露溥楞嚴圓覺俱妙

歐虞部集

韜中卷之一 七

解九流遍涉增波瀾東吳顧老名江左王陳謝許
同文社旬日每因支遁畱新詩幾爲湯休寫只今
最盛秣陵才半入人天會裡來東林舊事欣重覩
北山草堂先已開彭澤歸來陳子野家風自是清
淨者隱囊紗帽與公談長生木瓢勸公把流沙西
去更何時五千文字度毘尼青天縹緲眞人氣東
望惟應尹喜知沈冥柱下藏室吏天竺先生伯陽
氏青牛還候出函關我欲問之邢太史

雨後同姚元白楊惟五游城南諸寺 四首

萬疊青山遶帝城城南竹枝喜春晴遊人多問
華林苑誰解長干寺裡行

石子岡前霞滿天千枝杏花更可憐江南覓得同
游侶不是詩禪卽酒禪

木末亭西背郭斜寶林菴是律僧家春陰幾日不
出戶猶得閑行聽暮鴉

何許園林紅葢新白門烟柳不勝春舊游禪客今
誰在惟有山鶯似故人

登雨花臺

歐虞部集

韜中卷之一 八

天花何日雨臺下見長干塞色盧龍古江聲白鷺
寒雙林雲更落六代柳俱殘祗有談經石蒼蒼繞
法壇

姚元白楊惟五同遊靈公寺

誌公塔下白雲重時傍園林聽禁鍾羣鹿總多千
歲色萬松何羨五株封橋山弓劒今虛遠汾水樓
船不易逢誰道禪宮亦消歇回瞻佳氣鬱青葱

靈谷酌八功德水

萬松深一逕卓錫自何年苑鹿隨僧坐江鶯喚客

眠鍾陵居士宅石臼朗公泉醉眼醍醐綠何須更問禪

入攝山訪棲霞寺慧光上人

蓮社曾書法願文青山今日始尋君錫分阿耨池
中水鉢覆頭陀石上雲花落經從桐院讀燈殘鍾
向竹牕聞遠公莫笑攢眉客一入東林亦不羣

登東峰尋明徵君宅過懋上人故居

日暮猿啼舊宅山深鹿飲流泉不見高僧禪誦淒
淒蕪艸春烟

歐虞部集

韋中丞之一

九

千佛嶺

雲裡巖巖皆佛石中字字是經翠竹黃花總幻攝
山終古長青

石塔

七葉珥貂何在六朝喬木幾家獨有厓王古塔青
天片片殘霞

古佛菴

何處西來石佛獨畱震旦名山風雨飛空無迹從
來不閉禪關

般若堂

東望扶桑萬丈此中佛日常明登堂始識開士儼
然一古先生

說經臺

佛祖不離文字天花講處飛翻難與學人普說請
觀不二法門

珍珠泉

問師萬斛明珠何如一酌醍醐卽此精修淨業泉
頭日結跏趺

歐虞部集

韋中丞之一

十

西礪上梅花盛開懷文德承

白乳泉邊石鉢樸華樹下菟裘誰道籬門不出五
湖今上扁舟

天開巖

千劫無量世界何年石壁初開欲聽山僧說法空
中萬壑風雷

攝山頂法光禪師草菴

不是頭陀苦行由來佛性自圓破釜閑支白石瘦
藤高挂青天

燕子磯上俯江亭

江流渺渺早潮迴江上孤登百尺臺萬里樓舡春
浪裏片帆東過海門來

徐氏園留別金陵諸公

一尊出祖鳳皇原猶是 高皇舊賜園淮水不知
明月去鍾山今見草堂存文章江左羣公盛章杜
城南二姓尊別去獸憐招隱賦萋萋芳草憶王孫
京口夜泊阻雪

繫舟北固下暝色更驚沙海國春浮玉江天晚散

歐虞部集

輅中卷之一

七

花檠輕漁艇急柳亞酒樓斜不解愁飄泊經年慣
別家

冒雪訪馮汝行不遇

石頭勞夙約京口上扁舟夜雪空乘興春江不可
留蒜山沈浪閣仄渚宿風鷗偶爾成孤賞非關學
子猷

同趙敬辰黃定父茅平仲呂子佩游金山登

江天閣

憑高一以眺萬象忽驚呼江漢全通蜀荆塗半入

吳鷺峰雲外矗蜃閣霧中孤試問慈航渡能超彼
岸無

飲中冷泉

引綆汲清泠持作佛前供一卷楞伽經天風破塵
夢

裴公洞逢無語僧

折蘆渡江來已面九年壁何事說經臺空中雨花
碧

留雲亭

歐虞部集

輅口卷之一

三

山僧攬結之已補稻田衲何人持贈君更伴山中
榻

吞海亭西望

口汲西江水手弄東山月一笑上扁舟因之泛吳
越

夜集紫霞樓同登妙高臺翫月

南樓清譙幾人從醉後還登第一峰絕壁烟雲春
草樹大江波浪夜魚龍鷗鷺帆影船船月風急潮
聲院院鍾誰信妙高臺上客霓旌千隊繞芙蓉

過焦山訪郭次父不遇

遙聞登岱俯黃河曾問秦松近若何京口我尋三
詔洞吳門君去五噫歌精廬雪後畱瓢笠曲徑春
深長薜蘿滿目白雲今出岫石牀終夜夢滄波

水晶菴望象山

江南晴色滿諸峰隔水青青一嶺松客去蕭然閒
隱几夕陽高枕聽山鐘

登寶蓮閣

蓮花宮隔世塵十年登閣悟前因白蓮影現池

歐虞部集

韜中卷之一

圭

中水半是佳山社裏人

謁焦隱士祠

三詔南來不可招漢家宮殿隔雲霄白鷗自愛烟
波暖寂寂空江送暮潮

觀瘞窪銘

江上歸來窅是丁山中烟雨濕松銘華陽似憶仙
家使明月三茅夜夜聽

游甘露寺尋海岳菴故址

高尋海岳片雲垂絕壁天風萬里吹華冢已荒書

帶萎臨池猶似學書時

招隱祠西折入玉蕊洞

題詩石上已封苔玉蕊春深尚未開不爲南徐畱
福地藍輿何事入山來

昭明太子讀書處

玉馬千秋散白雲荒臺烟草最思君至今招隱山
前月緤嶺鸞笙尚可聞

答汪中丞焦山見懷

有引

余從京口游三山歸揚州甫五日汪中丞

歐虞部集

韜中卷之一

南

伯玉同有定虎臣至焦山遣書介顧季狂

招余不能赴伯玉作四時懷予及馮汝行

郭次父陸無從也感會合之難率爾賦答

一水盈盈殆不勝青冥黃鵠之思矣

京口扁舟繫廣陵書來聞爾亦尋僧支公應解畱

安石猶憶山房昨夜燈

東來先謁漢焦君江上翩翩鷗鷺羣儼過霸陵逢

醉尉莫令人識故將軍

南朝開府擅風流誰似新安好雅游我豈尚書期

舍客自憐不得過瓜洲

鼓枻滄洲未有期尚平五岳待何時
魏君猶訂中原約獨把青萍報所知

門人江都蔣啟賢陸弼校刻

輅中稿卷之一終

陝虞部集

輅中稿卷之一

畫

輅中稿跋

崙山歐先生楨伯嶺南才子也以文學掌故居江
都二年談經之暇日與名流賦詩篇什一播人爭
傳誦以故海內一時稱賢豪者咸願納交投分名
翩翩起臺省間不自知其官之冷也今年會詔天
下有司纂進

先皇實錄督學使者廉畿內諸文學無如先生才
且賢矧

國之鉅典無漫假手人乃命使召先生先生捧檄

陝虞部集

輅中稿跋

一

如舊京祗役凡越月竣事始先生自白沙渡江入
都就館已而由攝山泝江流登三山返瓜洲其旅
况行役宣猷讚德感今懷古對景陳致紀遊贈友
一發於詩爲詩凡若干篇爲記一以本其事其草
猶在車箱中旣至江都門人兢取觀之子友蔣子
夏陸無從爲先生入室弟子謂先生是役賢勞緣
情奏雅不可無傳亟持以示予因同編次授之梓
人時隆慶戊辰九月旣望鄒郡邵正魁紀事

廣陵十先生傳序

人才之生雖地氣使然哉曷嘗不繇應運而興者乎應運而興則地氣與會人才相感以勸其成然後開之不為沮挫之不為變也我世宗肅皇帝以聖文神武治天下者且五十年乃廣陵有先生十人洪永之際於斯為盛矣儲公之黜如臯令與王公之訊蕭敬景伯時趙叔鳴之忤逆瑾也朱升之、林顧開封與蔣子雲之諫南狩也魯公之响、於遼左與桑子木之傾於骸骨之疏宗子相之祭楊太僕也所不罹者朱子价一人而已柰何十人而九闕之九挫之乎

歐虞部集

十先生序

肅皇帝懲宦者煽亂而制奸臣之命斯運之所由起也子往見歐君矯、自史才而致意乎作者有鑒裁矣善乎傳所謂廣陵在漢時吳王好文辭而大山小山之作奮自淮南彬、哉明興二百年廣陵多文學之士乃今始有宗臣云今勿論其所得即自儲公已力圖復古惟

較獻吉仲默輩而伯時子雲叔鳴升之亦各以聲藝翱翔李何間矣子相後出相勸而成者乎翻、孔璋之流也世方病文學之士無吏事登陴而守福州者誰與永安之捷與海防二三策豈一語不相合也而况馬政軍餉綏夷導河如儲王以下諸公所至有績者乎故闕之不為沮挫之不為變進則謀

歐虞部集

十先生序

國家退則著文辭自董生而授經術之業有如十先生廣陵得以稱文獻之邦矣何應運而興河套之議卒撓於讒而不得以復國家二百年之疆圉設令子木之奏行而嚴氏者與三尚書並罷豈有倖主之禍也豈廣陵地氣微不能與運會而適至是乎傳言儲受知尹恭簡朱納交邊庭實二公皆子里人叔鳴按察副使曾公都御史又皆在山東子价子同年進士而子相則傳所謂昔者吾友也十人而得其六是傳也以徵文獻則足矣其斯實錄云

隆慶四年春正月濟南李攀龍撰

歐虞部集

十先生序

三

廣陵儲王景趙朱蔣曾桑朱宗列傳

嶺南歐大任撰

儲燿字靜夫其先毘陵人也宋時徙海陵今遂爲泰州人生而秀穎少工文辭成化癸卯舉應天鄉試第一甲辰舉會試第一 廷試賜二甲進士第一當是時泰州儲君名動京師矣太宰濟南尹旻欲選爲屬懇求便養授南京吏部考功主事盧氏耿九疇知其爲人簡重端默有公輔之器及轉天官尚書調燿考功郎中嘗覈一官得實九疇忽又

歐虞部集

十先生傳

一

改評燿不從且云公所執何異王介甫兩侍郎方並坐省中九疇大慙良久曰我爲渠知已然非我莫能容也後尚書某繼耿亦欲有所改評燿指其官注籍云嫌涉部長鄉里遂不改弘治丙辰當黜陟天下官員燿考如臯令某不稱職令囑某太監爲之請燿宣言於署廳曰某某雜職尚能名節自檢有以進士宰邑反不自立且託內侍干請亂法語人云方發如臯令干託時吾幾媿歎曾疏薦丁璣張吉敖毓元王純李文祥五人可補諫職之缺

六科十三道官龐泮等論事下獄爲之申採人服其敢言丁巳陞太僕少卿乙丑陞本寺卿蒐訪馬政得失剗革蠹弊修舉所當興復者疏四事以聞詔皆報可又上章請紀注 孝廟言動以示將來正德丁卯擢都察院左僉都御史總督南京糧儲首釐正倉庾宿弊條上應議數事省糧戶及京邑供給之費戊辰進戶部右侍郎己巳轉左庚午春以疾乞休溫詔答之賜乘傳歸是冬召復舊職辭不就壬申春起爲南京戶部左侍郎癸酉改南京

歐虞部集

十先生傳

二

吏部左侍郎甲戌卒於官燿有內行事親至孝撫從子洵如己出授之經學竟以進士顯門人卒業者多取科第時李夢陽何景明等倡古文詞執政者嫉才欲擯斥之燿以文章復古爲國家元氣故於李何極其扶植得不傾陷性好學老而彌篤文法及森嚴詩冲淡沈蔚有陶韋之風所著有柴墟文集嗣野集奏疏各若干卷嘉靖癸未禮部以易名請 賜諡曰文懿戊子又錄蔭其男顯爲國子生蓋異數云

王軌字載卿先世以軍功授虎賁左衛百戶後調萬全都司開平衛至父乃來江都家焉爲諸生時父卒哀痛如不欲生因父病嘗思食柿以非時弗得遂終身不食柿弘治己未舉進士授戶部主事監崇文門稅政平不擾司禮太監蕭敬蒼頭市猪隱稅不報執而訊之數十徙卒忽擁奪而去蕭告尚書侶鐘鐘笑曰乳犢寧知虎可畏耶癸亥權稅游墅舟至無淹仍開便益橋聽小舟往來不復置權稅乃益增貨無闕出附蕭敬勢者潛遣校偵伺

歐虞部集

十先生傳

三

之三月無所得歸以復蕭蕭曰此官盡心國家前稅猪事亦其職也正德丙寅護榮王之國督備芻餼沿途罔缺陞署員外郎丁卯奉命稽視江南諸府及江浙閩廣倉庫所至以嚴覈稱時逆瑾方橫朝遣使者十道出還必賂謁免禍軌曰吾知有朝廷不知有瑾也竟不往謁瑾怒軌贄謁不至奏遣科道錦衣覆視人爲軌危之亦竟以一一嚴覈可稽不能爲害己已改工部員外郎監督鐵冶于遵化瑾黨致書爲新炭戶私屬且嚇以危言軌曰頭

可斷法不可撓乃中夜草疏將劾之會瑾敗事已軌閱鐵冶囚徒之苦多所全活值有赦免之咸痛哭而去出爲廣東叅議專理糧儲數十年逋賦民爭完納陞山西左叅政分守太原治雲中獄事于宗室一以公明平恕獄之衆竟輸服遷甘肅行太僕寺卿丁母喪服闋除河南右叅政嘉靖壬午陞山東右布政俄轉左乃建白四事曰增縣治重正官訓民兵練軍士上允其言進順天府尹一釐夙弊謝絕請託時有內官迎進大祀神牲需求無

歐虞部集

十先生傳

四

得令所經道路築堤計費不貲縣官白狀軌乃奏其生事害民於是權璫相戒歛束甲申轉右副都御史巡撫四川苾部土官隴壽隴政支祿輩爭官讐殺劫害地方二十餘年軌檄兵征之元惡就擒改其地爲鎮雄府仍調畢節衛官軍於彼命叅將何卿鎮守之事聞奉 敕褒賞陞俸一級進工部右侍郎兼憲職如故督木湖貴四川三省歷南京工部刑部皆右侍郎丁亥入爲戶部右侍郎既而轉左會有 命查畿內 皇莊勦戚莊田及牧馬

草場租銀僉推軌有風力能任事軌乃同科道官
行三輔部中莊田草場有侵占官民田土者斷令
還官給付小民復業租銀有侵費者請令悉歸戶
部歛怨招謗竟不遑恤既而果奏辯紛紜上一
不聽軌自四川召入南部後隴政餘黨復肆鎮雄
不寧巡按御史論軌無善後之圖吏兵二部謂軌
持廉秉正惟 陛下裁其去留 上曰軌廉正宜
可留用而致患之本在彼可與致仕軌感謝 上
幸不加誅得遂初心矣歸以廉正二字扁於堂以

歐虞部集

十先生傳

五

自勵庚寅兵部尚書李遜特疏薦之 詔以原職
總督倉場上請四事曰查處盤厥曰查處席扳曰
查處軍斗曰查處籌架其大者請罷京通二倉總
督監督太監積歲奸宄根株悉拔矣又上重開通
惠河疏言國家大計至今賴焉太倉草場災効司
屬及巡視科道并自効且勸 上修德以回天意
科道亦疏効之 上謂侍郎能効科道必佳侍郎
也遂不問而主事外補科道罰俸壬辰轉南京右
都御史考察京官人服明允甲午進南京戶部尚

書乙未歲歉米價騰踊軍士春夏例給折色軌許
支本色江北官軍連歲缺給者通行支補隨即題
知京軍莫不歡戴王尚書者丙申改南京兵部叅
贊機務嚴江防修馬政恤夫甲造快船日與內外
守備講求留都興革事宜自是水陸無警江左晏
然是時年七十有四上疏乞休因疏內有享年二
字非人臣上書之禮 詔罷爲民乙巳奉 旨復
冠帶家居五年卒隆慶丁卯蒙今上恩復舊職諭
祭二壇仍命工部治葬事

歐虞部集

十先生傳

六

景暘字伯時儀真人性穎敏不羣弱冠選爲邑博
士弟子名大噪於諸生間隨其父宦廣州方伯劉
大夏見其文亟賞異之正德戊辰舉進士第二人
授翰林院編修時逆瑾擅威福凌轅諸儒臣縉紳
爲之喪氣獨見暘輒加嚴憚暘亦不少降色在經
筵每進講必先夕齋沐日咫尺尊嚴不敢不敬也
甲戌同考南宮錄多名士一時號爲得人稍遷國
子司業每與諸生講解不憚寒暑典籍餽廩私益
以斛米後知之歸其益曰吾雖貧何至相賊也又

三年母陸老思歸乃上疏乞南補遂改春坊左中允守南京國子司業往諸生率多請託賜首禁之不悛者繩以法士習爲之一變躬行孝友家庭謁然姊氏早寡迎與母俱其子女視之無異已子女長爲婚嫁之友人張貢約爲婚姻未幾貢歿賜曰禮聘雖未行第心許之矣忍負吾友於地下乎竟召其子妻之一女以替廢其友潘準聞之曰可使景女不字乎願字吾子賜乃求姊以從曰庶吾女有所歸而婿亦不至於無以爲家也士大夫以是

歐虞部集

十先生傳

七

服其行誼云嘉靖甲申母喪服闋將赴京以病疫卒賜爲文多法兩漢詩主盛唐與鄉人蔣山卿江都趙鶴寶應朱應登並有聲藝林號江北四子姑蘇顧璘國寶新編載弘德間名士李夢陽等十二人賜其一也所撰有前谿集行於世

趙鶴字叔鳴江都之瓜洲人骨聳神清異常兒家塾問學卽篤志窮經博極羣籍年十四遊京口靳貴之門大見稱許弘治丙辰舉進士大學士謝遷修撰李旻閱其卷以爲夙學及宴見其年少益奇

之初授戶部主事精文法吏事而飾以經術爲司徒侶鍾所知歲壬戌天下大侵代草上寬恤事宜詔文武大臣會議蠲諸不急因著爲例若干事陸本部郎中奉敕督理永平山海薊州糧草兼視屯田條上十六事曰嚴巡歷慎經收重監守謹追賂稽攬納舉屯政清逋欠均耗折廣儲蓄增折放究監臨添分委計支應便徵納防冒濫懲挾詐皆邊場之急務也又以徵收豆草積久腐敗官斗苦冤軍無實惠奏請折價貯庫臨時和糴以給軍需其

歐虞部集

十先生傳

八

古北等口倉儲不足以供游兵則請分番操練遇警調發於是財節兵精而虜可備矣正德初出知建昌府軍校估勢虐民莫敢誰何一繩以法府中月逆瑾以先嘗窺賂不得遂搜薊州錢糧事左遷南安同知去之日建昌民老幼扶攜遮道涕泣車至不能前及治南安惠愛猶建昌也屬邑上猶流賊竊發鶴率兵捕擊渡河及半賊反攻之兵潰執鶴鶴曰寧殺我毋殺百姓賊詢知鶴姓名驚相謂曰趙東衙好官也不可害翼至大

宅設几筵豆觴鶴端坐不食飲遂送入梅關復揭詩于關壁有爲民爲國幾人如及大節臨危要不渝之句於是百姓迎歸懽呼多泣下者庚午擢知金華俗好淫訟多溺女鶴首禁之爲正婚娶之禮嚴告許之禁選八邑諸生之俊者除舍給餼督之治學躬臨講授文風彬彬興焉錄東萊仁山北山魯齋白雲五先生遺書爲正學編集范香溪以下諸大家之作爲金華文統慨劉孝標首開文學將與唐舒賂及近世文士四十餘人日就泯沒求其

歐虞部集

十先生傳

九

草之僅存者爲文統拾遺刪正范忠簡文集叙而傳之以忠
成忠清絕代則表其里居以金文安家祠不食垂二百年則訪其十二世孫敏嗣之且展其墓立石封土焉在郡嘗抗疏論事無所顧忌有曰推德意以廣折徵計軍儲以革兜攬補存留以充糧廩嚴儲畜以備賑貸寬加派以完織造此又外臣之所不敢論列者也歷二載監司部使者交章上列治行朝廷嘉之進山西提學朝使值父喪不行服闋補山東時士習縱弛教法

幾廢鶴奉 敕諭乃秉正約邪振頑警惰尤汰其無良者十之五六士汹汹弗任意相媒孽造爲飛語謗之鶴卽上章乞歸不俟命行矣鶴歷官二十餘年家無厚積最篤孝行養寡嫂卒葬之嫁其女如已出平生嗜學迨老不衰詩恥凡語於古愛謝靈運於唐愛孟郊於元愛劉因嘗曰此道不宜淺淺則庸茸下矣晚所論著有書經會註武經傳孫武子十三篇定本示敬錄洙泗言仁續錄耽勝集文山寓揚忠憤
揚郡乘正要奏稿具區集姑

歐虞部集

十先生傳

十

蘇願璘登泰山金焦諸篇言言自作更不隨人直凌駕千古殆確論哉
朱應登字升之寶應人也童時卽解聲律諳詞章十五盡通經史百家言下筆爲文馳騁橫放鋒不可撓然承父師矩矱之教也乃著申臆賦以見志年二十三舉進士時北地李夢陽信陽何景明武功康海姑蘇徐楨卿顧璘濟南邊貢儀封王廷相湖州劉璘迭倡古文辭應登乃與並奮競騁力紹正宗刊落近語卓然以秦漢爲法詩則上準風雅

下采沈宋磅礴沈鬱聿興一代之體四方篤古之士影附響臻執政者顧不之喜惡抑之北人樸恥乏黼黻以經學自文曰後生不務實卽詩到李杜亦酒徒耳而柄文者承弊習常方工雕浮靡麗之辭取媚時眼見應登等古文辭愈惡抑之曰是賣平天冠者於是凡號稱文學士率不獲列于清銜乃應登則拜南京戶部主事陰欲困之顧留心錢穀益亨於官而其學愈淵飮醇探轡程猷經用噴英擒華聲起卽署間矣陞延平知府問民疾苦講

歐虞部集

十先生傳

七

畫疏剔薄征減費山郡頓甦暇則延六邑之士談經論藝疊疊不倦治行爲諸郡最居無何京口楊一清掌銓收拔才望遂擢陝西提學副使先是楊一清督學時創有正學書院以萃諸生應登拔秦士高等於其中置官設約資餼給衣至者且數千指雍容接引出所藏書相與講究風教大行秦士翕然奮起其所成就視一清時爲尤盛開封守顧璘忤鎮守太監廖意爲廖所誣奏建入京應登上疏曰臣入關過大梁見墟中人道其守璘治狀如

某事如某事雖昔所稱龍圖不是過臣方謂璘當首蒙擢用以爲理人者之勸而後來傳者曰璘建矣臣去大梁不三月璘建矣罪也得亡有文致之者乎願聖明一察臣言璘不勝大幸卽臣言妄臣甘與璘同罪臣昧死上疏往會顧事已白不果上應登性高朗介解假詞色於人時時失人意嘗在宴次賦詩有客在側竟日不得交一言故一時飛語自起各快讒嫉恨不卽置之奔幸

歐虞部集

十先生傳

七

年五十卒於家其考律曆推運數精思玄詣詮極底奧不但以文辭名世而流覽古今橫睨宇宙視軒冕直芻狗耳世短事悠齋志中奪今所傳僅有凌谿集十七卷嗚呼湘水逐臣長沙作傳自古嘆之矣不知子椒之所警絳灌之所怒者果何罪也豈非蛾眉易妬素衣垂緇高文潔行必遭憎口耶噫嗟嗟損或益之天不可問也母亦生歿窮通關諸氣運也夫

蔣山卿字子雲儀真人以進士授工部主事正德

已卯 武廟南狩與同官林大輅何遵伏闕上疏
諫曰昔太康遊畋不返夏德以微昭王南征不復
周道遂衰逸遊之戒聖王所謹今 皇上北臨宣
代西幸榆林廢宗廟之禮曠定省之儀且今宗藩
無道方肆窺覲萬一禍生不測柰宗社何疏內指
斥激忤時貴由是天威震怒幾斃杖下謫南京前
府都事嘉靖改元詔復令 改刑都歷員外郎郎
中出爲河南知府改潯州再改南寧時思田土官
岑猛倡亂有詔命撫臣帥師討之山卿督餉調度

歐虞部集

一先生傳

三

有方師得宿飽尚有餘鉅萬言於上官以十五代
民租計餘以賑饑後猛伏誅其黨悉降籌畫與有
力焉郡以軍興之故瘡痍殊甚隨事經理誠心拊
循民乂以安舉最進廣西叅政總督都御史林富
雅知其才方倚爲邊鎮之重而山卿以讒言罷矣
在南寧入覲奉詔上地方病事曰夫思龍之民
便於立縣者以租繇近可輸納之故其意惟知仍
屬南寧不謂屬田州也夫割肉補瘡瘡不可補而
肉徒腐所割之處必缺且陷不幸有因而歿者矣

若割思龍使爲廂民以供流官將田州自爲土民
以供岑氏是導之使攜而爲貳情不相屬而血脉
不相通也且思龍何罪哉供億之煩夫役之擾視
昔反多也異時田州萬一有如盧蘇升起則其禍
必首思龍割肉補瘡之害立見矣 荒田之民則
尤有可痛者往歲田州之亂上 實當其鋒攻劫
焚掠慘不忍言昨玉受旣降 罪已赦百姓贖妻
子者必與之直直不入不得贖也止戈之人恨不
得食其肉今乃移思恩而建府治於荒田割止戈

歐虞部集

一先生傳

四

之民爲之祗候而築城之役又不勝疲勞且思恩
頭目百姓仍屬故地本府流官別處荒田相去百
里是棄思恩而不顧也前此坐治城中民猶敢叛
今棄而遠之彼將何所忌憚哉有司撫恤之恩加
於思田者蓋謂寧勞吾民寧費吾財分毫無擾於
彼則彼將感激而自安然恐自此遂成姑息之政
而非久安長治之圖也卒不幸他日再變朝廷將
何以處之乎又言兩廣總兵率用侯伯此皆統轄
膏粱子弟坐享厚祿營求出鎮惟能剝削軍士需

索有司詐嚇土官牢籠商賈於閭閻之疾苦軍兵之強弱山川之險要夷狄之情狀皆所未知塊然土木而委之三軍之命非計也乞選自行伍間素有謀勇不事干托者往充其任須責以鎮靜不擾撫輯民夷有事則身親矢石奮勵先鋒庶邊將得人地方寧謐矣又言廣西夷多民少右江如柳州慶遠各州縣左江如桂林平樂各州縣皆城池圯塞墟里荒涼甚至二三百里行無人烟猶賊得以出沒其間侵奪田地是以戶口益減商旅不通而

歐虞部集

十先生傳

五

居官者亦無固志乞行撫按守巡閱視州邑修築其城池招集其墟里繕道途置傳舍如錢糧無可措辦則於梧州動支抽分鹽課給發爲工役之費夫如此則官司有所止百姓有所聚行旅有所歸彼夷獠見吾之整肅亦將望之而遠遁矣暫費而永寧一勞而久逸計之得者也其經畧大槩若此惜其用未究歸田惟徜徉詩酒校讐文藝所著有南泠集休園集真州文學之士山卿後有張渠朱永年渠卒於郡倅永年爲光山令剛介不阿博極

羣書文名最著

曾銑字子重江都縣人其先浙江台州黃巖人也以嘉靖己丑進士授長樂知縣癸巳召爲御史按山東值遼陽三城軍士作亂窘辱撫臣縱火散囚閉城拒命上聞變震驚下廷臣議謂曩歲大同殺撫鎮官茲又效尤不伐罪討叛無以懲惡銑上疏乞原宥以安邊鎮上得奏喜曰眞御史也一任處分朕不專制銑奮不顧身單騎往諭朝廷恩威三軍歡聲動地曰御史生我矣反側漸寧於是

歐虞部集

一先生傳

六

簡任智能如韓永慶等指授方略不關月三城倡禍者率就縛餘安堵如故具上其事廟堂謂銑置身孤危計擒首惡安叛亂於入城之初捕兇頑於憑險之際功當第一天子先已命工部侍郎林廷楫往遼勘問遠近洵洵於是召還而陞銑大理寺丞仍賞銀幣稍進左丞擢右僉都御史巡撫山東壬寅秋黠虜吉囊突入十八盤欲襲臨清遣姦細小哈兒窺覘道路銑思山東爲畿輔之肘腋臨清實運道之咽喉遠控東南財賦要區近扼西北

關陝重地福小州邑非保障至計於是奏築新城屹然重鎮虜氣頓阻清源人爲之建祠肖像與遼陽忠盡祠相望於東方矣乙巳山西巡撫以病在告天子曰晉方屠毒朕心靡寧撫臣朕之所倚其慎擇以往廷議上銑名詔報可且曰是嘗平遼亂者朕知其人乃移鎮三晉兼督鴈門諸關大修濠塙添製火器如毒火飛砲破虜將軍火驟砲之類賊攻浮圖峪率兵平型以堵西突賊入鵠鵠峪直趨廣靈以防北衝虜遂不敢近晉邊者二年丙午秋虜寇陝西三邊督撫諸臣一時被逮總督難其人上以屬銑遂兼程赴秦時賊十萬騎由寧塞突入銑曰虜糾衆而來當攻其所必救使彼有內顧之憂則可免深入之患遂命中軍叅將李珍率勁卒搗其巢穴斬獲首虜一百一十有奇竿以示虜果大懼遁去銑復計曰醜虜頻年內侵如蹈無人之境今驟聞巢穴有急倉皇遁走不料我師邀其前也親督將士晝夜由新安邊外直趨定邊擊之黎明虜見大將旗鼓相顧錯愕遂大潰將士

勇氣百倍斬賊級一百八十生擒一人奪獲達馬夷器無算邊人謂近年所未有之功也銑不以捷聞御史勘功始奏曰會銑志吞月蝓威震天驕傳帶臨戎潰把都河十萬之虜單騎出塞搗跨馬梁數百里之巢克壯厥猷懋昭偉績且有功不伐尤邊臣所難者矣詔以銀幣重賞其功丁未復以出塞斬虜陞俸一級賞銀幣有加銑感上知遇益忠圖報目擊套虜爲中國患乃上疏曰臣聞夷狄之叛服無常中國之制馭有道要在圖難於易庶幾杜漸防微皇上法古憲天文事武備殆曠世所莫及者顧茲北虜乃敢梗化往犯山西宣大二三年來大寇榆林內地傷殘遠邇驚懼夫醜虜雖衆不過漢一大縣而猖獗乃爾豈國家兵力不能支而制禦之者或未得其要與臣竊計之蓋我失其險賊得所據巢穴既固驅除遂難顧忌因循日甚一日故制馭上策莫如復套不是之圖而徒周章於防禦之末譬猶揚湯止沸而不知抽薪外患未但已也臣謹按河套古朔方地是南仲所襄儼

狃衛青所取河南張仁愿所城受降之界也我

高皇帝驅逐胡元遠遯漠北 文皇帝六飛三駕

悉犁虜庭薄海內外皆入版圖矣豈但界限河套

已哉後以東勝孤懸撤之內守復改榆林爲鎮城

方初徙時套內無虜土地沃膏草木繁茂禽獸生

息當事之臣不以此時據河爲守乃區區於榆林

之築此時虜勢未大猶有委也失此不爲弘治八

年虜編筏渡河剽掠士馬十二年擁衆入寇自後

住牧套內侵擾中原 孝廟志欲復之而未逮

歐虞部集

十先生傳

九

武廟力欲征之而未能因使虜酋吉囊據爲巢穴

出套則寇宣大三關以震京甸入套則寇延寧甘

固以毒生民撥亂之功天將有待於我 皇上乎

一統故疆三邊沃壤頃年不守遂使湟山大川勢

顧在彼而寧夏外險反南備河蓋套虜不除則中

國之害日熾浸淫虛耗將來之禍有臣子所不忍

言者 皇上選將練兵宵旰日切歲發帑銀以濟

邊圉凡所以攘卻外患保安兆民者至矣封疆之

臣曾無有爲國家深長之思以收復 祖宗舊業

爲生民立命者蓋軍興重務也圖近利則壞遠謀

小有挫失媒孽其短者繼踵而至鼎鑊刀鋸面背

森然其不改心易慮者幾希臣雖愚昧豈不知兵

凶戰危未易舉動但志在滅胡常懷憤激今親履

其地目覩此虜跳梁三邊危殆切齒痛心實有寢

不安席食不下咽焉者昔葛伯仇餉成湯往征淮

蔡一隅之寇耳裴度尚不與此賊共戴天 陛下

德過成湯而在位之臣文武足備又匪但裴度之

比可使裔夷猖獗蒼生阽危一至此哉伏乞敕下

歐虞部集

十先生傳

十

廷臣將臣此奏與修築榆林邊牆之奏詳議可否

然築邊之議但爲數十年之謀耳若夫復套振武

揚威盡殲醜虜驅其餘黨置諸漠中臨河作障天

險爲池 皇靈旣昭賊膽應裂可保數百年不敢

輕肆侵軼是猶大禹治水以海爲壑水歸其所不

至橫流此社稷之計 聖子神孫之永圖也謹條

上數事一曰定廟謨二曰立綱紀三曰審機宜四

曰選將材五曰任賢能六曰足芻餉七曰明賞罰

八曰備長技惟 陛下裁擇則天下幸甚萬世幸

甚上得疏批答曰虜虜河套久爲內患連歲漢入全陝生靈被其荼毒朕軫朕懷前此邊臣無有以逐虜復套爲念者曾銑所奏具見壯猷爾部裡許久方纔題覆迄無定見還着銑督同各邊撫鎮協心圖議務求長策嗣上方畧銑復條上十八事兵部覆題 詔答曰套虜爲國家患朕軫懷宵旰有年矣念無任事之臣今曾銑前後所上方畧卿等既已看詳便會同多官協忠定計來說銑知上倚注方深晝夜講求滅虜之策因兵法先爲不

歐虞部集

廿先生傳

主

可勝以待敵之可勝致人而不致於人之意演成行師機宜列爲八圖曰立營總圖曰遇虜駐戰曰選鋒車戰曰騎兵逐戰曰步兵搏戰曰摧堅進攻曰變營長驅曰獲功收兵次第其說上之於是揚威套內攻搗虜穴虜大驚擾多移營渡河矣當是時仇鸞爲總兵驕恣悖逆陰洩事機銑劾其違法撫按亦上章交糾 詔械繫鸞會嚴嵩父子方謀傾夏言鸞因重賂世蕃并担危言構銑並下於理法官阿黨嚴氏羅織成獄臨刑東市天下莫不冤

之隆慶元年奉 遺詔卹錄諸臣給事中辛自修御史王好問疏列銑志在立功身遭重辟至今無問知與不知皆浚痛悼吏禮二部復以題請 詔復銑兵部侍郎副都御史贈尚書謚襄愍賜祭葬加廕子沐爲國子生

歐虞部集

廿先生傳

主

桑喬字子木江都人世治周易教授門人甚衆嘉靖辛卯以易魁應天鄉試壬辰舉進士授戶部主事督草場稅覈司牲內監盜賣羊八百有奇并責賠冒支料價宿弊頓清收稅糧凡一十餘萬石爲場差最課焉部長梁材稱其老成練達會選部官補風憲遂薦爲第一吏部侍郎霍韜知其恬靜孤介恥事干謁謂振肅風紀非若人不可改授監察御史丙申奉 敕巡按隆慶時大同初定渾源失守邊氓橫遭荼楚十室九空被殺傷者十有餘萬躬巡絕塞掩骼埋胔鋪和敷惠極力拊循以甦瘡痍之急劾奏督帥叅游魯剛季懋輩失機縱虜請正憲典肅紀律以洩邊人憤恨復奏記本兵反覆辨詰靡所顧慮一時以爲難所按州邑多被兵殘

破上疏請免征賦其畧曰 陛下幸皇陵道出昌平憫迎送之勞詔蠲本年租今邊氓被兵慘不忍言而仁恩未及且地方或遇水旱卽得免租夫水旱之災未至殺人也今邊氓有全家被殺擄者有僅存一二者較於水旱災之大小章章明甚今所恃以抗虜者惟人心耳若不亟賜停免征賦給發賑卹誠恐人心解體也凡三四上竟得核實免征焉至若請止車駕巡邊之疏添設應朔靈丘將領供護關隘之疏嚴巡邏禁斫伐保護陵寢之疏處

歐虞部集

十先生傳

董

行糧糴糧卹貧軍之疏籌邊防虜殆十餘奏理國事如家事視邊氓若赤子政以課農足食爲急教以叙倫明禮爲先行部所至人爭先快睹道路望其風采凜若神人云丁酉得代還適奉天殿災上陳時政停工役飭邊防十數事並劾四尚書詔罷戶部張雲 工部林廷楫而禮部嚴嵩兵部張讚策勵供職嵩方被上眷喬抗疏論之且一疏劾四卿尤爲曠見直聲赫赫震中外而禍幾兆此矣己亥 駕幸承天請留不允扈從 行在差按順天

會邁災疾危甚上疏論之且乞骸骨歸嵩銜其論已日夕謀傾之顧未有隙得乞骸疏走喉都御史王廷相曰 上閱此疏怒甚若不參其託疾避難禍將及矣廷相素重喬而喬有宿怨於經歷李鐸鐸時時譖喬短廷相惑焉建是鐸贊之力遂如所喉語論之逮赴 詔獄廷杖幾死謫戍九江旣擇獄力疾赴戍所居二十六年不以私歸展省念母不已乃治廬耕作迎養九江日侍板輿爲歡母歸江都則歛居一室左右圖書詠詩讀史飲水茹糲

歐虞部集

十先生傳

蕭

平生不畜妾媵一僕供掃除汲爨泊如也喬最篤倫理重交游學無所不窺爲文奇邁警切詩清雅俊逸有昌黎眉山之風晚游佳廬耽嗜玄旨及易占大六壬數得其微奧嘗曰穿壬透易陰陽在掌握中所著有廬山記事十二卷真詮四卷詩文集二十卷甲子卒於九江隆慶初元奉 遺詔贈光祿寺少卿

朱曰藩字子价寶應人中大夫應登子也幼卽好古文奇字解音律作詩句已卓犖不羣乃弗屑屑

於舉子業早以先人故識關西李夢陽于京口追送高沙許其家學淵源侍姑蘇顧璘於息園觀花上方玩月見所賦詩稱賞不已遊白下與吳人王寵交握手談藝相得驩甚恨相知之晚兢肆其力於漢魏六朝間務探作者闢奧久之盡以平日沈酣經史百氏者一吐其華於著述機軸必自己出不落他人蹊徑成都楊慎爲選其七十餘首以傳且序之曰射陂子之詩率然當於予心可必名今傳後無疑是時雖未第而名已駁駁起海內矣年

歐虞部集

十先生傳

姜

四十四始舉嘉靖甲辰進士爲浙之烏程令烏程劇邑賦重而政繁乃勤敏廉靜行以愷悌宿蠹積害一切爬梳靡遺茗雪間有詩社長興劉麟免大司空歸主之政暇則往從其游徜徉於峴山亭碧浪湖倡和竟日忘其身之爲令也無何擢南京刑部主事遭母憂不起服闋仍補南刑部轉兵部車駕司員外郎禮部主客司郎中留都事簡常閉戶讀書而素工筆札門外持縑素求詞翰者纒纒不絕得尺牘者咸藏以爲珍居三年所乃陞九江知

府郡本貧瘠堂永陸之衝舟車廚傳日迂送過客窘於百費則縮補移綴以給疲劇歲侵則請粟賑之新濂溪書院以館諸生經講授者二百餘人靖節祠白鹿洞皆修飭毀廢倡舉風化建青居館於圓通寺右爲往來士夫駐驂之所又欲議移都昌團山驛以紓德化供給之困事雖未行而江州之民德之矣辛酉 景王之國曰藩病憊猶從臥榻中調度凡費心劬神瘁竟以是秋卒於官囊惟俸積百金僅足給喪諸圖藉充溢几篋平生詩文有

歐虞部集

十先生傳

姜

山帶閣集三十卷論者謂成湯陵廟碑朱氏世錄序足稱名家云 宗臣字子相興化人廣陵在漢時吳王濞招致天下娛游子弟枚乘鄒陽文辭並發大山小山之作奮自淮南蓋彬彬盛哉 明興百八十年廣陵多文學之士乃今始有宗臣云臣童年就邑中試馬令奇其文延爲子弟師嘗贈罰鍰數十謝不受治博士家最勤又喜讀莊周屈原司馬遷所爲書守長及督學使者試輒首列名藉藉起諸生間嘉靖

已酉以戴氏禮舉於鄉庚戌登進士第授刑部主事辛亥調吏部考功主事門無雜賓心淡如水不樂華要恒有思立之志壬子冬上疏養病歸講求藥餌遊覽山海家人生產不之問也客有勸爲田園計者曰吾志寧此哉卽志此又媿囊中蕭然不似官人耳日與二三子吟嘯百花洲上每心語卽論述千古成一家之言偃仰山中奚不可耶病瘥部使者強之起不起臺省諸卿更書來懇強之始於甲寅秋赴闕陳丞賦之二百金再却不受日恤

歐虞部集

十先生傳

毛

我鄉中民視賦我意倍萬萬也侍闕下三月仍補考功又三月調文選守文選一年所陞稽勳員外郎時宰欲一見之竟不往楊太僕繼盛論劾嚴嵩觸上怒嚴黨羅織成獄以寃死臣率諸同舍郎之亢節扶義者爲文以祭之嵩不悅丁巳春外補臣福建叅議戊午夏倭夷直犯福州城中嗷嗷都御史阮鶚被逮已去三司大夫日議守城事臣監西門西門者芋原橫塘南臺之所取道也先是有司悉部勒諸父老子弟守陴臣登西陴則罷諸貧

者疾者幼而孺者留其壯與之約曰晝則家夜則陣擊柝鳴饒而懸火睥睨上不如約者以軍法從事會報寇至六門咸閉矣而城外人數十萬大呼祈入臣開西門坐詰而入之復爲檄召城外百里所蓄薪穀悉徙之城中不徙者縱兵焚之而壯夫有不肩薪穀而入吾西門者不得入於是城外薪穀入城者日以萬計議者謂城邊有樹恐寇至登樹窺我民廬逼城者恐賊至焚之以攻吾門於是護戎者持斧環城伐樹六門外輒焚城下民廬烟

歐虞部集

十先生傳

毛

裊裊起臣獨止西門不焚廬不伐樹時又議毀城上屋以便擊寇臣笑曰兵不能雄之行間而雄之屋上哉且雨浸城壞奈何遂止不毀寇攻西門急臣袖中出俸金多製火藥寇被傷者千餘咬指戒不敢犯西門未幾寇犯興泉而先寇鎮東者尚屯海上適臣所部兵二千人自外郡入援而督府王馳至則檄兵數千連數十艘要擊之弩鉞亂發擒斬俘獲無一東還者沉賊舫數十于海中捷至臣悉罷諸守陴之卒與外兵入援者始歸署中

餐沐也是歲八月奉寧報粵賊急臣卽檄邵延各郡邑兵夾剿而身與數騎星馳赴之以歸化兵截其西邵武兵防其北將樂兵阻其東永安兵遏其南歸化則賊入汀歸粵之要塗也夜督數百騎徑趨至白蓮付李丞蘇簿邑兵五百粵兵二百馳紫雲臺賊聞我歸化兵至輒驚走遂逼永安永安在萬山中而積穀寮人善弩最悍乃又檄謝倅以積穀寮兵三百出戰擒數十賊獲大旗追至百里賊遂夜從上杭歸粵是役也蒙犯霜露親擁戈戟

歐虞部集

十先生傳

三

畫尤無遺算鎮巡倚仗最多閩省屬鄉試又武士職主提調所撰海防二三策析主客之利害究戰守之機宜禦倭振武經畧咸悉海內傳誦莫不信其爲薦紳中之頗牧矣已未春陞按察副使督閩學益勵躬肅範日飭諸生誦法聖賢及稱古豪傑所事事諸生貧不自給者輒捐學租贍之甚者更贍之行縣試士則糲飯蔬食時時披簡啜茗每吟哦四顧蕭然立風日下出則整衣拂履遇濁吏必怒目去之然後已閩有駕部郎陳時霖嘗謫興化

丞繼以太平推官罷歸因朝夕過臣臣或飲其家閩人有丐霖請託者霖曰宗先生爲吏部得告時予方丞其邑彼未始一事干我我何顏顧有請也其爲人所服如此庚申春卒於官越十餘日御史樊獻科率諸司奉木主人祀名宦祠七閩之士遠近慟哭人人憾失良師云臣博經術才高而氣雄自喜甚少與客論詩不勝覆酒孟噉之裂歸而淫思竟日夕至喀喀嘔血也竟能包統羣才會以神解奇鬱悲壯成一家言枚鄒之後實罕儷已爲郎

歐虞部集

十先生傳

三

時與臨清謝榛濟南李攀龍長興徐中行南海梁有譽吳人王世貞楚人吳國倫結社燕中爲一時詞人之冠臣嘗言人世祗有二道上焉者乘青雲弄紫霞而次則宏詞麗句照耀千古名並日月其臨終三詩在武夷止止菴中殆仙乎仙乎麟鳳不羈翩翩霄漢孰得而究竟之哉臣無子僅有詩文集十五卷傳於世

游梁集序

往余丞廣平南海歐大任先生則自長安遺書來其言數千其旨數十終而私之曰願結交余不識歐先生作何狀方坐罪播遷卽素所厚善者稍稍棄去歐先生乃于長安豪舉中能走千里之使遺余書余不識歐先生而知其非庸人也又八年余自楚罷歸歐先生爲學官弋陽淹留淮楚間莫能厚遇也則從余蓬室驩甚已出其所藏彬彬然博雅君子哉余旣中廢賓客益落歐先生謬爲恭敬游梁集序

至徒步相從握手深語此必于吾世亡當而有當于余者則宜不爲淮楚厚遇也今海內縉紳大夫稱文章家無如山東李于鱗東吳王元美者二大夫獨嚴重歐先生夫二大夫所謂避世于朝廷者也酒酣以往白眼漢公卿前舉世鮮所許可而歐先生者貌侵楚語而出語人曰是夫御李而結襪王生者人鮮不易之而二大夫顧嚴重夫嬰之侏儒也春秋以傳雄之吃也厥草太玄假令曹餘李志而貌二大夫二大夫不之顧也卽歐先生

引與同坐亦不過曰且有典刑而已矣而不事之如事二大夫也歐先生旣過大梁之墟履夷門登平臺俯黃河求所謂梁孝王園者見麋鹿游于臺而衣霑荆棘露也低回留之不能去喟然嘆曰生不逢孝王而獨不得與相如同時哉因著游梁集亾何移學官于郤武矣初歐先生以母老數投劾輒爲上官所止今閩廣接比歐先生幸獲奉板輿以祿養也乃歐先生以書來別曰爲謝武夷君不顧幔亭期矣余惟相如客游梁著子虛之賦卒以

游梁集序

倦遊歸抑歐先生何人類也倘

上問子虛而召歐先生令尚書給筆札如漢所以寵相如者吾知歐先生必有進於是者矣
隆慶壬申夏汝南張九一撰

游梁集

嶺南歐大任楨伯甫著

五言古詩

游子篇

雙鴻春北歸秋風復南翔游子在萬里何以長相
望出門別慈母兄弟亦殊方明星思井春豈無黍
與梁朔風感肌骨豈無衣與裳負米心徒勤織纈
寧可將他鄉南斗前惟願親壽康睠彼歸飛翼俛
默摧肝腸

歐虞部集

游梁卷之一

歸來行

持祿匪取容懷歸豈高潔牽拘守文墨蹇劣慚班
列傳經余未能馳辨循更拙感會際昌辰嘉招泰
墓傑陶公微宦情邴氏勵初節朗識早知幾幽貞
貴明決生平懷五嶽疲薊戀雙闕覩顏暴芳躋流
沐悲澗轍淵沉亮止鑒雲飛足怡悅白駒謝場苗
一丘俟來哲

入浮光山是濮公修鍊處

家業傳丹經幼小窺綠圖世路苦拘閼寥廓意頗

舒鳩來陟雲術飄飄尋靈區羽人何代游栖息白
雲間雌蜺翔左右六龍導前驅一攬羲和轡倏忽
陵太虛手翳若木枝歷歷援白榆輕舉紫霞裏永
與人代殊浮弋何峻嶒璿臺入虛無茲焉遇石髓
呬吸粗穢除欲謝人間世去矣從仙夫

淨居山在光山西南四十里思和尚智者

大師得法之地寺創齊梁至唐宋皆爲名

刹蘇長公嘗避暑有讀書臺存焉

名山恨不幽茲境石頗斫蒼鬱山樹層似出翠微

歐虞部集

游梁卷之一

二

半我從淮汝來簪紱媿羈絆岑寧經屢奇莓苔跡
多換磴絕零露滑峰交商雲聚穹壁隱巉巖細岫
聚回亂披榛度石梁架壑構雲館齊梁闕春秋藤
蘿掩昏旦院鶴出香廚池儵泛文瀾物役絕將迎
心賞寄游翫真樂豈外獎遣累自中晏性於智者
同宦比長公散卽趣合神期陵谷非所歎翛然得
我生微尚托星漢

答朱孔陽

四首

三河一曠望千里吳楚中念我游梁客寤言隔西

東綠髮匡山士皎皎雲間鴻殷勤掇瑤草握贈詒
溪裏余秉嘉趣心遙企松門蹤佳期歎留滯搖落
悲秋風

秋風日以高大江流不息君居大江西我寄長淮
北青冥墮浮雲遺我書一尺誰知大雅音乃在西
江側束髮慕平生不奉几與席侶匹良亦難嫵婉
那可得於心寡懽諧對面偃蹇色何哉茲望思思
矯孤飛翼

孤飛不能羣殊域不能親似彼客游子悵悵愁苦

歐虞部集

游梁卷之一 三

辛寒裳陟高岡縈流見淮濱迺矣豫章山何况豫
章人瓜生蒙棘中承棘傷瓜根衿契遠若近纏綿
自相因涉江將何時悽惻傷我神

婁其南以北周盼天蒼茫驅車吳所之落日照河
梁千古雄心生劒鏑揮寒光風雲歎自奇燕雀寧
敢當鴻鵠志四海寥廓紛翔塵軼足羈詎顧
稻與梁曄曄榮紫芝高歌恒慨慷世人寡同調誰
能測衷腸君有商山情綢繆申此章

夏月齋中作

市隱變名姓巖栖避囂喧媿余徇微祿七奔疲精
魂持牒浮七來荒齋謝煩寃剪榛蔭嘉樹闢徑滋
芳萱庭莎稍堪藉籬槿亦可藩臯月照百卉緒風
扇微暄卽事遂偃仰倦息扃柴門開篋讀我書千
古精義存稱詩河梁作詮藝鄴下篇餘音究正始
末流泝開元斯文豈小技操觚競空言儻悟斲輪
巧無忘運斤難冥心自丘壑獨寤永弗諉超然樂
恬虛道在懷漆園

游劉子素東河莊

歐虞部集

游梁卷之一 四

拘虛解罍礙遐想寄寥廓屏囂時一遊乘興不俟
約初經五龍臺稍過七里廓蕭灑讀書園臯原莽
迴薄舍舟小潢河躡屣躡青蒨閣紫氛送疎櫺白雲
蕩虛幕棧疑鵲梁成石似龍門鑿池亭抗蘭橈礪
室開蘿幄漱泉嚙玉漿嚼蕊舉紅藥魚鳥能相親
翳蒼總成樂主人河上公病客東方朔曾是金馬
門猶棲紫霞宅陸沉世可逃天游理無作將謝區
中緣言賦郊居作

贈張子畏

汝南富才窟若人更清朗蘊秀玄璞珍凝姿白雲
爽竹素游神潑金石流音響矜情許標鮮風流見
弘獎鳳登鵷鷺朝屢遷外臺長何當返初服脩然
謝塵跡隱同岳上耕漁狎淮西漿濯纓無世情倒
屣及吾黨余也握劄刷海內慕侔儻榮羨長公辭
志嘉季鷹往相逢班荆言冷然契清賞澄醪勸揮
觴奇帙欣披幌晤對不可常睽離益瞻想憑軾申
贈章綢繆太丘訪

懷張助甫

歐虞部集

游梁卷之一

五

吏部起汝海英聲冠時髦蚤荷宰府辟朗鑒同山
濤一麾轉蹉跎藩方行亦勞南臨江漢長西窺岷
嶓高橋遷何年始倦游值今茲捐佩訴重華投書
弔湘纍委心保貞素托意寄遐棲墳素知潑衷物
我何足齊嘯月景夷臺枕流大淮隄翔鵬謝霄羽
潛虬媚巖姿我昔未相遭再報邯鄲書中原幸良
覲停騶幾躊躇歡會易睽析嫵婉徒相於尺素曠
不達碧雲隔光儀攬桂予滯留折麻勞爾思眇邈
恨今朝引領寄長謠芳春正馳蕩谷鳥鳴遷喬林

葩映綠萸澤草茂紫萼安得薦華觴及此攀柔條
矯首望嵩少拂衣俟嘉招

過尉氏登阮籍嘯臺

朝登古臺上迢遞望大河北倚菟氏城獨流揚洪
波臺下荒荆榛蒙龍帶嵯峨阮公昔長嘯悲風起
藤蘿白眼視世人禮法亦已苛婚媾曾謝却沈湎
惟微醺笑彼當塗子負乘何其多貂冠導華簪佩
玉垂纖羅丹組綰銀黃列侍二八娥少年矜得意
蜉蝣將如何不見蘇門人鸞聲在山阿儼詠我
歐虞部集

游梁卷之一

六

懷齊軌寧蹉跎任放竹林游徘徊蓬池歌

夷門

魏都金何在汴水無還期夷門執轡人非復信陵
時茲事已千載蕭瑟秋風吹淒其朱亥市荒哉侯
羸祠貴盛固殊昔俠烈今如斯感彼虛左情叱咤
良可嗤

沙海

秋風大梁城沙海浩漫漫臨坪一以歎哀壑多危
湍成周昔東遷九鼎定洛門天命雖未改郊廓難

久安楚人問大小脾睨尚百年何哉梁君臣日夕
謀窺關齊欲發士卒顏率說以難利害在一時禍
福各有端卽事勿喉輕傾輈已多艱懷蜚云毒
挾重將盤桓東秦得百二何有趙與韓親讎更異
心唇齒駭易寒已矣勿復言太息摧心肝

汴城南尋大梁亭故蹟

陸海何逶迤輻湊四方入梁王好賓客冠蓋於此
集平明車馬來延引門下揖轂擊車莫前簪合履
相及枚鄒紛金游薦達交剪拂積雪臨菟園池竹

歐虞部集

游梁卷之一

七

檀欒濕授簡召相如詞客隨警蹕漢業當盛昌諸
侯方睦輯文章爾雅時千秋在茲日我來一游梁
弔古歷原隰四顧忽茫然因之寄於悵

登吹臺

振衣凌紫霞憑高視中原浮雲芒碭來扶桑升朝
瞰曠野莽茫茫颼颼晨以寒釣天廣樂奏仙吹如
雲門騶虬翳飛蓋威鳳雙騰鸞千古在目睫極樂
娛當年倜儻慕英風俠士今何存誕節恣坦蕩惆
啾殊可憐大魏訪侯生翼與達者言

游嵩山二首

褰裳拂烟霧踈身青雲間浮丘何處來接上嵩高
山雲梯躡青壁金礪流潺湲其前爲天柱頽象承
露盤石脂鏘然下味如玉漿寒颯颯仙館中飲之
生羽翰道逢四五公授我青琅玕碧落空歌長騰
車逝難扳攜手千秋期稅駕何時還峻極惟嵩峰
二室東西翼漢栢當其陽後隱少林壁玉岫冒青
霞朱巖表瓊石使者持節來雲中二龍白顧謂李
少君太乙召爲客王烈得赤文惟有嵇康識飛舉

歐虞部集

游梁卷之一

八

忽上征名記丹臺籍縹緲笙鶴音相迎此山側羽
節夾道行斑麟去無跡吾將采三花還山鍊金液
箕山山下有許由墓

天道耿以冥人世多沮洳東陵僧人肝西山有餓
夫緬懷箕穎客振衣千仞孤天位讓不受棄之若
腐雖洗耳溪下水掛瓢石上株巢父大笑之飲牛
以爲污我行弔孤墳頽憶太史書高風已邈綿遺
軌在草蕪揖遜事已矣刀斧競相驅膏火日煎熬
敲晃矜懽娛龜亂托兼濟徇世騫榮途損益古有

訓感之悟盈虛慮淡理無悶戰勝心彌愉百年會
有盡誰能保其軀委運觀此生雖伏誠非愚大覺
宇宙間獨立真吾徒

臥龍山謁諸葛武侯廟

舍策廣川陰愴怳迷所適背淮歲始獻及宛朔已
易懷古遵城南草廬訪遺跡緬昔臥龍人抱膝遜
荒遐末運當塗高中衰建安歷二祖威靈尊帝裔
守宗稷感會偶風雲黃麾枉蓬荻片語許馳驅已
定三分策嗣漢以配天孫曹竟非敵渡瀘軍事勞

歐虞部集

游梁卷之一 九

卜洛鼎門隔鞠躬盡瘁年落莫盪平勛事往變闌
閣代更廢荆棘疇壘憶躬耕寧辨阡與陌經祠闢
叢榛伏臘修脯炙千秋梁甫吟太息南陽宅

峨眉山二蘇墓下作

江原表華陽參虛毓靈秀兩蘇眉州來釋躋及嘉
祐文馳晁董前學綴孟伯後鴻才負王霸正氣彌
宇宙休明阻持鈞讒忌已掩袖投荒歲自浚小穎
志欲就平生挾螭龍竟爾伴猿猱鳴臯鶴頗升下
坂駿復驟流寓二十年終古峨眉岫壘烟結荒榛

山吹飛泉溜脆促誰千齡頽頽獨三壽悲涼卜馬
陵諫歌托絃奏薦茭更何心奠芻豢能侑汝
沅沅嵩高白雲覆萬里憑軾人松醪寫新

入洛二首

驅車晦朔改首路軌轍長行役屆三川日夕及洛
陽遐征息徒御耿耿感星霜西盼嶽嶺東瞻梁
陳疆河朔異風壤伊穀絕津梁崇芒鬱嵯峨鴻流
浩茫洋緬想東都盛曠野莽可傷故國喬木倅高
墳華黍荒不必雍門歎吁嗟熱中腸修名愧不立

歐虞部集

游梁卷之一 十

蓬心互旁皇佇立萬里客關山鴻雁翔
步出平城門三市紛已暮巖峙虎牢關威夷成阜
路煌煌京洛中冠蓋競馳騫企跡紫闥雲揚芬蘭
臺霧豈必子公力猥荷夷門顧虛薄罕時才嘉招
忝西赴名位故自卑獻納寧可遇引領景運開奔
湊銅龍步握管視英髦彈冠謝交故龍辱誰可驚
衡茅尚吾素千金慚非駿五石偶同瓠何當奉簡
書歸事東甌賦

海鷗篇

蜉蝣不知夕蟪蛄不知春醯雞局甕天斥鷃驕溟
鯢鰈鷁翳林枝四顧無鳳麟魯人薄東家鄰人厭
西門雲士難方朔公孫睨轅君徂徠山上松風霜
化爲薪執戟人不調巧宦嗟何人世路方嶮巖量
已貴識真梗梓棟梁材奚用荆與榛蛟龍變化時
焉知蛭與螾揚蛾非少年戢羽全其身翩翩魯連
子海鷗誰可馴

游梁集卷之一終

歐虞部集

游梁卷之一

七

游梁集

七言古詩

嶺南歐大任植伯甫著

光州學舍作

貧家戀俸錢疲馬思芻草艱難千里不辭勞憔悴
一官那可道廣陵昨者滯三年及到浮光始自憐
豈堪手板仍趨府只合腰鎌學種田風塵作吏寧
能傲骯髒爲人衆所捐沐猴而冠盡如此醉騎土
牛笑何似涉世名輕賤老儒還山許拙羞兒子知

歐虞部集

游梁卷之二

酬劉仲子雙鯉歌

淮河春水高七尺西入潢川浸蛇石千里汝南皆
疾風天地蹇慘雷霆激蛟潭濤起龍宮幽驚走獺
饑魚尾赤劉君好事來催呼釣竿嫋嫋沉珊瑚出
手獲得四十九送我長淮雙鯉魚貫之以柳尚邊
潏盧兒三匝喜欲躍急呼養人奏鸞刀鱸出玉盤
雪飛落先生慣飽南海鱸一官苜蓿亦不薄得此

引觴仍大嚼紫駝翠釜非吾樂勞君尺素勸加餐
字字琳琅石上看君今正是投竿日我已思歸烟
水寒他時鱸膾儻堪煮更有新詩報淮汝

聽蟬篇

滑州城東淮水邊楊柳陰陰萬樹蟬輕身蔽葉人
難見亂噪臨風客寂憐客途忘遠近故鄉隔音問
一歲復一年離愁復離恨溝水東西割斷流關山
南北棲何郡塵中空緇謝生衣鏡前獨感潘郎髮
何年星散出長安閣道鈎陳夜夜看玉植青葱臨

歐虞部集

游梁卷之二

二

壁沼金芝璀璨照銅盤當時雍時觀麟角只道文
成食馬肝搃死東來多羽客鑒空西去半貂冠溫
室敢言高樹異上林欲借一枝難歸來乎歌獨漉
東方頗有三千牘甘泉宮薦白鹿太液池下黃鵠
憔悴公車獻賦人因思落葉哀蟬曲

和劉伯玄二長句

并引

汝南劉進士伯玄博古士也客自燕趙至
者以玉璫一具銅印十二枚視余按璫音
衛古劔鼻也驗其質如侑杆聲如琴瑟臥

蠶文與劉貢父失德潤圖譜合印一龜紐
者尤佳俱漢時物將相之寶也因從史伯
玄購得之伯玄喜甚作玉璫歌金龜引二
長句持索余和豈非善歌者使人繼其聲
耶勉爲賦荅抑以彰來篇之益美耳

玉璫歌

君不見斬蛇劍上七星祥
襍廁琉璃五色裝
開函拔鞘悲風起
精彩射人如雪霜
劉生似是沛公後
腰間三尺芙蓉秀
欣飛何意得干將
渡江揮咤蛟

歐虞部集

游梁卷之二

三

龍鬬琬琰朝持貫白虹
鉤鐔晚拭懸冰溜
趙客新携蠶蠟來生也
貂裘脫相購佩刀
理奉太室前櫺具
鹿盧大淮右
聞生嗜古以自娛
家藏周鼎與商瑚
軒橫陳求欵識
尊彝駢列辨形模
鳳鸞漂泊山間
筵螭虎紛拏石上
趺拳科倒薤
揜筠筍水碧金膏
沾綉襦星羅月鏡
策府夕燭銀宛在
閭風側寶石圖前
匣自青玉雞池上
珠猶赤魯相七枚
先有書安期千歲
空餘烏擔簦躡屨
雙壁還如意出地
胡琮識生操寶劍
時獨彈劍鼻吹之
簫築寒策

勳云倚崆峒上起視北斗斜
闌干熒熒我亦旁睥睨
天子待汝塵臯蘭丈夫何事老筆硯
酒酣上馬趨長安

金龜引

玉衡星正靈龜躍翠嬌之川下
清洛蕭蕭照彩但空聞岨冉出波
詎曾獲蓮葉浮游直到今
蒼叢坐守猶如昨何年鑄此銅紐
成爐冶陰陽五花燭赤符成字八
千文丹甲銜圖一萬春將因寶
謀煩書端更與金章并紀珍
西京龍首未央殿學士將軍

歐虞部集

游梁卷之二

四

時引見待詔七言同賦詩出師五道遙
催戰一時封拜盡英豪
筆札銘功彝鼎高
總戎別署軍司馬持節分騶部
曲曹君不學傳介子揮戈西斬樓蘭
王肘後纍纍朱鵲光烈城疏爵封義陽
又不學朱買臣上書立拜會稽守
邸中計吏驚且走上謁引觀郡侯綬
北斗南辰大富昌徵靈感會綰銀黃
餘十三鑄還三顧丈二之組繡文章
金龜須佩燕領終吾輩豎子不敢前
叱咤千人廢劉生劉生俠者流六國相
印爾所羞久知童孺如楊寶今日關

西忠孝侯

二李行

商於之地六百里鄧鄧半入秦疆鄧張儀終相大
梁君穰侯却忌關東子秦疆楚塞鬱何窮南鄆北
鄆帶丹水名族爭推畫諾人思玄頗識張衡氏風
流文采又千年今於內鄉見二李子田十載漢太
史骭髀坐失貴人指一出江南未名歸參藩西向
晉城裏子餘新作南宮士結束將客長安市昨武
金陵千首詩傳寫忽貴洛陽紙我臥浮光祇一匏

歐虞部集

游梁卷之二 五

叩扉二李來翩翩掀掀論藝名大笑爲我陳說虞
夏前曾聞明代稱大雅中原誰如李何者獨立九
州難頡頏叱咤萬象多暗啞氣吞虹霓飛轆轤力
奪化工運陶冶倏爾憑陵風雨來剴然驅走波濤
寫研意深沉逼運雄鑄詞藻艷驚飄灑賦出自堪
窺屈宋書成便已薄董賈金支秀華白日中太阿
飛景青冥下么麼姓字方剪除流響到今和彌寡
世上虛名每誤人登徒疥痔愛不捨邯鄲能無吵
跛姬代北亦有蹄齧馬黃河大岳颯英靈疾颺一

掃武安瓦二李先生欲代興如澠且舉山齋竿

贈鄭醫

神醫傳業有系緒博極經方考圖譜熨灑砭鏡本
上池飛昇變化皆靈圈梁宋萬客多荆吳卜肆藥
丹每堪語典御誰如河內張遺書獨有陽翟褚仲
景先生金匱成華陀讀之首推許末代專門術已
希束書不談鮮稽古本草湯液百不知素問難經
幾能舉江西鄭君汝南客下簾門戶窺丹籍周趙
已知秦越人羣公游揚競虛席起死言非飲藥功

歐虞部集

游梁卷之二 六

禁方況且二占脉師承似是長桑君視一垣邊人
不識君不見會稽周溥醫有聲授之南郡高子明
黃帝扁鵲書盡讀東垣丹溪義更精考源括要名
字起成化之間聞汴京余也羅浮一畸士世人但
呼稗川子醉視鄧嶽爲狎鷗勾漏求丹自今始寓
客君如鮑太玄詎但汴水周文淵蓬萊閣上堪千
載行將期汝於朱明耀真之洞天

嵩丘仙鹿歌贈劉氏

君不見羨門子乘鹿日游三萬里侍從繽紛玉女

來青毛節下白雲起君不見齊女生蓮華峰頭騎
鹿行中天照曜仙人掌手把芙蓉朝玉京今之玄
鹿嵩丘出青鸞爲羣鶴爲匹嵩於五嶽標第一旁
有太室與少室劉君白髮嵩之陽汝南亦是仙靈
窟三花結佩共何人雙管凌雲記前日諫垣一出
守三巴蚤憶還山采芝術史有黃門給事書頌多
西蜀詞人筆歸來馭鹿似蒼虬三十六峰邀以遊
龍門底柱叱其立太行王屋指使留玉虹雙夾行
更曳紫電書閔不敢收餘霞片片散成綺頰窺千

歐虞部集

游梁卷之二

七

折百折如絲之濁流仙家石鼓滿巖口有時擊之
魑魅走黃姑織女解其綬彗出東方東爲帚上掃
青天萬古之浮雲下攬函谷千山之紫氣大笑繫
之玄鹿首霓旌風旆颯颯殘山葉爲之丹壑龍爲
之蟠赤霜之袍九華冠忽若行春夾轂看急雨碎
擲珊瑚期寒我來東南騎茅狗執君之鞚酌玉斗勸
君酒爲君壽明月清秋無盡期青崖玄鹿長相守
回首羅浮大藥成頭顱已瘦骨已輕願隨道士浮
丘去接上嵩高調玉笙

送劉伯玄兄弟北上作黃鸞篇

君不見西飛太液雙黃鸞宮前沆瀣春波浴白日
寒光颯羽毛樂府歌之薦嘉福劉生兄弟起梁苑
五色衣裳照龍袞給札承明侍從間一朝致身未
爲晚憶我酣呼郭隗臺黃金突兀浮雲摧當時駿
馬不易得此地悲風千里來易水東流過臺側太
行雪片大如席舞陽勾踐安在哉吳鉤灑削芙蓉
色昨傳烽燧到邊城三輔先屯大將營天山遙奪
單于壘瀚海俱懸屬國兵劉生豈但文章伯花卿

歐虞部集

游梁卷之二

八

二子騰驤客實塞先條漢使書繞朝獨贈秦人策
入關棄繻誰敢當門前受謁諸侯王腰間不挿大
羽箭手上何用綠沉槍自揮曉日旌旗散寧遭秋
陰鼓角長三軍喜見旄頭落聖人端拱開明堂
借君千尺如虹筆長掃妖氛北斗旁

劉伶墓同吳虎臣作

淮水西邊浮弋北人道劉伶有真宅秋風寂寞一
孤墳牛羊躑躅鳥啞啞憶昔正始永嘉年鮮卑雜
種未克斥市朝富貴錢有神將相王侯家頗赫禪

中之蠹信可憐鴟鵂腐鼠日相嚇拔俗清舉矜契
同竹林酣暢總詞伯參軍矯志在雲霄仰天頌酒
出肝鬲流連沉湎豈世情丘壑彷徨見風格鹿車
壺榼任放行鴻毛宇宙堪一擲瞬息人間萬事非
逡巡隙裏千秋迫頡頏嵒阮並一時繾綣山王偶
同席灌園佐鍛人更來枕麴藉糟爾何劇俟河之
清且拍浮長嘯青冥眼俱白荷鍾悠悠天地間何
處不堪葬魂魄銅駝荆棘殘洛陽金谷池臺荒梓
澤典午山河滿目前幻住天涯奇松栢風塵慘淡

歐虞部集

游梁卷之二

九

匹馬寒走爲伯倫奠杯炙異代君知同志誰江東
酒保河嵩客

陂下行

并序

臘日雪中劉伯玄餉野鴨魚兔麪米諸物
吾飯不既足矣乎伯玄復題書云鵝放山
下瘦不可致戲賦荅之

陂下君捎野鳬至一雙爲我嘗新饋後君籠山
兔來羸小何妨且養哉西莊釜粟東河麵二尺湖
魚供我膳豈子肩遺竹下厨先生腹飽齋中宴諸

孫索飯乃公歡目攝械題就榻看隔城可惜不相
見送臘他鄉歲又殘是日雪花滿嵩洛草書君在
臨池閣千鵝已自惱比鄰那得猶辭瘦如鶴君不
見對酒愛鵝杜陵翁右臂偏枯左耳聾卽令齒落
能大嚼豈爲口腹賤與窮又不見書罷籠鵝王逸
少割味分甘樂漁釣山下戀情白一羣謝家光祿
聞應笑大劉大劉君今肯讓李洮州我衰尚可參
軍謀懸瓠城邊擊鵝鵝軍聲夜起大淮繩

元夕篇

歐虞部集

游梁卷之二

十

上元昔在先皇日寶馬驟驪傍京室南陌東城
賞不同花宮燈市遊非一西苑迎祥啓玉扉高玄
殿上鶴盤飛九枝却掩春星色千樹爭停白日暉
通宵閣道鑾輿度羽蓋翩翩歛風霧膏粥誰從太
乙祠布衣且罷甘泉賦今年天子祝繁釐燈火
連天又一時綵樓結處鰲山擁寶炬光中鳳島移
梁棲玳瑁鴛鴦叫障羅翡翠芙蓉笑吳紵剪帶帶
交垂蜀錦妝花花四照蜚廉屬玉半空分蕙氣蘭
香自和焚歡聲平地魚龍戲舞隊周陟虎豹羣撞

鍾伐鼓行霄漢命酒徵歌召歡宴霞幕西山倒映
開星橋北斗平臨見珠旗十丈禁城阿鸞吹猶聞
輦路過五侯七貴承恩出萬戶千門奈樂何我獨
淮西臥高閣陸沉不似東方朔詠諧托諫意何如
自笑看燈與蕭索天顏有喜詔陳詩月滿蓬萊漏
下遲只羨都人誇盛事周南畱滯最相思

漢柏行

萬歲峰前雙玉闕武帝升中有車轍三柏盤根閱
世孤千五百年色如鐵映石高枝淺黛飛秦天老

歐虞部集

游梁卷之二 十一

餘空青裂翠葉曾披漢代雲銅柯頗照秦時月只
今猶蔭太乙池何但晴含嵩嶺雪我行騎出登封
門下馬摩挲爾尙存容畱幸見清平世長養深知
雨露恩溜皮碧蘚龍鱗盡霜骨蒼稜犀甲繁天柱
露盤氣蕭瑟緱山白鶴迴翩翾壇前白日忽清朗
崔嵬古樹交深爽十六仙人何處游續紛玉女能
來往漠漠磔沙風晝寒摧殘芝草與琅乾坤萬
木凍應折惟有三花爾共看

嵩嶽歌

君不見中天五嶽表嵩岳元氣開闢礪礪礪柳張
角亢星野連恆泰華衡地維絡嵩高之下二室尊
三十六峰金崑崙飛泉瀉空龍作湫陰厓積雪終
古之風吹不落星冠西拜集仙臺芝泥瑤檢銅莫
開七十二君竟安在漢家雄才之主胡爲奉祠而
至哉中甫翰周亦已矣有如黃河經底柱龍門東
下而竟不可回鳴鳥不聞鳴犢死臨此三嘆令心
哀予也出山辭羅浮九疑八桂東西州武夷匡廬
吾范裘鍾陵灑霍吾糟丘一瓢一笠寄於天台天

歐虞部集

游梁卷之二 十二

姥赤城鴈宕而沃州一窺日觀登岱頂今躡王屋
來嵩游下俯終南惇物峨眉汶領奚啻海上之浮
漚臥綠雲兮食紫芝騶白鹿兮鞭赤躡醉持玉笙
吹仍借黃鶴騎遙謝浮丘公萬三千年復來期吾
誠不能待尚平之畢婚嫁風塵蹴躡良可悲君不
見太行之路多偃蹇蓬萊之水易清淺緱氏峰頭
謝世人中嵩自可攜雞犬

中牟大雪趨汴城作

偃師東行路蕭瑟頽陽歸客懷蓬華十二店前餐

不遑曲梁館裏衣頻拂嵩山月色照銀鞍自笑風
埃老皮骨花朝已及餘醺香豫數光州看花日正
月西遊二月還路出梁園馬蹄疾中牟鹵更圃田
西咫尺飛沙路忽迷貂裘烈盡北風急憔悴孤征
東塞嘶康王城邊古臺下垆子門外無行者瓊瑤
宮觀白雲天楊柳無枝不堪把馬上思家萬里長
泥乃光州非故鄉雪深不見一南鴈行盡關山一
斷腸

鄢陵逢胡十九飲酒歌

歐虞部集

游梁卷之二 七

京洛緇塵人共厭相逢盤礴彭岡店館裏歌呼持
濁醪燈前拂拭看雄劍外黃遊俠自西廻小閣杏
花紅粲開兒童淮汝無消息那得長安有使來行
人問路居人笑婦姑城北停殘照君不見鮑氏空
能東武吟阮公且向蓬池嘯

游梁集

嶺南歐大任楨伯甫著

五言律詩

劉太守遊游郊園泛舟玄湖 四首

郊居屏氣雜賦已過休文朱黻辭青瑣琅函寄白
雲仙多梅福隱吏豈漆園聞知我扁舟興江鷗甕
可羣

家自開文苑人誰共釣竿清纓來濯近白雪和歌
難杖底河山盡尊前星斗寒深憐蘿薜色出戶幾
歐虞部集

回看

十里玄湖曲長楸背郭西風蹄嘶櫪馬水影舞山
雞歌管迎雲上檣旗出浪低花源期再入不似晉
人迷

風塵予傲吏禁闥爾閑人門頗容長缺星能聚角
巾考槃黃子國進艇大淮濱便欲拈書籍茅齋願
結鄰

寄淮安陳使君玉叔 二首

廣陵思薊雪汝水望淮山劔別龍難合書成鴈未

還波濤秦石外印綬楚漁間問我今何狀秋風自
閉關

請郡年猶少來分 聖主憂兼葭滄海暮鼓角楚
城秋廷尉秦持法邦君漢列侯金莖知在望春色
入 皇州

宿慈氏寺

暝色寒棲處申州古寺門懷嵩思御鹿近楚似聞
猿石几空經卷山鍾滿給園僧從賢隱至相對竟
無言

歐虞部集

觀獵

古苑中城曲鳴笳羽獵寒京新連燧舉叢楚帶林
殘野饗鮮仍割軍歡醴欲乾柳營新卷甲風急雪
漫漫

鄭園梨花

載酒洗妝晚東園玉照層春晴如帶雨夜月半銷
冰金葉瑯琊獻細枝大谷稱簾櫳看不足客散把
銀燈

胡馬

萬里疾呼風大宛天駟雄玉花擗月白赤汗洒烟
紅嘶向橫門道思歸御苑中死生如可託寧數鮑
家驄

開元寺閣夜

輕裝猶作客倦疾宿招提樓櫓臨城近星河傍戶
低孤蹤縵氏鶴殘夢汝南雞萬事禁愁裏關山况
鼓鼙

登鎮淮樓

千堞臨淮水他鄉聽暮笳烟波長送客鴈驚未還
歐虞部集

游梁卷之三

三

家身遠雙游屨時危一釣查垂楊春又暮風起滿
城花

伯玄夜過

短策柴門下淮西月正高疎槐涼石磴清露泫林
臯偃寒羣書積浮沉薄宦勞非君好幽事誰更問
蓬蒿

雨不絕

濕幙滴何已欽牀漏不禁漲添淮水
山
溪疲敝須時策誅求豈
帝心
霍食

夜沾襟

秋晴

荒城草露繁林薄散朝暾朱橘思江市青楓
驛
門井井王粲宅鍛似呂安園嵩華千峰色清秋傍
短轅

秋日官舍雜詠 十二首

偶別灌園侶頻從博士徵宦情淮上釣客食岳前
僧屐屢尋山著樓曾去國登羅含茅舍在誰道似
江陵

歐虞部集

游梁卷之三

四

閉門河上館散帙適高秋圖下驚山響琴邊聽水
流外兵陶氏隱佳句帛公酬
聖代容疎拙因循
謝白鷗

蕭散從吾好卑棲免俗猜游梁差學賦入洛敢言
才牒以求閒上門因好事開抽簪何日去似戀景
夷臺

暇時觀饗射高揖汝南生瓠葉聊爲禮棹花不辨
名井丹修謁簡玄晏注書成落莫家人產空餘舊
酒鎗

俯仰人間世支離亦可憐年勞多在告月請从無
錢筆已牆陰積瓢於礪樹懸羞言六百石始憶汶
陽田

善俠貧偏甚爲儒老更迂印封嫌吏請餅盤遣兒
酤官馬芻新減公田秫半蕪浮生醒醉裏猶自學
潛夫

山雨村春絕空囊索米人檢書交態盡隱几倦游
真林密多羈羽池荒有涸鱗青雲誰解事偏得二
毛新

歐虞部集

游梁卷之三 五

把臂入林从修心自有師齋頭題短偈牘尾草新
詩行藥全妨讀聽松未廢碁法門願不二難與外
人知

官閒得高枕瓶粟便堪歡小市新蔬少孤城藥餌
難褐長知漸瘦髮短怯新寒斟酌還山計唯應老
鵲冠

傲吏心何慕幽居興頗增竹齋當晚淨萍沼入秋
澄朗月邀清詠浮雲傍曲肱沈冥雖狎酒終愧水
衡丞

廨舍荒秋色居然似海隅風餐思石劫井汲清山
都竹下清羸勝星前慘淡殊詩名君莫誤拙宦自
吾徒

久免荷鋤役閒曹性所宜杜陵投幕府山簡愛魚
池小品籤仍下陰符篋懶窺報書嵩少客新有白
雲期

光州初雪邀林幹夫王九德二僚飲首蓿齋
厭作悲秋客歡逢賦雪游玉關平岳色銀海入淮
流酒薄青氍館詩工紫綺裘未須期訪戴且醉汝

歐虞部集

游梁卷之三 六

南州

雪後王九德招飲

積雪滿林臯邀歡興亦豪燕歌能自和郢曲向誰
操閒頗宜清俸醒何論濁醪袁安方閉戶莫遣笑
吾曹

載酒夜過普惠僧舍訪吳虎臣

漆園吾豈傲騎馬亦閑行爲訪無家客因知出世
情院燈馴鴿下山磬暝鴉驚濁酒逢君醉浮沉不
用名

同吳虎臣過劉子素後園探梅得歡字

臘送淮西色偏逢濁酒歡玉鱗飛月過珠斗映空
寒高士林猶臥佳人歲未闌因君春信早扶醉幾
回看

紀夢 有引

隆慶庚午嘉平月二十三夜夢迎先考於光
州學堂贊謁上壽如家人禮先考曰昔年
病足不能游羅浮今日爲汝過河岳大佳
大佳持觴口占有疏盤嵩閣色釣艇汝河

歐虞部集

游梁卷之三 七

秋之句倏然而覺嗚咽流涕猶似在膝下
也因續成篇索子素虎臣共和之

藍輿不度礪咫尺望羅浮何意神游遠中原精爽
留疏盤嵩閣色釣艇汝河秋繞膝方驚夢哀歌涕
泗流

雨中陪陳光州泛舟玄湖餞王侍御赴釣州

首二

移舟忽相送祖席使君灘淮上雙熊軾釣臺一豸
冠朱櫻春色盡白雨夕波寒行矣毋勞憶晴虹我

自看

握手風烟裏何當別路長衣冠如泛洛車騎獨游
梁隄覆驚春草亭留過雨棠他時返南使書札問
行藏

渡潯水再過申州尋紫霞觀楊道士

賢隱山連郡城頭半紫霞酒人潯水月劒客洞庭
花投杖今何處懸壺卽是家君逢勾漏令不必問
丹砂

七夕立秋 二首

歐虞部集

游梁卷之三 八

桐院秋先到雙星此夕看客心銀漢水岳色白雲
壇厭巧寧須乞憑虛自不寒中原朋好散何地憶
長安

避暑千杯少含風一簾橫殘蟬潢水岸落葉弋陽
城騎省多秋興滄洲豈吏情七襄今欲報檣上幾
時行

信陽夜歸西廓憶四弟

兄弟五千里音書六七年老親天幸健从客世情
憐多夢摩圍閣秋荒下溪田朗陵今夜月寧似釣

江烟

西郊

秋郊搖落早騎馬滑州城怒鵲捎溪莽
餓鳥下遠坪河醜黃武水關阻白沙營
官渡東流去誰知緩轡情

閨雨

楚雨白絲飄親朋書札遙孤城荒几
杖萬里狎漁樵簷濕沾懸幔溪喧沒斷橋
文章沉陸人不必恨南朝

歐虞部集

游梁卷之三

九

虎臣伯玄見過待仲貞不至

二首

步履爾能求清言盡日留吏情非騎省
客舍似汀洲牕暗殘碁雨關寒亂柝秋
毋論淹一醉千載見風流

咫尺人難至蕭條我自閑秋聲多傍竹
雨氣稍沉山移病漁樵後槭詩海岳間
芙蓉堪共把早晚欲東還

冬日過汝南訪張子畏

長公歸已久渡汝問行藏關氣高天紫
河水濁浪

黃鴈迷雲慘淡駿急野蒼茫携手千秋
約中嵩卜草堂

人日同仲貞賦

客頗憐經歲人今得此朝絲新傳勝巧
簣暖傍歌嬌霽雪花頰簇春星酒屢邀
西堂燈已試銀樹夜深搖

雷南陽郡齋夜飲

清城趨府日召暝聽歌來出牧千年後
稱詩七子才白雲留下榻銀燭照銜杯
談笑能忘夜更闌一

歐虞部集

游梁卷之三

十

騎迴

集方允治宅懷陳敬甫

一時稱國寶劍本出東吳世事中山
篋才名小郡符遭逢吾獨老禁省爾方
趨漸遠羅浮客他年寄憶無

遊崆峒山廣成宮

軒轅曾問道宅自至人開白犬高雲
下玄珠赤水來花深飄絳節草暖積香
臺西去襄城近還尋大隗迴

葉縣尋雙鳬觀

風塵幾傲吏漢日有神君
焉以尚方至符從下邑
分宮前沾紫氣仗裏拜
彤雲一自飛鳬後寥寥
不可聞

宿龍門演公房

洛塵飛不到夜从誦函
經磬近燈前發鶯新枕
上聽河烟伊闕白應岫
岳林青一宿猶桑下因
題法藏銘

洛下遇楊秀才

歐虞部集

游梁卷之三

七

立談交可定年少爾趨
風名字關西起文章蜀
郡雄易能宗鄭氏人自
表中嵩萬里如相憶羅
浮海樹東

安國寺月夜集亮上人院

東洛多名寺西來第幾
燈一庵山月淨孤磬閣
雲層苔偈容長揖談詩
傍曲肱雙林如許住還
約虎溪僧

過緱氏上轅轅嶺

王笙猶有館緱嶺夕陽
間馬入轅轅道雅投女
儿

山一官游已倦五岳鬢
先斑爲赴千年約東尋
白鶴還

少林寺遇性上人

薊丘君始返嶺外我來
尋偶以一時至同爲出世
心閉關知面壁住嶽可
抽簪頗笑東方朔金門
竟陸沉

宿少林方丈夢惟敬少承

今夕烟霞夢逢君侍從
廬燕陽期解紱嵩室待
藏書拙宦詩篇裏虛名
啓事餘漢家求禪草應
自有歐虞部集

游梁卷之三

七

繁城觀魏受禪尊號二碑

寓目千年上衝泥不怯
難山陽將受冊許下遽
升壇金掌宮盤淚銅臺
總帳寒西陵無片石此
地最堪看

陸華父過光州同賞鄭園芍藥

君自廣陵來名花向此
開鶯疑歌洛苑鳳似下
秦臺絳雪飛觴興青雲
染翰才春湖殊解意留
客未能廻

游梁集

嶺南歐大任楨伯甫著

五言排律

劉伯玄吳虎臣劉仲貞過荒齋翫菊 十二韻

柴荆非有約何以枉諸公社自高陽侶門多處士
風流塵閣坐上清供滿齋中露氣籬爲菊秋聲井
是桐冷英分觥竿吹葉入簾櫳酒洽燥觚客甚邀
負局翁胞人珍紫芋園子折青菰楚璞看成鼠吳
鉤試似虹鍛堪同樹下僧可隱牆東伏軾交非晚
歐虞邵集 游梁卷之四 十
懸河論欲空乾坤皆一馬身世但孤鴻末路期知
已浮雲碣石宮

雪後發蔡州經鵝鴨池

乾坤百戰地晴雪擁雕鞍談笑秦人策蕭條楚客
冠長途游已倦薄宦去猶難請疾憐雙髻銜恩愧
一餐淮西鞭弭急岳下羽旄寒落木天俱遠孤城
水更蟠軍聲鵝驚散烽埃枯槁殘馬上征夫淚關
山况北看

游梁集卷之四終

游梁集

嶺南歐大任楨伯甫著

七言律詩

登表臺懷徐子與

桐栢西來雪浪翻使君曾此共清尊登臺不見詞
人賦趨府偏思國士恩二室烟霞招大隱十年賓
客老中原武昌吹笛樊山讌誰似風流在楚門

申州訪大復先生舊宅寄懷啓圖太史

一代名家大雅新胎簪山色尚嶙峋細書石室今

歐虞部集

游梁卷之五

一

良史典秘蘭臺有世臣策杖我尋澗水月揮鞭君
醉薊城春應門不用詢名姓此地多來問字人

聞曾以三轉浙江大叅分守湖州

星輅閭已出西秦叅省南來寵命新紫綬金章勞
使者碧苔蒼弁待詞臣燕中金馬多經月淮上烹
魚六度春日送楚雲過浙水不知登覽共何人

春日光州懷歸

偶寄微官學廣文豈能經術似河汾青春蕭艾愁
中長白晝魚龍夢裏聞宦業荒齋惟亂帙世情高

枕但浮雲思歸南海依依慈母便向朱明祝聖君

荅劉子素

三十爲郎侍紫宸名從二室鬪嶙峋過秦尚作燕
門客喻蜀初歸漢使臣浮弋月爲巳子雪玄湖花
似錦江春著書君已成鴻寶白首何慚報主身

午日過新蔡訪張助甫

西驅羸馬問林泉君厭承明已十年自解旌旃雲
夢澤早休車騎汝陰田菖蒲入酒沾巖瀑薜荔繁
臆帶壑烟誰似謝家兄弟好樓前蒿少傍青天

歐虞部集

游梁卷之五

二

荅張見甫載酒十里出餞汝河

張郎曾是勒銘才姓字初從大陸來漁釣自歸桐
栢水詩篇今滿鐵丘臺懷鉛登閣開千卷走馬臨
河送百杯十載風雲歡把袂幽期還待碧山隈

張見甫自新蔡來訪得情字書字

二首

竹林殘暑攝衣迎揖客西來坐盡傾異代河山扶
片語中原漁獵傍時名馬嘶講肆非官舍鸞嘯高
天豈世情囊有酒錢君莫問金鞍還許過孤城
大淮新雨漲何如誰道君停下澤車狂似酒人歌

易水游同詞客集漳渠藤簾早約三江釣玉笈今
藏五岳書握手尊前看意氣西風歸騎一躊躇

荅許太史惟楨見寄

秋風開徑已蕭騷詞苑書來鴈影高健在我惟凋
鬢髮雄飛君尚念蓬蒿縵山笙駐千峰鶴汝海窓
臨八月濤他日夷門憶公子停車不羨信陵豪

寄朱子深

尺書征鴈寄蒼茫江國詞人一草堂綵筆醉揮霜
雪色寶刀寒射斗牛光夜留孤月懸匡岳秋湧飛

歐虞部集

游梁卷之五

三

濤掛豫章賓客欲從飛蓋後不妨歌吹薦華觴

寄朱用晦

鼎食寧論似素封西江朱履盡相從趨前拜客觴
頻送虛左迎人轡愈恭門約白雲爲八鶴城連紫
氣是雙龍由來仙者多能俠期爾香爐第幾峰

寄汪德弘陸華甫吳虎臣黃定甫吳子化吳

孝甫卞長卿吳叔承程良學邵長孺倪惟

思十一子

十二城邊南北分飄零劒鳥易離羣笳吹夜雨那

堪醉木落秋風不可聞淮女孤舟頻送客楚人芳
草最思君書來好寄枚乘作無數征鴻傍海雲

秋日游司馬喻公園池

白羽曾麾掃三庭君閒嵩洛在郊垌山樓朝蕩玻
瓈紫池檻秋開罨畫青萬里赤霄今鳳起五年滄
海自鴻冥安危

釣舠

光州九日劉伯玄邀飲臺上

時東西二虜窺
邊兩河諸郡發

兵入

萬家蕭瑟傍丹梯醉眼中原且杖藜芒屨浮雲開

歐虞部集

游梁卷之五

四

穎下輾轅飛雨滿淮西漢京城闕邊烽起燕甸山
河戰馬嘶六載主恩容散吏佩萸何處望金閨

吳虎臣訪余光州長至集齋中

三年送爾大部迴千里尋余汝水來雪後蒨緜孤
劍在星前桑落一尊開門庭冬至惟凋柳河洛春
遲未見梅誰料他鄉還把袂天涯須盡故人杯

荅魏郡魏秀才見寄

書來雙璧忽相投鴈過浮光十二樓

知

汝在開尊北海共誰游濁漳濤掛孤城雪大陸風

驅萬騎秋回首中原猶偃蹇不堪箕踞謝文侯

雪中吳虎臣過同賦

雲樹高齋萬壘屏故人來似涉殊庭天連銀闕三
山白水作瑤池一鳥青授簡豈能梁苑賦披簑惟
憶楚江聽魏君坐上陽春曲夜半持觴笑獨醒

劉重慶邀飲玄湖雪霽泛舟

白髮翛然俠氣生病來猶共酒船行山陽頗擅爲
園地海內深知結客名湖暖梅花催臘早雪晴蘭
漿撇波平鄭莊門下多推轂何但長安置驛情

歐虞部集

游梁卷之五 五

寄汪中丞伯玉時撫鄖陽

二首

詔書絡繹動鳴騶三楚來分聖主憂開府一星
懸執法明堂四岳領諸侯功多滄海餘艤日賦倚
雄風羽獵秋庾亮胡牀情不淺嘯歌何但似江州
千家湯沐重襄鄖人喜塞帷得使君峴首碑題羊
叔子粵南星避馬將軍門生玉笛行間奏賓客銅
鞮醉後聞投筆欲從趨府吏珠旗猶隔楚江雲

送吳虎臣游太岳

二首

天柱峰前百八盤君行支策幾回看白雲不散金

銀氣蒼雪長飄檜栢寒玉檢何年封洞穴琅玕中

夜上星壇乘麟可馭靈風急應向南巖駐羽冠

紫霄宮殿俯懸臺織鐵參差萬壑哀七澤晴雲當

檻起三秦烟樹入關來新題玉笈仙容讀舊鎖瓊

扉帝許開方朔陸沉將欲去青驪海上待君廻

和劉黃門春日感懷

諫獵書猶在瑣闌家傳豈但夕郎永菑川固上公
孫去洛下誰令季子歸馬首關河鞭更疾牀頭風
雨劒將飛春來賓客歌呼甚何處黃金不可揮

歐虞部集

游梁卷之五 六

春雪夜王侍御同袁潛山見過

楊花三月滿河濱閉戶先生未似貧却假霜威頻
促客偶除山徑一逢人草堂繪裏黃州夜玉舄沾
來紫禁春誰謂才名遠獨冷曲高能和郢歌新

寄題董子元城南草堂

博士春秋爾最長竹林繁露滿山房赤鳥碣在晴
嵐散白苧城高海氣涼屏倚隱囊看榻管牕含明
月醉持觴書成差自強人意不必將歸五岳藏

荅邵長孺汴中見寄

落落河山老褐衣酒徒久已到門稀忽看汴上傳
書札自笑淮邊買釣磯嵩室倘攀珠樹去羅浮將
望鐵橋歸他時鴻寶君堪授不羨青雲羽翼飛

夏日同陳使君敬甫游鄭園泛舟因懷王侍

御純甫

竹嶼花潭落日遲使君還共酒船移客能吳相袁
絲飲郡似襄陽習氏池六月波濤沾翠黛兩河燈
火散青驪飄零白雪梁園滿獨憶尊前楚調詞

登賢隱山寺

歐虞部集

游梁卷之五 七

松下禪林偶一攀秋風搖落武陽關景宗鑿峴今
何處士雅投戈尚有山梟綴白雲金塔上龍葱佳
氣石幢間西來賢首開精舍只記祇洹半偈還

金剛臺

丹梯千仞石崔嵬楚微秦疆更此臺竹外波聲淮
水墮尊前秋色岳雲開紫駝風急銅關險白鴈霜
飛錦樹哀郡鳩燃臍君不見莫誇雄視一州來

哭李于鱗四首

梁園歸去老菟裘聞道先生不下樓太白星沉滄

海夜岱宗雲散大荒秋歌風東國泱泱後作賦西
京楚楚流千古巫陽招莫返青山何處掛吳鉤

金尊日向嵎湖開白雪泠泠一代才齊客詩傳三

百在關門書授五千來孟諸烟莽麒麟臥碣石天

風鴻鴈哀華髮凋零玄賞絕嶂前明月照崔嵬

瑤草歲穉獨閉關至今顏色白雲間相將向長婚

初畢便逐盧敖去不還孤鶴驟回棲二室片帆風

引到三山側身東望金銀闕憶爾仙人第一班

過江諸子各天涯得我猶將劇孟誇自許會稽收

歐虞部集

游梁卷之五 八

竹箭似從華頂弄蓮花代興共有中原約絕學能
傳博士家誰料交游携手盡扁舟淮海夢高沙

題王元美小祇園

宰官身已事東林厭向金門學陸沉醉後雙釣滄
海色燈前半偈白雲心持經頗解清齋久投老偏
能住岳溪策杖給園精舍近可容同社一相尋

虎臣子禹惟中時雍子交集齋中

下馬嘯呼濁酒瓶西游賓客在黃亭布衣誰敢輕

朱建木榻空羞老管寧舞罷長虹素氣紫頭來明

月楚天青君看汝穎千秋會曾爲何人一聚星

雨中酬吳虎臣招飲普惠院

持經寄宿似靈臺祇樹林中一徑開白醴醲醑緣
客設銀鞍沾濕爲君催他鄉留寓秦川遠羈宦風
塵浴下來飄薄況逢秋雨裏不妨沉醉夜深廻

秋懷八首

書牘三千奏上方酣歌銅馬昔年狂露桃笑進金
盤濕明水看斟寶鼎香芝火夜深朝太乙華旗秋
早獵長楊龍髯一與烏號墮何處天涯望建章

歐虞部集

游梁卷之五

九

一出金閨荷 主恩遠遊心寄白雲垣蒿呼太室
封高邑岱倚東方拜羨門搢腕談仙逢海客鑿空
遣使問河源嚮來痛哭輪臺詔萬載安危屬至尊
雙峰天闕秣陵開定鼎河山亦壯哉淮海烟花陪
尾下岷嶓冰雪大江來軍懸萬壘胡塵斷漕轉千
艘濁浪迴筆札十年趨走地張衡虛負二京才
塞下呼韓納款成衣冠未可諱言兵九關斥堠通
胡使萬國均輸入漢京夕戍遠連驃騎幕秋風還
勅亞夫營小臣敢預雲臺議願以饒歌荅聖明

北上黃花一障孤朶顏三衛半吹蘆征人夕墮看

烽淚使者秋飛出塞符沙苑已驅青海鵠天閑不

用大宛駒宮羅馬市無勞計父老中原望賜租

洛下鳴珂半弭貂上書多入紫宸朝五都任俠貧

偏劇三輔論才老未招賦後風生雲夢獵樓前月

憶廣陵潮何人不有圖南翼只道鸞凰在赤霄

黃河東下引歸懷掛席清秋欲渡淮簪笏未能忘

紫闥兒童先已辦青鞋百年天地尊吾足十岳烟

霞乞此骸金液析將成晚歲葛洪山畔一茅齋

歐虞部集

游梁卷之五

十

彩筆詩從萬里題薜蘿今自賦幽棲游梁豈必逢
停驂懷越寧能戀執珪南海潮來黃木口羅浮雲
傍赤花西束書沽酒堪投老不爲彈冠負杖藜

吳虎臣過新蔡寄張助甫

長裾落魄一交情白馬車尋蔡渡行置驛已知頻
請謝掃門何處不逢迎西河客禮驕田子江夏時
名忌禰衡把袂千杯看意氣中原還汝金縱橫

寄方藩伯

駕過江南夢漸多十年燕草送鳴珂關中餉待蕭

丞相海上軍勞馬伏波琛貢百蠻應已入銘題五
嶺更如何野人懷惠思歸去惟與漁樵一醉歌

寄胡郡伯

郡閣君來已及瓜憐余爲客未還家禮尊下榻逢
迎簡詔許褰帷父老誇獨憶千觴南海月曾同九
日廣陵花王褒欲奏中和頌四百峰頭臥紫霞

懷陳督學道襄豫章解歸

憶君偃蹇畏途難南楚諸生戀講壇自理釣魚歸
客艇誰論簪豸侍臣冠海邊瑤草曾相寄嶺外梅

歐虞部集

游梁集卷之五 上

花只自看報道倦游書已上莫令烟水舊盟寒

陳使君敬甫張進士千臯過齋中對菊

僻居冠蓋肯同游花似柴桑爛熳秋久客豈知逢
使者故人猶自得江州天青杖底嵩雲落霜白傳
前汝水流南望峭帆歸欲去宦情何處不滄洲

送袁左州

西下陀陵竹馬懽虎符何日出長安登樓山月諸
蠻伏吹劒邊風萬騎寒鬱水星搖秦使節蒼梧雲
傍漢臣冠明年羽獵誇胡客歸賦長楊雪未殘

送張進士千臯使河南因歸嶺外省觀

薊門烟柳故人疎謁者秋辭侍從廬桐栢西來迎
負弩梅花南去傍停車風雲關外終軍使水旱
南汲黯書封事粵中須早上 君王深念及焚漁
荅黎惟敬梁思伯潘少承燕京見懷

漢苑秋風侍綵旄故人近幸似王褒千鴻浮弋書
來遠匹馬長安夢去勞河曲濁流通汝海關門紫
氣接嵩高飄飄便可尋仙隱不爲將歸感二毛

予至汝南林幹夫王叔經亦自朗陵至攜酒

歐虞部集

游梁集卷之五 上

夜過開元精舍見訪二君各談中條天台
之勝因賦

嚴城擊柝夜臨關斗酒能尋講寺間宦業君猶持
筆橐鄉心吾已視刀環司空亭寄王官谷支遁銘
題瀑布山處處烟蘿偏有夢平輿東望白雲還

訪觀漢碑至淮瀆廟與繼上人鄧道士望大

復山

桐栢山頭客未歸溪樓真與世情違壁投淮瀆龍
爭避錫過胎簪鶴盃飛黃帽共持花水供白雲偏

戀薜蘿衣虎谿一望雙林晚猶笑浮名誤息機

過南陽飲方司勳允治宅

浮光客似廣陵貧五載逢君是故人省闕揮毫知賦就風塵握手見情親玉簫吹月江淮夜寶馬看花宛洛春明日關河千里去肯辭深酌負陳遵

裕州光武廟

帝子親將九鼎扶飛泉猶足駭愚夫水前騎士渚沱水闕下書生赤伏符唐鄧北來存舊宅峭函西鎖卜東都投戈漢業千年盛惆悵荒祠亂夕烏

歐虞部集

游梁卷之五

五

登昆陽樓

一片孤城日欲低極天沙草共淒淒乾坤尚想風雲陣蒼莽猶驚虎豹啼萬恨連營惟劒戟諸山京觀盡鯨鯢中原從此雄圖定河隴長驅白帝西

曉登龍門寺樓

烟中隱隱見層臺僧臥高龕戶始開曙早殘星連漢沒春時飛翠過河來伊流天際舟初渡洛下花時鴈已迴寶地珠林堪出世自憐川陸日悠哉

北邙山臨望洛陽城

漢主河山錦繡多西人望幸意如何金墉半納綏

嵩月鼎觀平臨穀洛波自昔五經稱白虎只今諸

少滿銅駝抽毫賦客蘭臺下聽得東都父老歌

洛西樓懷岑給事葉侍御

二子皆謫丞關西

迴磴層雲睥睨愁爲君孤眺獨夷猶關門西引三峰色河水東懸萬里流卷幔綠吹榆柳細開尊紅映杏花稠春深遠作他鄉客滿目風塵易倦游

偃師東寄王元美

書來桐栢歲將殘鴈過姑蘇雪未乾二室我遊能

歐虞部集

游梁卷之五

五

賣畚五湖君去但持竿乾坤萬事爐頭盡風雨孤征七首看知有江南春可贈梅花偏憶玉驄寒

白馬寺

河山百二走關門經入中原佛自尊白馬馱從天竺國青鴛飛傍給孤園蒲團雪積花前供貝簡雲溪石上繙自昔南宗稱弟子不將文字與僧論

登少室山

削壁嶽崑萬木摧天邊寒色大荒開白雲玉檢封中山紫氣函關馬上來三輔干城分陝地五陵賓

客集仙臺秦壇漢時虛無裏杖底西風肯共廻

從太室遂上嶽頂

白鶴觀前人跡稀獨探靈氣謁天扉岳雲低向祇
林落瀑雪遙從御路飛狩日庭頒羣后玉宴時鳥
讖侍臣衣只今聖主巡游少父老何勞望羽旂

謁嵩岳廟登天中閣

金支翠蓋百靈趨測影天京宅此區只尺扶風開
二華蒼茫楚望三塗洛曾卜曆千年在路爲升
中萬歲呼嘉祀告成多協氣詞臣何日奏西都

歐虞部集

游梁卷之五

五

嵩少山中懷張助父

策杖高臨百八盤雄心忽自上巔屹飛虹不斷千
峰色積雪長吹五月寒河水曉縈秦路樹岳花春
覆漢封壇叔卿白鹿能相待二室何時共爾看

雪中訪朱灌甫

蕭條匹馬汲梁行海內深馳十載情敢藉交驩爲
重客尚能都講領諸生歌風大國聞何晚積雪平
臺賦未成篋裏書藏應早奏河間雅樂在西京

贈孟中丞

夷門文苑自君開雪滿黃河我獨來過鄭豈期逢
七子游梁偏自愧羣才滿延客坐還推轂曾總戎
機數舉杯聖主借籌今欲召不知何處望三台
朱僊鎮岳王廟

百萬長驅虜不支金牌誰遣哭班師英雄未飲甸
奴血天地空摧馬革尸二帝夢魂沉朔漠兩河父
老望旌旗西風折盡沙城柳猶似將軍督戰時

許州游西湖寄吳少修兼懷陳士鵠

斗酒星亭不共携使君遠在七閩西昔來聽水誰
歐虞部集

游梁卷之五

六

開檻老去看花一枝藜五岳自能尋向長三亭那
得侍王嵇太丘爲吏今何似樓上懷崧早寄題

邵長孺訪余光州遂赴坂上

三年汝海見君遲念我江淮首藉時家故牛醫遊
最久世無狗監去何之平原十日偏能飲梁苑諸
生雅善詩西上吹沙草綠相思惟有白雲期

游梁集卷之五終

游梁集

嶺南歐大任楨伯甫著

五言絕句

劉太守玄湖別業 十九首

于野堂

明農君早歸榮宦世多巧呼鷹自賢豪行歌飯牛飽

依雲樓

高丘儘牛眠雲裏松幾箇扶策一登樓目送雙鴻

歐虞部集

游梁卷之六

過

注經閣

筆格置牆隈閉窓山葉墮誰來候先生夜爇把藜

龍山

千里開平楚丹梯延佇中山山堪落帽不必待秋

翠霞塢

鶴前平欲臨松杪高可吸此中敷坐時難偈僧來

揖

香雪巢

玉林積飛霞風過簷簷寒煩熱何所有天花灑蒲

桔槔亭

湖田歲歲熙頗似灤西村俯仰無機事丈人方灌

舴艋亭

漁人榜小舟詰曲桃花水雞黍能相邀問津儻來

歐虞部集

游梁卷之六

此

秋水亭

鵝雛發南海逍遙吾所之鳴之自腐鼠奚用相嚇

野雲亭

風靜雲歸山風起雲作雨偃僂人無心日倚亭前

茶汀

卜居天門下置園顧渚山茶竈支泉側夕待樵人

還

酒嶼

丘中酥醪香疊麴松花旁隱矣桐栢水剪珪封醉

鄉

湖波激蕩灘其下石齒齒何異瀟湘秋和歌滄浪

子

西疇草堂

父老談稼穡柴門巾我車遠懷古田舍擊壤今何

歐虞部集

游梁卷之六

三

如

馴鶴樓

緱氏一羽衣翩跹行獨馭相將浮丘公接上嵩高

去

鹿曲

仙人衛叔卿雲中醉騎汝蜿蜒成白龍服驂叩靈

闕

桂柵

好道仙人至尊生逸老年淮南一萬樹樛曲小山

前

梳園

出世一大事駢梅誠何意那知薝蔔林婆娑漆園

吏

控弦風鳴鏑長楸古城下白頭報主心金將且

馳馬

送蘇君錫一首

伊陽下汝河大淮望西浙如何故鄉人却在他鄉

歐虞部集

游梁卷之六

四

別

日望江南路秋風吹苧衣錢唐君欲渡應與鴈同

飛

郡樓下臨淮河

三洲樹似薺千里沙如月何處落帆還登樓望吳

粵

秋夜過褒信聽橋下流泉

磬下鳴琴響披衣白露寒憶在東林宿僧來石上

彈

白公寺與二三釋子夜坐

麝纓偶一濯蕭灑泉上石何期趨府人共此聽鐘

夕

荅張乾甫 二首

俯仰人間世經年客未還不堪持手坂馬上望嵩

山

河洛忘歸路東尋大呂亭委心曾十載不是愛沉

冥

荅李蔭京師見寄 三首

歐虞部集

游梁卷之六

五

開槭不忍讀字字念情人多少登樓恨烟花又一

春

上書君未遇聞欲下燕臺何事青氍冷先生亦肯

來

徇祿猶卑吏歸山已後時長安書不到君但寄相

思

齋夜

扉裏雙林月城邊一澗烟西齋誦經罷寥寥茲夕

眠

梁彥國奉使江南道出光山以書見寄賦贈

四首

同舍君爲使前途負弩多浮光不相待驅馬意如

何

引經曾斷獄三府署曹郎知爾王程急郵籤報弋

陽

西曹銜命出何日下都門蚤見江南雨應申孝婦

冤

使星入部中汝水聞君度何由送雙旌山城日將

歐虞部集

游梁卷之六

六

暮

對雨

嘉賞不妨獨冲襟何所營散帙山齋雨那能知世

情

寄王屋山劉居士 二首

夢入烟蘿山一攀雲中駕至今聞僊鐘恍惚瑤臺

下

北尋小有洞是昔軒轅家何日從夫子天壇掃落

花

少林夜起招思定禪師

我憐岳下月師禮佛前燈東林俱不睡還來支廨
藤

過少室書院是李渤徵君舊居

人傳諫議名不識徵君宅嵩雲無世情飛入牕間
白

初祖庵

九年事若何辦此一心竟學人入洞來視此石上
影

歐陽文忠公集

游梁集卷之六

七

學時雪滿膝談時天花落是佛卽是心定後吾自
覺

潁水

君辭九州長瓢掛泉頭樹洗耳莫臨流恐有飲牛
去

盧鴻巖

中嵩太乙南巖竹風猶掃長鏡吾欲來爲君種朱
草

密孫大風阻宿朱家莊

四首

朝渡溱河左僕夫凍僵臥誰遣綰行人柳絲馬前

墮

勁風東北來沙蓬千里飛十步不可往還復入荆
扉

客子夜中飯策羸出又返雖非倒馬關竟似回車
坂

兩夕田家宿主人黃梁熟燃燈起繞牀徘徊候朝
旭

游梁集卷之六終

歐陽文忠公集

游梁集卷之六

八

游梁集

嶺南歐大任楨伯甫著

七言絕句

答劉仲貞

山中注易不須刪
稷下誰知有鶚冠
我自最憐嵩少色
白雲披褐幾回看

答朱正叔 六首

寶劍誰持托片心
江城何處不蕭森
爲君欲請南昌尉
豈但金門可陸沉

歐虞部集

游梁卷之七

一

尺書南去綵雲間
羨汝匡君九疊山
搖落楚天不堪望
秋風將下木陵關

長裾賓客善筵侯
飛擁王孫紫玉驄
君自枕中書可寶
只携雞犬白雲游

天上波濤彭蠡湖
豫章颯颯赤楓孤
相思寫入丹靑裏
不數滕王峽蝶圖

楊州烟月老江干
楚客年年首帶寒
頭白游梁今已倦
賦成那得寄君看

蕭瑟千家汝海秋
大淮東下注邗溝
雙魚好寄長

江水莫遣浮沉過石頭

辭署邑後入浮光山

天眼支郎定裏開
笑予辭印入山來
自憐不似柴桑令
三徑荒時尚未回

送熊子貞會試 四首

傳經弟子爾超羣
落筆曾驚五色文
春日甘泉新奏賦
子虛誰道獨凌雲

結束輕裝紫玉驄
雪中嘶入漢長楸
五陵賓客能相薦
曾是河南第一流

歐虞部集

游梁卷之七

二

吳公今引賈生來
意氣千秋亦壯哉
此日殿前親策士
洛陽寧少治安才

如雲詞客滿公車
君入承明侍從廬
若見長安鴻鴈過
玉河西畔好題書

春日出郊登五龍臺過鄢家莊看花 六首

晴光飛灑五龍臺
少室三花向此開
不是仙人誰敢過
綵雲深擁玉鞍來

淮河西下遶城斜
馬上相逢問酒家
郢客何來歌白雪
千門春色盡楊花

花源疑入武陵春修竹高臺霽色新獨把珊瑚還
遠去不知何處寄佳人

碧藕樓邊朱槿樊人家半似辟疆園叩門一笑逢
僖父豈但江南有竹村

嵩洛東南羨此州藏春塢是翫花樓聽鶯不覺留
人住細浪迴船丈八溝

千花萬花錦滿城牡丹開後熟朱櫻春深五斗金
葦露醉殺陳留阮步兵

晦日登鎮淮樓

歐虞部集

游梁卷之七

三

烟深隄下綠絲新花鳥中原過一春尺素淮河須
早寄天涯芳草待歸人

寄朱邦憲

二首

才名入洛未相逢我憶雲間陸士龍明月扁舟何
處路爲君持楫下吳淞

譚詩匡鼎解人頤豈似朱游折角時三泖烟中吹
笛去流波空訊十年期

九日王九德崔繼甫沈恩甫見邀同吳虎臣

飲八首

秋色山山照酒杯滿天鴻鴈過淮來誰知萬里思

歸客半醉西風戲馬臺

作客黃亭近楚天叅軍誰似孟嘉賢武昌西望龍
山宴多少風流落帽邊

高齋賓客未全貧杯爲黃花送百巡毋論積薪猶
不調十年持戟是何人

總爲風塵作吏慵寧能五斗負千峰愛君今日東
籬下還著將歸那曼容

楚客柴桑處士風他鄉共醉菊園中小兒已舁藍

歐虞部集

游梁卷之七

四

輿待莫惜千觴勸醉翁

九月清霜林木疎廣文官舍似山居汝南只道長
房事挿帽茱萸盡可書

門外何由有白衣陸沉車馬亦應稀江州昨日千
錢送那得醒時放客歸

鄰齋秋釀熟多時況是天涯九日期首荷滿盤花
滿徑莫令京洛貴人知

九日晚復同虎臣過伯玄飲湖上樓

四首

霓旌西導過湖船岳色秋風散夕烟醉擊空明濤

欲起絲雲樓閣在中天

金剛臺小一鴟夷大蘇大陽如酒卮劉郎字字白

雲氣猶嚼黃花把劍吹

吳生對酒望天都作賦曾同楚大夫我采三花游

二室明年相憶佩茱萸

樓前列岫碧崔嵬僕僕先生黃鶴來遙動仙人一

瓢酒看余東海渡蓬萊

夢故姊夫郭明府邦翼

世緣何事盡空花夢向烏衣問謝家地下金棺應

康虞集 游梁卷之七 七

有恨不從勾漏餌丹砂

登霸王臺屬驟雨至

何處峭函風雨來楚天搖落正悲哉玉門西眺憑

陵下不見烏騅走漢臺

秋晚同陳使君張進士飲喻園 五首

淮上園林樹已殷使星入部照江關習池未少風

流興拚與山公倒載還

空濛山翠朗陵開楚客悲秋且莫哀病後登臨枚

叔在城頭何羨景夷臺

金梁館裏似江湍傍艇飛來白雪寒千里芙蓉雙

槳過五湖秋色醉中看

清尊曾共謝公游客豈半曇淚亦流搖落川楓前

日路不知何處是西州

大陸風高萬馬騰喻家園上放秋鷹霸臺東去堪

回首落木荒山入固陵

送王侍御純甫量移內江令 六首

當時諫獵禁庭聞憔悴孤城汝水雲稍得戴星湔

上去漢家遷客最憐君

康虞集 游梁卷之七 六

秋風棧道馬躊躇萬里蠶叢念謫居君自楚人蘭

作佩岷江西上莫投書

廣漢捷爲古縣存江通土壘劍爲門耶筒酒熟巴

童舞縱謫難忘 聖主恩

五嶺風烟行部中按章誰似鮑家驄武溪玉笛門

人奏猶憶樓船一劍雄 公嘗按吾廣勅兵海上故

錦城游處浣花寒秋色飄零尚楚冠九折畏途行

叱馭坂前人作使君看

翩翩仙令有王喬江縣青楓路未遙鳧是尚方曾

賜烏明年飛入紫宸朝

光州北樓觀雪 二首

汝海風生萬壑雷飛雲吹過漢王臺醉看半似秦
關路馬首梅花片片來

楊子江深雪滿舸黃河水側掛帆青六花又向淮
樓見那得蓑衣釣洞庭

送吳虎臣之楚 四首

風流江左陸平原入洛深懷國士恩車馬東西交
聘日憐才誰似楚王門

歐虞部集

游梁卷之七 七

開府千秋作賦名幕中賓客布衣情西風大別濤
如雪君但褰裳采杜蘅

解佩湘妃去不迴至今啼馬楚天哀詞人只自誇
雲夢明月珠旗大獵來

樓閣鄂渚萬楓丹醺酒同誰七澤看莫向江潭獨
醒去九歌天濶白雲寒

郡中送膳錢至首肯齋漸有酒矣戲呈同僚

二首

館裏高歌似鄭虔藜羹麥飯已經年何來阿堵呼

兒舉誰信先生只有龜

江州刺史蘇司業似勝屠沽市上兒便可從君看
山色食錢今作酒錢支

一首

伯玄既答隄州行復餉雙鵝重以絕句更和
道士崇虛六翮飛鵝羣掩素艸書稀隄州賦共筠
籠至絕勝山陰野雉肥

同趙新息行次唐縣聞龔判官從舞陽已赴
商城

歐虞部集

游梁卷之七 八

賈父何因並轡來行談渤海使君才千山不共街
杯日東指松坡過漢臺

南陽館夜聞消水溜聲頗似吉州灘流也枕
上有作

匹馬關山倦客情宛城高閣消河聲北風吹夢江
鄉去一夜扁舟雪浪行

彌陀寺西館方秀才見過

賓客通家似孔融標鮮滿坐有兄風一時童子即
無數看爾含香入漢宮

題紫雲山黃道士院

紫雲山裏黃花洞十里襄城路不迷
童子芝圖何日授玉池風谷具茨西

曉行宛城北路懷九德繼甫恩甫三僚

魯陽關外曉聞笳官柳千行雪滿沙
想得高冬人睡足城頭吹笛落梅花

清源觀題壁

白馬經來石上刊乾坤百戰未摧殘
摩挲尚有開元字憑軾中原我獨看

歐虞部集

游梁卷之七

九

馬上見天息山渡河入汝州

天息山前一旅人廣成澤畔萬家春
城頭無限魚陵色日暮移船獨問津

洛陽看花

六首

烟光漠漠萬家寒京洛春遊興未闌
細草沙平飛騎過玉樓廳小醉顏看

二月花朝錦滿城五陵公子聚朱纓
席茵檻轉移春去關草壯新競早行

千柳河隄垂綠絲新鶯先到魏王池
援春嘯學諸

年少無奈東風日日吹

華林園過石家園金水流從太白原
十里烟花今不減上東門外醉王孫

鴻池綠水傍東都清蘂花枝絕代無
酤酒天津寧論價朝來山鳥勸提壺

洛中來爲牡丹期曾醉楊州芍藥時
從此芳菲驕不得馬頭春色滿囊詩

贈白馬寺八十覺上人

幻住庵前一衲衣黃楊樹老白雲飛
師今莫問人

歐虞部集

游梁卷之七

間世只記西來幾日歸

毘盧閣觀舊藏示講經僧

十載翻經事若何法門原自學維摩
莫邀謝客匡

山社縱有鋒機覺已多

次偃師寄王敬美

二首

王家小令最風流江左題書念遠遊
采得三花持

欲寄白雲春色滿嵩丘

十年華髮傍風塵薄宦誰憐似積薪
蝦菜扁舟羨

不惡憶君芳草五湖春

與惟上人少林觀月懷伯玄仲貞

六首

飛盡浮雲蕩紫烟我來搔首問青天嵩山月似冢

陽月一夜開門河漢邊

娟娟猶自照蛾眉玉女臺前玉女池笑問緱山王

子晉醉來還借玉笙吹

半夜翩躚白鶴回萬峰明月照崔嵬相將一謝時

人去絳節覓旌導我來

故人汝海一劉君嵩少曾期共勒文此際登樓望

珠斗憶余三十六峰雲

歐陽修集

游梁卷之七

七

海內稱詩誰大名漢庭方重汝南生薊門禪客同

今夕碧落空歌萬里情

佳人怨別碧雲期詞客高僧亦得清光粲

成綺江淹能擬惠休詩

酬鄆城王明府

慷慨遼西國士風鄭莊愛客與君同澥亭醉別頻

回首認得長安五色驄

雨中渡河還光州

河邊衝雨客行難片片浮雲傍馬寒西去問津頭

欲白莫令年少路旁看

寄金惟良二首

宣平南去把芙蓉招手黃山萬丈峰他日相期秦

觀下瀑泉飛傍石閭松

我向中原作酒星憶君天際大鄣亭五千欲受犂

囊字牛山關門認是青

游梁集卷之七終

歐陽修集

游梁卷之七

七

遊梁集跋

世恆言文人不敦實行余觀南海歐君楨伯一何篤論君子也嘉靖乙丑獲交楨伯於燕京余時始釋褐出守鄭州而楨伯亦拜江都博士去隆慶庚午余補光州楨伯先以被薦典教于此握手驩甚每見其謙虛自持廉約益礪恂厚雅飭似不能言所爲詩歌則與嵩嶽並高大河爭駛人咸推列于二三作者間於是海內競推轂楨伯矣守博士者八年未嘗幾微有淹屈可憐之色惟念母請休牒

遊梁集跋

狀數至余謂太夫人幸健君強爲我風厲學者今觀集中游子篇歸來行秋懷雜咏諸作不可窺其志行耶余雅重楨伯不徒以文人視之也因捐俸爲刻于郡齋梁楚之墟精光燭天殆由此哉殆由此哉壬申三月東吳陳王道書

南翥集序

友人南海歐君楨伯入官太學余從已至京往候君所出詩一卷視余曰南翥集蓋屬者有太夫人之事君自光州還家後所為哉君有雅才喜讀書故其論著多閎博奇偉又特精於詩人謂君當豫承明金馬之選雍容書府作為文章以歌頌 本朝之鴻美何不可者顧令

歐虞部集

南翥序

編名郡邑諸博士牒中一教廣陵再移汝南既歸家持服三年乃稍遷今官抑何其不遇也雖然始君結髮時俯首就書至于今口誦舌吟不勑者固邀一時之榮名已乎其意將欲含精吐華追古邁今為一氏之語施之不朽哉即官階高下猶薜華之朝夕也安在其遇不遇邪君詩故溫麗有典刑其在江都則清

曠超遠江淮之間多傳之最後官汝南游梁遠周以歸則好為僞儻卓詭之辭實與今號稱鴻公鉅匠漸采錯繡務欲衣被天下令後世無以加方古則泰視今維烈後世讀君詩有不嘆士子既凋者半而君與數公並軌齊驅以凌厲一時盛矣盛矣又况太學可階承明金馬乎異時雍容書府探石室窺玉版考見當世之成功盛德有所彫篆宣示因極未為晚也余徧得讀君詩輒通論之因書集端歸之從史

歐虞部集

南翥序

二

萬曆乙亥長至始安張鳴鳳誤

南翥集卷之一

嶺南歐大任楨伯甫

南歸酬黎惟仁梁公瑞唐寅仲鄧君肅黃幼

章梁少學黃幼元林開先見過二首

馳驅游已倦勞苦意何深把袂千秋淚抽簪萬里
心文章寧跋扈閭巷且游沉知爾憐同調翩翩故
遠尋

皮骨餘生在七奔今亦勞馬蹏諳至理鷄肋見吾
曹四壁家徒立雙釣氣尚豪求羊能不負開徑引

歐虞部集

南翥集卷之一

蓬蒿

春日沈令純父邀集來鶴軒二首

花開一縣春退食更邀賓經術知高第詞華本近

臣城隅霞竝落廳事鳥相親右率今離夜應憐楚

瀨人

爲政風流者千山遶射堂兵收投袂後書掩斲輪
旁劒匣多龍氣詩名已鴈行慚予披褐客半似次

公狂

沈純甫見過不值

病起江千一櫂歸翩翩皂蓋訪魚磯烏皮几在攜
家隱白板門深見客稀滄海霜隨旌外落羅浮雲
傍舄邊飛徵書十道聞將下強欲從君願已違

答劉憲使見訊

滇江兵後信蹉跎不爲衡陽鴈少過西去朱陵題
字滿南來銅柱勒功多龍驤使者書頻寄鷄骨山
人病奈何匣有芙蓉霜雪色滄洲畱得傍漁簑

戴使君邀集鎮海樓

使君開閣出風塵客有羊何盡葛巾江下牂牁連

歐虞部集

南翥集卷之一

二

湏洞嶺分衡岳闕嶙峋步檐桑落千杯月吹簫梅
花萬樹春休汝不教車騎入白雲今乞宰官身

送戴使君還閩

挂冠神武更何疑去國誰堪黑髮時灞上獵逢亭
尉醉杜陵人望蔣鄉遲鼓行自喜飛揚甚箕踞深
知造化私應向虹橋吹鐵笛九歌不用楚臣辭

七夕同梁公瑞鄧君肅黃公補張元春黃公

紹集梁思伯宅得簾字

嘉期不易得涼月照纖纖烏警江城笛鳴衝水閣

簾客游吾已倦郎署爾方潛幾日乘槎使星河別恨添

秋夜同梁思伯諸君招沈純甫集禺山池亭
得心字

謝氏西池客斯游遂至今滄江星欲散金馬陸會
沉去住牽裾淚風塵說劒心嶺頭他夜月偏照五
湖深

純甫見邀同思伯惟仁公補公紹飲小瀛洲
得高字

歐虞部集

南齋卷之一

三

閒多單父日命酌俯烟濤石引叢青上河窺太白
高揚蛾人自妬策駿爾偏豪醉裡筵篴曲南音敢
竝操

同陳忠甫過余彥綸

八桂賁禺甲第崇重來飛蓋故人同河山半似遼
東鶴京洛猶思鮑氏驄白雪憑陵今寡和青雲阪
扈各稱雄登樓大有秋風興斗酒誰堪狎孟公
劉憲使招飲禺山園同梁思伯黎惟仁梁宜
伯張元春賦

離門橋袖一筵開賓客何人頌酒才乍湧烟波分

粵浦可禁秋色滿秦臺白鳩拂舞山城宴黃石兵
符海艦迴此夕庾公情不淺萬家明月塞鴻來

無錫盛生自燕京來游羅浮值子臥疾道園
寄贈鄙句

爲有千年約寧知萬里勞羅浮邀葛令滄海問盧
敖片雨山山葉孤帆夜夜濤天涯不相見心寄大
行高

懷曹子念

歐虞部集

南齋卷之一

四

季布惟一諾君卿無五侯囊金因客盡匣劒向人
愁風雨便高枕菰蘆寄小舟相思東海上幾醉王
鱸秋

送張元春兼寄俞仲蔚

三首

婁東逢爾已經秋萬里能來嶺外遊歸去輕裝楊
子驛片帆秋色下長洲
崑山曾過憶俞公伏枕扁舟涕淚中布帽蕭條君
不見飛鴻偏在五湖東
他鄉寧似故鄉遊明月猿啼五嶺頭聞闌城邊楓

葉起白雲何處不悲秋

輔國將軍竹隱朱公輓詞

西京王子侯醴客重南州聞樂會看對稱詩雅好
游翛然大鳥下淒矣亂鳥愁何處吹笙過緱山一
片秋

題朱用晦灌息軒

君豈於陵子清時亦灌畦桔槔機自息蝴蝶夢俱
迷支枕存鴻寶撰書誦馬啼千秋高士傳多在豫
章西

歐虞部集

南麓卷之一

五

芙蓉園

彼美西園中庶卉各有姿芙蓉一何好修莖擢金
池素波濯絳華惠風時紛披夕舒零露下旭日照
灼之魚戲龜來游植根非澤陂公子延貴客清夜
吹參差高臺飛蓋來進酒騰羽卮徽音屬相和濡
翰奏雅詩人生貴行樂歲晏嗟畱夷芳草自本性
何必葦與菰酬君千金壽令德以爲貽

龍沙草堂

水似游龍帶郭斜蘭臺池館桂叢花江陵沙起劉

虬隱南浦堂開孺子家百代風流看筆扎一時賓
客在烟霞聖朝誰道東陵貴唯有青門五色瓜

賦得甘露臺贈胡明府

山邑分符政已成築臺甘露表賢聲銅盤八月分
雙闕玉樹三危注五城南海總歌明主瑞西京
曾識使君名臣清本是胡家事不少中原攬轡情

爽臺爲朱同伯賦

江上飛濤樹杪開豫章西北有高臺揮毫萬里雄
風起挂笏千山爽氣來楚客鳳歌無世念漢家龍
種盡天才兔園賦雪延枚叟灑酒平蕪醉幾迴

歐虞部集

南麓卷之一

六

送陳南海人覲

名高片玉重文儒嶺外風雲握漢符南海夜光搖
列宿建章春色下雙鳬長籌已借樓船出近侍應
歸禁闥趨咫尺主恩詢治狀鳴絃千戶足秋租

答朱用晦懷予光州之作予時游河洛已歸
嶺南

江上雙魚尺素遲秋風吾已解歸時洛陽一葉飛
何處少室三花好寄誰酒罷頗能行荷鍾乞猶

百哭吹簫故人不見飄零色只問西游萬里期

答朱貞吉讀子游梁作見寄

我昔西游客請從聞君雅樂奏三雍梁陳一日
俱下枚馬千秋不可逢隱去只今疑澤豹技窮誰
復論雕龍藏書敢比佳廬石獨憶蒿林半夜鐘

得朱孔陽書却寄

天高木落尉陀樓蕭瑟千家望斗牛五嶺北來鴻
鴈字大江西下白雲秋宅非蔣詡貧無客書媿虞
卿老更愁縱有長裾何處曳自能箕踞臥滄洲

陳真部集

南齋卷之一

七

寄余德甫

十載彈冠客 聖朝短衣今自傍漁樵詩名不借
青雲大交態誰疑白眼驕病免風塵猶瀕洞居閒
賓客未蕭條佳山祗隔南禺路醉把梅花上鐵橋

送沈純甫上計

趙尉臺前散海氛少年歸漢似終軍舊帷曉送羅
浮月閭闔春開碣石雲製錦三城騰薦疏揮毫五
色見雄文故人交戟應相待獻納黃門奉聖君

秋夜道園山中同舍弟明叔經季

歸來萬里哭聲吞况是淒淒道者園木石欲銜填

大海風雲長送入修門哀歌憔悴心何託孤憤河

山氣僅存九苑誰憐千載事啼蜚一夜傍殘魂

題潘中丞畱餘堂

騎省當年作賦名雲川今有洛濱情門因廷尉容
車大星向中丞獨坐明家慶長畱看列戟 主恩
深注待持衡傳經世守春秋學何但玄成在漢京
梁彥國量移德安司理過草堂爲別

漢東星轉法爲官猶作南音楚客看海鶴飄零人

陳真部集

南齋卷之一

八

事異江楓涕泣 主恩寬璽書曾借三吳色羽獵

今驅七澤寒枕上千將堪贈汝浮雲何處望長安

寄何徵君

呦呦鳴鹿賦嘉賓况有花開一洞春紫氣出關如
老子白衣爲客亦山人弓旌結轍烟霞遠冠帶圖
橋禮樂新但使絃歌能化俗山來黃綺不稱臣

陸華甫度嶺見訪

萬里輕裝上海槎白頭交只在烟霞天涯鮑靚能
畱客江左虞翻此是家林底滄波惟玉鳥酒邊春

色盡梅花飛龍羽翼相從遠知爾南來不爲砂

臘日華甫伯玉同賞千葉桃花懷邵長孺

小紅臘色滿山樊誰信春光嶺外村人老家能開

酒喚客來舟自入花源興隨度索青藜杖詩在滄

江白板門皮陸只今堪共賦醉憑高閣望中原

哭梁思伯

風雨偏驚萬木摧河山不盡此人才羅浮黯黯孤

猿哭滄海蕭蕭大鳥來六傳封軺頻奉使三朝

視艸獨登臺竹林憔悴交期絕獨聽悲泉寄八哀

歐陽修集

南齊書卷之一

九

除夕同陸華甫守歲

蘇門曾此夕同是未歸人去國垂南翥登樓望北

辰椒花吳苑客梅萼粵江春笑把屠蘇酒燈前醉

莫嗔

海珠江上寄齊明府

何來雙鳥忽先登羨爾衣冠出五陵錦自製成推

翰墨花會栽遍識賢能豫章家世彤雲接粵海樓

臺赤日升握手天涯飛蓋地便從燕闕望觚稜

寄方比部士功

藝苑西江有大家蹉跎憐我自天涯青山欲訪佳

君鹿白髮難求葛令砂但誦馬蹏消日月強支鵝

骨臥烟霞寄書爲問叢生桂金粟年來幾度花

寄趙使君修甫

解歸何處不堪詩束帶那能見小兒隋苑飛旌青

柳送秦郵急檣白鷗窺執鞭但可期千載覆瓿空

勞論一時君自詞人稱傲吏江湖分手寄相思

答朱宗良見寄

西風苜蓿照闌干伏枕青山欲見難驥尾獨憐何

歐陽修集

南齊書卷之一

十

處附蛾眉雖在不堪看雪飛竹箭二江下驛過梅

花五嶺寒授簡自慚多病客洛陽誰更念袁安

懷竹西社諸子

精舍西河爲客開竹林當日集羣才匣中寒色雙

鈎出句裡飛濤八月來捐珮只今荃蕙遠廢詩不

但蓼莪哀嶺頭木葉江風急盡起征鴻過弩臺

寄襲克懋二首

姓名聞海岱始就竹西尋傷汝飄零色憐子涕淚

深閉關存傲骨說劍託雄心苜蓿差相慰無愁雪

滿簪

高齋橫講席應不廢飛觥何事淮南客猶憶歷下
畊交情殊慘淡詩句獨崢嶸我向滄洲外逢人寄
杜蘅

草堂元夕同華父觀燈聞長孺時客都下

火樹千枝竝西堂夜不寒客因同舍至燈愛故園
看舊賞偏能續深杯半欲乾十年飛鞚地猶自說
長安

小樓初成陸華甫同登有作

歐陽文忠公集

南齋卷之一

十一

海上樓成倚嘯臺風流河朔幾人來稍呼江鶴偏
能下何處秋濤不壯哉病起五湖行欲乞家貧三
徑待誰開君看天地容高枕豈向烟霞負酒杯

寄黎維敬

秋色龍葱玉樹青憶君委佩傷堯蓂 三朝扈閣
仍紬史五世名家只授經勾漏丹砂吾自給羅浮
朱鳳幾時聽深山豈似東方朔從此金門識歲星

寄吳明卿

黔中萬里憶君勞我向羅浮藥市逃歸興已同鸞

曠遠詩名敢竝鴈行高山間白幘空皮骨海內青
雲各羽毛才子漢廷徵盡入可能一字寄蓬蒿

送梁思立叅藩貴州

七閩法吏意如何西去還鳴白玉珂三楚風煙連
熨道五溪魚鳥下牂牁關通絕徼巴人少日近長
安漢使多岳牧只今開府地璽書行且慰蹉跎

送梁生侍其尊人少叅公赴貴州

敬客知公子承家一俊人郢歌飛白雪越鍰照青
春下馬談經地聽鷄問寢晨荆梁遊遠徼歸看錦

歐陽文忠公集

南齋卷之一

十三

囊新

七夕沈純甫邀集禺山園同陸華父黎惟仁

黃公補公紹分得臺字

池閣初逢此夕杯使君天上賜金迴珠隨明月三
更出槎似銀河萬里來砧杵鄉心頻作賦河山秋
色一登臺尊前共有沈酣興莫遣城頭畫角催

潘子朋余季美雨夜見過時華父還洲上

江雨籬門暗扁舟二妙過通家堪孔李和者到羊
何茅屋秋聲早松醪夜語多客居同甫里猶得慰

蹉跎

送陳道襄赴閩

長安君到日才子得陳琳連璧慚同舍雙鈎托片
心俠遊燕客貴經術漢儒深爲問金門下何人解
陸沉

答黃公紹

千里風塵瀕洞間故園秋共一尊閒帆前滄海虛
敖路杖底朱明葛令山越騎兵戈聞息戰漢家金
鐵許通關知君不上千時策落日漁樵數往還

歐陽修集

南齋卷之一

三

秋日同陸華父黃元光泛海登佛敎臺

濤上西風起片帆青山攜手上巉巖雙江秀色看
俱發十載清觴得共銜遠浦不禁迴鴈驚高臺猶
爲護松杉求羊若許能相待三徑歸來荷短簑

郢中三詠爲曾中丞賦

秦中還使節漢上臥文園散帙便欹枕看山足杜
門書藏京嶺近劒倚石城尊知有南熏奏長歌

聖主恩

右讀書樓

拂衣無不可學圃在江鄉僮理栽花徑人尋載酒

堂歌能飛白雪笛自和滄浪蚤遂冥鴻志非耽野

趣長

右西清園

城上霞成錦開軒向郢都一毛標鳳穴千里識龍
駒寒竝金莖直光侵玉樹孤韋賢推相業曾是漢
名儒

右錦標軒

九日同陸華父張仲實蔣子瑞黃元先龜山
游宴得花字

江鄉秋色在黃花賓客來尋錦水涯風起平蕪吹
鶴雀山寒叢薄散麝麝林光稍入三珠樹酒氣猶

歐陽修集

南齋卷之一

四

蒸五色霞誰遣白衣能就我紫桑荒徑是吾家

重陽後一日同陸張蔣三子集黃元光宅

勞君招隱意念我倦游人不恨交爲晚空知醉是
真宅邊環細鞠林外帶荒榛莫問江州酒時來漉

葛巾

陪陸華父諸君集合弟經季海霞閣池上

白社能頻訪烏衣亦可游花含三徑色木落一庭
秋海鶴寒相傍山池澹不流持觴遙問月猶自戀

滄洲

華父元光諸子過舍弟明叔酒禪閣同集

好客田家少清齋秋事閑益惟三友者游豈五侯
間玩世非關酒逃禪不在山諸生依繡佛長笑虎
谿還

十四夜同陸華父登方清臣問月臺

萬口正西風登臺得謝公清光搖几席寒影入簾
櫳笛起滄波外觴飛白露中還同吳苑客今夕賦
江楓

題小竹林圖贈黃元光

歐陽修集

南齋卷之一

五

單懷西望竹爲林箕踞誰知托隱心我憶酒爐曾
醉處河山寧隔萬重深

景雲樓爲元光賦

萬峰西走白雲平二仲來時小徑成登望更誰知
此意樓前何限太行情

杪秋同陸華父登青羅山頂望羅浮

嶂前松栝九秋殘紫邏東迴路幾盤秦戍風烟餘
燧火粵門天地一泥丸鐵橋雲落銀濤湧朱鳥星
高玉鳥寒爲報安期今可待去從神武挂吾冠

題仙鹿圖

十年來轂路續紛今去還山臥白雲五老峰頭飛
瀑下不知何處遇佳君

留別沈純甫陳宗謨

朔吹津亭瀕洞間海天寒色照刀環誰令雁字催
征騎頗爲梅花戀故山玉鳥共占仙令起金門遙
待侍臣還他時把袂知何處應笑馮唐鬢共班

題馬醉狂梅雪圖贈潘堦幼恭

梅花枝上鵲寒棲雪漲江天月滿溪詞客揮毫何

歐陽修集

南齋卷之一

六

處醉玉壺春酒秣陵西

過潘子朋櫟園

大櫟蕭森江上村杖藜尋爾辟疆園瓜山文藻風
流在金馬何論更避諠

激湍流水遶房櫳古木長含萬里風問字曾稱老
賓客濁醪今日憶楊雄

會中丞平都蠻凱歌

八首

釜鉞西征都掌來峭天孤壁倚崔嵬銘勛已勒卞
蠻口萬歲君王萬曆開

繩橋塹壘各縣軍父老先傳諭蜀文奪取凌霄揮
毒霧衝梯飛磴一時焚

岬鬱雲邊鐵是城九絲摧破洞巢平鳳頭山接雞
冠嶺建武新屯十萬兵

青羌遺種號雲郎山鬼呼羣滿大荒玄甲金戈霄
漢下西南天地掃欃槍

巖箐歸民歲可租荆榛剪作繡氍毹將軍露布飛
傳捷天子明堂坐受俘

蠶叢爲族竹爲王越雋健爲達夜郎今日橐弓親
歐虞部集

南齋卷之一 七

享贊武侯銅鼓漢金鎗

赫赫中丞是世臣封君任子誥仍新楚材原自興
都起畫作麒麟第一人

轅門鏡吹擁雕戈大夏西收笮馬多漢殿侍臣歡
上壽白狼槃木盡成歌

徐子與閩中書至時余在青蘿山中

昆明萬里久無書尺素東來十月餘玉笛遙傳滄
海曲綵虹新傍武夷車彈冠多映雙蓬鬢伏枕烏
啼一草廬消渴經年慚削藁茂陵堪自老相如

北轅集序

楨伯為諸生時即能破萬卷故其為文自永初以下詩自太康大曆以下不襲一語也雅尊古卑今而於今之人獨景行李于鱗王元美與嘗從事於斯者嘉隆間以貢游燕諸詞人集燕者爭與結社而是時向所謂六七君子亦既星散矣楨伯念不得與之游各為詩致之故

歐虞部集

北轅集序

一

吾二人者未習面而甚習其詩也已茲集蓋其公除此上轅中諸所為者不彼不佞而屬之序夫楨伯為名高述作非一于鱗輩已為立之言矣余何言間讀元美廣五子詩於楨伯深嘉其卓識而終之曰宛然照影妹沾不虞如蓋傷其未之遇矣夫何傷天下不有負品隲稱知言傳所不朽於來世者乎則惡能舍

楨伯詩也且嶺南之稱詩者凡慮百數大抵宗五先生而上下之也自吾友梁公實黎惟敬與楨伯迭起則快然曰斯蓋揭日月於吾南者矣即五先生安能當三先生於今之世哉夫世之有取於楨伯也如此楨伯非取之也則亦未為不遇矣

萬曆丁丑夏豫章余曰德謨

歐虞部集

北轅集序

二

北轅集

嶺南歐大任楨伯著

北上答諸親友相送

曙催河斗轉關干垂老憐予把別難鵲首舟煩諸
子送竹皮冠笑故人彈出門天地濤聲壯憑軾開
山雪片寒醉後強拋滄海去麴塵終戀釣魚竿

宋郡丞季鷹邀飲署中同華父得吟字

雄郡開名勝三年我甫尋池渟浪水出窻納嶺雲
溪客裡多吳語尊前半越吟淹留堪永夜一慰故

歐虞部集

北轅卷之一

一

人心

保昌黃明府邀飲因念亡友傅木虛

詞伯今爲令開尊愛客過歲陰江樹冷山色縣齋
多雙鳥知將去三楓更若何因君談舊侶空憶
亭歌

嶺下酬蔣朱二使君見過

梅花嶺下老擔簦敢向中原論代興置驛豈期逢
掖貴覓船猶愧孝廉稱虞廷此日咨州牧漢相何
人起郡丞聞道長安推轂地歸朝行見璽書徵

度嶺懷錢汝瞻沈純甫黎惟仁諸君

粵江三醉故人觴立馬關前一望鄉裊綴白雲千
壘石飄零孤劍萬家霜別來癡豈諳時事老去歌
堪傷酒狂無賴征鴻飛欲盡那能相憶不沾裳

雪中過贛同華父集葉太守郡齋

地主今逢舊豸冠麟符千里借才難席邊章貢波
聲壯郡裡空同雪色寒五夜題詩邀客賦十年封
事爲君看張燈不淺持觴興已聽關城畫角殘

宋都閫邀遊天竺寺

歐虞部集

北轅卷之一

二

輕裘緩轡訪禪關愧我來遊鬢已班獵向藍田非
小隊燈傳天竺是名山逐臣雙淚愁邊賦狂客偏
酡病後顏誰料虔州竟分手薊門車騎可能攀
攸鎮驛陪葉贛州餞送何中丞

灘頭五馬餞筵開共送中丞繡斧回山擁玉虹隨
去節雪吹金液照行杯單車曾見埋輪疏獨坐今
推補衮才鄉里衣冠吾已愧客星猶自傍三台

過豫章訪朱用晦

朔風隄嶺爲君行豈但西園斗酒情飲是布衣留

十日交無縞帶贈平生以予下走稱鶩蹇借客中原但姓名此夕不禁飛動意雙龍今在豫章城

朱宗良方士功朱貞吉朱巍甫朱佳甫趙脩甫彭穉脩邀集竹在亭得秋字

豫章城下繫扁舟斃得南皮一日留頌酒二豪先
酩酊稱詩七子盡風流仙才已過周封史帝胃誰
如漢小侯脩竹檀欒池水在可因枚乘托千秋
抱邨軒爲朱宗良賦

雙鉤挂壁閒長嘯問佳山酒客呼盧過諸生佐餼

歐虞部集

北轅卷之十一

三

還玄言存繫表白眼向人間君自吟梁父何妨一掩關

飲朱同伯佳南草堂

十度封書問閉關披襟心比白雲閒校書漢代題
中壘奏雅淮南號小山轡可控持風霍上劍曾飛
射斗牛間爲君三醉清歌起似勝當年七日還

伯融潛甫宗平諸王孫邀飲懷白堂

公子西來孰轡過千秋虛左事如何豈緣白髮勞
車騎曾是朱門愛薜蘿家自列侯人競爽風存大

國客能歌淺杯不覺淹清夜共向燈前散玉珂

彭穉脩聽雨齋

客子息心久高齋細帙開濯枝初淅瀝忽過豫章
臺瀑雪飄空下松風雜響來此時欹枕聽賦罷興
悠哉

朱巍甫春草堂

公子稱時彥抽書夙好奇誰知春草夢更似謝家
詩碧杜初縈渚青莎乍暎池賦成藏玉笥心賞更
何疑

歐虞部集

北轅卷之十一

四

佳甫上雅堂

名家開藝苑負笈許相尋大雅何人力中興百代
心酣歌存妙理丘壑寄長吟知爾方求試金門一
寄音

南浦亭遇朱孔陽自桃花嶺還

稍棲牛屋欲何依客似前洲伐荻歸嶺外覓驚書
後夢河梁淚灑別時衣渡江詎意逢袁叔入洛猶
能共陸機朱邱故人如寄憶春來無數朔鴻飛

陰廉憲見過

滕王閣倚楚天長秋憲相尋上短航十載門徒文
蜀郡一時賓客杜當陽匡牀長嘯鄱湖月繡斧先
飛粵海霜歸赴內臺應獨坐建章春色望鵷行

雪中同陸華甫泛舟章江憶曾與華甫自廣

陵冒雪渡楊子過白下

玉鱗波急布帆開楊子扁舟訪戴逵誰料嶺梅今
共折章江衝雪十年來

華甫往尋武山予艤舟泰和望之未至

丁戌山人駐此山石壇丹井綠雲間爾今欲就陶

歐虞部集

北轅卷之一

五

皮隱待我匡廬白鹿還

自百家渡放舟西上何中丞見過夜飲

霜威猶向酒邊寒沙磧頻經九十灘幸是頌繁同
人洛不妨人作季鷹看

行次廬陵逢梁公智謫敘吉州

巴西傲吏不相聞把袂誰知路又分江艇夕停螺
水雪山齋寒宿鷺洲雲持經但可傳諸士罷酒何
妨咏五君侍從縱然非狗監豈無人誦子虛文

東湖草堂訪趙脩甫

卜築承先業徵君舊有湖池流通蠡澤窻色入香
爐樗老材非散山移谷似愚閑關今日善從此著
潛夫

雪後同華父泛湖望康郎山

西擁餘艖作勝游宮亭湖上晚蕭颼帆吹匡阜諸
峰雪書隔湓江九派流高浪樓盤蛟蜃氣大風軍
散鶴鵝秋黃麾尚想高皇日咫尺雙龍傷斗牛

饒州酬黃兵憲士弘妙果寺飲別

楚天風雪幾停爐西過康郎更問途置驛鄭莊頻

歐虞部集

北轅卷之一

六

請謝秉麾陶侃在江湖借才價重連城璧暎坐光
搖五色珠此夕尊前貪握手出關征馬各踟躕

學古齋

高咏北窻前匡山儼相向誰知晞古心已在羲皇
上

夜別陳饒州

寒夜雙星入部初故人相見十年餘鴈聲鄱水牽
絲竿雪色芝山照綺疏仲舉留賓江郡榻長卿諫
獵漢庭書爲君歸報中朝舊懸向齋前只有魚

殘臘同華甫宿石壁館

天涯行役媿蹉跎
路入新安臘已過
一夜鄉心頭欲白
溪聲猶在枕邊多

登雪浪閣謁羅太史祠

有引

嘉靖壬戌余過玄潭望雪浪閣寄太史詩
太史邀會閣中談一夕期往石蓮洞不能
赴今太史已下世重登是閣展拜祠下追
憶十三年矣江山如故哲人安在因次壁
間胡學憲韻以識今昔之感云

歐虞部集

北轅卷之一 七

昔在名山盡上乘
只今那得拜孫登
齊盟壇坫羣公後
快覩須眉十載曾
病起入門惟玉鑰
覺時舍筏卽金繩
君看閣外玄潭色
掠海歸來下雪鷹

尊賜樓爲茂材奉國題

尺五天邊詔展親
璇題縹緲逼星辰
汗牛書重先朝賜
繡虎才稱百代人
繁弱尚藏封父舊
懸黎今較大梁新
主恩更問君侯樂
元是分茅肺腑臣

容邾軒

一室不求寬易安
已能審君看五柳
人葛巾漉還

飲

少玄精舍爲朱弗斯賦

楊生一畝託幽棲
草就猶堪手自題
宅比崑陽今更近
尚玄人在大江西

過朱潛父種菊園

五柳門前一草亭
手栽叢菊愛延齡
只今南國王孫宅
人識西江處士星

離垢先生舊有園
黃花三徑喜猶存
籃輿半醉歸來日
尚有柴桑濁酒尊

歐虞部集

北轅卷之一 八

朱貞吉彭穉脩出宿南浦舟中爲別得寒字
交淺淹旅泊共宿楚江干
雪積征途遠波驚客夢殘
飯牛天欲曙枕麴夜猶寒
星劍燈前把他宵却自看

宗良孔陽攜酒同貞吉餞石亭館得曹字

王孫何意氣送客出城勞
交誼星能聚詩名岳竝高
雄飛俱世路雌守且吾曹
尚有浮生在中山足濁醪

貞吉攜酒同宗良孔陽再餞滕王閣得筵字

爲戀平原酒沙頭復此筵閣猶看蛺蝶月自闌嬋
娟去住牽舟後江湖把袂前斯須還共立贏得故
人憐

立春日風雨仍泊石亭館魏甫佳甫攜酒同
宗良貞吉孔陽飲舟中得橈字賦成韻

章江不可渡今復駐雙橈客困亭仍泊君來遂暫
邀稍堪忘節序猶自候風潮臘暗催梅萼青新入
柳條沉雲歌扇溼急樂酒船遙滿酌開懷抱清歡
慰寂寥鴻飛驚屢下馬凍立頻驕莫奏笙篴曲離
虞虞集 北轅卷之一 九

魂已半銷

瑞昌奉國將軍奉 敕旌孝伯融與馬紀贈
一首

將軍忠孝自天成令子猶脩奕世名相以象賢殷
大戊家傳爲善漢東平千秋帶礪河山在五色絲
綸日月明仲舉偏題高士疏豫章今更表西京

過方士功玄隱軒

海內詩名謝法曹徑荒今已長蓬蒿書成亭下立
爲草載向門前白是醪孺子湖連數淺遠佳廬山

竝少微高知君不借青雲色以此千秋亦足豪

望武陽寄余德甫

尺書何處問加餐溢米荒廬一布冠尉氏骨今柴
竝立介休芻與玉同看哭來玄塚啼烏急病後青
山策馬難惟有白華堪寄汝烟波西阻武陽寒

子淡用晦攜酒同宗良孔陽餞送分得書字
近關頻載酒先枉隔城書風雪能留客烟波幾定
居情牽五兩外歌送百觚餘別去長相憶江頭問
鯉魚

虞虞集

北轅卷之一

十

雪中同華甫發南浦酬用晦

六花飛滿菟園中校叔揮毫自國工江上挂瓢千
里去蘭臺今借大王風

陸賈裝輕共北歸扁舟衝雪鴈同飛誰知此地三
人別却向姑蘇望少微

前路當與華甫別故云

送王元美出撫鄖陽時予過豫章遙有此寄

九重新詔賜彤弓數馬曾知石慶同郎上共尊中
執法郢都今似右扶風樓開玉節籌邊遠堤唱銅
鞮佐酒雄賓從兄兼文武士登臨誰不羨羊公

臘日過歐村有感

黟縣南頭亦我村何論名姓謝公墩出山拋却雞
豚社獨把椒花憶故園

途中寄顧少叅益卿于時益卿方謝病居海
上

天涯病後憶行旌北去空馳萬里情
意以訪來雙鳳闕芙蓉光在五羊城
山中客解陪操管海上人猶望請纓
不是窮愁歸趙日著書何必似虞卿

除夕同華父祁門客舍

歐虞部集

北轅卷之一

七

柳花曾共嶺南看豈料新豐此夕寒
獨以衣裘淹逆旅却憐兒女憶長安
酒沽白墮扶殘醉飯煮雕胡謝一餐
爆竹家家歡不寐萬山風雪照銀鞍

遊齊雲巖雪霽

帝時金堂玉作橋萬松積翠半空寥
青山九鎖琅函秘白雀羣呼絳節朝
風似洞庭聞廣樂雲疑玄圃上叢霄
天都此是昇真路去去騷鸞亦不遥

白岳棚梅菴吳鍊師西閣

玄武宮西側千秋此閣尊雲移知岳
立松響似瀟

翻鶴竝爐烟起鵝因墨沼存曉來看
玉檢杖策過天門

過休寧訪汪禹父邵長孺

雪霽山城曙色開衝寒猶爲故人來
柴門下馬驚相問稚子牽衣繞幾回
河洛風塵千里夢廣陵花月十年杯
桓今世路頭堪白莫湯飄零說劍才

遊吳舍人賁園

視草歸來未白頭隱居何處是菟裘
山移華岳攢花出水學巴江作字流
曲磴雲邊盤鳥道飛籬屋

歐虞部集

北轅卷之一

七

下引龍湫辟疆不厭留僖父春入西
園一度游

訪胡茂承不遇

千金曾結少年場自擬重逢典鸛鷀
念我游燕歌後筑問君歸粵橐中裝
來投短刺門前客立憶他鄉馬上郎
極目吳閭飛匹練迴船無笑子猷狂

過長源就程子虛宿

問訊豐干社因君策馬尋蓋傾交未
晚榻下意何淩絲筆諸生事綈袍國
士心劇談天欲曙攜手戀

山林

溪南訪吳虎臣

河梁別後五年更金竺停車此日情涕淚總談皮
骨在雲霄寧問羽毛生世疑厭次狂方朔家自陳
留醉步兵與爾逍遙俱萬里不妨江海託浮名
吳仲實攜酒同陸華父吳仲足方獻成吳虎
臣方元素汪仲嘉泛新安江得飛字
乘筏下漁磯良朋此會稀雨看巫峽至濤似曲江
飛海鴈雲俱溼溪梅玉竝圍一尊同爾賦聊得濯
征衣

歐虞部集

北轅卷之一

五

雨夜集吳虎臣宅得歌字

謝家賓從得羊何夜雨蕭蕭我更過直以酒尊留
北海豈緣經術老西河青春作伴堪乘興白雪誰
來敢和歌陵勁一時諸子在大鄣千丈鬱嵯峨

夜過黃鴻臚汝會宅同華父惟昭汝學直卿

觀燈得燈字

京洛同游客誰期此試燈樹懸珠的皪窻照玉陵
嶒雲騎花爭出星橋雀共升稱詩紛滿席偏喜酒
如澠

人日過吳舍人

清溪萬道赤山迴內史名家甲第開五色花中龍
馬種一毛池上鳳凰才人爲日起新年入客似星
從萬里來右掖知君曾染翰尚看雲氣接三台

邵一坤墓舍得新泉汪中丞題曰裂石爲賦
四韻

青門故侯後家行石中涓傷塚山成雪鉏雲供有
泉碑猶題馬鬣祠已築牛眠太史操彤管 皇恩
更萬年

歐虞部集

北轅卷之一

五

題陳達甫酒星亭

百年天地小遽廬種竹爲林與世疎滄海一星堪
是酒青山二酉盡成書葛巾漉後寧辭醉蒸杖錢
多不願餘白眼沉冥若自愛蘇門長嘯意何如

贈汪虞仲

落穆汪郎有父風息陰偏學隱墻東誰將處士輕
周黨我自通家得孔融相馬豈論今日瘦雕蟲先
讓少年工石楠脾睨天門側何限蕭然萬籟中

興囑亭爲程虞仲賦

爲問丹陽山長朝來爽氣如何九錫杖笠無恙四
履煙霞孰多欹枕飛梁大石遶牕全竺松蘿縱望
長安西笑不妨捉鼻行歌

遊程舍人樗園

一臥山林道自尊舍人今似浦長源天年何但樗
堪比手種槐陰已滿門
珠樹嶺前看五松大鄣丘壑貯君胸東來客有青
霞佩爲向關前認是龍

題宗海別駕水月亭

歐虞部集

北轅卷之一

七

懸車休沐早於此息微躬水月涵暉處冬春皎鏡
同金波猶穆穆白露共濛濛君自真如性何勞論
色空

酬功父格之禹父魯文上甫汝恒送別

停君車騎翠坡陀白玉雙童幾曲歌行客豈堪連
袂聽海陽攜手似漳河

元宵同李功甫陸華甫邵一坤邵格之汪禹

父金德潤金上甫鄭魯文程鳴甫汪虞仲邵
濟時邵惟成邵汝恒集邵長孺環齋程子虛

無過兄弟自歎適至分得高字

丘中一士臥門徑尚蓬蒿瓜自逃秦祿蘭曾入楚
騷憶從邦上日竝賦廣陵濤越調誰令變南音頗
亦操盤寧嫌首蓓尊不待蒲萄禪寺時同被漕河
數放舫詩傳梅下閣社結竹西臯再別梁園隔相
思薊北勞烟霞尋舊約筆札有吾曹交已傾肝膽
衰今感鬢毛海陽鸞鳳渚江左鷓鴣刀麋至逢諸
子嚶鳴得二豪中興人競奮右席客偏叨筵敞燈
花艷庭看象緯高百半紛折俎四座儼揮毫燁燁
歐虞部集

北轅卷之一

七

青萍色翩翩白鵠袍羅浮歸鮑靚金馬使王褒攬
袂平原飲停車末路遭簪裾慚撫髀風雨冷持螯
預恐離羣去何年問濁醪

陳明府德基邀遊江石臺遲汪禹父邵長孺
未至得高字

天臺百尺駐干旄一曲偏驚白雪高樹擁歸雲封
斷石渦盤急峽激飛濤陂因僕射銘今勒淞比郎
官興更豪千載風流醺酒日可令鞭弭少吾曹
同陸華父邵長孺集何少愚侍御日宜園

避驄不記是何年折節邀賓意獨偏席下谿聲長
瀟瀟雨中蘿色淨娟娟問多奇字今無酒撫亦孤
琴久不絃江左仲言稱上駟風流誰得共橐鞬

夜登曹進士仲宣樓

江左風流漢署郎高樓邀客說干將名高繡虎題
雙管書就雕龍滿幾囊山色盡疑連宛鄧溪聲猶
似挾沮漳只今信美當吾土夜倚星辰望帝鄉

玉芝亭爲程無過賦

明時蒸上瑞天意爲斯文三秀披清露雙莖護絳

歐虞部集

北嶠卷之一

七

雲玉餐秦桂父輶度漢茅君欲勒亭前石仙才本
不羣

題邵汝恒據梧軒

樹下機方息嗒然唯濁醪世今嗒物役君已解天
沒稍得樗全幸寧知磬折勞松蘿看不厭行弄白
雲高

新安別華父

南來嶺外二年賒竝轡東風又歲華鐵笛爾思吳
苑月青尊吾醉薊門花山人詩在寧知俠國士恩

淺敢問家抗手新都還此別莫令漂泊失天涯

宛陵陳太守郡齋夜集

馬首都門十載分宣城把酒念離羣楊非孺子猶
稱客詩似玄暉却羨君歌裡娟娟春穀月尊前片
片敬亭雲江南此別三千里何處飛鴻尺素聞

采石渡江寄內

攜家久有鹿門期庾事風萍悵別爲海上漁樵驅
遠道天涯童稚見何時江淡白雪翻成浪柳細黃
金盡作絲此際不須入行字羞將憔悴報君知

歐虞部集

北嶠卷之一

七

登謝眺樓

南朝多出守誰似謝宣城宛水猶詞藻青山有姓
名烟綿平楚遠練淨大江清更望新林浦應傷去
國情

采石謁太白祠

廟題江上客船是酒中仙虎口雖曾脫蛾眉自可
憐醉淡秋浦月夢失夜郎天恨切楓林黑西川哭
杜鵑

憇和州香泉館

何代溫湯館今依浴院開氣蒸江漢上雲度歷陽
臺鶴沼荒明月驪宮散紫埃惟餘功德水長許濯
纓來

劉太僕邀游瑯琊寺

渡江先問好山名西上瑯琊策馬行入部敢論星
是客在垆今識月爲卿泉題庶子烟光薄亭倚梅
花雪色明未必朝簪妨學道禪林何限宰官情

濠上莊子臺

積石雪濤飛雲來曳白衣大鵬風外息蝴蝶夢中
歐虞部集

北轅卷之一 七

歸天地惟秋水山河自落暉誰知漆園吏於此識
無機

徐州度黃河訓舒觀察

孔令離筵酌酒歌風塵猶仿戰場過鴈聲頗共鄉
心遠春色偏於客路多芒碭東來開鉅鹿崑崙西
坼注黃河臨戎秉憲如君幾戲馬臺前興若何

過嶧山題鄒縣亭子

鄒嶧晴看翠滿衫杏花飛盡柳毵毵佐來馬上還
家夢却是青山似嶺南

兗州樓上聞曉角

龜蒙山畔魯城東春曉飛花似雪中畫角豈堪征
客聽斷腸不必待秋風

過兗州寄李陽穀

故人雙鳥遠一望魯東門經術汶陽重儒風稷下
尊出令慚小草佩欲贈芳蓀粵客猶章甫誰憐歲
七奔

二月十三日大風沙起行德州三十里

九道河枯古驛迷春溪風礫馬頻嘶故鄉此日簾
歐虞部集

北轅卷之一 三

權暖盡試輕羅聽鳥啼

嶺外花朝花事齊故人載酒滿江隄誰知獨冒風
霾色千里鳴沙似磧西

阜城過獻縣次公瑕壁上韻因懷公瑕

瀛渤蒼茫星漢微征鴻西傍薊雲飛五湖真覺難
拋得未到長安已憶歸

寒食謁大毛公墓祠

東過瀛海駐征鞍椒酒祠前食正寒薤葉覆溪題
字石杏花飛滿講詩壇風多大國泱泱後教自西

河寂寂殘趙客一官輕博士魯人三頌入長安獻
王昔拜先生席都養會供弟子餐碧樹種來秦日
月青山藏有漢衣冠祭荒古社增悲愴城護精廬
尚鬱盤地名毛精壘疑壘音近廬字故訛也豈但儒林稱訓詁傳經
千載似公難

鄭州城春望

柳嶼蘆汀帆數舟燕南今似五湖秋樓頭一望春
波細誰信風塵古鄭州

盧溝曉發入都

歐虞部集

北轅卷之一

主

百里關門待曙開西行輓輅幾人哉潯沱月照邊
鴻過大陸雲隨代馬來紫殿烟花紛掩靄碧霄宮
闕鬱崔嵬長卿敢道游梁倦魏之公車奏賦才

初至燕京袁文毅邢子愿梁孔適三進士朱

在明顧叔潛二光祿汪太學仲淹同集黎秘

書惟敬宅得春字

劇綏歌肯向時人倦攬征裘萬里塵字挾風霜滄
海氣路停車轂薊門春一官直閣憐君老諸子高
陽笑我貧清世已知容結綬豈堪枚叟更游秦

上巳朱在明見邀同管建初安緒卿張元春
修禊韋園時在明南遷將行

風光三月帝城春韋曲千家俯澗濱燕酒共攜拚
酩酊客衣頻挽袂緇塵青絲轡轉花間騎錦帶穿
來柳下鱗醉後雙童吹玉管莫令催送渡江人

送張羽王利州叅軍

十年相見髭成絲燕柳偏逢謫宦時江漢九歌誰
忍聽風波一失爾何之巴山月落啼猿急蜀棧雲
濺去馬遲莫道護軍蠻府遠應知劍閣待銘詩

歐虞部集

北轅卷之一

主

送朱光祿赴崇府審理

孤臣何處不天涯一嘯青真散落霞笛裡江淮千
里權尊前嵩洛十年花在鄒韋氏詩爲傳居魯朱
生俠是家去國恩溪歸有日汝南元自異長沙

陳忠甫攜酒同梁孔適夜過

三年書劍爾燕臺萬里風塵我亦來作客敝裘曾
自補傷人長缺竟誰哀斗醪老慰窮途色囊粟堪
羞國士才何限青雲驕白眼酣歌星漢一徘徊

過沈太史肩吾飲話江淮舊事

雨後城西策馬尋故人今喜在詞林交論羈旅同盟日病許驅馳異代心江上簫聲勞夢寐石頭書札付浮沉先登努力君能事執轡中原念獨深

過許贊善維楨飲懷王太史紹傳

羸馬風埃使者催逢君書殿講經迴渴思白墮從誰問賜出黃封爲客開沉陸金門三月夢談天玉署十年杯先朝供奉王郎遠何日孤棧海上來

范中允伯楨宅觀梅花同吳記室作

羅浮佳色敢相矜曾共何郎句並稱試問烏程呼

歐虞部集

北轅卷之一

七

白酒爭如玉暑擁青綾光搖遼海參軍月寒傷金華學士冰禁近天邊憐幾樹夜來還欲把銀燈

丘謙之絳維敬過飲

何意風塵得酒徒飛花春盡見平蕪惟餘佩劍寒能解縱少囊錢薄可沽謁者公車羞奏牘咸陽客舍滿呼盧紫騮偶向門前繫誰道交游盡五都

何中允啟圖宅緋桃盛開與洪康朱蘇管陳

張諸子同集

經幄初邀勸講晨崇桃灼灼更邀賓抽毫署裡開

文苑擊筑尊前傷酒人花綬半垂宮錦爛茜袍偏遇賜緋新偶隨方朔金門下那得漁船去問津

同許光祿王進士集余太史伯祥宅

老去彈冠敢自嗔相逢驚見二毛新白門客是漁樵侶彤管君爲侍從臣競起大名皆上駟窮來薄宦已前薪誰云綵筆干星斗獨有長安索米人

送周公瑕還吳

崢嶸綵筆氣猶雄何意相逢碣石宮裘馬始能辭塞下尊鱸偏自憶江東攜來劍作雙虹色歸去冠

歐虞部集

北轅卷之一

詩

仍一鶚窮聞道近臣多引薦五湖天濶有冥鴻

答吳少修見寄

郎中君昨住念我薊門行落日他鄉夢浮雲薄宦情山通秦虢略驛過楚方城欲問沉酣事唯應乞步兵

同黎郎中過喬評事飲丁香花下

視草每歸遲看花與客期紅香紛旖旎紫豔半葳蕤覓句杯頻送留驪席屢移未須歌白紵南國待

新詞

送秦行之宰江都

竹西歌吹入淮長十載會遊卜草堂縣裡琴聲同
單父城邊花樹似河陽玉簫春色移雙舸
風醉幾觴君去政成應趣召赤墀青瑣待鵷行

答張光祿元易

馬首飛花片片紅相逢何必是新豐似緣二仲能
開徑誰爲諸生更築宮各醉蘇門春色裡君來蒲
坂白雲中自憐垂老勞推轂應笑談天氣尚雄

蘇光祿子川喜余至賦詩感懷余念孫丈濟

歐虞部集

北轅卷之一 五

浮沉京邑黎惟敬告歸嶺南而余亦外補有

日和答一首并簡二子

十年南北路迢迢白首重逢荷 聖朝客食共懷

燕市筑使車會聽廣陵簫避於金馬狂猶在焚却
銀魚去莫招楊柳橋邊能幾醉不堪惆悵怨柔條

黎維敬劉仲修洪從周康裕卿李伯高王敬

美丘謙之劉子太史元秉邀集日涉園觀壯

丹得花字

詞客西來白鼻騮綠茵三月共看花歌停玉笋盈

盈露色映雕欄片片霞洛下才寧論似陸郢中曲
自媿如巴東風無賴催人醉誰遣朱顏出絳紗

京營大閱簡將士

六師奮威稜大將咸鷹揚吾 皇嗣洪業講武肅
萬方命閱三大營組練耀日光載旌建前茅列校
開長揚羣蒐技擊盛七萃簡視良秦阿挾飛刺繁
弱各蹶張行將破匈奴指顧平西羌所期樹勛伐
勒駿書旂常

上林春曉

歐虞部集

北轅卷之一 五

澹蕩韶光物候新離宮初霽已消塵飛英乍似黃
山路細草曾沾渭水春風颭綵旌連曲榭雲圍縹
幕滿芳津五陵車馬歡娛地多是西游講德人
禁籞周遭百里斜玉泉流水湧金沙新鶯曙囀龍
池柳遊騎晴嘶御苑花惺轉林光初映日山藏春
色半蒸霞西都亦有抽毫客誰奏甘泉入漢家

大閱歌

漁陽上谷護神京統制京軍大將營寨韃豈但三
千士甲盾今稱百萬兵身作長城惟一劍氣雄強

廣請長纓寧論六郡良家子不數三河俠少名我
皇選將命詔吉使者內庭承詔出事異之罟講射
年禮尊南鄭登壇日由來頗牧才豈多一時衛霍
名誰匹力可搴旗用勿疑恩加授鉞今非溢麒麟
錦帶佩于將魚鳥分麾躍驕夷虜盡歸典屬國
朝廷先繫左賢王運籌碩畫資帷幄制勝先聲出
廟堂願得虎臣分斧鉞周家盤石萬年長

人琴
同邢子愿陳忠甫諸君過摩訶菴聽無弦上人琴

歐虞部集

北轅卷之一

七

鳴琴何似在山中幻住師今念已空右室客爲騶
處士西遊人似稷丘公泠泠石上諸天雨謾謾松
間萬壑風玉几金牀吾欲就但留雙目送飛鴻

黃太史懋中席高陳二文學同集

賜書班嗣借相看西第今來卜畫歡碣石夕陰黃
柳細漁陽春色白雲寒持醪席上歌金縷行炙花
間出玉盤滿坐江南三月客那知銅馬是長安

送萬明府赴元城

春鴻同聽薊雲間佩印都亭去莫攀柳外盧奴分

大陸城頭沙麓引恒山芻糧遠實黃花塞烽火空
懸白馬關三輔試君寧保漳計期飛傳已徵還
送黎惟敬請告南還

江淮別後不堪論豈謂驪歌又薊門賜沐爾今馳
百粵代興吾敢問中原行裁荷芰山人服歸牧雞
豚聖主恩白首滄洲千里夢獨憐司馬臥文園
持橐嚴趨在漢京君王曾問秘書名論從白虎
親臨決經自青牛乞著成欲以新編藏大酉豈緣
滄海厭承明他年共把梅花去四百峰頭策杖行

歐虞部集

北轅卷之一

七

題沈以安大樸齋

何年苔雪上下築隱侯園樹色淺藏閣溪流曲遶
門全生同櫟社避世似花源誰許便高臥因知微
尚存

送李符卿冊封崇藩因歸省少師相公

桐葉分圭出九重漢庭使者過金墉奉藩淮水尊
王子畫壤平輿表岳宗宮醞歡承黃閣老璽書恩
重紫泥封柏梁侍宴來須早策駟長安尚可從

朱進士子得邀飲同裕卿忠甫作

紫陌頻飛轡因君折節勞少年推作者交態及吾
曹恭罷移牀近杯潑岸幘高偶從京洛士何以答
抽毫

雨中汪仲淹邀遊湖山亭同黎維敬袁文毅
方于魯賦得花字

尊酒西亭客空濛見物華葑田隄上寺菌閣苑中
花射雉燕千里啼鶯雨萬家未須悲浩劫坐閱幾
恒沙

送董體仁游嵩山

歐虞部集

北轅卷之一 五

不訪玉笙館人能大和歌三川一以望二室共誰
過雪後餐靈柏雲中采貝多將歸尋舊隱精舍尚
如何

送劉太史奉使桂林

虎節朝持出紫宸燕郊芳草送征輪茅分粵徼開
藩國花滿灘江待使臣玉署一星彤管客柴門五
柳白頭親過家牛酒應相憶候爾還朝及早春
沈太史索題富順黃憲副西湖精舍

繡斧曾飛雪色孤幽棲今見輞川圖城開瀘水猶

通牘月出峨眉半入湖乍過漁童歌榜柁可無止
鳥勸提壺風流文藻誰能似賦客相如漢大夫

送劉太史冊封入秦便歸高平省觀

曙星閭闔九天開奉使今勞侍從才玉節行經丹
水路綵衣歸獻紫霞杯峭陵花木鶯邊過華岳風
雲馬上來共羨史遷年最少周南無滯客輶迴

送沈尚寶使汴洛

蘭臺近侍舊含香猶是先朝尚璽郎使者鳴騶稱

人洛詞人抽筆競游梁苑中修竹傳新賦岳頂三

歐虞部集

北轅卷之一 手

花上壽觴歸日好文逢聖主誇胡將見獵長楊

闕下逢王鴻臚彥貽自閩中使還

都亭奏記未能歸雙闕相逢正曙輝滄海星隨詞
客騎武夷霞落使臣衣清班贊謁趨鸞掖白首談
經入虎闈通籍同時君最舊少年今已媿王微

寄宣府吳中丞

北門笳鼓散天驕萬里連營節制遙搜虜夜驅沙
苑馬射生秋落黑山鵬軍中裨將咸推轂帳下降
戎半珥貂筆橐長安吾獨老雲臺西望霍嫖姚

西苑

天開碣石築瑯瑤水西通禁籞斜粧閣月高懸
作鏡昆池風激蕩成花麒麟獻瑞來周甸苜蓿移
栽入漢家侍從王褒稀奏頌獨能牕裏畫雲霞

北轅集卷一

歐虞部集

北轅卷之一

三

離館集序

嘗覽藝文志及儒林傳慨夫秦燔詩書以愚黔首漢興禮樂以崇教化爰置博士文學掌故之官自國學以至郡邑皆有脩負彬彬乎篇籍充秘府而卒史著功令矣詩凡六家王者所以觀風俗知得失自考正也魯若申培齊若轅固趙若毛公燕若韓生瑕丘大江貫卿徐敖之屬或為之傳頌而詩特盛焉我

離館集

序

一

明稽古右文經術闡揚粲然重麗

孝武之朝長沙耽藝海內學士大夫靡然嚮風起而譚詩厥後紛紛淆亂多岐凌軌而詩幾乎亡矣南海歐先生者幼隨其父隱於洲上是謂沙洲君先生蓋鴻鵠之志困於燕雀時也家多藏書每輟耕釋耒展繹焉其於詩也殆韋氏世業云嘉靖庚子

誦遠遊之篇擬幽通之賦度嶺踰江探越

適吳抵金陵謁鍾阜窮山川之勝與摘藻

之士締交而廣業焉益工於詩乃以垂堂

之試循陔之眷浩然而歸沙洲君背養後

始以造士司教江都量移光州斯辭妙於

浮淮賦擅於游梁且仲舒為相之邦漆雕

倦仕之地先生篤誼於廣陵闡道於河洛

而門下多商賜之徒風雅之士矣慈恤再

離館集

序

二

起晉秩國子屈韓愈於四門置鄭虔於六

館曷異焉先生當

主上登用雋乂之日足跡尚不越于黌校

列職猶不離乎儒流日操鉛槧無溷案牘

而述造益工思昔昌穀謝廷評而就博士

何仲默贈之以詩曰有美雲間士才名洛

下傳班行亦霄漢官侶是神僊余除嵎令

不拜乞署斯官高于業貽之以詩曰辭邑

初耽寤言詩每晏居貧家滿座客閉戶一
牀書夫晞驥之馬亦驥之乘也都人士以
為美談徐有迪功集余有皇甫五經集先
生叅而三焉將振來秀而掩前輝矣嘗讀
思玄堂集其自叙幼時跡馳好擊劍蹴踘
故其詩往往有英風俠氣晚折節砥行詩
亦溫柔雋永若相如上林之篇自擊劍來
而嫖姚樹勲塞外豈蹴踘足病耶古豪傑
之致為類如此先生不遠千里移尺牘令
門下士陸生無從乞余為序并湯及之

萬曆戊寅秋七月既望

賜進士吏部稽勲郎吳郡皇甫汈子循撰

離館集

嶺南歐大任楨伯

五言古詩

雜詩 六首

西京五陵兒白馬東方來手揮蒼精劍碎擊車渠
杯長樂鬪雞出挾彈呼鷹臺朝馳咸陽道夕獵南
山隄賜宅傷戚里歌鐘四筵開曜靈一何速春花
忽摧頽淚汨御溝水去矣寧復迴魏其與武安其
人安在哉此兒五陵下日日惟塵埃

歐虞部集

離館卷之一

二

步出長安門朱樓臨大道樓上邯鄲女顏色三春
草夙昔事組繡自不離翁姥昨從媒灼言嫁夫許
偕老青春可常住朱顏可常好但得一心人恩情
豈難保夫婿重朱顏愛色如愛寶獨有齊王宮無
鹽不枯槁

三

香木蠹必多虛舟怒應寡聖賢且患名造物不相
假廣川三策人洛陽少年者誰出江都亭竟問長

沙舍酣酒豈能莊割肉似非雅且容東方生陸沉
在金馬

四

金莖高百尺上有青銅盤玉屑露未飲日入蒙汜
間此時吹玉笙何人緱氏山

五

鸚鵡隴西來托身上林宿五步一飲泉十步一啄
粟本以能人言金籠遂羈束何如丹鳳凰和鳴岐
山陽竹實自可飽梧桐棲高岡雙音協律呂五色
歐虞部集

離館卷之一

二

成文章可望不可見千年復來翔

六

萋萋谷中蘭蔚蔚陂上苓幸以芬芳發及此雨露
深微生守巖壑敢望嘉樹林白鶴不下食黃雀毋
見侵修翮誰能鍛一舉西山岑西山采薇客可以
喻我心

感遇

翡翠飛嶠南珊瑚起滄溟自顧非二物何由遇君
知金門謬通籍嘉招荷恩私影纓步華闕鳴佩趨

彤墀引領屬玉館結聯承明扉筆札每慰籍英賢
恒追隨時操下里曲竊聽鈞天吹一割鉛刀望片
腋孤白資獻納固非分千載逢清時感君繾綣意
羈縻未敢辭衷腸君自識撫此持相貽

冬至候 駕南郊

園丘重大報明祀凜肅將仲冬日南至玉琯占微
陽昊天有成命秉禮在我 皇秩宗潔圭璧將作
營壇場屏翳先掃涂飛廉行服箱鹵簿馳道直容
衛儼成行六鑾鏘以鳴八駿騰以驤燔柴於焉舉

歐陽修集

雁館集卷之一

三

升中格穹蒼一時遍群望侑饗 聖祖旁告成法
駕還百辟虔趨踰辨髮與雕題來享者來王上雍
陋制作拜時羞儀章稽典二雅正賜酺萬民康官
家幸不勞蒿呼壽無疆

駕幸太學

皇穹祚大寶 聖睿膺圖錄函夏塵不飛王道清
以穆兵銷九塞烽貢疊諸蕃轂白虎開經帷台保
日啟沃卜晨臨辟雍甘雨露霰霖皮弁祭菜來贊
謁勤史祝合樂磬管鏘明禋豆登馥馨蹕御彝倫

橋門列貂玉延曹詔大胥坐講冠衿肅賜賚及師
儒觀光許稟濮宣諭弘世風化成萬方睦臣奏鎬
京詩昌明頌嘉福

林考功歸來亭

祥麟不遊魯威鳳曾鳴岐被褐懷其實我貴希所
知疇昔有作者柴桑儼前師薄仕見微志貞遯亦
勿疑種秫非可待采菊以當饑寧因五斗故束帶
見小兒斯人今則渺千秋歸來辭莆中古介士忤
俗而見幾天曹豈不榮所思木蘭陂驚斯飛蒿下
豈爲鯢鵬嗤雲莊奉遺矩天殺解吾羈荷杖白雲
嘯鼓棹滄洲潛安身同尺蠖食氣珍靈龜委順期
自然妙善夫奚爲幽亭歸然在終古存遐思

嘉樹篇貽吳叔承

倚彼南州樹生在長江干后皇命徠服托根良亦
難綠葉紛素榮珍實垂圓搏玉衡散其彩金衣照
成丹包厥內白姿薦之登玉梓有似修姱士丘園
賁盤桓茂植先代賢歲隲名考樂吳氏有季子禮
樂華衣冠素封千戶侯釋躡趨金鑾力田已逢年

歐陽修集

雁館集卷之一

四

清霜保嚴寒寧論會稽箭何但湘洲蘭嘉樹詒明德長友鄣南巒

贈田子藝

京輦事遊遨嘉會兩相當場來雙闕下車轂夾道
芻始蒨蜚廉觀更集鹿苑場阪蘭滋夕秀巖菊含
朝芳流焱激綺榭白露忽已霜我友告云邁新安
古名疆束書滿負擔撫劍增慨慷越吟久成調燕
歌行復揚憑式太史里獵纓司馬堂談雄一秋水
乘照雙夜光曰余曾所經顧瞻軌路長申章寄延

虞夏詩集

卷之二

五

佇比翼期翱翔

贈莫雲卿

西北有高臺其下浮雲馳突兀千黃金云自昭王
時中消去已久馬首將何爲誰知弓旌代淪落巖
壑姿莫生騏驥種倏儻不可羈過都萬里至自許
九代奇羊腸阪詰曲鹽車奚所之奏書兩未售抱
策行當辭薊門秣朝芻渾沱飲流漸五花躍且鳴
洗濯松江濱皇家圖駿求絕足還來斯君其振長
策岐路寧足悲

太學試士作

斌斌右文朝清夷親王路樂正秩最下諸生錄曾
著自昔周士貴況以殷俊額召試闕崇局於焉締
良晤雍容翠幄開魚雅青衿序皋羽筵西膠天球
儼東阼經尊孔氏言師說信不誤有斐誦斯文豈
闕經世務竹庭送鮮飈槐市散清露聞寂將迎絕
續紛文史布作人敢謂能奉職庶已豫寧須二酉
書趨上三雍賦

三月晦日同諸僚遊三忠祠濯纓亭

虞夏詩集

卷之二

六

良晨指孟陬傲駕戒徂兩倉庚豈後時鵲鳩已成
響晴暉暮東照緒風欵西颺郊原靄蔥蒨薄積
蒼莽同官風無期乘興欣共往偶因陟陽候頗愜
汀洲賞攀林拳翠深臨流濯纓爽烟波始擊汰舴
舻及新濠西望桔槔亭儘多漢陰想津樹引花源
河儵寫濠上懷以抽翰披善從盍簪長凝睇謝壇
埃息心鑒虛朗終當謝天伐歸與問吾黨

送方太常

豫南表桐栢大淮湧璿流毓祥見之子傾蓋維揚

秋念當爲歡始夙願偕良仇踰踰威鳳集凌厲神
鶴遊子方入華省予亦來中州何意成舉前再邁
南陽樓朔風吹飛霍忽復在薊丘疲驚荷剪拂千
里隨驂騑斯須且復立念子行悠悠何用寫我心
申章托綢繆

二

宸居鬱岩崑飛觀麗太陽卿才際熙運羨子翺以
翔子今念庭闈驅車上河梁南望臥龍山冠佩趨
中堂魚羔膾鯉魚迭奏康壽觴雲霄肅儀羽爰集
東虞部集 雁信宋之一 一
箕穎旁太傅愛丘壑康樂懷圭璋休明豈易遇蘭
蕙及時芳膏雨出嵩少潤澤周八方奮起摩勁颶
舒卷自有常予將還海濱子當排天閭曷哉植明
德努力愛景光

奉天門賀嶺西奏捷有述

三苗蠢不恭咨禹以衆行有扈棄三正于甘召六
卿弔民順天討用律惟師貞南蠻外聲教負固久
不庭羅旁十萬山叢箐豺虎獐要荒雜種瘡痍
延膏肓除兇敵所懷整旅戰有名我 皇赫斯怒

詔督百粵兵煌煌大開府肅命揚威靈諸將授斧
鉞三軍塞旆旌戈船會牂牁甲楯下湘蒸沈陰屯
殺氣勁颶振軍聲窟穴數百年我師一鼓平渠魁
先就擒露布馳天京告廟宣捷音聽愷歎 皇情
疆宇奏盪復嬰纍授農耕羅定與靈丘郡縣開榛
荆築觀示百世銘鐘武功成谷蠡風受羈甌駱何
足櫻明雅繼江漢臣請歌南征

遊僊 四首

我昔乘我驕萬里遠行遊旁挾三青鳥前導六蒼
龍 東虞部集 雁信宋之一 八
風天狼馭我駟格澤建我旂歛若神颶馳只尺渺
十洲鼇梁度滄海東去何悠悠員嶠方丈間宮闕
喬雲浮鸞歌鳳亦舞何異軒轅丘仰見衆僊人侍
帝十二旒長跪問要眇笑與齡千秋歸來保黃耆
曜靈自能留蹇裳者誰子東駕蓬萊舟

二

絳節忽飄飄芝蓋紛相隨崑丘雙黃鶴翱翔如有
期秦女乘鳳簫爲我吹參差朝謁白玉京玉京何
逶迤崑崙宅其中燭龍照灼之虹霓繫衣帶刻刻

星佩垂睇陽沆瀣餐寶之握無爲

三

元氣翕太始絪縕成陰陽萬物芸芸然膏火半自
戕十載鍊金骨玄鬢瞳未方道逢羨門子授我藥
一箱雲霞互繚繞炳燭日月光云是金鸞蕊嚼之
玉齒香所希生羽翼鳳凰而將將野游人間世此
樂安可詳

四

麒麟出以時河漢明三台澄氛廓九域談蕩天門

廣雅

雁館卷之一

九

開五城十二樓下有金銀臺我行騎白鹿參駕雲
中來東方貢市通五嶽扶崔嵬遠遊遠如期日車
西可迴出入滄池中波浪無喧阗中天五色露注
在金莖杯持獻萬歲壽東廂伏裴徊賜臣以高駝
延年大佳哉

上陵二首

陵樹鬱青蔥一夕生秋風 文皇昔神武鞭豹乘
白龍格澤導其西符拔導其東北出陰山道玉汗
殷以紅鸞旂左右揮萬里至回中縛取單于歸勒

銘立馬峰懾胡遂千年九塞不舉烽鼎成胡髯垂
廟藏烏號弓至今群靈朝芝車騎爲虹日月耀我
明祚胤傳無窮虎旅誠可思食舉歌皇功

二

天門朝隧宮風肅靈來思六轡驂若組神光射彤
帷凝精金二曜浮雲籥而馳瓊瑜佩紛錯翠華翹
陸離攝祀序百辟肅穆瞻龍旗倏其赤蛟奮恂恂
飄前綏霜清墮若流淒然愴寒澌玉醴薦芬苾大
俎陳牲犧孝孫秉誠格連嫺答神禧祀事嘉孔明

廣雅

雁館卷之一

十

萬年以爲期

同李明府永上人廣濟寺閣觀雪

獻歲平秩春建寅太初載飛英千里來曉色關山
改雲昏百常觀陰屯五校壘營門玉馬溪城闕銅
龍皚飄颻迴流風紛糅驚奇佻幽人念高僧出驂
洛陽宰行除袁安戶朗照暴公櫺登閣望西山瓊
瑤露臯隗朝曦不成曜明霞失其彩崑丘移閭岑
玉泉滙銀海上架三石梁中天白磊磊是時土膏
動草萌卉將蕾堂皇冒紫藤階隙凝朱蒞瑞已奏

堯年豐穀免饑餒都人共歌謳持獻太師承

送潘象安

江南鴈北歸客行將何之對酒不能別執手于路
岐分塗督亢亭塞裳潞河潛整轡揚朱鑣顧視春
流漸遠役入徐方舊京尙逶迤臨河結綢繆鬱鬱
楊柳枝千里方在茲別促會未期故鄉子言邁承
明子亦辭斯須且復立嶺嶠遙相思

送黃清甫

羈旅難久留良會不易得別子十五秋怒矣川原

離集

卷之二

二

隔忽復聚京室何異衾與席興言講妙藝勵志最
明德浮雲豈能停芳草忽已積今晨鳴倉庚告我
萬里役引騶長安道揮袂鼎門側子往滇焚游余
念嵩衡適襍佩當遺誰明霞自堪食臨津悵悠悠
握蘭慰行客

蒲州張公紆勝園

威鳳翔羽儀潛蚪戢寥泚長公冠代英珪璋蚤特
達顯軌發皇京豐澤沛海滋章綬解定遯先幾洞
明哲遠跡寄崇情深棲亮奇節興懸蒲坂高豈慕

於陵潔戰勝稍自肥委運故安轍爲園歷山田太
華南嶽薛西瞻洪流東倚中條碣臨漪濯鮮飈
憩榭延皎月寒榮偃曝臥丘樊衆芳列多暇狎禽
魚散懷釋劓劓仁可瓢簞求機息桔槔拙泛醴且
命觴沐蘭或晞髮谷神介耆願空有謝天伐卓彼
貞遯人杳與箕穎絕

歐氏部集

卷之二

五

七言古詩

荅謨弟歌

去年我行仲冬月十日江頭不能別君向南江我
北江鴻鴈分飛隔燕粵雲燕雪傲貂寒君今何
處望長安相思爲掃羅浮石萬樹梅花待我看

李于美以病求歸賦畱長句

士有不可識亦有不可知一官彭澤速屢考中書
遲君今苦欲去去此將安之陽穀初來甫五月長
安爲令居京師輦轂從容少奔走朝廷禮數隨班

歐虞部集

雁信卷之一

三

司昨同府尹朝月朔並領父老趨丹墀君王郊裡
鹵簿出田燭照映五丈旗此時簪笏筮鵲似勝
泥潦迎旌麾請沐幸與妻孥樂白事免遭官長嗤
鷺釜弗肥茹蔬菽枌楊肯用叅書詩董宣元不妨
疆項匡鼎兼之能解頤正堪謳習中和頌何以學
賦歸來辭乞休未便卽賜允投劾誰更容狂癡國
子先生閭世務有酒尚可同襟期官粟奚必六百
石邴公此意良足師君不見時清草澤麟鳳起君
不見山空蕙帳猿猱悲君乎君乎稍且住白屋丹

水明年待君君何疑

臘日敬美見過飲酒歌

北風臘八寒雲白海子金隄冰一尺學宮之東禪
院西棧戶商歌老夫宅誰來下馬能相呼問著便
是高陽徒目攝鴟夷共解帶平頭奴子向市酤卽
無十千買一斗恰有三百提雙壺廚中苜蓿稍可
辦倉卒爲君佐歡娛憶昔逢君廣陵道伏闕上書
行草草強欲遮畱小犢車揮杯不顧傷懷抱我從
光州持服行訪君兄弟婁江城扁舟相送崑山下

歐虞部集

雁信卷之一

四

涓滴未飲涕滿纓只今日月光華且彈冠交慶當
隆漢君爲至尊符璽郎我作先生廣文館掀髯
大酌未辭貧握管分題亦堪翫此時不飲胡爲乎
簾外雪花復零亂人生遇酒且盡歡丈夫未足羞
微官嶺頭我已捆行屨湖上君曾持釣竿袖有吳
鉤何所用藏雖越鐔借誰看梅福詎知逃市易劉
伶豈但閉關難笑謂東方差解事陸沉金馬在長
安

劒閣篇

并序

余萬曆乙亥居京師楚人陳君玉叔督學
四川詒余書曰久不見歐生詩矣其贈我
劔閣篇於是賦焉

梁山巖巖通井絡觸石吐雲名劔閣大劔小劔蜀
之門壁立峰攢闢荒落蠶叢魚鳧三萬年櫟榆昆
明數千幕二江瀉瀑珥雙流五岷嵯峨殿層萼荆
衡遠屬綴岷嶓麋撲左綿攝邛樊竹杖植華紛自
來枕柳蒟醬今何隔橋櫺千家稊稻連鹽泉萬井
金砂灼寶歌剽銳拊瓦聽渝舞騰驤擁矛躍白狼
歐虞部集 雅信卷之一 五

樂木奏西京豈但巴姬管絃作尚想公孫躍馬秋
因知亭長歸秦樂蜀門天險閣如飛景福昌期比
河洛閣頭削出芙蓉寒秀結華陽已萬盤雲裏峨
眉瞻二華天邊玉壘逼長安 帝座文昌映華蓋
儒宗今有陳君在豈論風指勝唐蒙不獨題銘似
張載白雪高揚寡和音青萍劃倚長城隘文印行
操列郡中風聲蚤動三巴外炳靈自昔盛如斯司
馬君平又一時王褒採藻天庭上揚子含章汶水
潛大邦才雋名家起一字章程異代推上方盡讀

洞簫頌泰時正待汾陰辭資給計偕榮道路橐中
齋用繁刀布學官弟子槐市游入詣太常春掌固
我持燕筑薊門東君上青天劔閣雄雲霄感會雙
龍色側身西望雪嶺宮青城峰氣成虹萬里橋馬
呼風劔閣君看他日事至今石室記文翁

費郎行送民益謫倅鄖陽

燕京昔日少年場鬪雞走狗挾干將博間怒叱魯
勾踐筑後停邀秦舞陽胡姬酒肆紫駟繫幽州馬
客綠眼光陰符在篋無所用俠者獨數費十郎費
歐虞部集 雅信卷之一 六

郎身繡西臺上五陵公子爭回向七首買得徐夫
人竹皮揖問田丞相夕宴未醒平樂酒晨趨已拜
丹墀仗推轂由來長者多分庭半是大父行于時
橐筆滿金門班嗣書多世受恩風流吾黨推家學
星散何年出 帝閣移官喜得金陵樂代興況掌
留都鑰詩似中郎薤葉文府開大將蓮花幕遊騎
頻嘶朱雀橋航船每繫青絲竿門士魚腸醉並看
山僧塵尾寒猶捉二京出入快哉行六代繁華斐
然作誰知江左起風波千里襄樊桂擢過記得肯

谿小姑曲何似江陵稚女歌郎中開府方城外郎
去監州擁雙旆羅舍從事宣武軍蔣琬猶堪蜀西
倅漢庭任俠列九卿歸日汲生老猶在爲郎慷慨
彈劍吟長安驛馬今相待

上元節假日方奉常李明府過飲得裴字

玉鞭卻望銅龍樓貂襜褕照紫綺裘春風吹落西
山雪瑤花飛挂軒轅丘我行入門始下馬方李二
子來相求客卿仙令總能賦南陽貴人無此流百
日之勞偶一逸把臂不飲虛良儔呼僮解貂換美

歐虞部集

雁館卷之一 七

酒小僧亦解彈箏篴簷前楊柳動碧色杯中醞醖
含清謳水晶鹽豉二寸韭盤行海市霜螯蚌二子
不意笑絕倒我醉請以大白浮是時賜假日多暇
聖主恩賞何太優明朝儻詔金錢會願轡青絲從
爾遊

木癭杯行

順陽李生高興劇携我痛飲容臺宅主人行酒木
癭杯自稱致自檀山側五鬣松邊懸欲垂三枝槐
上黏堪摘似同拔汗產婆羅詎但波斯出阿驛櫛

處寒知塞雪深剝來新帶胡雲色點漆光輪藤實
青黝玄文謝芝舛碧椀金車渠半羞濕螺看鸚鵡
頻浮白此物欣登玳瑁筵此時散照瓊瑤席劉表
家傳伯雅年揚雄賦就鴟夷夕醇醲鯨吸通相持
脯炙盤行笑仍擘夜光杯曷取三升瓠落樽何須
五石古稱材大無所容誰憐歟棄猶堪惜君不見
新蔡生君不見銅梁客陪京狎長大府卿分陝今
尊少方伯徐郎吳郎次第還 聖明收召破常格
我亦吟恩繼諸子自比無鹽媿雕畫嶺外蕭森頗

歐虞部集

雁館卷之一 八

類楓社中擁腫甘如櫟感君意氣慰飄零瘳乎瘳
乎何人見爾曾霑臆

天馬篇

萬曆四年夏回回國進千里馬詔卻之紀
事有作

承天門下黃金闕高鼻夷人入持謁表上連錢肉
驥馬倣儻權奇躡慌惚神行獅子玉花高氣奮龍
媒朱汗沫權歸聖德肅靈威西極來從月氏窟
至尊殿上乘介圭天閑不重驢蹄越裳雖則獻

以雉黃支何事牽其犀有詔勿納回回貢但取
成祖御馬題是日出郊祭方澤先戒雨師命風伯
鸞輿象輦不動塵貂冕麟袍在交戟萬姓都人頌
且歌四夷君長手加額吉行寧羨大宛種縱有蒲
稍竟奚益會聞 高帝乘六龍夕月行騎飛越峰
國初事體今則異羽書稍達甘泉烽輦金互市權
羈束實塞修邊計折衝 烈祖撻伐示皇武 神
孫端拱歌時雍元鼎太初貳師出玉門誰似丸泥
封君不見周家八駿樂何如豈似明庭壯帝居大
歐虞部集 雁館卷之一 九

寶之箴今在御小臣何用旅葵書

虬髯行送陳忠甫赴戚將軍幕

虬髯猿臂氣如虎都人共識陳忠甫吾鄉曾表孝
廉家奕世不絕衣冠譜少年握管善草書近日工
詩能樂府胡騎天山敕勒歌公孫劍器渾脫舞頭
上新焚章甫冠據鞍欲掃東西虜杜陵入幕本詩
人僕射豈徒似嚴武今之太保大將軍薊門仗鉞
開胡雲戲下多收草茅士半與衛霍論功勲君行
許國奇男子萬里封侯從此始燕郊八月飛寒霜

贈君犀甲鐵襦襦蛇頭雙矛丈八長漁陽山河盡
錦繡漢家障塞皆金湯三衛貢市性犬羊土蠻豈
足稱名王丈夫尺寸在邊疆金印纍纍搖日光好
兒卻是李亞子醉殺不數孫家郎秦五殺魏五金
微賤成名自千古策清大漠以尺箠生縛匈奴用
長組陳忠甫歸來何以報 明主

金門引送孫判官之裕州

典客看君鳳墀步金門筵我鵷班羽當日親勞細
柳軍小臣待奏長楊賦邀賞常因微詠來愛君詞

歐虞部集

雁館卷之一

三

伯有繩度 世廟遺弓不可攀 昭陵新主忽已

耐嗟予遠作江都傳興公亦向天台去逢處舉舟
淮海秋談時聞笛山陽暮飄零容髯已如斯再入
長安又一時共驩日月瞻清朗尚惜驂騑在路岐
感今念昔嗟交態昔者近侍今何卑廣文館近主
簿舍能與鄭老同襟期赤縣屯廳幾操筆方城別
乘新持檄郡引舞陽商阪通山開桐栢河流出手
板猶稱趨府人佩刀稍異泥塗日君家奕葉盛輝
光忠烈文恪慶澤長先公尚璽扈閣老諸弟西臺

客部郎不羞升斗淹墨綬獨以經術傳青箱中原
坐嘯推治狀借爾畫諾能循良均田碑在租徭簿
行春疋馬千家郭光武祠前泉欲飛廷尉墳邊棗
堪剝治農方誦使者詩寄兄多和平原作故人西
望裕州書卻憶風流謝康樂

戚都護歌

憶昔嘉靖庚癸年烽火夜照通甘泉棘門灞上已
無將穹廬大漠況敢前墻子嶺邊五千騎古北口
外十萬弦邊沙獵獵吹人面機槍幾歲臨幽燕隆

歐虞部集

雁館卷之一

主

慶之初勞北顧明堂授鉞赫斯怒閩浙召歸戚都
護詔練邊兵給邊賦長城乘陣皆敵臺朔野出師
盡戎路健兒何地不英雄戰士如林共肝腑匈奴
西散犬羊群鐵壁金墉上切雲 至尊宵旰念遼
薊速以都護除妖氛入帳立呼諸校尉聯營分屬
五將軍從此旌麾驃騎出敢言圖畫麒麟勲太白
入月歲在子左賢授首余吾髓昆彌部落典屬國
駒駘雲錦通關市轅門宴士擊鼓鍾雅歌投壺盛
冠履都護年今五十秋登壇紫電烟雙眸階崇特

進恩方渥功冠中興世莫儔弓高子孫漢龍額門
墻肯納崔亭伯畱屯深仗何人力天生李晟爲社
稷使者長安飛授敕天閑賜馬玉花赤多少書生
願勒銘青天預掃燕然石

雲麾將軍斷碑歌

將軍鼎貴唐宗室虎臣功在開元日平隴登壇塞
外聞度遼持節師中吉萬里舉旗氣莫當一朝賜
祿才終屈家系勲名勒此文北海毫端見風骨九
曲黃河杳極流三峰華岳鋒稜出向時碑板照四

歐虞部集

雁館卷之一

主

裔豈意幽州久沉汨泥沙霜雪已千年蠶尾銀鉤
祇自憐纖穠稍異琅琊體可是靈芝手自鐫機銓
臨池映林幌斷碣殘跌滿烟莽此石何爲厄此時
良鄉校中鑿爲礎歷下猶存十笏亭龍興尚見雙
螭腸岳麓姿羅爛真態東林秦望爭摩盪薊野誰
占氣燭天中宵北斗迴精爽邵孺披榛尋得之秘
書嗜古亟欲往毀戈碎壁未堪捐洗薜剝苔自吾
黨李侯輦致驅兩牛豐城劍起蛟龍秋九成化度
卽非偶離堆啟法今同收四方榻本傳好事何異

利弓垂矢霄煜東序之天球君不見雲麾北海苑
平氏諸李風流似苗裔王宅先公世習書柳家新
樣偏工字看君赤管如有神公孫大娘舞劍器我
來撫石雙垂淚自古英雄困憔悴岐陽獵鼓响嶠
銘嗚呼神物寧終閟

阿蘭行荅李于美

余談酒而不飲酒官太學三載貧不能攜
家寄宿寺中于美短歌行益調余無酒無
妾也因賦阿蘭行荅之

歐虞部集

雁信卷之一

三

黃公壚下鬱金香胡姬樓前紫游韁先生閉戶無
所往獨臥阿蘭之草堂不求美酒三千斛不用金
釵十二行官爲博士秩九等月請司農錢一囊帳
前擁花以當妓澗底斧冰而作糧彈非燕趙佳人
瑟博豈涼州刺史章不能學李供奉舒州杓力士
鏑長干小婦顏似玉若邪女兒足如霜畫眉轉覺
京兆貴疊麴更築糟丘芻先生歸隱仙女牕先生
歸酌仙樹漿下窺夫子左挾嬋娟右清醪陸沉金
馬尚書郎

存石草堂歌

攜李城高控江海清波如環石磊磊林際三峰類
削成牕間二室生光彩翠虬舞月五臺寒蒼兕呼
風萬竹壇夕郎逝矣介剛在諫草空藏後代看承
家觀察歛笏拜園居見石肅冠帶秦住雲連天目
前鬱林烟散滄洲外玉樹諸孫議石渠補天五色
更何如定知延閣傳先業豈但名山太史書

杏山翁壽歌

瀨鄉之孫內鄉客文杏滿山署仙伯三玄歲歲紛
矣紫五沃枝枝爛然白種從東海都尉求實容洛
浹園人摘西嶺新成董奉林南鄰半似張元宅昔
日長安奏賦來正逢五色曲江開紫茸繫柳章臺
轡碧玉飛英麴院杯上林文本棲不借中禁明光
望卻迴酣歌地厭金門據卜居策指丹江去羔鴈
頻辭三府書烟霞自草諸山疏賢良再上謝留川
驃騎初心落句注大兒周南太史公小兒高第郎
官署萬石家能向里趨八龍門可迎賓御佳辰上
壽祝喬齡尺簡稱詩滿朝署香撲玉缸花更繁此

歐虞部集

雁信卷之一

四

時仙伯駕青鸞崧高寨上將扶藪裹核蓬萊授我餐

王范二僚人不調雨中戲以長歌

君不見王子大若爲教授河汾之家世君不見范景伯若爲扁舟五湖之苗裔一官白首猶未遷四載青袍有何意戟郎但可困揚雄士林空自畱虞荔西雍東序豈堪輕破硯寒毡太有情六館共知貧博士四門今已老先生昨者六日雨不止長安城中滿城水上漏下濕牆幾傾半晝一宵榻三徙

歐虞部集

雁館卷之一

美

卷幔淋離抱書籍開門潦長呼隣里過午炊烟尚待薪經旬蔬食聊盈簋二子高歌百不憂烏皮之几貂皮裘誰其據者六國相豈足道哉萬戶侯繡衣霄漢奚不策足去赤管歲月卻與吾曹儔君不見南海歐生亦開關箋箋用陰晴間子如雲今出岫我如鳥今知還攜將玉局三千卷乞取羅浮四百山

舉山睡圖歌爲黎惟敬賦

雍州雄峙太舉山桃林古寨當潼關四方削成玉

井上蓮花矗立誰能攀蒼松樛枝半空起蛟虬飛入青天裏黃河九曲如絲來陰霏寒翠侵濤水雲臺觀前玉泉院希夷先生隱于此五龍曾出日月池化五仙公搏所師口傳睡法石上坐梁晉漢周如夢馳巨靈睥睨高掌擎玉女吮嚙雲鬟垂窻間飛蝶忽以覺騎驢大笑誰得知黎生學道希夷叟典秘蘭臺歲云久粟比公車過一囊給似河東頗三斗作賦寧論左氏書得錢更買東方酒群星錯落羅在胸萬象雕鏤出其手講殿猶隨大老班詞

歐虞部集

雁館卷之一

美

場合使千夫走生有仙才自不知海內詩名滿人口昔從起家便通籍賜緋帶束荆金赤奕世衣冠射策多大兒詩書小兒易齋中日詠絲五紵亭下行畱玉雙舄骯髒惟營白鶴棲昂藏豈借青雲色希夷道在五干文歸勒名山十賚勲故人新請羅浮長約爾同尋滄海君

太學齋居雪中聽琴得栢字

燕京今夕是何夕一陽將動宮牆栢至尊誓戒率百辟園丘奠玉思奏格學省諸臣不遑息嚴趨

金集戟門掖朱琴欲撫頻拂拭牕間半入西山色
西山雪片大如席一時飛滿長安陌諸臣此際萬
慮釋瑤軫迭調朱絲直彈之成聲思何極鑿池有
水不能碧梅花滿枝盡成白鳳鳴獸舞歌聖德
奚但擊石而拊石陽春之臺楚天隔側耳且聽虞
庠側曲高和寡未爲適君其問之郢中客

憶羅浮梅花

長安久客寄僧扉四載猶趨白虎闌夢中每扣朱
明洞坐列瑤池萬玉妃芒鞋竹杖亦堪適綠轡雕

歐虞部集

廡館卷之一

七

鞍猶未息海上春隨縞袂寒山中酒熟瓊酥色吾
家四百三十二之青山上有織鐵九鎖飛雲萬仞
巖業礫硤誰能攀梅花待我應相憶爲報先生獻
歲還

廡館卷之一

終

離館集卷之二

嶺南歐大任楨伯甫著

五言律詩

荅朱計部子得見過

珂聲雙闕散蕭寺一相尋
貝葉牕間積曇花砌下
深笈曾參內學鍛可佐中林
非爾襟情遠誰能念
陸沉

董述夫取道汴洛將遊華嶽過余言別

潼關西去路杖笠太華門
雲度仙人掌星窺玉女

歐虞部集

離館卷之二

一

盆茅龍飛八極笙鶴望中原
愧爾成孤往蓮花入

夢魂

余士申春遊嵩山
擬往西嶽不果

夏日陳忠甫同鎮繼正琇德清如序四詩僧

過顯恩精舍見訪

木榻世情疎燕陽偶卜居
道林邀法社玄度愛僧
廬吏隱兼持律家貧不廢書
清言吾意愜步履更何如

荅霍兵憲入都見訪

闕下權相見何當策馬尋
直聲汲黯在家教石君

深香遠梅花嶺官貧桂樹林
從來鸞嘯客一不問
升沉

送琇公還金陵

南去雞山寺遊方返給園
四禪吾自性雙樹更何
言鍾阜雲隨杖玄湖月在門
湯休今怨別知爾問
詞源

大興孫主簿文濟見邀縣齋夜飲

二首

十載故人在鸞棲枳棘深
客來惟杖屨吏散似山
林倦翼將歸興行雲不競
心燈前詩益壯何更論

歐虞部集

離館卷之二

二

浮沉

二

京邑官非小三朝侍輦來
世家彝鼎貴群從廟

廊才何胤寧蟬冕陶潛但
酒杯舊遊堪幾醉能不
夜深迴

和丘計部謙之吾兼亭成追憶李獻吉鄭繼
之四首

蘭省關文苑看君起草成
青山容吏隱白雪讓才
名臆快支頤興杯深抱膝
情相如猶侍從咫尺望

金莖

二

陸沉堪卜隱寄傲意悠哉積蘚侵書帙新桐覆奕
臺卷簾池月過疊石苑雲來賓戲寧勞荅清尊且
爲開

三

潛心俱大業當代幾稱詩著作看前輩風流又一
時高駝人已遠中駟世堪疑佩結江離在秋來欲
寄誰

歐虞詩集

癡館卷之二

三

四

漢署爲郎日冥心海岳遙緇塵衣自拂磊塊酒頻
澆竹色滋清闕松聲送次寥浣花谿上客曾在紫
宸朝

都下重逢李孝甫因訊沈箕仲

使者入西京鳴珂紫陌行雕龍齊客辨數馬漢臣
名絲筆遊堪遠清尊世可輕因君憶東霍江月十
年情

韋純顯遷居同諸僚攜酒過訪

東廡新居勝忻看五色瓜詩尊韋孟業官冷鄭虔
家碁局頻移石園籬半帶花不妨來往數騎馬入
堦斜

送徐苑丞謫州門驛丞

橫槎天畔過搖落況逢秋臨賀何人送長沙去路
愁郵官今遠客苑吏昔同遊獨有尊前酒因君涕
淚流

中秋同吳明卿丘謙之集王敬美宅得經字

風流何必減握手慰漂零節序還看月關河稍聚

歐虞詩集

癡館卷之二

四

星林無中散酒家但子雲經衡漢燕州夜誰堪照

獨醒

時以禁例
停宴飲

是夜雨後郭建初陳忠甫程無過復攜酒翫

月顯恩精舍

他鄉秋萬里獨臥鳳凰城已愧傳經客空憐載酒
情青山餘黯淡絲筆老縱橫不必登天柱歸心片
月明

張羽王邀遊白塔寺太初上人精舍

西遷君始返余亦陸同沉難偈雙趺冷經禪一樹

深清齋能繕性白日見修心欲問南宗學相隨到
少林

恩上人過齋中

柴門能一過住泊偶隨緣弟子供齋几都人候講
筵家通慈氏學山隱辟支禪我愧操彤管將詩未
可傳

張羽王過寺館小飲

流落驚還喜逢君醉不疑香臺冰溜下祇樹鳥棲
時偈頗容彈指詩寧論解願豈堪還翫世去矣十

歐虞部集

難館卷之二

五

洲期

顧舍人元濬攜酒晚過

仗移分直後騎馬到蓬蒿東閣多奇士西廳自散
曹佩囊蒼水瑩筆橐絲雲高歲晚江南橘相持勸
濁醪

雪後過王敬美賞梅花

聞道江梅發西來據玉鞍客曾官閣後雪似石湖
殘句裏生春色尊前倚暮寒羅浮歸未得爲爾幾
回看

聞陳兵憲道襄已至永平將過三關諸路并
寄忠甫

乘障寧辭遠知君節制雄盧龍巖鎮北碣石海門
東斧鉞行燕塞風雲護漢官獨憐王粲去詞客學
從戎

獻歲王符卿敬美董侍御惟益沈比部純甫
過集得場字

風細紫游韁何來問葛強玉壺燕市酒絲勝漢宮
香願每因談解腰今覺帶長老逢新歲月真愧少

歐虞部集

難館卷之二

六

年場

過玄寧觀訪潘啟明不遇

許掾能相詣潘尼不可攀情因朋好重老覺宦游
閑潦倒羞懷刺沉冥學閉關笑看休澣日誰遣獨
醒還

早出左掖過劉太史衍亨觀經筵越棠二賦
郊祀慶成諸詩

銀鞍初繫馬愛客一筵同袖出河東賦杯行碣石
宮辛盤花並絲藜杖火猶紅何日看重席談經漢

侍中

送韓行人柱甫使楚便還吳門兼寄張幼于
使者出燕州翩翩擁傳遊珠旗雲夢澤玉笛武昌
樓鴈去頻經歲鱸肥已及秋報書張仲子爲我拂
吳鉤

邵長孺自南宮攜邢子愿所刻南翥集至

操觚吾計拙覆瓿故人憐片語堪陵勁千秋敢浪
傳詩名餘白首世態老青氈笑問藏書地恒陽石
匱懸

歐虞部集

煙館卷之二

七

夏雨

燕地雨無正夏霖何慘悽風騎沙漠北電劃大行
西泥潦頻炊桂門庭一杖藜杜陵頭欲白猶傷浣
花溪

午日飲李宛平宅得支字

班行散玉墀明府幸相期席上雙盤艾花前五色
絲歌停官燭送酒給俸錢支醉憶江鄉客芙蓉正
滿池

劉繼孝錢德咸二僚長攜酒見過同邵山人

恩上人集繡佛齋

萬里無家客茅齋雙樹前同官能入社靜者共逃
禪米汁盤邊蜜花龕座裏檀清涼吾自性卽此是
人天

送楊主簿之郢中

綰綬寧親去途知捧檄長土風連郢沔江色入沮
漳射鴨堂皇下棲鸞枳棘旁孝廉新詔起詎但似
仇香

夏至齋居荅方奉常允治

歐虞部集

煙館卷之二

八

長夏齋心坐清詩爲我題日晴官署裏天近苑城
西新竹麝偏臥高槐鳥更啼可憐不同賞分直似
巖棲

駕出

鳳輦天行處千官望袞衣星羅東闕綺霞綯北郊
旂虎落多沾翠鵷班半賜緋詞臣三禮賦扈從有
光輝

駕入

東華嚴警蹕法駕日高還已格精禋後猶思陟降

間黃琮畱北時朱火照西山
幄殿雲成綵會看候聖顏

北郊 駕還後顧光祿見過

汾陰歌吹入能過子雲家
騎拂龍池柳鑣停鹿苑
花談深惟竹素齋罷尚茶
灰愧爾河東奏遲廻禁樹鴉

臨淮侯盱眙李公輓詞 二首

蕭颺將軍樹巫陽不可招
珥貂榮七葉射虎壯三朝
淮海會搜粟荆湖薄伐苗
銘勲千載事麟閣在

歐虞部集

雁館卷之二

九

丹霄

二

星殞淒涼夕江流嗚咽聲
珠襦頒祕器玉椀賜佳城
草木祁連冢風雲驃騎營
至今甥舅禮誰數李西平

西平

聞王敬美叅藩江西

只道關中去潯陽又此行
岳雲居士屐江月使臣旌
舳舳印應長嘯談詩不用名
匡君山下鹿聞已候雙旌

送黎民部允忠守南寧 二首

露冕粵西封麟符出九重
人知廉叔度學似鄭司農
鄉廩今餘穀山城半是榕
太平邊徼靖賜樂有歌鐘

二

送客長安道鳴騶忽解攜
關通都嶠外江入夜郎西
候館過銅柱公庭下錦雞
鄉心千萬里尺素爲君題

中秋夜起翫月懷吳明卿王敬美 二首

歐虞部集

雁館卷之二

十

潯陽人已遠汴上客如何
以我陸沉久思君蓬轉多
風烟不終夕天地一悲歌
差慰窮愁色清光滿薜蘿

二

高秋一片月客歲共長安
雨後金莖影尊前白露寒
風波驚別易霄漢托交難
今夕芙蓉鐔分明枕上看

秋日同劉仲修田子藝李于美集陳道士館得雲字

高齋秋色淨斗酒不成醺
臆隨長安葉林殘碣石
雲山蟬叅客語海鶴在
人群何事顏光祿勞勞
詠五君

送劉翁高赴畧陽主簿

儒衣非短簿策馬入秦關
棧倚褒斜谷城看玉女
山浮雲肱可曲汗簡髟將
斑臺有黃金氣燕州待
客還

李于美方允治見過閩徐子與閩中所寄詩

同賦

歐虞部集

癡館卷之二

七

情真見爾曹暇不廢持螯
齋後慙多病尊前得二
豪幔亭霞色起碣石鴈
行高海內憐同調何由
對濁醪

同韋純顯崔德卿周之禎蔣國仰集願叔震

宅賞菊得閑字

學省稀朝謁悠悠燕薊間
宦情三徑僻秋色一尊
閑絲袖霑花醉雕鞍帶月
還因之懷采菊歸興滿
南山

題尤叔埜九龍山房

卜築懷千古書臺磴道攀
茶分二泉水松吹九龍
山玉笈風烟外金庭睥睨
間精廬訪劉嶽時有白
雲還

張幼于卜築石湖書來索詩寄詠 三首

姑胥臺下路千里見平蕪
鏡白新開閣帆青舊賜
湖梅花猶可譜竹葉盡成
符君向東鄰住因知德
未孤 右稽范堂

二

架壑出層巔吳山玉檻前
明霞飛碧浪片黛湧青

歐虞部集

癡館卷之二

五

天茶磨觀音石梅灣白雀
泉潛夫如已著何待乞
歸田 右浮黛樓

三

一代風流盡今看有數公
杖藜寧可見俎豆此能
同醉石雲霞側殘編涕淚
中八哀吾欲賦烟艇思
何窮 右存故序

燕京九月末菊已盡矣范
景伯署中方盛開

同韋純顯過看得花字

菊柴桑宅陶家似范家貧
無千日酒興在一簾

花叢石停初霰高天散落霞歲寒吾愛汝不爲衆
芳誇

季秋晦日同賈汝誠陳伯化張和卿崔德卿
周之禎集何仁甫宅得間字

旬假方優賜金錢月自頒秋能隨節盡客不厭官
閒酒氣琴書畔廚烟杞菊間郵筒今滿石燒燭未
言還

送楊君良還泰和

師門會上謁離館見操觚吳楚經爲衡台衡世有
歐良邵集 雁信卷之二 三

儒名家丹穴鳳公子玉花駒去矣期相邁關前認
藥繻

送田文學赴歙

把袂憐君遠新安幸可居溪聲喧近郭山氣護精
廬人受田生易家傳越絕書關西徵起日三鱸更
何如

冬日康裕卿沈箕仲邵長孺燕維翰沈長孺
過集遲余君房光顧吾不至

杜曲能停轡燕歌且進杯書曾藜杖過飲以布衣

來二仲期難至諸君坐莫迴鴟夷吾欲賦終魂子
雲才

臥疾 時兩京大司成孫
公余公皆請告去

請急經旬日嘶 恩白虎闡師儒頻謝病魚鳥亦
思歸薊雪青瑣溼滄波赤羽飛故園烽火後夜夜
夢漁磯

見月 辛兒書報近築小園待父
歸來日奉藍輿爲樂云

一片長安月鄉書病自題興憐陶令子齋謝太常
妻城柝因風起宮鴉遶戶啼梅花千萬樹偏在鐵
歐良邵集 雁信卷之二 四

橋西

十二月一日同顧光祿叔潛過李明府于美
得臺字

臘藥同霑賜朝回折東催步兵持酒榼單父下琴
臺病益疎慵態詩慚侍從才公榮雖不飲騎馬數
能來

除夕黃公補邵長孺黃公紹梁宗文蘇懋德
潘子朋程無過潘季選程虞仲集子齋中因
懷舍弟經季未至 二首

荒齋親友合誰道是京華歲積鄉心遠天寒暮景
斜辛盤將進酒蠟炬半成花獨望征人騎長途送
落霞

二

風飛貂帽沙疲馬早休衙鄰曲諸生舍墻東倦客
家遊人觴栢葉憶弟頌椒花此際無辭醉趨朝待
曙鴉

酬何仁仲見過

客自邛中至交從蕭寺驪燈光連舍利雪色上旃

歐虞部集

雁館卷之二

五

檀請業青箱舊行觴綠醕寒胥臣稱博物得似楚
材難

司馬曾公三甫過齋中得文字

東序周旋日高天鴻鵠群眼青憐故態頭白愧斯
文匣劍芙蓉出盤餐苜蓿分中朝樞筦貴看爾報
明君

徐子與黎惟敬見過李于美方允治同集得

燈字

客滿西齋夕渾忘冷似冰給從官裏酒席近佛前

燈待曙朝雙闕尋春醉五陵十年筋力在吾敢羨
飛騰

夜同黎秘書過徐方伯

此日故人少千秋大雅難吾曹雞肋在世事馬蹄
看夜漏篝燈久春盤佐酒寒片心君自識幾得醉
長安

同黎惟敬陸華甫邵長孺程無過潘子朋程

虞仲游廣濟寺永上人精舍

長者能相約來尋小朗言牛鳴金地布龍藏竺經

歐虞部集

雁館卷之二

六

翻瓶汲花猶供茶香火尚存非關禪悅性木榻似

柴門

都下逢熊處州卻送還郡

同官邢上別垂老薊門看印綬南明色衣裹北道
寒掖垣疲執戟郡閣慶彈冠他日書相及惟應問
釣竿

送郭建初還福清

太學何蕃去長安郭泰歸筆牀開竹苑書笈偃荆
扉狎客雙柑酒娛親五色衣玉融西笑日拂袖海

霞飛

詹東圖過別

相將出鳳城斗酒不堪傾何事金門下難畱白岳
生柔楊霑別淚芳艸寄交情從此陳畱市偏懷阮
步兵

同章純顯祁羨仲崔子玉游滿井

下馬坐開尊燕陽福地存宅同深井里城近浣溪
村玉浸渾成色雲根自有源桔槔非我事聊灌呂
安園

歐虞部集

癡館卷之二 七

送朱計部子得監倉臨清

振佩出明光燕交柳欲黃分司東省客奉使度支
郎南版泉皆玉清源月似霜餉軍今不乏歸日奏
長楊

送吳惟毅宰嘉魚

三江吳季子列宿漢諸郎手版猶趨府弦琴不下
堂龜湖黃稻熟丙穴白魚香楚筵應書最歸來謁
建章

答吳孝市

聞道江南艇秋風過濟寧權寒河水白閣夕岱雲
青句裏禪爲月尊前客是星燕關徒悵望知爾學
鴻冥

送無過虞仲還歛兼寄子虛 二首

客路薊門分那堪此別君鄉心新歲月經術老河
汾短劍蛟龍氣扁舟鴈鷺群不須論聚散西北有
浮雲

二

爾憶西池樂春深負笈還歌能飛白雪家自傍黃

歐虞部集

癡館卷之二 八

山華萼千枝碧重闌五色斑安城應有蒼宣遠在
江關

夏日同沈太史顧張二光祿集李明府宅得
人字

誰如懷縣宰隆暑正邀賓竹下披襟日尊前頌酒
人帶花移小石貫柳出鮮鱗何必論河朔沉冥意
更真

顧叔潛張元易邀遊滿井以病不赴得樂字
西牕支枕後四壁臥遊看未識濠梁樂難忘澗上

槩杏憐山酪熟瓜憶石泉寒消渴文園令唯堪一
挂冠

送黃公紹赴山陰文學

南送過江旌諸生候絳紗司農元善禮博士更名
家梁指封年石亭看袂日花陸沉吾黨在能不念
京華

送吳生甫還新安

垂楊通潞渚客問五湖船世事丹鉛裏歸心白岳
前林香堪足酒橋熟不論錢畫手吳生老思予說
虞虞部集 離館卷之二 十九

劒年

丁庸卿陸華甫顧汝修黎惟敬顧汝和同集

王彥貽齋中談五嶽之勝得龍字

一室晤言幾諸郎握塵從青雲看似鷲紫氣識猶
龍遊可期禽慶歸能待邴客十年懷住岳不用酒
泉封

伏日同陸華甫李惟寅李于美胡茂承朱汝

修避暑曾安寺得雲字

清涼惟淨土坐久謁氤氲竹院飄蒼雪花臺駐白

雲歡深投轄得歌歇遶梁開誰謂樓煩客宗雷亦
可群

送藁城王少府

并州君作尉手版府中趨家自文無害人今德不
孤行春開石酒游徼過盧奴梅福南昌客封章滿
漢都

朱邦肅山中葬母

千秋陰隧閉雞骨不堪支慈訓哀何及餘生敢自
期群鳥嘶土日大鳥下墳時莫誦劬勞句門人已
歐虞部集 離館卷之二 二十

廢詩

方伯求持卷見過有贈

三都今奏賦兩浙爾稱才自昔霸王略多從羈旅
來負薪曾未倦扣角不須哀突兀黃金氣風雲滿
薊臺

送文子排赴浦江令

絕綬向仙華城邊激水槎孝廉新授邑太史故名
家百榼蘭陰酒雙溪橋子花行春勞茂宰丹詔下
天涯

雨中集玉河隄之光遠堂得披字

衝泥吾不怯觀雨得佳期入樹鶯全溼露林錦半
披病同漳水客飲似曲江時刷羽年垂老棲遲感
鸛絲

詒馨堂爲潘子朋賦

吾州稱令族諸子冠高陽林似幽人宅谷多王者
香商顏芝盆茂楚水蕙曾纓彤管誰詒女家聲奕
葉長

永上人邀李明府及余兄弟過廣濟寺逢金

歐虞部集

廬館卷之二

圭

陵恩上人同登藏經閣

淨因吾欲習偶爾過珠林花露霑清供松風發妙
音片霞高閣色一鶴白雲心廬阜能開社攬蒼亦
可尋

燕京送舍弟經季南還

歸人不忍送況是鴈行疎愧爾求初服先予問隱
居良常茅氏宅鄧上陸雲書豈必棲名嶽朱明有
弊廬

別陸華甫

別去易經歲蕭條久客情輕裝燕鴈後短策岱雲
行有髮禿居士無家似外兵故人還待汝羈馬薊
門城

荅黃清甫因訊談世重

故人能枉策已是十年期到寺惟看竹題門一賦
詩參軍樞筦客徵士汝南師不厭青瑣冷黃花尚
未遲

九月朔昌平道中少宰何公見示登覽之作

用韻奉和

歐虞部集

廬館卷之二

圭

千騎出郊坰行尋督亢亭露華長塞白秋色太行
青翫世求中聖尊生學大寧從公玄覽處何但小
滄溟

陵祀畢夜還昌平館

清霜一葉下陵木忽蒼然玉漏秋偏急銀燈夜不
遷卷蘆軍幕外促織客牀前回首思園邑天山片
月懸

送張儀部被播還安成

兄弟交偏久風波別奈何編韋家學貴汁竹世臣

多山氣聊支笏江烟不廢簑 主恩元自厚行矣
慰蹉跎

寄方太常

滿目浮雲過惟君善閉關思玄平子宅抱膝武侯
山酒熟奇誰問詩成句自刪江東消息好須賦二
京還

殘歲 二首

久客憐殘歲微才負盛時買會羞駿骨妬敢恨蛾
眉漫滅三年刺沉冥五字詩青山猿鶴在何日不
歐虞部集 廬館卷之二 三

相思

二

頭顱吾自愛簪笏未堪捐世事隨漚泛天年似櫟
全夢難忘馬筆書不廢魚牋寂莫揚雄閣惟應守
太玄

除夕過任山甫不遇

任昉詩誰似風流大郡僚貢金同九牧鳴佩已三
朝歲暮家炊桂天涯客頌椒尋君不可見羸馬玉
河橋

送大宗伯古林何公致仕南歸 二首

行藏四十載今不愧乾坤世仗名儒議天全 聖
主恩著書畱石室隱几杜柴門從此羅浮上烟霞
道益尊

二

再出完名去朝廷念朴忠言爲漢班伯學似魯申
公滄海扁舟月西樵大笠風投簪吾亦逝倘許褐
衣同

送李維周太學南還省覲

歐虞部集 廬館卷之二 四

嶽立忠臣胄追趨在虎門才優三百乘學擅五千
言荀蔽思調膳蓬蒿喜滿園通家懷爾祖頭白幾
人存

送沈符卿以安赴畱都

奉璽傷雲霄才名本自超詩傳鮑氏體帶學沈郎
腰草色連三市江聲似六朝卻看卿月近相憶白
門橋

上巳同周子翼湯堯文朱子忠馮汝行曹應
麒高升伯過陳鍊師館觀海棠

客來修禊事春在列仙家窈窕紫烟出扶疎結綺
斜窗畱玄圃月山倚赤城霞誰更誇西府新移玉
樹花

同黎秘書孫太史顧評事諸君過王鴻臚宅
靜修上人亦至得輕字

紫宸班始散數騎巷西行密坐逢緇侶長齋對麴
生遊人雙樹小出世萬緣輕但得沉冥理誰知大
隱名

同于殿講黎秘書李明府靜修上人集圓通

歐虞部集

離館卷之二

素

精舍得天字

躡履金門下而來寶樹前花林開十地蘿逕到諸
天淨土匡山社宗風雪竇禪田衣叅講席莫向外
人傳

鄭光祿邀游智化寺登萬佛閣同黎秘書李
明府二張光祿分得繁字

能不緇塵厭紛其車馬繁閣臨平樂觀春在給孤
園星漢迴燕甸河山遶薊門鄭莊賓客盛猶自足
清尊

送懷遠李明府

郎官今出宰行矣慰黔黎驛過龍城北山盤象郡
西莎庭看鹿下竹瀨聽猿啼雙鳥何年起畱詩似
子谿

酬吳曰南入都見貽

吏隱半烟霞相逢鬢已華江淮頻有夢京洛久無
家我自愁炊桂君今待賜麻席茵須蚤就春過五
陵花

寺居病起酬京口陳從訓過訪

歐虞部集

離館卷之二

素

誰能同把苦何意挹清芬句麗東溟月裝輕北固
雲深談憐貝簡新草愧玄文似爲茶瓜樂相攜到
夕煦

七夕同黎惟敬范子宣張元易鄭伯良王彥
貽朱汝修集華存叔館時存叔初至得長字

故人忽以至十載曾相望顧我愧三益愛君懷七
襄夜深烏鵲度秋色銀河長離合渾難定不妨頻
進觴

司馬東沙張公輓歌 二首

樞筦陪京日東南羽檄飛姓曾銘閣重策豈畫江
非遠志惟看劍 北朝有賜衣穀城山下石猶共
赤松歸

二

懸車折蚤歲曳履憶崇班書 關門著丹從海上
還烟霞新茂嶼几杖半名山 冥麒麟書靈在
百蠻

劉園餞唐惟良入 賀還揚州得門一

猶作趨朝客難忘去國恩使君停上駟僉父到名

歐虞書集

應館卷之二

走

園石竹烏皮几秋花濁酒尊江淮如見月應憶瀟
陵原

同惟敬仲修襲美元易於海子亭再別惟良

得陰字

泠泠海子曲斗酒似情深蘭芷騷人賦刀環國士
心天風迴爽氣島日下秋陰君去淮南路山幽尚
可尋

士鵠見過同宿顯恩禪房得深字

同舍別何久乍逢秋已深君方理簪綬吾欲乞山

林橐筆三朝客支節五岳心故園蘿薜約開閣待
長吟

酬姚元白畫梅見寄

不見故人久梅花何處秋溪園開白下法署似揚
州把筆鵝群閣巡簷鶴筆裴南歸吾計決相憶在
羅浮

寄陳子野

離門君不出五柳未蕭條明月新林浦秋風白下
橋津人理舟檝江客候風潮去矣吾將隱名山不

歐虞書集

應館卷之二

走

待招

送王鴻臚彥貽得請歸養 二首

一疏歸懷遂寧論典客官夢爲扇枕戀游得奉輿
就華黍供調膳初衣待沐蘭 主恩天共遠能不
憶長安

二

詔許寧親去秋風興渺然裴茶二泉寺吹笛五湖
船橋子新開圃鱸魚不論錢青山招隱 吾亦賦
歸田

黎秘書攜酒同顧舍人呂蔣二山人禮永二

上人集普恩寺得過字

精舍雙峰外君能載酒過開筵邀翰墨駐馬繫藤蘿客戀名山幾僧修淨土多甘泉峰不到深酌意如何

同黎秘書王納言李臨淮李宛平過劉觀察

園翫菊

三秦歸白首園似辟疆開北海樽能滿東籬客漸來霜華碣石館秋色薊丘臺搖落登高日誰憐作

歐虞部集

雁館卷之二

无

賦才

雪中張平叔楊汝德汪子建茅平仲諸君見過得鐘字

首宿飯不足伊蒲饌稍供持經吾尚病問字客能從齋後容呼酒醒時一扣鐘出門雙樹下雪色滿西峰

送陳比部君謨考績還畱都

東坂紫騮鳴都亭奏最行雪花燕甸樹鴈字石頭城經術陪庭議循良起吏名君看金虎署自昔重

西京

陶文僖公輓詞二首

國禮尊師傅 皇恩重范型尚書麻作誥學士幄存經器給東園祕阡題上相銘當時楹奠後遺蹟在丹青

二

世表尋陽系明公自慶源周家八士盛漢日五更尊封禪曾收草精禋尚賜膳千秋麟鳳宅誰得似雲門

歐虞部集

雁館卷之二

三

哭徐子與

四首

一哭豫章信浮生安可論書猶械小草魂已入修門諸路江藩重三階岳伯尊所嗟玄未就遺札待誰存

二

青蘿館前色悽愴白雲殘兒豈藍田勝家猶雪水寒時情曾睚眦吾道尚艱難他日西州路誰同駐馬看

三

豈料薊門別交期盡此生江湖徐稚宅涕淚灌嬰城舊業空書卷中與有賦名悲風號顧渚蕭瑟一含情

四

宗梁周落蚤李謝喪亡頻今日哀詞伯中原失故人笳簫三楚雨井逕五湖春劍自延陵許愁攀宰樹新

人日會范京兆景伯郡齋見東

共是積薪客歡聞喬木聲班仍鵷序舊官以馬曹

歐虞部集 應館卷之二 三

名嶺嶠吾將隱瀟湘問去程報君人日句未敢擬

同行

荅梅禹金見寄

吾將深歛履君尚待支藤歸似遼東鶴博看海上鵬婆娑曾偶寄疲蕭謝先登便候江花發何時到宛陵

久客

五斗意悠悠他鄉又幾秋羶寒諸幼念書懶老妻愁禁藥羞黃鵠烟波負白鷗歸人不相待先傍釣

漁舟

莫肇襄攜酒夜過聽馮文在彈琴

荒齋惟二子漸覺故人稀下榻松風過鳴絃竹露飛官猶憐有酒客敢嘆無衣雙瀑朱明館何時共掩扉

同伍舍人謝侍御餞朱民部使代州便道省覲二首

燕郊薦玉觴送美度支郎趙璧圓疑月并刀削似霜聽鷄過汴水下馬入蘄陽早奉中涓教歸來謁

歐虞部集 應館卷之二 三

建章

二

春草度飛狐星軺肯駐無鴈門勞使者雞塞走單于岳色青萍遠邊歌白雪孤長楊趨奏賦天子正誇胡

五言排律

黃山人孔昭見過

爾自何方至丹青手自攜身遊三輔北家在七閩
西廊落心俱遠逍遙物共齊朱門慵削牘丹壑慣
扶藜笠小披山霧襪穿踏雪泥隱囊雙管玉大布
一袍綈班氏書堪借楊亭酒欲齋愁惟歌九詠力
肯破群迷揖客將軍貴工詩處士題不嫌盤苜蓿
頻約過禪棲

清明日同王銀臺方奉常集李宛平宅觀紅

飲真部集

雁信卷之二

畫

梅花賦得春字十韻嘉靖末余與王方二君
廣陵游詠最久隆慶中會李君於汝南別亦
七載今並集京師不佞病且思歸篇中故兼
述云

漢宮傳蠟後萬戶禁烟新密坐誰邀客寒花尚待
人赤珠褰幔錯紫玉綴條勻色借霞標晚光搖絲
筆晨縣中桃比豔佩裏蕙同紉汝水懽初識揚州
醉幾巡千山惟有夢十載忽相親賞得長安令香
霑近侍臣鄉書愁寄驛塞笛暗傷春獨憶江南遠

尊前愧此身

送程別駕子白赴平樂

考收功初奏鸞弧志出群官猶勞郡倅誓欲掃邊
氛白羽秋搖月青油暮捲雲澤深臨賀水威飭伏
波軍坐嘯堪資畫談兵蚤策勲城開諸洞伏山擁
九疑分銅鼓多歡譙匏笙實飽聞敢輕程不識看
爾報 明君

春日同方奉常劉舍人飲李明府吏隱軒得

江字限八韻

飲真部集

雁信卷之二

畫

退食能邀客春陰滿北牕苑花飛片片山鳥下雙
雙吏散琴開匣歌成笛按腔俸寧論百石酒但泛
千缸醉眼君堪白愁眉我自龐祗應隨執戟誰便
得歸艘祿賜俱稱隱鄉心未易降宅邊西海子曾
解似丹江

莆田陳比部怡老園其子中允君索賦

昭代西曹彥儒林起大名業從漆簡授法以竹書
精鮑氏聰堪繼子門駟可行挂冠神武蚤卜築木
蘭清樂志園初闢尊生世已輕相才推叔向家學

得玄成紬史衣簪盛囊經侍從榮人傳形管事天
適白鷗情憲老歌三壽臨雍召五更誰知滄海上
南極一星明

張元易遷上林苑丞訪其別署偶作

故人張仲蔚齋館學逃禪豈薄湯官小偏閒苑監
年樹菽猶濟上司竹似淇邊簡出常封印清歌不
廢絃藪連鉤盾署餐給水衡錢頗足沽燕酒相從
一醉眠

萬玉山房爲司武選賦

歐虞部集

廡館卷之二

五

十里簷簷谷幽居稱考槃郢都連貢郭沱水引飛
湍綠雪雙谿淨蒼雲一徑寒食曾分沆瀣句已滿
琅玕隱迹羅含遠禪心大士安雅歌裁鳳管學釣
選魚竿強起瑤爲節長懷籜可冠東山回首處詞
客在金鑾

九日同邵長孺程無過汪元初程虞仲出東

直門游邵家莊

賜莫分左掖問菊向東陵金埒秋盤馬瑀臺晚放
鷹漠南憑遠嘯薊北擁孤登大將收長策清朝頌

中興風雲愁態減筋力少年矜賞劇歸鞍月松門
萬樹燈

送黃巖袁明府

雙鳧忽以至萬里謁龍顏玉帛勞諸使鵷鴻散
近班裝輕趨驛騎地遠問江關父老家家望閭閻
事事閒衙開滄海上花撲赤城間省俗眉曾察談
詩手自刪盤渦龍伯嶼委羽鶴翁山僊令寧畱滯
徵書計日還

舍弟經季至

歐虞部集

廡館卷之二

五

知汝征途苦因予萬里行衣裘南粵路鞍馬北燕
城拂劍星開鞘彈冠雪滿纓鄉心收涕淚家慶集
柴荆歡劇盤餐薄談深燭燼明夢曾勞謝客宦頗
媿陳平剪白噲班級思玄隱姓名羊腸身已歷燕
領事何成下澤車猶待西枝宅可營五千言未著
六百俸非榮法護難爲弟元方但似兄歌堪棠棣
萼義急春令情清世宜蜚遁荒田足耦耕相將歸
舊隱登陟望秦京

答樂化甫棄官還家見寄

傲吏歸來蚤中庭半部蛙一州僅如斗雙鬢已成
華釋子仍供米門人盡賜麻藏多芸閣籍隱得桂
藜花小構曾專塾初衣自剪霞金鵝逢大藥滄海
問浮家客夢羅陽石鄉心浪泊沙令人思葉令髡
寫在天涯

初夏同黎惟敬李于美張元易及舍弟經季
集顧叔潛宅得桐字十二韻

宮羅猶未解下直日華東偶爾尋王掾相攜就阮
公白雲團野竹清露引新桐簾上書帷碧榴然藥
歐虞邵集 雁館卷之二 七

藥紅形骸忘世外嘯傲似山中饌出齊眉婦衣牽
着膝童談詩羞刻鵠操技薄雕蟲釀得初蒸黍酣
宜旋折菰南薰涼枕簟西爽動簾櫳林冰開濠濮
丹青掃岱嵩齋前松楚楚几下石濛濛割肉期三
伏披襟尚可同

再謁長陵十六韻

天門今再入瞻億十年曾日月翔龍地松楸下馬
陵帝功成靖難 祖德侍中興薊北嘉禾兆燕州
赤兔乘渡江屯虎豹截海上鵬鵬風急青冥動星

高紫極升纂圖開禹服佐命得堯朋臺古還招駿
田稀盡放鷹敕躬金作礪納諫木從繩兵以犁庭
出威非絕幕矜禽胡銘始勒嗣夏統先承清水銅
符下榆川玉几馮隧城深結構華表突峻嶒萬國
傳遺令千官奉大丞玄宮河嶽氣銀海鴈鳬燈欲
奏思文頌抽毫愧未能

大暑同李明府過千佛寺訪澧公八韻

忻逢陶令約一過遠公居貝葉時猶誦樺皮手自
書江鷗分半席林虎傍前除慧日亭亭住慈雲冉
歐虞邵集 雁館卷之二 八

冉舒舌波諸海裏頭雪五臺餘熱惱身何病清涼
性亦虛夢應通蠡澤社尚結匡廬悟後求真我浮
生信六如

十月一日

視朝頒玉曆宵旰實憂勤日月尊周正乾坤散楚
氛 帝心資一德天意在斯文闕下衣冠氣師中
虎豹群榮光披禁闥曙色起風雲奏以三雍樂銘
之五釜勲馬驕秋不貢河徙歲偏聞疏鑿方宣力
驍雄幾冠軍萬幾勞有問上策更何云別殿班仍

肅千官仗忽分歌詩隨例廢諫草避人焚尚有漁
樵客遲迴戀 聖君

馬文莊公輓詞

黃閣絲綸重丹衷日月新 三朝勞大老一代識
名臣昔入金鑾直曾分翠釜春掄材收杞梓教胄
藉陶甄周雅菁莪盛堯年雨露勻南宮司禮樂東
省領冠紳相以阿衡貴班今力牧隣重華咨四岳
北斗貫三秦日切巖廊地天扶社稷身詩書尊舊
學舟楫在斯人忽報中台圻俄驚大夢真 聖情
歐虞甫集 雁信卷之二 完

頻慘惻朝士共悲辛
琬琰助庸錄丹青想像辰人
知于定國家有范純仁湯惠曾懷刺瞻趨似飲醇
掃門長揖客從此憶平津

五言絕句

題乾公畫 二首

寒山半夜鐘寥寥鴈聲過不知秋已深高僧白頭
坐

二

河口孤舟月松間一塔燈木魚何處起應禮少林
僧

題東方朔圖

小兒是歲星朝遊王母家海山桃實成獻壽來烟

歐虞甫集 雁信卷之二 畢

霞

僧慧永寫經室畫梅 二首

西方一卷書此中自玄覺春在維摩室天花半空
落

二

萬木凍西壑夜禪雪牕白山深人不來惟有羅浮
客

正月四夜雪霽自海子騎還顯恩寺用明月

照積雪爲韻 五首

銀海花邊過瑤林鏡裏明高樓吹玉笛半是隴頭聲

二

燕門城似鐵太行石爲碣征人一騎還何處關山月

三

冰天萬里照獵火仍殘燒惟看瀚上歸不見軍中嘯

四

歐虞部集

雁館卷之二

望

鴈飛霰頻積馬饑凍猶策誰憐東郭生尚作長安

客

五

金隄楸樹折北風布衣裂蕭條認寺燈青羶一齋

雪

題劉仲修所藏雜畫

四首

鳥下湘江來頗自憐香草羨爾碧蘭花不怨秋風

早

二

殘荷烟水清照影雙鴉白黃庭一卷書誰似山陰客

三

蒲萄更馬乳豈及安石榴鑿空西使返正是漢家秋

四

露滿華林園絳實臨牕裏佳人把翫時房房愛多子

題禮公畫竹

二首

歐虞部集

雁館卷之三

望

海上洛迦山現我大士影蕭蕭翠竹風此中有深

省

二

不二是法門悟者阿羅漢一枝青琅玕孤峰白雲

磻

東講堂對雪戲荅熊可行

蒼雲何處飛白雪一以快君莫問竹林蘭亭幸猶

在

山居雜咏爲顧玄言賦

二十二首

顧令公祠

靈源蔽芾樹慶自神君
貽祠下繁簪弁來歌祖德詩

廻賞寮

山氣夕更佳徙倚雲千疊
不知客在旁手笏拄吾頰

峴嵕閣

鑿翠抗山楹牕前片黛橫
朱簾閑自捲臨眺鬱嵒嵒

歐虞部集

雁館卷之二

望

龍谷關

箭栝通一門九龍出盤谷
青牛何時來日暮候樵牧

蒼松障

雲平百泉山濤響積金礪
誰云陶外兵不學嵇中散

沃亭

移得沃洲山無數金庭樹
雨後石楠花流過西亭去

慧臺

心應無住生慧由定中出
持有摩尼珠東照扶桑日

蔭界

大千吾世界百萬須彌山
誰如坐具地門待慈雲還

石雪瀨

瀑飛滾滾花石漱粼粼
玉曾思三百灘雪下扁舟宿

歐虞部集

雁館卷之二

望

懷陸館

楚客天門下來烹第二泉
從今知顧況懷寄有高篇

丈室

面壁在室中一片少林石
有客立門前不知雪三尺

盧僊井

僊人盧至柔千年有遺甃
冷然洞酌亭輓轡汲春溜

曲引

峻嶺茂林中
觴流石泉白
因知秉蘭人
不但山陰客

修竹埤

十萬翠琅玕
陰霏灑寒雲
周遭渭濱宅
何可無此君

嘯林

先生久不言
空有鸞鳳音
求之千載上
抱膝知此心

歐虞部集

雅館集卷二

登

古梅岡

璨山在何處
月淡江南春
深林客來少
或有羅浮人

澗影磯

石上芙蓉棧
雙堦挂寒影
中有百維摩
悠然發深省

茶峇

鑄貯中冷白
筐提穀雨青
閉門深不出
來著陸生經

應館集卷之三

七言律詩

嶺南歐大任楨伯甫



送邢子愿出宰南宮

燕酒壚頭送別離南亭雙旆擁輕颺河流似帶胡
盧下秋色如花鉅鹿吹雲起常山談趙劍風來東
海奏齊詩共知才子今循吏丹陛行看賜對時

顯恩寺館雨中和荅黃僚長君慶

十里垂楊督亢亭愛君詩句破沉冥能從函谷占

歐虞部集

應館卷之三

一

真氣愧似金門隱歲星含景未酬腰下劍陰符新
解篋中經荒齋細雨愁霑溼誰遣青絲綰玉瓶

送梁孔適試令仁和

虎林佩印路偏賒樓櫓東連海上霞萬弩射江開
甸服千舟出浦載烟花使君對外湖爲業處士梅
邊鶴是家交戟此時逢聖主豈令畱滯在天涯

送陳憲副道襄備兵天雄

璽書親捧出彤闌三輔屯兵護漢畿大陸秋驅雕
馬去濁漳寒挂玉龍飛樓前清嘯聽蘆管戍後嚴

更列羽旂曾是十年持斧地內臺今召使君歸

詔問邊事有感萬曆乙亥五月

十行頻下問邊陲偵虜今勞幾萬師左地雖羈諸
校尉烏孫猶苦兩昆彌頗勤聚米談兵事正及飛
芻實塞時金印緋衣殊錫久不知何以荅恩私

涼州曲

何處笳聲咽隴頭蓬婆城下不勝秋霜飛白草驚
胡走月照黃河入漢流上策盡休搜套卒中原新
拜富民侯羗西夜夜梅花落烽火關山滿戍樓

歐虞部集

應館卷之三

二

送范宮諭赴畱都掌院

衣冠供帳潞河橋君向陪京望斗杓經幄久兼周
史職詞垣新領漢宮僚銅屏山色仍三殿鐵鎖江
聲似六朝魚藻懽歌明主待北來鵷鷺滿雲霄

送顧叔潛使遼陽便歸無錫省親

遼西使者下南徐歸舞班衣慰倚閭畫有虎頭癡
更甚酒稱光祿醉何如桐花夜月將雛曲橘子秋
風報客書第二泉甘君莫戀故人相待薊門車

王太史胤昌奉使上壽太夫人

婺星元只傍三台壽母華筵向此開笙奏紫鸞千里至書傳青雀五雲來汝南月旦鄉人重洛下風烟使者迴會見漢宮師事禮東征誰似大家才

答王中丞元美喜余待詔公車之作

蒼茫三載別姑蘇書報郎陽已入都再出敢言名下士自憐不得府中趨河東日給寧須酒江上秋歸豈待鱸祗爲清時深戀主一官終合老潛夫

送大司馬汪公請告歸省

二首

千官供帳出都亭司馬名題在御屏開府舊持滄

水風集

卷之三

三

海節行邊新掃幕南庭劍寒北斗河流白社僻東林岳色青几杖更操彤管去門人將受漆園經

二

陳情表上五雲間閭初分曳履班未許畱侯辭相國斲容安石請東山黃花釀熟興扶醉青玉箱擎藥駐顏歸去里門趨入謁璽書行召石君還

送汪仲淹從長公南歸因懷仲嘉

公車辭去問山林曾笑東方共陸沉佩綰赤虹江水濶騎歸紫燕岳雲深家惟令弟如何點俠過諸

兄更季心海內才名看競起薊門猶待北來音

聞子與入賀不果悵然有懷同敬美作

十載飄零涕淚殘幾傳消息滿長安無諸城遠秋相憶督亢亭荒月自看岳牧瑞難逢爾輯風塵冠更待誰彈卽今萬事俱華髮欲伴東溟一釣竿

蘇子川張元易二光祿見過

步兵署裏一時賢二客相尋愧地偏庭下數來能繫馬杖頭交揖慣無錢星隨公子青絲轡花照先生綠玉船莫向中朝誇大隱藤蘿堪自到諸天

歐虞部集

卷之三

四

答紀判官自亳州以論草玄草諸刻見寄

譙國聞君少定居行隨使者治河渠官非小吏羞題版人似西遊強著書謁舍賓朋三語後公車筆札十年餘秋深一望江楓路憔悴誰能薦子虛

吳明卿至都門先枉見贈次韻奉答

西序恩霑玉井冰聖朝曾忝尺書徵不知講後鱣三報差戀窮來醞幾升無恙青山秋漸爽將歸白髮歲頻增十年握手君猶健經術人推佐中興明卿入賀攜其二子至同敬美謙之出訪報

國寺

匹馬趨朝自大梁故人相見鬢蒼蒼金門入道千
鵲鴛珠樹來棲兩鳳凰五王肅將虞后贊三花懽
上漢臣觴共知太室撥書異咫尺看君奏建章

萬壽節賜宴鈔

紹冕嵩呼奉至尊班隨台斗護微垣鳳凰聲起
和仙樂日月旂開夾殿門璧薦鹿皮秦地獻酒分
馬乳漢宮罇同時拜賜臣何幸十載浮沉始受恩

午門獻俘侍班紀事

前鎮以黃台所擒建州
逆酋王果來獻時萬曆

乙亥八月

二十九日

鹵簿初齊散曉烟西山秋色鳳樓前歌成鳴鳥笙
鏞間禮定牽羊玉帛先曾憶肩遺經漢月今來面
縛望胡天藁街已近蠻夷邸飛檄仍傳過九邊

二

千官侍從肅鵷行鼓吹麾幢滿建章絕幕策成中
執法請纓生致左賢王枚臯賦詠能持管方朔詠
諧更上觴萬里誇胡非羽獵不勞明主幸長楊
闕下遇沈純甫召入爲比部郎

別君攜手上河梁紫陌何期遇驕驕共識南方勾
漏令竭來西省尚書郎青雲世態看蓬鬢濁酒交
情憶草堂惟羨王褒才最異賦成須早獻明光

送霍觀察勉衷理江西屯鹽

誰向明時薦樸忠滿朝盡道似先公身冠吳楚名
偏重龍劍江湖氣更雄鹽鐵早收文學議屯田終
見老臣功君今已出吾將隱一榻西樵未可同

重陽前一日同丘謙之朱子得二民部康裕

卿管建初二山人登崑盧閣餞吳明卿

歐虞部集

雁館卷之三

六

寥廓飛樓金倚闌十年今復醉長安天連大漠三
邊盡秋入漁陽萬里寒戀闕班行疲執戟托交名
姓慶彈冠誰知明日龍山色白露金莖別後看

九日同朱民部王太僕集李宛平後堂翫菊

三人司隸青驄馬明府同時此會難朱王李代爲
宛平令又同
非偶也地引關河秦內史秋高鐘鼓漢長安南

陽潭似罇中色彭澤花開縣裏看莫笑鬢絲樗散
客舊游能得幾交歡

送袁文毅宰黃巖

片玉名高重士林分符今愜壯遊心台旁城似標
霞起海上山藏委羽深包橘出村猶越貢裹鹽登
市半閩音弦歌百里神明宰入奏 君王更賜金

送黃憲副文斷調守衢州

閩山粵徼借澄清何事褰帷復此行豈謂季公蒙
毀譽轉令黃霸著功名穀溪船上千家渡姑蔑旗
寧百丈城計日外臺君執鉞循良還召入西京

送吳大參明卿還大梁

嵩祝聲中閭闔開秋深青鎖蹕徘徊枚生游自梁
歐虞部集 雁信卷之三 七

都重騶衍談從礪石來十載侍臣稱賦客一時方
岳盡卿才掀髯轉覺關河遠可是風流在吹臺

二

重逢司隸典章新共是 三朝健在身昔日悲歌
吾叩角少年封事爾批鱗關雞乍別諸陵客控鶴
將尋二室人醉後都亭分手去豈堪華髮向風塵

送談參軍思重請告還無錫

五陵賓客盡朱幡疋馬乘秋下薊門書奏乍辭驃
騎府風流不數辟疆園青山病起邀碁局華髮歸

來傍酒尊縱有五湖寧久住知君猶戀漢宮恩

願虛草堂

謝卻浮名賦遂初功多定性得澄虛一經篋裏韋
家業幾卷床頭老氏書舍筏已知登彼岸考槃真
白愛吾廬龍津鶯渚能來往何日扁舟信所如

梅憲副天逸閣

宣州草閣傍山開家是都官舊姓梅宛水雪從江
漲下敬亭雲向郡城來清尊自許能逃世華髮寧
論未盡才誰羨諸荀名漢代高陽今更表崔嵬

歐虞部集

雁信卷之三

八

頌曆

庭燎高照殿東頭玉曆初頒拜冕旒莫英自能知
晦朔竹書何但紀春秋漕船半議滄波轉弩騎新
歸大漠游三五泰階今可奏侍臣誰最似吾丘

敬觀 高廟御容於臨淮侯家因見曹國公

鐵券遺像

千年草昧識 龍顏一代君臣想像間親以舅甥
周肺腑盟同帶礪漢河山鼎湖日月開鍾阜甲帳
風雲出玉關奕葉勲勞麟閣上至今貂冕尚崇班

送袁光祿邦表歸葬太宜人合先大夫兆域
啼鳥萬里愴悲襟
露西風歲又陰
九隴松楸兒淚盡
三朝綸綍主恩深
延陵碑古鐫成玉
石
窮封存鬱似林絮
酒何人來下馬白
茅應慰介休心

送丘計部謙之出守潮州 二首

省郎四十已專城
慨何妨度嶺行
絲筆長安傳賦草
銅符滄海借才名
魚龍久避戈船戰
秬稻新收甲士耕
下教應知求趙德
州人不用更談兵

歐虞部集

雁館卷之三

九

二

萬里風雲一據鞍
天邊旌旆渡桑乾
酒人西送猶燕筑
使者南行尚漢冠
翡翠越裳簪玉暖
荔枝炎海枕漿寒
青山處處檐帷色
竹馬津頭夾道看

春草亭爲謝錄事賦

十年珪組事沉冥
謝客風流復此亭
夢裏棣華雙樹秀
詩中草色一池青
名山豈但題三石
別墅應知勝始寧
況有羊何能共和
扁舟吾欲問烟汀

恭候 聖駕出郊視牲

千官警蹕下齋宮
聖主郊禋秩祀崇
碑麗犧牲嚴在滌
邸行琮璧待升中
登壇似見燔柴上
灌玉因知陟降同
聞道禮圖黃閣奏
甘泉堪自老楊雄

荅朱子深見寄

南浦亭前雪滿舟
別來猶攬黑貂裘
詩羞匡鼎爲文學
交得平原是列侯
碣石鴈聲延閣夕
江門帆影爽臺秋
八公山過長淮近
招隱何年桂樹留

訊楊懋功姚安解歸

歐虞部集

雁館卷之三

十

書笥五斗拋來有
葛巾發願乍從廬
阜社解歸何但汝
南人芙蓉十里秋
無恙尚可江頭事
隱淪

寄陳憲副于韶

朔風吹鴈過城頭
解擯知君在閩州
蜀棧夢懸千里月
巴山寒照一江秋
正看太液飛黃鵠
何事滄波弄白鷗
客有張衡今共賦
岷嶓西望不堪愁

荅朱孔陽

憶從江上訪精廬
尺素頻勞寄鯉魚
十日石尤思爾酒
一官天祿校何書
公孫出處憐垂老
中散風

流愧不如飛蓋西園知愛客章門何但似漳渠

答邵長孺李季常淮南見寄

二子談詩大曆間少年名字動江關劍看斗下雌
雄氣雅似淮南大小山綠酒尚思黃篾寺白頭猶
戀紫宸班廣陵何日扁舟去得與袁郎共載還

寄顧夢林玄言

璨山詞客已名家二西書成鬢未華地歷銅標辭
印綬園開錫浦臥烟霞鬱林只載孤舟石勾漏曾
求五金砂笑是歲星猶避世欲從海上醉桃花

尺牘書集

雁信卷之三

七

皇極門賀薊遼奏捷是日安南入貢

聖朝端冕戢兵戈露布東來喜氣多黃竹不聞天
欲雪越裳今奏海無波市還沙苑迷騏驎戰後都
城滿橐駝萬里谷蠡看掃蕩甘泉烽火聽鐃歌

送蘇光祿子川倅鞏昌

西征朔氣自蕭蕭鞏樹東風待使輅戊己屯兵中
校尉春秋趣對聖明朝欵關胡部多隨馬捕虜
羗兒慣射鵬何事詞人監郡去將因投筆似班超
答李伯承見寄

遂初賦就竟東歸詞客宣城蚤拂衣河水寒流通

別墅釣臺疎柳護漁磯鴉啼曙色野原過鴈起秋

風濮上飛千里尺書能問訊長安何處望柴扉

答程子虛登吳虎臣飛雲樓見懷因寄豐干

諸子

吳家樓上飛雲還萬里羅浮在此間別後君曾呼
白酒夢中吾每駐青山已知慧遠新開社願學劉
伶善閉關寄與江南故人道朔風蕭颯鬢毛斑
曾少叅關中致政遂封中丞七十初度遙有

歐虞部集

雁信卷之三

三

此寄

何年解組自西歸赤鉞彤弓照紫微氣似青牛關
內過歌曾白雪郢中飛駐顏不待餐金液繞膝惟
看舞綵衣從此著書堪百歲筆牀深傍釣魚磯

送張武庫巡延寧甘固諸邊

六傳旌旗萬里行黃河西抱漢邊城不因拊髀過
郎署誰遣飛書奪虜營揖客緩馳驃騎幕材官分
隸羽林兵五原豈用看烽堠扼腕年來更請纓
送吳宗高解官歸毘陵

挂冠神武出燕都不握汀州使者符詩卷盡題名
下士俸錢堪施酒家胡歸舟衝鴈過防塢落日停
雲滿具區世有延陵今未乏柴門高枕著潛夫

王符卿敬美攜酒同石廷尉拱辰見過

山色西來紫氣屯一時詞客滿柴門趨朝石奮迂
車騎乘輿王猷載酒尊坐奉清言都講舍齋分寒
食給孤園持觴醉問風塵事尚有藤蘿足避喧

送王僚長邦舉司理瑞州因歸泉州省觀

九年旅服寄燕陽衣綵趨歸問草堂筵取武夷雲

歐陽文忠公集

雁信卷之三

三

作帳酒分滄海月爲觴梅花官閣題何遜殘葉山
齋禮任棠曾是平津門下客相將鳴佩憶鵷行

送胡侍御明卿補令襄垣

都亭人識鮑家驄出宰今看潞子雄上黨北連三
晉外濁漳西入九河中尚方舄在朝常早司隸章
來步逾工召對主恩原不薄玉珂春色闕門東

送曾京兆轉大中丞巡撫貴州

開府黔陽萬里遙西南天地畫銅標盡令槃瓠安
蠻落自昔牂牁奉漢條羽扇麾兵丞相壘鏡歌帳

飲侍中貂都人豈但思京兆劍履何年入聖朝

送王敬美使秦

張旃西去賦皇華朱邸筵開帝子家漢使簡書
惟筆札秦城樓閣半烟霞明星夜照芙蓉鏢白馬
秋嘶首蓓花計日郊迎攜斗酒莫令相憶滯天涯

寄張助甫

魏闕重來氣色新一時推轂起沉淪蹇勞分陝猶
雄長誰念遊梁已倦人折柳不堪千騎雨看花又
過五陵春尺書經歲關門隔目送飛鴻盡向秦

歐陽文忠公集

雁信卷之三

十四

送劉太史衍亨奉使韓藩因還任丘爲尊公

壽

天書捧出建章宮西望金城百二雄秦地諸王符
是玉漢家使者佩成虹關門曙色青雲上隴樹秋
風紫塞東君著賜衣行戲綵歸持彤管奏回中

送劉太史子良冊封周府

詞臣握節向中原帝寵親藩玉冊尊過市更持
公子轡抽毫應賦孝王園黃河濁浪今雙下少室
三花尚幾存十載游梁曾作客羨君蘭佩奉明恩

夏日王銀臺方太常李明府飲繡佛齋觀榴

花得鹽字

松下清齋破午炎海榴邀客共巡簷紅蒸散霧時
侵席紫豔披香乍滿簾密坐周遭山步帳照盤羞
澁水晶鹽看花不廢逃禪興吏隱誰能得易兼

送戴顓州

書帷十載故園開執戟誰期得共陪家出侍中傳
禮學名推東省算縉才分符章貢江爲郡露冕崕
峒雪作臺南望靡無心更遠賜金何日漢庭來

歐虞部集

雁信卷之三

五

方太常邀飲謝駙馬山亭避暑得微字

王家邸第綵雲圍百尺亭空入翠微觴榼暑輕千
日酒藤蘿秋挂六時衣橋邊石在鯨猶動臺上簫
停鳳欲飛雪藕冰桃盤白玉晚涼吾亦醉忘歸

二子

東方奏牘介休巾二子樞衣半已鶉未必風雲俱
失士不知芻秣待何人公卿寧以三鱣貴天地今
惟一馬真寥廓千秋君自愛殺皮堪笑入西秦
積雨初霽集王銀臺宅時銀臺長孫晬日

燕山晴色照城闌柳市南頭問葛巾家自傳經韓

太傅酒今畱客漢陳遵昨盤金印懽方劇舞袖犀
錢醉莫嗔從此荀郎能坐鄰不妨頻訪潁川人

答吳虎臣廣陵元夕見寄

歛下看燈憶爾觴聞君獻歲客江陽九枝影裏今
猶夢五色臺中盡放光朝罷懶隨高宴會別來羞
逐少年場薛公何處堪藏市猶向明時老賣漿

立秋日王于慎李于美方允治見過遲劉仲
修不至得天字

歐虞部集

雁信卷之三

六

輕葛難禁溽暑天秋風忽動興悠然居惟蔣邇能
來客官似蕭齋不廢禪藁桂幾花飄月下疎桐一
葉墜尊前伯倫此際關猶閉何事空傳頌酒篇

答朱宗良方士功朱貞吉彭穉修趙修甫五

子

老向風塵鬢易皤豫章消息更如何遙知對客持
三雅誰解逢人寄九歌絕學河間傳禮在諸生郛
上好玄多倦遊倍覺離愁遠漸欲江南托薛蘿

送馮署正擢應天府倅

南去憐君捧檄勞秦家內史漢功曹天開豐鎬城
爲石江出岷峨雪作濤渚下暫邀桓野笛府中今
佩呂虔刀故人薊北長相望尺素春來白鴈高

送張比部文起審決江南

建節南行秋色高 主恩三尺寄西曹便宜封事
燈前檢論決爰書筆下操候館郊迎停海月斑衣
家慶涉江濤稱詩誰似張公子多少詞人待絲毫
送張儀部以孚使曲阜

東方千騎氣成虹 聖主臨雍召上公鄉射正逢

歐虞部集

雁信卷之三

七

鄒嶧禮民詩兼采海沂風城邊建旆桑猶綠河畔
垂鞭棗欲紅斗酒別君堪計日清秋歸謁大明宮

駕幸太學賜衣

橋門成禮佩鏘鏘敕賜宮衣出尚方照日拜時皆
湛露自天題處盡披香恩霑御沼雙鴻鵠光射彤
樓五鳳鳳橐筆西廡雖欲頌小臣何以贊垂裳

寄許殿卿

三年嶺嶠望中原赤管還來荷 帝恩授簡梁園
諸子散和歌燕市幾人存客知蔣詡能開徑玄似

楊雄獨閉門羨爾秋風華不注白雲猶自傷清尊

十日田子藝魏季朗茅平仲朱邦肅胡茂承

郭建初莫雲卿馬用昭邵長孺程無過汪元

初程虞仲諸子見過得先字

狂夫骯髒詎堪憐馬隊何如祖謝年戀闕恩深佩
黃後還山心在杖藜先書藏已蠹空成帙榻坐皆
穿未有醞詞客不妨頻過我餐錢新送酒家錢

大司馬曾公以三宅同諸公集

紫宸朝罷一飛驂星聚雲中白玉簪總武今尊周

歐虞部集

雁信卷之三

六

太尉著書誰似杜征南樽前盤郢醒猶看袖裏陰
符老更談盡道十年賓客在獨憐雙鬢已蠶髣

寄大司徒鍾陽馬公

桂冠神武事烟波大老 三朝出入多塞下飛芻
曾煮海宜房沉璧已成河隱堪白首餐松栢賜有
黃金醉薜蘿聞道殿庭思曳履幔亭秋宴興如何

送鍾侍御改憲副督學廣西

茱萸灣似陟陽情

已巳冬余以屬吏候
送於廣陵灣頭故云

八載都亭

復送行繡身共知周柱史蒼梧今授漢經生山分

衡岳過梅嶠江下牂牁繞桂城君向伏波談粵事
可能無念朔方兵

送司武庫奉使還江陵省觀

雞鳴紫陌肅驂騑使者南行擁傳遊家近內方盤
楚甸江連三峽入荊州黃封歸獻金莖露絲袖酣
歌玉樹秋漢署承恩催草奏莫令留滯仲宣樓

酬皇甫子循以新刻見寄

玄晏歸來頭未白誰令江左臥烟霞 三朝琬琰

司勳集六代菁華學士家山可藏書同馬史門今

歐虞部集

雁館卷之三 九

問字幾侯芭思君忽動扁舟興醉看胥湖萬樹花

王百穀半偈菴

何許蒿廬學陸沉王珣斷俗已修心千金自布袈

袈地多寶初成薜蘿林齋後滿窓黃葉積禪時一

徑白雲深蕭然人外相從久玄度猶能策杖尋

送宗伯孫公請告還清平省觀

篋中五色已裁衣入講 經筵出虎闥 詔下暫

容扶疾去 恩深兼得問安歸薊門霜葉鴻邊度

黔閣春雲馬首飛官屬此時多悵望明年還待謁

彤屏

潘子朋入京聞黎惟敬將至

萬里翩翩海鶴群燕臺風雪始逢君名家早已迎
王粲父黨偏能敬子雲洛下衣冠縉氏學灘江戈
甲伏波軍故人消息期秦臘斗酒高歌醉裏聞

送謝明府改教漳州

宰官何事絳紗帷斗酒燕歌愴別離已籍才名成
宅相不將經術負明時七閩弦誦清漳郡六代風
流小謝詩君息天池還北徙圖南千里是前期

歐虞部集

雁館卷之三

十

荅湯僚長堯文問病

木榻年深坐欲穿西齋蕭散學安禪石叅藥鈔初
分火雪擁茶鑪旋汲泉結駟不來蓬藿下浮雲猶
傍曲肱前惟有同官能問病支離時誦養生篇

慈聖皇太后壽日 上御皇極殿受賀賜宴

上壽 慈闈侍玉鑾 龍顏曉色御樓看祝同嵩

岳千官聽宴似瑤池萬歲懼馬乳入觴催舉醺虎

鹽登俎飢加餐鐫京此日臣何幸既醉恩深欲報

難

荅董希傳潘少功雷震夫黃元光四子

青氈何但布衣看尺素情深老鵬冠塞向汀洲懷
薜荔獻從閭闔媿琅玕歸舟竹漿三江遠寄驛梅
花萬里寒莫羨枚臯猶侍從自憐衰鬢在長安

病起過洪僚長元虛聞閉門注易先辱佳句

謂余鎖門謝客輒次韻解嘲

門祗繩樞斷欲穿不關何必似枯禪病中廚減伊
蒲饌講後瓶分阿對泉近覓壺觴長巷裏深局筆
硯小牕前君今堪閉先生戶注易年來幾幾篇

伏虎書集

雁信卷之三

三

題十八學士圖

佩玉鏘鏘躡鳳翎神山何以集仙靈日高天策將
軍府春滿瀛洲學士亭夾仗西城麾武騎卷簾北
斗映文星晉陽啟運詞華在想像丹青入杳冥

過元人故城

錦繡山河盡帝州前朝遺蹟豈堪愁不聞燕筑
游秦市何限汶篁植薊丘古埃蜚啼殘露夕長天
鴻斷落霞秋王孫獵向西原去飲馬行行過白溝

闕下遇徐子與入覲因懷王敬美

十年踪跡各離居豈謂長安覩子祛去住雙舩渾

未定飄零孤劍更何如慢亭朝入風雲氣溢浦春
歸鴻鴈書漫道重逢貪握手那能相憶不躊躇

宮詹王公齋中同魏季朗賞梅花

薊北新移茂苑栽寒深東閣幾花開似憐大庾山
人色無論揚州水部才紫禁晴雲猶自落玉缸春
酒爲誰來思歸一枕羅浮石翠羽飛飛見日臺

除前一日方太常邀集朝天宮孟道士館

明庭典祀在甘泉鸞鶴相隨半欲仙玉曆嘉平秦
歐虞部集

雁信卷之三

三

地臘金門方朔漢家年尊前忽下陰山雪檻外長
飛碣石烟寓直二毛空自笑將因恬曠學思玄

丁丑元日早朝

禁城鐘急玉駟驕燎火朱光射絳霄鳴佩行隨玄
武仗獻琛趨入紫宸朝樂成謁者催班鸞觴進元
臣引珥貂春色忽從天上至萬年枝裏動祥飈

得李少參本寧書卻寄

金馬才名擅綵毫周南畱滯念君勞上雍車騎秦
雲遠分陝山河漢月高胡部欵邊瞻榮戟羗兒游

獵拜旌旄懸知開府銘勲日曾是中朝解佩刀

荅張助甫涼州見寄

涕淚械書手自題故人偏憶庾安西孤城落日臨
青海千騎浮雲過月氏射石不妨能飲羽閉關何
事更九泥越吟僅得餘雙鬢莫向風塵問執珪

送金憲副子魯督學楚中

文藻風流爾獨雄傳經寵借省曹中明珠今出隋
侯握白雪深知郢客工游獵堪誇雲夢澤題詩應
滿祝融宮五花誓向都亭別一躍還看氣似虹

歐陽文忠公集

雁館卷之三

七

司馬曾公邀過澹然齋翫梅花作

尺書邀賞鳳城隈獻歲春從淑氣迴齋裏花停羗
笛奏尊前雪待郢歌來上林漸及芳菲日東府今
推賦詠才獨有何郎驚節序十年官閣興偏催

仁聖太后壽日午門酺燕

內殿承歡步輦趨九枝燈裏六龍扶陛前萬國朝
方岳闕下千官慶大酺膳史頒分青豹隨觴人擎
出紫駝酥金門愧似東方朔三沐 皇恩在漢都
方奉常李明府招同黎秘書徐方伯集于廣

惠寺

時秘書初還朝
方伯將赴江西

蘭若一尊春可憐鳴珂初散未央前會從七子稱
詩地身領諸侯入計年秘館召歸滄海釣璽書催
上豫章船他時去住應相憶尚有揚雄守太玄

春日同劉仲修康裕卿劉子大沈純甫史元

秉朱汝修邀黎惟敬徐子與集李惟寅宅得

臺字

風塵懷抱春能開二子中原鞭弭來白日忽高碣
石館浮雲不駐軒轅臺河山悠邈酒壚在星斗闌

歐陽文忠公集

雁館卷之三

七

千車騎迴但可平原布衣飲青絲玉瓶何快哉

孫兆孺自楚來訪

可是談天騶衍才長歌抑塞未堪哀雄風半自蘭
臺至明月新從大楚來筆下群靈開黯淡尊前高
浪鬪喧匝華陽一遇千秋事莫遣驪駒向客催

過報國寺訪胡文甫

雙騎城南白玉珂相逢緩頰更如何酒開蓮社僧
能許飯出香廚客自過無恙衣裳風雪後何來劒
氣斗牛多市中尚有荆高筑誰共旁人醉和歌

荅梅禹金見寄

臘月寒漸雙鯉遲江南尺素寄相思名高嘉祐諸
梅後家擅宣城小謝詩賦客未能逢狗監酒人猶
自傷鴟夷鮫珠莫報君應笑老向風塵兩鬢絲

送沈明府上計還縣

鷁班春色散彤雲一騎都亭袂暨分大庾南行滄
水使牂牁西下伏波軍繭絲不用曾寬賦羽檄何
論更策勲到日五花誰可繫瑣闌將謁聖明君

戴元植入覲將返淳安畱贈有作因次韻

歐虞部集

雁信卷之三

三

送之

郎官星下最知名種得桃花已滿城邑近桐鄉推
大令經尊戴氏授諸生芙蓉石削三峰色天目濤
飛九里聲著作幾人如爾錦登樓何處望春明

邢子愿還治南宮醉別彰義門外

新知斗酒意偏深欲別壚頭更一斟何客趙城攜
白壁幾人漢詔賜黃金春衣馬上滹沱色夕館燈
前大陸陰明府他年還攬轡澄清寧少范滂心

送朱重慶

前殿春開五丈旗諸侯班瑞寵行時政成小苑栽
桃竹賦就東樓擘荔枝巴岳雪消飛騎遠岷山濤
起挂帆遲翰音朱博君差勝更有風流蜀郡詩

送趙冀州

春深人吏望清漳使者辭天夕治裝此日季公仍
作郡何年嚴助厭爲郎路逢野老能爭席庭有胡
奴幾奉漿司馬部中名最著尚畱三表獻君王

送楊仁甫還治興國州

未央曉色帶疎星詔賜黃金出漢庭伯起已稱清

歐虞部集

雁信卷之三

三

白吏子雲兼授太玄經江頭水長醅初綠晚裏蘭
香佩忽青十郡風流誰得似楚歌從此爲君聽

送張叅軍扶侍還杭州

名家玉樹一枝新鳴佩中朝報主身書笈昨趨
丞相府板輿今御太夫人藕洲艇繫題詩日麴院
花搖載酒春我亦拂衣行欲去便尋烟月過西津

吳明卿河南解歸因楊仁甫寄訊

金印雙纍肘後年河嵩月色照歸船置雖虎口身
能脫揚是蛾眉世不憐休汝莫教車並入懷沙何

但玦堪捐問君幾樹門前柳貧有江州送酒錢

送李比部伯任淮上理刑

出關六傳擁鳴騶法署星懸淮海秋奉使爾今稱
汲黯轉漕誰最似鄧侯飛芻紫塞頻徵餉沉璧黃
河未穩流刀筆借籌經國計星前君更攬吳鉤

酬張玄超寄褚帖打馬圖

十載歸來爾荷鋤豈因蓴菜與鱸魚曾從白下雙
棕屨尚憶松陵一草廬居士戲圖沙苑色河南工
習石經書山齋得此陪行散不向相如學子虛

歐陽文忠公集

雁信卷之三

三

潘中丞毘山讀書臺

吳興千嶂擁蒼虬二水何殊洛涘遊家傷沈郎青
桂樹詩成柳惲白蘋洲石門深鎖藤蘿雨山笥曾
開薜荔秋樞筦借才今賜履明農誰許問營丘

應館集卷之四

嶺南歐大任楨伯甫著

七言律詩

送徐方伯子與赴江西

朝正萬里謁 龍顏詔遣旬宣二楚間
馮軾青雲開碣石飛書白鹿出匡山
提封借畫屯田奏郡國均輸轉餉還
聞道中興咨四岳未論詞賦動江關
荅王元美自鄖陽還吳中見寄

開府誰兼四岳尊惠文今不負柴門烟霞九友差
歐虞部集 應館卷之四 一

無恙蘭芷孤臣未敢言避世醉鄉中聖酒息心滄
海小祇園乾坤大有吾曹事巢許夔龍總是恩
送康山人裕卿歸永嘉

褐衣睥睨向咸秦獨有爐頭客最親
穆叟去非忘禮日薛公游亦賣漿人
杖雖馬箠今能隱握以驪珠木厭貧
鴈蕩山前高臥好風塵何處望荆榛

殷無美胡文甫魏懋權胡元瑞過齋中

春城楊柳鬱金枝此會千秋不可期
謁舍每投王粲刺嘯臺何限阮公詩
結交世許論肝膽寓直人

今感鬢絲典有鸛鷀君但坐爲憐燕酒醉深卮

同黎秘書李明府攜酒過方太常宅

日出金墉黃鳥啼清尊猶得爲君攜
何來客子銅蹄躅幾處王孫碧草萋
春向夢中閑似蝶人從齋後醉如泥
畱歡忍見千條柳多少離情渭水西

送秀公住持雞鳴寺

雞山飛錫桂浮屠管領牕間百尺湖
梵夾蓮花青簡蠹詩題楊柳白門烏
定中久已忘生滅空後何勞論有無
欲擬惠休成怨別可堪江上碧雲孤

歐虞部集

應館卷之四

二

題陳荔浦高隱圖

茂宰辭官意獨偏拂衣解印是何年
朗陵宅表高陽里彭澤歸求下潞田
但學庚桑與逃壘非因浪泊看飛鷺
問君種秫今多少共理耕鋤隴上烟

送董侍御惟益按秦中

明光使者出金闥細草尊前綠已萋
春送法冠行薊北霜隨繡斧入關西
大宛苜蓿飛黃急二華芙蓉太白低
聖代防胡收上策綵毫秋色待君題

鄭伯良張元易二光祿攜酒見過得絲字

文園供奉已多時杜曲看花興不遲金埒能來嘶
紫馬玉壺誰爲綰青絲乍聞詞客題鸚鵡何事騷
人怨萊苑日暮夾城鐘欲動江南春色帶歸期

送彭穉修之蘭溪文學并寄胡元瑞

一瓊南去客爲星自愛名山手勒銘北石洞門含
兩白櫨蘭溪色入船青絲毫蚤擅詞人賦絳帳今
傳博士經何可鷄夷無爾輩濁醪應到子雲亭

送黃太史懋中冊封唐府

五陵冠蓋散鳴珂遙指青山桐柏多編草兩朝

歐虞部集

雁信卷之四

三

辭紫禁賜茅千里過黃河禮逢公子東門轡詩采
南陽召父歌斗酒花時攜手別金莖西望莫蹉跎

武黃門奉使還潑水爲尊公壽

世家曾表大江東趨入閭門萬石同墩下昔年題
橘頌閣前長日聽松風瑣闥名重星辰上紫誥
恩深雨露中稱壽定知庭訓切待君持謁大明宮

送香山王明府

主恩深念嶠南偏荒邑今能借大賢宅倚仁山師
是令城盤瓊島客爲仙西軍已奏平蠻捷大將初

歸下瀨船懷惠移家吾欲去江州何待宰公錢

荅顧參軍大寧見寄

尺素關城意氣親夕雲西北起鱗鱗息烽莫問幽
州戍擊筑多逢易水人馬市久安書未奏軍持一
笑醉偏眞誰知上谷顏諮議五岳相從已結隣

送王行甫自都下赴金陵因寄袁明府

江左才名信不虛西行待詔上公車逢時渴望金
莖露爲我來窺石鼓書七澤風流誇欲盡六朝秋
色賦何如扁舟泛月逢袁虎牛渚磯頭思有餘

歐虞部集

雁信卷之四

四

登海岱樓寄永平陳兵憲道襄時遼左有警
盧龍東望太行孤重鎮今勞漢大夫此日樓船滄
海戍如山芻粟九關符檄成赤羽飛防塞賜有彤
弓挽射胡投筆曾聞班定遠不知誰向府中趨

姚敘卿方子及沈純父李于美過飲齋中

詞客重來謁建章風流猶共蒯緱旁中原羽翼雙
鴻鵠濁酒交遊幾鸛鶴莫笑草玄甘寂寞相逢浮
白轉飛揚舉旗江左誰爭長沉陸金門只自狂

午日李明府招集顯靈道院同姚太守方計

部黎秘書王太僕梁舍人沈比部分得恩字
集靈臺倚禁西垣佳節天中客到門蘭共握來沾
綺席蒲從餐後貯清尊奏書已識真人氣賜沐俱
懷 聖主恩時序祗堪嗟鬢髮十年司馬在文園
送姚大名敘卿調桂陽

出關雙旆下江東旅服扁舟黯淡中才子今稱員
外置孤臣誰念石扶風城連交廣猶霑雪山過衡
陽有落鴻君酌桂漿援北斗斲勞飛轡祝融宮

送方計部子及奏績還留都

歐虞部集

雁館卷之四 五

識君年少似荀龍百粵趨庭此再逢治粟尚勞秦
內史餉軍今得漢司農樓船海上寧忘戰竹箭江
南不易供賦客敢誇壇坫日東都經術羨儒宗

送黃山人孔昭還泉州

竹杖棕屨鬢欲斑詩名早已動江關病留京洛三
年夢歸傍泉南九日山稚子柴荆看客長舊游猿
鶴待人還慢亭我憶曾孫宴白石虹橋許共攀

送梁仲登赴天台文學

玉平萬丈鎖松杉山長台西爾不凡越郡諸生工

赤管漢家掌故領青衫城邊霞起瓊爲室海上濤
飛石作帆豈但興公能賦者不妨天柱勒巉巖

送梁舍人持伯使豫章暫還南海

鳴蟬疎柳潞河干白首長安欲別難右掖草推中
翰筆西江花映使臣冠濯嬰城畔邊鴻起趙尉樓
前海月寒諸少酒壚應待客嶺梅先到故園看

送林徐二生之西粵

關前爲我立躊躇猶曳諸生昨日裾百粵風烟監
祿路五侯筆札子雲書江城浪穩通官舫夕館花

歐虞部集

雁館卷之四 六

深候使車去勒平蠻功第一伏波銅柱更何如

七夕沈純甫宅同丁庸卿陸華甫黎惟敬蔡

伯華觀沈啟南山水得叢字

長安殘暑欲秋風庭下湘蘭忽已叢愛客帶能移
孔繁看山圖以臥游工高天縹緲搖銀漢明月參
差挂碧桐舊侶江南憐此會不禁歸思海門東

送吳叔行宰會稽

薊門秋送使君驂欲別尊前立馬談可但桃花栽
縣裏尚令竹箭滿江南稻香官路雙馴雉桑綠人

家五熟蠶報政誰如西候早建章青瑣引朝簪

夜同丁計部蔡沈二比部陸山人集黎秘書

宅

誰爲囊錢論有無故人今夕共呼盧關山玉笛哀

初散霄漢金莖渴未蘇太樂尚容求作令高陽寧

得少吾徒衡陽南望相將去好待秋風出五瀝

有遊南嶽之約故云

送王光祿還定安其弟紹傳太史索賦

鴈行京洛蚤齊名羽翼分飛萬里情才讓季方猶

歐虞部集

雁管參之四

是弟家評法護自難兄關前蹀躞霜初散海上扶

搖浪已平賦客登樓秋色裏不知何處望金莖

送魏進士懋明司理荊州

客來大魏識風流法署江陵似爽鳩三尺好持歐

氏劍九花新躍郭家蚪橘林洲上千村雨茅屋城

西幾樹秋一出禁垣名逾重璽書行已召君侯

送凌進士元學知合肥

才子當年董賈儔都亭結綬肅華輶零婁西入中

原路桐柏東來大瀆流保障萬家宜廩庾漁樵百

里盡歌謳名高三輔循良傳計最何時拜冕旒

凌進士出知合肥歸拜敕封貞節祖母張太

安人索詩爲壽時太安人八十有七子以建

昌太守侍養于家孫則進士及乃兄鄉貢士

也

懷清臺築武林門宅里旌揚聖主恩肝水金章

趨令子廬江銀艾列賢孫麟編直與冰霜映龍敕

長隨日月存更祝期頤逢盛典年年家慶似潘園

送徐進士懋吳司理袁州

歐虞部集

雁管參之四

掖垣初曙露華新使者鳴鑣出紫宸列署理官尊

執法萬家江郡得宜春題才部有袁高士問俗山

多楚丈人誰道惠文冠可治瘡痍能不念荆榛

蔡比部伯華席上同丁計部諸子觀唐子畏

蘭亭圖得年字

二京賓客酒如泉箕踞誰知興獨偏江左門風仍

此日會稽林竹更何年蟠胸丘壑揮毫裏滿目烟

霞卷幔前猶可清秋尋禊事追遊寧少晉家賢

王少參敬美入賀暫憩弘法寺雨中同趙太

史汝師周民部元孚出訪

踏雨西行控驕驕喜君千里謁明光匡山白鹿隨
車轂江左芙蓉出劍裝大雅文章金鑑裏中興日
月玉卮菊今宵長樂聽鐘客應幸同時奉柏梁

送潘子朋南歸省覲

四門業就上公車歸有名園奉板輿江令筆慚貞
白序子朋先公光祿集
余爲序次故云馬卿家富茂陵書碧芸牕

月頻開篋朱草溪烟且荷鋤我寄鄉心懸蕙帳應
知猿鶴問離居

歐虞部集

雁館卷之四

九

送三懷上人歸金陵住持大報恩寺

叢林六代表江關趺坐翻經爾自閑小品籤從明
月下長干塔在亂雲間布金可待酬恩至挂鉢應
知乞法還持得摩尼一珠去爲誰功德施名山

李惟寅邀陪王敬美飲顯靈道院得生字

瓊枝已慰隔年情小令風流坐盡傾華岳花從詩
裏見慕山雲傷席邊生酒懷升斗差猶王俠氣江
湖老未平此日將軍能揖客簪裾今更重西京

中秋同黎惟敬王敬美梅客生沈箕仲屠長

卿周元孚唐惟良沈叔成集陶懋中宅對月

諸曹冠蓋五都豪西第邀賓卜夕勞漏急銅龍催
曙色光搖玉兔逼秋毫尊前露下流黃溼樓杪星
懸太白高記取卿家扶醉去九花蚪上照宮袍

余與堯文俱不能酒堯文善奕工書余於二

技尤拙而暇卽時時過從不厭也戲成一詩

示堯文

尊前相對兩相啗長技看君擅一時暫把曹丕奩
裏試數從梁鵠帳中窺不妨皂帽閒能過獨有青

歐虞部集

雁館卷之四

十

萍老自隨癡絕此生還欲學楸枰茅筆玉鴟夷

送瞿膚甫同其子應甲還黃梅

關榆霜落薊門天客似緹縈草奏年關下擁看童
子騎江頭尋識孝廉船白珩南去終名楚赤兔西
來更入燕聞道蘭臺稱世業書成應向石渠傳

酬贈左司馬梁公

華省名高八座前恩深曾佩楚龍淵三千將幕飛
傳檄百萬軍麾息控弦芻粟舟通漕海路麒麟衣
賜度遼年鄭莊況是能延客不但金龜作酒錢

後八月九日右司馬曾公見邀爲前重陽之
會時黎秘書加秩陸山人及舍弟南還同探
韻得秋字

閨雙菊色淡烟浮華省清尊燭下遊郢曲從來稱
寡和燕歌何幸接名流酒徒頗似高陽日歸客猶
逢碣石秋秘館金緋吾黨羨卻令羸馬戀并州

懷銅梁張中丞肖甫

江左扁舟不可逢東笏寧得詣林宗廬前白鶴將
千歲杖底峩眉第幾峯兵法早傳黃石秘璽書頻
下紫泥封知君絲筆難高臥何許勳名在景鐘

芝陽圖爲張銅梁題

九英曄曄出巖巒光照西京柱後冠商谷露華曾
共采銅池春色更堪看家同江芷連天碧心似園
葵向日丹幸值 聖朝應薦瑞他年移植上金鑾
送蔣計部國仰之南都

秋深潞渚鴈群疎同舍爲郎恨索居畱省人才今
不乏過江山色更何如官名高密司農學家檀菴
樸左氏書無限鄉心君又去出關分手各躊躇

謁 永陵志感

當時詞客滿甘泉尚憶公車待詔年五夜旌旛雍
時日千秋弓劍鼎湖天禮尊泰壹親書牒畫取樓
煩盡控弦何事文園供奉後獨看松柏漢陵烟

陪祀 昭陵

葱青佳氣百盤間 先帝神遊杳莫攀金甲風雲
飛鐵騎翠旗星斗亂青山祠官秋飭燭頭泣謁者
省催豹尾班霑灑年年趨走地孤臣何處望龍顏

游九龍池

亭俯清淙石島開六飛臨幸尚瑯臺瀑飄東嶺青
雲下峽坼西風紫塞來龍首已疏寒似雪鯨鱗初
動畫成雷持杯恍忽聽吟晚誰信昆明有劫灰

九日廣濟寺同黎惟敬顧汝修鄭伯良顧汝

和李于美邵長孺張元易登藏經閣得頭字

賜莢同得 帝城遊佛閣憑看盡薊丘鳩鵲自臨

平樂左芙蓉猶在曲江頭群公皂帽尋僧日三載

黃花對客秋只爲清時終可戀白雲何處不滄洲

寄戚將軍

都護臨邊玉帳風東方千騎盡成虹纓苴本自名
司馬回紇偏能畏令公客草檄書多講藝兵收戈
甲不言功黃花塞上遙稱慶願得朱顏日似童

送鄔汝翼還京口

十載蕪城共一尊何期重與故人論且因浮玉還
江上莫學求珠向海門宅畔菩提居士塔橋前丁
卯太師園看君眉宇青雲色短劍摧藏更報恩

顧益卿見過同邵長孺小飲因懷陸無從

雪後西來一騎過故人尊酒慰蹉跎但傳筦記蕭
吹虞邠集 雁信卷之四 三

諮議誰念樓船馬伏波燕市風塵愁欲去竹西歌

吹問如何士衡入洛無消息長聽柴門白玉珂

送少保大司馬王公馳驛歸蒲州

中朝樞筦上台尊玉帳三移鎮北門五部單于趨
受印百蠻烏滸率稱藩青山新乞王官谷綠野先
開晉國園白首丹心天亦鑒更條邊事荅 皇恩

君言平叔二張山人也數能相過平叔忽告

西遊率爾贈之

風塵萬里易離居二子曾無一屐餘佩似雌雄雷

氏劍業惟大小夏侯書河流瓠子今能捷岳頂蓮
花尚可廬好謝長安名利客冥鴻西去更何如

寄沈嘉則

布衣任俠論交期尺牘長安報已遲八十詩成懷
自詠五千言在去何之牀頭風雨雙鉤出食裏烟
霞一竈隨東海浮家曾定否杖藜吾欲訪茅茨

送沈純甫謫戍雷州

負戈慷慨出京華檣李南過莫問家萬死餘生惟
世諦孤臣何地不天涯尋山應見羅浮鳳去國還

吹虞邠集 雁信卷之四 古

看大庾花前席賈生歸有日賦成那用學長沙

荅李學憲子田家居見寄

公自翰林調外一
會雷都再會光州

十載飄零意氣親鍾陵浮弋兩逢春誰知丹水持
竿客曾是鑾坡視草人精舍已能開石壁扁舟何
處問烟津報君神武冠將挂海上秋風老葛巾

送趙殿讀汝邁副憲嶺南兼寄沈比部

秋憲勞君蹙輟經梅花萬里未飄零家開文苑天
邊郡人望檐帷海上亭去國西曹尊更綠守官南
史簡能青鰓生不敢私懷惠斗下偏宜着客星

送唐惟良謫兩淮轉運判官

省郎豈但可秋曹散吏魚鹽未是勞此地董生曾
去國何年枚乘共觀濤木樵滄海浮雲迴睥睨天
風白鴈高回首竹西今十載爲尋荒徑剪蓬蒿

送蔡伯華謫福建鹽運判官兼寄張伯隣

潞渚衝寒萬里舟主恩猶遣七閩游空歌斑竹
乘青兕何處滄波下白鷗石劫饌鮮官舍晚水晶
鹽滿客盤秋所思南望琅玕曲好共張衡詠四愁

送吳職方參藩江西

歐虞部集

應館卷之四

五

牛斗星懸使者雄西京誰不羨吳公蒼茫夾轂臣
君鹿咫尺飛書碣石鴻司馬韜鈴高閣上樓船波
浪大江中繞朝欲贈無長策醉解腰間一片虹

熊典籍四十八始舉一男孫學錄邀余同賦

掌書門戶見懸弧浮弋先生喜色殊幸有櫻桃與
楊柳連看羯末并封胡犀錢已辦頻供笑黃米新
醅不用沽誰似溫陵能善頌燕臺真躍五花駒

元夜同黎惟敬李于美邵長孺顧叔潛集沈

太史君典宅得春字時君典在告

走馬銅街不動塵雪殘又見歲華新十千美酒那
辭飲三五良宵況是春誰把燈花娛病客獨憐京
洛送歸人群公計日青門餞宵解金龜醉幾巡

送張殿讀明成赴南少司成

卜洛千秋虎幄存執經今日滿橋門諸生疑問更
相謁六代風流未可論鍾阜松蘿玄武仗鼎湖弓
劍孝陵園柏梁誰似詞臣句燕對明年奉漢恩

送沈太史君典請告還宣州

三策看君動聖顏甘泉賜沐蒙書閒星前劍佩
歌漢邪集應館卷之四六

歐虞部集

應館卷之四

六

紛將別花底鶉鴻且蹙還侍從不言溫室樹詞人
今得敬亭山宣麻視草偏相待莫向江南學閉關

春日出郊

金錢賜假向郊園半似咸京半洛原越弩射聲逢
校尉秦箏度曲挾王孫鬪雞幾過長陵下盤馬何
來大夏門莫笑東方狂縱酒誰能磬折負清尊

送姚光祿還惠州因訂羅浮之約

衣冠祖帳袂初分家近名山最羨君仙路幾人尋
大洞神樓何處上飛雲燉煌烟策清秋過于闐霜

鐘半夜聞小隱明年應待我赤霄雙起鳳凰群

送邵長孺使江南

春草三看綠荊原上東門外忽銷魂玉如江表諸
侯客瓜似秦時幾代孫詔使金雞行握節公車銅
馬待還轅十年淮汝飄零色歸有斑衣足報恩

送顧評事汝和頒詔雲貴

三朝供奉主恩偏此別星輶遠使年黔樹萬盤
雲並鬱海帆千片月孤懸周家典禮雕題國漢日
威儀越雋天白首故人君又去蒼茫何處憶風烟

歌虞部集

雁信卷之四 七

送王詹錄成伯奉使閩中

金函詔下五雲端使者青驪白玉鞍百越關山持
節過七閩父老杖藜看橘花薦茗奩新綠荔子冰
漿椀漸寒風物江淹應有賦早因鴻鴈寄長安

送許洗馬維楨赴南大司成

天語親承召賜緋鎬京南去引儒衣授書覽出金
華殿拜命新趨白虎闈苑近士林霞並入竹深山
館雪猶飛漢家師傅常尊禮計日蓬萊曳履歸

憶新安舊游寄何少愚李功甫汪禹父鄭魯

文金上甫

黃公壚下一經過憶爾沉冥解醉歌羞出青山爲
小草厭聞滄海有驚波津郵書後帆無恙風雨牀
頭劍若何官比王戎雖未貴竹林虛負五君多

唐王孫孔炎以南陽方奉常書索贈輒投鄙
句

宛都吾記昔年游客解金貂向酒樓熊耳西看曾
積甲胎簪南下始灑流中原麟趾周公族一代龍
駒漢子侯誰似河間陳雅樂知君心繫五雲秋

歌虞部集

雁信卷之四 六

送吳進士汝南司理衡州

南衡名岳逼中台郡倚朱陵玉作臺二尺霜飛攜
劍去五車雲護載書來尊前江暖花先發樓上春
深鴈已迴豈但鄴都推季重瑣闥誰不羨君才

送金舍人持伯奉使河洛因歸爲封君壽

榮光嵩洛照驂駢已製斑斕作舞衣金冊星輶明
主賜玉觴春酒近臣歸安期礪上蒲應長葛令壇
邊藥漸肥白首頌恩天咫尺五雲西北是彤扉

送孫太史以德冊封唐府兼扶持南還

詔下千官夾陛聽君行銜命出都亭河山半賜諸
侯地宛洛先占使者星持節馬看飛練白導輿牛
似度關青尊鱸秋借江湖色綵袖春風入漢庭

送韓殿講存良冊封楚府因歸長洲省觀

吳鉤結束玉驕嘶賜策諸王奉紫泥漢水波光環
作帶周家桐葉剪成主裝輕朱邸歸爲壽酒有黃
封去自攜何限詞臣簪筆待憶君芳草五湖西

送管山人從孫太史游玄嶽

揮手千盤磴道長紫霄飛觀半蒼茫走從太史書

歐虞部集

應仙卷之四

九

牛馬翎借僊人躡鳳凰金殿曉攀玄帝宅瑤池秋
宴白雲鄉遠游可待吾將去天柱峰頭鍊九陽

送顧光祿叔潛奔母喪還無錫

石竈恩初下九天孤臣南去問歸船五湖淚盡波
猶咽三徑荒來月尚懸木榻僅堪支骨夕添燈寧
似斷機年可能別後頻相憶惠麓秋泉寶界烟

送習太史時甫謫泉州推官

法署星懸寄薄游荔丹蕉綠待君侯中山書在徒
盈篋五月薪歸自有裘晉代衣冠南渡客洛陽烟

水小江秋 主恩宣室能前席東觀行瞻紫殿頭

送顧大諫汝睿使汝南冊封崇府

恩錫諸侯昨土寬夕郎捧冊出長安雙旌搖曳星
文動四牡騶驪岳色寒汝海屏藩周甸服平輿家
世漢衣冠禮成因得詢風俗多似先賢傳裏看

得張助甫涼州書以二詩見寄時助甫已移

江左二首

歲入飛黃淨虜塵上書歸似玉門人邊歌醉學伊
州曲河水寒流積石春尚有公車留倦客只今開

歐虞部集

應仙卷之四

辛

府用詞臣江南漸近漁樵地贏得相逢白髮新

二

苜蓿成花酒作泉龍沙何似鷺洲前繁欽賦憶天
山夜王粲軍還鄴下年望闕星光迴睥睨渡江秋
色滿囊韃知君不淺南樓興早晚烟波繫客船

送姚內翰于定養病還化州

祕館初辭侍從班烟霞歸思滿江關七星劍借銅
魚使二酉書藏謝建山婉碧荔枝沉雪裏林青孔
雀出花間家園賜沐毋留滯視草承明計日還

答黃山人孔昭廣陵見懷

隋堤西問酒家胡賦後孤城一片蕪猶見魯連歸
海上曾留董相在江都風期終古能然諾歌吹當
年更有無不用山僧尋舊社自堪高枕著潛夫

酬魯王孫中立見寄

筆底烟霄憶杳冥驪珠字字照山庭三雍早奏曾
名雅七畧初成更授經繁弱自懸蒙羽白大東不
盡岱宗青君侯儻問扁舟客海上秋風似管寧

送吳孝廉游南雍

欽定四庫全集

卷之四

三

潞河烟柳送扁舟獻賦長安不可留尚有魚文裝
匕首已知鸞鏡問刀頭雪爲淮上僊人酒錦似江
東醉客裘倘過宗雷舊游處至今精舍幾名流

李明府召同黎秘書劉觀察王納言集得歌
字

客來十里駐鳴珂奉炙行觴奈樂何石淨池頭涼
夏簾鶴閑廳事長春莎花前荆玉無雙價曲裏秦
青第一歌京洛風流吾黨在卿心猶得慰蹉跎

休沐日簡湯尹二待詔

孤字

朝回禁色轉觚稜避暑寧論醞幾升同舍我猶寒
似水新衙君更冷於冰清齋何點栖鍾嶺消渴相
如老茂陵赤日紅塵心共遠青松多在白雲層
伏日同黎秘書余太史李明府集蓮花庵得

陳集

卷之四

三

美明府蔣少翼吳仲周滕晉生李惟什朱汝
修陳從訓六徵士集李臨淮惟寅宅得卮字
苑雲城雨忽秋颺西第邀懽晝漏遲此日公庭逢
長鴉何人置驛似當時薜蘿半雜牕間草竹頻
催掌上卮誰道元侯今驃騎五陵猶得共襟期

同黎惟敬酌陳玉叔得渠字

前旌何日向淮徐斗酒聊停使者車餉事寧勞論
海上吏才今已見河渠幾人舊賜金莖露十載名
山玉笈書秋色薊門憐去住那能相對不躊躇

送陳叅知王叔督漕事竣還淮上

名高諭蜀最能文，尺一漕河借使君。
飛渡萬艘淮海粟，轉輸千壘塞門軍。
鹿皮薦幣誰曾議，龍首疏渠久已聞。
少府分籌尊計相，鄼侯今冠漢家勲。

送錢侍御汝瞻按山東

玉節霜飛楓葉丹，東方千騎出長安。
岳分梁父封猶在，海入瑯琊氣更寒。
問俗客能章甫頌，爰書人識惠文冠。
齊州十二君憑軾，何限嶠夷向日看。

七夕懷徐子與王敬美

陳康部集

雁館卷之四

三

詔賜金錢客尚留，故人多向豫章遊。
城頭片月涼初起，河上雙星黯自愁。
鶴控東盤縹嶺夕，鳥來西望漢宮秋。
武昌不淺胡牀興，更有湓江百尺樓。

次韻答王太史紹傳過寺館小飲之作

餐錢堪自老東膠，何點清齋食不肴。
貝簡夜燈僧共讀，柴門秋葉客來敲。
束書歸計將招隱，執戟何心更解嘲。
鄉里不冠還此會，幾人京洛念窮交。

同郭方伯黎秘書范鴻臚李明府集廣濟寺

禪室得中字

諸天振鐸破溟濛，詞賦誰如左轄雄。
雨後雲花催暝色，坐來祇樹起秋風。
簪裾并合清尊外，河嶽雙扶片語中。
握手忽看真契近，莫令岐路易西東。

同華鴻臚訪胡學憲於慈仁寺登毘盧閣

三年兩見客車來，貂敝咸陽我未回。
載酒晴光連睥睨，出城秋色鬱崔嵬。
上方臺殿諸天遠，大漠風烟萬里開。
作賦登高吾豈敢，逢時真羨大夫才。

將少翼從李臨淮還自漁陽卽游雲中索贈

賦此

陳康部集

雁館卷之四

五

一騎西游劍作裝，誰能雌伏論行藏。
歌中鴈落渾淖沱，月戰後雕盤瀚海。
霜橫槊自堪陪上將，請纓還欲繫名王。
陸沉笑我金門下，結駟何年俠少場。

陳士鵠入都先枉詩寄用韻奉答

十載相逢已老夫，鸛裘猶問酒家胡。
客來禁苑青雲起，秋入關門紫氣孤。
海上何年成大藥，天涯歸思滿平蕪。
君看倦似游梁後，只道長楊在漢都。

寄致政周瓊州

一從初服謝紛華，吾道荆南幾大家。
海上誰能忘

露冕嶺頭應自憶梅花當門令子將傳笏講席諸
生半賜麻方朔金閨尋舊約祝融何日共餐霞

送劉子繼還楚中

名姓詞場已策勲錦囊歸著五游文經奇自許劉
公幹筆札誰如谷子雲中散風流龍性在平陵池
館鴈行分從來楚澤多芳草何處瑤華一寄君

送劉侍御出按滇中

昆明使者出西臺六傳風烟此日開繡斧漢庭尊
直指琳琅荆楚重時才武侯營向盤江去博望槎
浮洱海來自昔殊方勞諷諭皂囊封事待君廻

歐虞書集

卷之四

五

送郭方伯赴貴竹

欄矢前驅候玉珂西南壑壘自星羅閣鴉竿過金
雞驛盤瓠溪通赤虺河周日職方先岳牧滂家樂
府奏夷歌履聲蚤入承明謁已聽羔羊詠王純

盧溝橋送汪子建還揚州

十年顏髯慰蹉跎其奈關山怨別何月下悲笳過
督亢霜前流水亂滹沱鴈飛海上鄉心遠葉落淮
南客路多立馬斯須憐去住筌篲彈罷不堪歌

周選部入都聞吳山人卧病金陵念僕極至
輒報此章

伏枕他鄉幾月瘳秣陵蕭瑟已深秋應知茗芋差
爲適何處逍遙不可游緱嶺客將驟白鶴函關人
自拜青牛書來莫問華陽館乞取丹砂老葛侯

邵侍御出按江西過家爲尊人太守公八十
壽

使星新傍壽星輝建節西行定省歸鳩杖在門垂
白髮身冠行酒映緋衣邵平辭爵三秦久石相名

歐虞書集

卷之四

五

家兩漢稀他日九重思舊德鏡湖將賜釣魚磯

送陳士鵠守騰越州

符分銅虎出金閨行爲天王牧遠黎木閣久通
華馬外麓川猶在夜郎西霜前塞鴈冬初刊竹下
江猿晝亦啼君倘召還吾已去鐵橋雙杖幾時攜

公賞菊得花字

舊游何但似搏沙執戟憐子髯已華霜後誰移三
徑色尊前猶醉五陵家高城夕漏偏聞客錦席秋

燈半照花京洛群公簪弁地明年應自憶天涯

送孫伯遠還吳興

燕市悲歌久已無
竭來得我共酣呼
少年頗解驕前輩
名士誰知隱博徒
蒼雪獨游堪自遠
烏程足飲更何酤
他時倘杖東南策
爲訪朱明一病夫

周選部國雍張光祿元易見過得人字

秋盡衡門黃葉新
頻來二子轉相親
名從海內推詞伯
游豈燕中傍酒人
苜蓿堪娛吾且老
茅柴能飲未辭貧
獨憐此會今稀少
南北風烟易愴神

歐虞集

應館卷之四

七

將還金陵元易
將使雲中故云

劉左史相崇府二十二年矣因其子登州君奉寄

高陵大老汝南翁
白髮人推長者風
經側已如韓太傅
儒林還表魯申公
五更禮自尊河洛
十賚恩將賜華富家
學今看傳奕世三
鱣誰敢並關中

伍舍人子謙朱計部子得見過得來字

載酒吾慚問字來
秋風蕭瑟華門開
一櫺木榻寒猶坐
雙騎銀鞍晚未回
炊桂頗同秦客久
紉蘭誰

似楚人才因君細訪衡湘路與在朱陵百八臺

周國雍索題西墓小隱圖

萬樹啼烏幾曲湍
周顒隱處未摧殘
山中氣結純鈎紫
海上砂留舊竈丹
蘿幌月來雲住少
松門風急瀑飛寒
名高南越先賢傳
玉峽西風更考槃

送陸都事請告還上海

臺郎一疏去何如
行向江鄉問隱居
柳上雙移張翰舫
鄧中曾覩陸雲書
園人歲課頻收橘
家老秋蒸且薦魚
尚有玄成經世業
可能無意上公車

歐虞集

應館卷之四

七

酬寄代王孫若訥

玉牒名高代小侯
尺書遙問鵬鸞裘
日搖花影開朱邱
河轉波聲滿白樓
積雪空歌梁苑夕
浮雲不斷薊門秋
汾陰只道楊雄賦
七畧何人更姓劉

會唐王孫子厚見寄

鬱葱佳氣滿平臺
苑鄧河山劃已開
五色鸞曾丹穴出
九花蚪自內家來
心惟求試通親表
代有思玄作賦才
莫忘燕州八行字
歸人猶待鴈飛迴

酬宋山人應元自新河以燕石集詩禪瑣談

見寄

名山杖笠未由同，片札能飛碣石宮。
趙地客卿雙白壁，江陵茅屋幾秋風。
書成頗憶青瑣客，榻坐誰如皂帽翁。
短髯蕭騷難會面，扁舟吾在海門東。

送陳道襄轉江西大叅開府嶺北

十年驄馬豫章城，斗下曾看劍氣明。
隴嶺路當新建節，度遼人識舊談兵。
越裳翡翠春將貢，滄海樓船浪已平。
客憶丹砂君莫笑，葛洪今向庾關行。

都門送梁彥國補贛州司理

彥國昔以大
理寺副調外

陳履常集

雁館卷之四

元

別爾長安烏亂啼，何如廷尉府中棲。
到時獄市開春酒，戰後軍城閱水犀。
客夢直過南斗下，使星今在大江西。
嶺頭頗近梅花早，莫學揚州法署題。

送左司馬郢中曾公總憲留臺

二首

三楚名家有珥貂，上卿誰似策勛遙。
七擒孟獲曾宣捷，五部單于已入朝。
執秩今行周郊郛，先聲寧數漢嫖姚。
主恩咫尺台垣近，鸞鶴廻翔在赤霄。

二

朝辭畫省向鳴鑾，白雪樓前一問安。
幕府久傳司

馬法鍾陵高照惠，文冠萬年王氣金。
莖直六代江聲玉，樹寒我寄離心征鴈去。
秦淮東下是長干。

除夕立春朝回紀事時遼東大捷

鳴佩從容出禁闌，六花猶滿侍臣衣。
臘前彩勝霏春色，雲裏青旂照曙輝。
太史秦中迎氣入，將軍遼左捷書飛。
甄家博士空相笑，爲戀清時尚未歸。

同劉觀察李明府余太史訪黎秘書於晉陽
菴慈上人方丈得師字

天寒倦鳥隱禪枝，客宿郊扉送臘時。
山似竺乾殘

歐虞部集

雁館卷之四

三

雪積松高雍時白，雲垂移菴老學龐。
居士嗜酒醒逢遠，法師有約還鄉行。
作伴青春吾敢滯，歸期正月二日伍舍人朱計部謝侍御司考功見

過張武庫袁民部同集得東字

京洛翩翩有數公，何期冠蓋訪墻東。
借居開徑曾非隱，登閣看山暫可同。
尚把椒花供獻歲，更移梅萼試春風。
曲高未敢輕相和，郢客從來盡國工。

元夕伍子謙朱子得謝叔蒙攜酒兄過得招
字

風急銅駝雪未消鳳城東北路偏遙一龕供佛誰
名社幾客聞燈不待招繫馬階前猶聞寂行廚竹
裏半蕭條昇平幸是金錢會惟有狂歌答 聖朝

送楊肖韓補令鹽城

千家魚稻待鳴絃暫借神君此地偏隄上樓高通
海氣城頭帆仄散湖烟玄夷書似衡山日白馬牲
猶瓠子年聞道河渠功不細皂囊歸奏 聖明前
送沈侍御轉僉憲赴蜀

西躍銅街馬是驄璽書擎出建章宮巴江雪漲揚

歐虞集

雁集卷之四

三

帆碧秦棧花開引旆紅行部多冠嚴執法巡邊龍
節慣臨戎都亭一望頻回首從此雙鈞氣更雄

廣渠門再別黎惟敬

東都祖帳擁行輶曾是 三朝侍冕旒赤管自堪
留姓字青藜誰得竝風流終期滄海同舟云猶憶
長安並馬游攜手飛雲成二老萬峰梅萼五城秋
思歸

通籍金門已四年遺經僅得守師傳息心漸已焚
殘草學道何妨老一壇客醉每參禪講坐僧貧猶

乞筆耕錢思歸欲借緱山鶴騎入羅浮七洞天

題馮元用先處士雲洞圖

灣上深居傍翠巒無心出岫學龍蟠參差勾漏巖
頭過縹緲朱明洞口看石削綵分千樹色瀑懸軒
度萬峰寒龐公奕世冠簪貴沛作甘霖自不難

歐虞集

雁集卷之四

三

七言絕句

送茅平仲還京口因懷郭次甫陸無從

四首

何年五月忽飛霜君灑燕山淚數行去問戴公山下客千秋堪自識行藏

二

其二

薊北歸人正及秋清河霜後一孤舟爾家最與三山近日出金銀闕下遊

三

焦君祠小客星孤江上浮雲肯駐無不待山人招

歐虞部集

應館卷之四

一

隱賦秋來張翰已思鱸

四

江連楊子是蕪城幾向西津渡口行客有陸機如問訊道余蕭索薊門情

立秋先一日同黃君慶顧叔震周之禎遊滿

井過觀音院逢珍公

聖水菴前下馬遊山亭一葉已先秋已公大是談禪客不爲茶瓜半日留

送譚別駕赴永州

二首

秋雨湘船斑竹枝使君行樂采江籬書來好奇衡陽鴈莫遺青山九處疑

二

春陵一望更零陵鼓柁三湘興可乘漢吏儒冠猶楚郡津人不用報臨蒸

送萬治赴長蘆

一官鹽筴借才賢斥鹵黃花索酒錢廳事垂簾清似水不妨閑著海王篇

二

歐虞部集

應館卷之四

二

蘆臺千里最宜秋賓客南皮况雅遊豈但魚鹽容傲吏宦情何處不滄洲

郊祀歌

十首

禋祀初成玉冊文秉圭今見聖明君天門直望郊丘路鳳輦龍旂護五雲

二

天行雷動肅鳴鑾萬騎聯驂曙不寒白日新開蓬苑色漢家雍時在長安

三

星屯衛士微周廬御帷時時詔大胥天地一陽恭
默待玉箱惟載閣臣書

四

祠官鵠立泰壇扉雙引交龍繡衮衣蒼璧包茅供
盛事燎烟高傍綵霞飛

五

金支絳節繞明庭奏格高玄禮萬靈上帝居歆皇
樂豫雲門設管滿青冥

六

歐虞部集

雁信卷之四

三

星辰海嶽列壇尊柴望于時禮數繁祝史告成多
奏嘏 高皇十葉是 文孫

七

馳道烟開松栢深霓旌隊裏鳳鸞音高臺不用瞻
流火已協鈞天九奏心

八

鼓角中天大輅還玉龍銜燭照西山詞臣縱有河
東賦不是汾陰入漢關

九

皇極殿前初建旗鵠班臚列及蕃夷慶成歌頌歸
東觀半似周人湛露詩

十

玉檢金泥表岱宗射牛何事議登封精禋獨正南
郊禮萬歲 君王御六龍

雪中惺上人過訪

醒回大夢扣柴關曾禮文殊代郡還雪滿薊門同
擁衲清凉何似五臺山

送恩公遊五臺

歐虞部集

雁信卷之四

四

七寶樹前金閣開三珠泉畔木瓢來豈緣熱惱八
間世一錫西飛到五臺

二

繁峙千峰高入雲炎天積雪太行分爾今結夏山
中去莫待秋風一鴈聞

送曹大行子韶奉使入秦因還武岡

四首

燕京裘馬少年場玉節西馳柳萬行腰下并刀持
贈汝五陵秋色滿咸陽

二

三峰削出百盤斜天井牕中玉女家我奇歸心西
嶽上看君仙掌弄蓮花

三

南行商洛畧鄖西把酒家園一杖藜七十峰高白
雲裏冷冷脩竹鷓鴣啼

四

都梁流水下三湘路出荆南萬里長漢日汲生稱
使者好裁封事答 君王

答王中丞元美鄖陽見寄 三首

應康龍集

應康龍集

五

征南開府最能文春鴈歸時一札聞縱使郢中歌
是雪風流誰更似王君

二

鄖鄉西北望秦中楚客悲秋賦自工七澤旌旗新
校獵登臺何處不雄風

三

執法廷中漢列卿三年持鉞鎮方城歸來好就長
楊草扈從 君王大閱兵

懷西樵吟送梁生南還 二首

大科峰頂聽山雞日出滄溟霧不迷贈兩金閨雙
絲筆爲余題遍碧雲西

二

西樵千丈望羅浮十載藏書尚有樓薊北歸人憑
問信七松明月鐵泉秋

伏日李明府邀遊鄧園水亭同劉憲使王太
僕分得邊多衣寒四韻

小舟能送酒如泉七十鴛鴦五色蓮似是看花草
杜客鳳城宮殿曲江邊

應康龍集

應康龍集

六

二

玉泉流水入官河公子園林愛客過羅襪凌波驕
不得芙蓉偏在露寒多

三

割肉金門滿袖歸朔來沾醉溼宮衣晚涼浴馬荷
花蕩鷓鴣鷓鴣慣不飛

四

采菱艇子釣魚竿萬柳隄平六月寒太白原西金
谷路醉來渾作五湖看

題朱貞吉瀑泉圖

西望青天挂玉龍
風來飛灑石門松
羅浮歸客將尋汝
沐髮匡廬第一峰

送馬用昭還閩中 四首

并門回首太行山
公子翩翩一騎還
夜斫探丸朝蹴踘
誰能馳逐五陵間

二

劇辛樂毅已塵埃
突兀昭王百尺臺
多少涓人求駿馬
黃金能不待君來

飲虞部集

鹿角卷之四

七

三

何事喑鳴鞘裏鳴
幽州年少獵冠纓
青天不斷鯨龍氣
盡作延平浦上聲

四

公車奏牘竟如何
綠筆縱橫意氣多
歸去釣魚滄海上
九仙秋色鬱差峩

月夜過北海子隄上

玉泉流入漢宮牆
十里金隄半是霜
馬上不知身是客
月明猶似過江鄉

送恩上人歸白下

清公已作五臺僧
雪浪君今挂一藤
京洛浮雲彈指過
頭陀歸對佛前燈

題日本人畫王母圖

西望瑤池五色霞
海東開遍露桃花
長安自昔神僊宅
青鳥飛來入漢家

題沈周畫漁父問屈原圖

避世吾堪老一蓑
江潭憔悴爾如何
遠游未可南疑去
猶及滄浪詠九歌

飲虞部集

鹿角卷之四

八

送華光祿致仕歸無錫

監州不向古虔臺
一疏辭天拂袖迴
聞道步兵家有酒
尋君期訪二泉來

答丘潮州 二首

南望潮陽百粵偏
楚鄉猶隔路三千
故人不謂君侯遠
恩在黃金拜賜年

二

蜃樓直接郡樓高
一片黏天萬里濤
橫海戈船功不細
知君頻看鸕鶿刀

洗硯東莊

硯莊流水遶柴門
潑刺游魚墨可吞
縱有紅塵飛不到
依然何胤一家村

彩雲江閣

閣上書聲江上聞
嶠南人識孝廉君
衣冠此日朝明主
帶得彤墀五色雲

題琵琶圖

香山伊水不禁秋
況是潯陽九派流
曲拜琵琶深夜月
教人無賴憶江州

歐陽修集

卷之四

七

送呂心文宰泰興

二首

邑中湖蕩稻田多
花月春江奈樂何
趨府若尋楊子渡
爲余行聽竹西歌

二

天目峻嶒吳越間
分符借得海陵山
知君不薄淮南令
詔下長安計日還

舍弟經季山人華甫從子及遊西山還同於

善果寺送別子及因懷虎臣

二首

五月西山積雪陰
荷花荷葉玉湖深
君行采寄吳

郎去一片江南塞北心

二

十日飲從河朔來
離歌猶擊唾壺哀
酒徒若挾金陵過
問築糟丘何處臺

題王進士子牧瓊林宴歸圖

二首

賜對彤墀子大夫
家傳經學冠西都
宮袍綠映浮雲騎
誰似蒲州五色駒

二

紅杏花開柳欲絲
曲江春色醉歸時
金鞭策過蠻

歐陽修集

卷之四

六

夷邸盡指郎君似太師

答張山人勤夫見寄

二首

伏生九十爾堪儔
莫學陶公不下樓
我欲挂冠神武上
日移烟艇共滄洲

二

青螺山畔老烟霞
十載題詩處士家
招隱勞君書萬里
春來不用寄梅花

贈胡仲子

二首

會於酒頌識劉伶
豈但東方是歲星
雙髯又看霜

草白不妨江海托鴻冥

二

俠游燕市紫騮嘶三尺芙蓉手自攜何限青山招
隱去蒼蒨秋色大鄆西

送文子初還虎丘讀書梅花樓 二首

名山君去卧烟霞文苑風流更幾家已報江南春
最早樓前千樹盡梅花

二

海湧山前一草廬下帷三篋有藏書五經他日咨

歐虞部集 雁館卷之四 十一

同異來共諸儒講石渠

寄文休承

十載金門共爾趨今聞矍鑠老姑蘇太丘鄉行康
成學誰信名儒在五湖

送靈璧湯五侯督運漕河 四首

河山帶礪漢諸侯供億軍儲寔借籌應向平江祠
下過鑿渠今得護千艘

二

天淮東下接黃河功比當年瓠子多治粟舳艫衝

尾入黃旗珠纛照烟波

三

歲歲江南百萬來飛帆揚子急如雷太倉紅積綱
頭雪又報均輸一度迴

四

漕河運道上燕都身佩元戎赤虎符給餉蕭何功
不細九邊飛輓足防胡

過鞏華城 二首

漢家僊仗七陵東步輦曾留五祚宮邊燧不來猶

歐虞部集 雁館卷之四 十二

望幸玉牕珠戶繡簾櫳

二

胡馬鴛鴦赭白肥射生年少半緋衣城邊塵暗長
楊路玉勒秋田校獵歸

十日答張光祿送菊 二首

昨日同君醉摘花宅邊今日似陶家獨醒却笑顏
光祿不送金錢送絳霞

二

卷緋蹙繡額塗黃亦到青氍學士堂聊與幽人慰

岑寂風流誰道在柴桑

同湯堯文朱子忠看菊 二首

拒霜花傍石闌干家有青氍坐不寒聞道宣城新
釀熟應知不厭客頻看

二

殘爲黃花送幾巡夜深燒燭尚留賓獨憐不敢登
壇賦五鹿偏愁折角巾

初雪高僚長升伯見過

急風快雪滿燕臺蕭寺柴門午始開童子驚看乘

歐康部集

應館卷之四 五

興客王猷新自剡溪來 高君
浙人

雪中同諸僚攜酒過馬伯慙宅

絳帳青氍事不平鄭虔何似馬先生廣文新館千
門雪贏得同官載酒行

送何生赴塞上

投筆新持金僕姑漠南秋散五單于男兒一障酬
恩日還拜君王丈二殳

馬上口占

嶺南何但隔天涯只見長安不見家馬上風塵猶

是客年年空自憶梅花

送黎君華宰定陶 四首

百里曹南福水頭東方千騎擁君侯桑陰雉雊春
風細此樂何勞羨爽鳩

二

陶邑諸侯地四通衣冠海岱故稱雄宰官問俗兼
能賦更似泱泱大國風

三

使君飛蓋雪花殘四野行春路不寒誰共山公時

歐康部集

應館卷之四 五

載酒范家湖作習池看

四

游獵呼鷹出孟諸萬家歌吹足儲胥偃師名對今
何日賜有君王尺一書

題馬遠畫菜

籬門膏雨一畦春酒醒偏宜菜甲新誰似先生盤
首蓀於陵甘作灌園人

司馬曾公見過不值留詩壁上次韻奉答 二首

杖藜寧問路何之應客山童午未炊不謂故人能

枉駕自憐猶愧子雲奇

二

蛟龍壁上有新詩
匡鼎歸來一解頤
門巷已甘車馬絕
白雲秋色見旌麾

聞張助甫乞歸不允

二首

建節涼州萬里回
若爲乞取鐵丘臺
江南大似淮南日
強爲君王卧治來

二

固陵一疏擬求閒
開府恩深未許還
豈但六州軍國虞部集

摩館卷之四 五

事重借君題遍九華山

送禮上人游五臺却還金陵

上人善畫竹

是心是佛閉吾關
何事文殊坐不還
師見此中禪悅處
千竿修竹五臺山

二

泠泠蒼玉灑毫端
雪作天花石作壇
識是清涼吾自性
歸來明月滿長干

登塔

華胥國在弇州西
七聖何爲路尚迷
稽首五雲臺

百尺竺乾今有化人棲

慈壽寺

千佛祝釐山下聽
中天百尺似明庭
太行不斷西來色
長送甘泉萬歲青

西塞曲

絕漠燒荒漢使還
秋風先到賀蘭山
大宛大馬年年入
誰道丸泥閉玉關

十月桃

十月新嘗內苑桃
雪中青顆滿神臈
曾看結子二虞部集

摩館卷之四 六

千歲歸向君王乞斗醪

題禮公墨竹贈洪元虛

梅是沙彌蜜是師
長干弟子已傳衣
毫端無數青鸞尾
半似瑤池月下飛

送張光祿元易使邊因述其五載供事之榮

輒得六首

闕下千官貂玉間
羨君簪笏侍仙班
五雲深護蓬萊殿
宮扇開時識聖顏

聖顏

二

天壽山前原廟開千盤王氣鬱崔嵬 皇家歲遣

朝陵使記得松陰策馬迴

三

九譯來賓盡入朝懽傳宴犒下雲霄大官頒給蒲
萄酒贊謁夷王半賜貂

四

園裏芭蕉曙色晴北扉給札奏書成 先朝實錄
來焚藁會傍詞臣鴈字行

歐虞部集

應館卷之四

十七

五

長秋正位卜婚年嬌泖塗山內教先夾陛看君嘉
禮使 至尊親遣御樓前

六

張旃西去出榆關蜀錦吳羅市馬還家有令公新
納節白頭應問賀蘭山

顧玄言以游赤城諸作見寄漫賦

四首

石梁飛雪赤城霞察嶺歡溪處士家金策君曾鳴
玉過西流曲曲盡桃花

二

鐵船碇過洞猶封石綰雙鬟翠幾重王女紫霄三
萬丈曉粧天鏡浸芙蓉

三

海上僊人華頂行閭丘太守乍相迎瓊臺雙闕中
天起常有雲霞五色明

四

北望鴈山門戶開大龍湫下晝如雷金庭咫尺群
真會茅狗何年更一來

歐虞部集

應館卷之四

十八

集杜句五言律

朱子得枉駕寺館不遇有沽酒摘蔬之句次韻集杜以訂後約子得近曾數過而余肺病將欲乞歸故於末章及之

寺憶曾游處南樓縱目初途窮非阮籍賦或似相如能吏逢聯璧將軍有報書何時一尊酒鄰舍與園蔬

二

到此應常宿西郊白露初春來常早起暮雀意何處

廣德集卷之四

一

如一見能傾座三車宵載書盤餐老夫食自爲摘嘉蔬

三

青春動才調扈蹕上元初竟日鶯相和新詩錦不如自須開竹徑客至罷琴書把酒宜深酌常餐占野蔬

四

歲晚莫情疎方期解纜初故人憂見及內熱比何如春日繁魚鳥秋來把鴈書此邦千樹橘風俗當

園蔬

夢亾弟衡仲 二首

不見江東弟難招病客魂鴛原荒宿草鬼物傍黃昏牢落官軍速沈埋日月奔風吹紫荆樹愁絕更堪論

弟昔年卒於金陵夢皆當時語故云

二

兄弟分離苦窮愁豈有寬生涯相汨沒吾道屬艱難世路雖多梗關山空自寒入簾殘月影雙照淚痕乾

廣德集

廣德集卷之四

二

哭舍弟明叔 四首

人稀書不到白首颯淒其死去憑誰報應無見汝期哀歌時自短吾道竟何之貧病他鄉老高樓鼓角悲

二

今日知消息懽娛將謂何親朋盡一哭悽斷不成歌獨坐親雄劍幽人泣薜蘿自傷遲暮眼猶有淚成河

三

有弟皆分散家貧苦宦卑君聽鴻鴈響深負鵲鵲
詩半頂梳頭白啼痕滿面垂哀哉兩決絕搖蕩菊
花期

四

已知嗟不起蕭瑟九原中重稚思諸子殘生一老
翁江湖漂裋褐慟哭起悲風故國愁眉外無勞問
轉蓬

歐虞部集

離傳卷之四

三

集杜句七言律

臘日謝宴賞聞邊臣奏捷屢至

憶昨賜霑門下省元聽舜日舊簫韶漁陽突騎猶
精銳河北將軍盡入朝玉几由來天北極總戎皆
插侍中貂腐儒歲晚謬通籍翠管銀罌下九霄

聞王敬美轉江西兵憲

遷轉五州防禦使楚客唯聽棹相將隱居欲就廬
山遠不去非無漢署香返照入江翻石壁秋風此
日灑衣裳楊雄更有河東賦草奏何人入帝鄉

歐虞部集

離傳卷之四

四

送鄭光祿伯良辭王官却歸江南

鄭公樗散髯如絲藥餌扶吾隨所之道路即今多
擁隔江湖遠適無前期可憐賓客盡傾蓋獨立蒼
茫自詠詩欲向何門謁朱履雄豪復遣五陵知

送黎秘書惟敬得請致仕 二首

賢聲此去有輝光萬里橋西一草堂殊錫曾爲大
司馬老儒不用尚書郎青鞵布襪從此始行酒賦
詩殊未央朱紱即當隨綵鷁青春作伴好還鄉

二

百花潭水卽滄浪中有松柏參天長比屋豪華固
難數人生會合安可常素知賤子甘貧賤自笑狂
夫老更狂曾是排風有毛質托身白雲還故鄉

早春過范京兆飲 二首

肺病幾時朝日邊百壺那送酒如泉苦遭白髮不
相放老去新詩誰與傳政用疎通合典則地分清
切任才賢知君未愛春湖色蝦菜忘歸范蠡船

二

廣文先生飯不足京兆田郎早見招江上形容吾

歐虞部集

雁信卷之四

五

獨老天涯涕淚一身逢雪山片候無兵馬南海明
珠久寂寥綵筆昔曾干氣象便應黃髮老漁樵

春日懷歸寄潘子朋黃元光

雙峰寂寂對春臺野老籬前江岸迴無路從容陪
笑語一生襟抱向誰開高車駟馬帶傾覆黃帽青
鞵歸去來近侍只今難浪迹五雲多處是三台

春日邀丘謙之王子慎李于美飲劉仲修日

涉園遲李惟寅不至

拄杖穿花聽馬嘶青楓隱映石逶迤久存膠漆應

難並爲政風流今在茲竟日淹留佳客坐元戎肯
赴野人期酒闌却憶十年事獨立蒼茫自詠詩

歐虞部集

雁信卷之四

六

七言排律

送余太史伯祥冊封衡府

鳳城西躍九花蚪，況是親持玉節遊。
刻石琅邪勞使者，剪桐滄海賜諸侯。
綃來席上鯨爲室，霞起瀟邊蜃作樓。
左席稱詩青社月，前驅負弩白門秋。
風塵擁篲騶曾出，水旱封書黥自愁。
禁近歸來趨入謁，不知何以獻宸旒。

程無過求其父母七十壽詩爲賦十六句

群僊振佩滿憑闌，來向君家賦考槃。
遶膝兒孫誰

欣虞邵集

離館卷之四

七

不羨齊人翁姥自相驩，上元紫鳳夫人駕函谷。
青牛老子鞍總道，侍晨能執蓋更傳天女笑。
登壇瓊芝石畔吹華管，黃菊花邊洗玉盤。
西序斑衣耀曉拜，長源珠樹耐秋香。
髮當沐日何曾白，顏爲餐霞尚作丹。
知有瑤池高宴會，爲憐方朔在長安。

離館集跋

豫之游太學，適楨伯先生爲館師，朝夕講授，不異鼓篋洲上時也。家大人與先生世姻，而又同研席，最善故家大人。捐賓客先生視豫之如子姓焉。先生稟有奇質，彊學博記，其文以立明氏屈大夫漆園吏江都相太史令爲宗，已卓然名家。而詩尤爲海內師匠，每篇出，人人競寫之。書秘帳中，紙貴都下，殆過之矣。間從記室錄離館諸州歸授梓人，適陸無從氏自廣陵以皇甫司勳所爲序寄至，并刻之而附著焉。雖然，先生將隱矣，藏諸名山，副在京師，豫之豈能獨珎誦之於羅浮四百三十二峰之上哉？戊寅十月朔，門下通家子潘豫之百拜識。

西署集序

歐楨伯起嶺南業既成挾策出遊海內薦紳先生翕然亟稱楨伯詩先是有浮淮輶中南轅北翦諸集各志所寓皆盛行于世語具諸君子序述中乃今所云西署集則楨伯廷平時所為詩也蓋棘寺當

帝城西偏大廷尉以下廩恪守三尺稱

歐虞部集

西署序

法吏會

上宗尚儒雅即法比咸欲以經術潤飾之是時楨伯補文學官生徒圖橋門受經功與司成等報家乃遷秩為廷平夫廷平佐大廷尉司民命日手爰書不暇給楨伯業以文無害名高心復賈其餘力發而為詩曾不以法家故而廢學士家言一何醞藉閑

溪如是余惟漢之兒寬以儒生事張廷尉湯見謂不習事不署曹以一試於奏讞武帝輒奇其才以謂非俗吏所及雖刻深如湯由是鄉學甚重之顧其文辭不少概見即藝文志所稱二賦竟亦寥落無聞至今學士大夫猶然味言之不倦乃楨伯所著作何止二賦又賦乎必可傳愈益信

歐虞部集

西署序

三

盛世得人雖法吏無失為詞臣不復如鄉時刀筆易與則經術之效居然可睹已余故夙慕楨伯辱不鄙六時以詩及余歲頃楨伯自廷平遷南司空尚書即余適承南廷平之乏日策款段相求驩然甚得而今司封李于田往在繕部與楨伯同舍旦夕以不朽大業交切磨之因并傳其所

藏西署詩授簡于余以序其指余聞
詩之為道以法勝法不可易即才莫
得而尚之仲尼刪詩之後自漢魏六
朝以至唐開元大曆雖世次嬗代不
無少有變例揔之壹軌于正無相踰
越何減于奉三尺惟謹後以而譚執
者擬之則合悖所聞則離間有自多
其才狹小古昔以為可凌而上之卒未

免於輓近世語而法日削矣余習知
楨伯長者居則口慢若不能道辭
戶外屢常滿無間就業何似務各
厭其意此類黃次公之寬平第其中
所獨尚即片語必合于法惟此段言盈
庭不可奪是故觀楨伯之詩而所謂
文無害者具是已余乃岐法家言與
學士家言而二之猶以耳食何異然亦

惟楨伯能之余自惟在南廷日所手爰書
不足當楨伯疇筭十之五署臨鍾阜玄
武之間長隈烟樹往來應接大有致
豈不有激于中徒以自竄情終無一
得當于作者以示同聲而托不朽余讀
西署集蓋甚慚於楨伯云

萬曆癸未仲春月安陸友弟劉紹恤

撰

歐楨伯西署集序

歐先生楨伯嶺南人也嶺南故多嫻
於文辭而歐先生為家尤好為古今
詩歌當其有名諸生間氣蓋嶺南
俯一第不取拾取然數上奇司輒不利
竟以常調為文學掌故故事掌故
歷郡國學即止不復遷歐先生所歷
皆上考遂破選人格為國學掌故

歐虞部集

西署序

一

王

居久之將選入中秘弗果已遂遷為
廷尉平廷尉平皆以進士秩居海內譚
執者欣々然思破藩籬冀
上徵用皆口實歐先生矣先生無他
嗜好所居不携家嘗以一二奚奴自從
日擁被吟而從者化之亦以能詩聞所
與交海內賢豪長者一傾蓋語或
俯賞眺必貽有詩歌而人亦爭願得

先生言以自愉快故在所成快若洛
淮諸集絢誦海內而及是則稊西署
云廷尉署與比部鱗比而西故皆得
稊西署比部事簡而徒衆諸郎多
肆力為文章多索徐輩及余兄允
美先後聲施矣廷尉屬小稱劇
於比部而寡徒尠唱弘正間僅得
一徐迪功舞幾何下遷博士去所稊

歐虞部集

西署序

二

王

翻季少以廷尉屬名者常評事倫
一人而已今其詩具在以當歐先生孰
多且肯亡待其所私故終辭也上下百
年內徐迪功繇廷尉平左遷博士歐
先生繇博士右遷廷尉平相望兩
人可夫物不為以少為貴乎自先生出
掌故得廷尉平天下以為少而貴之
而先生亦自託於西署以見

上恩然以余所聞知廷尉屬亡慮百
千人而所表見屋、二三君子由此言之
所貴少者安在乎豈西署之重歐先
生將歐先生之重西署也先生辭
廷尉平再遷留都水部大夫清淮
寒塘之句日多必有繼而為先
生序者余請以約序為前驅云

吳郡友人王世懋撰

歐虞部集

西署序

三

東海黃之璧書

西署集目錄

卷一

五言古詩 一十八首

卷二

七言古詩 一十七首

卷三

五言律詩 六十八首

卷四

五言排律 一十首

歐陽文忠公集

目錄

卷五

五言絕句 三十九首

卷六

七言律詩 一百一十一首

卷七

七言排律 二首

卷八

七言絕句 七十五首

西署集卷一

嶺南歐大任楨伯

五言古詩

初入西署二首

大李班棘位國法鑄鼎存折民徵虞書祥刑麗周
官畢弋開一網下車泣羣冤好生欽恤哉資始尊
乾元參辟興何世奏獻誰能原春露鮮時布秋荼
日以繁上有聖明君播令弘湛恩五聽夙申戒
三宥仍平反小臣忝末職受憲敢不悃遵種愧咎

歐虞部集

西署卷之一

一

繇願察嘉石言

陰陽示生殺律法原銓衡三尺貴所持淑問司邦
刑議事固以制亭疑慎斯矜官寺既建長復置廷
中平赭衣慮塞路丹筆匪可輕貴踊憂豈細泣隅
涕偏零法密苦凝脂象魏懸日星行看石阜中深
溪峭牆形釋滯傳古議挈令揚主明乳虎縱噬人
博士動引經五覆毋重比端心銘鞠城

東征詩贈開府梁公

三首

翩翩晨風翼東北浮雲馳策馬黃河流敢念渴與

饑結髮在戎行從征復何辭穹廬積霜雪四野明
星垂臨河飲寒漸千里逐電飛敵愾我所懷中心
當告誰

遼河日以陰下營一何長匈奴十萬騎土蠻狡而
狂幕府肅東征威震及朔方清野盡收保師行遂
張皇一軍薄鞍山一軍馳瀋陽定策擣胡壘戈甲
耀日光出塞二百里努力事戰場刃胡殆千級殺
氣天蒼茫海北三四州分旗掃邊疆愷旋旆言入
露布歸明堂銘勳勒崔嵬彤弓受言藏丈夫志萬

歐虞部集

西署卷之一

二

里詠言增慨慷

飲馬長城下雪深水且寒從軍樂從誰歌舞出薊
門我公秉斧鉞帷幄不下壇煌煌麒麟袍峩峩神
羊冠鼓行疾先登申令獨取殘中權養善木前茅
沙河川烏占楚幕空鸛鳴感東山一言挾纊溫投
醪萬人歡如林託後乘同心諒非難振旅論奇功
麟閣永不刊

巴渝篇送丘謙之

秋風吹飛蓬忽復天一涯君起巴渝舞我爲巴渝

歌聞中古渝水寶民萬餘家扶義從漢王中原定
山河蹈厲矛弩間猛銳不可加茄下朱鷺飛巴渝
樂如何雍梁延萬里膏田沃且多至今珥雙流華
陽鬱嵯峨楚材挺明牧表之岷與嶓江漢先炳靈
謳者能中和前綏促往駕祇役毋蹉跎君其茂嘉
猷澤洽巴渝波

芝林曲爲御史大夫吳興潘公作

嶽崙嵎中山毘以五色壇曄彼石桂英璀璨于其
間明公昔栖遁采之奉晨餐上藥西毋授長有好

歐虞部集

西署卷之一

三

容顏翩然出瑞世日與夔龍班豈必赤松游方期
龜鶴年歌以言之嶽崙嵎中山解甘泉鬱嵯峨代
有芝房歌漢德及草木漢澤流江河毘林產九莖
雲霞覆其阿樂府盛西京郡國宣中和司空入宅
揆調燮功更多際此黃虞日商谷將如何歌以言
之甘泉鬱嵯峨解三秀何煌煌玉杵薦嘉祥朱衣
繡羅裳華筵樂未央青雲接武起象笏方滿牀球
瑟和以鳴鸞鳳紛而翔開幄延鮮風奉觴儼成行
顧瞻銅池上照灼白日光歌以言之三秀何煌煌

解三

貞母詩爲馮比部孜太夫人作 二首

猗彼瓊樹林鳥逝遺孤雌孤雌翼其雛飛飛鳴高
枝何異馮家母慘怛曾百罹良人蚤捐背膝下三
歲兒紡績兼力作教兒書以詩朗照自齟齬三靈
稟奇姿畫荻機杼側侍母如嚴師庠序三遷來俎
豆日習之警勵窮典與斷織遵良規兒也勤服膺
諷誦不下帷學成述孔訓內式中閨儀貽馨有令
矩頌德于母慈

歐虞部集

西署卷之一

四

卓哉鄒孟母邈矣魯敬姜夫人誕華族禮義敦憲
章笄年寡高行辛苦稱未亡秉心厲松栢挺節齊
冰霜闔門訓勤儉擇鄰導趨踰兒幸不墜教策名
奉周行草疏訴穹昊陳情詣朝堂

皇曰爾母貞矧復廸爾良兒克振玉賴毋盍楊蘭
芳下詔先褒旌表閭耀吳鄉化由貞風激德以令
問彰求忠固在茲荷恩實無疆彤管赫有煒歌以
示萬方

大駕出耕籍田

帝籍國南郊于畝畫溝遂仲月土膏動種稂種在
器諏日冕朱紘乘輦駕蒼駟登壇禮先農秉耒率
有位冒櫛三推勤終畝庶人亟倉廩可望盈粢盛
庶能備勞酒及黃冠賜玉先綠綬青鸞合嘉奏銅
雀應豐歲幸從甸師來免歎周南滯小臣思歸耕
願畢東臯稅

德勝門候 駕上陵

維 皇肇殷禮昌歷萬載期爰修寢園謁感彼雨
露滋六龍翼鑾鈴八駿紛以馳前茅烏丸騎後乘

歐虞部集

西華卷之一

五

豹尾旗虔奉 兩宮行躬示四國儀齊宮稜恩下
靈貺煜金支千官扈清蹕萬姓瞻黃麾齊懽川嶽
寧稽首陳雅詩

邵貞母

江介多勁颺江水馳新安明月鑒羅幕白露凋朱
蘭中有邵家母冰霜懷肺肝晨哺糲以蔬不襲綺
與紈幸哉妾有兒襁褓裳襦單辛勤教詩書稍已
勝衣冠斷機良獨苦截髮誠未難悽然掩鏡鸞齊
雉痛莫彈青銓四十春空閨淒矣寒兒上 皇帝

書訴母歷諸艱中丞表門閭告諭郡邑歡更築懷
清臺歲時歸其膳楚貞名不朽梁寡節亦殫我歌
江介篇壽以千萬年

馬叅軍納妾

娉娉東廂下美人懷芳芬燕姬珣玕玉趙女靡蕪
薰乍逢洛浦月似下陽臺雲釵蝶香不散鏡鸞影
難分持觴竹葉酒携手榴花綦徐萋愛方始秦嘉
書蚤聞織縑還織素總堪娛使君

贈臨淮李侯惟寅

歐虞部集

西華卷之一

六

昆吾翼夏功大彭佐殷績齊因尚父定楚以鬻熊
關畢萬天寶啓戶牖帝所益帶礪誓何年河山宛
猶昔桓桓武靖王提戈萬人敵 高皇重肺腑襁
褓置肘腋授鉞肆專征五出塵漠北東驅西討來
雒伐殘胡慝十年開國勞功半在疆場身享大曹
封死授岐陽冊嗣子抱器奔先爵耐金革不隆
世廟恩遠念舅甥戚君侯拜壁時弱冠究經籍柳
城得荀生康樂表謝客印綬綰再辭環衛召當直
主上眷侯勤簡授樞垣較位叅台斗尊業衍胙土

斥整芻崇班司奉璋事宗稷賦留雲夢田銘待燕
然石何人紹高密幾家嗣新息獨承袞舄榮靖共
肅朝夕詩人歌干城國士望階城矯矯爾虎臣所
期鼎鐘勒

贈金吾劉侯子大

麻城起柱下簪筆封皂囊百僚望神采正色立朝
堂一時端毅風凜栗孰敢當播遷旋奮躍汲直名
頡頏贊軍平禍亂理郡惟循良既建河渠功漕粟
盈千倉疆隅久不靖套虜勢益張東城黃河岸南

歐虞部集

西署卷之一 七

守定邊防鐵柱據水源花兒濬溝唐二邊重險固
總制維金湯西戎經畧定分北各有方歸拜大司
馬徽猷亦于襄肅皇召主爵宮保加服章飭終
更異恩延蔭奕葉長金吾遇聖主三命猶循牆
宣賞秀春刀八尺身昂藏受詔統親軍禮視諸侯
王內以備宿衛外維鎮非常七校胡越騎韎韐隨
晨裝扈從謁九陵豹尾騰以驤下直讀賜書宴
客奏雅觴名家稱祖孫秉禮嚴宗祊畢公本世美
兵權掌戎行鄭武能緇衣司徒贊皇綱漢庭陋安

世晉代羞當陽吾請歌彤弓爲子增慨慷

贈金吾史侯元秉

史氏漢列侯西京題閼閼勳從授冊殊恩匪連婚
密鼎鍾每盈庭冠劍日造鄴峭陵未奔播漂陽轉
豐蔚倚惟鸞峰公穎擢自蓬華丁年造十新甲榜
羣策屈論定額周俊登庸得商賈亢宗將復始翫
世遠自逸谷盤玉女潭洞鑿仙人窟雖高謝安臥
尚秘陳平術綰海數十郡威以島夷怵勢頗震陪
京國難家何恤芻粟願輸邊牛酒持犒卒師飽氣

歐虞部集

西署卷之一 八

益揚軍行出以律盪虜凱歌還詔加大卿秩郎君
嗣其徽官拜先皇日賜之金僕姑授以銀不聿
羽林十萬兒沙苑九千匹卿子遂冠軍八屯賦悉
率熊虎微周廬甲冑衛行蹕帝曰爾世臣家聲
滿細帙紈綺豈足驕韜鈴人能述康侯錫蕃庶君
其報王室

張元易署中竹

東華清切地直署依彤城君來植叢竹葳蕤夾池
生綠柯傍朱檻翠篠搖丹楹嚴霜入挺節清露新

濯莖便娟甘泉色檀欒兔園名循隰比汧渭拂壇
似湘衡惠風稍鳴憂喬雲遂崢嶸誰云禁闥側而
有滄洲情三徑何日開二仲將游行待君宜城醪
一聽參差聲

西署集卷之一終

歐虞部集

西署卷之一

九

西署集

嶺南歐大任楨伯甫著

七言古詩

今昔篇送陳夢庚

君不見悠悠世上情焉知管鮑在千古論交今昔
幾人存翻覆輕薄何足數憶我與子昔壯時居貧
嗜古兩不疑雖然鄒魯諸生學半似幽并游俠兒
志將百萬振寒餒家無甌石供烹炊自從折節事
談討研經辨史更相師朝覽五車趙尉里夕橫千

歐真卿集

西署卷之二

一

卷楊公祠春夏弦歌東序側秋冬射獵南山陞直
謂公卿能自致豈知騏驥久相羈我今下秩始通
籍子亦儒林拜卑職相逢乍擊燕市筑相對猶驚
趙城壁回首窮交四十年子行別我酒壚邊金臺
一望鳳城驛忽覺潮州路九千九千不隔銅魚使
昌黎廟下韓山寺唐代廣文爲誰置漢家掌故旋
待次滄江頻望孝廉船長安已擁先生簪此心炯
炯見平生立馬斯須還攬轡馬不行酒不醉淒淒
寒太行翠白首贈子今昔篇青雲佩我煙霞宇

君不見行

君不見大則天池鵬小則蒿下鷄小大適若殊紛
華未勝戰從來幻影與浮漚白日西飛不可留幾
望芙蓉太液水幾經鴟鵂咸陽秋朝乘馬夕乘舸
還君鞭鐙去亦可北風試鼓瀟湘柁

薊門行送周民部元孚餉邊

十萬材官薊門戍何年面縛三當戶敗虜猶啼肩
頓山殘胡尚領匈奴部四鎮藩籬在朶顏黃龍歲
有捷書還每飯誰能忘鉅鹿揚兵只道出燕關

歐真卿集

西署卷之二

二

頭兒戲列墩卒犬羊風雨防奔突承平介冑翫國
典倉皇部伍持師律河隍不復問屯田統綺詩書
學控弦但傳烽燧虛乘障便倚金湯遠築邊獨使
至尊念飛輓算縉請饒勞霜簡明光殿前遣使者
軍符十道行親綰君爲司農漢大夫橐鞬雙挿金
僕姑志封居胥禪姑衍氣奪蒲類馳伊吾旄頭昨
直遼陽右大將旌旗喜峰口亞夫之裔善談兵借
籌可使單于走我歌折柳停君車黃雲白草護儲
胥贈言豈用繞朝策歸奏先馳實塞書

易侍御學圃亭

估家樊圃恰三畝學弄桔槔曾在手膠東舍下聞
諷音山陽林中足沽酒偶簪柱後惠文冠憶灌漢
陰烟水寒今尊東夏儒宗業未作於陵仲子看

除夕行徐左使遜伯高憲使汝謙同飲作

燕都除夕一事無何異咸陽客舍孤咫尺步履肯
相過幸有徐高二大夫相知何用早視我如故吾
他鄉共几席隔舍聞歌呼我喜扶携念羈旅童子
稍稍陳盤盂宿春黃梁釀臘酒旋擷白菜炊寒鋪

歐虞部集

西署卷之二

三

割鮮適有塞下兔市鮮頗得江南鱸坐潑浮白縱
談笑忘却从客思江湖徐以天官部即貴總藩三
晉多計謨高也禮曹冠東省傳經百粵爲名儒青
春開府外臺日看爾材俊皆時須清朝下位顏駟
老我獨自負高陽徒二大夫今夕何夕留權娛功
名努力在萬里他年儻憶滄洲鱸

唐人八馬圖引

君不見左輔苑城三百里青春細草茸茸紫苑中
汗血萬驂駟蹴踏騰驤竹批耳白水雲沉落日寒

長楸雪急西風起唐之虎臣王毛仲錦繡成羣冠
邊鄙驪山初幸事繁華亦有蒲梢入內家玉花之
驄照夜白何似帝園拳毛騮當時受詔何人寫粉
墨曹韓盡可誇毫端颯爽動閭闔絹素慘淡開風
沙四蹄雷電龍池出獨立赤墀異筋骨漢庭惟數
金秣侯承恩奚但西京日

長安月送康子秀還武功

胡姬酒樓春尚寒幸夷花落梨花殘秣馬樓前送
歸客可憐明月滿長安長安歸客子康子父爲武

歐虞部集

西署卷之二

四

功康太史射策禮闈新報罷覓官銓省復見抵么
麼齷齪那可驕屠狗吹簫竟誰是咄嗟獨困英雄
人漢庭公卿盡金紫子康子爾不能學人椎魯不
識字爾不能學人訛訛不知恥修撰竟非闥豎黨
丈夫豈用鑽刺起反將側目恨轅生但亦少年逢
灌氏昨者官有行太僕乞骸被劾承風指勇退曾
無一獎書吹噓敢復言薦士行路難歌莫喧送將
歸舌猶存抱經高臥澣西園何似陸沉金馬門天
池六月且一息九萬里風鵬飛翻龍門之草蘭臺

札馬班世史爾家閱何處千盤太白山相思一片
長安月

署夜齋居詢朱計部子得沈儀部伯英

閨月值暑宵掖垣隔齋室文筆倦忽展道書閒自
帙客從何來亦遽集經旬渴似文園日羈宦寧殊
內史留端居頗養徵君疾从淹康樂臨海嶠誰爲
弘明供芝朮慚謝西曹小吏才學持東省郎官筆
郎有平陵朱阿游吳中諸沈得隱侯以吾一日雖
差長稱詩二子皆名流此處鳳城接銀漢此時虬
歐虞部集 西署卷之二 五
水下銅溝豈及潘郎吟騎省但隨許掾坐齋頭歌
拍拍情脈脈笑渠白琅玕碧何許能持慰今夕可
憐江漢思歸客

雨後過太醫姚子階贈歌

天新雨道少人長安市上不動塵博士大夫洗沐
出往往醫卜求隱淪吳門姚君一棐几藥囊亦傍
長安市孝廉素如是名父我交二世及其子衣冠
儼雅儒起家夢持禾穗徵于此姚君昔遇長桑君
倏忽不見非世羣飲以上池日視疾齊趙周雒名

蚤聞禁方至今尚自秘借交持論徒繽紛君不見
青牛先生察鳥情上洛居士善風角姚君藏真異
二子我識越人爲扁鵲

耶寧篇送蔣兆卿

千將三尺芙蓉鏐飛出江津氣煜燿朗寧嶽嶽蔣
先生南向融州作文學融州風土殊不惡今日冠
裳古甌駱父兄耕稼子弟賢戶有詩書家禮樂先
生講後寫梅花五嶺青天雪紛落遠山正解磨隄
廩小玉偏能歌躑躅管毋論白練裘張圖應滿
歐虞部集 西署卷之二 六
朱絲幄歐郎最乏臨池興觀帖愛爾筆鋒勁頗聞
對客輕豎儒我自逢人稱草聖南郡曾開都授堂
融州召起試文章誰云經學持師說不是扶風馬
季長

鼎門行送羅光祿赴南都

鼎門原在陪京裏朱邸黃扉照江汜憶昔 高皇
卜洛時萬年基業江東起苑樹青連鍾阜城谿流
曲引秦淮水朱雀航頭下柵塘東籬園外通花市
江東佳氣正氤氳寶鼎凝祥荷 聖君此時南署

推羅子吾黨通家雅好文竊喜豐水今都邑薦廟
朝陵禮非一太官上公滿漢儀內府頒金儼周日
君不見大江樹錦波如玉煌煌鼓吹金陵曲十家
多傍長千里諸郎猶似烏衣族君去驅車入鼎門
御溝夾道垂楊簇有酒堪留阮步兵報章應待顏
光祿

送閻進士俊甫宰蘄水

十載談經得吾子江都閻生滿人耳今年射策入
長安綰綬翩翩向蘄水蘄水封疆沈蔡南白頭父
歐虞部集 西署卷之二 七
老候駢駢江前襟帶雲夢澤樓上風烟鉅鉞潭長
安送子郊亭餞行春滄上何時見經術誰如三禮
宗徵書蚤下明光殿

送汪進士以虛宰金華

汪子少年才莫匹奉對丹墀期第一試令俄從通
籍年理人初遇分符日浙西大邑潑江涯八詠樓
前幾萬家城臨三洞山山雪春過雙溪樹樹花子
也蘄黃士國寶荊州記嘉魚吳獻臣已陵鄧宗器
名世千秋表鉅公起家百里爲循吏何羨龐元蔣

琬乎召歸可待鋒車使

品泉圖引爲成司勳惟謙賦

君不見句曲陶弘景通籍猶號華陽公君不見竟
陵陸鴻漸著書自稱桑苧翁中冷泉前餐海雪楚
王礪上聽松風二賢先後數百載烟霞氣格無不
同夫子起家澶濮从大河甲秀連台斗鑿流玉瑩
激軒墀藁石錦橫浸池藪性惟高潔冰霜姿才自
清通衡鏡手內觀坐照萬古前不以溜澠掛其口
笑顧謝海客軒然舞而躍龜殼卷何爲蛤蜊食何
樂君不見蘇家學士嗜湘醺岷嶓之源圖作經續
茶以爲譜調水有一丁大瓢貯春甕小勺分江瓶
甘以口腹役雙足何如澄心誦黃庭仰視夫子猶
鴻鵠千秋陶陸垂丹青

宣對紀事爲李又玄管建初賦

萬曆紀元今八年 天子聖學勤精一萬幾稍暇
御武英時爲陽月十三日公車門下宣畫師中官
貴人跪接鄰小臣李玄管稚圭次第諸生就班列
同時待詔慶遭逢有旨上方使給札咫尺彤帷伏

作圖 天顏一笑首披閱絲毫氣勢似神助山河
草木蒙題拂已召主爵錄以官俸視中書舍人秩
裏號白金更頒賜殿前叩頭拜恩出二生遂巡謝
薄技一朝聲價遂無匹瀛洲何羨閭立本琅玕似
勝蕭協律 先朝戴進沈粲儔往往詞臣爲稱述
恭聞 天子昔冲齡平臺召相咨密勿六經朝夕
延講官 帝鑒丹青感良弼二生供奉雖小臣班
伯謹言柳公筆虞箴輿誦古有之願圖幽風寫無
逸

歐虞部集

西署卷之二

九

東方車騎行贈萬伯修

君不見萬君魁壘邊關士讀書萬卷筆爲耜長安
射策見 天子二十聲名滿人耳試令南陽白水
鄉更以元城沙麓宰我昔燕中一遇之和歌忽散
荆高市璽書頻賜偃師侯樓櫓直望扶風時飄蓬
去住隔會面七年稍復執鞭弭寶坻授邑歷試勞
輕輶熟路今三仕君之前令丁與詹我幸同官西
署裏共將邊畧推騰驤何限時才讓開美君不見
茂陵萬修宰信都將軍河北封槐里又不見江東

萬瑛鎮巴丘丞相吳邦冠青史奕世名家不乏人
中原幾見翔麟紫矯首長安日望君丁詹二子長
相俟及瓜斗酒出都亭東方車騎翩翩起

雲夢行答孫兆孺時余將之金陵

三苗刀耕火爲種辰沉南北襄鄖控大荒幾劫尚
窈冥元氣千年猶瀕洞柑橘茶椒地效珍丹銀齒
革時修貢衡山洞庭天地雄楚人七澤開雲夢雲
夢周陸幕阜長華容賦客有孫卽家學自稱牛馬
走丈成迭見鳳麟祥只云何黠辭婚宦早與周顒
歐虞部集 西署卷之二 十
卜草堂霸陵昔遇韓康過洛下偏知薊子藏別去
游吳更游楚寄我詩如新樂府荆山尺玉幾回看
南海一珠寧足數扁舟我亦下金陵江到巴丘第
幾程新亭作客如安石零雨何人和子荆君不見
雲夢珠旗秋獵路思君只誦相如賦

西署卷之二終

西署集

嶺南歐大任楨伯甫著

五言律詩

送華存叔

哲兄書寄汝日日待抽簪
小草山雖出金門陸共
沈烟霞三月夢蝦菜五湖心
何胤歸非晚雙棲托
茂林

典客陪京去先廻蕩口船櫻桃初入市石首不論

錢花亞梁谿雨茶香慧麓泉祇憐留滯者曾學賦

臥裏部集

西署卷之三

一

歸田

勞生

頭白人間世吾生亦已勞積書猶自癖愛酒不能

逃官僅同鷄肋才寧似鳳毛牆陰無筆研一任長

蓬蒿

慈上人夏日見過

碧雲何處至似是鴈門僧馳論無中駟繡經已上

乘泉香金磬茗簾冷紫花藤爲問南宗學今傳第

幾燈

汪和叔南還賦此訂會楊州

同是薊門客送君思廣陵淮船千楫酒江閣十年
燈零雨留孫楚秋風傍季鷹博支南去路猶及采
湖菱

同梁公智李襲美赴平公西莊看荷花

夏木古城烟蟬聲盡可憐觴來僧共裏筆授客談
邊翠蓋圍山幌紅衣淨法筵從知心不染於此學
逃禪

送毛受伯兼寄其舅氏屠田叔

臥裏部集

西署卷之三

二

承家書已授似舅業如何宅相皆雙戟門風自五
紇驚秋朋好散送遠路岐多爲約陂中客滄洲訪
薜蘿

七夕同丘謙之李襲美梁公智莫廷韓集海

子亭聽鍾山人琴得南字時謙之將赴閬

州

巧夕忻調軫佳期且盍簪偶然尋灞岸何必在江
潭綠竹新成曲清醑易滿觥明年星漢望能不憶
周南

陳夢庚入都見過小飲

薄宦八千里窮交四十年酒壚曾不邈硯席風相
憐關氣君能紫山經我未玄何妨餘二子寂寞老
青氈

中秋同公智集佐卿宅

壁月涼如水長安五見秋感君良夕會銷我異鄉
愁客从甘匏繫歌成厭蒯緱清光憐醉影偏照紫
雲裘

題喻邦相容膝軒

歐虞部集

西暑卷之三

三

當鄰穿還坐其如木榻何物情容黯淡吾道足婆
娑歲月羣鷗狎柴荆小草多東山誰勸駕暫可挂
漁蓑

送張舍人使青州因還蒲州

暫辭西掖去東使指鄉亭蒲坂臨河白雲門接岱
青齊風堪論樂韋相待傳經知爾銜恩重隨春入
漢庭

梁詞部朱計部伍金二中舍携酒夜過

西風鳩鵲觀隱亦傍金門客並桃花騎宵携竹葉

儲匡牀聊且坐長鋏未堪言似慰相如渴惟應學
遊喧

彰義門重別陳夢庚

薊雪苦分離青氈君莫疑韓公方下教趙德始爲
師海市江瑤柱山城綠荔枝故園行漸近書札報
相思

夜同朱計部子得集沈儀部伯英宅得詩字

吾從二子後猶有一尊期游倚朱家俠名推沈約
詩簷花飄絳雪宮漏報緇帷卜夕懽娛地歸鞍北

歐虞部集

西暑卷之三

四

斗垂

茅平仲梅客生沈叔成馬用昭朱汝修盛泰
甫招集苑西草堂同李襲美李惟寅梁持
伯分得西字

旋馬何年宅雕龍說客棲星搖宮樹外月過苑牆
西移席仍深酌含毫每共題東行真氣近猶得傍
金閨

萍劒圖爲張仲率賦

入江來萬里特以萍吳鉤波似清漳夕山疑赤墮

秋含光開電照飛景帶星流好去張公子時時看
斗牛

破楊館爲姚伯餘賦

翫世山中榻尊生意歎偏曲肱聊可枕當鄰不妨
穿綠篠琴書側青雲戶牖前遽然胡蝶過看似漆
園年

送郭方伯應宿致仕還滇中二首

玉陛辭榮去銀章解職歸水開尋竹堰月出照蘿
衣岳牧名何忝漁樵計未非昆明天萬里惟有白

歐虞部集

南署卷之三

五

鷗飛

春風吹祖帳送客上東門行路應空橐離情更一
尊歸逢洛下社灌似漢陰園從此螳蜋側懸車頌
帝恩

寄張羽王

書札經年到建章春色開荆衡雲盡入江漢鴈方
來西笑今何遠南冠且莫哀豈因鸚鵡賦能困禰
生才

春夜同朱子得沈伯英酌袁文穀邢子愿于

子冲得人字

少別已三載都亭把袂新兕觥飛莫算鸞燭坐偏
親歌豈燕中俠談多稷下人上林花事早能幾醉
芳春

送楊太史貞復請告還惠州二首

詞臣君最少早已荷恩私日直螭頭筆春隨豹尾
旗居燕先築館過鄭雅稱詩暫去青冥遠能無憶
鳳池

上書頻請急南翥許誰從海賦三千字雲棲四百

歐虞部集

南署卷之三

六

峰病能攀薜荔游且采芙蓉馬史毋留滯歸來頌
漢封

寄永寧倫明府

風流爲政地聞道桁楊閑舟泛琴亭水樓看玉筍
山書勞馳鳳闕入奏待鵷班仗內雙飛鳥仙郎幾
日還

送俞文學國聲赴永寧

名邑表儒門江通潁水源書携三篋富坐擁一壺
溫白鹿風偏遠青蓮道更尊圓橋人望久來頌漢

家恩

題詹東圖醉茶軒

楚客誰來卜逢人畏獨醒
雨前炊石銚月下汲江
餅名子翻經室鬚髻問
字亭天門清醉後操筆
爲君銘

夏日同沈李盛梅梁董朱李諸子邀余君房
袁景從馬川昭張元易集呂道士館得醒
字

頻來京洛會詞客滿西亭
急拍搥花藥飛鞍續酒
歐虞部集 西署卷之三 七

瓶世客方朔避狂似次公
醒尚記詩成處多題竹
上青

送張翁積下第還慈谿

萬樹垂楊色扁舟下漕渠
途經越絕紀家學鄒中
書曲水會秋禊滄江逢夜
漁三千持奏牘何日詣
公車

同金擇陽趙彥卿過梅客生館翫晉唐諸帖
園林歡客至何損下帷情
朱果多垂檻黃鶯尚滿
城臨池千歲字鏤石幾家
名且莫陳油具從嘲太

瘦生

送殷子莘倅興化

捧檄監州去東南得勝遊
荔枝紅照日茉莉白含
秋地盡閩中郡天連海上
樓詩書深佐理歸拜富
民侯

贈黎孝廉君實還袁州

公車新奏牘何自楚天涯
高士曾名郡詞人此寄
家秀江分竹箭小閣傍梅
花莫學南州隱 君王
待賜麻

歐虞部集 西署卷之三 八

送王養之還姑蘇

燕趙謝裘馬飄飄凌紫霞
談宗遙破的篆刻舊名
家五嶽昔年路三吳幾日
槎虎丘池上水爲我問
梅花

胡荆父自塞上以竺西夢言見寄

導師今有願密義少能酬
坐下麗居士林間帛道
猷一庵嵩室夕雙履塞門
秋豈必西天竺何方不
可游

方武選子升龍別駕君楊
朱計部子得過飲

諸郎稱宿學名姓滿西都易出燕家豎騷如楚大
夫宦情經歲月客路半江湖交莫論深淺酣歌向
爾徒

新河宋應元汾州張子翔同枉齋中

高士雙藜杖潛郎一草廬詎云埤上宅不似茂陵
君齋頗鳴僧磬閒能讀道書逢君談半偈禪理更
何如

周元孚使還同朱子得夜訪

一輶經歲返奏賦亦雄哉霜過燕關落秋隨楚客

歐虞部集

西署卷之三

九

來邊鴻寒欲起城角晚偏催據地酣歌得浮生且
莫哀

西署贈楊進士道行

江左見風標衣冠大省僚晴光金虎署秋色紫宸
朝才可雙簪筆家仍七珥貂問奇吾欲造鄰近不
須招

朱同伯寄四韻見懷且示將游玉笥率爾和

荅

南游憐遠矚西署負歸耕愧我金莖下思君玉笥

行貧寧貪薄祿老但厭浮名差可三升醞猶供阮
步兵

酬沈仲舉同張汝中胡烈卿張誠甫過飲

羣才翮矣集二仲醉何妨蔣詡開荒徑彭宣到後
堂名高金馬署心遠白雲鄉漫道京臺樂燕歌聽
爾長

送民部夏郎中守臨洮

金城秋一望千里直皋蘭虎落遮秦壘麟符上漢
壇駘羗女牧鳥鼠塞兒看君以司徒教篋篋不

歐虞部集

西署卷之三

十

用彈

送聶山人覽還滁州

南譙山水部茅舍托溪棲庶子泉堪酌瑯琊石更
邇仙蹤玄嶽北鄉夢大江西便學陶弘景朱門揖
杖藜

送比部陳郎中守南寧

兩江資控遏南去楚庭開馬退茅亭在龍穿鬱水
來玉符臨駱邑銅柱畫交臺漢吏西曹客翩翩斧
鉞才

荅豫章五宗侯 五首

心往宗雷學勞勞法署臣風嘶朱鬣馬月傍白綸
市金粟名居士柴桑托隱人何因谷密義移艇大
江濱 右荅宗良

一身匏不繫聞爾遂躋攀杖屨麻源上風雲閣皂
間興公傳麗賦康樂愛名山莫似登緱氏空能七
日還 右荅貞吉

夢去愁江遠書來問陸沉全生樗樹老招隱桂叢
溪玉枕私鴻寶銅盤近竹林酬君無尺素先寄五
歐虞部集 南齊書卷之三 十一

游心 右荅魏甫

偶來趨省寺未得向田廬辟橡憑三語逃禪學六
如朱門人似隱白社客猶居儻有梅花信無忘薊

北書 右荅佳甫

海子遶金隄靈臺亦寄棲詩來燕館北人在楚江
西霜落鱸應上沙寒鴈更啼所思同剡水須到武
陽谿 右荅孔陽

九日朱子得見招同周元孚魏懋權劉國徵
朱可大顧叔時王惟允鄒平如姜仲文集

張太師園

重九今朝是登樓傍紫垣天清平樂觀秋在辟疆
園移菊霜飛檻食萸月照尊金錢歡此會長荷漢
宮恩

雨中梁祠部黎司勳過飲得何字

候客東籬下披衣濕已多禁雲栖玉樹街雨濯銅
駝炊桂愁仍破淪英醉亦歌不妨吾卜夜佳興更
如何

送計部朱中郎守南康

歐虞部集 南齊書卷之三 三

中和歌樂職出牧擁朱轡吳楚諸封大江湖一嶽
尊紫宵開石室白鹿飲泉源異代今名守題屏在
帝閣

送屯部伍中郎守永昌

使者銅符去猶勞奉漢條檳榔秋罷貢琥珀歲寬
從花洞千家甃蘭津萬里橋政成新樂府聽爾奏
中朝

荅朱可大以徐迪功集見况

卽有徐昌穀吾來後此公書寧半袁豹賦敢敵楊

雄赤驪風雲上蒼虬海嶽中朱游折人角家學是宗工

冬夜同李比部黎司勳黃李二進士集金舍人宅和得比部二韻

似有新豐酒寒宵不厭過言從鷄樹密詩愛鳳池多積霰花爲界沈雲玉作河鄉心同萬里醉亦粵人歌

金郎侍從後賓客響然臻海內推詞伯尊前得酒人風生鵬鵠氣雪淨犬羊塵此夕歡何極空慚老臥康郎集

西署卷之三

三

角巾

寄蔡判官伯華

謫吏書成否閩中已四年丹砂江客賦斥鹵海王篇鷄犬看茅舍兒童榜釣船主恩曾不薄咫尺五雲天

送梁明府孔適謫閩鹽官

煮海功非細牢盤有幕司一軺勞跋涉萬竈問瘡痍子荔紅雲宴官梅白雪詩時看天仗裏雙鳥入形埤

臘日張平叔謝仲毓姚子階董體仁陳叔維

過集齋中得杯字

雪後銅駝淨勞君步履來祈年平樂觀餞歲濁醪杯繡褥花猶隱銀罌藥未開長卿消渴久何以荅羣才

雪後顧叔潛自晉陵至得花字

把袂三年別憐子髻欲華尊前池似玉簾捲雪成花詩句江南月衣裝海上霞相逢羞拙宦久已慣無家

歐虞部集

西署卷之三

十四

送王中郎希文恤刑山西

春送長安客平反借使車大河波已息姑射雪何如王暢庭無訟鄒陽獄有書泣辜明主澤計日到參墟

劉仲修一產二子

盛德麟爲子名家鳳有雛從來榮五桂誰得似雙珠漢代文長舊唐宗楚大夫應知傳世業經學在燕都

送余進士明復司法常州

江南容易別且醉胡姬樓策馬看芳草聽鶯過遠
郵雨溪楊子渡花傍晉陵舟三尺君持去歸時漢
殿秋

送朱中郎子得守懷慶次其留別韻 二首

邸吏驚相報朱郎佩郡章願停今日騎更進故人
觴露冕太行碧登樓濁浪黃和歌君又去底事老
華陽

七年三送汝久客悵分離官喜專城早春溪臥閣
宜沁園邀月夕濟瀆看山時應有河陽作郵筒好

歐虞部集

西署卷之三

七

寄詩

送胡伯良赴河內便還蘄水

游燕棲未定入洛興偏賒河內看明月天壇掃落
花尊羹吳客句菰米楚人家知有幽期在朱陵吹
紫霞

送張治中孺覺赴留都

誰似張京兆名駒快月題驛程楊子外官閣秣陵
西射雉蕪深翳藏烏柳暗啼詞人非六代莫更唱
前溪

送劉別駕應虞赴松江

大邦資畫諾豈但漢功曹學以家傳貴名因吏隱
高九峰開曉色三泖泛春濤已待王祥起何人贈
佩刀

過董山人館題壁

二十年前客君猶困一經竹仍開徑綠山自下帷
青臨帖窺秦篆題碑學漢銘何人能引薦西看少
微星

茅平仲南歸壽母

歐虞部集

西署卷之三

六

家開幔亭燕園侍板輿游海東秦時色江鱸晉代
秋佳兒歡壽母頌客集名流可是茅容學長安遇
介休

送劉子喬自塞上返汴中

握槩漁陽下劉生氣不平人誰求劇孟客豈失
衡任俠何論賤談兵不用名吹臺高李在歸去掃
柴荆

夏日同劉仲修李惟寅諸子出城訪丘謙之

得飛字

謙之卽日取
道還黃州

西來初弛僮策馬問郊扉以我思鄉淚沾君去國
衣齊梁游已倦江漢賦將歸一葉秋風裏何年向
洛飛

西署集卷之三終

歐虞詩集

西署卷之三

七七

西署集

嶺南歐大任楨伯甫著

五言排律

遼后粧樓爲雷雨所敗有述

萬曆七年五月初四日

遺蹤深閨寂異代久崔嵬自昔瓊爲島猶傳壁是臺上都荒屋社廢閣棄山隈井畫多存藻闌珊半漬苔凝丹隨日轉積翠亘天開林殿黃圖勝宮池太液迴脂曾波共賦鏡與月俱摧花尚窺粧發鸞仍學舞來千秋餘草木一夕逐風雷河岳雲俱幻

歐虞部集

西署卷之四

十一

烟霜劫有灰秦年驪谷在漢日柏梁災不用留殷鑒周基萬歲培

輓高封君六韻

學省榮封典恩從闕下頒教方推石氏年頗似商顏醫論深藏篋儒名老閑關頤情三釜食真宅四明山薤露棲丹旆松風灑白綸何時華表上如見鶴飛還

答張元易扈駕還見過

舊直東華省西行扈從勞供隨周日膳賜有漢宮

袍薦熟調陪組分麾傍建橐官推三署長家出五陵豪鼓吏名偏起鏡歌曲自高揚旗歸輦轂騰吹下林皋豈謂顏光祿能尋謝法曹雙童裝鞵軋一騎入蓬蒿握管題新句揮觥醉濁醪知君工奏賦游幸待王褒

邵氏園飲十韻

選勝名園入尋芳上苑旁水從穿渭小山似像嶠長繡卉新成幄銀冰乍滿塘嫩篁千畝綠秀檜一林蒼烟散窓前色風飄院裏香芬菲移御宿歌舞過平陽鳳曲遮團扇鶯簧送羽觴宴酣金谷墅心遠陸渾莊紛擁雕鞍出歸來壁月光五陵賓客地偏媿少年場

答黃說仲

朗士何方至東南喜得朋游燕賓館築入洛客舟乘舊學傳宗伯名家出杜陵墅開金谷水窓對玉壺水麗句霞偏綺清言月共澄大渦滄海倒委羽白雲升佩請羞焉敢瓊投報未能秋風憐去住應記法堂燈

歐虞部集

西署卷之四

十二

程將軍輓詩

素封金紫貴車騎一何都華族惟修禮將軍本好
儒玉麟三殿詔銅虎五兵符白髮官寧羨黃山老
自娛兒更名郡綬家泛小溪舫歲月槐先植園林
草未蕪題阡新宰木寄奠媿生芻榮戟空瞻切舍
悲向酒壚

歲二日陳博士伯符邀集永上人精舍同余

水部君房沈比部箕仲魏太常懋權姜計

部仲文賦得六韻

歐虞部集

西署卷之四

三

獻歲諸郎會彌天此地逢日中蒲饌進春到首盤
供客坐頻傳掌僧來獨扣鐘談詩禪是境問法性
爲宗三舍吾曾避雙林尚許從不須樓百尺从已
拜元龍

送鷄澤徐明府

授邑曲梁澤君行笑割鷄地雄漳水北城倚太行
西趙壁衙山出燕駒向月嘶戴星秋省稼禦雪夜
裝綈百廩黃金堰千家白馬隄分符仍重寄塌羽
未卑栖才子憐徐幹詩名似萬齊恩偏移內甸游

不號愚谿酒送雙藍尾書成幾赫蹏陸沉猶有客
相憶在銅閨

送陳以清赴嶺南藩幕

隨牒到官舍王程行自催暖烟霑碧柳春雨熟黃
梅五渡峽中過三江天際來滄波通灝溔炎嶠鬱
崔嵬關重秦時戍樓平漢日臺幕中迎印綬署裏
掃莓苔海市珠爲寺山醪玉作壘歌殘花嬾娜客
散月徘徊趙尉稱藩地陳琳記室才粵吟歸有日
北望興悠哉

歐虞部集

西署卷之四

四

劉仲修園賞牡丹蘇以時袁景從李襲美同
賦花字得十韻

西園寧待約爲有洛陽花踈柳張新幔垂蘿拂小
車人歸盤谷日春似曲江涯凝紫雲停人披香露
引斜翠騎霜海萼紅笑雪山茶溪浣重重錦城開
片片霞席茵憐國色池簾冠京華酒愛劉伶頌詩
傳謝監家呼童維夕馬留客到昏鴉縱遣歌聲送
依然在絳紗

西署集

嶺南歐大任楨伯甫著

五言絕句

題襟畫 四首

蝴蝶

倦雨宿南葑穿烟起西美栩栩樂何如猶然漆園

夢

螳蜋

綠條茂陰時冠角奮其臂齊侯一迴車勇士如雲

歐虞部集

西署卷之五

至

蜻蜓

見爾芙蓉泥點水欸欸飛黃頭權船去半濕輕羅

衣

海螺

雲浮海螭房日烘蒲羸甲依然汝南陂不似桂陽

峽

題成勳部所藏尤求畫 十首

青障蠹林霏白雲暎江水何人出世心嗒然隱吾

九

曉烟澹巖戶石磻一橋渡望中雲術遙似是昇真

路

鹿場何者栖虎谿未爲僻松根煮茗時山齋待幽

客

霞起冠嶺色瀑下飛空寒興公如未賦勝絕誰能

看

霜樹寒猶勁風濤急未流高亭天畔色寂寂半江

秋

歐虞部集

西署卷之五

二

遠樹雲屯深平蕪鳥飛急春色過棕亭江天片帆

入

何人一出手釣得四十九天寒鴻鴈來川淨鷓鴣

走

紅撲章臺路翠滴灞陵樹馬上少年郎西向長安

去

山溪豹子林江迥桐君閣客來抱膝談悠然在廬

崔

龍起南方注虹橫瀑更飛誰令丘壑士無意戀荆

屏

友芳園襍詠爲呂心文作 二十五首

玄覽樓

躡步登茲樓冥心白雲裏智慧想不生吾以觀無始

振藻齋

牕間白鳳飛牕裏青藜過客來問著書君自高齋坐

素心居

歐虞部集

南書卷之五

三

南村素心人頗就陶徵士長歌歸去來昨非覺今是

陽和洞

山人鍊九陽晞髮朝如沐何處學長生石上采昌

歌

薔薇曲

謝家明月裏曲曲是薔林不用東山妓雲停翠幄

山磬障

春深入始歸已見花如霰日夕東風吹飄颻雲母

叢桂阿

何年金粟樹留客憐樛枝淮南招可隱一詠小山

香玉蘂

房櫳深幾許濛淡梨花月有酒且共持莫待飄成

柳竹巷

歐虞部集

西書卷之五

四

垂楊深巷中密篠空林曲門開栗里烟酒送湘江

芙蓉堤

夾堤千樹錦留得拒霜開采之何處寄還待涉江

湘雲徑

瀟湘一片雲春深籜龍長唯有裘與羊支笻日來

晚香徑

巖鞠有黃華寒香霜下秀江州酒不來采之滿衣袖

總芳徑

旖旎萬花谷一徑綰其口儘容問字人不妨日携酒

大雅山居

有待覺爲煩委休已堪老雅音未寥寥書帶千年草

牡丹臺

歐虞部集

西署卷之五

五

買得洛陽花飛來赤城霞誰云山步障不似子雲家

堯李園

金城樹成錦青綺花如練河陽解歸人夜夜春園宴

松月臺

月上徂徠前疎松影在地偶寄聊一適婆婆漆園吏

長生池

會心豈在遠此有濠濮想烟開魚戲來春動鷗波長

友芳僑

滄萍西池下芙蓉陰渠水幾曲赤闌橋門似高陽氏

清修草閣

城帶禦兒溪林出臯亭巘先生不下樓風篁引雲棧

心遠處

歐虞部集

西署卷之五

六

道可義皇上心惟寥廓間所以采菊人悠然見南山

凌霄石

閣前到公石獨立良亦難何限凌霄花冰霜共嚴寒

長林石丈

削成一峰尊嶽嶺勢無敵千秋大呂亭青入岱宗色

聽溜石

竹間鳴瀨長冷冷七絃響漱石枕流誰松風助幽賞

長林石几亭

湘中琳琅碧嶽頂蓮花白隱几溪竹中塔爾天游客

西署集卷之三終

西署集

西署集卷之五

七

西署集

嶺南歐大任楨伯甫著

七言律詩

送于殿講可遠謝病還東阿

講幄西清學士班綠槐丹陛侍龍顏病從金馬新
辭闕焚却銀魚自閉關精舍漸生書帶草世家原
在穀城山東歸玉舄春無恙欲共青驪海上還

贈寶藏太師

師來京洛從隨緣記臘松枝石榻前兜率天中先

歐虞集

西署卷之六

一

四日無遮會裏後千年寶臺藏現金輪色白馬經
傳貝葉篇爲問遠公諸弟子雙林何似虎谿禪

送胡憲使飭兵天雄

西行開府擁旌麾繡斧人看十載時肘腋最雄三
輔地 朝廷今重北門師趙符已得臨燕代漢節
曾持過月支回首春明應漸近莫令虛負曲江期

答朱兵憲秉器潼關見寄

百二關城借使權河山半在節樓前仙人掌上浮
雲過玉女池頭片月懸舊好幾家留筆札中原何

地問橐鞬側身西望驂騑遠沉陸金門祇自憐

賀蒙中丞加 恩賜誥拜壽太恭人

江光嶺色起嶙峋歲歲金書使節新軍府共尊中
執法 主恩先賚太夫人樓前朝宴爲鳳海上
秋風脯是麟開道瑤池明月裏西來青雀更逡巡

送雷大將軍出鎮西夏

一代鷹揚出武威虎頭燕領似君稀馬經棧道風
爲御箭過天山雪共飛盟府勳名開世閭璽書銀
夏總戎機西征自昔封侯地驃騎歸時拜袞衣

歐虞集

西署卷之六

二

送謝侍御叔蒙按浙

江夏名家一鳳毛使星南斗望偏高赤城不斷霞
前色滄海遙飛雪裏濤登閣浮雲爲越鏐據鞍明
月似并刀君收竹箭歸來日能憶長安對濁醪

送馬憲副睥卿赴滇中

關門攬轡意如何六傳秋風使者過諸葛城邊臨
虎豹葉榆河上駕鼉鼉千峰疊帽吹霞散萬里凋
房傍月多開府論功誰第一竹橋西聽博南歌

聞馮武選悼愛姬

王顏一夕忽凋零
綠筆曾題滿畫屏
三峽行雲眉黛翠
九峰明月鬢鬟青
梨花夢遠將愁去
桃葉歌殘掩淚聽
白傳多情魂未返
燈寒猶諷佛前經

送易侍御惟效謫東平判官

浮雲忽散薊門天
何處秋風不可憐
手版東方車騎日
錦囊名岳岱宗年
澄清自許人猶望
畫諾因知客最賢
豈用路旁稱繡斧
使君惟去更高寒

送江比部士振使關外因歸錢唐觀省

江淹詞賦綵毫新
七葉衣冠況世臣
瑞節千山金嶺使
竹書三署白雲人
過家因得停車騎
上壽應知望紫宸
京洛風流偏待汝
何能不憶五湖春

歐虞部集

西署卷之六

王

吳舍人輓詞

秋風一夕下高原
猶憶先生舊灌園
橐筆早辭雙鳳闕
御車曾訪八龍門
庭前蘭菊應無恙
溪畔鳬鷗幾尚存
想到石麟封墓處
刻銘能頌漢家恩

王員外宗魯鳳精筆法兼習內典輒以玉版

紙求書梵經戲爲之贈

學參天竺久相聞
才子爲郎幾似君
曾共捧冠游

楚苑故煩貝葉寫
經文諷來慈氏琅函字
筆掩羊家白練裙
藏得山陰三五帖
便應溪閣署鵝羣

過喻水部邦相留酌得顏字

邦相曩謫楚中量移天台以憂

不赴茲入都待補

楚歌何自入燕關
聞是恩深早賜環
蘭芷並含公子淚
芙蓉雙照逐臣顏
句因謝客題精舍
疏與匡君乞障山
他日清觴那可共
天涯吾已倦知還

送喻邦相量移蘭谿令

江縣栽花又一時
問君何似采湘籬
十年曾起諸郎草
三署能傳水部詩
靈洞浮槎多湧雪
蘭陰飛磴半臨漪
分符莫嘆勞人地
宣室歸來正受釐

歐虞部集

西署卷之六

四

送談思永下第還江南

咸陽貂弊出關遲
回首丹青未易窺
曉色樓臺長樂樹
秋風麟甲定昆池
飛騰有路時猶待
摧落何心客自悲
劍氣尚寒星斗側
大江南下寄相思

聞宗良君侯摩尼齋成

一珠持向豫章開
豈用繡經百尺臺
大德已聞多竺慧
及門何但似宗雷
食風客以名山至
發願心

從淨土迴弟子雖然猶嗜酒秫田拋却早歸來

九日登求上人藏經閣同沈比部箕仲沈虞

部少卿陳博士伯符分得開字時王宗魯

張文起二中郎不至

閣擁慈雲傍闕開雙林如此足徘徊似緣把臂人
曾入豈爲攢眉客不來發願同游依淨土登高作
賦借雄才河山并引中原日誰羨秋風戲馬臺

送牛虞部主鐵冶薊州

使者東行霜色繁馬頭笳吹不勝喧孤城明月無

歐虞部集

西署卷之六

五

終國千樹秋風古薊門倚壘黃華開障塞周陟白
冶斥山園漢家金鐵通關少願借前籌答帝恩

李臨淮惟寅邀賞菊同社中諸子夜飲得橋

字

燕門秋色白門遙金谷黃花總勝招樹急西風連

露掌城橫北斗貫星橋角聲欲動樓鳥起蠟炬頻

更撝馬驕何限游從工筆札柴桑歸計在漁樵

俞舜岳至得劉評事長欽見訊因酬原韻

尺書新得故人裁笈裏雲霞手自開舊學知從劉

向授虛名寧爲鄭玄來幾聞郢里陽春曲何處秋
風白下臺若問講經同異事石渠今待漢家才

寄屠青浦長卿

四明才子建安風曾向陶郎賦月同誰可穀陽留
召父已聞東海得于公商飈開館初辭燕碣石飛
書不待鴻五斗濁醪能餉客問君何日醉新豐

贈李小侯汝藩

虎門曾見繡襦褕抗手通家愧老夫白髮我非秦
博士緇衣君似鄭司徒歌中叢桂招能隱曲裏陽

歐虞部集

西署卷之六

六

春調轉孤握管珥貂俱世業獨將名姓冠西都

送張武選于臯守成都

霜色燕郊橫吹聲西南天府借君行交龍曾寵巡
邊使五馬今成諭蜀名巴子市通邛竹杖花溪春
滿錦官城不知劔閣題銘後何日能來賦二京

至日署中齋居簡諸僚

官似太常齋未開春從廷尉府初迴曲中蘭向梁
園入句裏花吹庾嶺來候氣此時縱是室書雲何
處玉爲臺佇聞三署傳新詠已讓羣公寡和才

送蔡叅軍赴真州

淮海上游張地圖大江何況湧城隅白沙渡口千
帆急皂角林前片月孤曾下樓船沈鐵鎖至今軍
府握銅符看君豈但蕪城賦掌記才名在兩都

王敬美入覲以禁不晤次沈伯英韻

奉璽何年綠綬郎趨朝云自楚人鄉鹿皮今薦明
堂壁鷄舌猶含舊省香湯沐我空懷漢邸笑談君
尚隔燕陽青春倘拜彤弓賜可是懽逢在建章

雪中早朝

歐虞部集

西署卷之六

七

夾陛朱衣炫曉霞鵷行相顧襍雲斜雲深丹地渾
成玉日上彤樓尚散花沾帕乍嘶天仗馬凝牕先
起禁城鴉闕寒莫奏烟霄曲睿藻從來出內家

送王比部宗魯守肇慶

軍城雄寄古端州虎竹今分聖主憂五袴歌因
廉叔至三楓詩似范雲游天開嶺嶠登樓見江下
牂牁遶郭流便欲移家栖石室敢將縣榻望君侯
王憲副敬美入計以病乞休張中丞肖甫與

余各賦一詩兼懷長公元美

乞身豈爲病蹉跎欲向柴門掩薜蘿家近烟霞雙

草靨江深風雨一藤簑岷中客自能携酒市裏人
今少和歌誰似二何高士傳瑯琊秋色鬱嵯峨

送袁員外茂文轉僉憲赴廣西督學

西粵千秋大楚庭瀟湘南下更冷冷遂勞遠使臨
丹微一出長安望紫冥雪後嶺雲開閣白烟深江
草入帷青召歸儻以春秋對何但蒼梧左氏經

敕長藩政爲弗斯邦侯作

大江西下豫章臺朱邸千年帝子開漢代擁旄

歐虞部集

西署卷之六

八

傳詔出周家剪葉奉藩來人從赤舄尊明德世以
青箱見異才揖客淮南招隱地小山叢桂更須栽
送陳貞父守光州

銅虎符分甲馬鳴雙旌遙送使君行黃河南下三
千里浮弋東開十二城賓從只今推大雅循良寧
復數西京憐予曾聽絃歌地何限并州此日情

春日同劉仲修李襲美李惟寅邀詹東園康

子秀余君房劉伯玄袁景從梅客生胡文

甫祁羨仲胡茂承湯義少魏懋權李季宣

董元仲集日涉園分得飛字

辟疆園裏報芳菲海內詞人此會稀白雪從來推
寡和青雲猶自羨雄飛林花夜照尊前色宮錦春
披月下衣何限留賓投轄興可能無意戀荆扉

題胡孟弢匡山讀書處

負笈中林白鹿前草堂何但似青蓮玄風大士通
三昧金粟如來第幾傳簫管壁開喧蟋蟀薪蒸樵
後得貂蟬名山西訪藏書地欲上鄱湖月下船

春日過蔣奉常

歐虞部集

西署卷之六

九

丹鳳城邊紫陌長容臺猶許客登堂湘灘故國連
南粵燕趙他年望太行散吏自趨廷尉府過江誰
作尚書郎漢家禮樂今方盛七字看君賦栢梁

答黎伯華登岱後見寄

君入名山禮漢壇幾回西笑向長安白雲半自封
中起積雪多從石上看仗外旌旗開曉色江頭宮
殿護春寒懶朝尚待乘輅客咫尺應彈貢禹冠

送張比部文起擢守保定

京西雄郡似星羅三輔名因保障多夕燧不閉通

上谷春流猶自下滹沱車前馴鹿千人望庭裏懸

魚幾客過盡道匈奴今遠塞控弦鳴鏑更如何

酬朱兵憲秉器以華嶽諸詩三秦石刻見寄

金天石削引丹梯使者書從眉鼻題碑集秦中珠
斗燦筆搖華頂綵雲低臨關小隊閒飛檄寄驛新
詩滿赫蹏最憶詞人庾開府風塵何處望函西

送張秦二僚長扈

駕謁陵

時恩賜白金紅紵

騶驪寶馬去如飛法從承恩此際稀九府賜金陵
下食尚方裁錦輦前緋衣冠原廟瞻朱綴日月橋

歐虞部集

西署卷之六

十

山擁翠旂扈蹕遙知多喜色汾陰歌吹御船歸

送齊黃門惟良冊封淮府

瑣闥人自豫章才持節花迎驛路開漢使風雲千
騎下淮王賓客八公來宮亭湖白濤爲國千越山
青玉作臺家慶遙知南斗外可能中夜望三台

玉河隄上見新月時入直署中

弦月纖纖照馬蹄竹書猶把署中棲溝前垂柳穿
林影禁裏新鶯過水啼縱騎紛隨秦苑北朱旂深
護漢宮西倦游不記長安道一望關河怨解携

送盧叅軍赴兩淮轉運

漢日金隄障大河使君擊楫莫蹉跎淮邊蟹稻應
無恙海上魚鹽更若何夜雨人家楊子渡秋星客
醉竹西歌秦川對酒平如掌去賦溪江淨綺羅

送蕭進士以孚餉邊因歸漢陽省親

五花驄去曉駸駸恩許寧親此自深漢上從來榮
片玉荆南誰得似雙金合符關吏看星使護餉材
官出羽林歸誦元方馳戀賦白雲何限太行心

署中答臧進士晉叔因東余進士君房

歐虞部集

西署卷之六

七

鞭弭中原幾代興少年何羨老夫能折腰因米羞
彭澤病肺無書負茂陵客食每思金掌露齋居長
對玉壺冰洛陽紙爲西曹貴更向余郎乞剡藤

送魏季朗赴鎮江文學

才子今爲都講師曾將奏牘上彤墀書題京口三
山長去問延陵十字碑首宿有官無飽飯茅柴何
處不堪詩竹西尚記緇帷在江上尋君自可期

夏日齋居得雨和黃君慶

郊禋盛典肅羣工握管多傳法署中五月旱荒勞

詔旨萬方雷雨過齋宮當廳杏葉添新綠傍砌葵
花放小紅何限甘泉供奉客賦成誰敢似楊雄
午日同袁景從李凝伯二中含集劉觀察仲

修園中得公字

槐陰堂下快雄風艾葉蒲花映酒紅歌妓獨能娛
謝傅坐賓誰最似申公內家蕭鼓喧闐裏太液樓
船想像中園傍西內是日上奉兩宮閣射御龍舟於內苑聞道至尊深
望雨片雲時復過簾櫳時有詔新雨

文華殿侍班宣廣西十寨大捷

歐虞部集

西署卷之六

七

左掖趨蹌步不遲鴻臚新整漢官儀仗移講殿開
朱戶班引朝簪上赤墀日影觚稜雲五色露光戈
戟玉千枝小臣十載看銅柱山越今歡奏捷時

陳膳部子壽朱計部子得携酒見過得留字

茅齋竟日少淹留好事偏能載酒游杞梓荆南逢
此客琳琅湘北似清秋談溪雲起三千牘歌後涼
生十二樓便作禽魚濠濮想吏情何處是滄洲

送馮鴻臚文在待次南還

漢家典謁重句臚曾向諸儒議石渠三府賢良爰

季奏五侯筆札子雲書舟同賦客堪游汎樓似仙人且燕居交戟幸逢明盛日豈容簑笠狎樵漁

送謝進士見齊奉命歸娶

少年得意曲江游詔許寧親擁二騶臺上吹簫翔
綵鳳河邊停織待牽牛杏花拂蓋燕城曉桂子飄
香海國秋何限主恩榮畫錦鷄鳴歌後莫淹留
庚辰伏日道館苦熱時歸懷不遂戲柬胡聶

二山人

一官鷄肋尚悠悠赤日紅塵老更愁可怪冷曹偏

歐虞部集

西署卷之六

三

苦熱非關衰鬢怯逢秋青松蔭石山中几碧浪黏
天海上樓拋却清涼君莫笑靈臺還伴董京游

答李學憲本寧秦中見寄

二首

文印親持走傳車七經教授似相如每從北面爭
傳業何但西游強著書鷄鵲月華臨古甸芙蓉岳
色滿精廬可堪玉署廻翔客一出承明十載餘
五花飛躍九衢間尚隔雍州百二關虎觀中開秦
日月龍門東注漢河山黃圖宛映台階象赤管將
趨侍從班方朔陸沈今已久酣歌銅馬望君還

雨夜梁祠部持伯宅喜黎司勳伯華至

天邊處處望鄉臺从客相逢亦快哉疎雨忽從京
甸過片雲新自岱宗來烹魚河上頻書札下馬燈
前共酒杯醉後不知沾濕去密荷深竹一徘徊

送陳膳部子壽沈儀部伯英使畿內諸郡

三輔東西幾驛程太行山翠撲飛旌灑途雨爲諸
郎送入部星占二使行鵲下橋堪通漢渚鳳鳴臺
自傍秦京洞簫總待王褒奏早擅南宮作賦名

答梅禹金江上之約并以子寧集見寄

歐虞部集

西署卷之六

四

書來字字勸加餐投効誰知去亦難落月只懸滄
海夢秋風先到薊門寒豈求白雪人千和獨把明
珠萬里看春穀泉香堪釀酒片帆吾自下江干

次韻酬陸伯生見贈

愛君詩句起沉冥結托烟霞伴酒星三載歸心懸
海岳幾人揖客重朝廷握從漢署蘭空碧游似山
陽竹更青名士一時推入洛陸家才自出華亭

臧晉叔辭邑得荊州教授因答其乞蘊之作

聞向金門謝宰官傳經偏乞一齋寒果將絳帳趨

南郡故取純緇製小冠飲酒讀騷差自快據梧支
策未辭難青氍敝矣寧堪送荆岳岷江贈爾看

題飛來寺圖

中宿禪林幾度過跣趺石上訪彌陀門開山色荆
衡盡峽東江流駱越多翡翠經春栖枳棘獼猴深
夜掛藤蘿遊人獨把禺陽竹爲問西來意若何

同方武選梁祠部黎司勳携酒過金舍人宅

得新字

柳市南頭可卜鄰若爲策馬傍風塵且從鄴下劉

歐虞部集

西署卷之六

主

公幹共訪樊川杜舍人行散不妨供几杖醉來誰
許吐車茵甘泉萬樹商飈急从客應憐白髮新

七夕同袁光祿黎司勳金舍人朱山人集梁

祠部宅得秋字

喚班初下紫宸秋內史尊前暫倡酬八月槎行虛
客望雙星橋在起鄉愁絕交不似嵇中散漸老偏
思馬少游京洛衣冠憐此夕忍令烟艇待滄洲

同李襲美寄方永叔

年少登壇氣已雄翩翩名字起河嵩兒爲謝琰尊

安石家有蘇環號許公丹穴翔鵷皆似鳳青萍結
佩自成虹鼎門日望風雲色橐筆應來直禁中

送江都闕入賀還滇中

彤弓拜賜擁鳴騶共道將軍是虎頭笳吹南臨千
部月樓船西下五溪秋滇池戍久秦莊踰越雋人
思漢武侯闔外功看銘柱日巖城百萬肅貔貅

送孫太史請告歸無錫爲封君壽

北扉書奏未央前詔許寧親下九天葭管暖吹江
縣酒綵衣歸拜玉堂仙歲收松實供調膳春送梅

歐虞部集

西署卷之六

主

花入舞筵太史公家尊世業龍門編簡又千年

徐子漸林汝學許子鳴三山人秋夜過集得

秋字

開軒新典鷓鴣裘風葉霜花滿御溝星漢幾回看
七首河山曾不邈墟頭書成似是潛夫論壁在何
坊說客游籍甚二豪拚酩酊尊前蕭瑟薊門秋

答周姊夫文邦過蓬園見懷

菊荒江上園雖小竹長門前逕自開幾客杜陵曾
从待一官彭澤未歸來虛憐姻婭過逢地老媿班

行侍從才敢似周家負猿鶴移文須爲北山催

答內弟陳七見寄

六載長安白髮新勞君尺素憶交親江鷗似問辭
官日握馬終慙報主身莊舄有吟偏戀越仲宣
何事未歸秦登樓一望西樵色七十峰頭待隱人

送朱進士希尹司法洛中

西署逢君共握蘭奉恩猶是理爲官三塗雪傍城
頭過二室雲從閣上看河月開尊吟夜色洛花移
檻護春寒省中人憶周南客柱後冠新更一彈

歐虞部集

西署卷之六

十七

冬日酬徐孔學陳以清二明府見過

海內詞人見面稀况能持贈有珠璣正懼洛下相
携入似慰咸陽人憶歸雙轡忽傳驅馬至五絃吾
自送鴻飛尊前君解沉冥意應笑名山未拂衣

雪中齋居和黃君慶朱可大二寅長韻

葭灰將動一陽微向夕齋心坐未歸銀燭雙幾開
閣待玉麟千片傍簷飛梁園賦後歌能幾郢曲從
來和者稀最是僊郎工麗藻同時三署有光輝
西曹齋事已三廻幾得華堂對雪開珠樹鶴留青

玉檻瑤池花送紫霞杯禮逢一代觀周日詩似諸

臣入鄴才聞道君王書殿裏閱寒誰奏頌章來

李臨淮見邀同李比部湯內翰袁秘書梅孝

廉張光祿盛胡二山人集道院登紫微閣

觀雪得城字

空裏丹梯百尺行日邊憑檻看飛霏花成華蓋中
天閣玉作長安北斗城瑞氣峻嶒諸時出商雲縹
緲五山平梁園盛有鄒枚在猶借相如賦客名
雪後和答朱孔炎并寄方允治

歐虞部集

西署卷之六

十八

何因授簡上平臺朱邸參差夕照開積雪流從桐
相下白雲飛度大梁來校書劉向今方遠典禮孫
通尚未廻千載漢家逢盛事一時人待宛都才

寄送王憲副敬美督學秦中

關門驅馬鏤銀鞍尺一依然柱後冠書掌四方周
外史地雄三輔漢長安儒宗經笥勞題版弟子緇
林列講壇自昔河汾家學貴風雲須向二華看

答朱兵憲秉器九日潼關見寄二首

鳴珂何地憶相從南北重陽不可逢河上霜應流

九曲閣前花自削三峰酒錢肯送陶元亮官粟堪
歸那曼容留滯誰令類極目佩萸猶聽未央鐘
登高聞汝在關城重鎮今屯十萬兵霜角曉聲臨
號畧露盤秋色傍秦京千山白鴈書猶寄一院黃
花徑欲成獨笑太行為客久旌旗遙望亞夫營

寄輓沔陽陳公憲卿次秋夜見懷韻

夏汭園荒難識面玉衡星暗易傷懷歌成孤鳳沒
逃楚書帶雙魚不入淮酒客誰同三雅爵詞人寧
廢八關齋青山終笑劉伶鍾十載知君照已埋

歐虞部集

西署卷之六

五

封少司馬曾公子玉七十初度奉寄

二首

徽省何年賦遂初岳雲關月照懸車緇衣家代司
徒職金匱人際尚父書已詔門庭供几杖且從江
漢狎樵漁歲開七袞方強健憲老還來拜玉除
郢上仙翁鬢未華帝鄉元自有烟霞五千言授
因關尹九十書傳似伏家彭澤尊醪新釀林南陽
潭水半霑花君看瑤草年年長何但青門老種瓜
頃承肖甫中丞草書已得魯公筆法復垂示

索觀淳化舊帖輒寄鄙句

尺素西來寄鯉魚臨池高興更誰如草知張氏名
東漢帖似顏家老尚書烟海游龍長嘯外天門躍
虎半酣餘漁陽敢佐中軍鼓落日浮雲過孟諸

除前一夕用韻酬秦陳朱三同僚枉集時秦
有出守之命秦以恤刑使者行朱轉左寺
與余同署

長安節序總堪憐去住相看況別筵觀出蜚廉朝
紫閣館開碣石傍青天茅柴半落屠蘇後首宿羞
供粉荔前莫向路岐頻擊筑酒人誰似和歌年

歐虞部集

西署卷之六

五

除夕同陳員外周憲使飲王大叅館中

尊醪送臘夜偏寒栢葉椒花何處看闕下衣冠三
署客天涯燈火五辛盤鳳凰城暗星猶動鵲鵲樓
高雪未殘想得同時受恩渥願從執戟奉宸歡

送秦僚長汲孺出守龍安

郡當四塞似羗中銅虎符分漢使同白水半從魚
竅北青山多在馬盤東洞天可躡仇池遠棧閣誰
開隴道雄飛蓋未知何日到蜀人應自待文翁

送邢侍御子愿按河東

薊門春送雪花寒西去千八望據鞍澤路曲通河
水下條華高並太行看歲收斥鹵歸鹽筴部有均
輸佐縣官八使只今如漢日風雲應傍惠文冠

送董侍御惟益按滇中

按部西南天地間威稜久已伏諸蠻滄江可渡曾
通驛銅柱猶存不置關晴雪玉連華馬國秋風花
滿碧雞山便宜封事應條上羗笮行看六傳還

送龔侍御進甫按關中

繡斧曾看渡海行 璽書今捧向秦京臨關青燧

歐虞部集

西署卷之六

主

諸羗寇登閣黃雲五時平百二封疆多并牧三千
冠帶盡干城朔方正借臺中畫從此河湟不用兵
同朱計部李小侯汝藩茅山人平仲集顧叅

軍宅觀燈

芝火蘭膏照積冰五枝何羨綵雲層歲寒亭金促

羣公席春色先催百子燈其燈自下至樂府中霄歌玉

樹酒船何日發金陵邀歡客愧東方朔獨有沉酣

賦未能

送孫員外化光使廣右

嶺開西粵幾長亭入部人看使者星五筦雪飛千

障白兩江山似九疑青察寃豈憚汲求法論獄何
妨動引經水旱更推 明主意汲生歸日奏朝廷

黃叅軍惟衷自廬州入都得湯惟衷金陵書

布衣交已似晨星何限離愁白下亭獨客關山勞
夢寐尺書魚鴈慰飄零監軍覽守濡須督給事仍
留泗水庭誰共葛洪丹竈畔松風蘿月滿巖扃

寄劉伯玄

黃金何處有高臺縱轡中原亦壯哉步比驂騑寧

歐虞部集

西署卷之六

主

論力賦成鸚鵡幾憐才浮沉雙鯉河邊去惆悵三
花嶽頂開久客自堪名傲吏解龜還欲待君來

酬梁少仲山中見寄

嶽巖歷落自吾情白首尊生不用名金馬溪山隨
處隱玉杯繁露幾時成但甘藜藿身長健何有風

雲氣未平羞殺詞臣猶執憲羅浮真欲傍君行梁詩

有簡命詞臣作
憲臣之句故云

寄蘇親家叔郊時六十一初度因致遙祝

兩家世好似朱陳擊壤 三朝祝頌新高臥嘯從

蘇嶺客太平耕是鹿門人閒來日月惟藜杖醉後
烟霞一葛巾綠服更看嫫白髮洛園睢社碧江春

送霍比部彥蕃慮囚兩浙

殿庭五色散朝曦尺一親持奉主恩部內名山
橫地軸樓前滄海蹴天門怒濤好慰孤臣恨大旱
應伸孝婦冤汲黯漢家稱使者至今封事重詞垣

送李中郎伯任慮囚閩中

芳草鳴珂紫陌游衣冠今送李膺舟刺桐似錦人
相待扶荔如雲客覽留貫索光搖滄海夜石尤風

歐虞部集

西署卷之六

七

起大鵬秋好將德意開殷網自昔君王重爽鳩

再上昭陵

幾年裘褐客秦京兩度朝陵使者行隧道松楸
春更長闕寒燈燭夜偏明戟郎久已容方朔園令
何妨老馬卿咫尺蒼梧雲不隔追趨惟有淚沾纓

陵事畢游太初謝漢甫往遊西山余畏風先

還因懷二子

靈旗蕭颯望珠衣寢殿高寒鎖玉扉茅薤九筵鐔
組徹松門千炬環歸急颺曉騎期難就芳草春

山願已違想得驂驪連轡遠雙鳬應向五雲飛

送沈仲舉畢姻還吳江

卜婚京室鳳凰秋歸向松陵擁絳騶脂轄暖風度
廟費機絲涼月獻功業樂安經已傳麟士內史名
何減隱侯應念連枝相待日綠楊紅杏曲江頭

送費給諫國聘僉臬川西

西南六傳總飛揚去日金堤柳葉黃巴子風烟開
樊道峨眉星斗散平羌渡瀘山色猿千隊上棧秋
聲鴈幾行青瑣侍臣多獻納早馳封事入明光

歐虞部集

西署卷之六

七

送陳柳州

竹使符分肅五騶王程寧得少夷猶算緡已重司
農省出牧仍封討虜侯百粵風烟開象郡兩江營
壘接龍州北來上計應能最斗酒期君漢苑秋

送陳司勳惟謙參藩山東

東方千騎出長安負弩翩翩夾道歡滄海幾從杯
底賦岱宗新向案頭看秉圭寄重旬宣遠賜履恩
深保障難君去登樓應戀闕金莖西望不勝寒

三月三日 駕出大閱

金甲雲邊赤電開營圖十二 上親裁和門虎旅
饒歌起馳道龍旂鹵簿來萬里軍聲臨朔塞一時
捷奏入燕臺都人喜見昇平事從此嫖姚盡將才
樂府新傳鼓吹篇佳晨上已帳城烟千官候蹕長
楊館七萃分麾下杜田明月雙彎金是彈浮雲一
騎玉爲鞭禮成講武周宣日不數華林馬射年

送曾侍御子翹按三吳

風流爲政十年餘豸角新乘使者車攬轡誰當陳
仲舉題橋人識馬相如便宜諸疏行應草番鍾三
歐虞部集 西署卷之六 七

江盡可書漕事東南宵旰急水荒何計起樵漁

送曾太史直卿冊封岷吉二府

日高鳴佩下蓬萊冊使親勞侍從才明月富筵開
竹苑雄風揮翰起蘭臺獵看雲夢千驕出書報衡
陽一鴈來共羨過家榮畫錦禁廬人已待君廻

送何太史啓範冊封楚襄二府

翩翩玉節擁前驅人識西來舊棄繻岳色中原標
二室賦才左氏冠三都行經江漢聽鴻度謁入閭
門下馬趨莫向周南留滯久登封還欲借名儒

送尹給諫君潤冊封秦世子

關城百二漢咸陽捧冊親藩重夕郎桐葉剪圭河
水白蓮花開閣嶽雲蒼銅駝一別龍慈色金馬重
來劔舄行歸日正逢停輦待可無封事奏明光

送莊太史仲熙冊封韓慶二府

天邊旌節入秦關授冊諸侯屏翰間隴右獨雄安
定郡朔方一望賀蘭山追趨溫樹懷持管侍從甘
泉夢遶班才子西征應有賦星軺猶得及春還

寄黎惟敬

歐虞部集

西署卷之六

七

辭榮早得臥江關杖舄翩翩日足閒天祿校成書
尚在東都歸去騎難攀真人望氣朱明館居士移
家白鶴山遙壽菊籬一尊酒扁舟吾亦漸東還

寄黎惟仁

十年草閣著書成何但君家第五名東海談詩推
魯賜平原文學待匡衡蘭芝但足齋中供笙鶴焉
知世上情欲酌酥醪尋葛令也應無意望金莖

劉觀察仲修今年六十好道著書喜其神王

也爲詩祝之

雙戟煌煌世憲門
歲星猶傍紫微垣
衣冠八葉家方盛
出入三朝望獨尊
藏枕已知鴻寶秘
著書深隱豹林園
自今介壽秋醪熟
十袞昇平頌帝恩

西署集卷之六終

歐虞部集

西署卷之六

七

西署集

嶺南歐大任楨伯甫著

七言排律

寄吳明卿

湛湛長江楓樹林故人何處寄高吟
城盤鄂渚開雲夢山倚鍾臺望漢陰
鴻起每勞雙目送鳳衰寧爲二毛侵
瀟湘鼓柁曾吳詠風雨操琴尚楚音
結佩早捐蘭畹恨灌畦甘息桔槔心
劉虬不憚移家遠禽慶應期住岳溪
憶昔幾同燕市筑別來三聽歐虞部集
西署卷之七
洛陽礧遙知卞令峰猶距已愧東方陸
自沉紫蓋夢馳思把袂青門書去報抽簪
扁舟南下須乘興未必烟濤不可尋

贈少司冠少陵王公十三韻

峽過西陵秀白鍾明公遇主更寅恭
華陰經學尊楊震江左時名借顧雍
銓部昔年收白屋銀臺封事入金墉
陪京曾統舟師役截海全清戍壘烽
綱紀百僚懽聖日班行八座躡仙蹤
獨持邦法秋爲省常待家租歲有供
置驛賓朋頻請謝樵扉

文史每從容望中霞色三千丈賦裏烟花幾萬重

緱氏玉笙吹似鳳關門紫氣識猶龍蔡山不隔玄

君宅衡岳長連石廩峰早曙此時餐沆瀣清尊何

處傍芙蓉授書客去將辭漢圯上還能訪赤松

西署集卷之七終

歐虞部集

西署卷之七

二

西暑集

嶺南歐大任楨伯甫著

七言絕句

酬沈比部叔成畫梅見貽 四首

西曹筆下古樸枝不減江南楊補之我有蘧園三百樹瑤林瓊塢最相思

江門老翁曾有夢長髯遺以一囊山何似梅花村下月枝枝堪贈美人還

庾嶺千峰花似雪鏡湖一曲雪如花南來亦有梅

歐虞部集

西暑卷之八

一

君宅那比風流賀監家

翠羽啁啾半欲棲玉鱗寂歷未教飛羅浮管領春無恙真得金門倦客歸

紀夢

夢亡弟明叔與二三友舟中課文成兵已圖布於沙上予一一爲之批評覺而感

慟不

酒後揮毫氣未平蓋棺猶是魯諸生可憐江水東流急無復烟濤八陣兵

惟敬出次郊園示予以功德寺牡丹之盛輒

賦二詩訊之

廣陵紅藥洛陽花一曲山鄉爲客誇萬朶千枝看

欲遍問君何事戀京華

君從花下憶天涯予亦長安五見花惟有青山憐倦客幾人容易得烟霞

立秋夜聞歌同邵長孺汪元幹程無過汪季

鸞程右文作 二首

遶梁歌起越溪雲不羨羊家白練褰他日渭城如更唱丁香花下憶逢君

曲高誰得似韓娥曾向尊前幾度歌此夕長安飛

歐虞部集

西暑卷之八

二

一葉白雲寒色滿關河

送蒲州謝布衣 三首

青冥矯首向丹梯鶴鵲樓前一杖藜劒在中條藏不得雙龍寒掛洞門西

上書叩闕是何年七十頭顱豈慕羶獨把紫芝吹

鐵笛高秋明月白雲天

黃河風急片帆寒折得虹霓作釣竿借問還山謝安石更從何處望長安

總制節遼梁公破胡鏡歌 四首

驃騎東行塞色開
誓師會上薊丘臺
炒爨蠻星散長
昂走日落黃雲萬里來

曹家寨前胡馬行
古北口外邊烽明
征鴻不斷關
城月笛裏梅花何處聲

百戰吞胡塞上名
戚家兵似李家兵
獨持繡斧從
天下霜滿將軍細柳營

北門三衛近遼陽
制府臨邊寶劒光
奏凱乘春歌
吹入漢家新縛左賢王

存公送葡萄

歐虞部集

西署卷之八

三

草龍珠子滿盤秋
照水摩尼對白頭
莫笑先生看
五熟不將斗酒博涼州

題羅漢圖

清池證得阿羅漢
大海湧來觀世音
莫待西歸一
隻履道人何日不修心

迴鑾歌

五首

鐃歌喧奏上之回
直北風烟萬里開
鳳叶岐山仙
吹入龍扶汾水御舟來

行宮宿衛在沙河北
岳諸侯望幸多
聞道遄歸思

飲馬一時傳詔萬方歌

西山雲色玉泉流
兩岸垂楊夾綵舟
一曲上陵新
樂府 聖明不事具茨游

西直門西塵漲天
先驅七萃肅旌旃
都人快覩龍
顏喜控馬徐行輦路前

千官鵠立擁如雲
羽騎駉驪部領軍
神武自今驚
朔漠建旄誰不頌吾君

問區用孺病因懷高正甫崔子玉

桃花飛盡杏花疎
客子長安幾篋書
何事竹齋消

歐虞部集

西署卷之八

四

渴久漢庭今問馬
相如

兩生長嘯速征鞍
回首關東似伯鸞
君去滄洲還
有伴烟波吾敢負魚竿

都下感事口號志喜

六首

御溝春水蔭垂楊
天壽山前輦路長
父老共歡迎
萬乘豫供田燭待 君王

黃河東入大淮流
百丈金隄引漕舟
槌竹負薪臣
自力宣房宮似漢時秋

百萬軍儲待開闢
冰鮮飛舸內官催
鱗魚只爲供

時薦盧橘楊梅歲歲來

三大營開暖始操通倉肩粟未爲勞擺邊莫但胡
兒笑屯堡烽臺月自高

塞北江南風壤殊誰令絕漠錦韁逾蹶張超距閑
無事何幸朝廷用郅都

海西迎佛北行時慈氏今爲大導師馬市金綰供
不易印經天竺事仁祠

題畫寄沈純父

三江江口水如油藤帽棕簑又幾秋我有尺書何

歐虞部集

西署卷之八

五

處寄思君只在木蘭舟

酬蘇行人以時夏日畫竹見贈

琅玕夾石俯江流移得巴東一片秋花簾松屏桃

竹杖教人五月憶渝州

夏太常竹蘇大行索題

吳客千竿江月殘巴童一曲江波寒長安何限青

青玉耐與蘇郎雪後看

郭熙捕魚圖劉觀察席上作

漁市秋風海子烟羹魚飯稻得歸年何人不羨鴻

冥客蚤向滄波理釣船

立秋日同李明府過寶藏上人遇法光禪師
商飈忽到雙林下相見伏牛山裏人蓮花會上
顏色問是恒河第幾塵

題王屋山圖寄朱孔炎

石道峻嶒鬱萬盤三芝五藥滿天壇洪河不斷榮
光起閑與仙人策杖看

夢中作

時立秋後一夕

鴈天新月照殘霞何處征人不憶家豈是一官留

歐虞部集

西署卷之八

六

客从鳳城樓閣曲江花

感秋

四壁鳴蛩似故園松楸萬里哭聲吞誰憐夜夜青
蘿夢長聽秋風老薊門

送江明府應吾謫廬州幕

三首

射策金門綰印行湟川文水見才名莫言趨府腰
仍折猶有廬江小吏迎

亞父城邊一郡秋幕中畫諾待君侯楚臣豈不思

公子白草青楓黯自愁

雲裏西望橐臯山漸遠長安鬢易斑江上啼猿淮
上鴈不知遷客幾時還

送臧進士晉叔赴敘荊州 五首

華轅何年盡漢冠郢都文學爾登壇曲高似有千
人和此地長飛白雪寒

岷江十里下西陵王粲樓頭幾度登君過建安才
十倍賦成今總讓吳興

簾櫳鄰舟夜色淒風淞何處繡林西桂帆莫宿劉
郎浦野曠江深鴈馬啼

歐虞部集

西署卷之八

七

城上丹樓一片霞西池茅舍是羅家持經都講來
相候書帶盈門首蓓花

高堂禮學魯東開南去弦歌似曲臺弟子諸生名
並起詔書徵詣太常來

送程山人雲從

五陵車馬日風塵任俠中原不計貧屠狗吹簫君
自見更將名姓借何人

詠呂鴻臚園菊次劉觀察韻 六首

月觀明粧出汴宮秋容猶與穉仙同司花豈是江

陽日傍輦千迴倚障風

右紅牡丹

東籬佳色鬪新奇犀滿連叢玉滿枝一曲清平新
調轉沉香亭北倚闌時

右玉犀

學得鴉黃萼綠華商飈館裏不須遮寶兒錦袖淮
南舞勝却延州十萬家

右黃牡丹

階前羅襪濕清霜簾卷珍珠半近牀借問楊州在
東臺部集

西署卷之八

八

何處玉關秋色斷人腸

右銀芍藥

亭前露滿水晶盤待得重陽借客看好近萬年枝
下種朔風不到玉樓寒

右白牡丹

羅含神雀不須驚化作秋花向晚晴應節迎風還
欲舞夜深疑有白環聲

右白雀舌

送盛泰甫游楚

一騎西游襄漢間齋心蔡上禮名山知君不倚吳
歛曲更和陽春白雪還

送陳僚長則濟獄雲貴

二月芳郊春草生故人相送薊門城知君歸奉中
涓教應促平反使者行

地接荆梁下五溪春風先到夜郎西使君佩印行
邊徼笥鳥江猿處處啼

黔中未隔古牂牁廬橘已焦日漸多一帶盤江通
洱海西南何地不思波

歐虞部集

西署卷之八

九

竹索橋西路更長葉榆河北渡瀾滄碧鷄金馬誰
云遠不數王褒事漢皇

送劉僚長士美獄四川

巴子風烟白帝城岷江東下亂濤聲劔門正待題
銘過夔道遙看擁傳行

法家三尺竹爲書益部占星望使車共喜漢廷寬
大詔引經平決更何如

濯錦江前萬里橋草玄題柱半蕭條君去愛書多
暇日巴渝歌起木蘭桡

隴坂劔門幾萬盤武侯城遠渡瀘寒峨眉天外三
千丈誰共仙郎雪後看

送朱僚長可大南歸省覲司空公

五首

薊門山色散浮雲誰謂春風此送君策馬都亭鞭
更疾路旁爭看五花文

楚天西望逼匡廬玉笥烟霞大保居自昔韋賢辭
相早玄成偏受篋中書

齊魯諸儒讓石家趨歸先下里門車五雲驛近芙
蓉嶂何限庭前玉樹花

歐虞部集

西署卷之八

十

曾記司空治水時魚臺滕沛引流漸轉漕百萬功
非細去讀支河十丈碑

兩岸青楓江水流可堪烟雨宿孤舟儻思西署同
游客回首金莖白露秋

周計部元乎被播南行答其臨清所寄因以

爲別

陌上論交易別離御溝楊柳漸成絲可憐一片燕
臺月不似清源送客時

憲令誰將妬左徒承離能憶握蘭無豈勞漁父相

逢問白馬青楓過五湖

玉泉南下入漕河楚客扁舟榜柁歌何限故人江
閣望天涯芳草夕陽多

酬張元易送木瘦瓢

長生木瓢置佛前何年山隱辟支禪帶將風露中
條色歸汲曹谿白象泉

顧叔潛約郊遊不赴

緩轡聽鶯御苑西楊花飛盡草萋萋可堪粉署隨
人出不似春郊信馬蹄

歐虞部集

西署卷之人

上

酬吳聲父畫蘧園圖

揮毫雙目送飛鴻丘壑偏宜置此公壽我羅浮八
千丈醉持金策白雲中

贈寫容山人吳仲黃

扶荔芭蕉似我廬拋來簑笠戀簪裾笑君不肯傳
真去留伴青黎閣上書

西署集卷之八終

秣陵集序

余束髮與黎中秘游蓋習嶺南歐先生楨伯詩是時楨伯沒諸生耳願以稱詩聞余後偕計上公車楨伯以明經推擇入燕習其人因益習其詩也亡何余以不售太常去楨伯亦隨牒之廣陵之汝南不聞問者數年所矣又後予持橐金馬門而楨伯以慈恤再起遷國博又遷廷評日從都市交驩是時楨伯詩益工名亦日益起鬱然海內宗匠矣又後余謁告南歸楨伯又遷工部尚書郎而南則相與講裁秣陵纒纒無間也會楨伯倦游且移疏乞休新安吳孟白廣陵陸無從次其秣陵諸詩刻焉徵余言揭諸首簡余述所以雅游於楨伯者如此而併為之叙曰夫秣陵據有江山之勝不啻崢嶸河華明興為

歐虞部集

秣陵序

一

歐虞部集

秣陵序

二

高皇帝故都則商亳周鎬遐躅攸存負壯游而稱歷覽者往々結轍于道其固然哉况當基隆之際履好文之朝薦紳先生得以優閒省闥枕藉圖書作者響臻彬々乎盛矣楨伯學務博綜而詩尤專詣一時秉槩名家多所跂附今觀其集睇景紆懷即事導興或於宮庭廬衛而登紀錄或於僊臺梵宇而述宴游或以訪古而寄慨或以停御而眷心或占綴于酬知或湛思于掩閣清裁駿發續映篇流所為瑰其志而肆其端者蓋得江山之勝非渺矣古今聞人有經遊題品者後咸引之為重即以楨伯詩貽諸將來其不為秣陵重哉昔唐杜工部子美游驛長安而杜陵韋曲諸篇直與川原草木爭勝千載而下猶然頌之楨伯子美同擅寸名同稱工部同以游驛倡

和篇章為都邑增重然子美遭天寶之亂
轉徙河西劍南崎嶇以從行在何其不偶
也今

天子登又右賢而楨伯廻翔禁署播雅頌
之元聲以襄潤鴻業眎子美所遇殆過之
矣抑予又聞在之譚詩者類謂吳下以色
澤勝中原以風骨勝其沿習使然也楨伯
崛起百粵而詩業寔閑蓋兼有其勝能以

歐虞齋集

秣陵戶

三

粵之詩與吳之詩中原之詩三不鼎立斯
亦豪哉則非獨為秣陵重抑亦為粵重也
夫秣陵重粵重而楨伯之詩益重矣
萬曆癸未仲冬朔日秣陵余孟麟誤

秣陵集

目錄

卷一

五言古詩 十八首

卷二

七言古詩 十七首

卷三

五言律詩 一百五首

卷四

陳虞翻集

秣陵目錄

五言排律 十一首

卷五

五言絕句 二十一首

卷六

七言律詩 一百三十九首

卷七

七言排律 二首

卷八

七言絕句 八十首

秣陵集

嶺南歐大任楨伯

五言古詩

出都門作 二首

玉河湯湯流白日冉冉度今晨驅我車踟躕卽岐
路言念飢饉人敢有纓綬慕主聖實優容班行
媿非據跌宕漢公卿能垂特達顧游好眷失羣貴
靡忘徒步貽之黃父言送我青門馭綢繆鄴中宴
哽咽河梁賦碣石日迢遙浮雲悵馳驚行者不可

虞虞集

秣陵卷之一

留申章寄情悵

倚彼汶上篁移植來薊丘嶧陽孤生桐托根河中
洲何異巖巒姿一顧蒙恩庥風雲幸值遇七載瞻
宸旒日趨金馬門亦點銅龍樓霄漢期以翔改秩
陪京游儼裝辭密親分鑣盼良儔別促思方始一
日誠三秋南曹孰云遠淺薄固所憂豈不戀禁闥
宣力寧易酬黽勉就長路夷猶戒鳴騶君其惠前
綏慰我行悠悠

驚雷篇 并引

萬曆辛巳七月七日舟行江上遇雨泊瓜
步雷擊舟檣櫂夫驚恐余謂雷天威也物
適值之然不敢不敬也既夕省過遂成斯
篇

昊天時疾威積風殆先兆陰陽適相薄蒼鬱怒而
慄我舟次江介迅雷擊檣杪豐隆破響來列缺飛
光剽隱隱尚填填霆奮更火燎駭氣久奔激倏閃
遠羅曜斯須七箸失顧盼篙師眇世異景公臺變
似夷伯廟休咎我方省善否天所照震鄰已切躬

虞虞集

秣陵卷之一

二

察病蚤求療在官能無忘居鄒懼難肖夕惕敕戒
勤勵德永思劭

貞烈篇 并引

陳君長源爲閩中丞公之仲子而林氏則
藩伯公女也陳君聘未婚而歿林女請奔
喪請事舅姑俱不遂竟絕粒嘔血死事具
林宗伯福州志中余讀中丞公所爲壙記
悲焉嗟嗟身不再聘從一而終可以風矣
爰製斯篇以告史氏

東治鍾靈粹三山閼幽貞女出林氏門禮訓自性
成蚤受聘于陳待年猶未行夫倏苕榮凋女敢愛
其生總帷不可望攀絲空復情羅靜豈慕烈翟素
寧希名穀也莫共室寔可同佳城從容求吾志一
灰永霜明宴娛竝雲蓋姚裔飛霓旌春蘭更秋菊
終古歌懷清

縈河篇

岷山導江水發自天漢上源深流以長嘉陵渺相
望飛湍漫漭來雲氣紛沆碭灌入馮夷潮時湧江

歐虞部集

林陵卷之一

三

妃漲赤岸汎霞津白沙積霜障練淨朝以披穀鮮
書還蕩縈迴巴子曲猛銳巴渝唱隱君潔者流下
簾丈人行遺榮早蜚遯遠志謝禽向亭臯俯潺湲
衿情日夷曠上善鏡空明至文渙溶漾邁軸一何
幽老易素所尚樂泌已永年擊波有遺榜漣漪猶
至今苕藻莫可狀其中方圓折珠玉光摩盪毓祥
井絡西千齡燭星象

秋夜直省中

華省傍畫垣閤門夾朱戶縱橫太弩署廻薄公車

府自爲含香吏宿直臥周廡徂宵秋已深莎雞振
其股墜露芳蕙凋驚颺散蓬聚肅穆仰皇居蕭寥
視天宇幸茲際休明授餐過升黼豳不畏簡書敢
云薄簪組考父示益恭旦夕惟僂偃陳力卽未疲
尸位曾何補馳思白雲中矯望臯禽羽

雪夜懷張幼于

茲夜一何長勁颺起平楚別君征虜亭望君新林
浦同雲被鍾陵密雪塗江汴蘭卮不共持瑤琴待
誰撫緘情詒所思因之問衡杜

歐虞部集

林陵卷之一

四

答顧司勳

二首

宸居鉅麗觀建業維舊京省寺夾閭闔宮闕槩泰
清人文盛斯日鳴環猋冠纓顧生起吳會握管逢
休明修嬀宛珠潤清馥含蘭馨通方極丘索辨古
分淄澠詩從四始正曲合九奏成何哉銓衡地洵
有其穎情結佩豈不美折麻殊自榮余豈茂陵客
跌宕東方生申章謝嘉藻輾轉懷同聲

黃虞曠千載尼泗陳歌詩弦詠響乍息風雅道已
衰延州觀樂來曹鄴無所譏明音始復古熙豫固

有期及子遘妮好携手升玉墀趨陰會禁闥位序
連班司援琴寫中曲進禮杼妙辭惡我兼葭質暎
彼璠璣姿有斐惟古歡繾綣自一時嘉會不可常
蓬華吾將歸子其勉令德所思在皇闈

答吳秀才拾之

濬發吳楚間奕奕一髦士讀多袁豹書代守班家
史敷文蔚霞燦持論倏颺起白馬來車轂青雲擁
冠履就我秣陵西檀橋暫停軌美哲玉照鮮馨言
蕙吹似昔聞沐雪賦今得過江汜援毫惠雅篇釀
歐虞部集 秣陵卷之一 五

卓漱父崧齋

潛虬起重雲祥鵷集樛木寄此玄暢懷高齋引遙
矚君從嘉遯年考卜塘西曲平原矗介丘修林帶
陶牧煙途綿邈升露井岑崑築江楹瞰海門越隋
出天目窓虛納疎颺於焉送煩煩步欄一徙倚新
篁晝鳴玉家猶董相園耕似鄭公谷多暇削竹勤
已奏三千牘白虎講異同匪但榮丹轂絃以碩人

詩爲君詠邁軸

象教精舍詩 并序

南昌有精舍曰象教蓋王元美以古灰佛
像寄朱孔陽謂西僧吐三昧火自焚其徒
擣骨作爲灰佛孔陽虔斯室以奉之詒書
索詠敬此寄題

泥洹那竭國阿耨王舍城寶界極四照瑟居懸三
明何年丈六身圖畫來漢京竺僧茶毘日金骨灰
佛成居士豫章人家續南宗燈六塵忘有相十喻

歐虞部集

秣陵卷之一

六

歸空名一室似招提雨積花林平遙峰矗牕牖鳴
溜飛階庭茂植祇園樹馴鴿棲不驚理亦講解析
念能禪寂澄知幻非所幻有生自無生君其戒淨
土毋忘弇州情

吳公擇齋中同道行允兆成叔分賦得陶淵
明

徵君百代士稍出經世務夙敦詩書好匪爲弦歌
故束帶何可羈漉巾自真趣嗜酒藍輿還不廢虎
溪步吾廬在南村五柳扶疎樹江州白衣至把菊

日暮歸去來山中宇宙同一寓懷哉古田舍義
皇樂貞素

答孫伯遠

送美臨南浦回首新亭游我自嗟繫匏君如遠行
斬蔣陵有高岫大江日長流鯉魚何處來南從白
蘋洲故人尺素書念我情綢繆還復折疎麻一寄
航門秋嘉會難可期五嶺行悠悠葭莢隨風飄搖
落增離憂努力事修名報子雙吳鉤

送吳允兆

歐虞部集

秣陵卷之一 七

浩浩長江流爍爍衆星密行人不可留轉盼已相
失舳艫戒征帆波濤乍漉汨以我南還人送子東
歸日臨水泝離觴斯須猶促鄰默默情若含悽悽
戀何及孤城路伊邇西候歸潮急河梁憶携手引
望空佇立

吳孝甫黃山草堂

宗炳旅衡岳謝客游匡山西已隄荆巫南欲窺松
門寄托遠氛雜登陟窮攀援動操琴亦響披榛屐
恒穿通隱事不同心惟寄噴岬吳生沉冥士遺榮

微尚存犢鼻何不有靈異臨叩鑄桔槔雖自持灌
非山陽園井竈久欲卜枌榆猶未殘家近軒轅宅
浮丘丹液寒三十六峰前草堂築高原綠篠蒼雪
磴清泉白雲壇賁豈待束帛遜也宜丘樊儻遺鸞
鳳音長嘯將飛翻

登幕府山

岷源西南導東北歸海門天吳海風平白沙漾成
湍瑯琊渡江來安東睨中原一代臨沂生永嘉逢
險艱茲山幕府開王氣何鬱盤丹旭迎羽葆頽霞

歐虞部集

秣陵卷之一 八

薄旌竿襟帶畫形勝組練魚麗陳威儀春禊日鼓
吹前茅還顧賀拜道左吳會士駿奔荆揚雖晏謚
新亭歎河山仲父號夷吾滄波驃騎屯臨津鞠軍
旅甲弩填丘樊至今波不揚霸業奚足言將軍盛
揖客登壇盡衣冠灑洒千秋人悠悠望長安

王行甫阻風新林浦待吳明卿不至遣詩相

報輒申酬答

方舟遠行邁命旅將何之姑蘇別所欽秣陵以爲
期客路忽改月涉江悵睽離汀葭夕已靡沙塢晨

仍饑淮南春尚寒崩騰號驚颶蘆岸不可沂迴艫
纜洲隋烟中極千里南北悲渺瀰游吳謝東櫂歌
郢弦南詩行子念故人一寄風波辭跬步吾阻隔
伏枕空淒其石尤會吾意榜柁酬相思

秣陵卷之一終

歐虞部集

秣陵卷之一

九

秣陵集

嶺南歐大任伯甫著

七言古詩

酬王敬美解官後以秦中碑刻關洛紀游見寄

綠髮朱顏王敬美家學東吳一才子七經教授如司馬四方掌志爲外史都講三鱣從此升解官竟爾還鄉里始爲長安寄薄游鄜州西去更延州軒轅石傍橋陵過姜女祠看峽水流思洛轉能尋白

歐虞部集

秣陵卷之二

馬出關誰得駐青牛却愛三花登二室便從七月發扁舟諸篇紀勝廣聞見拂衣殆歷中原遍孟嘉何用從事郎張翰蚤謝東曹掾絲竹惟知近自然尊鱸聊且適吾願筐篚不入舴艋中三秦碑版歸裝半故人別君已二稔散局辦官猶拾藩君知嗜古癖未除兼兩相遺盡霞錦蟲書頗解辨金戈鴻寶故難私玉枕青谿署裏吏事少時以一編供晝寢移來免寄北山文舊刻新題卷帙分襲之和氏連城璧署以郇公五采雲講肆此時多馬隊墨池

何日有鴉羣他年儻就逍遙論解帶披襟一共君

秦淮臥雪齋

晉家東府城臨流萬竿竹雪溪騎尉居今在秦淮曲淮邊夾水柵爲塘朱雀門前舊有航數椽劉獄先生宅寧似蕭蕭臥雪堂

湘中曲

雲中君雲中君九疑猶隔萬山雲曲中欲寄千行淚澧浦沅江誰得聞

零陵香零陵香露濕羅襦結帶長采采前溪歡不

歐虞部集

秣陵卷之二

二

見爲郎扶櫂下瀟湘

金陵曲

三山二水帝王州南朝昔日愛風流朱扉畫棟鴛鴦殿綺翼雕甍翡翠樓檠上金燈停白鶴壺中銅箭咽蒼虬薰鑪蘇合頻移座羽帳流蘇半上鉤嬋娟夜向牕前度傾城二八留人住一曲能歌揚叛兒誰家更有莫瓊樹碧玉何年始破瓜可惜風光蕩子家不差並命嬌春鳥願作同心照日花點黛圖黃紛旖旎褰芳拾翠關繁華桃葉豈堪留幾月

竹枝聞已下三巴惟有采桑南陌裏使君五馬車
曾止夫婿東方千騎歸君看日暮紅塵起

江中桂楫曲

千里飛流通楚煙三津濁浪引巴川西南揚子源
何極一望瀾漫桂楫前羊角颼颼吹驟雨魚鱗雲
起合瑤天遠見青龍浮浦上乍疑白馬戲濤邊檣
動相風鳥竝轉纜移立埃驚齊牽孤樹蒼茫難辨
影驚滯蕩漾不成圓何處榜人歌扣枻更逢津吏
醉持船扁遇軻峩知買客髻梳倭墮學江僊漁童
歐虞部集 秋陵卷之二 三

淮南小隱歌贈陳徵君

君家舊在無諸國白頭來作江東客衣裘久已厭
奔走道路何嘗聞擁隔一身自許漁樵羣有子况
是文章伯拄杖欲投煙霧深芟茅獨剪雲霞落秦
淮流水柵塘斜百尺松梯雪浪花誰云鍾阜周顒
宅不似烏衣謝尚家君不見天津橋南築糟丘何
如金陵城西之酒樓丹詔玄纁雖有召且留江上

白蘋洲

黃山引贈鄭子陽

黃山之高四千仞岌岌哉呼吸上與青天近三
十六峯連斗牛巨靈曩顧東南鎮軒轅昔日乘蒼
虬浮丘容成曾共游鳥書蟲篆不可見琅玕芝草
空能留瀑飛百道霄漢下水晶簾掛雙龍湫五色
恍有金銀闕僊乎一去三千秋鄭君僊才古風格
幼學丹青工水墨師山之後大雅人梁園老作諸
侯客家近焦村百里間天梯雪石尚堪攀藥爐丹

歐虞部集

秋陵卷之二

四

鼎軒轅宅摘得松花可駐顏借問鄭君何日隱虎
頭巖下縛柴關上餐天都半夜之沈瀝下弄石橋
千折之潺湲洞中之人把瑤草玉書招爾黃鵠還
我有芙蓉三尺劍贈之歸來兮崑丘蓬海之僊山
相逢行送李山人君實游吳越

獨客人臥薊門雪君先旅服游瀛渤相逢可醉金
陵月君已扁舟泛吳越從來交契無後先誰爲詞
華問工拙秋風颯颯不可留江上蒲萄酒初潑吳
越稱詩待俊人只今開府有詞臣投刺能容禰處

士買山幾住郝嘉賓君才跋扈幽燕北揮毫磊落
見風格篇裏言言金石聲篋中卷卷煙霞色一時
把袂誼最深三月裏糧興何極倏然鼓擢出新林
不及張燈永今夕青山回首石頭城鴈蕩天台挂
杖行儻因西笑懷千古便待東歸賦二京

贈長干心上人

心公祝髮松樹前素菴法主衣鉢傳拈花一笑授
持人曾是靈山會有緣是法西來世何極白日本
暉暉流水長瀉瀉我自真心奚勞向人覓般若

歐虞部集

秣陵卷之二

五

光明證虛寂摩尼珠現鄣東色

孫楚酒樓歌

有引

按孫楚字子荆太原中都人才藻卓絕爽
邁不羣少欲隱居年四十始叅鎮東軍事
後至馮翊太守負材不羈相傳其酒樓在
金陵湮沒已久明萬曆壬午秋新安王寅
從白下張維聞國初魚鱗冊莫愁湖畔
有酒樓遺址欣然尋之邀余作歌余觀金
陵自晉以來南朝故蹟往往名存而某水

某丘蒼茫莫辨是作也因三子憶子荆殆
亦淵明記桃花源之意云

五山不可到十岳竟未游清任誰如二子者崎嶇
歷落毋所求不從朝歌理尚平之杖笠却來金陵
尋孫楚之酒樓我聞英絢之姿是孫楚誰容漱石
而枕流征西司馬官不薄扶風記室交未酬典午
山河日分割酒樓人已名荒丘山東才子愛明月
裏巾更著紫綺裘石頭城下沽美酒吳姬扶醉秦
女謳澄江淨練望吳越此事便足三千秋只今王

歐虞部集

秣陵卷之二

六

郎張郎亦詞伯訪古好奇挾圖冊城西鼓擢女兒
湖醉覓子荆舊榛棘玉笋空歌零雨篇繡衣不見
迎船客噫吁噓百尺之樓何處無君其問之李太
白

雪中青谿館梅花盛開夜觀王山人良材所
遺畫梅障子贈以長句

金陵城中五日雪千里瓊瑤遍吳越荒齋小閣耿
疎燈竹榻紙窓似明月起看窓外青谿濱玉艷珠
霏朶朶新兩京麴塵十年宅誰能移此羅浮春延

平山人王仲子昨朝遇我長干市鐵榦縱橫水
絲僊葩亂灑桑皮紙窓前畫障窓外花一時併在
省郎家詩無水部當年句興落溪翁半夜槎我將
南問嶺頭驛君亦東歸劔津客記得揚州官閣詩
寫寄閩山玉華色

海上三山行爲唐仁卿父母雙壽賦

君不見南北漲渤一水通扶桑萬里初日紅蓬萊
瀛洲與方丈黃金宮闕雲氣中三神可山可望不
可至船行往往引以風澄海東近扶桑東霞冠星

歐虞部集

秣陵卷之二 七

佩唐僊翁陳姥秀筭六珈貴重封偕老顏如童華
堂結構開耆壽煙波綰帶滄津口鸞歌鳳舞軒轅
丘包匭菁茅雲夢藪錯衡文轂擁路衢戔弁振纓
向庭牖雕盤續紛翠釜馳金支閃樂珠旗走翁姥
齊歡此日觴象筵歲酌長生酒僊郎計部萊衣斑
蘭滿階墀玉樹環安期巨棗紛將獻王母蟠桃近
可攀君不見阜鄉亭下赤舄還千歲求我蓬萊間
且向天中覲雙闕還來海上訪三山

西園席上贈毘陵譚士朱懷南

一飲一石疑淳于乍談乍諷似方朔不須送客獨
相留朱生言言盡諧謔忻逢紀在秣陵西白浪尊
前瓦官閣

臯鶴篇 有引

司空尚書省中有一鶴三至予署廳引吭
長鳴昂藏欲飛示以輕舉之狀予感其意
爰賦斯篇

秣陵一夜商飈起散露凝霜萬餘里九臯有鳥號
胎禽日盼嶺雲睨江水憶從羽翮長毳毳十載廻

歐虞部集

秣陵卷之二 八

翔紫禁來曾陪朱鷺聽僊樂幾逐銅鳥繞帝臺丹
砂頂愛江頭浴白雪翎羈省中宿戀闕雖馳北望
心思鄉每奏南飛曲踉蹌遼海路罪微何須人識
是令厥浮丘縱接崧高去緱氏臨霞不似歸歸去
今有雙翼四百峯前阿耨池三千年後軒轅石秋
月兮嬋娟秋風兮翩躚君不行兮何遲吾將期汝
朱明耀真之洞天

臥佛臺歌爲張計部君簡賦 并序

臺在濱州築于宋太平興國二年易爲民

君已久今歸于張氏討部君別業所標勝
者也因爲短歌以續林君朝介之作

渤海城中臺百尺臥佛佛牙紀幽蹟麗譙前聳古
郡名滌池半帶滄波色東望茅焦有隱居西臨千
木舊精廬省郎起家地官氏藏寄臺中萬卷書臺
邊翠栢手所種槐陰滿庭護雲栢花開紅杏席茵
游蔭借蒼藤張幙擁我行住岳泰岱中觀濤亦過
溟渤東辟疆名園更栽竹拄杖將尋張長公

賦得天都峯贈高徽州

歐虞齋集

秣陵卷之二

九

黃山秀拔青冥中天都之峯何穹窿高居特室羣
真集玉佩珊珊度碧空嶙峋直上三千丈星辰可
躡日可望風落鈞天帝時前瀑飛積雪神臯上名
山雄鎮胡爲哉明牧應求濟世才華陰京兆徵恢
出石室成都待朕開濟陽高君豈其胤麟符作守
新安郡五馬紆臨紫氣遙尺書召入甘泉近君不
見容成氏浮丘公行隨絳節軒轅宮 聖主明堂
朝列辟豈勞旌馭過崆峒

秣陵卷之二終

秣陵集

嶺南歐大任楨伯甫著

五言律詩

張羽王自楚中寄題蘧園適聞其藩相之報

次韻慰答 二首

下雉檄書到荒園待結鄰餘皇荆自棄章甫越偏
親我愧謀生計君今失路人厭聞裾可曳丘壑實
藏身

知爾愁驅馬何人遣牧羊歸仍張廌竹產乏葛家

歐虞部集

秣陵卷之三

一

桑小苑驕梁客雄風答楚王千秋君自愛赤管似
差強

張秋病中遣悶

舟航便臥疾衾枕屢曾移鼓柁謀多拙彈冠老自
疑東臯三歲賦西署幾篇詩儻乞殘生去躬耕尚
未遲

邳州遇周比部子仁北上

波聲流不息何意遇君時橋指留侯碣河通漂母
祠雙旌看北轉孤棹向南移握手他鄉別彤雲寄

所思

下邳尋圯橋授書處

黃石書何在斯人竟不還門低濁河樹家遠穀城
山百戰寧虞楚孤軍蚤入關空悲泗亭水日夜自
潺湲

清江浦酬許虞部伯漸

京洛曾相問才名似昔賢躋勞漕艦使舊督水衡
錢淮月頻吹笛河煙一扣舷慚予新病後携手是
何年

歐虞部集

秣陵卷之三

二

送俞公臨遊楚

風急臨滄觀勞勞送客頻鄂花吹笛侶江月刺船
人倚相今名楚安期不入秦著書君好在何處臥
荆榛

次韻答姚伯子京口見寄

沿牒趨南署尋盟憶大淮琴尊勞爾待丘壑寄吾
懷樹引雲陽郭江通海岳齋應能憐曼倩金馬尚
詎諧

答金在衡問病因懷伯子

老去故人少書來問負病伏生經可授姚合律如
何京口黃花酒江頭白髮歌相將一攜手高閣望
滄波

送何光祿判永州

零陵千里路君擁白門騶旗引監州客帷寒別乘
侯三湘開獄館百粵遠江樓爲政先風詠翩然紫
蓋秋

經冶城憶亡友盛仲交

蒼潤軒猶故斯人不可招如何西序客老作大城

歐虞集

私陸卷之三

三

樵書帶秋零落牀琴夜寂寥一編封禪草誰奏

聖明朝

挽陳子野

秋早聞君病吾來哭蓋棺垂綸江雨急邀笛閣雲
寒階下蘭先悴屏間竹未殘不知何事業人作太
丘看

送黃比部翰伯擢守廣南

鼓吹臨江發王程去莫攀驛傳丹鳳詔馬度碧雞
山使客爭供稅碣門不用關中原開府地飛旆幾

時還

寄胡秀才智卿

汝兄向予道力學識君賢散帙青山下持經絳帳
前鯤鵬今已徙騏驥不須鞭喜得通家弟風雲正
少年

承恩寺訪楊維五何惟聖不遇

時蜡月八日

尋君臘八會不遇竟空還落葉一燈下寒雲雙樹
間溪棲知淨理強出媿清班納祿吾猶晚惟應學
閉關

歐虞集

私陸卷之三

四

花朝對雪黃白仲蘇子仁倡和見寄因用其

韻

快雪未共賞小齋空自看雲沈桃葉渡玉照竹皮
冠酤酒晚亦醉勒花春更寒山陰人不至何以報
琅玕

送倪公甫渡河訪朱子得

訪舊寧辭遠春深濁浪低衣裘修武北風雨太行
西郡閣吟紅藥山家杖赤藜天壇君若到欲寄白
雲題

寄朱懷慶

豈謂長安別飄蓬各遠哉君方懷魏闕予亦下燕臺
河內塞帷過江東鼓枹來秋鴻應早度好寄八行裁

春日同張侍御伯大衛比部君大登龍廣山

亭限韻

春晴一以眺亭子足清歡風日當佳麗山河此鬱盤
城分吳苑色花送晉宮寒不是霜威促何能半醉看

歐虞集

秋陵卷之三

五

金處士姚鴻臚邀同許奉常雨中飲飛霞閣
地迥高霞入城孤宿雨沉萬家春樹密一逕晚花
深頌酒頻招賞游僊偶息心欣逢鸞鶴侶何異在
山林

訓黃定父陸元德過江相訪

別君經十年爲我問江船羸馬銅街雨新鶯紫禁
煙披襟留竹下理詠向尊前雙漿毋催去春波正
可憐

送張侍御伯大赴闕

勞勞亭下別北上值春風博海莊生鳥還都鮑氏
驄雲霄今最近詞賦獨稱雄封事江淮計君行奏
法宮

送胡繕部明卿考績赴京

立馬秣陵觴金隄柳萬行奏勞看水部封事認臺
郎鞭弭風雲上冠簪日月旁繞朝還有策春色在
明光

寄朱孔炎宗侯

十載河間學三雍奏玉除篋餘前代草閣有秘方

歐虞集

秣陵卷之三

六

書隱几冠仍簪清齋食是蔬西園最相憶飛蓋更
何如

送袁仲思還閩應舉

君自汝南裔家多閩越書青箱修世業赤管待公
車海月帆光裏江花鏡彩餘游叩還建節人識馬
相如

送李比部廷實守興化

烏石推名郡儒風大海隅行應持鵠印恩已賜麟
符子荔紅雲鳥候梅白雪湖看君飛蓋日詞客待

操觚

哭李駕部歸櫬

共惜輿司馬都人聚哭號天心何殄瘁王事竟疲
勞丹旆城邊雨青舸海上濤錢唐歸葬日風木正
蕭條

送顧君實遊南雍還上海

槐市傳經去東歸不可留繡襦明月佩金埒少年
游海燕迎鄉路江花照客舟子雲憐父黨相憶白
門樓

歐虞部集

秣陵卷之三

七

有方齋爲許徵君作

出告遊非遠耕鋤十畝餘承顏思問寢食力命巾
車陶令餅惟栗班生賜有書羨君歡綵服蘭玉更
誰如

夢歸

應世吾何翫誰令未拂衣三江雙桂檝五嶺一荆
扉羈縲名爲辱蹉跎夢每歸豈因灌園日始息漢
陰機

王元美聞予轉虞部見寄二首

爾宅金庭近樓居夏亦涼智鋒揮宿障慧炬照迷
方桂父賁禺外茅君句曲旁山虞應可笑豈是漢
馮郎

遊僊勞遠夢招隱寄操觚壇下毛公石帆前范蠡
湖學將參小品書未著潛夫黃鵠空相望翩翩肯
載無

送沈秉忠還錢唐

時大司馬銅梁張公奉
敕便宜行事一日弭兵民

之變杭
城晏然

君去問桑梓驩逢兵氣銷月從天竺寺秋入海門

歐虞部集

秣陵卷之三

八

潮酒舫歌迎客漁家醉答樵秣陵游可憶倘得似
南朝

送衛比部君大守溫州

握得麟符去誰知請郡情漁樵歌五袴郊遂望雙
旌白雨江心寺青楓斗口城瑯琊王內史猶重永
嘉名

送馮孝廉咸父北上

斗酒青谿曲君行謁玉除家傳綏氏學年少洛陽
書御宿春飛騎承明夜直廬他時看建節何但漢

相如

周鴻臚汝礪李太僕孝甫王孝廉永叔過谿

上

留客秋偏暑江東艇未行煙霞頻矚目蘭芷一交情
醉問賢人酒歌殘子夜聲五君誰更詠且傍竹林名

答錢功父

建業孤舟路維揚幾歲書長鞭愁策馬尺素問烹魚
曲奏吳趨市玄留蜀客廬秋風苦蕭瑟隱几興

歐虞部集

秋臣卷之三

九

何如

吳駕部公擇齋中同臧晉叔錢仲美二博士

翫菊

興來吾不淺問菊進杯盤分得朱門色移從粉署
看金枝燈並照玉艷雪爭寒欲奏山薌曲秋風向
上蘭

同周文美游宗振集顧司勳宅張幼于適至

得來字

清夜僊曹約華筵竹下開周顒携客至張翰狎盟

來雅共三觴飲歌逢九詠才劇憐乘興遠忻賞更徘徊

同方鴻臚張太學集許太常宅限賦堂字

風流建業盛耆德甲江鄉賓客仍基墅煙霞似射
堂字從楊子問酒愛次公狂騶騎何勞促寒宵玉
漏長

張太學幼于劉大理長欽顧司勳道行胡孝

廉元瑞枉集徐氏東園遲李臨淮惟寅不

至共賦心字二首

歐虞部集

秋臣卷之三

一

江東詞客至高會主家林鵲起中原日鴻冥異代
心竝驅皆上駟照座半南金厭次今方朔爲郎尚
陸沈

賜園名杜曲邀客到山陰絃管歌中合魚龍席下
吟石曾驅海至谿似入江溪驃騎難同賞空馳徑
寸心

山亭再餞伯大同幼于道行用唐人韻

白門一相送斗酒緩君行密樹霜初落離亭月漸
生山通巴子國驛過錦官城立馬空凝望寒江浪

正平

同顧司勳張太學蘇陸二山人夜集吳駕部

齋中得蒸字

知有酒如澠西來興可乘歌能嘲飯顆醉不答看
蒸霜送高城析星搖小院燈江東皮陸後誰得和
松陵

雨後黃都水道登李司封于田邀同張太學

幼于飲徐氏東園限門字

林竹過秋繁雨聲宵更喧酒能携石井車自問籬

歐虞部集

秣陵卷之三

十二

門礪曲前朝寺谿深太傅園板留勞秉燭頻得奉

清言

除夕和顧司勳

天涯驚節序鶴髮日偏長寓直金陵歲思歸粉署

郎辛盤歡舊俗濁酒醉他鄉鼓吹江南曲春來滿

建章

雪中送吳拾之還金谿

客裏驚分袂詞人正少年游稱吳季子詩似謝臨

川落鴈帆檣側溪江雨雪前雲林歸有賦早寄林

陵船

送尤計部被播暫歸閩中

行色候春星閩峰九疊青省蘭初入握江草已揚
舲書笑中山篋關迎醉尉亭主恩今不淺趣召
在宸局

送卓長習還杭州

業成槐市日鼓篋豈云勞去泛三江棹歸看八月
濤季長猶賦頌仲蔚且蓬蒿漢室需才急秋風起
鳳毛

歐虞部集

秣陵卷之三

主

聞朱評事可大自汝州量移崇德

昔送滄陽去今看樵李來除書何日下遷客未須
哀署裏郎官舊關東任俠才白門江鴈過思爾數
登臺

送來僉憲濟時赴西粵備兵梧州

爲郎同舍人冠豸羨君行塞上遙開嶺牂牁曲抱
城請纓趨府客吹笛下江兵旆駉勞招諭千秋漢
使名

上已陳右父金道存聶道亨何惟聖吳載伯

黃伯仲過集得歌字

青谿修禊事尊酒興偏多宅近陳中令人猶晉永和積蘇初似樹鳴鳥半成歌留客無絲竹君能不厭過

問夏繩卿病

尊生知有道猶遣問寒溫司馬常稱疾東方更避諠荆榛蒼石几芝朮白雲園君向醫王學清涼自不煩

暮春姚唯之鄔汝翼方康侯李季宣陳季廸

歐虞部集

林陵卷之三

三

諸子見過屬芍藥初開

青谿拂石處紅藥試花時愛客歡方劇開罇醉不辭謝郎華省直白傳禮曹詩誰似閑如我從君倒接離

夏夜同劉廷尉吳駕部顧司勳集李司封宅

鍾嶺臨高閣雙桐夏亦寒邀歡樽是桂並署握皆蘭賦借文犀管酣欹紫纓冠夜深留客久星漢一盤桓

讀何孝婦殷傳

負汲心非苦齊眉食但貧誰知嘔血日獨有封人欄月照青竹江風吹白蘋他年陳俎豆思與孟家鄰

爲劉屯部悼吳季子

郎君東國彥家學似丁寬雨急折蒼玉霜清彫紫蘭修文何自早遺札不能看獨有秋風壘山窓夜夜寒

送杜子庸入都

吳鉤新結束薜荔帶堪裁書勞嚴樂上賦待馬卿

歐虞部集

林陵卷之三

十四

來聞闔曉方闢篴篴秋莫哀更逢推轂日漢主最憐才

同省中諸郎遊莫愁湖登樓上

酒樓不可問舟子載琵琶殘黛諸隄柳遺鈿五浦花一裴非李白雙槳似盧家湖倚郎官賦寧勞異代誇

初秋吳幼安余宗漢閔壽卿陳守禮郝謙亨

程孺文黃白仲梅季豹集青谿館汪象初

祁羨仲不至得干字

客過漫郎宅依然不似官橙林通曉曲茅屋傍陀
千白雪美渠酒秋風首宿盤兩生期未至猶作孟
公看

送閔壽卿汪象初讀書金山寺

許詢都講去浮玉白波南海客求碑到江僧寫偈
黍匡牀開竹苑亂帙寄花龕米汁曾無禁山觚半
夜談

送葛士隆還通州省覲

征虜亭前艇脚蹻送客歸青持藏篋簡班照上堂

歐虞部集

林陵卷之三

五

衣江北帆初卷淮南葉共飛海霞開館日莫斷孟
家機

秋夜同范比部介儒集方鴻臚允治署中得

京高二字

衙齋涼露色誰道在陪京山近城烏起籬疎澗鹿
行青鐙寒卷幔玉漏促飛觥一紀看交態談溪此
夕情

把酒何驪洽中原得二豪晉家方僕射漢日范功
曹而我思鱸膾逢人問蟹螯江東今夜月偏照鼎

門高

予及返自滇中而予將歸嶺外感今敘昔情
見乎辭

滄海十年期鍾山今在茲賜環君始返捐袂我將
辭客傲亦自適吏廉而可爲欲求千古士別去謝
班司

題徐朝直課子圖

學已推文苑兒今更寧馨壁藏濟南簡家授廣川
經夜誦鐙常碧晨趨佩自青豫章名父子奎斗煥
歐虞部集

林陵卷之三

二六

江星

夏文甫將游五嶽別於江東

夏統藥囊在向平藜杖隨溪逢三笑客岳待五游
詩濟勝看能事溪棲媿夙期掛冠神武去終欲寄
茅茨

秋日雨中同方允治集范介儒書齋同賦霞

倫二字

招携非夙約雨宴法曹家厨出雙樽酒園滋五色
瓜潮溝添急溜林苑入飛霞沾濕銀鞍遠向論過

浣花

誰道山王會猶能及伯倫
閉關聊翫世結社欲棲
真蕭爽齋中帙沈冥竹下賓
他宵如聽雨應憶倦
游人

寄顧元濬評事

京洛頻相訊才名顧長康
官稱廷尉府閣直秘書
郎槐影夾城近漏聲雙闕長
因君勞遠夢秋思滿
江鄉

大有山房爲天台黃生賦

歐虞部集

秣陵卷之三

二

洞闢空明上千秋委羽時
鳴鴻飛欲隱控鶴去難
期舊業儒林傳名家祖德詩
誰知巖石臥姓字動
京師

陸無從崔子玉梅季豹見過

幽期曾不遠策蹇傍溪行
豈亦陳留郡能尋阮步
兵鳴琴怡逸興濁酒寄浮生
落落南朝客焉知世
上情

送陸纂父歸洞庭山中

去問漁樵路東歸過太湖刺
猶題處士書自著潛

夫麀尾談賓少魚腸借客無
橘林今正熟千樹給

秋租

木末亭送孫叔達還吳門

秋興吳中去津人
暫繫艸菊花園客
酒貝葉竹僧
亭問路江浮碧看
山海湧青未論丘
壑勝清世且
沈冥

送方伯書省覲還莆田

千里寧親舍雲霄爾不羣
歸舟風欲落別路鴈初
聞嘯共蓬池客書投
滄海君青箱推世業
去有薦

歐虞部集

秣陵卷之三

六

雄文

送周公化游楚

勞勞頻送遠城下俯江流
夜雨三山渡秋風七澤
游酒邊堪顧曲賦裏似
登樓欲問尊鱸去吳門
待
客舟

俞公臨卜居陽羨有年矣余聞其幽適輒寄

二詩

遞世荆南去芳鄰德豈孤
藥畦黃蘗澗漁侶白鷗
湖兩舫携芒屨三騶對
酒壚知君工筆札論可
著

潛夫

洞壑應非遠移家杖笠携井猶王粲宅山似戴顓
棲田父求綿上詩人愛灤西他時新水長吾欲問
鳬鷺

贈邵南仲

隱操存閭史賢聲重國琛獨憐堂背樹摧折百年
心躍鯉生難致眠牛夢可尋東山能內舉蘭玉謝
家林

秋日宋西寧忠父黃孝廉白仲李山人次公

歐虞部集

秣陵卷之三 九

携酒過訪得秋字

十日布衣飲西能問酒樓長楸三騎過短劔五陵
游投効吾何晚懷歸不易求馬卿方病渴猶臥漢
園秋

酬彭虎少自全椒過江見訪

浦口帆初下相尋到大航攝衣花蘂外把酒藥鑪
旁龍劔星星躍驪珠字字光仲宣書籍富應不待
中郎

邵長孺自吳門過別因寄無過虞仲

談君十年事猶是馬相如科斗題周記瓠盧餉漢
書歸停青雀舫去問白牛車舊好應能憶朱明有
敝廬

訊少廉孟白無從公臨校書寶光寺

校籍開龍藏誰將馬隊看筆牀猶傍暖書帶未應
殘居士元金粟諸生尚鶡冠石經何日就江左似
長安

梅禹金見訪青谿

宣城何自至建業始能尋數問勞修翮相逢結片

歐虞部集

秣陵卷之三

三

心梅花寒氣早楓葉暮江深欲把朱絃理聽君白
雪音

答宋忠父黃白仲雪中飲擊筑齋見懷

誰道梁園客偏能寄所思冀初飛藥蘂霰已積書
帷引筇歌相和盈觴醉共持自憐深閉戶猶似洛
陽時

同朱倉部次雙携酒過唐民部仁卿宅得花

字

夾轂問君家疑從杜曲斜御河街裏酒宮閣雪中

花檻炬喧饑馬城籬急暝鴉嚮來論去住吾意卻
平瓜

除前二日同陳山人爾瞻集方銀臺允治齋
中得儒字

逢君蒼玉佩封奏漢庭趨台斗榮新秩江湖剩老
儒春聲官署鶴雪色禁城烏有客金錢會何勞問
酒壚

送劉計部克和何起部師召考績同舟北上

兩省推賢最三年入帝鄉俶裝輕道路理詠共

歐虞部集
秣陵卷之三 辛

舟航鳳闕烟光紫鸛班曙色蒼漢家逢盛事同日

奏長楊

寄吳縣傅明府伯俊

茂宰蘇臺日詞人歷下生才名馳上國問訊過陪
京卜夕移花宴行春帶雨耕思君題一札遙寄闔
閭城

雨中李惟寅宋忠甫邀集馮虛閣同吳公擇

方子及諸君得游字

沾濕銀鞍去行從小隊游苑花迷塔寺江靄薄城

樓館似雷居士園稱沈隱侯開尊仍此地百代更
風流

千雉雞山側丹梯到上頭石能縈細蔓閣自俯長
楸淨土高僧社清時大雅游雨浚春草綠猶自足
淹留

寄方山人景武時從戚大將軍在嶺外

薊門傳尺素白下久相聞學似陳書記行隨霍冠
軍嶺雲朱鷺曲江雨白鷗羣秋晚吾將去扶藜一
問君

歐虞部集
秣陵卷之三 辛

酬王堯載過訪見貽

詞客淮陰至江頭把臂遲枚乘工作賦薛漢雅言
詩鞭弭猶相及簪裾未可期疎麻雖欲贈何以報
瓊枝

王堯載周渭陽薛世和沈孟威枉集

一逕莓苔滑開關聽馬嘶齋頭散平楚城曲帶荒
谿過雨蔬能剪微醺酒屢携蕭蕭曼容宅應記白
門西

方子及李于田邀陪吳明卿同陸無從方仲

美集天界寺屬驟雨過得山宇

載酒因詞伯相携蕭寺閑雲來常滿閣雨急欲沈
山淨土蓮花後新林竹樹間誰令許玄度扶策夜
還

聞譚侍御子誠述衡岳之勝輒欲游矚

玉衡開勝域金策寄靈蹤鄧郁何年隱劉蚪幾日
逢霞光飄紫蓋霽色上芙蓉聽得昇真訣松梯九
萬重

誠意伯劉國禎招飲同鄭光祿趙舍人集

歐虞部集

秣陵卷之三 重

宗稷勳臣舊君稱文武才簪巾羊祐出筆札谷雲
來芝曲從人間松醪爲客開交游餘二紀重上秣
陵臺

寄田子藝

鳳乎千古士君但漢田郎老作申州客官猶博士
堂陪游行橐筆起草入含香戢羽吾將去分飛媿
鴈行

寄何子啓山人

青島來三島金庭近五湖游仙携綠玉飯客具彫

胡世業能編竹閒身欲據梧綵衣君自樂繞膝更
雙珠

湯義仍至聞丁右武已次揚州時鄒爾瞻蒞

比部三月矣予將歸嶺外留贈三君子

江東文物盛千古足吾徒豈必周司樂何傷楚大
夫鵠雖憐遠客馬自識長途欲待羣賢賦秋風已
憶鱸

太博曾封事都官尚諍辭風霜千字挾江漢九歌
遺但可袁絲飲寧知賈傳悲扁舟吾引去何以寄

歐虞部集

秣陵卷之三

重

相思

何仲雅訪予普德寺

逢君邂逅日山裏律僧家名士歸平叔徵君識若
耶腮蘿懸似帶巖桂鬱將花淨土寧勞約恒河一
聚沙

寄丁元父

鱗羽不相及姓名先已聞烟波鄂渚客并牧海陽
君浮筏牽江水開牕過岳雲便應青瑣謁能憶白
鷗羣

秣陵集

嶺南歐大任楨伯甫著

五言排律

遷居青谿周文美以酒榼至

西廨頻遷次爲郎拙可知宦游三署轉家具一車
移潘岳直猶寓周顒到未遲宅邊尋菊把溪上覓
蓴絲慣懶旋抽臚殘病久廢詩鍾山今正近猿鶴
莫相疑

寄陳貳守在璞

歐虞部集

秣陵卷之四

十五年前別題書謝不能鬱林聞盛譽營道喜先
登詩憶參軍府下推大郡丞蒐兵收上策勒頌紀
中興夢去曾攀嶽心期在飲冰春來歸鴈早何以
報金陵

春日鄭子陽陳爾瞻沈秉忠過集齋中得長

字

童子鈎簾起啼鶯乍過牆日高花氣暖風細柳絲
長棐几時焚蒔荒齋亦理觴客能從蔣詡郎自老
馮唐竹下通溪徑谿頭出大航雅游因此地何必

讓清漳

答姚玄胤十韻

雅游逢白下莼圃每稱雄賢哲千秋事歌辭六代
風君家僧坦後世業秘書同持橐爲朝士揮毫自
國工秦淮桃渡側晉苑竹城中池解迎山簡門曾
過孔融塞余思嶺外薄宦滯江東帙束詩頻寄尊
開酒易空顧園閒欲造蔣徑可能通倘得留僮父
無勞酌次公

夏日周公瑕馬從甫陸成叔同集悅上人禪

歐虞部集

秣陵卷之四

二

房得書字

嘉會逢休沐城南枉客車竹溪三徑裏松偃六朝
餘貝葉齊詩箋蓮花照梵書詞華青玉管禪誦白
雲廬棐几涼蕉石清齋瞻筍蔬逍遙持論後玄度
意何如

答陸成叔雪中見懷

朔風千里至霰雪滿江天客集璇房裏詩裁粉荔
前竹光驚歲暮花片似春先城照龍沙月溪飛鶴
沼烟鬼園新有賦虎幄久無氍毹玉馬思常郡銅駝

望酒泉梅清何遜句
施綠沈郎篇奚獨承嘉藻
華婉報牋

康裕卿輓詞

詞客東嘉起悠悠
燕市閒行孤肱自曲吟
苦鬢先斑始遂丘
焚樂俄驚電露開
橘花殘石磴榭葉滿
柴關筆掩羣鵝沼
書藏二鴈山
漢家求禪草應待
所忠還

夏文甫周稚尊張康叔薛世和馮伯延吳允

兆汪象初黃說仲張汝弦九子見過得長

歐虞部集

秣陵卷之四

五

字

羣公敦夙好
携手問潛郎
落日青萍在
秋風白髮長
馬卿雖翫世
張翰已思鄉
禪理閒差勝
詞鋒老漸藏
秣花猶未釀
菰米但堪糧
將客聊開徑
呼兒稍進觴
苑連涼竹密
溪近野尊香
招隱還題館
鍾山傍草堂

聞朱憲使內子宜人卒於潼關寄輓十韻

書來淒楚日掩鏡
恨孤鸞玉匣傷春
晚瑤粧罷夜闌把
簫空有憶撒瑟不
成歡篋鎖芙蓉帶
奩收翡翠

翠冠舊械仍墨漬
遺挂并香殘
嶽雨銘旌濕
關雲帟帳寒
哀能毀壁賦
心更隕珠酸
宜人卒時朱公轉官汾上幼子
竟贏博魂應返
千秋亭名淚幾彈
悼亡汾水上
歸葬淦江干
柩得留形管松
銘奕代看

傾蓋亭八韻

嘉會自不偶
賓來蓋可傾
亭因開徑築
樓以看山成
珠樹門交翠
瑤花井並清
呂園能共灌
鄭谷欲溪耕
隱已携萊婦
游寧學尚平
畦蔬當列鼎
家釀足飛觥
頗有棲林約
猶多置驛情
憐予曾宿客
再

歐虞部集

秣陵卷之四

四

訪辟疆行

送楊鹽城肖韓召入戶部郎

七載瓢城令
田荒澇未乾
河隄行使者
鹽漬學農官
井里謳歌起
江淮保障完
皇家勞計省
賓從待詞壇
籌國談漕粟
逢人賦握蘭
西山秋色好
知爾到長安

秣陵集卷之四終

秣陵集

嶺南歐大任楨伯甫著

五言絕句

羅山九可詩

四照羅城色山牕納白雲萬峰曾不隔遙揖武夷君

右可仰

烟溪斷山木負薪輒沽酒儻窺石上碁視汝柯爛否

歐虞部集

秣陵卷之五

右可樵

濤湧雪成灘星石綰其口誰來選漁竿約此溪中友

右可釣

成都沃野桑彭澤公田秣擊鼓歛幽詩樂歲農功畢

右可耕

釀熟山中黍包羔宴比鄰獨醒非所願樂我羲皇春

右可醉

抱甕行灌蔬桔槔寧復用園葵一飽餘栩栩南牕夢

右可蔬

富有萬卷藏抱書時閉戶不逢堂下人焉知斲輪悟

右可讀

鄰多素心人太樸求吾適耕穫自有餘似是柴桑客

歐虞部集

秣陵卷之五

右可儉

世業已千秋明農不待求橋邊黃石在留伴赤松游

右可隱

題文休承萱花

樹護燦庭花風日當清晝衣以編綈來持獻北堂壽

題繡佛齋圖

衆生無上道開示方便門非法非非法齋心禮世

尊

題宋人繡達磨像

東行震旦年渡蘆帶江色見性成佛心影幻中嵩
壁

觀顧道行所藏面壁圖

神力不思議如如本何動稽首世尊前一悟九年
夢

木海寺石壁

山開儀鳳門江斷盧龍石三宿昔年人泊舟總陳

歐虞部集

秣陵卷之五

五

迹

薛世和寄慧山泉

九龍谷中來貯月青谿曲山瓢汲古心江天賦懷
陸

顧司勳齋中二詠

鋤

烟客以鐵耕霞起赤城日泰山老父來共種中林
木

竿

湘竹供我釣月明下江門扁舟鳴榔急持過桃花
源

曠視樓

浮雲盪胸過遠照延矚明江山極千里信美登樓
情

擁翠樓

刈岫滿窓中翠色飛林杪因之聽松廳卷簾坐清
曉

題丁南羽畫吳明卿雲山水井圖

二首

歐虞部集

秣陵卷之五

四

鶴下丁生筆齋頭到公石六月乍清涼婆婆玉華
客

輓轡何所用注茲玉晶盤陰山雪欲下榻畔鳴琅
玕

秣陵集卷之四終

秣陵集

嶺南歐大任楨伯甫著

七言律詩

赴金陵留別都下諸公

芳草垂楊引旆新一官回首七經春
祖筵戀別停韋曲去騎驕嘶過洛濱
小陸不堪羈宦日大梁曾是倦游人
他時若問尊前客老向江東憶紫宸

楊村驛逢朱可大謫汝州

天涯何意復追權把袂蒼茫別更難
傳舍共憐遷

歐虞部集

秣陵卷之六

一

客去路人猶作近臣看孤村濁酒臨河醉
五月征帆帶雨寒汝洛相思千里外書來不用嘆南冠

登天津城樓

高城秋氣已悲哉一出金門驛路催
天遠漁陽青燧斷日斜滄海白雲來
江南十郡荒何採遼左諸軍戍不迴
百萬材官今扼險胡琴羌笛未須哀

濟州登李白酒樓

汶上何來旅服游至今猶足想風流
殊方賓客空詞苑萬里河山一酒樓
供奉花潑秦地月酣歌星

散魯門秋誰能不引中原目金馬銅駝迥自愁

留城望沛上

沛中一望似江鄉使者南來問渺茫
何代雲飛浮芒碭異時河徙築宣房
關山四塞咸陽壯湯沐千秋泗水長
最是漕渠勞軫念灌輸誰以報君王

燕子樓

舞從掌上罷新權化作烏衣夢亦殘
單翼不堪尋閣道雙棲寧復傍闌干
彭城落月枝枝恨淮水秋風歲歲寒
何事蛾眉怨顏色古來惟有報恩難

歐虞部集

秣陵卷之六

二

玄武湖隄上

十里玄湖背郭斜馬頭片片落山霞
荒渠早下昆明鴈小簾秋開御宿花
蘋末悲風搖枉渚蘆中輕舸出平沙
樂游舊事那堪問惟有長楸起暮鴉

重陽前一日同陸來何吳魏胡黃郭范諸曹

長閱留都城還上天壇眺望

城開天闕俯江隍何但黃山半夕陽
節近偶來持菊觥思深猶憶萸囊青
葱玉樹甘泉色零落彫胡太液香
誰向商飈稱賦客萬年豐鎬頌高皇

答馮咸父

翩翩年少雅能文老嫗西窓白練裙士論共推諸
謝族邦人爭識小馮君建康柳色停金勒長樂鍾
聲散白雲若到谷陽操管日過江魚鴈好相聞

贈郭封君題其二圖

西江南斗映崑崙僊客誰如郭四朝衡岳赤虬飛
戶牖匡山白鹿下雲霄洞經魏姥曾親授社酒陶
公不待招簪黻奉恩黃髮老婆娑寧但侶漁樵

右衡廬兩峰圖

歐虞部集

秣陵卷之六

三

白首緇帷不下壇一編元自足盤桓書傳絕學蟲
爲篆家隱名山鵲是冠草閣幾人題玉笈竹林諸
子薦銅梓西昌更有長生籙願奉雲亭歲歲歡

右鵲冠著書圖

同宋膳部惟一余太史伯祥過姚太守敘卿

齋中看菊得殘字

霜天下馬一尊殘把菊深秋興倍懽搖落未應同
澤畔風流今尚在江干烏衣舊宅通花市錦石高
齋傍藥欄笑問東都白居易許携賓客幾回看

唐民部宅餞劉大理長欽考績北上

酌酒黃花此夕情久從海內得劉生引經豈但推
儒術結襪因知借客名月傍林鳥玄武署霜彫江
樹秣陵城九霄宮闕長相憶彩筆還來賦二京

寄吳叔承

綠髮朱顏四十春清班侍從拖朝紳起家已作青
雲客結社還從白岳人芝朮山中年自給鷺鷥谿
上日相親漢廷我亦東方朔君到金門憶小臣

齊王孫園餞郭相奎曹長出守潮州

歐虞部集

秣陵卷之六

四

急管嬌歌醉月明寒宵猶共秣陵城文扶八代潮
州去詩壇諸曹水部名南問舟航津樹合東看樓
櫓海煙平不知幾日王程路何限兒童竹馬情

聞王敬美關中督學乞休還吳下

入關去作半年游拜疏歸來豈復留山徙瑯琊東
武日門開安里射臺秋靈威丈人堪共酒貞白先
生不下樓我亦陪京家漸近乞君一杖向羅浮

冬至齋居次張侍御伯大韻

定鼎鍾陵俯大川郊丘練日盛才賢沐蘭禮備精

裡裏燎王誠將奏格先泰時風雲開禹甸周廬星
斗望堯天齋郎聽得陽春曲猶妮西臺寡和篇

送宋膳部惟一考績北上

寒城出祖大江濤曾是從君水部曹稍轉雲司勞
削牘更移蘭省借揮毫星前入奏燕山近雪後趨
朝漢殿高計最祠官應戀闕可能歸及薦櫻桃

除前一夕吳叔嘉黃白仲夏繩卿過集得杯

字

追除風雨歲偏催寂寞蓬門爲爾開梅萼似將春

歐虞部集

秋陵卷之六

五

蚤到椒花能與頌俱來江干日月冥鴻羽海內賓
朋濁酒杯豈是咸陽猶客舍夜闌燈燭一徘徊

立春日同諸僚集黃都水督蘆署中

筵開西署綺窓寒何限梅花水部看絳雪不妨銷
夜燭青絲猶自簇春盤憶從北闕千官會馭得東
皇萬國歡誰道紫宸車馬隔由來江左舊長安

人日同許奉常用杜韻

獻歲日逢人共喜過江星與使同看航頭南署曹
雖簡關角東風帽不寒醉後五辛頻對食歌中雙

缺幾回彈客卿老問清卿業敢向明時更說難

答金山人姚鴻臚人日過飲

杖笠相尋竹逕斜客來猶似入煙霞溪曾西府沿
江宅豈豈東山學謝家大隱自堪論世外舊游何
必問天涯尊前記取人爲日開到官梅幾樹花

答俞公臨沅州見寄

天寒江上路初分消息勞將尺素聞吹笛故能陪
漢將楊舲猶自弔湘君洞庭曉色魚龍陣沅浦春
風鴈鷺羣公子翩翩王粲賦西來詩可寄從軍

歐虞部集

秋陵卷之六

六

因滇中使寄方子及

五載南音楚執珪相思更在益州西開邊異代通
華馬奉使何人祀碧雞客戴次工能共醉蠻封麼
夢請留題還君鞭弭中原日莫恨昆明聽子雋

春日同金處士姚鴻臚集許奉常宅

一輶吾尚傍風塵江左衣冠半隱淪六鵠並來崑
圃客二龍誰似汝南人尊前寄賞同看竹賦裏懷
歸不待尊爲是舊游容入社可能無意橘花春

右次奉常韻

秣陵一別十三年許樣能開玳瑁筵何限江山經
六代未應賓客讓羣賢春聲前起金壘側真氣東
來玉杖前遙望崑崙山下路問誰田者是元先

右次鴻臚韻

清卿宅近秦淮畔春滿西堂愛客過交以通家論
孔李詩曾佳句遍陰何披襟石上青雲遠把臂林
間白髮多誰共千觴酬勝會醉來吹劔一高歌

右次處士韻

郭次甫往游玄嶽過金陵見寄用韻遙答

歐虞部集

秣陵卷之六

七

片帆不住楚江舟峯嶺西尋最上頭金澗松杉千
瀑下玉霄臺殿五雲流書成薤葉僧能乞杖借椰
枝客共游肯過茅君雙白鶴願從人代訪丹丘

次韻酬陸無從因喜李季常歸自嶺外

舊學君魚轉是師竹西一赴十年期法曹尚憶梅

花閣隱士多能桂樹詩頻向江波烹鯉腹似憐山

月妬蛾眉北來漸有羅浮信爲訪磨崖問叔之

叔之有游羅浮詩故云

春日集許奉常倪斬水姚嘉州于青谿別署

官橋楊柳鬱青青繫馬留賓濁酒餅鼎族谿東曾
鵲起詞人江左半鴻冥桃花不隔湘宮寺竹格猶
通驃騎亭五百里中賢更聚荀陳何事亦干星

銅梁張中丞自上谷入爲右司馬遠承書問

因登石頭城奉寄

虎踞城邊鴈未還遠傳歌吹入燕關十年出佩扶
陽印九命趨歸太尉班幕府重霑新雨露鼎門能
記舊河山南曹已隔賓庭履花滿江頭鬢漸班

白下逢王比部幼文使還吳中兼懷沈比部

歐虞部集

秣陵卷之六

八

箕仲

趨朝同聽禁鐘聲日出彤墀一字行我自分司稱
散吏君今銜命下陪京青旛南布王春令白紵東
歸子夜情天末故人如把袂五雲回首鳳凰城

答方永叔兼懷朱子厚

白下音書久未通勞題尺牘問飄蓬才人宛洛風
流在公子夷門節俠雄雙闕曉雲籠楚樹萬家春
雨滯江鴻東都作賦非吾事綵筆偏能讓國工

訪廖中郎不遇酬其贈篇

興來策馬不相期病後封書報汝遲故事盡傳都
水部詞人能誦廖公詩臥游宅裏圖南嶽行散江
頭望太滄基墅酒樓應可問綠楊西路竹叅差

寄顧少叅益卿

斗城千雉海邊開曾是南征戡定才西部兵符山
越過右軍詞筆永嘉來波驚近寨惟吹笛月滿高
樓數舉杯我自江東看白鴈可能傳得尺書廻

白水草堂爲朱子厚題

南陽貴人統綺間聞道王孫善開闢校籍名高天
祿閣著書家近陸渾山桃花水長渟爲鏡竹箭流

蘇東坡集

卷之六

分曲似環客有八公會到否藤枝芒屨可能攀

太醫令周一之歸葬吳中王元美爲銘其墓

慷慨中原俠客魂銘山猶有故人存蛟龍尚護干
將氣狗馬誰蒙蔽蓋恩落日啼烏悲薊樹西風歸
鴈過吳門塋前極目千家邑能爲停舟醉一尊

訓馬從甫見投因懷林邦介

裏糧三月下江東漫漶曾題短刺中有道出能游
太學季長名自起扶風家惟白簡文無害世以青

箱業更工共識林尊經術貴石渠高論幾時同

酬余明府宗漢過金陵見贈

帆落江干聽暝鐘七閩詞客忽過從一冠書就猶
爲鵲雙劍函來盡是龍租舫故應逢謝尚草堂吾
已媿周顒不知傲吏游何處期爾茅家第幾峰

答臧博士晉叔荊州見寄

昔從法署頗經年尚記持觴芍藥前南郡儒生勞
絳帳西京賓客待青氍登樓賦倚荆江月握管書
題郢樹煙留省爲郎頭欲白憶君何日奏甘泉

蘇東坡集

卷之六

送馮京倅致仕歸華亭

彬彬漢代孝廉同納祿書馳奏法宮鷗泛未忘滄
海上鱸肥先下大江東龐眉尚得遷都尉驥足何
勞薦治中是處名山皆可隱杖藜吾亦待秋風

王仲房吳少蒙吳翁晉梅季豹過集遲周公

瑕殷無美不至

江左千年調轉孤祗堪長嘯共吾徒可能省署開
文苑未必河山邈酒壚涼入蒹葭黃鵠起酣來風
雨白龍呼東方且結金門客囊粟誰曾問有無

同方鴻臚允治集李臨淮惟寅宅

宅依雙闕紫微垣世閭岐陽幾代孫江左旌旗開
幕府信陵賓客過夷門繭書龍護宸章閣竹樹鵝
樓御賜園聞道青谿曾拂石南來猶得共芳樽

中秋郭次父陸華甫周文美陸無從胡伯昂

何長卿李季常安茂卿陳從訓黃白仲陳

季廸梅季豹過集得長字

高天月轉薜蘿牆握手驚呼白髮郎鵲觀臨淮
水碧鴈鳩司傍蔣山蒼歌翻南曲秋當半客滿西

歐虞部集

秣陵卷之六

十一

池夜正長斗酒十千君但坐莫令離索念江鄉

次夕李文仲孫齊之姚伯道羅伯符王元方

程子虛汪仲嘉馬從甫黃思素吳大覺過

集得逢字

草堂西曲白雲重尊酒寧知此夕逢何限歸心思
息鷁敢於詞客競雕龍萬家明月江城笛千里驚
飈碣寺鍾宋玉未應搖落恨劒光秋已照芙蓉

答陳太守思貞見寄

孟公賓客未應稀謝病爲園早息機論讞有人求

故府薜蘿中歲遂初衣江頭烹鯉封書到洛下思
鱸釣艇歸君記藏烏楊柳樹何能不向白門飛

和答宗侯芾斯見寄

飛蓋何人問病夫八行傳自孟陵奴江湖已賜諸
侯履歲月先藏大國符校籍西京勞子駿著書東
觀召駒駝報君一札頭將白天遠柴門客夢孤

送蔡祠部爾通守寧波

祠官今比玉壺清銅虎符分向四明城近丹霞褰
幔過山溪白鹿夾車行治裝資遣惟興學賣劍催

歐虞部集

秣陵卷之六

主

耕不用兵十郡應推循吏上漢家何日召持衡

從光大鄧忠父臧晉叔鄭孟承錢仲美五博

士典試留都秋日見過

長安星散舊交稀馬首今看道路輝聘趙才應收
白璧過江游更聚烏衣疎狂我抱秦人策獻納君
趨漢主關暫可相從南菊醉不堪天際北鴻飛

同來何賈魏黃徐李諸省丈游燕于磯

瑟瑟秋風吹落鴻聯鑣登望有羣公星分甌駝懸
朱鳥江合岷嶓引白虹睥睨北連山樹裏樓船東

商海雲中雅歌欲答昇平樂雙槳尊醪幸不空

登弘濟寺觀音閣

摩空佛閣鬱崔巍乘興諸郎約不違瓜步片帆江
似塹蔣州千柵石爲磯履曾西去無消息馬自南
來有是非誰共謝公風浪裏祇堪沉醉笑安歸

九日同方鴻臚允治蔣光祿淑四游徐氏園
載酒亭西曲逕通商飈一望雨冥濛寒濤半落三
江渡秋草難尋六代宮碁墅頗曾邀謝傳習池能
不醉山公齊盟敢負京臺約翠竹黃花尚可同

歐陽修集

秣陵卷之六

三

送祁羨仲鄧德咸何學繩鄺若欽陳鳳甫李
季宣林開先諸子赴試南宮

西風彈劒氣翩翩半似陽關送別年赤羽飛龍新
入剡黃金圖駿更歸燕參差閣道重城裏沈澹滄
波太液前公等定驚相見晚不妨同日奏甘泉

區用孺高正甫王永叔崔子玉赴試入都別

之江上

秋晚公車待詔行詞人筆札滿西京奏書已有三
千牘函壁亭論十五城金埒柳溪遙策馬玉河花

簇醉聽鶯白頭轉憶追趨地何限江干送客情

別吳叔嘉黃白仲馬從甫余食其四子

一時詞客起彈冠何事交深去任難江關片帆瓜
步遠天高雙闕秣陵寒歌中白雪曾同調醉後黃
花尚可看六代風煙分手地贈君惟有碧琅玕

同顧司勳道行張太學幼于夜餞張侍御伯

大還蜀

鍾阜城邊數騎過離懷耿耿對星河朝臨楚岸雞
聲早秋入巴江鴈字多楓葉吹來行自聽竹枝歸

歐陽修集

秣陵卷之六

四

去和誰歌天涯可道輕分手其奈關山怨別何

方鴻臚邀同許太常張太學飲齊園

奉常典客雅稱詩才子東來不可期曲宴幸同漳
水會名園況似洛陽時席邊月冷松猶茂籬下霜
彫菊未遲我亦自扶消渴後十千平樂醉何辭

寄冢宰王公

二首

台衡星照赤麟袍家是王祥有佩刀霄漢雙飛鴻
鴈字風雲並起鳳凰毛龍門史待抽金匱江左才
應讓綵毫從此衣冠傳盛事駟車爭看里門高

青雲射策重名儒，競爽誰如二子殊。
杞梓荆南千歲幹，驪駒燕北五花駒。
荀郎表里知家學，韋相傳經在帝都。
遙想曲江春醉後，應隨革履闕庭趨。

大司空曾公新加宮保寄賀二首

鵷班鳴佩掖門東，郢國于今秩最崇。
相以司空開赤社，恩加太保侍青宮。
閣中秘有新裁詔，橐裏藏多舊賜弓。
八座首承三命貴，一時經術獨稱雄。

山陵使者漢臣尊，丹陛酬功禮數繁。
挿羽瓊條參

康虞部集

林陵卷之六 七

鼎位延芳珠樹傍，台垣錫圭更綰中書印。
拖玉頻趨太極門，回首鬱蔥佳色裏。
早憶忠藎答皇恩。

答李裕德黃元光見寄

家山何處望，月梯念我頻勞尺素題。
官媿董郎栖白社，宅猶江令寄青谿。
移文猿鶴心偏遠，歸夢鄉關路不迷。
儻許相隨靈壽杖，大科東北鐵橋西。

至日齋宿省中值雪同諸僚作

千官齋校祝蕃釐，七日迎陽肅盛儀。
望入漢宮雙露掌，擁來江苑幾瓊枝。
飛英半似花林夕，鳴玉猶

隨月觀時聽得僊，郎歌白雪何人不和郢中詞。

送張曹長仁甫出守淮安

竭來東省共爲郎，畿輔君行綰郡章。
正借張綱平海壘，誰云汲黯臥淮陽。
萬家畚鍤防河急，十道均輸轉餉長。
問俗勤耕功不細，召歸何以奏明光。

哭黎惟敬二首

南北銷魂已黯然，誰知掩淚向江天。
傷心別路三千里，回首浮雲五十年。
粵隱獨先持海釣，楚游曾約問龍船。
他時縱聽鄰人笛，只在山陽竹樹邊。

康虞部集

林陵卷之六

七

典秘能辭侍從廬，歸人爲我一躊躇。
痛深張掖門前別，訣絕梅花社裏書。
稷下舊游那可得，茂陵遺草更何如。
望鄉未把生芻去，策馬西州限有餘。

癸未元日和許奉常作

舊京元會傍丹霄，雪照青山玉作橋。
雙闕風雲隨劍舄，十年江海夢漁樵。
長生豈但思餐栢，上壽惟能學頌椒。
郎署馮唐頭已白，自憐何補聖明朝。

初春過悅上人遲恩公禮公

杖藜江路雪方消，獻歲初過善世橋。
爲許阮公持

白馬便逢支遁論逍遙山寒竹樹鳴蒼玉牕暝梅
花照絳綃今日長干禪藻盛風流何必減南朝

送泰寧陳侯被詔馳驛還都

龍驤百萬奇戎機六傳飛揚北上時路遠風雷驚
鼓角江清魚鳥識旌旗洛師已報功宗禮魯頌今
歌燕喜詩雲暖日高貂冕入未央前殿望罽恩

答王百穀見寄

長安携手問游梁曾憶同時謁建章開閣爾爲丞
相客過江吾媿尚書郎遙知羔幣辭蓮府老向騶

歐虞部集

秣陵卷之六

七

車負草堂明日東歸變名姓儻逢梅福在吳閭

送沈憲副徵甫備兵江西

銓管清曹羨握蘭五花驄引繡旌干論兵名蚤標
麟閣持憲權新壯豸冠章水天浮諸郡出匡廬雲
落九江寒卷簾不必舒長嘯秋色還能散帙看

送鄭兵憲克漸赴嶺西

外臺使者出東曹攬轡寧知度嶺勞蠻府鑒關臨
萬壘漢兵橫海發千艘鐵冠道路清霜肅銅柱風
雲白日高平越威名從此盛漁樵今已息弓刀

同汪主客李司封遇周計部元孚飲江上

把袂何期白鷺前行吟憔悴也堪憐柳花香送吳
姬酒桃葉歌留楚客船沙際鳴榔迎海汐城頭飛
帆宿江煙青青蘭芷思公子不是湘潭惜誓年

青谿館春晚答吳翁晉見寄

江上秋風送客槎封書能寄子雲家病中諷詠曾
焚藁別後星霜一折麻白練飛來天目雨紫萸開
過秣陵花金門傲吏抽簪晚欲向朱明嚙九霞

方鴻臚允治吳駕部公擇顧司勳道行李司

歐虞部集

秣陵卷之六

八

封于田過集青谿館

春色鳴珂滿舊京一尊谿上薜蘿情儘娛山澤琴
中散誰許英雄酒步兵檻俯流漸通急溜簾開疎
雨過高城同時幾似操觚客何但甘泉侍從名

許奉常見示八十自述四首次韻奉壽

嘉靖中興十四春南宮第一奏名新迴翔銓省方
遷秩出入容臺已乞身丹穴九苞飛鷺驚青山十
賁長松筠何須禽尚相將隱自是羲皇以上人
投閑蚤得養修齡千丈翩躚海鶴形松子舊封江

上鼎鳴夷長傍井湄瓶周家禮樂卿爲月漢代煙霞客是星拜老西雍鳩杖健 君王不用給芝苓一謝明光草奏年及門羔鴈擁書筵思玄請老張平子學道辭侯葛稚川關下有人能望氣海邊何客更求僊五龍睡法曾相授閑向松根枕石眠鍾阜峻嶒口漸高中公八十是今朝長生林裏春偏茂偃蓋壇邊雪不彫閣貯文章皆琬琰家傳簪笏半雲霄稱觴盛有江東客南極星明頌 聖朝金山人在衡九十有作次韻爲壽

歐虞部集

蘇轍卷之六

无

辭爵東陵盛代民青門瓜地豈全貧 五朝世異陶元亮十畝耕如鄭子真守德故應忘寂寞居閑何用厭緇塵若論江左風流事誰似昇平九十春雙鬢蕭疎雪未侵高年粟帛詔初臨伏生隱待求書使居士修成出世心但可敲冰餐白石寧知鍊藥煮黃金兒孫繞膝皆蘭桂一曲賓筵更一斟身是神僊自不知况逢熙皞 聖人時城盤龍虎山爲嶽宮現金銀海似池洛下曾陪諸老會淮南奚羨八公詞更開十表方瞳碧玉杖雲邊賦采芝

送宋兵憲惟一赴閩中

南征慷慨佩吳鉤組練三千擁上游襟帶七閩開大府弦歌百越似滄洲白龍尚控無諸國銅虎猶勞案道侯儻問梅花吹玉笛故人相憶在江樓

寄致政區溫州

東嘉大郡解簪裾七十銜 恩賦遂初肄水鳬鷗迎進艇崧臺麋鹿待懸車家辭句曲先生祿山就龍門太史書三鳳翩翩前上壽丈人安坐樂何如李君實萬未夫范藏卿余無且林僊客丁君

歐虞部集

蘇轍卷之六

三

朗梅季豹枉過同賦

江天漭沆石城隅文苑誰知在舊都金埒長楸頻走馬白門新柳尚藏烏辟書競起趨三府歸興偏思寄五湖別後中原吾自遠可堪南望客星孤

報華存叔書問兼寄明伯

尺書勞問大江濱赤日紅塵老此身貧似庾郎惟有非歸同張翰亦思尊已營織畚棲山宅還約楊帆渡海人高士二何猶念我慧泉將訪草堂新

陳玉叔雪坡草堂

楚客才名桂後冠西堂字字是琅玕園多積雪歌
仍起臺似陽春和更難竹樹江沱移艇入梅花雲
杜引觴看中原何限蒼生望留得東山待謝安

喜郭侍御還南臺

賜召旋於放逐餘郭丹風采更誰如亭邊客認埋
輪使輦下人傳諫獵書葵藿寸心懷禁闥雲霄一
日走鋒車已知主聖容臣直咫尺青蒲拜玉除

過吳幼安窺豹館同余伯祥姚敘卿陸無從

白下稱詩舊有名愛君文杏館初成爐頭一醉狂

歐虞部集

林陵卷之六

三

奴態七首雙投國士情詞賦鴈行推漸長江湖魚
服敢相輕蘋花荇葉堪攜手何用浮沉托外兵

王比部茂欽使過留都追送江上

海內人推謝法曹南來使節讓揮毫詔函寵借金
陵重詞苑名因歷下高登岱一鞭開曉色渡江雙
旆泛春濤送君回首新林浦寧得相携解佩刀

寄趙計部夢白時監倉天津

一出銅馳幾望京詞人籍甚趙郎名文推鄴下劉
公幹狂似陳留阮步兵清嘯高樓遮海戍轉輸連

艦發津城遡波雙鯉無因至何限中原尺素情

酬西寧侯宋忠甫見贈

珥貂誰似大將軍年少翩翩雅好文庭抗魏侯隆
客禮家銘鄆國伏羌勳角巾江艇臨流水手版山
臆看白雲借問越公名位重幾能筆札到河汾

送劉侍御汝弼謝病還閩

江頭驄馬散鳴珂賜告還山奈樂何一給參苓雲
臥遠十年冠蓋陸沉多披襟夜月調琴曲把酒秋
風入榜歌南寶家林雖可戀青蒲丹地莫蹉跎

歐虞部集

林陵卷之六

三

同李惟寅載酒江上訪朱貞吉得村字

中壘名家漢庶孫扁舟棲泊傍籬門山開烽火樓
前路雨暗江潭苑外村擁被鄂君猶共泛弦琴漁
父最堪論千秋此會誰能定溪竹垂楊對酒尊

送貞吉游吳下因酬原韻

辭祿離家樂自耽竟將蘿薜易冠簪君能問路來
江左予亦歸心向嶺南城外不妨劉尹出舟中今
得謝公談姑蘇東下堪乘興玉雷金庭更一探

寄寧夏張中丞助甫

重臣開府赫連城戲下新屯百萬兵大赤獨持勞
遠檄飛黃先躍授長纓賀蘭曉望風雲入花馬秋
溪鼓角行畫取鎮番牧漢地張家何但受降名

懷高升伯陳伯符二博士

嶽立儒林二子名別來何以報同聲江花每憶華
陽館鴈鴈頻飛白下城赤管著書真汝事青山高
枕得吾生天涯瑀樹憑誰寄秋滿瀟湘問去程

齊王孫同春園

卜築秦淮似鄴中賓游飛蓋幾人同竹林此日延

歐虞部集

秣陵卷之六

五

諸士桂崦何年下八公汎苕波搖江苑碧臨楓山
照石城紅白門烏榜猶相望賦有南朝六代風

方鴻臚允治方子及范介儒二比部枉集青

谿館得鴻字

紫綺裘披朗月中谿頭猶得一尊同謝家聖遠風
流在孫楚樓高莽蒼空何處關山間落木二年江
漢送飛鴻相逢且醉涼秋色酒客今惟十數公

同方鴻臚飲許奉常樓上並賦秋字

南朝名勝自風流幾度能隨許掾游舍下蕭參三

逕色城頭睥睨一江秋鍾山蕙月頻褰帳句曲松
廳近滿樓別緒漸憐今夜酒百年惟憶醉鄉侯

江東送黃說仲

軺傳今逢盛漢年青雲挾策氣翩翩客卿雙璧全
歸趙國士千金半入燕七首獨持名嶽上爐頭曾
醉大江前五陵任俠君方少應笑揚雄老尚玄

送姚繼和赴臺幕

過江曾不羨爲郎一幕西臺列栢蒼谷客詎能齊
筆札謝家元自識琅琅班聯執法皆鷄侶詩許參

歐虞部集

秣陵卷之六

五

軍且鴈行握手尊前南北路扁舟吾亦下瀟湘

題余伯祥溪雲閣

鍾山盤礴世臣居溪色鱗鱗照綺疏燈下仙人蔡
是杖閣中太史竹爲書勝因六代開林館會似諸
儒講石渠雲氣飄然凌欲上漢庭誰並馬相如

送沈孺休還雲間曹仲行還錫山

鼓柁秋颺江上寒東歸何處不盤桓二泉玉甃行
堪汲三泖銀濤去自看白練已書留舊館青梅曾
弄憶長干風流豈在南朝後人識儒林子夏冠

石城外哭吳評事

一官廷尉府中趨丹旄飛飛出舊都匹馬未能號
返觀炙雞何自藉生芻虎貴豈必邕猶在國士應
知紹不孤獨有故人扶病後西風雙淚灑平蕪

寄吳虎臣汪仲淹二子

豐干曾有尺書裁木末芙蓉兩度開紫氣青牛何
日遇朱霞白鶴半天來將因夜月乘租舫可及秋
風過釣臺倘入名山還報汝江南空憶大鄣才

送大司馬張公自浙中應召還朝

二首

歐虞部集

蘇陵卷之六

三

漢家重見勒銘才玉壘銅梁秀色開款塞曾驅羣
馬入行邊親掃二庭來湖山開府兵初解劔履趨
朝詔已催兩浙安危功不細征南碑更表崔嵬
便宜有詔伏專征杭越南來愷奏成雪白雙鉤臨
海浴波從萬弩射江平視師裴相行淮甸籌國留
侯入漢京鵠印鸞旗飛傳急早紓明主錫主情
宋西寧忠父黃孝廉白仲李山人次公夜過

得澠字

尊鱸歸不及張鷹橡栗餐猶勝杜陵齋裏已圖山

似洛溪頭誰送酒如澠醉堪深夜歌招隱老敢逢
人間代興公等他時懷倦客七松高臥石門燈

題姚敘卿鳳麓草堂

鳳凰臺倚帝城隅五馬歸來宅一區興寄自堪
同謝傳隱居何以學王符航臨驃騎新成館苑接
江潭半帶湖誰爲清時頻勸駕十年功已賦三都
送劉兵憲長欽赴滇中

二首

秋憲能文似馬卿璽書尺一奉西行版收君長三
千部旆入丁男十萬兵印杖至今通越雋樓船猶

歐虞部集

蘇陵卷之六

三

自會昆明鏡歌好奏從軍樂僕射何妨是父兄
廷中新賜豸爲冠馬首爭迎鏤玉鞍緬甸字傳軍
府令吐蕃書獻內庭看霜飛藤笠秋偏早風送蘆
笙夜不寒漢使碧雞曾未遠登樓何處望長安

冬日同蘇大理子仁方比部子及金民部持甫臧博士晉叔李祠部道甫集李臨淮清

嘯園得宮字

西園飛蓋幾人同寒色蒼茫几席中城雪尚連芳
樂苑閣雲曾傍建康宮可能賓客逢荀令未許風

流滅謝公齋裏虎頭金粟影杜陵從此憶江東

臨淮

家具葉齋有
唐時佛故云

元夕同周稚尊陸伯生吳公擇臧晉叔陶懋
中諸君集西寧侯宋忠甫宅得先字

主家西第 帝城偏雪照春燈此會先禱隱芙蓉
雙雀起盤行瑪瑙五鯖傳銀釭宴合祠膏後玉漏
聲沈舞拂前公子醕觴賓已醉夜深猶欲待嬋娟

十六夜周稚尊陸伯生臧晉叔陶懋中黃白

仲宋忠甫吳孟白枉集青谿館遲吳公擇

歐虞部集

秣陵卷之六

七

俞公臨不至得關字

草堂谿上見鍾山會有金錢節假閑酒渴我猶通
漢籍詩名君已動江關苑花半襍金支裏聽雨微
添玉溜間燈火六街曾不散驟驛車騎未須還

十七夜同周若金儀部蔣景雲陳君實二計

部集袁職方子壽宅得烟字

蕩口新醪劇可憐諸郎高宴興翩翩九微燈映橋
前雪五色花雙署裏烟江左客游惟兔管汝南家
學半魚牋儻能瓊樹還相倚猶及馮唐未老年

送大宗伯楊公謝病還姑蘇

一代賢哉疏大夫官僚供帳擁城隅鱣魚家學先
名漢尊萊鄉心已向吳將作舊勞書左省秩宗新
禮在東都歸來震澤烟波濶不待 君王賜鑑湖

西寧侯宋忠甫邀往郊遊集天界寺同方子
及吳公擇臧晉叔陶懋中諸子得門字

錦連錢映九花翻朱雀橋南夾道喧舊苑尚窺阿
育塔長干猶問給孤園魚文寶劒馳三市鴈柱銀
華醉五原楊柳青青還執轡不知何似信陵門

歐虞部集

秣陵卷之六

八

送黃助教致仕還延平

四門官貴眼中希親授諸生白虎闢講席鱣銜先
已兆劒津龍躍早知歸山麝共待蓬蒿徑江鳥爭
迎薜荔衣同是乞休君便得青冥吾自羨鴻飛

吳叅知明卿東游泊舟江上同李臨淮惟寅

方比部子及李司封于田周山人文美李

小侯汝藩携酒訪之分得孤字

冠蓋何年別 帝都石頭今始接歡娛登樓歌吹
官河曲邀笛風流客舸孤坐下春波通竹箭尊前

暮雨亂靡蕪看君紫綺裘無恙猶是長安舊酒徒

答張玄超見寄

詩似張鷹調轉孤秀林今勝隱居無諸山松響風
臨閣千里尊香月滿湖受簡人宗秦博士著書家
學漢潛夫乞歸我謝鳴騶去短策從君五色駒

金戶曹持甫宅賞牡丹同朱倉部次夔蘇大

理子仁黃侍御唯吾楊計部士遇賦

六代風流玉樹存江東春似洛京園鍾山雲護平

章宅

持甫僦宅是倪文毅公舊園

金谷花開太白原艷紫幾看

歐虞部集

秣陵卷之六

五

搖蕙帳嬌紅猶自媚蘭尊威蕤豈必驚顏色何限

詞人賦采繁

送顧憲副道行赴山東

牙繡青春五色驄使君齊魯更歌風文今禮樂三
千盛國以山河十二雄碣石濤飛猶夾右岱宗壇
在舊升中主恩豈但勞持憲尺一東行仗鉞同

同吳公擇方子及臧晉叔宋忠甫錢顧道行

石城舟中再賦一首

幾載爲郎共陸沈東方千騎忽駸駸尊前細雨江

淮路賦裏浮雲海岱心陳臬君猶工握管望鄉吾
已學抽簪秋鴻儻念離羣客家在朱明洞更深

送宋西寧忠甫入都

白門柳碧大江清慷慨乘春向北平鼓吹濤聲雙
旆起樓船山色九河行魚牋共賦三千客虎輦曾
談十萬兵貂裘趨歸朝請日濯龍車騎在西京

寄戚少保

貂冕臨戎慷慨多朝廷南顧更如何齊中兵法
尊司馬海上樓船待伏波蓮萼純鈎衝斗出桃花

歐虞部集

秣陵卷之六

三

探騎蹴霜過軍前吹笛門生幾誰似陰山敕勒歌

送張以孚赴召虞衡郎兼寄周郎中鐵員外

賜環恩已出龍樓宣室今蒙漢主求世有玉堂新
制作才稱蘭省舊風流露華望入金莖曉涼色行
逢碣石秋水部我慚南北遠梅花誰更念楊州

吳明卿從吳中還泊金陵午日同方允治携

酒邀集佑聖觀方仲美適至分得高字

楚客東行五月濤故人騎馬待烟臯赤符迎節新
開觀錦纜牽江且繫艘齋裏塵清林雨細城頭風

急海雲高白門豈料重携手握取菖蒲對濁醪

題楊太宰桃花嶺

海上花開半嶺紅仙源應與武陵通天將衡鑑容
山宰世以安危寄令公啓事建章朱樹側歸心度
索綺霞中恩渥正在弘農日詎但名園洛下同

得朱秉器汾上入蜀書時予將歸嶺外口占

代柬

使君叅省大藩侯三尺今持入蜀游綿上雲移汝
領日峨眉雪照劒門秋趨朝簪履曾相憶開府旌

歐虞部集

棟陵卷之六

主

旗不可留漸隔翺翔天路遠更能竿牘問滄洲

題張司馬巴川草堂

仗鉞仍簪柱後冠珊瑚樹且掛漁竿岷山流遠江
成字巴嶽雲深谷似盤簾展新青桃竹滑尊開重
碧荔枝寒晉公已拜裴中令銘鼎西堂歲歲看

酬沈士範見訪因寄季豹禹金泰符

鳳毛一日起千秋不數東陽八詠樓乍對頗談科
斗字相携頻典鸛鵲裘航頭賣脣猶朱雀江上聞
歌似白鴻君去諸梅操管待風流吾自憶宣州

寄楊山人維五酒

白首無機似漢陰桔槔閑掛在中林鱸堂講授諸
生業虎洞沈冥百代心盤蕨自堪供歲久杖藜何
必入山溪一尊且壽羅浮酒莫笑疏家少賜金

聞沈純甫以尚寶丞召入志喜有作

鳳城芳草映垂楊尚憶從君典鸛鵲氣奪將軍迎
長孺疏扶名教擊安昌八千未苦征蠻戍萬里今
遠奉璽郎我向江東思握手夜憑星漢望明光

中元夜鍾給事道復招同陸文學伯生李孝

歐虞部集

棟陵卷之六

主

廉季宣雨花臺翫月得香字

高臺一上散蒼茫歌吹何期共夕郎冰泮競傳希
逸賦風流新挹令公香夜疑海上開龍藏涼入江
頭湧鴈堂坐久天花還欲落萬山秋色照持觴

寄李襲美比部

李家供奉筆如杠夢裏相隨騎每雙我向青溪開
竹館君歸丹水放蘭艫呼來鴻鵠將棲岳采得芙
蓉自涉江四百峰頭秋可到封書須寄白雲牕

上疏得請述歸

掛冠神武去何疑征虜亭前出祖時江上鷺鷥頻
有喜丘中麋鹿久相期自憐顏驥年垂老誰道楊
雄力未疲今夜青山雲臥穩可能猶夢漢官儀

寄李本寧太史期游棲霞句曲聞其已從豫

章新安過吳門予將渡江次石頭待之

東游聞汝訪靈威廬阜鄣山策幾揮天地可容雙
劍合風塵吾乞一筇歸江邊待客歌持檝漢上逢
人問息機已約茅君秋月下藏書須到石門屏

御史大夫姑蘇袁公新拜春官宗伯賦上賀

歐虞集

蘇門卷之六

三

篇時余南還

彤墀鳴佩秩宗尊一歲三遷是主恩周樂奏歌
惟有札漢臣家世幾如袁朝來山色尚書府秋八
江聲白下門公去趨朝吾益遠直從南斗憶台垣

秣陵卷之六終

秣陵集

嶺南歐大任楨伯甫著

七言排律

寄大司空郢中曾公十四韻

雲夢風清麟鳳出祝融天啓八千期幼齡德器傳
三楚壯歲才名冠四陲製錦受徵賢令起含香入
奏省郎推關門策駿趨秦士燕地攻駒走塞兒已
向奉車嚴僕正更從授鉞統戎麾占烏蜀幕迎開
府飲馬巴川待誓師充國諸屯留戍久孔明五月

歐虞部集

秣陵卷之七

一

渡瀘遲將軍卽壘平都掌元老銘勳勒九絲夢名
灌壇祈父後星寒貫索大江湄疇咨遂正冬官位
宅揆應逢聖主知眷以股肱承簡命眞看五
十拜台司朱提宣賜緘文綺紫誥疏封照赤堦遙
想衣冠爲壽日正當霄漢被恩時陪京尚隔瞻
槐棘延首河山寄頌詩

元美兩以大京兆少司寇召不赴奉寄一

首

客於江左卜行藏帝以明公重建康彞院已聞

朱草秀舛州何處白雲長赭衣可得逢臯呂青史
奚由數趙張憲府空深慈雨望鞠城猶指法星祥
辭天有疏頻會上翫世無心老更狂仙自千年吳
市卒人今一代魯靈光聽松便欲追弘景辟穀應
能學子房恩許烟霞棲海曲詔分芝朮給山囊丹
函綠檢書初就玉雷金庭路未荒我亦拂衣從此
逝羅浮寧但憶吾鄉

秣陵卷之七終

歐虞部集

秣陵卷之七

二

秣陵集

嶺南歐大任楨伯甫著

七言絕句

題杏花春燕圖寄潘居實兄弟

河陽不數種桃家紅杏天邊一片霞誰似毘山雙燕起翩翩春醉曲江花

送何長卿往江西兼詢同伯宗良用晦貞吉

孔陽諸宗侯 三首

南來名士得何顒篆學秦斯隸漢邕一舸圖書前

歐虞部集

秣陵卷之八

路去大江秋色照芙蓉

尊前十日我曾留君去追隨亦雅游最憶豫章勝

鄴下西園飛蓋滿南州

雙魚書不寄江干應問南曹水部官病後青谿曾

弄笛梅花吹送秣陵寒

題畫梅送黎文學君實赴新城

春到東巖萬玉斜青氍毹寒暎廣文家水枝把贈羅

浮色認是江南第一花

文德承小景爲陳季廸題

千尋浮玉有高臺雲氣多從樹杪開携客版橋橋

上望片帆西向大江來

答姚元白折梅見寄

十載揚州更蔣州依然春色在江樓新詩并與花俱到可是來從白鷺洲

次韻答黃白仲毘陵見懷 二首

寒深汀樹鬱蒼蒼歲晚扁舟尚異鄉何事詞人能寄憶風流江左媿周郎

震澤鴻書不可聞布帆猶在白鷗羣青谿谿畔南

歐虞部集

秣陵卷之八

朝宅官閣梅花正待君

雪中看杏花

十年貂帽薊門寒醉折梅花帶玉鞍雪過石城猶是客曲江春傍馬頭看

徐氏東園王蘭花

萬玉林中送艷香纖腰束素舞霓裳何年移得藍田色春在朱門十二廊

積慶庵逢無極講師

師今八十玉毫焚松下華嚴一部經可是許詢都

講席天花頰落竹青青

王氏園看牡丹同唐民部仁卿作

四首

烏衣巷口問王家池籩輕風一駐霞抹撒長安春色裏南來猶憶曲江花

習池今在小長干魏國傳來紫牡丹不用新紅臨水照醉時還倒接離看

亳州只數薛家園聞道延州紅最繁記得汴都三十種盡歸周國憲王門

洛中曾爲看花行綵檻移春尚滿城君自蘭臺稱

歐陽文忠公集

林陵卷之八

三

賦客可令江左似東京

寄余司理明復

安石榴花梔子齊秣陵城下聽鶯啼相思只隔長江水人倚高樓震澤西

贈吳立之謁選入都

二首

敬亭山館五車書謁帝承明有直廬酒態故憐稀叔夜賦才能讓馬相如

江頭一繫孝廉舟能爲秦淮幾日留三尺芙蓉君自佩何人不識是純鈞

送禮上人遊北嶽

君躡丹梯第幾重玉符應在最高峰翩翩玄鶴知何處遙聽恒山半夜鐘

哭沈太史君典

四首

登朝初遇漢恩寬正色危言百代看誰料承明終不返江南天自遠長安

游雖燕市酒人來書是西京賈傳才一自敬亭星殞後滄江鴻鴈不勝哀

過江有約竟何如片語千秋事總虛憶他年聞

歐陽文忠公集

林陵卷之八

四

篋淚可憐未報秣陵書

我來不及與君游宮錦曾聞醉石頭豈但羊曇門

下客至今何限哭西州

別吳翁範翁裴翁晉兄弟

三首

孝豐鼎族姓爲吳爾祖聯翩二大夫世德延陵今不乏更看文藻冠三都

壁立中丞第一峰後來疊出玉芙蓉河東從此稱

三鳳汝水何勞羨八龍

丹山鸞鶴越公兒孔李通家贈我詩別後天涯定

相憶儻能江左寄瑯枝

顧司勳席上送游宗振還莆田

顧榮賓履盛如雲爾去南尋滄海君儻憶江東未
歸客莫令鴻鴈不相聞

王仲房游金陵却歸南原茶隱贈以四詩

山人自號大盧君綠茗清泉臥白雲笑殺舖糟啜
醪客尚留名姓世間聞

人識先生潭上園菟裘新築向南原奴供茶竈僧
供米學得遺安似鹿門

歐虔甫集

卷之八

五

燕趙齊梁一蒨緱邊關裘馬五陵游渴羗不解烹
兒酒只註茶經作隱侯

大郭延帶竺羅問未信巢由亦買山老去風塵機
已息赤松黃石待君還

題孫漢陽折枝花

銷銀綴錦似聞香婀娜深烟暎畫牆爲奏清平供
奉曲折旋應得侍君王

雪夜見梅花寄袁光祿

二首

玉瓣梅花色更新嶺南飛送兩枝春袁家官似東

京口洛下今非臥雪人

寄問中朝光祿勳馬頭春色喜堪聞江南雪過燕
州去纔見梅花便憶君

吳駕部公擇齋中聽李生歌得聲花二韻

二十年前李節箏吳郎今有隴西生隴山鸚鵡隴
頭水散作歌喉窈窕聲

江風嫋嫋江月斜一曲猶聞玉樹花莫問南朝歌
舞日尊前誰似李明霞

姚玄胤折梅見寄憶隆慶初從君家市隱園

歐虔甫集

卷之八

六

看梅已十五年矣今至金陵二載未游茲
園因記朱子价憶梅昨夜下西洲之句輒
酬二詩并呈其尊人鴻臚用博一笑

憶梅昨夜下西洲寄我雙枝過隴頭自笑看花猶
有興却憐詩不似楊州

憶梅昨夜下西洲市隱園中萬玉樓姚家花勝張
家竹尚許僮奴幾度游

送張山人英甫還永嘉

二首

西風把袂白門前回首長安二十年昨舫漸分牛

清月薜蘿歸去鴈山烟

君自東甌處士名五言誰更問長城青楓白鴈江
霜色何限蒲帆送客情

大雪省中對梅花懷李司封于田

鍾山南署玉龍蟠帶得羅浮一樹寒誰謂分曹猶
隔舍今宵不共故人看

題畫梅寄吳子化

建康姑孰雪飛時庾亮樓中坐賦詩春送一枝鍾
阜阜江頭南望寄相思

蘇東坡集

蘇東坡集

七

孔炎寄漢園令碑謂宋均石獸不可樹貽詩
見示然張衡墓石斷裂猶存欲一游月用

韻戲答

宗資瓦篆不能窺榻得南陽園令碑天祿辟邪邪
可問崔家題石尚堪師

子厚以樂府三十闕長短律五十篇見寄輒

報一絕

鬱葱佳氣望春陵握管詞場爾中興才嫺扶風歌

莫答白頭江閣一青燈

寄馮文在

江天樓閣似郊居高臥楊雄一草廬他日漢庭看
執戟十年先著太玄書

題書折枝梅寄馮元用叔姪二首

鍾阜曉巖玉照新乾坤何處不逢春持將水部官
梅去却寄羅浮閣裏人

梅花村裏昔曾棲千樹瓊瑤翠羽啼君見江東一
枝雪憶余携手鐵橋西

送曾參軍使還塞上

蘇東坡集

蘇東坡集

八

稽首降王入漢家吳羅蜀錦照胡沙漁陽正待君
還日萬馬羣嘶首蓓花

葛士修遺墨其兄士隆索題

浪宿茱萸灣上舟鶴鴣猶似在沙頭檢書君掩琴
亡淚零落瑤花十二秋

觀誌公像

裙帽沙門負杖遲金剛菩薩去何時莊嚴笑遇王
居士字字鍾山葬塔碑

卽事二首

鹿散荆榛雉翳烟官家猶算水衡錢 帝恩浩蕩

春如海何但陪京雨露邊

閭里蒼生苦丈田盡更新法荷皇天雲邊尺一權
呼日四海謳歌億萬年

王之相妻繡佛續汪司馬作偈

阿彌陀佛清淨土老婆功德日繡組慈悲憫念爲
永除九十九億劫罪苦

題朱貞吉蟬雀畫扇

東吳顧陸讓精工曾賜廬江小褚公敢與滕王論
秋虞部集 林陵卷之八 九

蛺蝶西山南浦柳絲風

答黃白仲雨中見懷

溪溪竹密雨蕭蕭君掩高齋路不遙驃騎航頭招
隱客酒錢須掛過檀橋

從惟寅乞貝葉經

單傳直指意何如天竺經翻八解餘我向將軍龍
象御山寮分得貝多書

觀舞劍

公孫弟子劍光芒臨穎家惟十二娘玉貌錦衣君

不見杜陵禁得鬢毛蒼

秋夜

江南江北露華深黃葉丹楓寄遠心一夜歸人頭
欲白故園猶隔萬家砧

題白泉小景贈李季常

飛泉仄掛半空寒石室雲扉鎖鬱盤何限鐵橋橋
畔雪竹西歸去幾回看

湛上人自五臺省其師清公還金陵

西風瓢笠渡江關秋滿長干待爾還莫更十方行
秋虞部集 林陵卷之八 十

乞法文殊今在五臺山

送金道存往松江

柳花撲酒驛門前白苧城頭望渺烟若共吳猥懷
粵客木蘭還送渡江船

達摩洞

浮海南行佛業興巖頭猶紀過江僧渡蘆去面嵩
山壁傳得東來第一燈

梅花水

江風搖颺五銖衣鏡作花林雪作圍春八年來池

上樹玉鱗不向白門飛

湧泉菴

阿耨池前白石壇西來一派在江干高僧卓錫飛
空去雲滿山瓢玉液寒

嘉善寺

仙人臺近瞰中峰西礪招提萬樹松豈有支公談
白馬杖藜吾自聽山鍾

觀音巖

普光功德照恒河此地如來十萬多心發菩提歸

歐虞部集

秣陵卷之八

十一

淨土衆生空解念彌阿

翫雲石

璇房瑤室爲誰開五色蓮花石上臺若問此中何
所有只堪怡悅待君來

金陵送黃白仲北上

四首

楊子扁舟送客行飛濤春湧石頭城遙知金馬沈
酣日彩筆憑陵賦二京

易水悲風百尺臺黃金駿骨未須哀浮雲不斷雙
鉤色何限才人碣石來

薦引承明侍從廬西游誰似馬相如芙蓉一片酬
肝膽豈但長楊諫獵書

胡姬邀醉酒家樓意氣新從定遠侯盾鼻檄成羌
笛起曲中應解奏涼州

余太史伯祥序小集以子美同稱戲作解嘲

拾遺風力海鵬搏敢借工曹附羽翰獨有爲郎囊
屢空學君留得一錢看

杜詩云囊空恐羞誰留得一錢看本阮孚故事也

夜直司空尚書省中

青綾曾給尚書郎襖被猶薰粉署香誰似漢家顏

歐虞部集

秣陵卷之八

十二

駟老白頭歸夢在江鄉

仁平慧永慧澄三上人自燕京至四月八日

青谿齋會卽往禮補陀巖

四載難期講下僧豈緣佛日會金陵三支二朗禪

林秀解續家門七祖燈

寶海光中觀世音補陀巖上畫蕭森學人攝念無
生忍辦得西來一片心

酬鍾給事道復以泰山紀勝括昌吟藁見示
使者天門萬里風雞鳴日出海波紅憐予曾撫秦

松樹住岳何年更岱東

白雲明月滿征鞍天籟寥寥瀑布寒讀盡君詩三百首萬山甌括馬前看

送翟從先還東莞

游吳適越興何長曾向滇南上點蒼歸去下帷中
閣夕青藜來照校書郎

秣陵集卷之八終

氏屋部集

秣陵卷之八

七

詔歸集

嶺南歐大任楨伯著

賜休始出尚書省

十載冠簪戀建章豈能經術老爲郎去從酒母雙
茅狗歸問仙人五穗羊黃髮幾家猶舊客白雲何
處是吾鄉候門稚子歡迎日千樹梅花一草堂

答都門諸公

庭下蘭生日漸多羅含不去待如何龍氛尚佩蒼
精劍馬倦猶鳴白玉珂燕趙北來曾慷慨江湖南
渡江至京口吳太守汝亨邀飲北固山上

下未蹉跎秋淡斗酒能相憶已向君前乞薜蘿

涉江方戒旅舟子待迴潮飛蓋勞明牧行觴宴舊

僚蒜山秋雨歇瓜渚夕霜飄何限離人思南征驛

路遙

丹陽別陸華甫吳允兆

華甫辱交二十
年凡五送余別

今年五相送今別况悠哉路出丹陽去情淡白下
來飄零從此始惆悵未能回努力看華髮聽鴻且
莫哀

西林篇寄安茂卿

瑯山不斷吳天碧詞客開林似安石長蕩千家曲
墮青高樓一片五雲白蒲谿蘭坂槿爲援月榭風
軒桂是尊已見吹簫迎竹浦更逢移艇問花源萬
花擁袂何葱蒨幾曲歌喉遞流轉坐滿佳賓北海
歡歌邀羣從西池讌江陵幼婦竹枝詞清溪小姑
桃葉詩謝公雅善洛生詠勝在東山游樂時東山
豈必終焉志辟書四十膺朝寄看君長笑向西林
我詩更續瑯琊記

歐陽修集

詔歸卷之一

二

泊錫山過王彥貽宅

爾家猶未定道在固應窮一仕何妨隱千言已自
工傭堪依廡下世亦避牆東舊雨來今客沙頭繫
短蓬

訪顧仲長山居

策杖尋君日忻逢弱管間恩疏雙鳳闕迹遠九龍
山石室名曾勒岳窓草屢刪相將憐戢羽吾亦倦
飛還

同王彥貽王元方登慧山寺

雲護聽松石上書
茲山何代化人居
露盤藻荇搖珠綴
秋泚芙蓉照綺疏
季子祠荒三讓後
梁鴻溪咽五噫餘
只今惟有泉如玉
給與僧齋饗木魚
王元方邀游寶界山登太白峰望太湖顧仲長王彥貽同賦青字

峰高太白失羣靈
人向江南望客星
九月霜凋千里碧
五湖天入片帆青
魚龍跋浪連胥口
橘柚成林隔洞庭
一出風塵君莫問
鴟夷空自去冥冥

姑蘇驛下遇蹇廉憲汝公別後却寄

蘇虞部集

諸贈卷之一

三

使君齊魯舊儒宗
名起峨眉第一峰
緋照金魚持楚憲
符飛銅虎鎮吳封
烟濤蜚水何因至
羽翮胥山不可從
分手蒼茫還寄問
涉江猶自采芙蓉

九月七日同管臬使曾謝俞三山人集王元

美弁山園

歸客吳門一繫船
問君山徑菊花前
書藏宛委三千卷
樹以槐耆幾萬年
早得皈依親受記
久辭榮祿老思玄
相攜更結菩提約
我向東南七洞天
八日同馮元敏謝少廉俞公臨曹子念飲王

敬美澹園

臨高臺上更登樓
節近重陽且醉游
賓客頻來同小圃
園何處不宜秋
江洲送酒花堪把
洛渚移家樹已稠
捉鼻此中將不免
謝公寧得久淹留

九日同陳敬甫梁伯龍登馬鞍山得高字

霜前木葉下亭臯
扶策登臨不憚勞
冊府天開羣玉積
節樓山擁九霞高
秋聲南入三江棹
海色東來萬里濤
一望崑丘頻極目
莫疑仙客出盧敖

閬門舟中逢李本寧

蘇虞部集

諸贈卷之一

四

姓字當時滿帝都
楚材曾得似君無
多聞已自過胥季
脩姘寧能讓左徒
游傍西陵窺越絕
行隨東武聽吳趨
玉堂舊是摛文客
誰許扁舟泛五湖
十日朱貞吉李本寧
汪子建朱在明葉茂長
汪仲淹謝少廉俞公臨
毛豹孫虎丘枉餞得新字

天涯歸客有綸巾
吳下多逢菡苑人
諸子登壇分會合
一時開府圖清新
尊前月映青鸞閣
樹裡江邊白馬津
背指菊花搖櫓去
可堪煙艇各酸辛

傅吳縣會長州邀餞徐園同李本寧朱貞吉

張幼于許子鳴高子高賦別得門字

夜淡斗酒白家園星燦郎官列宿繁几席邀賓同
鄭驛風流爲政自吳門橋前馬駐青絲轡離畔花
驕綠玉盤誰遣玲瓏歌送客金闌回首欲銷魂

周公瑕枉別舟中

夜雨連江落鴈秋葦間三日自夷猶高人正返荆
溪擺歸客能停笠澤舟欲別不堪頻把袂當歌惟
有一登樓卜居君尚期來往何事相如便倦游

歐虞集

訪王伯穀不遇

訪王伯穀不遇

叩門不可見何處獨藏真堂間解嘲客齋求半偈
人僧牛堪避世題鳳莫逢賓倘許拈書籍從君作
隱淪

張幼于園中觀白公石

白傅風流在千年此石蒼雞林誰並價燕寢坐凝
香秀色煙霞上端居枕席旁君家園倍勝觸目况
琳琅

哭皇甫司勳子循十四韻

二紀論交久吾生一面難言會借挹獎書每問平

安得計初捐袂升堂已蓋棺總惟神默渺丹旄涕
洸瀾公昔含香入時爭捧轡看人倫推秉鑒名理
伏登壇列署官何負三州路自寬詩能卑大脣禪
頗洽長干吳曲工齊瑟滇游泣楚冠還山甘寂寞
開徑逐盤桓願解諸家定揮毫六代殘十千尊是
桂八十夢猶蘭閣束新詩卷船收舊釣竿却憐來
獨晚江海一辛酸

訪劉侍御子威登清舉樓

歐虞集

訪劉侍御子威登清舉樓

六

吳鈞會合久會期二十年來到已遲有客從游開
徑日逢予把臂入林時藏書柱下今周史作賦江
頭似楚詞最是登高還送遠白蘋何處不相思

趙宮保汝思奉使還海虞余亦得歸因書寄

懷

著書太史似龍門東觀械滕幾萬言六傅使因持
節重千秋名豈裂麻尊周南未許仍留滯吳下何
由復記存報爾歸來今覺是中車吾自傍江村

韓承志阮時濟張幼于馬雲卿陳忠甫吳德

光周懋脩錢功甫黃子華張孟彪舟送寶帶

橋賦別得關字

詞客來相送孤蘆一棹閒捲簾披晚霧持觴看秋
山心遠冥鴻去行疲老馬還誰堪吳榜曲歌半似
陽關

江仲嘉九歌堂

卜築西堂發興多新安江淺泛烟波扁舟豈解忘
吳語雙襪偏能學楚歌使者頗曾觀樂否詞人其
奈反騷何應知載酒時來問莫遣山牕長薜蘿

嘉禾遇雨馮太史開之過舟中

軒車坭潦下西臯金馬詞臣出訪勞於越山留三
日雨玄冥風過五湖濤縱譚名理齊鵬鷁老愧機
心謝桔槔君去漢家逢盛禮未須江海憶魚舳

程無過自平湖移舟送至皂林相別

浮生能幾別相見又相違就李帆頻去平湖棹獨
歸林秋楓樹引江晚荻花飛倘念還山客無令鴈
字稀

過呂心文五柳莊題壁上

莊有亡友沈君典石記

語溪城中尋呂子別業城西裁一里躬耕負郭田
十雙種竹編籬襍荆杞五株華蓋植亭亭倦鋤斗
酒時徙倚泰興爲令四十日彭澤棄官亦如此題
詩我似劉遺民作記先傳沈惇史拂予隱矣何快
哉丈夫八尺常崔嵬誰知晉室徵君後五柳先生
歸去來

沈侍御才叔西園

園有空諸閣白業齋

宅勝杭名郡花源入更長晉官知隱客漢姓問漁
郎琴自丘中弄書仍柱下藏空諸何所有湖色滿

山房

鄔汝翼楊思說沈才叔楊仲堅邀汎湖入淨

慈寺轉登棲霞嶺泊柳洲而返

興來載酒上湖舫躡躡躡遙遙望杳冥千歲苾芻開
上竺諸天龍象隱南屏烟波花港寒仍泛燈火松
門夜不扃賓客醉歸蘭漿急沙頭飛過數鷓鴣

喻郡丞邦相信美樓歌

郡丞昔稱水部才嶽巖歷落樟亭來府中金印常
獨綰幾會或廢山公杯杭爲西浙一都會此景信

美斯樓開隙間隱几自吟眺煙霞崑壑爭環迴夷
猶三載亦已久種竹齊肩柳生肘謁舍多賡處士
詩俸錢盡給佳賓酒藤蘿掩映卷簾時風流繚繞
揮毫手未須更覓高陽池樓中勝事何不有君不
見風流今日喻杭州寧數荆南王粲樓早晚黃金
賜顏色便應徵拜富民侯

西湖歌二首

歌舫沿堤水拍平桃花爲扇玉爲箏六橋秋色如
春色猶向芙蓉十里行

歐陽修集

富庶集卷十 九

夢兒亭下蚤霜飛白傅風流醉已歸誰似錢塘蘇
小小夜淺低舞茜羅衣

伍行人廟

古廟荒涼日猶題伍大夫梓存悲鬼伏茆散病鴟
呼西戰啼哀郢東門看破吳可憐行乞客市上一
簫孤

林處士祠

君有詮言在何論隱者流種梅橋欲斷載鶴艇能
留蘋薦空書几松號一竈丘縱陳封禪事不必茂

陵求

岳鄂王墓

族已北轅去鼎猶南渡移黃龍思痛飲白馬哭班
師日暈丹心貫山荒碧血滋嗚呼千古恨扶杖讀
殘碑

于少保墳

己已蒙塵日延秋啼白鳥功能存社稷歎不恨頭
顱往事題旌泣恩淺奉俎趨天君河岳氣蕭颯更
愁胡

歐陽修集

富庶集卷十 十

渡錢塘江

臨安秋早發羅刹片帆開夾岸青龍見驚濤白馬
來速歸頻問驛學賦敢言才渺渺江南思那堪朔
鴈哀

桐廬道中

漸遠桐君閣宮嶠幾萬重林黃垂橘柚江碧汎芙
蓉凍井翁晨汲秋租女夜舂扁舟欹枕臥猶聽隔
山鐘

過釣臺謁嚴先生祠

七里灘頭江路長漢家使者訪行藏衝波絲曳高
臺月倚石裘披大澤霜但有客星隨帝座可能賓
館就君房至今千載蘋蘩在扶策低徊薦一觴

雨宿富春驛 二首

老學羊裘緝芟衣小臣再疏謝彤闈富春夜雨孤
蓬宿豈爲名山緩緩歸

落鴈飛來釣瀨邊竿絲猶繫下津船歸心急似桐
江水一夜疎燈聽雨眠

蘭溪大雨不得游六洞胡元瑞館中菊花盛

歐虞部集

詔歸宋之 上

開留飲共賦因報趙太史

太史自金陵書戒
元瑞謀余游六洞

不果
往

精舍山盤雨裡斜藏書何處更煙霞未窺祭酒蘭
陵簡獨把徵君栗里花留客清尊沾沆瀣懷人新
詠寄蒹葭神鞭欲贈慚無報勾漏將求葛令砂

龍游魯明府遣童秀才叔龍送余衢州因念

亡友童子鳴

高士龍丘里儒衣一少年舊書知石室宿草問江
烟烏柏千村樹黃梁幾碓泉媿君猶繾綣西憶孝

廉船

衢州張兵憲安甫夜讌得旗字

南樓興不淺斗酒本無期意氣一相值風流今在
茲信安秋入柝姑蔑夜舉旗誰念征鴻急江頭獨
去時

廣信韓侍御柱甫邀餞夏園

懷玉東來過楚城正逢孟博出澄清自緣溪舫趨
程日誰似郊園載酒情豸服因之兼問俗魚竿吾
且學逃名買山不是巢由隱借得江湖鼓柁行

歐虞部集

詔歸宋之 上

葛陽舟中逢梁仲登聞已擢守均州喜而有

贈

驛道傳呼楚大夫相逢猶爲一停轡法曹方奏筠
陽績聖主新分竹使符亭表滄浪猶德水疇封
叅上是清都君行藩牧吾能待四百峰頭玉杖孤
舟行久待貞吉不至瑞洪東過趙家園望宮

亭湖作

曉色徐牽鄔子船蒼茫不辨驛門前匡山五老笑
迎日彭澤先生歸去年魚避鷓鴣衝浦浪租徵荻

竹載湖烟西江豈爲猶停樂回首姑蘇月再圓

酬馬中丞

快騎飛書汗血驕十州軍事冠中朝按兵裘帶助
名重開府江湖節制遙車海大風新樂曲南樓明
月舊賓僚自慙歸似尊鱸客不向沙頭一住橈

豫章值宋憲副季鷹人賀初還爲留三日

而別

錫帝承明鷁鷺班南來邂逅在江關橐鞬異日

雖曾執短褐何人敢更攀湖上徐亭勞下榻城邊

歐虞部集

詔歸卷之一

滕閣借看山使君舊是羅浮主贈策將攜五嶺還

宗侯孔陽同其兩姪履方圖南出餞石亭館

瞿孝廉安世亦至得南字

出城勞載酒何以忽聯驂旅泊啼烏樹舟衝落鴈

潭梅先思嶺外桂似戀淮南豫恐銷魂別偏宜待

半酣

宗良元吉君霖三宗侯明孟弢王永叔二孝

廉集送舟中得邊字

詞苑南州客重逢已十年念離臨水驛傳教下津

船筵敞丹楓側帆開白鷺邊倘能懷問閭惟問駱

君田

題元吉種蕉館

湖邊新樹莸鳳尾葉初成瀟洒談名理踟躕謝世
情楸枰涼蔭徙竹笥夕煙生客念嵇中散將相佐
銀行

余德甫哀詞二首

經術終閩臬傷哉時命難岑半差勝吏簪裊未論

官佳岳青箱在豐城紫氣寒客舟頻掩袂淚向武

歐虞部集

詔歸卷之一

陽彈

十年曾不調何謂霍家親馬尾書能謹蛾眉恨未

伸仲翔猶客隄有道自人倫怕聽山陽笛悲風滿

四鄰

六書樓爲君霖賦

莸成考古坐樓中鳥跡沙邊玩不窮周禮曲藏尊

柱下漢官章印詔司空字原許說編重訂文似蕭

齋業並工君自一時朱氏學籀書今已在湖東

新淦夜泊



ZW 2118188825124

西風搖落後久客尚江鄉燈照金川月帆收玉筍
霜鷗磯時泊宅漁市夜鳴榔禁得離愁遠天南鴈
字長

萬安王明府置酒使院遲朱都未返

暫得逢君斗酒間芙蓉何限案頭山風潮只解催
人去不念朱郎萬里還

度嶺五日胥江南下見青蘿山

九峰雲冉冉何似太行情誓墓心偏急藏山氣未
平江楓內史渡沙草伏波營躑躅還家夢楊帆一

歐虞部集

詔歸卷之七 圭

夜行

祇謁 先墓

望山今十載紫誥出彤扉空有皋魚恨誰言結駟
歸恩難酬犬馬淚自洒庭闈五釜嗟何及當時老
布衣